

BHS V<sup>T</sup>



BIBLIOTHECA  
UNIV. JAGIELL.  
CRACOVENSIS


kat.komp.

910320

Mag. St. Dr.

I





910320 I  
Mag. St. Dr.

Fil. 5/780

11526







M. TULLII CICERONIS  
EPISTOLARUM  
AD ATTICUM  
LIBRI XVI.  
AD QUINTUM FRATREM III.  
A D  
M. BRUTUM UNUS.

---

EX RECENSIONE  
JO. AUG. ERNESTI



WARSZAWA, ARCHIW. UNIW. JAGIELL.  
KOLLEKCYA  
PRZEDZIECKICH  
(Z zbiorów Prof. Józefa Łepkowskiego)



*Muczkowski.*

---

WIRCEBURGI,  
Sumtibus JOAN. JACOBI STAHEL,

---

M DCC LXXX.



BIBLIOTHECA  
VNIV. CRACOV.  
CRACOVENSIS

910320

I

910320. D. 21/26(38)





# M. TULLII CICERONIS EPISTOLARUM

A D

A T T I C U M

L I B E R I

---

## A R G U M E N T U M.

*Libri hujus epistolæ partim ante consulatum Ciceronis, partim post consulatum scriptæ sunt. Nam toto consulatus illius tempore Atticus Romæ fuit, omnium consiliorum & actionum ejus monitor, adjutor & administer. Porro illæ, quæ consulatum antecedunt, quæ sunt numero novem, nimirum usque ad eam quæ incipit, Teucris illa: nihil sane continent, quod ad historiam magnopere pertineat. Consequentes vero, usque ad epistolam Nihil mihi, M. Messala & M. Pisone coss. datæ, primum, rem Clodii narrant, ut domi C. Cæsaris cum vestitu muliebri deprehensus fuisset, cum pro populo fieret: totumque de re illa judicium, quo non modo præter fas & æquum, sed etiam præter omnium hominum opinionem, absolutus fuit: deinde, quam mortuo plausu populus Romanus Pompejum exceperit e nobili illa Asia,*



rica expeditione redeuntem. Nam cum nobiles homines, in iis, L. Lucullum cum primis, haberet infensos: illos, quia hominis potentiam ægre ferrent, adeo crevisse, ut jam formidabilis posset esse; hunc, quia erepti sibi triumpho de Mithridate, jam fere debellato, hæreret memoria: non modo obtinere numquam potuit ut acta sua a populo confirmarentur, deque militum præmiis decerneretur: sed ne illud quidem, ut rebus ab se gestis recitandis plausus ex animo daretur. ep. XII. Quæ quidem res omnium, quæ deinceps secuta sunt, malorum fons & origo fuit. Nam quod nec per Messalam & Pisonem primo anno, nec per Metellum & Afranium, ex quibus hunc omnibus invitis per largitionem & ambitum, quo acta sua confirmarentur, curandum curaverat sequenti anno: quod per Flavium Tribunum plebis ut lex agraria perferretur, impetrare non potuit: coitione facta cum Casare & M. Crasso, anno tertio obtinuit, Casare inprimis Consule declarato. Tres ultima epistolæ, Q. Metello Celere, L. Afranio coss. missæ sunt: quorum consulatu de Clodio ad plebem eraducendo agi ceptum est. Quare si ratio temporum subducatur, intelligemus tam paucas libri hujus epistolas, annis amplius octo scriptas fuisse: nempe a Consulatu minimum L. Calii Metelli Cretici, & Q. Marci Vatiæ, qui ædilitatem Ciceronis statim secutus est: usque ad eos quos proxime diximus coss. Scire autem Manutius primas epistolas distribuisse videtur, & quasi in suum locum singulas revocasse; ut nullo negotio, quando primum inter eos initium scribendi factum est, cognosci possit.

**P**etitionis nostræ, quam tibi summæ curæ esse scio, hujusmodi ratio est, quod adhuc conjectura provideri possit. Prensat unus P. Galba, sine fucæ fallaciis, more majorum, negatur. ut opinio est hominum, non aliena rationi nostræ fuit illius hæc præpropera prensatio. nam illi ita negant vulgo, ut mihi se debere dicant. ita quiddam spero nobis profici,



fici, cum hoc percrebrescit, plurimos nostros amicos inveniri. Nos autem initium prensandi facere cogitamus eo ipso tempore, quo tuum puerum cum his litteris proficisci Cincius dicebat, in campo, comitiis tribunitiis, a. d. xvi. Kalend. Sext. Competitores, qui certi esse videantur, Galba, & Antonius, & Q. Cornificius. puto te in hoc aut risisse, aut ingemuisse, ut frontem feras. sunt, qui etiam Cæsonium putent. Aquillium non arbitramur, qui denegavit, & juravit morbum, & illud suum regnum judiciale opposuit. Catilina, si judicatum erit, meridie non lucere, certus erit competitor. De Aufidio, & de Palicano, non puto te expectare, dum scribam. De iis, qui nunc petunt, Cæsar certus putatur. Thermus cum Silano contendere existimatur; qui sic inopes & ab amicis & exultatione sunt, ut mihi videatur non esse *ἀδύνατον*, Curium obducere. sed hoc præter me nemini videtur. Nostris rationibus maxime conducere videtur, Thermum fieri cum Cæsare. nemo est enim ex iis, qui nunc petunt, qui, si in nostrum annum reciderit, firmior candidatus fore videatur; propterea quod curator est viæ Flaminiae, quæ tum erit absoluta. sane facile eum [liberi] *ὑποκρίναι* ciceri [consuli] accuderint. Petitorum hæc est adhuc informata cogitatio. Nos in omni munere candidato fungendo summam adhibebimus diligentiam: & fortasse, quoniam videtur in suffragiis multum posse Gallia, cum Romæ a judiciis forum refrixerit, excurreremus mense Septembri legati ad Pisonem, ut Januario revertamur. Cum perspexero voluntates nobilium, scribam ad te. cetera spero proluxa esse, his duntaxat urbanis competitoribus. Illam manum, tu, mihi, cura ut præstes, quoniam propius abes, Pompeji, nostri amici. nega me ei iratum fore, si ad mea comitia non venerit. Atque hæc hujusmodi sunt. Sed est, quod abs te mihi ignosci pervelim. Cæcilius, avunculus tuus, a P. Vario cum magna pecunia fraudaretur, agere cœpit cum ejus fratre Caninio Satrio de iis rebus, quas eum dolo malo mancipio accepisse de Vario diceret. una agebant ceteri cre-



ditores, in quibus erat Lucullus, & P. Scipio, & is, quem putabant magistrum fore, si bona venirent, L. Pontius. verum hoc ridiculum est, de magistro nunc cognoscere. rogavit me Cæcilius, ut adessem contra Satrium. Dies fere nullus est, quin hic Satrius domum meam ventitet. observat L. Domitium maxime: me habet proximum. fuit & mihi & Q. fratri magno usui in nostris petitionibus. Sane sum perturbatus, cum ipsius Satrii familiaritate, tum Domitii, in quo uno maxime ambitio nostra nititur. Demonstravi hæc Cæcilio: simul & illud ostendi, si ipse unus cum illo uno contenderet, me ei satisfactorum fuisse: nunc in causa universorum creditorum, hominum præsertim amplissimorum, qui sine eo, quem Cæcilius suo nomine perhiberet, facile causam communem sustinerent, æquum esse, eum & officio meo consulere, & tempori. durius accipere hoc mihi visus est, quam vellem, & quam homines belli solent; & postea prorsus ab instituta nostra paucorum dierum consuetudine longe refugit. Abs te peto, ut mihi hoc ignoscas, & me existimes humanitate esse prohibitum, ne contra amici summam existimationem miserimo ejus tempore venirem: cum is omnia sua studia & officia in me contulisset. quodsi voles in me esse durior, ambitionem putabis mihi obstitisse. ego autem arbitror, etiamsi id sit, mihi ignoscendum esse: *ἔπειτα ἔχ' ἱερνίων, ἔδε βοσίων.* vides enim, in quo cursu simus, & quam omnes gratias non modo retinendas, verum etiam acquirendas putemus. Spero tibi me causam probasse; cupio quidem certe. Hermathena tua valde me delectat, & posita ita belle est, ut totum gymnasium *ἡλὶς ἀναθήματα* esse videatur. multum te amamus.

**L** Julio Cæsare, C. Marcio Figulo consulibus, filio lo me auctum scito, salva Terentia. Abs te tam diu nihil litterarum? Ego de meis ad te te rationibus scripsi antea diligenter. Hoc tempore Catilinam, competitorem nostrum, defendere cogitamus. judi-



judices habemus, quos volumus, summa accusatoris voluntate. spero, si absolutus erit, conjunctiorem illum nobis fore in ratione petitionis: sin aliter acciderit, humaniter feremus. Tuo adventu nobis opus est maturo, nam prorsus summa hominum est opinio; tuos familiares, nobiles homines, adversarios honori nostro fore. ad eorum voluntatem mihi conciliandam maximo te mihi usui fore video. quare Januario mense, ut constituisti, cura ut Romæ sis.

## CICERO ATTICO S.

3

**A**viam tuam scito desiderio tui mortuam esse, & simul, quod verita sit, ne Latinæ in officio non manerent, & in montem Albanum hostias non adducerent. ejus rei consolationem ad te L. Saufejum missurum esse arbitror. Nos hic te ad mensem Januarium expectamus, ex quodam rumore, an ex literis tuis ad alios missis? nam ad me de eo nihil scripsisti. Signa, quæ nobis curasti, ea sunt ad Cajetam exposita. nos ea non vidimus. neque enim exeundi Romæ potestas nobis fuit. misimus qui pro vectura solveret. te multum amamus, quod ea abs te diligenter, parvoque curata sunt. Quod ad me sæpe scripsisti de nostro amico placando, feci, & expertus sum omnia: sed mirandum in modum est animo abalienato: quibus de suspicionibus, etsi audisse te arbitror, tamen ex me, cum veneris, cognosces. Sallustium præsentem restituere in ejus veterem gratiam non potui. Hoc ad te scripsi, quod is me accusare de te solebat. in se expertus est, illum esse minus exorabilem, meum studium nec tibi defuisse. Tulliolam C. Pisoni L. F. Frugi despondimus.

## CICERO ATTICO S.

4

**C**rebras expectationes nobis tui commoves. nuper quidem, cum jam te adventare arbitraremur, repente abs te in mensem Quintilem rejehti sumus. nunc vero censeo; quod commodum tuo facere poteris, venias ad id tempus, quod scribis. obieris Quinti



fratris comitia; nos longo intervallo viferis; Acutianam controversiam transegeris. hoc me etiam Peduceus, ut ad te scriberem, admonuit. putamus enim utile esse, te aliquando jam rem transigere. mea intercessio parata & est & fuit. Non hic incredibili ac singulari populi voluntate de C. Macro transegimus. cui cum æqui fuisset, tamen multo maiorem fructum ex populi existimatione, illo damnato, cepimus, quam ex ipsius, si absolutus esset, gratia cepissemus. Quod ad me de Hermathena scribis, per mihi gratum est, & ornamentum Aeademiæ proprium meæ, quod & Hermes commune omnium, & Minerva singulare est insigne ejus gymnasii. quare velim, ut scribis, ceteris quoque rebus quam plurimis eum locum ornes. Quæ mihi antea signa misisti, ea nondum vidi. in Formiano sunt; quo ego nunc proficisci cogitabam. illa omnia in Tusculanum deportabo. Cajetam, si quando abundare cæpero, ornabo. Libros tuos conserva; & noli desperare, eos me meos facere posse. quod si assequor, supero Crassum divitiis, atque omnium vicos, & prata contemno.

**Q**uamvis dolorem acceperim, & quanto fructu sim privatus & forensi & domestico, Lucii fratris nostri morte, in primis, pro nostra consuetudine, tu existimare potes. nam mihi omnia, quæ jucunda ex humanitate alterius & moribus homini accidere possunt, ex illo accidebant. quare non dubito, quin tibi quoque id molestum sit, cum & meo dolore moveare, & ipse omni virtute, officioque ornatissimum, tuique & sua sponte, & meo sermone amantem, affinem, amicumque amiseris. Quod ad me scribis de sorore tua; testis erit tibi ipsa, quantæ mihi curæ fuerit, ut Quinti fratris animus in eam esset is, qui esse deberet. quem cum esse offensorem arbitrarer, eas litteras ad eum misi, quibus & placarem ut fratrem, & monerem ut minorem, & objurgarem ut errantem.

Ita.



Itaque ex iis, quæ postea sæpe ab eo ad me scripta sunt, confido ita esse omnia, ut & oporteat, & velimus. De litterarum missione sine causa abs te accusor. numquam enim a Pomponia nostra certior sum factus, esse, cui litteras dare possem. porro autem neque mihi accidit, ut haberem, qui in Epirum proficisceretur: neque dum te Athenis esse audiebamus. De Acutiliano autem negotio quod mihi mandaras, ut primum a tuo digressu Romam veni, confeceram: sed accidit, ut & contentione nihil opus esset, & ut ego, qui in te satis consilii statuerim esse, mallem Peducæum tibi consilium per litteras, quam me dare. Etenim cum multos dies aures meas Acutilio dedissem, (cujus sermonis genus tibi notum esse arbitror,) non mihi grave duxissem scribere ad te de illius querimoniis, cum eas audire, quod erat subdiosum, leve putassem. sed abs te ipso, qui me accusas, unas mihi scito litteras redditas esse, cum & otii ad scribendum plus, & facultatem dandi majorem habueris. Quod scribis, etiamsi cujus animus in te esset offensior, a me recolligi oportere; quid dicas: neque id neglexi: sed est miro quodam modo affectus. ego autem, quæ dicenda fuerunt de te, non præterii. quid autem contendendum esset, ex tua putabam voluntate statuere oportere: quam si ad me perscripseris, intelliges me neque diligentiorē esse voluisse, quam tu esses, neque negligentiorē fore, quam tu velis. De Tadiana re, mecum Tadius locutus est, te ita scripsisse, nihil esse jam, quod laboraretur, quoniam hereditas usucapta esset. id mirabamur te ignorare, de tutela legitima, in qua dicitur esse puella, nihil usucapi posse. Epiroticam emtionem gaudeo tibi placere. Quæ tibi mandavi, & quæ tu intelliges convenire nostro Tusculano, velim, ut scribis, cures, quod sine molestia tua facere poteris. nam nos ex omnibus molestiis & laboribus uno illo in loco conquiescimus, quo fratrem quotidie exspectamus. Terentia magnos articulorum dolores habet, & te, & sororem tuam, & matrem maxime diligit, salutemque tibi plurimam adscribit, & Tulliola, delicia nostræ. Cura, ut va-



leas, & nos ames; & tibi persuadeas, te a me fraterne amari.

X

6

## CICERO ATTICO S.

**N**on committam posthac, ut me accusare de epistolarum negligentia possis. tu modo videto, in tanto otio ut par mihi sis. Domum Rabirianam Neapoli, quam tu jam dimensam & exadificatum animo habebas, M. Fonteius emit H. S. ccciooo xxx. id te scire volui, si quid forte ea res ad cogitationes tuas pertineret. Q. frater, ut mihi videtur, quo volumus animo est in Pomponiam, & cum ea nunc in Arpinatibus prædiis erat, & secum habebat hominem *χρησόμενον*, D. Turranium. Pater nobis decessit a. d. viii. Kal. Decembr. Hæc habebam fere, quæ te scire vellem. Tu, velim, si qua ornamenta *γυμνασίου* reperire poteris, quæ loci sint ejus, quem tu non ignoras, ne prætermittas. Nos Tusculano ita delectamur, ut nobismet ipsis tum denique, cum illo venimus, placeamus. Quid agas omnibus de rebus, & quid acturus sis, fac nos quam diligentissime certiores.

7

## CICERO ATTICO S.

**A**pud matrem recte est, eaque nobis curæ est. L. Cincio H. S. XXCD constitui me curaturum Idibus Febr. Tu, velim, ea, quæ nobis emisse & parasse scribis, des operam, ut quam primum habeamus: & velim cogites, id quod mihi pollicitus es, quemadmodum bibliothecam nobis conficere possis. omnem spem delectationis nostræ, quam, cum in otium venerimus, habere volumus, in tua humanitate positam habemus.

8

## CICERO ATTICO S.

**A**pud te est, ut volumus. mater tua & soror a me Quintoque fratre diligitur. Cum Acutillio sum locutus. is sibi negat a suo procuratore quidquam scriptum esse, & miratur istam controversiam fuisse, quod ille recusavit satisfacere, amplius abs te non peti.

Quod



Quod te de Tadiano negotio decidisse scribis, id ego Tadio & gratum esse intellexi, & magnopere jucundum. Ille noster amicus, vir mehercule optimus, & mihi amicissimus, sane tibi iratus est. hoc, si, quanti tu aestimes, sciam, tum, quid mihi elaborandum sit, scire possim. L. Cincio H-S cccccc cccccc pro signis Megaricis, ut tu ad me scripseras, curavi. Hermæ tui Pentelici cum capitibus æneis, de quibus ad me scripsisti, jam nunc me admodum delectant. quare velim, & eos, & signa, & cetera, quæ tibi ejus loci, & nostri studii, & tuæ elegantiae esse videbuntur, quam plurima, quam primumque mittas, & maxime quæ tibi gymnasii xylistique videbuntur esse. nam in eo genere sic studio efferimur, ut abs te adjuvandi, ab alii prope reprehendendi simus. si Lentuli navis non erit, quo tibi placebit, imposito. Tulliola, deliciolæ nostræ, tuum munusculum flagitat, & me, ut sponso rem, appellat. mihi autem abjurare certius est, quam dependere.

## CICERO ATTICO S.

9

Nimium raro nobis abs te litteræ afferuntur: cum & multo tu facilius reperias, qui Romam profisciscantur, quam ego, qui Athenas: & certius tibi sit, me esse Romæ, quam mihi, te Athenis. itaque propter hanc dubitationem meam brevior hæc ipsa epistola est: quod, cum incertus essem, ubi esses, nolebam illum nostrum familiarem sermonem in alienas manus devenire. Signa Megarica, & Hermas, de quibus ad me scripsisti, vehementer exspecto. quidquid ejusdem generis habebis, dignum Academia tibi quod videbitur, ne dubitaris mittere, & arcæ nostræ confidito. genus hoc est voluptatis meæ: quæ γυμνασιωδὴ maxime sunt, ea quæro. Lentulus naves suas pollicetur. peto abs te, ut hæc cures diligenter. Chilius te rogat, & ego ejus rogatu, Ἐμολπιδῶν πατέρα.

*inf. m. m. m.*

*inf. m. m. m.*

CICE-



Cum essem in Tusculano, (erit hoc tibi pro illo tuo, Cum essem in Ceramico,) verumtamen cum ibi essem, Roma puer, a sorore tua missus, epistolam mihi abs te allatam dedit, nuntiavitque, eo ipso die post meridiem iturum, qui ad te proficisceretur. eo factum est, ut epistolæ tuæ rescriberem aliquid; brevitate temporis tam pauca cogerer scribere. Primum tibi de nostro amico placando, aut etiam plane restituendo polliceor. quod ego, etsi mea sponte ante faciebam, eo nunc tamen & agam studiosius, & contendam ab illo vehementius, quod tantam ex epistola voluntatem ejus rei tuam perspicere videor. hoc te intelligere volo, pergraviter illum esse offensum: sed quia nullam video gravem subesse causam, magnopere confido illum fore in officio, & in nostra potestate. Signa nostra, & Hermeracras, ut scribis, cum commodissime poteris, velim imponas, & si quod aliud <sup>οικειον</sup> ejus loci, quem non ignoras, reperies, & maxime, quæ tibi palæstræ, gymnasiique videbuntur esse etenim ibi sedens hæc ad te scribebam; ut me locus ipse admoneret. Præterea typos tibi mando, quos in testorio atrioli possim includere, & putealia sigillata duo. Bibliothecam tuam cave cuiquam despondeas, quamvis acrem amatorem inveneris: nam ego omnes meas vindemiolas eo reservo, ut illud subsidium senectuti parem. De fratre, confido ita esse, ut semper volui & elaboravi. multa signa sunt ejus rei, non minimum, quod soror prægnans est. De comitiis meis & tibi me permisisse nemini, & ego jampridem hoc communibus amicis, qui te expectant, prædico: te non modo non arceffi a me, sed prohiberi; quod intelligam, multo magis interesse tua, te agere, quod agendum est hoc tempore, quam mea, de adesse, comitiis. proinde eo animo te velim esse, quasi mei negotii causa in ista loca missus esses. me autem eum & offendes erga te, & audies quasi mihi, si qua parta erunt; non modo te præsentem, sed per te parta sint. Tulliola tibi diem dat; sponso-  
rem appellet.

CICE-



**E**t mea sponte faciebam antea, & post, duabus epistolis tuis perdiligenter in eandem rationem scriptis, magnopere sum commotus. eo accedebat hortator assiduus Sallustius, ut agerem quam diligentissime cum Luccejo de vestra vetere gratia reconcilianda. sed, cum omnia fecissem, non modo eam voluntatem ejus, quæ fuerat erga te, recuperare non potui, verum ne causam quidem elicere immutatæ voluntatis. tametsi jactat ille quidem illud tuum arbitrium, & ea, quæ jam tum, cum aderas, offendere ejus animum intelligebam: tamen habet quiddam profecto, quod magis in animo ejus insederit, quod neque epistolæ tuæ, neque nostra allegatio tam potest facile delere, quam tu præsens non modo oratione, sed tuo vultu illo familiari tolles, si modo tanti putabis id; quod, si me audies, & si humanitati tuæ constare voles, certe putabis. ac, ne illud mirere, cur, cum ego antea significarem tibi per litteras, me sperare illum in nostra potestate fore, nunc idem videar diffidere; incredibile est, quanto mihi videatur illius voluntas obstinatio, & in hac iracundia confirmatio: sed hæc aut sanabuntur, cum veneris; aut ei molesta erunt, in utro culpa erit. Quod in epistola tua scriptum erat, me jam arbitrari designatum esse; scito, nihil tam exercitum esse nunc Romæ, quam candidatos, omnibus iniquitatibus; nec, quando futura sint comitia, sciri. verum hæc audies de Philadelpho. Tu, velim, quæ Academiæ nostræ parasti, quamprimum mittas. mire quam illius loci non modo usus, sed etiam cogitatio delectat. Libros vero tuos cave cuiquam tradas. nobis eos, quemadmodum scribis, conserva. summum me eorum studium tenet, sicut odium jam certarum rerum: quas tu, incredibile est, quam brevi tempore quanto deterioris offensurus sis, quam reliquisti.



**T**eucriis illa lentum fane negotium: neque Corne-  
 lius ad Terentiam postea rediit. opinor, ad  
 Confidium, Axium, Selicium confugiendum est. nam  
 a Cæcilio propinqui minore centesimis numum mo-  
 vere non possunt. sed, ut ad prima illa redeam, ni-  
 hil ego illa impudentius, astutius, lentius vidi. liber-  
 tum mitto: Tito mandavi: σκηψεις atque ἀναβολαίς  
 sed nescio, an ταυτομασίαν ἔμεν. nam mihi Pompejani  
 prodromi nuntiant, aperte Pompejum asturum, An-  
 tonio succedi oportere: eodemque tempore aget præ-  
 tor ad populum. res ejusmodi est, ut ego, nec per  
 bonorum, nec per popularem existimationem, honeste  
 possim hominem defendere: nec mihi libeat, quod  
 maximum est. etenim accidit hoc, quod totum, cu-  
 jusmodi sit, mando tibi, ut perspicias. Libertum  
 ego habeo, fane nequam hominem, Hilarum dico,  
 ratiocinatorem, & clientem tuum. De eo mihi Va-  
 lerius interpres nuntiat, Chiliusque se audisse scribit  
 hæc; esse hominem cum Antonio: Antonium porro  
 in cogendis pecuniis dicitare, partem mihi quæri, &  
 a me custodem communis quæstus libertum esse mis-  
 sum. Non sum mediocriter commotus: neque ta-  
 men credidi: sed certe aliquid sermonis fuit. totum  
 investiga, recognosce, perspice, & nebulonem illum,  
 si quo pacto potes, ex istis locis amove. Hujus ser-  
 monis Valerius auctorem Cn. Plancium nominabat.  
 mando tibi plane, totum, ut videas, cujusmodi sit.  
 Pompejum nobis amicissimum constat esse. Divor-  
 tium Muciæ vehementer probatur. P. Clodium, Ap-  
 pii F. credo te audisse, cum veste muliebri deprehen-  
 sum domi C. Cæsaris, cum pro populo fieret, eum-  
 que per manus servulæ servatum & educatum; rem  
 esse insigni infamia: quod te moleste ferre certo scio.  
 Quod præterea ad te scribam, non habeo. & meher-  
 cule eram conturbatior. nam puer festivus, anagno-  
 stes noster, Sositheus decesserat, meque plus, quam  
 servi mors debere videbatur, commoverat. Tu ve-  
 lim sæpe ad nos scribas. si rem nullam habebis, quod  
 in



in buccam venerit, scribito. Kal. Januar. M. Mes-  
sala, M. Pisone coss.

## CICERO ATTICO S.

13

**A**ccepi tuas tres jam epistolas: unam a M. Corne-  
lio, quam Tribus Tabernis, ut opinor, ei de-  
didisti; alteram, quam mihi Canusinus tuus hospes red-  
didit; tertiam, quam, ut scribis, ancora soluta, de  
phaselo dedisti: quæ fuerunt omnes rhetorum. pure  
loquuntur, cum humanitatis sparsæ sale, tum insi-  
gnes amoris notis. quibus epistolis sum equidem  
abs te laceffitus ad scribendum; sed idcirco sum tar-  
dior, quod non invenio fidelem tabellarium. quotus  
enim quisque est, qui epistolam paullo graviores  
ferre possit, nisi eam pellectione relevavit? accedit  
eo, quod mihi non est notum, ut quisque in Epi-  
rum proficiscatur. ego enim te arbitror, cæsis apud  
Amaltheam tuam victimis, statim esse ad Sicyonem  
oppugnandum profectum. neque tamen id ipsum cer-  
tum habeo, quando ad Antonium proficiscare, aut  
quid in Epiro temporis ponas. ita neque Achaicis  
hominibus, neque Epiroticis paullo liberiores litte-  
ras committere audeo. Sunt autem post discessum a  
me tuum res dignæ litteris nostris, sed non commit-  
tendæ ejusmodi periculo, ut aut interire, aut aperiri,  
aut intercipi possint. Primum igitur scito, primum  
me non esse rogatum sententiam, propositumque esse  
nobis pacificatorem Allobrogum, idque admurmu-  
rante senatu, neque me invito, esse factum. sum enim  
& ab observando homine perverso liber, & ad digni-  
tatem in republica retinendam contra illius volunta-  
tem solutus: & ille secundus in dicendo locus habet  
auctoritatem pæne principis, & voluntatem non ni-  
mis devinctam beneficio consulis. Tertius est Catu-  
lus, quartus (si etiam hoc quæris) Hortensius. Con-  
sul autem ipse parvo animo & pravo, tantum cavilla-  
tor genere illo moroso, quod etiam sine dicacitate ri-  
detur, facie magis, quam facetiis ridiculus, nihil  
agens cum republica, sejunctus ab optimatibus: a quo  
nihil speres boni reipublicæ, quia non vult; nihil me-

tuas



tuas mali, quia non audet. ejus autem collega & in me perhonorificus, & partium studiosus, ac defensor bonarum. quinimmo leviter inter se dissident. Sed vereor, ne hoc, quod infestum est, serpat longius. credo enim te audisse, cum apud Cæsarem pro populo fieret, venisse eo muliebri vestitu virum; idque sacrificium cum virgines instaurassent, mentionem a Q. Cornificio in senatu factam: (is fuit princeps; ne tu forte aliquem nostrum putes;) postea rem ex senatus consulto ad pontifices relatum, idque ab iis nefas esse decretum: deinde ex senatus consulto consules rogationem promulgasse; uxori Cæsarem nuntium remisisse. In hac causa Piso, amicitia P. Clodii ductus, operam dat, ut ea rogatio, quam ipse fert, & fert ex senatus consulto & de religione, antiquetur. Messala vehementer adhuc agit severe. boni viri precibus Clodii remouentur a causa: operæ comparantur, nosmetipsi, qui Lycurgei a principio fuissimus, quotidie demitigamur. instat & urget Cato. Quid multa? vereor, ne hæc, neglecta a bonis, defensa ab improbis, magnorum reipublicæ malorum causa sint. Tuus autem ille amicus, (scin' quem dicam?) de quo tu ad me scripsisti, posteaquam non auderet reprehendere, laudare cœpisse, nos, ut ostendit, admodum diligit, amplectitur, amat, aperte laudat; occulte, sed ita, ut perspicuum sit, invidet. nihil come, nihil simplex, nihil *ἐν τοῖς πολιτικοῖς* honestum, nihil illustre, nihil forte, nihil liberum. Sed hæc ad te scribam alias subtilius. nam neque adhuc mihi satis nota sunt: & huic, terræ filio, nescio cui, committere epistolam tantis de rebus non audeo. Provincias prætores nondum sortiti sunt. res eodem est loci, quo reliquisti. *τοπαρχίαν*, quam postulas, Miseni & Puteolorum, includam orationi meæ. A. d. III. Non. Decem. mendose fuisse animadverteram. Quæ laudas ex orationibus, mihi crede, valde mihi placebant: sed non audebam antea dicere. nunc vero, quod a te probata sunt, multo mihi *ἁττικωτέρα* videntur. In illam orationem Metellinam addidi quædam. Liber tibi mittetur; quoniam te amor nostri *φιλοστον* reddi-



reddidit. Novi tibi quidnam scribam? quid? etiam Messala consul Autronianam domum emit H-S ccccxvii. quid id ad me, inquires? tantum, quod ea emtione & nos bene emisisse iudicati sumus: & homines intelligere ceperunt, licere amicorum facultatibus in emendo ad dignitatem aliquam pervenire. Teucris illa lentum negotium est, sed tamen est in spe. tu ista confice. a nobis liberio rem epistolam expecta. vi. Kalend. Febr. M. Messala & M. Pisone  
COSS.

## CICERO ATTICO S.

14

Vereor, ne putidum sit scribere ad te, quam sim occupatus; sed tamen distinebar, ut huic vix tantulæ epistolæ tempus habuerim, atque id ereptum e summis occupationibus. Prima concio Pompeji qualis fuisset, scripsi ad te antea, non jucunda miseris, inanis improbis, beatis non grata, bonis non gravis. itaque frigeat, tum Pisonis consulis impulsu levissimus tribunus plebis Fufius in concionem produxit Pompejum. res agebatur in circo Flaminio: & erat in eo ipso loco illo die nundinarum πανηγυρις. quasi- vit ex eo, placeretne ei, iudices a prætore legi, quo consilio idem prætor uteretur. id autem erat de Clodiana regione ab senatu constitutum. tum Pompejus κατ' ἀριστοκρατικῶς locutus est, senatusque auctoritatem sibi omnibus in rebus maximam videri, semperque visam esse, respondit, & id multis verbis. Postea Messala consul in senatu de Pompejo quæsit, quid de religione, & de promulgata rogatione sentiret. locutus ita est in senatu, ut omnia illius ordinis consulta γυνικῶς laudaret: mihiq; ut assedit, dixit, se putare, satis ab se etiam de istius rebus esse responsum. Crassus posteaquam vidit, illum excepisse laudem ex eo, quod suspicarentur homines, ei consulatum meum placere, surrexit, ornatissimeque de meo consulatu locutus est; ut ita diceret, se, quod esset senator, quod civis, quod liber, quod viveret, mihi acceptum referre; quoties conjugem, quoties domum, quoties patriam videret, toties se beneficium meum videre. Quid multa? totum hunc lo-

Cic. Epist. Tom. II.

B

cum,



cum, quem ego varie meis orationibus, quarum tu Aristarchus es, soleo pingere, de flamma, de ferro, (nolli illas *ἀνύδεις*,) valde graviter pertexit. Proxime Pompejum sedebam. intellexi hominem moveri; utrum Crassum inire eam gratiam, quem ipse pratermisisset, an esse tantas res nostras, quæ tam libenti senatu laudarentur, ab eo præsertim, qui mihi laudem illam eo minus deberet, quod meis omnibus litteris in Pompejana laude perfrictus esset. Hic dies me valde Crasso adjunxit: & tamen, ab illo aperte, teste quidquid est datum, libenter accepi. ego autem ipse, dii boni! quod modo *ἄνεργευσάμην* novo auditori Pompejo? sin umquam mihi *περίοδοι*, *ἢ καμπαί*, *ἢ ὑδρὸν πῦρ*, *ἢ κατὰ κενὸν* suppeditaverunt, illo tempore. Quid multa? clamores. etenim hæc erat *ὑποθεσίς*, de gravitate ordinis, de equestri concordia, de consensione Italiæ, de immortalis reliquiis conjurationis, de vilitate, de otio. nosti jam in hac materia sonitus nostros: tanti fuerunt, ut ego eo brevior sim, quod usque istim exauditos putem. Romanæ autem se res sic habent. Senatus *ἀγρίος πάγος*, nihil constantius, nihil severius, nihil fortius. nam cum dies venisset rogationi ex senatus consulto ferendæ, concursabant barbatuli juvenes, totus ille grex Catilinæ, duce filiola Curionis, & populum, ut antiquaret, rogabant. Piso autem consul, lator rogationis, idem erat disuasor. operæ Clodianæ pontes occupant. tabellæ ministrabantur ita, ut nulla daretur *ὑπὲρ* *ῥογᾶς*. Hic tibi Rostra Cato advolat, convicium Pisoni consuli mirificum facit; si id est convicium, vox plena gravitatis, plena auctoritatis, plena denique salutis. accedit eodem etiam noster Hortensius, multi præterea boni. insignis vero opera Favonii fuit. Hoc concursu optimatum comitia dimittuntur: Senatus vocatur. cum decerneretur frequenti senatu, contra pugnante Pifone, ad pedes omnium singillatim accidente Clodio, ut consules populum cohortarentur ad rogationem accipiendam; homines ad xv. Curioni, nullum senatus consultum facienti, assenserunt: ex altera parte facile ecce fuerunt. acta res est. Fufius



tus tribunus tum concessit. Clodius conciones mis-  
 ras habebat, in quibus Lucullum, Hortensium, C.  
 Pisonem, Messalam consulem contumeliose lædebat;  
 me tantum comperisse omnia criminabatur. Senatus  
 & de provinciis prætorum, & de legationibus, & de  
 ceteris rebus decernebat, ut ante, quam rogatio lata  
 esset, ne quid ageretur. Habes res Romanas. sed ta-  
 men etiam illud, quod non speraram, audi. Mes-  
 sala consul est egregius, fortis, constans, diligens,  
 nostri laudator, amator, imitator. ille alter uno vi-  
 tio minus vitiosus; quod iners, quod somni plenus,  
 quod imperitus, quod ἀπρακτοτάτος, sed voluntate ita  
 κακῆς, ut Pompejum post illam concionem, qua  
 ab eo senatus laudatus est, odisse cœperit. itaque mi-  
 rum in modum omnes a se bonos alienavit. neque id  
 magis amicitia Clodii adductus facit, quam studio  
 perditarum rerum atque partium. sed habet sui simi-  
 lem in magistratibus, præter Fusium, neminem. Bo-  
 nis utimur tribunis plebis, Cornuto vero pseudoca-  
 tone. Quid quæris? nunc ad privata redeam, Τευ-  
 ρῆς promissa patravit. tu mandata effice, quæ rece-  
 pisti. Quintus frater, qui Argiletani ædificii reli-  
 quum dodrantem emit H. S. dccxxv, Tusculanum ven-  
 ditat, ut, si possit, emat Pacilianam domum. Cum  
 Luccejo in gratiam redi. video hominem valde pe-  
 titurire. navabo operam. Tu, quid agas, ubi sis,  
 cujusmodi istæ res sint, fac me quam diligentissime  
 certiolem. Idibus Febr.

## CICERO ATTICO S.

15

A siam Quinto, suavissimo fratri, obtigisse audisti:  
 non enim dubito, quin celerius tibi hoc rumor,  
 quam ullius nostrum litteræ nuntiarint. nunc quo-  
 niam & laudis avidissimi semper fuimus, & præter  
 ceteros φιλέλλῃες & sumus & habemur, & multorum  
 odia atque inimicitias reipublicæ causa suscepimus;  
 πάντοτε ἀγῆτος μνηστικο, curaque, effice, ut ab omnibus  
 & laudemur & amemur. His de rebus plura ad te  
 in ea epistola scribam, quam ipsi Quinto dabo. Tu  
 me, velim, certiolem facias, quid de meis mandatis



egeris, atque etiam, quid de tuo negotio. nam ut Brundisio profectus es, nullæ mihi abs te sunt redditæ litteræ. valde haveo scire quid agas. Idib. Mart.

16

CICERO ATTICO S.

**Q**uæris ex me, quid acciderit de iudicio, quod tam præter opinionem omnium factum sit: & simul vis scire, quo modo ego minus, quam soleam, præliatus sim: respondebo tibi *ὅτι, πότερον, ὅπως.* Ego enim, quam diu senatus auctoritas mihi defendenda fuit, sic acriter ac vehementer præliatus sum, ut clamor concursusque maxima cum mea laude fierent. quod si tibi umquam sum visus in republica fortis, certe me in illa causâ admiratus esses. cum enim ille ad conciones confugisset, in iis meo nomine ad invidiam uteretur, dii immortales! quas ego pugnas & quantas strages edidi? quos impetus in Pisonem, in Curionem, in totam illam manum feci? quo modo sum insectatus levitatem senum, libidinem juventutis? sæpe, ita me dii juvent! te non solum auctorem consiliorum meorum, verum etiam spectatorem pugnarum mirificarum desideravi. Postea vero quam Hortensius excogitavit, ut legem de religione Fufius tribunus plebis ferret, in qua nihil aliud a consulari rogatione differebat, nisi iudicum genus; (in eo autem erant omnia;) pugnavitque, ut ita fieret: quod & sibi & aliis persuaserat, nullis illum iudiciis effugere posse: contraxi vela, perspiciebat inopiam iudicum; neque dixi quicquam pro testimonio, nisi quod erat ita notum atque testatum, ut non possem præterire. itaque, si causam quæris absolutionis, (ut jam *προς το πότερον* revertar,) egestas iudicum fuit, & turpitudine. Id autem ut accideret, commissum est Hortensii consilio: qui dum veritus est, ne Fufius ei legi intercederet, quæ ex senatus consulto ferebatur, non vidit illud, satius esse, illum in infamia relinqui ac sordibus, quam infirmo iudicio committi. sed datus odio properavit rem deducere in iudicium; cum illum plumbeo gladio jugulatum iri tamen diceret. Sed iudicium, si quæris, quale fuerit, incredibili exitu, sic,

uti



uti nunc ex eventu ab aliis, a me tamen ex ipso initio consilium Hortensii reprehendatur. nam ut reiectio facta est clamoribus maximis; cum accusator, tamquam censor bonus, homines nequissimos rejiceret: reus, tamquam clemens lanista, frugalissimum quemque fecerneret; ut primum iudices confederunt, valde diffidere boni cœperunt. non enim umquam turpior in ludo talario confessus fuit. maculosi senatores, nudi equites, tribuni non tam ærati, quam, ut appellantur, ærarii. pauci tamen boni inerant, quos reiectione fugare ille non potuerat; qui mæsti inter sui dissimiles, & mœrentes sedebant, & contagione turpitudinis vehementer permovebantur. hic, ut quæque res ad consilium primis postulationibus referebatur, incredibilis erat severitas, nulla varietate sententiarum: nihil impetrarat reus: plus accusatori dabatur, quam postulabat: triumphabat (quid quæris?) Hortensius, se vidisse tantum: nemo erat, qui illum reum, ac non millies condemnatum arbitraretur. me vero teste producto, credo te, ex acclamatione Clodii advocatorum, audisse, quæ consurrectio iudicum facta sit, ut me circumsteterint, ut aperte jugula sua pro meo capite P. Clodio ostentarint. quæ mihi res multo honorificentior visa est, quam aut illa, cum jurare tui cives Xenocratem testimonium dicentem prohibuerunt; aut cum tabulas Metelli Numidici, cum hæc, ut mos est, circumferrentur, nostri iudices aspicere noluerunt. multo hæc, inquam, nostra res major. Itaque iudicum vocibus, cum ego sic ab iis, ut salus patriæ, defenderer, fractus reus, & una patroni omnes conciderunt. ad me autem eadem frequentia prostridie convenit, quacum abiens consultatus sum domum reductus. clamare præclari Ariopagitæ, se non esse venturos, nisi præsidio constituto. refertur ad consilium: una sola sententia præsidium non desideravit. defertur res ad senatum; gravissime ornatissimeque decernitur: laudantur iudices: datur negotium magistratibus: responsurum hominem nemo arbitrabatur. Ἐσπετε γὰρ μοι μὲν αἱ, ὅσπῳ δὲ πρῶτον πύρ  
 ἤμπετοι. nostri Calvum, ex Nannejanis illum, illum



laudatorem meum, de cujus oratione erga me honorifica ad te scripseram. biduo per unum servum, & eum ex gladiatorio ludo, confecit totum negotium: arcessivit ad se, promissit, intercessit, dedit. jam vero (o dii boni! rem perditam!) etiam noctes certarum mulierum, atque adolescentulorum nobilium introductiones nonnullis iudicibus pro mercedis cumulo fuerunt. ita, summo discessu bonorum, pleno foro servorum, xxv. iudices ita fortes tamen fuerunt, ut, summo proposito periculo, vel perire maluerint, quam perdere omnia. xxxi. fuerunt, quos fames magis, quam fama commovit. quorum Catulus cum vidisset quendam, Quid vos, inquit, praesidium a nobis postulatis? an, ne numi vobis eriperentur, timebatis? Habes, ut brevissime potui, genus iudicii, & causam absolutionis. Quæris deinceps, qui nunc sit status rerum, & qui meus. Reipublicæ statum illum, quem tu meo consilio, ego divino confirmatum putabam, qui bonorum omnium conjunctione, & auctoritate consulatus mei, fixus & fundatus videbatur, nisi quis nos deus respexerit, elapsum scito esse de manibus uno hoc iudicio: si iudicium est, triginta homines populi Romani levissimos ac nequissimos, numulis acceptis, jus ac fas omne delere, & quod omnes non modo homines, verum etiam pecudes factum esse sciant, id Talnam, & Plautum, & Spongiam, & ceteras huiusmodi quisquilias statuere, numquam esse factum. Sed tamen, ut te de republica consoler, non ita, ut sperarunt mali, tanto imposito reipublicæ vulnere, alacris exultat improbitas in victoria. nam plane ita putaverunt, cum religio, cum pudicitia, cum iudiciorum fides, cum senatus auctoritas concidisset, fore, ut aperte viri nequitia ac libido pœnas ab optimo quoque peteret sui doloris, quem improbissimo cuique inusserat severitas consulatus mei. Idem ego ille, (non enim mihi videor insolenter gloriari, cum de me apud te loquor, in eâ præsertim epistola, quam nolo aliis legi,) idem, inquam, ego recreavi afflictos animos bonorum, unumquemque confirmans, excitans. insectandis vero exagitan-



gitandisque numariis iudicibus, omnem omnibus studiosis ac fautoribus illius victoriae *παρ' ἑνός* eripui: Pisonem consulem nulla in re consiliteri unquam sum passus: desponsam homini jam Syriam ademi: senatum ad pristinam suam severitatem revocavi, atque abjectum excitavi: Clodium praesentem fregi in senatu, cum oratione perpetua, plenissima gravitatis, tum altercatione ejusmodi, ex qua licet pauca degustes. nam cetera non possunt habere neque vim, neque venustatem, remoto illo studio contentionis, quem *ἄγωνα* vos appellatis. Nam, ut Idib. Maji in senatum convenimus, rogatus ego sententiam, multa dixi de summa republica, atque ille locus inductus a me est divinitus: ne, una plaga accepta, patres conscripti conciderent: vulnus esse ejusmodi, quod mihi nec dissimulandum, nec pertimescendum videretur: ne aut metuendo ignavissimi, aut ignorando stultissimi judicaremur: bis absolutum esse Lentulum, bis Catilinam: hunc tertium jam esse a iudicibus in rempublicam immissum. Erras, Clodi, non te iudices urbi, sed carceri reservarunt; neque te retinere in civitate, sed exilio privare voluerunt. Quamobrem, patres conscripti, erigite animos, retinete vestram dignitatem. manet illa in republica bonorum consensus: dolor accessit bonis viris, virtus non est imminuta: nihil est damni factum novi: sed, quod erat, inventum est. in unius hominis perditione iudicio plures similes reperti sunt. Sed quid ago? pene orationem in epistolam inclusi. Redeo ad altercationem. Surgit pulchellus puer: objicit mihi, me ad Bajas fuisse. falsum: sed tamen quid hoc? simile est, inquam, quasi dicas in operto fuisse. Quid, inquit, homini Arpinati cum aquis calidis? narra, inquam, patrono tuo, qui Arpinatis aquas concupivit: nostri enim marinas. Quousque, inquit, hunc regem feremus? regem appellas, inquam, cum Rex tui mentionem nullam fecerit? (illi autem Regis hereditatem spe devorarat.) Domum, inquit, emisisti. putes, inquam, dicere, iudices emisisti: juranti, inquit, tibi non crediderunt. mihi vero, inquam, xxv. iudices crediderunt:



runt: xxxi, quoniam numos ante acceperunt, tibi nihil crediderunt. magnis clamoribus afflictus contuit, & concidit. Noster autem status est hic. apud bonos iidem sumus, quos reliquisti; apud sordem urbis, & faciem multo melius nunc, quam reliquisti. nam & illud nobis non obest, videri nostrum testimonium non voluisse. missus est sanguis invidiæ sine dolore; atque etiam hoc magis, quod omnes illi fautores illius flagitii, rem manifestam illam redemptam esse a iudicibus consentunt. Accedit, quod illa concionalis hirudo ærarii, misera ac jejuna plebecula, me ab hoc Magno unice diligere putat: & hercule multa & jucunda consuetudine conjuncti inter nos sumus, usque eo, ut nostri isti commissatores conjurationes, barbatuli juvenes, illum in sermonibus Cnaeum Ciceronem appellent. itaque & ludis, & gladiatoribus, mirandas <sup>ἐκπαινεύσεις</sup>, sine ulla pastoricia fistula, auferebamus. Nunc est expectatio comitiorum, in qua omnibus invitis trudit noster Magnus Auli filium; atque in eo neque auctoritate, neque gratia pugnat, sed quibus Philippus omnia castella expugnari posse dicebat, in quæ modo asellus onustus auro posset ascendere. Consul autem ille, Doterionis histrionis similis, suscepisse negotium dicitur, & domi diviso- res habere: quod ego non credo. sed senatus consulta duo jam facta sunt, odiosa, quod in consulem facta putantur, Catone & Domitio postulante; unum, ut apud magistratus inquiri liceret; alterum, cuius domi diviso- res haberent adversus rempublicam. Lurco autem tribunus plebis, qui magistratum simul cum lege Ælia iniit, solutus est & Ælia, & Fufia, ut legem de ambitu ferret; quam ille bono auspicio claudus homo promulgavit. ita comitia in ante diem vi. Kal. Sext. dilata sunt. novi est in lege hoc, ut qui numos in tribus pronunciarit, si non dederit, impune sit; si dederit, ut, quoad vivat, singulis tribubus H. S. c. c. c. c. debeat. Dixi, hanc legem P. Clodium jam ante servasse: pronuntiare enim solitum esse, & non dare. Sed heus tu! videsne, consulatum illum nostrum, quem Curio antea <sup>ἀποστέρων</sup> voca,



vocabat, si hic factus erit, fabam imum futurum? quare, ut opinor, φιλοσοφῆσεν, id quod tu facis, & istos consulatus non flocci ἑατῶν. Quod ad me scribis, te in Asiam statuisse non ire; equidem mallet, ut ires: ac vereor, ne quid in ista re minus commode fiat. sed tamen non possum reprehendere consilium tuum, præsertim cum egomet in provinciam non sim profectus. Epigrammatis tuis, quæ in Amaltheo posuisti, contenti erimus præsertim cum & Chiljus nos reliquerit, & Archias nihil de me scripserit; ac vereor, ne, Lucullis quoniam Græcum poema condidit, nunc ad Cæcilianam fabulam spectet. Antonio tuo nomine gratias egi; eamque epistolam Manlio dedi. Ad te ideo antea rarius scripsi, quod non habebam idoneum, cui darem; nec satis sciebam, quid darem. Vale. Te vindicavi. Cincius si quid ad me tui negotii detulerit, suscipiam. sed nunc magis in suo est occupatus; in quo ego ei non desum. Tu, si uno in loco es futurus, crebras a nobis litteras exspecta; aut plures etiam ipse mitto. Velim, ad me scribas, cujusmodi sit Ἀμαλθῆων tuum, quo ornatu, qua τοποθεσία: & quæ poemata, quasque historias de Ἀμαλθῆων habes, ad me mittas. lubet mihi facere in Arpinati. Ego tibi aliquid de meis scriptis mittam. nihil erat absoluti.

## CICERO ATTICO S.

17

**M**agna mihi varietas voluntatis, & dissimilitudo opinionionis ac iudicii Quinti fratris mei, demonstrata est ex litteris tuis, in quibus ad me epistolarum illius exempla misisti. qua ex re & molestia sum tanta affectus, quantum mihi meus amor summus erga utrumque vestrum afferre debuit; & admiratione, quidnam accidisset, quod afferret Quinto fratri meo, aut offensionem tam gravem, aut commutationem tantam voluntatis. Atque illud a me jam ante intelligebatur, quod te quoque ipsum discedentem a nobis suspicari videbam, subesse nescio quid opinionis incommodæ, fauciumque ejus animum insedisse quasdam odiosas suspiciones: quibus ego mederi cum cupe-rem antea sæpe, & vehementius etiam post sortitio-



nem provinciæ; nec tantum intelligebam ei esse offensionis, quantum litteræ tuæ declarant, nec tantum proficiebam, quantum volebam. sed tamen hoc me ipse consolabar, quod non dubitabam, quin te ille aut Dyrrachii, aut in istis locis uspiam visurus esset. quod cum accidisset; confidebam ac mihi persuaseram fore, ut omnia placarentur inter vos non modo sermone ac disputatione, sed conspecto ipso congressuque vestro. nam, quanta sit in Quinto fratre meo comitas, quanta jucunditas, quam mollis animus & ad accipiendam & ad deponendam offensionem, nihil attinet me ad te, qui ea nosse, scribere. sed accidit perincommode, quod eum nusquam vidisti. valuit enim plus, quod erat illi nonnullorum artificiiis inculcatum, quam aut officium, aut necessitudo, aut amor vester ille pristinus, qui plurimum valere debuit. Atque huius incommodi culpa ubi resideat, facilius possum existimare, quam scribere. vereor enim, ne, dum defendam meos, non parcam tuis. nam sic intelligo, ut nihil a domesticis vulneris factum sit, illud quidem, quod erat, eos certe sanare potuisse. Sed huiusce rei totius vitium, quod aliquanto etiam latius patet, quam videtur, præsentī tibi commodius exponam. De iis litteris, quas ad te Thessalonica misit, & de sermonibus, quos ab illo & Romæ apud amicos tuos, & in itinere habitos putas; ecquid tantum causæ sit, ignoro: sed omnis in tua posita est humanitate mihi spes huius levandæ molestiæ. nam, si ita statueris, & irritabiles animos esse optimorum sæpe hominum, & eosdem placabiles; & esse hanc agilitatem, ut ita dicam, mollitamque naturam plerumque bonitatis, & id quod caput est, nobis inter nos nostra sive incommoda, sive vitia, sive injurias esse tolerandas; facile hæc, quemadmodum spero, mitigabuntur. quod, ego, ut facias, te oro. nam ad me, qui te unice diligo, maxime pertinet, neminem esse meorum, qui aut te non amet, aut abs te non ametur. Illa pars epistolæ tuæ minime fuit necessaria, in qua exponis, quas facultates aut provincialium, aut urbanorum commodorum, & aliis temporibus, &  
me



me ipso consule, prætermiseris. mihi enim perspecta est ingenuitas & magnitudo animi tui; neque ego inter me atque te quicquam interesse umquam duxi, præter voluntatem institutæ vitæ: quod me ambitio quædam ad honorum studium, te autem alia minime reprehendenda ratio ad honestum otium duxit. Vera quidem laude probitatis, diligentia, religionis, neque me tibi, neque quemquam antepono: amoris vero erga me, cum a fraterno [amore] domesticoque disceffi, tibi primas defero. vidi enim, vidi, penitusque perspexi, in meis variis temporibus, & solitudines & lætities tuas. fuit mihi sæpe & laudis nostræ gratulatio tua jucunda, & timoris consolatio grata. quin mihi nunc, te absente, non solum consilium, quo tu excellis, sed etiam sermonis communicatio, quæ mihi suavissima tecum solet esse, maxime deest. quid dicam? in publica re? quo in genere mihi negligenti esse non licet; an in forensi labore? quem antea propter ambitionem sustinebam, nunc, ut dignitatem tueri gratia possim; an in ipsis domesticis negotiis? in quibus ego cum antea, tum vero post discessum fratris, te sermonesque nostros desidero. postremo non labor meus, non reliquies; non negotium, non otium; non forenses res, non domesticæ, non publicæ, non privatæ carere diutius tuo suavissimo atque amantissimo consilio ac sermone possunt. Atque harum rerum commemorationem verecundia sæpe impedivit utriusque nostrum. nunc autem ea fuit necessaria propter eam partem epistolæ tuæ, per quam te ac mores tuos mihi purgatos ac probatos esse voluisti. Atque in ista incommoditate alienati illius animi & offensi, illud inest tamen commodi, quod & mihi & ceteris amicis tuis nota fuit, abs te aliquando testificata tua voluntas omittendæ provinciæ; ut, quod una non estis, non dissensione ac dissidio vestro, sed voluntate ac iudicio tuo factum esse videatur. quare & illa, quæ violata, expiabuntur; & hæc nostra, quæ sunt sanctissime conservata, suam religionem obtinebunt. Nos hic in republica infirma, misera, commutabilique versamur. credo enim te audisse, no-

stros



fros equites pæne a senatu esse disjunctos; qui primum illud valde graviter tulerunt, promulgatum ex senatus consulto fuisse, ut de iis, qui ob judicandum pecuniam accepissent, quæreretur. qua in decernenda cum ego casu non affuissem, sensissemque id equestrem ordinem ferre moleste, neque aperte dicere; objurgavi senatum, ut mihi visus sum, summa cum auctoritate, & in causa non verecunda, admodum gravis & copiosus fui. Ecce aliæ deliciae equitum vix ferendæ, quas ego non solum tuli, sed etiam ornavi. Asiani, qui de censoribus conduxerant, quæsti sunt in senatu, se, cupiditate prolapsos, nimium magno conduxisse: ut induceretur locatio, postulaverunt. Ego princeps in adjutoribus atque adeo secundus. nam, ut illi auderent hoc postulare, Crassus eos impulit. invidiosa res, turpis postulatio, & confessio temeritatis. summum erat periculum, ne, si nihil impetrassent, plane alienarentur a senatu. Huic quoque rei subventum est maxime a nobis; perfectumque, ut frequentissimo senatu & libentissimo uterentur, multaque a me de ordinum dignitate & concordia dicta sunt Kal. Decemb. & postridie. neque adhuc res confecta est, sed voluntas senatus perspecta. unus enim contra dixerat Metellus, consul designatus. quin erat dicturus (ad quem propter diei brevitatem perventum non est) heros ille noster Cato. Sic ego conservans rationem institutionemque nostram, tueor, ut possum, illam a me conglutinatam concordiam: sed tamen, quoniam ista sunt infirma, munitur quædam nobis ad retinendas opes nostras tuta, ut spero, via, quam tibi litteris satis explicare non possum; significatione parva ostendam tamen. Utor Pompejo familiarissime. Video, quid dicas. cavebo, quæ sunt cavenda; ac scribam alias ad te de meis consiliis capeßendæ reipublicæ plura. Lucejum scito consulatum habere in animo statim petere. duo enim soli dicuntur petitori. Cæsar cum eo coire per Arrium cogitat: & Bibulus cum hoc se putat per Pisonem posse conjungi. Rides? non sunt hæc ridicula, Quid aliud scribam ad te? quid? multa sunt: sed in aliud



tempus. Te si expectari velis, cures, ut sciam. jam illud modeste rogo, quod maxime cupio, ut quamprimum venias. Nonis Decemb.

## CICERO ATTICO S.

18

**N**ihil mihi nunc scito tam deesse, quam hominem eum, quocum omnia, quæ me cura aliqua afficiunt, una communicem: qui me amet, qui sapiat, quicum ego colloquar, nihil fingam, nihil dissimulem, nihil obtegam. abest enim frater *αφελος* & amantissimus: Metellus non homo, sed littus, atque aer, & solitudo mera: tu autem, qui sapissime curam & angorem animi mei sermone & consilio levasti tuo; qui mihi & in publica re socius, & in privatis omnibus conficius, & omnium meorum sermonum & consiliorum particeps esse soles, ubinam es? ita sum ab omnibus destitutus, ut tantum requietis habeam, quantum cum uxore, & filiola, & mellito Cicerone consumitur. nam illæ ambitiosæ nostræ fucosæque amicitiae sunt in quodam splendore forensi; fructum domesticum non habent. itaque, cum bene completa domus est, tempore matutino, cum ad forum stipati gregibus amicorum descendimus, reperire ex magna turba neminem possumus, quocum aut joculari libere, aut suspicari familiariter possimus. quare te expectamus, te desideramus, te jam etiam arcessimus. multa enim me sollicitant anguntque, quæ mihi videor, aures nactus tuas, unius ambulationis sermone exhaurire posse. Ac domesticarum quidem sollicitudinum aculeos omnes & scrupulos occultabo: neque ego huic epistolæ atque ignoto tabellario committam. Atque hi (nolo enim te permoveri) non sunt permolesti, sed tamen insident & urgent, & nullius amantis consilio aut sermone requiescunt. In republica vero, quamquam animus est præsens, tamen voluntas etiam atque etiam ipsa medicinam effugit. nam, ut ea breviter, quæ post tuum discessum acta sunt, colligam, jam exclames necesse est, res Romanas diutius stare non posse. Etiam, post professionem tuam, primus, ut opinor, introitus fuit in

cau-



causam fabulæ Clodianæ; in qua ego nactus, ut mihi videbar, locum refecandæ libidinis, & coercendæ juventutis, vehemens fui, & omnes profudi vires animi atque ingenii mei, non odio adductus alicujus, sed spe reipublicæ corrigendæ, & sanandæ civitatis. Afflicta respublica est emto constupratoque judicio. vide, quæ sint postea consecuta. Consul est impositus in nobis, quem nemo, præter nos philosophos, aspicere sine suspiratu posset. quantum hoc vulnus? facto senatus consulto de ambitu, de judiciis, nulla lex perlata, exagitatus senatus, alienati equites Romani. sic ille annus duo firmamenta reipublicæ, per me unum constituta, evertit: nam & senatus auctoritatem abjecit, & ordinum concordiam disjunct. Instat hic nunc ille annus egregius. ejus initium ejusmodi fuit, ut anniversaria sacra Juventutis non committerentur. nam M. Luculli uxorem Memmius suis sacris initiavit. Menelaus, ægre id passus, divortium fecit. quamquam ille pastor Idæus Menelaum solum contemserat: hic noster Paris tam Menelaum, quam Agamemnonem liberum non putavit. Est autem C. Herennius quidam tribunus plebis, quem tu fortasse ne nosti quidem, (tamen si potes nosse; tribulis enim tuus est, & Sextus, pater ejus, numos vobis dividere solebat;) is ad plebem P. Clodium traducit; idemque fert, ut universus populus in campo Martio suffragium de re Clodii ferat. hunc ego accepi in senatu, ut soleo: sed nihil est illo homine lentius. Metellus est consul egregius, & nos amat; sed imminuit auctoritatem suam, quod habet dicis causa promulgatum illud idem de Clodio. Auli autem filius, o dii immortales! quam ignavus, ac sine animo miles? quam dignus, qui Palicano, sicut facit, os ad male audiendum quotidie præbeat? Agraria autem promulgata est a Flavio, sane levis, eadem fere, quæ fuit Plotia. sed interea πολιτικός ἀνὴρ ἔσθ' ὅναρ quisquam invenire poterat, familiaris noster (sic est enim; volo te hoc scire) Pompejus, togulam illam pictam silentio tuetur suam. Crassus verbum nullum contra gratiam. ceteros jam nosti: qui ita sunt stulti, ut amissa repu-



republica piscinas suas fore salvas sperare videantur. Unus est, qui curet, constantia magis & integritate, quam, ut mihi videtur, consilio, aut ingenio, Cato; qui miseros publicanos, quos habuit amantissimos sui, tertium jam mensem vexat, neque iis a senatu responsum dari patitur. ita nos copimur reliquis de rebus nihil decernere ante, quam publicanis responsum sit. quare etiam legationes rejectum iri puto. Nunc vides, quibus fluctibus jactemur: &, si ex iis, quæ scripsimus, (tanta es perspicacitate,) etiam a me non scripta perspicis, revise nos aliquando: & quamquam sunt hæc fugienda, quo te voco; tamen fac, ut amorem nostrum tanti æstimes, ut eo vel cum his molestiis perfrui velis. nam, ne absens censeare, curabo edicendum & proponendum locis omnibus. sub lustrum autem censeari, germani negotiatoris est. quare cura, ut te quamprimum videamus, Kal. Febr. Q. Metello & L. Afranio coss.

## CICERO ATTICO S.

19

**N**on modo, si mihi tantum esset otii, quantum est tibi, verum etiam, si tam brevis epistolas vellem mittere, quam tu soles facere, te superarem, & in scripto multo essem crebrior, quam tu: sed ad summas atque incredibiles occupationes meas accedit, quod nullam a me epistolam ad te sino absque argumento ac sententia pervenire. Et primum tibi, ut æquum est, civi amanti patriam, quæ sunt in republica, exponam: deinde, quoniam tibi amore nos proximi sumus, scribemus etiam de nobis ea, quæ scire te non nolle arbitramur. Atque in republica nunc quidem maxime Gallici belli versatur metus. nam Ædui, fratres nostri, pugnant: Sequani permale pugnarunt: & Helvetii sine dubio sunt in armis, excursionisque in provinciam faciunt. Senatus decrevit, ut consules duas Gallias fortirentur, delectus haberetur, vacationes ne valerent, legati cum auctoritate mitterentur, qui adirent Galliæ civitates, darentque operam, ne eæ cum Helvetiis se jungerent. Legati sunt Q. Metellus Creticus, & L. Flaccus, &



τα ἐπὶ τῇ φασὶν μύθον, Lentulus Clodiani filius. Atque hoc loco illud non quo præterire, quod, cum de consularibus mea prima fors exisset, una voce senatus frequens retinendum me in urbe censuit. hoc idem post me Pompejo accidit: ut nos duo, quasi pignora reipublicæ, retineri videremur. quid enim ego aliorum in me ἐπιφανεῖα expectem, cum hæc domi nascantur? Urbanæ autem res sic se habent. Agraria lex a Flavio tribuno plebis vehementer agitabatur auctore Pompejo; quæ nihil populare habebat, præter auctorem. ex hac ego lege, secunda concionis voluntate, omnia tollebam, quæ ad privatorum incommodum pertinebant: liberabam agrum eum, qui, P. Mucio, L. Calpurnio consulibus, publicus fuisset: Sullanorum hominum possessiones confirmabam: Volaterranos & Arretinos, quorum agrum Sulla publicarat, neque diviserat, in sua possessione retinebam: unam rationem non rejiciebam, ut ager hac adventicia pecunia emeretur, quæ ex novis vectigalibus per quinquennium reciperetur. Huic toti rationi agrariæ senatus adversabatur, suspicans, Pompejo novam quandam potentiam quæri. Pompejus vero ad voluntatem perferendæ legis incubuerat. ego autem, magna cum agrariorum gratia, confirmabam omnium privatorum possessiones: (is enim est noster exercitus, hominum, ut tute scis, locupletium:) poquulo autem, & Pompejo (nam id quoque volebam) satisfaciebam emtione: qua constituta diligenter, & sentinam urbis exhauriri, & Italiæ solitudinem frequentari posse arbitrabar. sed hæc tota res interpellata bello refrixerat. Metellus est consul sane bonus, & nos admodum diligit. ille alter ita nihil est, ut plane, quid emerit, nesciat. Hæc sunt in republica: nisi etiam illud ad rempublicam putas pertinere, Herennium quendam, tribunum plebis, tribulem tnum, sane hominem nequam atque egentem, sæpe jam de P. Clodio ad plebem traducendo agere cœpisse. huic frequenter interceditur. [Hæc sunt, ut opinor in republica.] Ego autem, ut semel nonarum illarum Decembrium, junctam invidia ac multorum



rum inimicitiiis, eximiam quandam atque immortalē gloriam consecutus sum, non destiti eadem animi magnitudine in republica versari, & illam institutam ac susceptam dignitatem tueri: sed posteaquam primum Clodii absolute levitatem infirmitatemque iudiciorum perspexi, deinde vidi, nostros publicanos facile a senatu disjungi, quamquam a me ipso non divellerentur, tum autem beatos homines (hos piscinarios dico, amicos tuos) non obscure nobis invidere: putavi, mihi majores quasdam opes & firmiora præsidia esse quærenda. itaque primum eum, qui nimium diu de rebus nostris tacuerat, Pompejum adduxi in eam voluntatem, ut in senatu non semel, sed sæpe, multisque verbis, hujus mihi salutis imperii atque orbis terrarum adjudicaret. quod non tam interfuit mea, (neque enim illæ res aut ita sunt obscuræ, ut testimonium, aut ita dubiæ, ut laudationem desiderent,) quam reipublicæ: quod erant quidam improbi, qui contentionem fore aliquam mihi cum Pompejo, ex rerum illarum dispensatione arbitrantur. Cum hoc ego me tanta familiaritate conjunxi, ut uterque nostrum in sua ratione munitior, & in republica firmior hac conjunctione esse possit. Odia autem illa libidinosa & delicatæ juventutis, quæ erant in me incitata, sic mitigata sunt comitate quadam mea, me unum ut omnes illi colant. nihil jam denique a me asperum in quemquam fit, nec tamen quicquam populare ac dissolutum; sed ita temperata tota ratio est, ut reipublicæ constantiam præstem, privatus rebus meis, propter infirmitatem bonorum, iniquitatem malivolorum, odium in me improborum, adhibeam quandam cautionem & diligentiam; atque ita amem, si iis novis amicitiiis implicati sumus, ut crebro mihi vaser ille Siculus infusurret Epicharmus cantilenam illam suam:

Ναὺς, καὶ μενῶς ἁπίγειν. ἄεθρα ταῦτα τῶν Φρεινῶν.

Ac nostræ quidem rationis ac vitæ quasi quandam formam, ut opinor, vides. De tuo autem negotio sæpe ad me scribis, cui mederi nunc non possumus.

Cic. Epist. Tom. II.

C

est



est enim illud senatus consultum summa pedariorum voluntate, nullius nostrum auctoritate factum. nam, quod me esse ad scribendum vides, ex ipso senatus consulto intelligere potes, aliam rem tum relatum, hoc autem de populis liberis, sine causa additum: & ita factum est a P. Servilio filio, qui in postremis sententiam dixit, sed immutari hoc tempore non potest. itaque conventus, qui initio celebrabantur, jam diu fieri desierunt. tu si tuis blanditiis tamen a Sicyoniis numulorum aliquid expresseris; velim, me facias certiorum. Commentarium consulatus mei Græce compositum misi ad te; in quo si quid erit, quod homini Attico minus Græcum eruditumque videatur; non dicam quod tibi, ut opinor, Panormi Lucullus de suis historiis dixerat; se, quo facilius illas probaret Romani hominis esse, idcirco barbara quædam & *σολοικα* dispersisse. apud me si quid erit ejusmodi, me imprudente erit & invito. Latinum si perfecero, ad te mittam. tertium poema expectato, ne quod genus a me ipso laudis meæ prætermittatur. hic tu, cave, dicas, *τις παλὴρ ἄνθρωπος*; si est enim apud homines quidquam, quod potius sit, laudetur; nos vituperemur, qui non potius alia laudemus. quamquam non *ἑλληνιστικὰ* sunt hæc, sed *ἰσoricὰ*, quæ scribimus. Quintus frater purgat se multum per litteras, & affirmat, nihil a se cuiquam de te secus esse dictum. Verum hæc nobis coram summa cura & diligentia sunt agenda: tu modo nos revise aliquando. Cassinius hic, cui dedi litteras, valde mihi bonus homo, & non levis, & amans tui visus est, qualem esse eum tuæ mihi litteræ nuntiarant. Idibus Mart.

20

## CICERO ATTICO S.

Cum e Pompejano me Romam recepissem a. d. iiii. Idus Maji, Cincius noster eam mihi abs te epistolam reddidit, quam tu Idib. Feb. dederas. ei nunc epistolæ litteris his respondebo. Ac primum, tibi perspectum esse judicium de te meum, lator; deinde, te in iis rebus, quæ mihi asperius a nobis, atque nostris, & injucundius actæ videbantur, moderatissimum fuisse,



fuisse, vehementissime gaudeo; idque neque amoris mediocris, & ingenii summi, ac sapientiæ judico. qua de re cum ad me ita suaviter, diligenter, officiose, & humaniter scripseris, ut non modo te hortari amplius non debeam, sed ne exspectare quidem abs te aut ab ullo homine tantum facilitatis ac mansuetudinis potuerim; nihil duco esse commodius, quam de his rebus nihil amplius scribere. cum erimus congressi; tum, si quid res feret, coram inter nos conferemus. Quod ad me de republica scribis, disputas tu quidem & amanter & prudenter; & a meis consiliis ratio tua non abhorret: (nam neque de statu nobis nostræ dignitatis est recedendum, neque sine nostris copiis intra alterius præsidia veniendum; & is, de quo scribis, nihil habet amplum, nihil excelsum, nihil non summis atque populare:) verumtamen fuit ratio mihi fortasse ad tranquillitatem meorum temporum non inutilis; sed mehercule republicæ multo etiam utilior, quam mihi, civium improborum impetus in me reprimi, cum hominis amplissima fortuna, auctoritate, gratia, fluctuantem sententiam confirmassem, & a spe malorum ad mearum rerum laudem convertissem. quod si cum aliqua levitate mihi faciendum fuisset, nullam rem tanti æstimassem; sed tamen a me ita acta sunt omnia, non ut ego illi assentiens levior, sed ut ille me probans gravior videretur. Reliqua sic a me aguntur & agentur, ut non committamus, ut ea, quæ gessimus, fortuito gessisse videamur. meos bonos viros, illos quos significas, & eam, quam mihi dicis obtigisse, *σπαρταν*, non modo numquam deferam; sed etiam, si ego ab illa deferar, tamen in mea pristina sententia permanebo. illud tamen, velim existimes, me hanc viam optatum, post Catuli mortem, nec præsidio ullo, nec comitatu tenere. nam, ut ait Rhinton, ut opinor,

Οἱ μὲν παρ' ἑδὲν εἰσιν, οἱς δ' ἑδὲν μέλει.

mihi vero ut invideant piscinarii nostri, aut scribam ad te alias, aut in congressum nostrum reservabo. A curia autem nulla me res divellet: vel quod ita re-



Etum est: vel quod rebus meis maxime consentaneum: vel quod, a senatu quanti fiam, minime me pœnitet. De Sicyoniis, ut ad te scripsi antea, non multum spei est in senatu. nemo est enim jam, qui queratur. quare, si id exspectas, longum est. alia via, si qua potes, pugna. cum est actum, neque animadversum est, ad quos pertineret, & raptim in eam sententiam pedarii cucurrerunt. inducendi senatus consulti maturitas nondum est: quod neque sunt, qui querantur, & multi partim malivolentia, partim opinione æquitatis delectantur. Metellus tuus est egregius consul. unum reprehendens, quod otium e Gallia nuntiari non magnopere gaudet. cupit, credo, triumphare. Hoc vellem mediocrius: cetera egregia. Auli filius vero ita se gerit, ut ejus consulatus non consulatus sit, sed Magni nostri <sup>ὕψιστος</sup>. De meis scriptis, misi ad te Græce perfectum consulatum meum. eum librum L. Cossinio dedi. puto te Latinis meis delectari; huic autem Græco Græcum invidere. alii si scripserint, mittemus ad te; sed, mihi crede, simul atque hoc nostrum legerunt, nescio quo pacto retardantur. Nunc (ut ad rem meam redeam) L. Papirius Pætus, vir bonus, amatorque noster, mihi libros eos, quos Ser. Claudius reliquit, donavit. cum mihi, per legem Cinciam licere capere, Cincius amicus tuus diceret: libenter, dixi, me accepturum, si attulisset. nunc, si me amas, si te a me amari scis, enitere per amicos, clientes, hospites, libertos denique, ac servos tuos, ut scida ne qua depereat. nam & Græcis his libris, quos suspicor, & Latinis, quos scio illum reliquisse, mihi vehementer opus est. ego autem quotidie magis, quod mihi de forensi labore temporis datur, in iis studiis conquiesco. per mihi, per, inquam, gratum feceris, si in hoc tam diligens fueris, quam soles in his rebus, quas me valde velle arbitraris: ipsiusque Pæti tibi negotia commendo, de quibus tibi ille agit maximas gratias: & ut jam invisas nos, non solum rogo, sed etiam suadeo.





# M. TULLII CICERONIS EPISTOLARUM

AD  
ATTICUM,  
LIBER II.

---

## ARGUMENTUM.

*Duae prima libri hujus epistolae, scriptae sunt, item ut ultima superioris, Q. Metello Celere, L. Afranio: reliquae omnes, C. Julio Casare, M. Bibulo cons. mensibus fere XVII. Continent vero contentionem Clodii, ut Tribunus pl. fieret: quod demum obtinuit, Casare adnitente, cujus item opera, quo magistratum illum capere posset, plebejus factus est. Nam Ciceroni iratus, quod quodam in judicio statum temporum deplorasset, ejus inimicum Clodium, frustra jam pridem a patribus ad plebem transire nitentem, eodem die, horaque, nova lege de adoptione ejus lata, traduxit. Auctor est Suetonius. Idem hoc ipso anno agrariam legem pertulit, contradicente Catone: quem ea de causa e senatu abreptum in carcerem duci iussit; invitis optimatibus & collega, quem obnuntiantem, armis foro depulit, seque domesticis parietibus reliquo anni tempore continere coegit, ut, nisi per edicta, prorsus nihil ageret: quae tamen ille acerbissima in collegam proponebat: hisque comitia in mensem Octobrem distulit. perlata igitur lege, XX millia hominum qui tris plurisque liberos haberent, in campum Stellatam majoribus consecratum, ut Tran-*



quillus ait, in agrumque Campanum, ad subsidia Reip. vectigalem relictum, induxit. Publicanos a Catone vexatos, remissionem petentes, tertia mercedum parte relevavit. Et ut in quosdam diversæ factionis cives servire posset, Vettium quendam præmiis adduxit, qui se ab illis de inferenda Cn. Pompejo nece sollicitatum diceret: quamvis irritò conatu, propterea, quod unum atque alterum frustra, nec sine suspitione fraudis, nominaverit. Quare eam præcipitis consilii eventum desperans, interceptisse veneno indicem creditus est. Hæc fere in hoc secundo libro continentur, ad Remp. spectantia. Alia privata sunt.

## I

## CICERO ATTICO S.

**K**al Jun. eunti mihi Antium, & gladiatores M. Metelli cupide relinquenti, venit obviam tuus puer. is mihi litteras abs te, & commentarium consulatus mei Græce scriptum reddidit. In quo lætatus sum, aliquanto ante, de iisdem rebus Græce, item scriptum librum L. Cossinio ad te perferendum dedisse. nam, si ego tuum ante legissem, furatum me abs te esse, diceret. quanquam tua illa (legi enim libenter) horridula mihi atque incompta visa sunt: sed tamen erant ornata hoc ipso, quod ornamenta neglexerant; &, ut mulieres, ideo bene olere, quia nihil olebant, videbantur. meus autem liber totum Isocrati *μυροδυστοι*, atque omnes ejus discipulorum arculas, ac nonnihil etiam Aristotelia pigmenta consumsit: quem tu Corcyræ, ut mihi aliis litteris significas, stridim attigisti; post autem, ut arbitror, a Cossinio accepisti; quem tibi ego non essem ausus mittere, nisi eum lente ac fastidiosè probavissem. quamquam ad me rescripsit jam Rhodo Posidonius, se, nostrum illud *ὑποσημειω* cum legeret, quod ego ad eum, ut ornatus de iisdem rebus scriberet, miseram, non modo excitatum esse ad scribendum, sed etiam plane perterritum. quid quæris? conturbavi Græcam nationem. ita vulgo qui instabant, ut darem sibi, quod ornarent, jam exhibere mihi molestiam desti-



desisterunt. tu, si tibi placuerit liber, curabis, ut & Athenis sit, & in ceteris oppidis Græciæ. videtur enim posse aliquid nostris rebus lucis afferre. Orationunculas autem, & quas postulas, & plures etiam mittam: quoniam quidem ea, quæ nos scribimus, adolescentulorum studiis excitati, & etiam delectant. fuit enim mihi commodum, quod in eis orationibus, quæ *Philippicæ* nominantur, enituerat civis ille tuus Demosthenes, & quod se ab hoc refractariolo judiciali dicendi genere abjunxerat, ut *συννοτερος τις, και πολιτικωτερος* videretur, curare, ut meæ quoque essent orationes, quæ *consulares* nominarentur. quarum una est in senatu Kal. Jan. altera ad populum de lege agraria; tertia de Othone; quarta pro Rabirio; quinta de proscriptorum filiis; sexta, cum provinciam in concione deposui; septima, qua Catilinam emisi; octava, quam habui ad populum postridie, quam Catilina profugit; nona in concione, quo die Allobroges involarunt; decima in senatu, nonis Decemb. Sunt præterea duæ breves, quasi *παραπαρατιχ* legis agrariæ. hoc totum *σῶμα* curabo ut habeas. Et quoniam te cum scripta, tum res meæ delectant; iisdem ex libris perspicis, & quæ gesserim, & quæ dixerim: aut ne poposcisses. ego enim tibi me non offerebam. Quod quæris, quid sit, quod te arcescam; ac simul, impeditum te negotiis esse, significas; neque recusas, quin, non modo si opus sit, sed etiam si velim, accurras: nihil sane est necesse; verumtamen videbare mihi tempora peregrinationis commodius posse describere. nimis abes diu, præsertim cum sis in propinquis locis: neque nos te fruimur; & tu nobis cares. Ac nunc quidem otium est: sed, si paullo plus furor Pulchelli progredi posset, valde ego te istinc excitarem. verum præclare Metellus impedit, & impedit. quid quæris? est consul *φιλοπυργης*, & ut semper judicavi, natura bonus. ille autem non simulat, sed plane tribunus plebis fieri cupit. qua de re cum in senatu ageretur, fregi hominem: & inconstantiam ejus reprehendi, qui Romæ tribunatum plebis peteret, cum in Sicilia ædilitatem sæpe dictasset. sed



neque magnopere dixi esse nobis laborandum: quod nihilo magis ei licitum esset plebejo rempublicam perdere, quam similibus ejus, me consule, patriciis esset licitum. Jam, cum se ille septimo die venisse a freto, neque sibi obviam quemquam prodire potuisse, & noctu se introisse dixisset, in eoque se in concione jactasset: nihil ei novi dixi accidisse: ex Sicilia septimo die Romam; tribus horis Roma Interamnam: noctu introisse item ante: non esse itum obviam; ne tum quidem, cum iri maxime debuit. quid quæris? hominem petulantem modestum reddo, non solum perpetua gravitate orationis, sed etiam hoc genere dictorum. itaque jam familiariter cum ipso etiam cavillor ac jocor. quin etiam cum candidatum deduceremus, quærit ex me, num consueveram Siculis locum gladiatoribus dare? negavi. at ego, inquit, novus patronus instituiam. sed soror, quæ tantum habeat consularis loci, unum mihi solum pedem dat. noli, inquam, de uno pede sororis queri: licet etiam alterum tollas. non consulare, inquires, dictum: fateor: sed ego illam odi male consularem. ea est enim seditiosa; ea cum viro bellum gerit, neque solum cum Metello, sed etiam cum Fabio, quod eos in hoc esse molestum fert. Quod de agraria lege quæris, sane jam videtur refrixisse. Quod me quodam modo, molli brachio, de Pompeji familiaritate objurgas: nolim ita existimes, me mei præsidii causâ cum illo conjunctum esse: sed ita res erat instituta, ut, si inter nos esset aliqua forte dissensio, maximas in republica discordias versari esset necesse. quod a me ita præcautum, atque ita provisum est, non ut ego de optima illa mea ratione decederem, sed ut ille esset melior, & aliquid de populari levitate deponeret: quem de meis rebus, in quas cum multi incitarant, multo scito gloriosius, quam de suis prædicare. sibi enim bene gestæ, mihi conservatæ reipublicæ dat testimonium. hoc facere illum, mihi quam profit, nescio; reipublicæ certe prodest. Quid, si etiam Cæsarem, cujus nunc venti valde sunt secundi, reddo meliorem? num tantum obsum reipublicæ? quin etiam,



etiam si mihi nemo invideret; si omnes, ut erat æquum, faverent; tamen non minus esset probanda medicina, quæ sanaret vitiosas partes reipublicæ, quam quæ exsecaret. nunc vero, cum equitatus ille, quem ego in clivo Capitolino, te signifero ac principe, collocaram, senatum deferuerit; nostri autem principes digito se cælum putent attingere, si nulli barbati in piscinis sint, qui ad manum accedant; alia autem negligent: nonne tibi satis prodesse videor, si proficio, ut nolint obesse, qui possunt? Nam Catonem nostrum non tu amas plus, quam ego: sed tamen ille, optimo animo utens, & summa fide, nocet interdum reipublicæ. dicit enim tamquam in Platonis πολιτεια, non tamquam in Romuli fæce, sententiam. Quid verius, quam in iudicium venire, qui ob rem iudicandam pecuniam acceperit? censuit hoc Cato. assensit senatus. Equites curiæ bellum, non mihi. nam ego dissensi. quid impudentius publicanis renuntiantibus? fuit tamen, retinendi ordinis causa, facienda iactura. Restitit & perviecit Cato. itaque nunc, consule in carcere incluso, sæpe item seditione commota, aspiravit nemo eorum, quorum ego concursu, itemque consules, qui post me fuerunt, rempublicam defendere solebant. Quid ergo? istos, inquires, mercede conductos habebimus? Quid faciemus, si aliter non possumus? an libertinis atque etiam servis serviemus? sed, ut tu ais, *ἄλλῃ σπῆδῃ*. Favonius meam tribum tulit honestius, quam suam; Luceji perdidit. accusavit Nasicam inhoneste, ac (modeste tamen dicit) ita ut Rhodi videretur molis potius, quam Moloni, operam dedisse. mihi, quod defendissem, leviter succensuit. nunc petit iterum reipublicæ causa. Lucejus quid agat, scribam ad te, cum Cæsarem videro, qui aderit biduo. Quod Sicyonii te lædunt; Catoni & ejus æmulatori attribuas Servilio. Quid? ea plaga nonne ad multos bonos viros pertinet? sed, si ita placuit, laudemus; deinde in dissensionibus soli relinquamur. Amalthea mea te expectat, & indiget tui. Tusculanum & Pompejanum valde me delectant; nisi quod me, illum ipsum



vindicem æris alieni, ære non Corinthio, sed hoc circumforaneo obruerunt. In Gallia speramus esse otium. Prognostica mea cum oratiunculis propediem exspecta. & tamen, quid cogites de adventu tuo, scribe ad nos. nam mihi Pomponia nuntiari iussit, te mense Quintili Romæ fore. id a tuis litteris, quas ad me de accessu tuo miseris, diserepabat. Patus, ut antea ad te scripsi, omnes libros frater suus reliquisset, mihi donavit. hoc illius munus in tua diligentia positum est. si me amas, cura, ut conserventur, & ad me perferantur. hoc mihi nihil potest esse gratius: &, cum Græcos, tum vero diligenter Latinos ut conserves velim. tuum esse hoc munusculum putabo. Ad Octavium dedi litteras: cum ipso nihil eram locutus. neque enim ista tua negotia provincialia esse putabam: neque te in tocullionibus habebam. sed scripsi, ut debui, diligenter.

## 2

## CICERO ATTICO S.

Cura, amabo te, Ciceronem nostrum. ei nos *Σειοί* videmur. *Πελλαγαίων* in manibus tenebam, & hercule magnum acervum Dicæarchi mihi ante pedes extruxeram. O magnum hominem! & a quo multo plura didiceris, quam de Procilio. *Κορινθίων* & *Αθηναίων* puto me Romæ habere. mihi credes, leges; hæc doceo; mirabilis vir est. *Ἡρώδης*, si homo esset, eum potius legeret, quam unam litteram scriberet: qui me epistola petivit, ad te, ut video, cominus accessit. conjurasse mallem, quam restitisse conjurationi, si illum mihi audiendum putassem. De Lollio, sanus non es: de Vinio, laudo. Sed heus tu, ecquid vides, Kal. venire, Antonium non venire? iudices cogi? nam ita ad me mittunt, Nigidium minari in concione, se iudicem, qui non affuerit, compellaturum. velim tamen, si quid est de Antonii adventu, quod audieris, scribas ad me, &, quoniam huc non venis, cenes apud nos utique pridie Kal. Cave aliter facias. Cura, ut valeas.

CICE-



**P**rimum, ut opinor, *ὑπαγγελία*. Valerius absolutus est, Hortensio defendente. id iudicium K. Atilio condonatum putabatur: & Epicratem suspicor, ut scribis, lascivum fuisse. etenim mihi caligæ ejus, ut fasciæ cretatæ, non placebant. quid sit sciemus, cum veneris. Fenestrarum angustias quod reprehendis, scito te *Κυρὸν παιδείαν* reprehendere. nam, cum ego idem istuc dicerem, Cyrus aiebat, viridariorum *διαφασεὶς* latis luminibus, non tam esse suaves. etenim *ἔστω ὅστις μὲν ἢ αὐτὸ δὲ ὄραμενον, β. γ. ἁκτίνες δὲ, δ, καὶ* s. vides enim cetera. nam, si κατ' *εἰδωλὼν ἐμπτασεὶς* videremus, valde laborarent *εἰδωλὰ* in angustis: nunc fit lepide illa *ἐκχυσεὶς* radiorum. cetera si reprehenderis, non feres tacitum, nisi quid erit ejusmodi, quod sine sumtu corrigi possit. Venio nunc ad mensem Januarium, & ad *ὑποψασιν* nostram ac *πολιτείαν*: in qua *Σακρατικός* *εἰς ἑκατέρω*, sed tamen ad extremum, ut illi solebant, *τὴν ἀρεσκύσαν*. est res sane magni consilii. nam aut fortiter resistendum est legi agrariæ; in quo est quædam dimicatio, sed plena laudis: aut quiescendum; quod est non dissimile, atque ire in Solonium, aut Antium: aut etiam adjuvandum; quod a me ajunt Cæsarem sic exspectare, ut non dubitet. nam fuit apud me Cornelius; hunc dico Balbum, Cæsaris familiarem. is affirmabat, illum omnibus in rebus meo & Pompeji consilio usurum, daturumque operam, ut cum Pompejo Crassum conjungeret. Hic sunt hæc, conjunctio mihi summa cum Pompejo; si placet etiam cum Cæsare; reditus in gratiam cum inimicis, pax cum multitudine, senectutis otium. sed me *κατατασις* mea illa commovet, quæ est in libro III.

*Interea cursus, quos prima a parte juvenæ,  
Quosque ideo consul virtute, animoque peristi,  
Hos retine, atque auge famam, laudesque bonorum.*

Hæc mihi cum in eo libro, in quo multa sunt scripta *ἀριστοκρατικός*, Calliope ipsa præscripserit, non opinor esse dubitandum, quin semper nobis videatur



Εἰς τῶντος ἀγῖος ἀμυνεσθαι περὶ πατρὸς.

Sed hæc ambulationibus Compitaliciis reservemus. Tu pridie Compitalia memento. balineum calferi jubebo: & Pomponiam Terentia rogat: matrem adjungemus. *Θεοφράτης περὶ φιλοτιμίας* affer mihi de libris Quinti fratris.

## 4

## CICERO ATTICO S.

**F**ecisti mihi pergratum, quod Serapionis librum ad me misisti: ex quo quidem ego (quod inter nos liceat dicere) millesimam partem vix intelligo. pro eo tibi præsentem pecuniam solvi imperavi, ne tu expensum maneribus ferres. At quoniam numorum mentio facta est; amabo te, cura, ut cum Titinio, quoquo modo poteris, transigas. si in eo, quod ostenderat, non stat; mihi maxime placet, ea, quæ male emta sunt, reddi, si voluntate Pomponiæ fieri poterit: si ne id quidem, numi potius reddantur, quam ullus sit scrupulus. Valde hoc velim ante, quam proficiscare, amanter, ut soles, diligenterque conficias. Clodius ergo, ut ais, ad Tigranem? velim, Syspiræ conditione: sed facile patior. accommodatius enim nobis erit ad liberam legationem tempus illud, cum & Quintus noster jam, ut speramus, in otio confedetit, & iste sacerdos Bonæ deæ, cujus modi futurus sit, sciemus. Interea quidem cum Musis nos delectabimus animo æquo, immo vero etiam gaudenti ac libenti. neque mihi umquam veniet in mentem Crasso invidere, neque pœnitere, quod a me ipse non desiverim. De Geographia, dabo operam, ut tibi satisfaciam; sed nihil certi polliceor. magnum opus est; sed tamen, ut jubes, curabo, ut hujus peregrinationis aliquod tibi opus exstet. Tu quidquid indagaris de republica, & maxime quos consules futuros putes, facito, ut sciam: tametsi minus sum curiosus. statui enim nihil jam de republica cogitare. Terentiæ saltum perspeximus. quid quæris? præter quercum Dodonæum nihil desideramus, quo minus Epirum ipsam possidere videamur. Nos circiter Kal.

aut



aut in Formiano erimus, aut in Pompejano. tu, si in Formiano non erimus; si nos amas, in Pompejanum venito. id & nobis erit perjucundum, & tibi non sane devium. De muro, imperavi Philotimo, ne impediret, quo minus id fieret, quod tibi videretur. censeo tamen, adhibeas Vettium. his temporibus, tam dubia vita optimi cujusque, magni æstimo unius ætatis fructum palæstræ Palatinæ, sed ita tamen, ut nihil minus velim, quam Pomponiam & puerum versari in timore ruinæ.

## CICERO ATTICO S.

5

Cupio equidem, & jam pridem cupio Alexandriam, reliquamque Ægyptum visere, & simul ab hac hominum facietate nostri discedere, & cum aliquo desiderio reverti: sed hoc tempore, & his mittentibus,

Ἀιδεομαι Τρωας, καὶ Τρωάδας ἑλκεσιπτεπλῆς.

quid enim nostri optimates, si qui reliqui sunt, loquentur? an, me aliquo præmio de sententia esse deductum?

Πυλῶδαμος μὲν πρῶτος ἐλεγχεῖν ἀναθήσει.

Cato ille noster, qui mihi unus est pro centum milibus. Quid verò historiæ de nobis ad annos xc prædicarint? quas quidem ego multo magis vereor, quam eorum hominum, qui hodie vivunt, rumusculos. sed, opinor, exoptamus, & expectemus. si enim deferetur, erit quædam nostra potestas, & tum deliberabimus. etiam est in non accipiendo nonnulla gloria. quare si quid Θεοφανῆς tecum forte contulerit, ne omnino repudiariis. de istis rebus expecto tuas litteras; quid Arrius narret; quo animo se destitutum ferat: ecqui consules parentur; utrum, ut populi sermo, Pompejus & Crassus; an, ut mihi scribitur, cum Gabinio Servius Sulpicius: & num quæ novæ leges: & num quid novi omnino: & quoniam Nepos proficiscitur, cuiquam auguratus deferatur; quo quidem



dem uno ego ab istis capi possum. vide levitatem meam. sed quid ego hæc, quæ cupio deponere, & toto animo atque omni cura φιλοσοφῶ? sic, inquam, in animo est. vellem ab initio. nunc vero, quoniam, quæ putavi esse præclara, expertus sum, quam essent inania, cum omnibus Musis rationem habere cogito. Tu tamen de Curtio ad me rescribe certius; &, num quis in ejus locum paretur; &, quid de P. Clodio fiat: &, omnia, quemadmodum polliceris, ἐπὶ σχολῆς scribe; &, quo die Roma te exiturum putes, velim ad me scribas; ut certiolem te faciam, quibus in locis futurus sim; epistolamque statim des de iis rebus, de quibus ad te scripsi. valde enim expecto tuas litteras.

## 6

## CICERO ATTICO S.

**Q**uod tibi superioribus litteris promiseram, fore, ut opus extaret hujus peregrinationis; nihil jam magnoperè confirmo. si enim sum complexus otium, ut ab eo divelli non queam. itaque aut libris me delecto, quorum habeo Antii festivam copiam: aut fluctus numero. nam ad lacertos captandos tempestates non sunt idoneæ. a scribendo prorsus abhorret animus, etenim γυνγραφήα, quæ constitueram, magnum opus est: ita valde Eratosthenes, quem mihi proposueram, a Serapione & ab Hipparcho reprehenditur. quid censes, si Tyrannio accesserit? Et hercule sunt res difficiles ad explicandum, & ὁμοειδῆς; nec tam possunt ἀντιπρογραφισθαι, quam videbatur: & quod caput est, mihi quævis satis justa causa cessandi est, quin etiam dubitem, an hic, an Antii confidam, & hoc tempus omne consumam; ubi quidem ego mallem Duumvirum, quam Romæ me fuisse. tu vero sapientior Buthroti domum parasti. sed, mihi crede, proxima est illi municipio hæc Antiatum civitas. esse locum tam prope Romam, ubi multi sint, qui Vatinium numquam viderint? ubi nemo sit præter me, qui quemquam ex vigintiviris vivum & salvum velit? ubi me interpellet nemo, diligant omnes? hic nimirum πολιτῶτες, nam illic non solum non licet, sed



sed etiam tædets itaque <sup>avandora</sup>, qui tibi uni legamus, Theopompino genere, aut etiam asperiore multo, pangentur. neque aliud jam quicquam <sup>πολιτευσσαι</sup>, nisi odisse improbos, & id ipsum nullo cum stomacho, sed potius cum aliqua scribendi voluptate. Sed ut ad rem, scripsi ad quæstores urbanos de Quinti fratris negotio. vide, quid narrent, ecqua spes sit denarii, an cistophoro Pompejano jaceamus. Præterea de muro, statue, quid faciendum sit. Aliud quid? etiam. quando te proficisci istinc putes, fac, ut sciam.

## CICERO ATTICO S.

**D**e geographia etiam atque etiam deliberabimus.

Orationes autem me duas postulas: quarum alteram non libebat mihi scribere, quia abscideram; alteram, ne laudarem eum, quem non amabam. sed id quoque videbimus: denique aliquid extabit; ne tibi plane cessasse videamur. De Publio quæ ad me scribis, sane mihi jucunda sunt: eaque etiam velim, omnibus vestigiis indagata, ad me afferas, cum venies; & interea scribas, si quid intelliges, aut suspicabere: & maxime de legatione quid sit acturus. equidem ante, quam tuas legi litteras, hominem ire cupiebam; non mehercule, ut differrem cum eo vadinionium (nam mira sum alacritate ad litigandum); sed videbatur mihi, si quid esset in eo popolare, quod plebejus factus esset, id amissurus. quid enim ad pilebem transisti? ut Tigranem ires salutatum? narra mihi: reges Armenii patricos salutare non solent? Quid quæris? acueram me ad exagitandam hanc ejus legationem. quam si ille contemnit, & si, ut scribis, bilem id commovet & latoribus, & auspiciibus, legis curiata, spectaculum egregium. Hercule, verum ut loquamur, subcontumeliose tractatur noster Publius: primum, qui cum in domo Caesaris quondam unus vir fuerit, nunc ne in viginti quidem esse potuerit: deinde, alia legatio dicta erat, alia data est. illa opima, ad exigendas pecunias, Drusa, ut opinor, Pifaurensi, an epuloni Vatinio reservatur: hæc jejuna ac bella relegatio datur ei, cujus tribunatus ad isto-

sum



rum tempora reservatur. incende hominem, ambo te, quod potest. una spes est salutis, istorum inter ipsos dissensio: cujus ego quædam initia sensi ex Curi-  
one. jam vero Arrius consulatum sibi ereptum fremit. Megabocchus, & hæc sanguinaria juvenus inimicissima est. accedat vero, accedat etiam ista rixa auguratus. spero me præclaras de istis rebus epistolas ad te sæpe missurum. Sed, illud quid sit, scire cupio, quod jaci obscure, jam etiam ex ipsis quinque viris loqui quosdam. quidnam id est? si est enim aliquid, plus est boni, quam putaram. atque hæc, si velim existimes, non me abs te *κατα το πρακτικον* quærere; quod gestiat animus aliquid agere in republica: jam pridem gubernare me tædebat, etiam cum licebat. nunc vero cum cogar exire de navi, non abjectis, sed ereptis gubernaculis; cupio istorum naufragia ex terra intueri; cupio, ut ait tuus amicus Sophocles, κα' ὑπὸς σελῆν

Πυκνὰς ἀκκρεῖν ψικαδὸς εὐδυσσὶ φρενί.

De muro, quid opus sit, videbis. Castricianum mendum nos corrigemus: tamen ad me Quintus [cic] cecro 1000 scripserat, nunc ad sororem tuam H-S xxx. Terentia tibi salutem dicit. Cicero tibi mandat, ut Aristodemo idem de se respondeas, quod de fratre suo, sororis tuæ filio, respondisti. De Amalthea quod me admones, non negligemus. Cura, ut valeas.

8

## CICERO ATTICO S.

Epistolam cum a te avide expectarem ad vesperum, ut soleo; ecce tibi nuntius, pueros venisse Roma. voce, quæro, ecquid litterarum? negant. quid ais, inquam, nihilne a Pomponio? perterriti voce & vultu, confessi sunt se accepisse, sed excidisse in via. Quid quæris? permolestè tuli. nulla enim abs te per hos dies epistola inanis aliqua re utili & suavi venerat. nunc, si quid in ea epistola, quam ante diem xvi. Kal. Maj. dedisti, fuit historia dignum, scribe quam primum, ne ignoremus: sin nihil præter jocationem, redde-



redde id ipsum. & scito Curionem adolescentem venisse ad me salutatum. valde ejus sermo de Publio cum tuis litteris congruebat. ipse vero mirandum in modum *reges odisse superbos*. peræque narrabat incensam esse juventutem, neque ferre hæc posse. bene habemus: nos, si in his spes est, opinor, aliud agamus. Ego me de historiâ. quamquam, licet me Saussejum putes esse, nihil me est inertius. Sed cognosce itinera nostra; ut statuas, ubi nos visurus sis. In Formianum volumus venire Parilibus: inde (quoniam putas prætermittendum nobis esse hoc tempore Cratera illum delicatum) Kal. Maj. de Formiano proficiscemur, ut Antii simus a. d. v Non. Maj. ludi enim Antii futuri sunt a iv ad prid. Non. Maj. eos Tullia spectare vult. inde cogito in Tusculanum, deinde Arpinum, Romam ad Kal. Jun. Te aut in Formiano, aut Antii, aut in Tusculano, cura, ut videamus. Epistolam superiorem restitue nobis, & ap-pinge aliquid novi.

## CICERO ATTICO S.

9

S. V. B. E. Cum mihi dixisset Cæcilius quæstor, puerum se Romam mittere, hæc scripsi raptim, ut tuos elicerem mirificos cum Publio dialogos, cum eos, de quibus scribis, tum illum, quem abdis, & ais, longum esse, quæ ad ea responderis, perscribere: illum vero, qui nondum habitus est, quem illa *Bon-*  
*pus*, cum e Solonio redierit, ad te est relatura, sic velim putes, nihil hoc posse mihi esse jucundius. si vero, quæ de me pacta sunt, ea non servantur; in cælo sum: ut sciat hic noster Hierosolymarius traductor ad plebem, quam bonam meis putissimis orationibus gratiam retulerit: quarum expectata divinam *pa-*  
*audiam* etenim, quantum conjectura auguramur, si erit nebulo iste cum his dynastis in gratia, non modo de cynico consulari, sed ne de istis quidem piscinarum Tritonibus poterit se jactare. non enim poterimus ulla esse in invidia, spoliati opibus & illa senatoria potentia. sin autem ab his dissentiet; erit absurdum in nos invehi. verumtamen invehatur, festive, mihi

Cic. Epist. Tom. II,

D

cre-



crede, & minore sonitu, quam putaram, orbis hic in republica est conversus: citius omnino, quam potuit, id culpa Catonis, sed rursus improbitate istorum, qui auspicia, qui Æliam legem, qui Juniam & Liciniam, qui Cæciliam & Didiam neglexerunt; qui omnia remedia reipublicæ effuderunt; qui regna, qui prædia tetrarchis, qui immanes pecunias paucis dederunt. Video jam, quo invidia transeat, & ubi sit habitatura. nihil me existimaris, neque usu, neque a Theophrasto didicisse, nisi brevi tempore desiderari nostra illa tempora videris, etenim si fuit invidiosa senatus potentia; cum ea non ad populum, sed ad tris homines immoderatos redacta sit, quidnam censes fore? proinde isti licet faciant, quos volent, consules, tribunos plebis, denique etiam Vatini frum sacerdotii *δισαφα* vestiant; videbis brevi tempore magnos non modo eos, qui nihil titubarunt, sed etiam illum ipsum, qui peccavit, Catonem. nam nos quidem, si per istum tuum sodalem Publium licebit, *σοφιστευειν* cogitamus: si ille cogit *αγτα*, tum duntaxat nos defendere; &, quod est proprium artis hujus, *επαγγελομαι*

*Ἄνδρ' ἀπαμυνεσθαι, ὅτε τις προτερος χαλεπήνη.*

Patria propicia sit: habet a nobis, etiamsi non plus, quam debitum est, plus certe, quam postulatum est. male vehi malo, alio gubernante, quam, tam ingratissimis vectoribus, bene gubernare. Sed hæc coram commodius. nunc audi, quod quæris. Antium me ex Formiano recipere cogito a. d. v Non. Maj. Antio volo Non. Maj. proficisci in Tusculanum. sed cum e Formiano rediero, (ibi esse usque ad prid. Kalend. Maj. volo,) faciam statim te certiozem. Terentia tibi salutem. *Κικερον ὁ μικρος ἀσπαζεται Τίτον Ἀθηναίων.*

10

CICERO ATTICO S.

**V**olo ames meam constantiam. ludos Antii spectare non placet. Est enim *ὑποβολικον*, cum velim vitare omnium deliciarum suspicionem, repente *ἀνασ*

*φαινε*



*φαντασαι* non solum delicate, sed etiam inepte peregrinantem. quare usque ad Non. Maj. te in Formiano exspectabo. nunc fac, ut sciam, quo die te visuri simus. Ab Appii Foro, hora quarta. dederam aliam paulo ante Tribus Tabernis.

## CICERO ATTICO S.

II

**N**arro tibi: plane relegatus mihi videor, postquam in Formiano sum. dies enim nullus erat, Antii cum essem, quo die non melius scirem, Romæ quid ageretur, quam ii, qui erant Romæ. etenim litteræ tuæ, non solum quid Romæ, sed etiam quid in republica, neque solum quid fieret, verum etiam quid futurum esset, indicabant. nunc, nisi si quid ex prætereunte viatore exceptum est, scire nihil possumus. quare quamquam jam te ipsum exspecto, tamen illi puero, quem ad me statim jussi recurrere, da ponderosam aliquam epistolam, plenam omnium non modo adorum, sed etiam opinionum tuarum: ac diem, quo Roma sis exiturus, cura ut sciam. Nos in Formiano esse volumus usque ad prid. Non. Maj. eo si ante eam diem non veneris, Romæ te fortasse videbo. nam Arpinum quid ego te invitem?

*Τραχει, 'αλλ' αγαθη καρτερητος. 'στι 'εγωγε  
 Ης γαιης δυναμαι γλυκερωτερον 'αλλο 'ιδισθαι.*

Hæc igitur. Cura ut valeas.

## CICERO ATTICO S.

12

**N**egent illi Publium plebejum factum esse. hoc vero regnum est, & ferri nullo pacto potest. Emittat ad me Publius, qui obsignent; jurabo, Cnæum nostrum, collegam Balbi, Antii mihi narrasse, se in auspicio fuisse. o suaves epistolas tuas, uno tempore mihi datas, duas! quibus *ευαγγελια* quæ reddam, nescio: deberi quidem plane fateor. sed vide *συγκυρημα*. Emerferam commode ex Antiati in Appiam ad Tris Tabernas, ipsis Cerialibus, cum in me incurrit Roma veniens Curio meus. ibidem ilico puer abs te cum



epistolis. ille ex me, nihilne audissem novi: ego negare. Publius, inquit, tribunatum plebis petit. quid ais? & inimicissimus quidem Cæsaris, & ut omnia, inquit, ista rescindat. quid Cæsar? inquam. negat, se quicquam de illius adoptione tulisse. deinde suum, Memmii, Metelli Nepotis expromsit odium. Complexus juvenem dimisi, properans ad epistolas. Ubi sunt, qui ajunt ζωσής φωνής? quanto magis vidi ex tuis litteris, quam ex illius sermone, quid ageretur? de ruminatōne quotidiana, de cogitatione Publii, de lituis βωπιδος, de signifero Athenione, de litteris missis ad Cnæum, de Theophanis, Memmiique sermone: quantam porro mihi expectationem dedisti convivii istius ἀσελγής? sum in curiositate ὀξύτεινος: sed tamen facile patior te id ad me συμποσίον non scribere; præsentem audire malo. Quod me, ut scribam aliquid, hortaris: crescit mihi quidem materies, ut dicis: sed tota res etiam nunc fluctuat: κατ' ὑπάρχου πρὸς. quæ si defecerit, magis erunt judicata, quæ scribam: quæ si statim a me ferre non potueris, primus habebis tamen, & aliquandiu solus. Dicæarchum recte amas. luculentus homo est, & civis haud paullo melior, quam isti nostri ἀδικαιοεχέοι. Litteras scripsi hora decima Cerialibus, statim, ut tuas legeram: sed eas eram daturus, ut putarem, postredie ei, qui mihi primus obviam venisset. Terentia delectata est tuis litteris. impertit tibi multam salutem: καὶ Κικέρων ὁ φιλόσοφος τὸν πολιτικὸν Τίτον ἀσπάζεταιται.

13

## CICERO ATTICO S.

**F**acinus indignum; epistolam, ἀνδραγεί tibi a Tribus Tabernis rescriptam ad tuas suavissimas epistolas, neminem reddidisse? at scito, eum fasciculum, quo illam conjeceram, domum eo ipso die latum esse, quo ego dederam, & ad me in Formianum relatum esse. itaque tibi tuam epistolam jussi referri; ex qua intelligeres, quam mihi tum illæ gratæ fuissent. Romæ quod scribis sileri, ita putabam. at hercule in agris non siletur: nec jam ipsi agri regnum vestrum ferre possunt. si vero in hanc τηλεπύλον veneris Δαιτρε-

γῶν,



γυνήν, (Formias dico,) qui fremitus hominum? quam irati animi? quanto in odio noster amicus Magnus? cujus cognomen una cum Crassi Divitis cognomine consensescit. credas mihi velim; neminem adhuc offendi, qui hæc tam lente, quam ego fero, ferret. quare, mihi crede, φιλοσοφώμεν. juratus tibi possum dicere, nihil esse tanti. Tu si litteras ad Sicyonios habes, advola in Formianum: unde nos pr. Non. Maj. cogitamus.

## CICERO ATTICO S.

14

Quantam tu mihi moves expectationem de sermone Bibuli? quantam de colloquio βρωπιδος? quantum etiam de illo delicato convivio? proinde ita fac, venias ad sitientis aures. quamquam nihil est jam, quod magis timendum nobis putem, quam ne ille noster Sampficeramus, cum se omnium sermonibus sentiet vapulare, & cum has actiones εὐκαταργητες videbit, ruere incipiat. ego autem usque eo sum enervatus, ut hoc otio, quo nunc tabescimus, malim ἡσυχάζεσθαι quam cum optima spe dimicare. De pangendo quod me crebro adhortaris, fieri nihil potest. basilicam habeo, non villam, frequentia Formianorum. at quam parem basilicæ tribum Æmiliam? sed ommitto vulgus: post horam iv molesti ceteri non sunt. C. Arrius proximus est vicinus: imo ille quidem jam contubernalis: qui etiam se idcirco Romam ire negat, ut hic mecum totos dies philosophetur. Ecce ex altera parte Sebosus, ille Catuli familiaris. quo me vertam? statim mehercule Arpinum irem, ni te in Formiano commodissime expectari viderem, duntaxat ad prid. Non. Maj. vide enim, quibus hominibus aures sint deditæ meæ. occasionem mirificam, si qui nunc, dum hi apud me sunt, emere de me fundum Formianum velit. & tamen illud probem? magnum quid aggrediamur, & multa cogitationis atque otii, sed tamen satisfiet a nobis, neque parceretur labori.



## CICERO ATTICO S.

15

**X** Ut scribis, ita video, non minus incerta in republica, quam in epistola tua: sed tamen ista ipsa me varietas sermonum opinionumque delectat. Romæ enim videor esse, cum tuas litteras lego, & ut sit in tantis rebus, modo hoc, modo illud audire. illud tamen explicare non possum, quidnam invenire possit, nullo recusante, ad facultatem agrariam. Bibuli autem, ista magnitudo animi in comitiorum dilatione, quid habet, nisi ipsius iudicium sine ulla correctione reipublicæ? nimirum in Publico spes est? fiat tribunus plebis: si nihil aliud, ut eo citius tu ex Epiro revertare. nam, ut illo tu careas, non video posse fieri; præsertim si mecum aliquid volet disputare. sed id quidem non dubium est, quin, si quid erit ejusmodi, sis advolaturus. verum ut hoc non sit; tamen seu ruet, seu erigat rempublicam, præclarum spectaculum mihi propono, modo te confessore spectare liceat. Cum hæc maxime scriberem, ecce tibi Sebosus, nondum plane ingemueram; salve, inquit Arrius. Hoc est Roma decedere? Quos ego homines effugi, cum in hos incidi? ego vero in montes patrios, & ad incunabula nostra pergam. denique, si solus non potuero, cum rusticis potius, quam cum his perurbanis: ita tamen, ut, quoniam tu certi nihil scribis, in Formiano tibi præstoler usque ad iii Non. Maj. Terentia pergrata est assiduitas tua & diligentia in controversia Mulviana. nescit omnino, te communem causam defendere eorum, qui agros publicos possideant. sed tamen tu aliquid publicanis pendis; hæc etiam id recusat. ea tibi igitur, & Κικέρων, ἀριστοκρατιστάτος παῖς, salutem dicunt.

16

## CICERO ATTICO S.

**C**enato mihi, & jam domitanti, prid. Kal. Maj. epistola est illa reddita, in qua de agro Campano scribis. quid quæris? primum ita me pupugit, ut summum mihi ademerit, sed id cogitatione magis, quam molestia. cogitanti autem hæc fere succurrebant. primum



num ex eo, quod superioribus litteris scripseras, ex familiari te illius audisse, prolatum iri aliquid, quod nemo improbare; majus aliquid timueram: hoc mihi ejusmodi non videbatur. deinde, ut me ego consolet, omnis expectatio largitionis agraria in agrum Campanum videtur esse derivata: qui ager, ut dena jugera sint, non amplius hominum quinque millia potest sustinere. reliqua omnis multitudo ab illis abalienetur, necesse est. præterea, si illa res est, quæ bonorum animos, quos jam video esse commos, vehementius possit incendere, hæc certe est, & eo magis, quod portorii Italiae sublatis, agro Campano diviso, quod vestigal superest domesticum, præter vicesimam? quæ mihi videtur una conciuncula, clamore pedisse quorum nostrorum, esse peritura. Cnæus quidem noster jam plane quid cogitet, nescio.

φύσα γὰρ ὁ σμικροῖσιν ἀλλισκοῖς ἐστὶ,

ἄλλ' ἀγρίαις φύσαισι, φορβοῖαις ἀτίει:

qui quidem etiam istuc adduci potuerit. nam adhuc hoc ἐπιφίξεται, se leges Cæsaris probare; actiones ipsum præstare debere: agrariam legem sibi placuisse: poterit intercedi, nec ne, nihil ad se pertinere: de rege Alexandrino placuisse sibi aliquando confici; Bibulus de cælo tum servasset, nec ne, sibi quærendum non fuisse: de publicanis, voluisse illi ordini commodare; quid futurum fuerit, si Bibulus tum in forum descendisset, se divinare non potuisse. nunc vero, Sampsi-gerame, quid dices? vestigal te nobis in monte Antilibano constituisse, agri Campani abstulisse? quid, hoc quemadmodum obtinebis? oppressos vos, inquit, tenebo exercitu, Cæsaris. non mehercule me tu quidem tam isto exercitu, quam ingratis animis eorum hominum, qui appellantur boni: qui mihi non modo præmiorum, sed ne sermonum quidem umquam fructum ullum, aut gratiam retulerunt. quasi in eam me partem incitarem, profecto jam aliquam reperi-rem resistendi viam. nunc prorsus hoc statui, ut, quoniam tanta controversia est Dicæarcho, familiari tuo, cum Theophrasto, amico meo, ut ille tuus τῶν πρᾶκτι-



εὐὸν βίον longe omnibus anteponat, hic autem τοῦ διαγυ-  
 ριστοῦ, utrique a me mos gestus, esse videatur. puto  
 enim me Dicæarcho affatim satisfacisse: respicio nunc  
 ad hanc familiam, quæ mihi non modo, ut requie-  
 scam, permittit, sed reprehendit, quia non semper  
 quierim. quare incumbamus, o noster Titè, ad illa  
 præclara studia, & eo, unde discedere non oportuit,  
 aliquando revertamur. Quod de Quinti fratris epi-  
 stola scribis, ad me quoque fuit προειρημένον, ὅτι τίς δέ.  
 quid dicam nescio. nam ita deplorat primis versibus  
 mansionem suam, ut quemvis movere possit: ita rur-  
 sus remittit, ut me roget, ut annales suos emendem,  
 & edam. Illud tamen, quod scribit, animadvertas  
 velim, de portorio circumvectionis: ait, se de con-  
 siliū sententia rem ad senatum rejecisse. nondum vide-  
 licet meas litteras legerat; quibus ad eum, re con-  
 sulta & explorata, perscripseram, non deberi. velim,  
 si qui Græci jam Romam ex Asia de ea causa vene-  
 runt, videas, & si tibi videbitur, his demonstras,  
 quid ego de ea re sentiam. si possum discere, ne  
 causa optima in senatu pereat, ego satisfaciam publi-  
 canis: εἰ δέ μὴ, (vere tecum loquar,) in hac re malo  
 universæ Asiæ, & negotiatoribus. nam eorum quo-  
 que vehementer interest. hoc ego sentio valde nobis  
 opus esse. sed tu id videbis. Quætores autem, quæso,  
 num etiam cistophoro dubitant? nam si aliud nihil  
 erit; cum erimus omnia expenti, ego illud ne qui-  
 dem contemnam, quod extremum est. Te in Arpi-  
 nati videbimus, & hospitio apud eum accipiemus; quo-  
 niam maritimum hoc contemnimus.

## CICERO ATTICO S.

17

Prorsus, ut scribis, ita sentio. turbatur Samplice-  
 ramus: nihil est, quod non timendum sit. ὁ πόθος  
 γέννηται τοῦ γέννηται οὐδὲν καὶ στρατός. quid enim ista repentina  
 affinitatis conjunctio, quid ager Campanus, quid ef-  
 fusio pecuniæ significant? quæ si essent extrema, ta-  
 men esset nimium mali: sed ea natura rei est, ut hæc  
 extrema esse non possint. quid enim eos hæc ipsa per  
 se delectare possunt? numquam huc venissent, nisi ad  
 alias



alias res pestíferas aditus sibi compararent. verum, ut scribis, hæc in Arpinati a. d. vi circiter Id. Maj. non desſebimus, ne & opera & oleum philologiæ nostræ perierit: sed conferemus tranquillo animo. dii immortales! neque tam me *εὐελπίστῳ* consolatur, ut antea, quam *ἀδιαφορία*, qua nulla in re tam utor, quam in hac civili & publica. quin etiam, quod est subinane in nobis, & non *ἀφιλοδοξόν*, (bellum est enim sua vitia nosse,) afficitur quadam delectatione. solebat enim me pungere, ne Sampſicerami merita in patriam ad annos dc majora viderentur, quam nostra: hac quidem cura certe jam vacuum est. jacet enim ille sic, ut Phocis Curiana stare videatur. Sed hæc coram. Tu tamen videris mihi Romæ fore ad nostrum adventum. quod sane facile patiar, si tuo commodo fieri possit. sin, ut scribis, ita venies; velim e Theophane expiscere, quonam in me animo sit Alabarches. quæres scilicet, ut soles *κατὰ το κηδεμονικόν*, & ad me ab eo quasi *υποδηκας* adferes, quemadmodum me geram. aliquid ex ejus sermone poterimus *περὶ τῶν ὅλων* suspicari.

## CICERO ATTICO S.

18

**A**ccepi aliquot epistolas tuas: ex quibus intellexi, quam suspensio animo & sollicito scire averes, quid esset novi. tenemur undique; neque jam, quominus serviamus, recusamus: sed mortem & ejedionem, quasi majora, timemus: quæ multo sunt minora, atque hic status, qui una voce omnium gemitur, neque verbo cujusquam sublevatur. σκοπός est, ut suspicor, illis qui tenent, nullam cuiquam largitionem relinquere. unus loquitur, & palam adversatur adolescens Curio. huic plausus maximi, consalutatio forensis perhonorifica, signa præterea benivolentiæ permulta a bonis impertiuntur: Fusum clamoribus, & conviciis, & sibilis confectantur. his ex rebus non spes, sed dolor est major; cum videas civitatis voluntatem solutam, virtutem alligatam, ac ne forte quæras *κατὰ λεπτὸν* de singulis rebus, universo res eo est deducta, spes ut nulla sit, aliquando non modo

D 5

priva.



privatos, verum etiam magistratus liberos fore. Hac tamen in oppreſſione, ſermo, in circulis duntaxat & conviviis, eſt liberior, quam fuit. vincere incipit timorem dolor, ſed ita, ut omnia ſint pleniffima deſperationis. habet etiam Campana lex execrationem in coitione candidatorum; ſi mentionem fecerint, quo aliter ager poſſideatur, atque ut ex legibus Juliis. Non dubitant jurare ceteri: Laterenſis exiſtimatur laute feciſſe, quod tribunatum plebis petere deſtitit, ne juraret. Sed de republica non libet plura ſcribere. diſpliceo mihi, nec ſine ſummo ſcribo dolore. me tueor; ut oppreſſis omnibus, non demiſſe; ut tantis rebus geſtis, parum fortiter. a Cæſare valde liberaliter invitator in legationem illam, ſibi ut ſim legatus: atque etiam libera legatio voti cauſa datur. ſed hæc & præſidii apud pudorem Pulchelli non habet ſatis, & a fratris adventu me ablegat: illa & munitior eſt, & non impedit, quo minus adſim, cum velim. hanc ego teneo; ſed uſurum me non puto. neque tamen ſcit quiſquam. non lubet fugere: aveo pugnare. magna ſunt hominum ſtudia. ſed nihil affirmo: tu hoc ſilebis. De Statio manumiſſo, & nonnullis aliis rebus, angor quidem, ſed jam prorſus occallui. tu, vellem, egove cuperem, adeſſes: nec mihi conſilium, nec conſolatio deeſſet. ſed ita te para, ut, ſi inclamaro, advoles.

19

CICERO ATTICO S.

**M**ulta me ſollicitant, & ex reipublicæ tanto motu, & ex iis periculis, quæ mihi ipſi intenduntur: & ſexcenta ſunt. ſed mihi nihil eſt moleſtius, quam Statium manumiſſum. nec meum imperum? ac mirro imperium, non ſimultatem meam revereri ſaltem? nec, quid faciam, ſcio: neque tantum eſt in re, quantus eſt ſermo. ego autem ne irasſci poſſum quidem iis, quos valde amo; tantum doleo, ac mirifice quidem. cetera in magnis rebus, minæ Clodii, contentionesque, quæ mihi proponuntur, modice me tangunt. etenim vel ſubire eas videor mihi ſumma cum dignitate, vel declinare nulla cum moleſtia poſſe. Dices fortasſe, di-

gnita-



gnitatis *αἰς*, tamquam *θεός*: salutem, si me amas, consule. Me miserum! cur non ades? nihil te profecto præteriret: ego fortasse *τυφλωτα*, & nimium *τα καλὰ πορρωτάτω*. scito nihil umquam fuisse tam infame, tam turpe, tam peræque omnibus generibus, ordinibus, ætatibus offensum, quam hunc statum, qui est: magis mehercule, quam vellem, non modo quam putaram. populares isti jam etiam modestos homines sibilare docuerunt. Bibulus in cælo est: nec, quare, scio; sed ita laudatur, quasi *Unus homo nobis cunctando restituit rem*. Pompejus, nostri amores, quod mihi summo dolori est, ipse se afflixit: neminem tenet: voluntate, an metu necesse sit iis uti, vereor. Ego autem neque pugno cum illa causa, propter illam amicitiam, neque approbo, ne omnia improbem, quæ antea gessi: utor via. populi sensus maxime theatro & spectaculis perspectus est. nam gladiatoribus, qua dominus, qua advocati sibilis confissi: ludis Apollinariis Diphilus tragedus in nostrum Pompejum petulantèr investus est: *Nostra miseria tu es Magnus*, millies coactus est dicere. Eandem virtutem istam, venit tempus, cum graviter gemes, totius theatri clamore dixit, itemque cetera. nam & ejusmodi sunt ii versus, ut in tempus ab inimico Pompeji scripti esse videantur. *Si neque leges, neque mores cogunt, & cetera* magno cum fremitu & clamore sunt dicta. Cæsar cum venisset mortuo plausu, Curio filius est insecutus. huic ita plausum est, ut, salva republica, Pompejo plaudere solebat. tulit Cæsar graviter. litteræ Capuam ad Pompejum volare dicebantur. inimici erant equitibus, qui Curioni stantes plauserant; hostes omnibus. Rosciæ legi, etiam frumentariæ minitabantur. sane res erat perturbata. Equidem malueram, quod erat susceptum ab illis, silentio transire: sed vereor, ne non liceat. non ferunt homines, quod videtur esse tamen ferendum. sed est jam una vox omnium, magis odio firmata, quam præsidio. Noster autem Publius mihi inimicatur: impendet negotium: ad quod tu scilicet advolabis. Videor mihi nostrum illum consularem exercitum bonorum omnium, etiam satis bonorum, habere.



habere firmissimum. Pompejus significat studium erga me non mediocre. idem affirmat, verbum de me ul- lum non esse facturum. in quo non me ille fallit, sed ipse fallitur. Cosconio mortuo, sum in ejus locum invitatus. id erat vocari in locum mortui. nihil me turpius apud homines fuisset: neque vero, ad istam ipsam <sup>αποφασισιν</sup> quicquam alienius. sunt enim illi apud bonos invidiosi: ego apud improbos meam retinuis- sem invidiam, alienam assumsissem. Cæsar me sibi vult esse legatum. honestior hæc declinatio periculi. sed ego hoc repudio. quid ergo est? pugnare malo. nihil tamen certi. iterum dico, utinam adesses! sed tamen, si erit necesse, arcessemus. Quid aliud? quid? hoc opinor. certi sumus perisse omnia. quid enim <sup>απο- κρισμεθα</sup> tamdiu? sed hæc scripsi properans, & me- hercule timide. posthac ad te, aut, si perfidelem habebo, cui dem, scribam plane omnia, aut, si ob- scure scribam, tu tamen intelliges. in iis epistolis me Lælium, te Furium faciam: cetera erunt <sup>τα αληθινά</sup>. Hic Cæcilium colimus & observamus diligenter. Edicta Bibuli audio ad te missa. iis ardet dolore & ira, noster Pompejus.

**A**nicato, ut te velle intellexeram, nullo loco de- fui. Numestium ex litteris tuis, studiose scriptis, libenter in amicitiam recepi. Cæcilium, quibus re- bus possum, tueor, diligenter. Varro satisfacit no- bis. Pompejus amat nos, carosque habet. credis? inquires. credo: prorsus mihi persuadet. sed quia, ut video, pragmatici homines omnibus historicis præ- ceptis, versibus denique cavere jubent, & vetant cre- dere: alterum facio, ut caveam; alterum, ut non credam, facere non possum. Clodius adhuc mihi denuntiat periculum: Pompejus affirmat, non esse pe- riculum; adjurat; addit etiam, se prius occisum iri ab eo, quam me violatum iri. tractatur res. simul ac quid erit certi, scribam ad te. si erit pugnandum, ar- cessam ad societatem laboris: si quies dabitur, ab Amalthea te non commovebo. De republica brevi-



ter ad te scribam. jam enim, charta ipsa ne nos prodatur, pertimesco. itaque posthac, si erunt mihi plura ad te scribenda, *ἁλλήγοις* obscurabo. Nunc quidem novo quodam morbo civitas moritur; ut, cum omnes ea, quæ sunt acta, improbent, querantur, doleant, varietas in re nulla sit, aperteque loquantur, & jam clare gemant; tamen medicina nulla affertur. neque enim resisti sine internecione posse arbitramur: nec videmus, qui finis cedendi, præter exitium, futurus sit. Bihulus hominum admiratione & benivolentia in cælo est. edicta ejus & conciones describunt & legunt. novo quodam genere in summam gloriam venit. populare nunc nihil tam est, quam odium popularium. Hæc quo sint eruptura, timeo. sed, si dispicere quid cæpero, scribam ad te apertius. tu, si me amas tantum, quantum profecto amas; expeditus, facito, ut sis; si inclamaro, ut accurras. sed do operam & dabo, ne sit necesse. Quod scripseram, te Furium scripturum; nihil necesse est tuum nomen mutare. me faciam Lælium, & te Atticum; neque utar meo chirographo, neque signo; si modo erunt ejusmodi litteræ, quas in alienum incidere nolim. Diodotus mortuus est: reliquit nobis H. S. fortasse centies. Comitia Bibulus cum Archilochio edicto in ante diem xv Kal. Novemb. disulit. A Vibio libros accepi. poeta ineptus: nec tamen scit nihil: & est non inutilis. describo & remitto.

## CICERO ATTICO S.

21

**D**e republica quid ego tibi subtiliter? tota perit: atque hoc est miserior, quam reliquisti, quod tum videbatur ejusmodi dominatio civitatem oppressisse, quæ jucunda esset multitudini, bonis autem ita molesta, ut tamen sine perniciæ: nunc repente tanto in odio est omnibus, ut, quorsum eruptura si horreamus. nam iracundiam atque intemperantiam illorum sumus experti, qui Catoni irati omnia perdidit. sed ita lenibus uti videbantur venenis, ut posse videremur sine dolore interire. nunc vero sibilis vulgi, sermonibus honestorum, fremitu Italiæ, vereor ne  
exar-



exarserint. Equidem sperabam, ut sæpe etiam loqui tecum solebam, sic orbem reipublicæ esse conversum, ut vix sonitum audire, vix impressam orbitam videre possemus: & fuisset ita, si homines transitum tempestatis expectare potuissent: sed cum diu occulte suspirassent, postea jam gemere, ad extremum vero loqui omnes & clamare cœperunt. itaque ille amicus noster, insolens infamiæ, semper in laude versatus, circumfluens gloria, deformatus corpore, fractus animo, quo se conferat nescit; progressum præcipitem, inconstantem reditum videt: bonos inimicos habet, improbos ipsos non amicos. Ac vide molli-  
 tiem animi. non tenui lacrimas, cum illum ante viir Kal. Sext. vidi de edictis Bibuli concionantem: qui antea solitus esset iactare se magnificentissime illo in loco, summo cum amore populi, cunctis faventibus, ut ille tum humilis, ut demissus erat, ut ipse etiam sibi, non iis solum, qui aderant, displicebat. o! specululum uni Crasso jucundum, ceteris non item! nam, qui deciderat ex astris, lapsus, quam progressus, potius videbatur: &, ut Appelles, si Venerem, aut si Protogenes Jalsum illum suum cæno oblitum videret, magnum, credo, acciperet dolorem: sic ego hanc, omnibus a me pictum & politum artis coloribus, subito deformatum, non sine magno dolore vidi. quamquam nemo putabat, propter Clodianum negotium, me illi amicum esse debere: tamen tantus fuit amor, ut exauriri nulla posset injuria. itaque Archilochia in illum edicta Bibuli populo ita sunt jucunda, ut eum locum, ubi proponuntur, præ multitudinem eorum, qui legunt, transire nequeant; ipsi ita acerba, ut tabescat dolore; mihi mehercule molesta, quod & eum, quem semper dilexi, nimis excruciant, & timeo, tam vehemens vir, tamque acer in ferro, & tam insuetus contumeliæ, ne omni animi impetu dolori & iracundiæ pareat. Bibuli qui sit exitus futurus, nescio. ut nunc res se habet, admirabili gloria est. qui cum comitia in mensem Octobr. distulisset; quod solet ea res populi voluntatem offendere, putarat Cæsar, oratione sua posse impelli concionem,

ut



ut iret, ad Bibulum; multa cum seditiosissime diceret, vocem exprimere non potuit. Quid quæris? sentiunt, se nullam ullius patris voluntatem tenere: eo magis vis nobis est timenda. Clodius inimicus est nobis. Pompejus confirmat, eum nihil esse facturum contra me. mihi periculosum est credere: ad resistendum me paro. studia spero me summa habiturum omnium ordinum. te cum ego desidero, tum vero res ac tempus illud vocat. plurimum consilii, animi, præsidii denique mihi, si te ad tempus videro, acceperit. Varro mihi satisfacit. Pompejus loquitur divinitus. spero nos aut certe cum summa gloria, aut sine molestia etiam discessuros. Tu, quid agas, quemadmodum te oblectes, quid cum Sicyonius egeris, ut sciam, cura.

## CICERO ATTICO S.

22

Quam vellem Romæ! mansisses profecto, si hæc fore putassemus. nam Pulchellum nostrum facillime teneremus: aut certe, quid esset facturum, scire possemus. nunc se res sic habet; volitat, furit, nihil habet certi; multis denuntiat; quod foro obtulerit, id acturus videtur. cum videt, quo sit in odio status hic rerum, in eos, qui hæc egerunt, impetum facturum videtur. cum autem rursus opes & vim exercitus recordatur, convertit se in nos. nobis autem ipsis cum vim, tum iudicium minatur. Cum hoc Pompejus egit, & ut ad me ipse referebat, (alium enim habeo neminem testem,) vehementer egit, cum diceret, in summa se perfidiæ & sceleris infamia fore, si mihi periculum crearetur ab eo, quem ipse armasset, cum plebejum fieri passus esset: sed fidem recepisse sibi & ipsum, & Appium de me: hanc si ille non servaret, ita laturum, ut omnes intelligerent, nihil sibi antiquius amicitia nostra fuisse. Hæc, & in eam sententiam cum multa dixisset, agebat illum primo sane diu multa contra: ad extremum autem manus dedisse, & affirmasse, nihil se contra ejus voluntatem esse facturum. sed postea tamen ille non destitit de nobis asperrime loqui, quod si non faceret, ta-

men



men ei nihil crederemus: atque omnia, sicut facimus; pararemus: nunc ita nos gerimus, ut in dies singulos & studio in nos hominum, & opes nostræ augeantur. rempublicam nulla ex parte attingimus. in causis atque in illa opera nostra forense summa industria versamur. quod egregie, non modo iis, qui utuntur opera, sed etiam in vulgus gratum esse sentimus. domus celebratur: occurritur: renovatur memoria consulatus: studia significantur: in eam spem adducimur, ut nobis ea contentio, quæ impendet, interdum non fugienda videatur. nunc mihi & consiliis opus est tuis, & amore, & fide. quare advola. expedita mihi erunt omnia, si te habebo. multa per Varronem nostrum agi possunt, quæ te urgente erunt firmiora; multa ab ipso Publio elici, multa cognosci, quæ tibi occulta esse non poterunt: multa etiam; sed absurdum est singula explicare: tum ego requiram te ad omnia. Unum illud tibi persuadeas velim, omnia mihi fore explicata, si de videro: sed totum est in eo, si ante, quam ille ineat magistratum. Puto Pompejum Crasso urgente, si tu aderis, qui per *συνῆτιν* ex ipso intelligere possis, qua fide ab illis agatur, nos aut sine molestia, aut certe sine errore futuros. precibus nostris & cohortatione non indiges. quid mea voluntas, quid tempus, quid rei magnitudo posulet, intelligis. De republica nihil habeo ad te scribere, nisi summum odium omnium hominum in eos, qui tenent omnia, mutationis tamen spes nulla. sed, quod facile sentias, tædet ipsum Pompejum, vehemerque pœnitet. non provideo satis, quem exitum futurum putem. sed certe videntur hæc aliquo eruptura. Libros Alexandri, negligentis hominis, & non boni poetæ, sed tamen non inutilis, tibi remisi. Numerium Numestium libenter accepi in amicitiam; & hominem gravem, & prudentem, & dignum tua commendatione cognovi.

23

CICERO ATTICO S.

**N**umquam ante arbitror te epistolam meam legisse, nisi mea manu scriptam. ex eo colligere poteris, quanta occupatione distinear. nam, cum vacui tem-  
poris



poris nihil haberem, & cum, recreandæ voculæ causa, necesse esse mihi ambulare, hæc dictavi ambulans. Primum igitur illud te scire volo, Sampsiceramum, nostrum amicum, vehementer sui status pœnitere; restituique in eum locum cupere, ex quo decidit: doloremque suum impertire nobis, & medicinam interdum aperte quærere; quam ego possum invenire nullam: post deinde omnes illius partis auctores ac socios, nullo adversario, consensescere, consensu-nem universorum nec voluntatis, nec sermonis majorem umquam fuisse. Nos autem (nam id te scire cupere, certo scio) publicis consiliis nullis intersumus, totosque nos ad forensē operam laboremque contulimus. ex quo, quod facile intelligi possit, in multa commemoratione earum rerum, quas gessimus, desiderioque versamur. sed *poenitens* nostræ consanguineus non mediocris terrores jacet atque denuntiat, & Sampsiceram negat; ceteris præ se fert, & ostentat. Quamobrem, si me amas tantum, quantum profecto amas; si dormis, expergiscere; si stas, ingredi; si ingredi, curre; si curris, advola. Credibile non est, quantum ego in consiliis & prudentia tua, quod maximum est, quantum in amore & fide ponam. magnitudo rei longam orationem fortasse desiderat: conjunctio vero nostrorum animorum brevitate contenta est. permagni nostra interest, te, si comitiis non potueris, at, declarato illo, esse Romæ. Cura, ut valeas.

## CICERO ATTICO S.

24

**Q**uas Numestio litteras dedi, sic te iis evocabam, ut nihil acrius, neque incitatus fieri posset. ad illam *καλεσθαι* adde etiam, si quid potes. ac ne sis perturbatus; novi enim te, & non ignoro, quam sit amor omnis sollicitus atque anxius: sed res est, ut spero, non tam exitu molesta, quam auditu. Vettius ille, ille noster index, Cæsari, ut perspicimus, sollicitus est, sese curaturum, ut in aliquam suspicionem facinoris Curio filius adduceretur. itaque insinuatus in familiaritatem adolescentis, & cum eo



ut res indicat, saepe congressus, rem in eum locum deduxit, ut diceret, sibi certum esse, cum suis servis in Pompejum impetum facere, eumque occidere. hoc Curio ad patrem detulit, ille ad Pompejum. res delata ad senatum est. introductus Vettius, primo negabat, se umquam cum Curione reslitisse: neque id sane diu. nam statim fidem publicam postulavit. haud reclamatum est. tum exposuit, manum fuisse juventutis, duce Curione, in qua Paullus initio fuisset, & Q. Capio hic Brutus, & Lentulus, flaminis filius, confcio patre. postea C. Septimium, scribam Bibuli, pugionem sibi a Bibulo attulisse: quod totum irrisum est: Vettio pugionem defuisse, nisi ei consul dedisset: eoque magis id ejectum est, quod a. d. iii. Id. Maj. Bibulus Pompejum fecerat certiores, ut cave-ret insidias. in quo ei Pompejus gratias egerat. Introductus Curio filius, dixit ad ea, quæ Vettius dixerat: maximeque in eo tum quidem Vettius est reprehensus, quod dixerat, adolescentium consilium, ut in foro cum gladiatoribus Gabinii Pompejum adirentur; in eo principem Paullum fuisse; quem constabat eo tempore in Macedonia fuisse. fit senatus consultum, ut Vettius, quod confessus esset, se cum telo fuisse, in vincula conjiceretur: qui eum emisisset, contra rempublicam esse facturum. res erat in ea opinione, ut putarent id esse actum, ut Vettius in foro cum pugione, & item servi ejus comprehenderentur cum telis, deinde ille se diceret indicaturum; idque ita actum esset, nisi Curiones rem ante ad Pompejum detulissent. tum senatus consultum in concione recitatum est. postero autem die Caesar, is, qui olim, prator cum esset, Q. Catulum ex inferiore loco jussit dicere, Vettium in Rostra produxit; eumque in eo loco constituit, quo Bibulo consuli aspirare non liceret. hic ille omnia, quæ voluit, de republica dixit; & qui illuc factus institutusque venisset. primum Capionem de oratione sua sustulit, quem in senatu acerrime nominarat; ut appareret, noctem & nocturnam deprecationem intercessisse; deinde, quos in senatu ne tenuissima quidem suspi-



suspicionem attigerat, eos nominavit: Lucullum, a quo solitum esse ad se mitti C. Fannium, illum, qui in P. Clodium subscripserat; L. Domitium, cujus domum constitutam fuisse, unde eruptio fieret: me non nominavit: sed dixit, consulatam disertum, vicinum consulis, sibi dixisse, Ahalam Servilium aliquem, aut Brutum opus esse reperiri. addidit ad extremum, cum, jam dimissa concione, revocatus a Vatinio fuisset, se audisse a Curione, his de rebus conscium esse Pisonem, generum meum, & M. Laterensem. nunc reus erat apud Crassum Divitem Vettius de vi: &, cum esset damnatus, erat indicium postulaturus: quod si impetrasset, judicia fore videbantur. ea nos, utpote qui nihil contemnere solemus, non pertimescebamus. hominum quidem summa erga nos studia significabantur: sed prorsus vitæ tædet: ita sunt omnia omnium miseriarum plenissima. modo eadem timueramus, quam oratio fortissimi senis Q. Confidii discusserat: ea, quam quotidie timere potueramus, subito exorta est. Quid quæris? nihil me infortunatius, nil fortunatius est Catulo, cum splendore vitæ, tum hoc tempore. nos tamen in his miseriis erecto animo & minime perturbato sumus: honestissimeque & dignitatem nostram magna cura tuemur. Pompejus de Clodio jubet nos esse sine cura, & summam in nos benevolentiam omni oratione significat. Te habere consiliorum auctorem, sollicitudinum socium, omni in cogitatione conjunctum, cupio. quare, ut Numestio mandavi, tecum ut ageret, item, atque eo, si potest, acrius, te rogo, ut plane ad nos advoles. respiraro, si te videro.

## CICERO ATTICO S. 25

Cum aliquem apud te laudaro tuorum familiarium, volum illum scire ex te, me id fecisse; ut nuper me scis scripssisse ad te de Varronis erga me officio, te ad me rescripssisse, eam rem summæ tibi voluptati esse. sed ego mallem, ad ipsum scripssisses, mihi illum satisfacere, non quo faceret, sed ut faceret. mirabiliter enim moratus est, sicut nosti, tanta nati edet.



67 EPIST. AD ATTICUM, LIBER II.

sed nos tenemus præceptum illud, *τας τῶν νεωτέρων*,  
 at hercule alter, tuus familiaris, Hortalus, quam  
 plena manu, quam ingenue, quam ornate nostras lau-  
 des in astra sustulit, cum de Flacci prætura, & de illo  
 tempore Allobrogum diceret? sic habeto, nec aman-  
 tius, nec honorificentius, nec copiosius potuisse dici.  
 ei te hoc scribere a me tibi esse missum, sane volo.  
 sed quid tu scribas? quem jam ego venire atque ad-  
 esse arbitror. ita enim egi tecum superioribus litteris.  
 valde te exspecto, valde desidero; neque ego magis,  
 quam ipsa res & tempus poscit. His de negotiis quid  
 scribam ad te, nisi idem, quod sæpe? republica ni-  
 hil desperatius; iis, quorum opera, nihil majore  
 odio. Nos, ut opinio, & spes, & conjectura nostra  
 fert, firmissima benivolentia hominum muniti sumus.  
 quare advola. aut expedis nos omni molestia, aut  
 eris particeps. Ideo sum brevior, quod, ut spero,  
 coram brevi tempore conferre, quæ volumus, lice-  
 bit. Cura, ut valeas.





*Handwritten: M. Tullii Ciceronis*  
M. TULLII CICERONIS  
EPISTOLARUM

*Handwritten: AD ATTICUM*  
AD  
ATTICUM  
LIBER III.

---

ARGUMENTUM.

P. Clodius ope C. Caesaris Consulis, Tribunus pl. declaratus, ut magistratum miit, illud unum spectavit, ut M. Tullium inimicissimum suum ulcisceretur. Itaque duabus legibus, quarum altera frumentum, quod antea semis aris ac trientibus esset in singulos modios, gratis dabatur: altera non solum collegia, quae Senatus sustulerat, restituta sunt, sed nova etiam ex omni vulgi face atque servitio constituta. Plebis voluntate sibi adjuncta rogationem promulgavit contra eos, qui sine iudicio populi, civem Romanum necavissent, quae tamen cum nullo nominatim agebat, nemo tamen dubitabat, quin Ciceronem peteret, qui in suo Consulatu, quamquam ex senatus consulto, tamen injussu populi, contra leges in cives animadvertisset. Id cum agi videret Cicero, mutavit vestem, & cum eo, velut in communi calamitate, ad hominum XX millia. Verum cum se a Cn. Pompejo, M. Crasso, C. qui Caesare destitutum videret, ne sua causa cades civium fieret, invidorum, ut ipse palam queritur, consilio, circiter Calendas Aprilis, urbe cessit, Gabinio & Pisone Consulibus: domus ipsius a Clodio statim incensa: area Libertati consecrata: bona publicata: praedia direpta sunt: lex de ejus



*ejus exilio perlata: eique aqua & igni interdictum: & ne quis rectum intra quadringenta millia passuum ab Italia praberet: ne quis de eo ad Senatum referret: ne decerneret: ne disputaret: ne loqueretur: ne pedibus iret: ne scribendo adesset, ut in oratione post reditum in Senatu & pro domo legitur. Ille ergo in Macedoniam transmittens, Thessalonica apud Cn. Plancium, toto fere illo exilii tempore mansit; unde, præter paucas ex itinere missas, omnes fere libri hujus epistolæ datæ sunt.*

1

## CICERO ATTICO S.

**C**um antea maxime nostra interesse arbitrabar, te esse nobiscum; tum vero, ut legi rogationem, intellexi, ad iter id, quod constitui, nihil mihi optatius cadere posse, quam ut tu me quam primum consequare; ut, cum ex Italia profecti essemus, sive per Epirum iter esset faciendum, tuo tuorumque præsidio uteremur; sive aliud quid agendum esset, certum consilium de tua sententia capere possemus. quamobrem, te oro, des operam, ut me statim consequare. facilius potes; quoniam de provincia Macedonia perlata lex est. Pluribus verbis tecum agerem, nisi pro me apud te res ipsa loqueretur.

2

## CICERO ATTICO S.

**I**tinervis nostri causa fuit, quod non habebam locum, ubi pro meo jure diutius esse possem, quam in fundum Sicæ; præsertim nondum rogatione correctæ: & simul intelligebam, ex eo loco, si te haberem, posse me Brundisium referre; sine te autem non esse nobis illas partes tenendas propter Autronium. nunc, ut ad te antea scripsi, si ad nos veneris, consilium totius rei capiemus. iter esse molestum scio: sed tota calamitas omnes molestias habet. Plura scribere non possum, ita sum animo perculso & abjecto. Cura ut valeas. Dat. vi Id. Apr. in oris Luc.

CICE.



## CICERO ATTICO S.

3

**U**tinam illum diem videam, cum tibi agam gratias, quod me vivere coegisti! adhuc quidem valde me pœnitet. sed te oro, ut ad me Vibonem statim venias, quo ego multis de causis converti iter meum, sed eo si veneris, de toto itinere ac fuga mea consilium capere potero. si id non feceris, mirabor, sed confido te esse facturum.

## CICERO ATTICO S.

4

**M**iseriæ nostræ potius velim, quam inconstantia, tribuas, quod a Vibone, quo te arcessebamus, subito discessimus. allata est enim nobis rogatio de perniciæ mea; in qua, quod correctum esse audieramus, erat ejusmodi, ut mihi ultra quadringenta milia liceret esse. illo cum pervenire non liceret, statim iter Brundisium versus contuli ante diem rogationis; ne & Sica, apud quem eram, periret; & quod Melita esse non licebat. nunc tu propera, ut nos consequatur, si modo recipiemur. adhuc invitamur benigne. sed, quod superest, timemus. me, mi Pomponi, valde pœnitet vivere. quâ in re apud me tu plurimum valuisti. Sed hæc coram. fac modo, ut venias.

## CICERO ATTICO S.

5

**T**erentia tibi & sæpe & maximas agit gratias. id est mihi gratissimum. ego vivo miserimus, & maximo dolore conficior. ad te quid scribam, nescio. si enim es Romæ, jam me assequi non potes; sin es in via, cum eris me assequutus, coram agemus, quæ erunt agenda. tantum te oro, ut, quoniam me ipsum semper amasti, eodem amore sis. ego enim idem sum. inimici mea mihi, non me ipsum, ademuerunt. Cura, ad valeas. Dat. ix. Id. Apr. Thurii.

## CICERO ATTICO S.

6

**N**on fuerat mihi dubium, quin te Tarenti aut Brundisii visurus essem: idque ad multa pertinuit; in



eis, & ut in Epiro confisteremus, & de reliquis rebus tuo consilio uteremur. quoniam id non contigit, erit hoc quoque in magno numero nostrorum malorum. nobis iter est in Asiam, maxime Cyzicum. meos tibi commendo. me vix misereque sustento. Dat. xiv Kal. Maj. de Tarentino.

7

## CICERO ATTICO S.

**B**rundisium veni a. d. xiv Kal. Maj. eo die pueri tui mihi a te litteras reddiderunt: & alii pueri, post diem tertium ejus diei, alias litteras attulerunt. Quod me rogas & hortaris, ut apud te in Epiro sim; voluntas tua mihi valde grata est, & minime nova: sed & consilium mihi quidem optatum, si liceret ibi omne tempus consumere: odi enim celebritatem; fugio homines; lucem aspicere vix possum: esset mihi ista solitudo, praesertim tam familiari in loco, non amara: sed, itineris causa, ut deverterem, primum est devium; deinde ab Autronio & ceteris quatrui; deinde sine te. nam castellum munitum habitanti mihi prodesset; transeunti non est necessarium. quod si auderem, Athenas peterem. sane ita cadebat, ut vellem. nunc & nostri hostes ibi sunt; & te non habemus; & veremur, ne interpretentur, illud quoque oppidum ab Italia non satis abesse: nec scribis, quam ad diem te exspectemus. Quod me ad vitam vocas, unum efficis, ut a me manus abstineam; alterum non potes, ut me non nostri consilii vitaeque poeniteat. quid enim est, quod me retineat, praesertim si spes ea non est, quae nos proficiscentes prosequeretur? non faciam, ut enumerem miseras omnes, in quas incidi per summam injuriam, & scelus non tam inimicorum meorum, quam invidorum, ne & meum maerorem exagitem, & te in eundem luctum vocem. hoc affirmo, neminem umquam tanta calamitate esse affectum, nemini mortem magis optandam fuisse: cujus oppetendae tempus honestissimum praetermissum est. reliqua tempora non sunt jam ad medicinam, sed ad finem doloris. De republica video te colligere omnia, quae putes aliquam spem mihi posse adferre mutandarum rerum;



rerum: quæ quamquam exigua sunt; tamen quoniam placet, exspectemus. Tu nihilo minus, si properaris, nos consequere. nam aut accedemus in Epirum, aut tarde per Candaviam ibimus. Dubitationem autem de Epiro non inconstantia nostra afferebat, sed quod de fratre, ubi eum visuri essemus, nesciebamus: quem quidem ego nec quo modo visurus, nec ubi dimissurus sim, scio. id est maximum & miserrimum mearum omnium miseriarum. Ego & sæpius ad te, & plura scriberem, nisi mihi dolor meus cum omnes partes mentis, tum maxime hujus generis facultatem ademisset. Videre te cupio. Cura ut valeas. Dat. prid. Kal. Maj. Brundisii.

CICERO ATTICO S. 8

**B**rundisii proficiscens scripseram ad te, quas ob causas in Epirum non essemus profecti; quod & Achaja prope esset plena audacissimorum inimicorum, & exitus difficiles haberet, cum inde proficisceremur. accessit, cum Dyrrachii essemus, ut duo nuntii afferrentur; unus, classe fratrem Ephefo Athenas; alter, pedibus per Macedoniam venire. Itaque illi obviam misimus Athenas, ut inde Thessalonicam veniret. ipsi processimus, & Thessalonicam a. d. x. Kal. Jun. venimus; neque de illius itinere quicquam certi habebamus, nisi eum ab Ephefo ante aliquanto profectum. nunc, istuc quid agatur, magno opere timeo. quamquam tu altera epistola scribis Id. Maj. audiri, fore, ut acius postuletur; altera, jam esse mitiora. sed hæc est pridie data, quam illa: quo conturbor magis. itaque, cum meus me maror quotidianus lacerat & conficit, tum vero hæc addita cura vix mihi vitam reliquam facit. sed & navigatio perdifficilis fuit: & ille incertus, ubi ego essem, fortasse alium cursum petivit. Nam Phaetho libertus eum non vidit; vento rejectus ab illo in Macedoniam, Pellæ mihi præsto fuit. reliqua quam mihi timenda sint video, nec, quid scribam, habeo, omnia timeo: nec tam miserum est quicquam, quod non in nostram fortunam cadere videatur. equidem adhuc miser, in maximis meis ærumnis & luctibus, hoc metu adjecto, maneo



salonica suspensus. nec audeo quicquam. Nunc ad ea, quæ scripsisti. Tryphonem Cæciliū non vidi. Sermonem tuum & Pompeji cognovi ex tuis litteris. Motum in republica non tantum ego impendere video, quantum tu aut vides, aut ad me consolandum affers. Tigrane enim neglecto, sublata sunt omnia. Varroni me jubes agere gratias: faciam: item Hypsæo. Quod suades, ne longius discedamus, dum acta mensis Maji ad nos perferantur: puto me ita esse facturum; sed ubi, nondum statui. atque ita perturbato sum animo de Quinto, ut nihil queam statuere. sed tamen statim te faciam certiozem. Ex epistolarum mearum inconstantia puto te mentis meæ motum videre; qui, etsi incredibili & singulari calamitate afflictus sum, tamen non tam est ex miseria, quam ex culpæ nostræ recordatione, commotus. cujus enim scelere impulsus ac proditi simus, jam profecto vides: atque utinam jam ante vidisses! neque totum animum tuum mæori mecum simul dedisses. quare, cum me afflictum & confectum luctu audies, existimato, me stultitiæ meæ pœnam ferre gravius, quam eventis; quod ei crediderim, quem esse nefarium non putarim. Me & meorum malorum memoria, & metus de fratre in scribendo impedit. tu ista omnia vide & gubernas. Terentia tibi maximas gratias agit. Litterarum exemplum, quas ad Pompejum scripsi, misi tibi. Dat. iv Kal. Jun. Thessalonica.

9

## CICERO ATTICO S.

**Q**uintus frater cum ex Asia discessisset ante Kal. Maj. & Athenas venisset Idib. valde fuit ei properandum, ne quid absens acciperet calamitatis, si quis forte fuisset, qui contentus nostris malis non esset. itaque eum malui properare Romam, quam ad me venire: & simul (dicam enim, quod verum est; ex quo magnitudinem miserationum mearum perspicere possis) animum inducere non potui, ut aut illum, amantissimum mei, mollissimo animo, tanto in mæore aspicerem; aut meas miseras, luctu afflictas, & perditam fortunam, illi offerrem, aut ab illo



illo aspici paterer. atque etiam illud timebam, quod profecto accidisset, ne a me digredi non posset. verfabatur mihi tempus illud ante oculos, cum ille aut liſtores dimitteret, aut vi avelleretur ex complexu meo. huius acerbitalis eventum altera acerbitalitate non videndi fratris vitavi. in hunc me casum vos, vivendi auctores, impulistis. itaque mei peccati luo pœnas. quamquam me tuæ litteræ sustentant: ex quibus, quantum tu ipse speres, facile perspicio. quæ quidem tamen aliquid habebant solatii ante, quam eo venisti, *a Pompejo nunc Hortensium allice, & ejusmodi viros.* obsecro, mi Pomponi, nondum perspicias, quorum opera, quorum insidiis, quorum scelere perierimus? sed tecum hæc coram agemus. tantum dico, quod scire te puto, nos non inimici, sed invidi perdidierunt. nunc, si ita sunt, quæ speras, sustinebimus nos, & spe, qua jubes, nitemur. sin, ut mihi videntur, infirma sunt; quod optimo tempore facere non licuit, minus idoneo fiet. Terentia tibi sæpe agit gratias. Mihi etiam unum de malis in metu est, fratris miseri negotium: quod, si sciam, cujusmodi sit; sciam, quid agendum mihi sit. Me etiam nunc illorum beneficiorum & litterarum expectatio, ut tibi placet, Theſſalonicæ tenet. si quid erit novi allatum, sciam, de reliquo quid agendum sit. Tu si, ut scribis, Kal. Jun. Roma profectus es, propediem non videbis. Litteras, quas ad Pompejum scripsi, tibi miſi. Dat. Id. Jun. Theſſalonicæ.

## CICERO ATTICO S.

10

**A**ta quæ essent usque ad viii Kalend. Jun. cognovi ex tuis litteris. reliqua expectabam, ut tibi placebat, Theſſalonicæ: quibus allatis, facilius statuere potero ubi sim. nam, si erit causa, quid agetur, si spem videro, aut ibidem opperiar, aut me ad te conferam: sin, ut tu scribis, ista evanuerint, aliquid aliud videbimus. omnino adhuc nihil mihi significatis, nisi discordiam istorum; quæ tamen inter eos de omnibus potius rebus est, quam de me. itaque, quid ea mihi proſit, nescio. sed tamen, quoad  
me



me vos sperare vultis, vobis obtemperabo. Nam quod me tam sæpe & tam vehementer objurgas, & animo infirmo esse dicis: quæso, ecquod tantum malum est, quod in mea calamitate non sit? ecquis umquam tam ex amplo statu, tam in bona causa, tantis facultatibus ingenii, consilii, gratiæ, tantis præfidiis bonorum omnium, concidit? possum oblivisci, qui fuerim? non sentire, qui sim? quo caream honore? qua gloria? quibus liberis? quibus fortunis? quo fratre? quem ego (ut novum calamitatis genus attendas) cum pluris facerem, quam me ipsum, semperque fecissem, vitavi, ne viderem, ne aut illius luctum squaloremque aspicerem, aut me, quem ille florentissimum reliquerat, perditum illi adfectumque offerrem. Mitto cetera intolerabilia. etenim fletu impediior. Hic utrum tandem sum accusandus, quod doleo; an quod commisi, ut hæc aut non retinerem, (quod facile fuisset, nisi intra parietes meos de mea pernicio consilia inirentur,) aut certe vivus nunc amitterem? Hæc eo scripsi, ut potius relevares me, quod facis, quam aut castigatione, aut objurgatione dignum putares: eoque ad te minus multa scribo, quod & marore impediior, & quod expectem istinc, magis habeo, quam quod ipse scribam. quæ si erunt allata, faciam te consilii nostri certiozem. Tu, ut adhuc fecisti, quam plurimis de rebus ad me velim scribas; ut prorsus nequid ignorem. Dat. xiv. Kal. Quint. Thessalonica.

## II

## CICERO ATTICO S.

**M**e & tuæ litteræ, & quidam boni nuntii, non optimis tamen auctoribus, & expectatio vestrarum litterarum, & quod tibi ita placuerat, adhuc Thessalonica tenebant. si accepero litteras, quas expecto; si spes erit ea, quæ rumoribus afferebatur; ad te me conferam: si non erit, faciam te certiozem, quid egerim. Tu me, ut facis, opera, consilio, gratia juva: consolari jam desine: objurgare vero noli: quod cum facis, ut ego tuum amorem & dolorem desidero! quem ita adfectum mea ærumna esse arbitror,

ut



ut te ipsum consolari nemo possit. Quintum fratrem optimum humanissimumque sustenta. Ad me, obsecro te, ut omnia certa perscribas. Dat. iv. Kalend. Quint.

CICERO ATTICO S.

12

**T**u quidem sedulo argumentaris, quid sit sperandum, & maxime per senatum: idemque caput rogationis proponi scribis, quare in senatu dici nihil liceat, itaque filetur. Hic tu me accusas, quod me adflixem; cum ita sim adflictus, ut nemo umquam: quod tute intelligis. Spem ostendis secundum comitia. quæ ista est, eodem tribuno plebis, & inimico consule designato? Percussisti autem me etiam de oratione prolata. cui vulneri, ut scribis, medere, si quid potes. scripsi equidem olim iratus, quod ille prior scripserat; sed ita compresseram, ut numquam manaturam putarem. quo modo exciderit, nescio. sed quia numquam accidit, ut cum eo verbo uno concertarem; & quia scripta mihi videtur negligentius, quam ceteræ; puto posse probari, non esse meam. id, si putas me posse sanari, cures velim: sin plane perii, minus laboro. Ego etiam nunc eodem in loco jaceo, sine sermone ullo, sine cogitatione ulla. Licet tibi, ut scribis, significarim, ut ad me venires Dodona; tamen intelligo, te re istuc prodesse, hic ne verbo quidem levare me posse. Non queo plura scribere: nec est, quod scribam: vestra magis expecto. Dat. xvi. Kal. Sext. Thessalonica.

CICERO ATTICO S.

13

**Q**uod ad te scripseram, me in Epiro futurum: potesteaquam extenuari spem nostram & evanescere vidi, mutavi consilium; nec me Thessalonica commovi, ubi esse statueram, quoad aliquid ad me de eo scriberes, quod proximis litteris scripseras, fore, uti secundum comitia aliquid de nobis in senatu ageretur; id tibi Pompejum dixisse. Qua de re, quoniam comitia habita sunt, tuque nihil ad me scribis, proinde habebō, ac si scripsisses nihil esse; neque  
tempo;



temporis non longinqui spe ductum esse, moleste feram. Quem autem motum te videre scripseras, qui nobis utilis fore videretur, eum nuntiant, qui veniunt, nullum fore. In tribunis plebis designatis reliqua spes est: quam si expectaro, non erit, quod putes me causæ meæ ac voluntati meorum defuisse. Quod me sæpe accusas, cur hunc meum casum tam graviter feram; debes ignoscere, cum ita me afflictum vides, ut neminem unquam nec videris, nec audieris. Nam quod scribis te audire, me etiam mentis errore ex dolore affici: mihi vero mens integra est. atque utinam tam in periculo fuisset! cum ego iis, quibus meam salutem carissimam esse arbitrabar, inimicissimis crudelissimisque usus sum: qui, ut me paululum inclinari timore viderunt, sic impulerunt, ut omni suo scelere & perfidia abuterentur ad exitium meum, nunc, quoniam est Cyzicum nobis eundem, quo rarius ad me litteræ perferentur, hoc velim diligentius omnia, quæ putaris me scire opus esse, perscribas. Quintum fratrem meum fac diligas: quem ego miser si incolumem relinquo, non me totum periisse arbitror. Dat. Non Sext.

14

CICERO ATTICO. S.

**E**x tuis litteris plenus sum expectatione de Pompejo, quidnam de nobis velit, aut ostendat. comitia enim credo esse habita: quibus absolutis, scribis illi placuisse, agi de nobis. si tibi stultus esse videor, qui sperem; facio tuo jussu; etsi scio te me iis epistolis potius & meas spes solitum esse remorari. nunc velim, mihi plane perscribas, quid videas. scio nos nostris multis peccatis in hanc ærumnam incidisse. ea si qui casus aliqua ex parte correxerint; minus moleste feremus nos vixisse, & adhuc vivere. Ego, propter viæ celebritatem, & quotidianam expectationem rerum novarum, non commovi me adhuc Thessalonica. sed jam extrudimur, non a Plancio, (nam is quidem retinet,) verum ab ipso loco, minime apposito ad tolerandam in tanto ludu calamitatem. In Epirum ideo, ut scripseram, non veni, quod



quod subito mihi universi nuntii venerunt & litteræ, quare nihil esset necesse quamproxime Italiam esse. hinc, si aliquid a comitiis audierimus, nos in Asiam converteremus: neque adhuc stabat, quo potissimum: sed scies. Dat. xii Kal. Sext. Thessalonicae.

## CICERO ATTICO S.

15

**A**ccepi Id. Sext. quatuor epistolas a te missas; unam, qua me objurgas, ut sim firmor; alteram, qua Crassi libertum ais tibi de mea sollicitudine macieque narrasse; tertiam, qua demonstras acta in senatu; quartam de eo, quod a Varrone scribis tibi esse confirmatum de voluntate Pompeji. Ad primam tibi hoc scribo; me ita dolere, ut non modo a mente non deferar, sed id ipsum doleam, me, tam firma mente ubi utar, & quibuscum, non habere. nam si tu me uno non sine marore cares, quid me censes, qui & te & omnibus? & si tu incolumis me requiris; equo modo a me ipsam incolumitatem desiderari putas? nolo commemorare, quibus rebus sim spoliatus, non solum quia non ignoras, sed etiam ne scindam ipse dolorem meum. hoc confirmo, neque tantis bonis esse privatum quemquam, neque in tantas miseras incidisse. dies autem non modo non levat luctum hunc, sed etiam auget. nam ceteri dolores mitigantur vetustate; hic non potest non & sensu praesentis miseriae, & recordatione praeteritæ vitæ quotidie augeri. desidero enim non mea solum, neque meos, sed me ipsum. quid enim sum? sed non faciam, ut aut tuum animum angam querelis, aut meis vulneribus sæpius manus adferam. Nam quod purgas eos, quos ego mihi scripsi invidisse, & in eis Catonem: ego vero tantum illum puto ab isto scelere abfuisse, ut maxime doleam, plus apud me simulationem aliorum, quam istius fidem, valuisse. ceteri, quos purgas, debent mihi purgati esse, tibi si sunt. Sed hæc fero agimus. Crassi libertum nihil puto sincere locutum. In senatu rem probe scribis actam. sed quid Curio? an illam orationem non legit? quæ unde sit prolata, nescio. sed Axius, ejusdem diei scri-



scribens ad me aſta, non ita laudat Curionem. at po-  
teſt ille aliquid prætermittere: tu, niſi quod erat, pro-  
fecto non ſcripſiſti. Varronis ſermo facit expectatio-  
nem Cæſaris: atque utinam ipſe Varro incumbat in  
cauſam! quod profecto cum ſua ſponte, tum te inſtante  
faciet. ego, ſi me aliquando veſtri & patriæ compo-  
tem fortuna fecerit, certe efficiam, ut maxime læ-  
tere unus ex omnibus amicis; meaque officia & ſtu-  
dia, quæ parum antea luxerunt, (ſatendum eſt enim,) ſic  
exequar, ut me æque tibi, ac fratri, & liberis  
noſtris, reſtitutum putes. ſi quid in te peccavi, ac  
potius quoniam peccavi, ignoſce. in me enim ipſum  
peccavi vehementius. neque hæc eo ſcribo, quo te  
non meo caſu maximo dolore eſſe affectum ſciam:  
ſed profecto, ſi, quantum me amas & amaſti, tan-  
tum amare deberes ac debuiſſes, numquam eſſes paſ-  
ſus, me, quo tu abundabas, egere conſilio; nec ef-  
ſes paſſus mihi perſuaderi, utile nobis eſſe, legem  
de collegiis perferri. ſed tu tantum lacrimas præ-  
buiſti dolori meo, quod erat amoris, tamquam ipſe  
ego: quod meritis meis perfectum eſſe potuit, ut  
dies & noctes, quid mihi faciendum eſſet, cogita-  
res, id abs te, meo, non tuo ſcelere prætermiſſum  
eſt. quodſi non modo tu, ſed quiſquam fuiſſet, qui  
me Pompeji minus liberali reſponſo perterritum a tur-  
piſſimo conſilio revocaret, quod unus tu facere ma-  
xime potuiſti: aut occubiſſem honeſte, aut viſtores  
hodie viveremus. Hic mihi ignoſces, me enim  
ipſum multo magis accuſo; deinde te, quaſi me alte-  
rum: & ſimul meæ culpæ ſocium quæro: ac ſi reſti-  
tuor, etiam minus videbimur deliquiſſe; abs teque  
certe, quoniam nullo noſtro, tuo ipſius beneficio  
diligemur. Quod te cum Culeone ſcribis de privile-  
gio locutum, eſt aliquid; ſed multo eſt melius abro-  
gari. ſi enim nemo impedit, quid eſt firmitus? ſin  
erit, qui ferri non ſinat; idem ſenatus conſulto in-  
tercedet. nec quicquam aliud opus eſt; quam abro-  
gari. nam prior lex nos nihil lædebat. quam ſi, ut eſt  
promulgata, laudare voluiſſemus, aut, ut erat negli-  
genda, negligere; nocere omnino nobis non potuiſ-  
ſet.



set. hic mihi primum meum consilium defuit. sed etiam obfuit. cæci, cæci, inquam, fuimus, in vestitu mutando, in populo rogando. quod, nisi nominatim mecum agi ceptum esset, fieri perniciosum fuit. sed pergo præterita. verumtamen ob hanc causam, ut, si quid agatur, legem illam, in qua popularia multa sunt, ne tangatis. verum est stultum, me præcipere, quid agatis, aut quo modo. utinam modo agatur aliquid! in quo ipso multa occultant tuæ litteræ, credo, ne vehementius desperatione perturber. quid enim vides agi posse, aut quo modo? per senatumne? ast tute scripsisti ad me, quoddam caput legis Clodium in curiæ posse fixisse, ne referri, nevé dici liceret. quo modo igitur Domitius se dixit relaturum? quo modo autem, iis, quos tu scribis, & de re dicentibus, & ut referretur, postulantis, Clodius tacuit? ac, si per populum, poteritne, nisi de omnium tribunorum plebis sententia? quid de bonis? quid de domo? poteritne restitui? aut, si non poterit, ego met quo modo potero? Hæc nisi vides expediri, quam in spem me vocas? sin autem spei nihil est, quæ est mihi vita? itaque exspecto Theſſalonica æſta Kal. Sext. ex quibus statuam, in tuosne agros confugiam, ut neque videam homines, quos nolim, & te, ut scribis, videam, & propius sim, si quid agatur; idque intellexi cum tibi, tum Quinto fratri placere: an abeam Cyzicum. Nunc Pomponi, quoniam nihil impertisti tuæ prudentiæ ad salutem meam, quod aut in me ipso satis esse consilii decreras, aut te nihil plus mihi debere, quam ut præsto esses; quoniamque ego proditus, inductus, conjectus in fraudem, omnia mea præſidia neglexi; totam Italiam, [in me] erectam ad me defendendum, destitui & reliqui; me, meos, meis tradidi inimicis, inspeſtante & tacente te; qui si non plus ingenio valebas, quam ego, certe timebas minus: si potes, erige adſiſtos, & in eo nos juva. sin omnia sunt obſtructa, id ipsum fac ut ſciamus, & nos aliquando aut obſurgare, aut comiter conſolari deſine. Ego ſi tuam fidem accuſarem; non me poſſiſſimum tuis teſtis credere meam amentiam



accuso, quod a te tantum amari, quantum ego vellem, putavi: quod si fuisset, fidem eandem, curam maiorem adhibuisses; me certe ad exitium præcipitantem retinuissem; istos labores, quos nunc in naufragiis nostris suscipis, non subisses. Quare fac, ut omnia ad me perspecta & explorata perscribas; meque, ut facis, velis esse aliquem; quoniam, qui fui, & qui esse potui, iam esse non possum; & ut his litteris non te, sed me ipsum a me esse accusatum putes. Si qui erunt, quibus putes opus esse meo nomine litteras dari, velim conscribas, curesque dandas. Dat. xiv. Kal. Sept.

16

CICERO ATTICO S.

**T**otum iter mihi incertum facit expectatio litterarum vestrarum, Kal. Sext. datarum, non aliud aliquid. si spes erit, Epirum; sin minus, Cyzicum, aut aliud quid sequemur. tuæ quidem litteræ, quo sæpius a me leguntur, hoc spem faciunt mihi minorem; quod cum lætæ sunt, tum id, quod attulerunt ad spem, infirmant; ut facile apparent, te & consolationi servire & veritati; idque te rogo plane, ut ad me, quæ scis, ut erunt; quæ putabis, ita scribas, ut putabis. Dat. xii. Kal. Sept.

17

CICERO ATTICO S.

**D**e Quinto fratre nuntii nobis tristes, nec varii venerant ex ante diem Non. Jun. usque ad prid. Kal. Sept. Eo autem die Livinejus, M. Reguli libertus, ad me a Regulo missus venit. is, omnino mentionem nullam factam esse, nuntiavit: sed fuisse tamen sermonem de C. Clodii filio, isque mihi tum a fratre litteras attulit. sed postridie Sextii pueri venerunt, qui a te litteras attulerunt, non tam exploratas a timore, quam sermo Livineji fuerat, sane sum in meo infinito dolore sollicitus, & eo magis, quod Appii quæstio est. Cetera, quæ ad me eisdem litteris scribis de nostra spe, intelligo esse languidiora, quam alii ostendunt. ego autem, quoniam non longe



ab eo tempore absumus, in quo res disjucabitur, aut ad te conferam me, aut etiam nunc circum hæc loca commorabor. Scribit ad me frater, omnia sua per te unum sustineri. quid te aut horter, quod facis? aut agam gratias, quod non exspectas? tantum velim, fortuna det nobis potestatem, ut incolumes amore nostro persruamur. Tuas litteras semper maxime exspecto: in quibus cave vereri, ne aut diligentia tua mihi molesta, aut veritas acerba sit. Dat. prid. Non. Septemb.

## CICERO ATTICO S.

18

**E**xpectationem nobis non parvam attuleras, cum scripseras, Varronem tibi pro amicitia confirmasse, causam nostram Pompejum certe suscepturum: & simul a Cæsare ei litteræ, quas exspectaret, remissæ essent, auctorem etiam daturum. utrum id nihil fuit, an adversatæ sunt Cæsaris litteræ? an est aliquid in spe? etiam illud scripseras, eundem, secundum comitia, dixisse. fac (si vides, quantis in malis jaceam, & si putas esse humanitatis tuæ) me fac de tota causa nostra certiore. nam Quintus frater, homo mirus, qui me tam valde amat, omnia mittit spei plena, metuens, credo, defectionem animi mei. tuæ autem litteræ sunt variæ. neque enim me desperare vis, nec temere sperare. fac obsecro te, ut omnia, quæ perspicui a te possunt, sciamus.

## CICERO ATTICO S.

19

**Q**uoad ejusmodi mihi litteræ a vobis adferebantur, ut aliquid ex iis esset expectandum; spe & cupiditate Theſſalonicæ retentus sum: posteaquam omnis actio hujus anni confecta nobis videbatur, in Asiam ire nolui: quod & celebritas mihi odio est; & si fieret aliquid a novis magistratibus, abesse longe nolebam. itaque in Epirum ad te statui me conferre; non quo mea interesset loci natura, qui lucem omnino fugerem: sed & ad salutem libentissime ex tuo portu proficiscar, & si ea præcisa erit, nusquam facilius



hanc miserrimam vitam vel sustentabo, vel, quod multo est melius, abjecero. ero cum paucis; multitudinem dimittam. Me tuæ litteræ numquam in tantam spem adduxerunt, quantam aliorum. attamen mea spes etiam tenuior semper fuit, quam tuæ litteræ. sed tamen, quoniam cœptum est, ego, quoquo modo cœptum est, & quacumque de causa, non deseram optimi atque unici fratris miseras ac luctuosas preces, nec Sextii ceterorumque promissa, nec spem ærumnosissimæ mulieris Terentiæ, nec miserrimæ mulieris Tulliolæ obsecrationem, & fideles litteras tuas. mihi Epirus aut iter ad salutem dabit, aut, quod scripsi supra. te oro & obsecro, T. Pomponi, si me omnibus amplissimis, carissimis, jucundissimisque rebus perfidia hominum spoliatum; si me a meis consiliariis proditum & projectum vides; si intelligis me coactum, ut ipse me & meos perderem; ut me tua misericordia juves: & Quintum fratrem, qui potest esse saluus, sustentens: Terentiam liberosque meos tueare; me, si putas te illic visurum, expectes; si minus, invisas, si potes, mihiq; ex agro tuo tantum assignes, quantum meo corpore occupari potest; & pueros ad me cum litteris quamprimum & quam sapissime mittas. Dat. xvi Kal. Octob.

20 CICERO S. D. Q. CÆCILIO Q. F.  
POMPONIANO ATTICO.

**Q**uod quidem ita esse, & avunculum tuum functum esse officio, vehementissime probo: gaudere me tum dicam, si mihi hoc verbo licebit uti. Me miserum! quam omnia essent ex sententia, si nobis animus, si consilium, si fides eorum, quibus credidimus, non defuisset: quæ colligere nolo, ne augeam mærorem. sed tibi venire in mentem certo scio, quæ vita esset nostræ, quæ suavitas, quæ dignitas. ad quæ recuperanda, per fortunas! incumbe, ut facis, diemque natalem reditus mei, cura ut in tuis ædibus amœnissimis agam tecum & cum meis. Ego huic spei & expectationi, quæ nobis proponitur, maxime tamen volui præstolari apud te in Epiro: sed ita ad me scribitur,



bitur, ut putem esse commodius, nos eisdem in locis esse. De domo & Curionis oratione, ut scribis, ita est. in universa salute, si ea modo nobis restitueretur, inerunt omnia; ex quibus nihil malo, quam domum. sed tibi nihil mando nominatim: totum me tuo amori fideique commendo. Quod te, in tanta hereditate, ab omni occupatione expedisti, valde mihi gratum est. Quod facultates tuas ad meam salutem polliceris, ut omnibus rebus a te præter ceteros juver: id quantum sit præsidium, video; intelligoque, te multas partes meæ salutis & suscipere, & posse sustinere: neque, ut ita facias, rogandum esse. Quod me vetas quicquam suspicari accidisse ad animum tuum, quod secus a me erga te commissum, aut prætermisum videretur, geram tibi morem, & liberabor ista cura: tibi tamen eo plus debeo, quo tua in me humanitas fuerit excelsior, quam in te mea. Velim, quid videas, quid intelligas, quid agatur, ad me scribas: tuosque omnes ad nostram salutem adhortere. Rogatio Sextii neque dignitatis satis habet, nec cautionis. nam & nominatim ferre oportet, & de bonis diligentius scribi: & id animadvertas velim. Dat. iv. Non. Octob. Thessalonicæ.

## CICERO ATTICO S.

21

**T**riginta dies erant ipsi, cum has dabam litteras, per quos nullas a vobis acceperam. mihi autem erat in animo, jam, ut antea ad te scripsi, ire in Epirum: & ibi omnem casum potissimum expectare. Te oro, ut, si quid erit, quod perspicias, quamcumque in partem, quam planissime ad me scribas: & meo nomine, ut scribis litteras, quibus putabis opus esse, ut des. Dat. v. Kal. Novemb.

## CICERO ATTICO S.

22

**E**t si diligenter ad me Quintus frater & Piso, quæ essent acta, scripserunt: tamen vellem, tua te occupatio non impedisset, quo minus, ut consueisti, ad me, quid ageretur & quid intelligeres, perscriberes.



res. Me adhuc Plancius liberalitate sua retinet, jam aliquoties conatum ire in Epirum. spes homini est injecta, non eadem, quæ mihi, posse nos una decedere: quam rem sibi magno honori sperat fore. sed jam, cum adventare milites dicuntur, faciendum nobis erit, ut ab eo discedamus. quod cum faciemus, ad te statim mittemus; ut scias, ubi simus. Lentulus suo in nos officio, quod & re, & promissis, & literis declarat, spem nobis nonnullam affert Pompei voluntatis. sæpe enim tu ad me scripsisti, eum totum esse in illius potestate. De Metello, scripsit ad me frater, quantum sperarit, perfectum esse per te. Mi Pomponi, pugna, ut tecum & cum meis mihi liceat vivere: & scribe ad me omnia. premor eum lustu, tum desiderio meorum omnium, tum eorum, qui mihi me cariores semper fuerunt. Cura, ut valeas. Ego, quod, per Thessaliam si irem in Epirum, per diu nihil eram auditurus, & quod mei studiosos habeo Dyrrachinos, ad eos perrexī, cum illa superiora Thessalonica scripsissem. inde cum ad te me convertertam, faciam ut scias. tuque ad me velim omnia quam diligentissime, cuicunque sunt, scribas. ego jam aut rem, aut ne spem quidem exspecto. Dat. vi Kal. Decemb. Dyrrachii.

23

CICERO ATTICO S.

**A**. d. v. Kal. Decemb. tres epistolas a te accepi; unam datam a. d. viii. Kal. Novemb. in qua me hortaris, ut forti animo mensem Januarium expectem: eaque, quæ ad spem putas pertinere, de Lentuli studio, de Metelli voluntate, de tota Pompei ratione, perscribis. in altera epistola, præter consuetudinem tuam, diem non adscribis: sed satis significas tempus. lege enim ab octo tribunis plebis promulgata, te eas litteras eo ipso die dedisse, id est, a. d. iv. Kal. Novemb. &, quid putes utilitatis eam promulgationem attulisse, scribis. in quo si jam hæc nostra salus, cum hac lege desperata erit, velim pro tuo in me amore hanc inanem meam diligentiam, miserabilem potius, quam ineptam, putes: fin



Sin est aliquid spei, des operam, ut majore diligen-  
 tia posthac a novis magistratibus defendamur. nam  
 ea veterum tribunorum plebis rogatio tria capita ha-  
 buit: unum de reditu meo, scriptum incaute. nihil  
 enim restituitur, præter civitatem & ordinem: quod  
 mihi pro meo casu satis est. sed, quæ cavenda fue-  
 rint, & quo modo, te non fugit. alterum caput est  
 tralaticium de impunitate, si quid contra alias leges,  
 ejus legis ergo, factum sit. tertium caput, mi Pom-  
 poni, quo consilio, & a quo sit inculcatum, vide.  
 scis enim Clodium sanxisse, ut vix, aut omnino non  
 posset nec per senatum, nec per populum infirmari  
 sua lex. sed vides, numquam esse observatas sanctio-  
 nes earum legum, quæ abrogarentur. nam si id esset,  
 nulla fere abrogari posset: (neque enim ulla est, quæ  
 non ipsa se sepiat difficultate abrogationis:) sed, cum  
 lex abrogatur, illud ipsum abrogatur, quo non eam  
 abrogari oporteat. hoc cum [re vera] ita sit; cum  
 semper ita habitum observatumque sit, octo nostri  
 tribuni plebis caput posuerunt hoc: SI QUID IN  
 HAC ROGATIONE SCRIPTUM EST, QUOD PER  
 LEGES, PLEBIS VE SCITA [HOC EST, QUOD  
 PER LEGEM CLODIAM] PROMULGARE, ABRO-  
 GARE, DEROGARE, OBROGARE S. F. SUA NON  
 LICEAT, NON LICUERIT; QUOD VE EI QUI  
 PROMULGAVIT, ABROGAVIT, DEROGAVIT,  
 OBROGAVIT, OB EAM REM POENAE, MULTAE  
 VE SITE H. L. N. R. Atque hoc in illis tribunis ple-  
 bis non sædebat. lege enim collegæ sui non teneban-  
 tur. quo major est suspicio malitiæ alicujus; cum id,  
 quod ad ipsos nihil pertinebat, erat autem contra me,  
 scripserunt: ut novi tribuni plebis, si essent timidio-  
 res, multo magis sibi eo capite utendum putarent.  
 neque id a Clodio prætermisum est. dixit enim in  
 concione a. d. III. Non. Nov. hoc capite designatis  
 tribunis plebis præscriptum esse, quidliceret: tamen,  
 in lege nullâ esse ejusmodi caput, te non fallit. quod  
 si opus esset, omnes in abrogando uterentur. Ut  
 Ninnium, aut ceteros fugerit, investiges, velim:  
 &, quis attulerit: &, quare octo tribuni plebis ad se-



natum de me referre non dubitarint; [sitne] quod observandum illud caput non putabant, iidem in abrogando tam cauti fuerint, ut id metuerent, soluti cum essent; quod ne iis quidem, qui lege tenentur, est curandum. id caput sane nolim novos tribunos plebis ferre: sed perferant modo quidlibet: uno capite, quo revocabor, (modo res conficiatur,) ero contentus. Jam dudum pudet tam multa scribere. vereor enim, ne, re jam desperata, legas; ut hæc mea diligentia miserabilis tibi, aliis irridenda videatur. sed si est aliquid in spe, vide legem, quam T. Fadio scripsit Vellius: ea mihi perplacet. nam Sextii nostri, quam tu tibi probari scribis, mihi non placet. Tertia est epistola prid. Id. Novemb. data: in qua exponis prudenter & diligenter, quæ sint, quæ rem distingere videantur; de Crasso, de Pompejo, de ceteris. quare oro te, ut, si qua spes erit, posse studiis bonorum, auctoritate, multitudine comparata, rem confici, des operam, ut uno impetu perfringatur; in eam rem incumbas, ceterosque excites. sin, ut ego perspicio cum tua conjectura, tum etiam mea, spei nihil est; oro obtestorque te, ut Quintum fratrem ames, quem ego miserum misere perdidici; neve quid eum patiare gravius consulere de se, quam expediat sororis tuæ filio. meum Ciceronem, cui nihil misello relinquo præter invidiam & ignominiam nominis mei, tuere, quoad poteris; Terentiam, unam omnium ærumnosissimam, sustentens tuis officiis. Ego in Epirum proficiscar, cum priorum dierum nuntios excepero. Tu ad me, velim, proximis litteris, ut se initia derint, perscribas. Dat. prid. Kal. Decemb.

24

CICERO ATTICO S.

**A**ntea, cum ad me scripsissetis, vestro consensu consultum provincias ornatas esse; etsi verebar, quorsum id casurum esset, tamen sperabam, vos aliquid aliquando vidisse prudentius: posteaquam mihi & dictum est, & scriptum, vehementer consilium vestrum reprehendi, sum graviter commotus; quod illa ipsa spes exigua, quæ erat, videtur esse sublata. nam

fi



si tribunis plebis nobis succensent, quæ potest spes esse? at videntur jure succensere: cum & expertes consilii fuerint, qui causam nostram susceperant; & nostra concessione omnem vim sui juris amiserint: præsertim cum ita dicant, se nostra causa voluisse suam potestatem esse de consulibus ornandis, non ut eos impedirent, sed ut ad nostram causam adjungerent. nunc, si consules a nobis alieniores esse velint, posse id libere facere, sin velint nostra causa, nihil posse se invitis. Nam quod scribis, ni ita vobis placuisset, illos hoc idem per populum assecuturos fuisse; invitis tribunis plebis fieri nullo modo potuit. ita vereor, ne & studia tribunorum amiserimus, & si studia maneant, vinculum illud adjungendorum consulum amissum sit. Accedit aliud non parvum incommodum, quod gravis illa opinio, ut quidem ad nos perferebatur, senatum nihil decernere ante, quam de nobis actum esset, amissa est; præsertim in ea causa, quæ non modo necessaria non fuit, sed etiam inusitata ac nova. neque enim umquam arbitror ornatas esse provincias designatorum: ut, cum in hoc illa constantia, quæ erat mea causa suscepta, imminuta sit, nihil jam possit non decerni. iis, ad quos relatum est, amicis placuisse, non mirum. erat enim difficile reperire, qui contra tanta commoda duorum consulum palam sententiam diceret. fuit omnino difficile non obsequi, vel amicissimo homini, Lentulo, vel Metello, qui similitatem humanissime deponeret. sed vereor, ne, hos cum tamen tenere potuerimus, tribunos plebis amiserimus. hæc res quemadmodum ceciderit, & tota res quo loco sit, velim ad me scribas, & ita, ut instituisti. nam ista veritas, etiamsi jucunda non est, mihi tamen grata est. Dat. iv. Id. Decembr.

CICERO ATTICO S.

25

Post tuum a me discessum litteræ mihi Roma allatæ sunt: ex quibus perspicio, nobis in hac calamitate tabescendum esse: neque enim, (sed bonam in partem accipies,) si ulla spes salutis nostræ subesset,

F 5

tu,



90 EPIST. AD ATTICUM, LIBER III.

tu, pro tuo amore in me, hoc tempore discessisses, sed ne ingrati, aut ne omnia velle nobiscum una interire videamur, hoc omitto: illud abs te peto, des operam, id quod mihi affirmasti, ut te ante Kal. Jan. ubicumque erimus, sis.

26

CICERO ATTICO S.

**L**itteræ mihi a Quinto fratre cum senatus consulto, quod de me est factum, allatæ sunt. mihi in animo est legum lationem expectare; & si obtrectabitur, utar auctoritate senatus, & potius vita, quam patria, carebo. Tu, quæso, festina ad nos venire.

27

CICERO ATTICO S.

**E**x tuis litteris, & ex re ipsa nos funditus perisse video. Te oro, ut, quibus in rebus mei tui indigebunt, nostris miseris ne desis. ego te, ut scribis, cito videbo.







M. TULLII CICERONIS  
EPISTOLARUM

A D

ATTICUM,  
LIBER IV.

---

ARGUMENTUM.

*Hoc libro quatuor annorum epistolæ continentur. Tres prima, P. Lentulo Spinthere, Q. Metello Nepote: quinque consequentes, Cn. Lentulo Marcellino, L. Philippo: post has, totidem Cn. Pompejo Magno II, M. Crasso: reliquæ usque ad finem, Ap. Claudio Pulchro, L. Domitio Abenobarbo Coss. scriptæ sunt. Necessè est autem aut eas una fuisse, aut non plures ab eo, qui epistolas congeffit, inventas. Prima igitur reditum Ciceronis continet: qui fuit prid. Non. Septembris, duodevigesimo mense, post ejus fugam: Quomodo area domus illius, pontificum sententiis liberata fuerit: domus ac villa publica pecunia restituta: & cum in reditu ejus summa annonæ caritas esset, Sc. in sententiam illius factum est, quo Cn. Pompejo rei frumentariæ per quinquennium cura dabatur; cum eodem imperio, quod is bello piratico habuisset: item, ut T. Annius Milo sæpe cum Clodio, ædilitatis candidato, manu armisque dimicaverit, ne ejus comitia haberentur. Hæc in tribus primis epistolis. In proximis, quæ Cn. Lentulo Marcellino & L. Philippo Coss. scriptæ sunt, nihil est historia dignum, nisi de Domitiis repulsa in petitione consulatus:*

*qui*



qui etiam foro per vim pulsus sit: seruo illius, qui lucernam præferebat, interfecto: Creati vero sunt ex interregno & per vim, Cn. Pompejus II, M. Crassus II: quorum anno scripta littera reatum Ptolemæi in regnum strictim attingunt: turpemque Crassi in provinciam Syriam profectionem, diuam abnuntiatione neglecta. Porro autem littera quarti anni, Ap. Claudio videlicet & L. Domitio Coss. candidatorum ambitum & contentionem habent: quæ tanta fuit, ut M. Messalla & Cn. Domitius ex interregno, septimo hujus anni mense Consules declarati vix denique fuerint: idque Q. Pompejo Rufo Tribuno pl. qui intercessionibus comitia tollebat, in carcerem coniecto ex SC. ceterisque, si quis impedire conaretur, deterritis. Continent etiam A. Gabinii reditum, nocturnumque in urbem ingressum, omnium hominum odium adversus illum: accusationem de majestate, quod contra Senatus populique judicium Ptolemaum in regnum reduxisset: & quædam alia, sed pleraque privata atque domestica. Inter proxime superioris libri epistolas, atque hujus, menses octo fluxerunt: nimirum ex Calendis Jan. ad Nonas Sepe.

I

## CICERO ATTICO S.

X Cum primum Romam veni, fuitque, cui recte ad te litteras darem, nihil prius faciendum mihi putavi, quam ut tibi absenti de reditu nostro gratularer. cognoram enim, (ut vere scribam,) te in consiliis mihi dandis nec fortiozem, nec prudentiozem, quæ me ipsum, nec etiam, pro præterita mea in te observantia, nimium in custodia salutis meæ diligentem; eundemque te, qui primis temporibus erroris nostri, aut potius furoris particeps, & falsi timoris socius fuisses, acerbissime discidium nostrum tulisse, plurimumque operæ, studii, diligentia, laboris ad conficiendum reditum meum contulisse. Itaque hoc tibi vere affirmo, in maxima lætitia, & exoptatissima gratulatione, unum ad cumulandum gaudium conspectum, aut potius complexum mihi tuum defuisse; quem semel nactus numquam dimisero: ac,  
nisi



nisi etiam prætermisissos fructus tuæ suavitatis [præteriti temporis] omnes exegero, profecto hac restitutione fortunæ me ipse non satis dignum iudicabo. Nos adhuc in nostro statu, quod difficillime recuperari posse arbitrati sumus, splendorem nostrum illum forensem, & in senatu auctoritatem, & apud viros viros bonos gratiam, magis, quam optaramus, consecuti sumus. in re autem familiari, quæ quemadmodum fracta, dissipata, direpta sit, non ignoras, valde laboramus, tuarumque non tam facultatum, quas ego nostras esse iudico, quam consiliorum ad colligendas & constituendas reliquias nostras indigemus. Nunc, etsi omnia aut scripta esse a tuis arbitror, aut etiam nuntii ac rumore perlata: tamen ea scribam brevi, quæ te puto potissimum ex meis litteris velle cognoscere. Pridie Nonas Sext. Dyrrachio sum profectus, ipso illo die, quo lex est lata de nobis. Brundisium veni Nonis Sext. ibi mihi Tulliola mea fuit præsto, natali suo ipso die, qui casu idem natalis erat & Brundisinae coloniæ, & tuæ vicinæ Salutis. quæ res animadversa a multitudine, summa Brundisiorum gratulatione celebrata est. Ante diem vi. Id. Sext. cognovi, cum Brundisii essem, litteris Quinti fratris, mirifice studio omnium ætatum atque ordinum, incredibili concursu Italiæ, legem comitiis centuriatis esse perlatam. inde a Brundisinis honestissimis ornatus, iter ita feci, ut undique ad me cum gratulatione legati convenerint: ad urbem ita veni, ut nemo ullius ordinis homo nomenclatori notus fuerit, qui mihi obviam non venerit, præter eos inimicos, quibus id ipsum non liceret aut dissimulare, ut negare. Cum venissem ad portam Capenam, gradus templorum ab infima plebe completi erant: a qua plausu maximo cum esset mihi gratulatio significata, similis & frequentia & plausus me usque ad Capitolium celebravit: in foroque, & in ipso Capitolio miranda multitudo fuit: postridie in senatu, qui fuit dies Non. Septemb. senatui gratias egimus. eo biduo cum esset annonæ summa caritas, & homines ad theatrum primo, deinde ad senatum concurrissent, impulsu Clodii: mea  
opera



Opera frumenti inopiam esse clamarent; cum per eos dies senatus de annonâ haberetur, & ad ejus procurationem sermone non solum plebis, verum etiam bonorum Pompejus vocaretur, idque ipse cuperet; multitudoque a me nominatim, ut id decernerem, postulare; feci, & accurate sententiam dixi; cum abessent consulares, quod tuto se negarent posse sententiam dicere, præter Messalam & Afranium. factum est senatus consultum in meam sententiam, ut cum Pompejo ageretur, ut eam rem susceperet, lexque ferretur: quo senatus consulto recitato cum continuo, more hoc insulso & novo, plausum, meo nomine recitando, dedisset; habui concionem: omnes magistratus præsentem, præter unum prætorem, & duos tribunos plebis, dederunt. postridie senatus frequens, & omnes consulares nihil Pompejo postulanti negarunt. ille legatos quindecim cum postulare, me principem nominavit; & ad omnia me alterum se fore dixit. legem consules conscripserunt, qua Pompejo per quinquennium omnis potestas rei frumentariæ toto orbe terrarum daretur: alteram Messius, qui omnis pecuniæ dat potestatem, & adjungit classem & exercitum, & majus imperium in provinciis, quam sit eorum, qui eas obtineant. illa nostra lex consularis nunc modesta videtur, hæc Messii non ferenda. Pompejus illam velle se dicit, familiares hanc. Consulares, duce Favonio, fremunt; nos tacemus, & eo magis, quod de domo nostra nihil adhuc pontifices responderunt. qui si sustulerint religionem, aream præclaram habebimus; superficiem consules ex senatus consulto æstimabunt: sin aliter, demolientur; suo nomine locabunt; rem totam æstimabunt. Ita sunt res nostræ, ut in secundis, fluxæ; ut in adversis, bonæ. In re familiari valde sumus, ut scis, perturbati. præterea sunt quædam domestica, quæ litteris non committo. Quintum fratrem, insigni pietate, virtute, fide præditum, sic amo, ut debeo. Te expecto; & oro, ut matures venire; eoque animo venias, ut me tuo consilio egere non sinas. alterius vitæ quoddam initium ordimur. jam quidem, qui nos ab-

sen-



sentes defenderunt, incipiunt presentibus occulte irasci: aperte invidere. vehementer te requirimus.

## CICERO ATTICO S.

2

**S**i forte rarius tibi a me, quam a ceteris, litterae redduntur; peto a te, ut id non modo negligentiae meae; sed ne occupationi quidem tribuas: quae etsi summa est, tamen nulla esse potest tanta, ut interrumpat iter amoris nostri & officii mei. nam ut veni Romam, iterum nunc sum certior factus, esse, cui darem litteras. itaque has alteras dedi. Prioribus tibi declaravi, adventus noster qualis fuisset, & quis esset status, atque omnes res nostrae quemadmodum essent, ut in secundis, fluxae, ut in adversis, bonae. Post illas datas litteras, secuta est summa contentio de domo. diximus apud pontifices pridie Kal. Octobres. acta res est accurate a nobis: & si umquam in dicendo fuimus aliquid, aut etiam, si umquam alias fuimus, tum profecto dolor & magnitudo vim quandam nobis dicendi dedit. itaque oratio juventuti nostrae debere non potest: quam tibi, etiamsi non desideras, tamen mittam cito. Cum pontifices decreissent, ita, SI NEQUE POPULI JUSSU, NEQUE PLEBIS SEITU, IS QUI SE DEDICASSE DICERET, NOMINATIM EI REI PRAEFECTUS ESSET, NEQUE POPULI JUSSU, AUT PLEBIS SCITU ID FACERE JUSSUS ESSET; VIDERI, POSSE SINE RELIGIONE EAM PARTEM AREAE MI RESRITUI; mihi facta statim est gratulatio. nemo enim dubitabat, quin domus nobis esset adjudicata. tum subito ille in concionem ascendit, quam Appius ei dedit. nuntiat jam populo, pontifices secundum se decrevisse; me autem vi conari in possessionem venire. hortatur, ut se & Appium sequantur, & suam Libertatem ut defendant. Hic cum etiam illi infimi partim admirarentur, partim iriderent hominis amentiam; ego statueram illuc non accedere, nisi cum consules ex senatus consulto porticum Catuli restituendam locassent. Kal. Octob. habetur senatus frequens. adhibentur omnes pontifices, qui erant nato-



natores: a quibus Marcellinus, qui erat cupidissimus mei, sententiam primus rogatus, quæsit, quid esset in decernendo secuti. tum M. Lucullus de omnium collegarum sententia respondit, religionis iudices pontifices fuisse, legis senatum: se & collegas suos de religione statuisset, in senatu de lege statuuros. quisque horum, loco sententiam rogatus, multa secundum causam nostram disputavit. cum ad Clodium ventum est, cupiit diem consumere; neque ei finis est factus: sed tamen, cum horas tris fere dixisset, odio & strepitu senatus coactus est aliquanto perorare. cum fieret senatus consultum in sententiam Marcellini; omnibus præter unum assentientibus, Serranus intercessit. de intercessione statim ambo consules referre cœperunt. cum sententiæ gravissimæ dicerentur; senatui placere, mihi domum restitui, porticum Catuli locari, auctoritatem ordinis ab omnibus magistratibus defendi; si quæ vis esset facta, senatum existimaturum, ejus opera factum esse, qui senatus consulto intercessisset: Serranus pertimuit; & Cornicinus ad suam veterem fabulam rediit: abiecti toga, se ad generi pedes abiecti. ille noctem sibi postulavit: non concedebant. reminiscebantur enim Kal. Jan. vix tamen de mea voluntate concessum est. postidie senatus consultum factum est id, quod ad te misi. deinde consules porticum Catuli restituendam locarunt: illam porticum redemptores statim sunt demoliti libentissimis omnibus. nobis superficiem ædium consules de consilii sententia æstimarunt H-S vicies; cetera valde illiberaliter: Tusculanam villam quingentis millibus; Formianum H-S ducentis quinquaginta millibus. quæ æstimatio non modo vehementer ab optimo quoque, sed etiam a plebe reprehenditur. Dices quid igitur causæ fuit? dicunt illi quidem, pudorem meum; quod neque negarim, neque vehementius postularim. sed non est id. nam hoc quidem etiam profuisset. verum iidem, mi T. Pomponi, iidem, inquam, illi, quos ne tu quidem ignoras, qui mihi pinnas inciderant, nolunt easdem renasci. sed, ut spero, jam renascuntur. tu modo ad nos veni: quod



quod vereor ne tardius interventu Varronis tui nostri-  
que facias. Quoniam acta quæ sint, habes: de reli-  
qua nostra cogitatione cognosce. Ego me a Pom-  
pejo legari ita sum passus, ut nulla re impedirer,  
quod ne, si vellem, mihi esset integrum, aut, si  
comitia censorum proximi consules haberent, petere  
[posse], aut votivam legationem sumsisse prope om-  
nium fanorum, lucorum. sic enim nostræ rationes  
postulabant. sed volui meam potestatem esse vel pe-  
tendi, vel ineunte ætate exeundi: &, interea me  
esse in oculis civium, de me optime meritorum, non  
alienum putavi. Ac forensium quidem rerum hæc  
nostra consilia sunt: domesticarum autem valde im-  
pedita. Domus ædificatur. scis, quo sumtu, qua mo-  
lestia reficiatur Formianum; quod ego nec relinquere  
possum, nec videre. Tusculanum proscripti: subur-  
bano non facile careo. amicorum benignitas exhausta  
est in ea re, quæ nihil habuit præter dedecus; (quod  
sensisti tu absens;) quorum studiis ego, & copiis, si  
esset per meos defensores licitum, facile essem om-  
nia consecutus. quo in genere nunc vehementer la-  
boratur. Cetera, quæ me sollicitant, *rusticæ* sunt,  
amamur a fratre, & a filio. te exspectamus.

## CICERO ATTICO S.

3

**A** vere te certo scio, cum scire, quid hic agatur,  
tum mea a me scire; non quo certiora sint ea,  
quæ in oculis omnium geruntur, si a me scribantur,  
quam cum ab aliis aut scribantur tibi, aut nuntian-  
tur; verum ut perspicias ex meis litteris, quo animo  
ea feram, quæ geruntur: & qui sit hoc tempore aut  
mentis meæ sensus, aut omnino vitæ status. Arma-  
tis hominibus ante diem tertium Non. Novemb. ex-  
puli sunt fabri de area nostra, disturbata porticus  
Catuli, quæ ex senatus consulto consulum locatione  
reficiebatur, & ad tectum pæne pervenerat. Quinti  
fratris domus primo fracta conjectu lapidum ex area  
nostra, deinde inflammata jussu Clodii, inspectante  
urbe, conjectis ignibus, magna querela & gemitu,  
non dicam bonorum, qui, nescio, an nulli sint, sed

Cic. Epist. Tom. II.

G

plane



plane hominum omnium. ille vehemens ruere: post hunc furorem nihil nisi eadem inimicorum cogitare; vicatim ambire; servis aperte spem libertatis ostendere. etenim antea, cum iudicium nolebat, habebat ille quidem difficilem manifestamque causam, sed tamen causam: poterat insitiari; poterat in alios derivare; poterat etiam aliquid jure factum defendendere. post has ruinas, incendia, rapinas, desertus a suis, vix jam Decimum designatorem, vix Gellium retinet: servorum consiliis utitur: videt, si omnes, quos vult, palam occiderit, nihilo suam causam difficiliorem, quam adhuc sit, in iudicio futurum. itaque ante diem tertium Idus Novemb. cum Sacra via descenderem, infecutus est me cum suis. clamor, lapides, fustes, gladii, hæc improvisa omnia. discessimus in vestibulum Tettii Damionis. qui erant mecum, facile operas aditu prohibuerunt. ipse occidi potuit. sed ego dicta curari incipio: chirurgiæ tædet. ille omnium vocibus cum se non ad iudicium, sed ad supplicium præsens trudi videret, omnes Catilinas, Acidinos postea reddidit. nam Milonis domum, eam, quæ in Germalo, pridie Idus Novemb. expugnare & incendere ita conatus est, ut palam hora v cum scutis homines, eductis gladiis, alios cum accensis facibus adduxerit. ipse domum P. Sullæ pro castris sibi ad eam impugnationem sumferat. tum ex Anniana Milonis domo Q. Flaccus eduxit viros acres; occidit homines ex omni latrocinio Clodiano notissimo: ipsum cupivit; sed ille in interiora ædium: Sulla in senatu postridie Idus: domi Clodius. egregius Marcellinus, omnes acres. Metellus calumnia dicendi tempus exemit, adjuvante Oppio, etiam hercule famigliari tuo; de cuius constantia, virtute tuæ verissimæ litteræ. Sextius furere. ille postea, si comitia sua non fierent, urbi minari. proposita Marcellini sententia, quam ille de scripto ita dixerat, ut totam nostram causam aræ, incendiorum, periculi mei, iudicio completeretur, eaque omnia comitiis anteferreret: proscripsit, se per omnes dies comitiales de cælo servaturum. conciones turbulentæ Metelli, temera-



riæ Appii, furiosissimæ Publii. hæc tamen summa: nisi Milo in campum obnuntiasset, comitia futura: ante diem xii. Kal. Decemb. Milo media nocte cum magna manu in campum venit. Clodius, cum haberet fugitivorum delectas copias, in campum ire non est ausus. Milo permansit ad meridiem mirifica hominum lætitia, summa cum gloria. contentio fratrum trium turpis, fracta vis, contemptus furor. Metellus tamen postulat, ut sibi postero die in foro obnuntietur: nihil esse, quod in campum nocte veniretur: se hora prima in Comitio fore. itaque ante diem xi. Kal. in Comitium Milo de nocte venit. Metellus cum prima luce furtim in campum itineribus prope deviiis currebat: assequitur inter lucos hominem Milo; obnuntiat. ille se recepit, magno & turpi Q. Flacci convicio. ante diem x. Kal. nundinæ. concio biduo nulla. ante diem viii. Kal. hæc ego scribebam, hora noctis nona. Milo campum jam tenebat. Marcellus candidatus ita stertebat, ut ego vicinus audirem. Clodii vestibulum vacuum sane mihi nuntiabatur. paucis pannosis linea laterna. meo consilio omnia illi fieri querebantur, ignari quantum in illo heroe esset animi, quantum etiam consilii. miranda virtus est. nova quædam divina mitto. sed hæc summa est. comitia fore non arbitror. reum Publium, nisi ante occisus erit, fore a Milone puto. si se interviam obtulerit, occisum iri ab ipso Milone video. non dubitat facere; præ se fert; casum illum nostrum non extimescit. numquam enim qujusquam invidi & perfidi consilio est usus: nec inerti nobili crediturus. Nos animo duntaxat vigemus, etiam magis, quam cum florebamur: re familiari comminuti sumus. Quinti fratris tamen liberalitati, pro facultatibus nostris, ne omnino exhaustus esset, illo recusante, subsidiis amicorum respondemus. quid consilii de omni nostro statu capiamus, te absente nescimus. quare appropæra.



**P**erjucundus mihi Cincius fuit ante diem tertium Kal. Febr. ante lucem. dixit enim mihi, te esse in Italia, seseque ad te pueros mittere: quos sine meis litteris ire nolui: non quo haberem, quod tibi, præsertim iam prope præsentī, scriberem; sed ut hoc ipsum significarem, mihi tuum adventum suavissimum expectatissimumque esse. quare advola ad nos, eo animo, ut nos ames, te amari scias. cetera coram agemus. hæc properantes scripsimus. Quo die venies, utique cum tuis apud me sis. perbelle feceris, si ad nos veneris. offendes designationem Tyrannionis mirificam librorum meorum: quorum reliquæ multo meliores sunt, quam putaram. etiam velim mihi mittas de tuis liberariolis duos aliquos, quibus Tyrannio utatur glutinatoribus, ad cetera administris: iisque imperes, ut sumant membranulam; ex qua indices fiant, quos vos Græci, ut opinor, *οὐλαβὲς* appellatis. Sed hæc, si tibi erit commodum. ipse vero utique fac venias, si potes in his locis adhærescere, & Piliam adducere. ita enim & æquum est, & cupit Tullia. Mediusfidius ne tu emisti locum præclarum. gladiatores audio pugnare mirifice. si locare voluisses, duobus his muneribus liberalles. Sed hæc posterius. tu fac venias: & de librariis, si me amas, diligenter.

**A**in tu? an me existimas ab ullo malle mea legi probarique, quam a te? cur igitur cuiquam mihi prius? urgebar ab eo, ad quem misi, & non habebam exemplar. quid? etiam (dudum enim circumrodo, quod devorandum est) subturpicula mihi videbatur esse *παλινωδία*. sed valeant recta, vera, honesta consilia. non est credibile, quæ sit perfidia in istis principibus, ut volunt esse, & ut essent, si quicquam haberent fidei. senseram, noram, inductus, relictus, projectus ab iis; tamen hoc erat in animo, ut cum iis in republica consentirem. iidem erant, qui  
fue-



fuerant. vix aliquando, te auctore, respui. Dices,  
 ea te monuisse, suasse, quæ facerem; non etiam  
 scriberem. ego mehercule mihi necessitatem volui im-  
 ponere hujus novæ conjunctionis; ne qua mihi li-  
 ceret labi ad illos, qui etiam tum, cum misereri mei  
 debent, non desinunt invidere. sed tamen modici fui-  
 mus *υποδουλοι*, ut scripsi. erimus uberiores, si & ille  
 libenter accipiet, & hi subringentur, qui villam me  
 moleste ferunt habere, quæ Catuli fuerat, a Vettio  
 emisse non cogitant; qui domum negant oportuisse  
 me ædificare, vendere ajunt oportuisse. sed quid ad  
 hoc? si, quibus sententiis dixi, quod & ipsi proba-  
 rent, latati sunt tamen, me contra Pompeji volun-  
 tatem dixisse? finis: sed quoniam, qui nihil possunt,  
 ii me nolunt amare; demus operam, ut ab iis, qui  
 possunt, diligamur. Dices: vellem jampridem. scio  
 te voluisse, & me asinum germanum fuisse. sed jam  
 tempus est me ipsum a me amari, quando ab illis nullo  
 modo possum. Domum meam quod crebro invisit,  
 est mihi valde gratum. Viaticum Crassipes præripit.  
 Tu de via recta in hortos. videtur commodius ad te.  
 postridie scilicet: quid enim tua? sed viderimus. Bi-  
 bliothecam mihi tui pinxerunt constructione & sitty-  
 bis. eos velim laudes.

## CICERO ATTICO S.

6

**D**e Lentulo scilicet sic fero, ut debeo. virum bo-  
 num, & magnum hominem, & in summa ma-  
 gnitudine animi multâ humanitate temperatum perdi-  
 dimus; nosque malo solatio, sed nonnullo tamen,  
 consolamur, quod ipsius vicem minime dolemus, non  
 ut Saufejus & vestri; immo hercule quia sic amabat  
 patriam, ut mihi aliquo deorum beneficio videatur ex  
 ejus incendio esse ereptus. nam quid scædus nostra  
 vita? præcipue mea? nam tu quidem, etsi es natura  
*πολιτικος*, tamen nullam habes propriam servitutem:  
 communi frueris nomine. ego vero, qui, si loquor  
 de republica, quod oportet, insanus; si, quod opus  
 est, servus existimor; si taceo, oppressus & captus;  
 quo dolore esse debeo? quo sum scilicet, hoc etiam



acriore, quod ne dolore quidem possum, ut non ingratus videar. quid, si cessare libeat, & in otii portum confugere? nequicquam. immo etiam in bellum & in castra. ergo erimus ὁπαδοί, qui τὰτοι εἶναι βούλομεν? sic faciendum est. tibi enim ipsi, cui utinam semper paruissem! sic video placere. reliquum est, *Σπαρταν ἑλάξεις, ταύταν κομμί.* non mehercule possum; & Philoxeno ignosco, qui reduci in carcerem maluit. verumtamen id ipsum mecum in his locis commentor, ut ista improbem; idque tu, cum una erimus, confirmabis. A te litteras crebro ad me scribi video; sed omnes uno tempore accepi. quæ res etiam auxit dolorem meum. casu enim trinas ante legeram, quibus, meliuscule Lentulo esse, scriptum erat. ecce quartæ fulmen. sed ille, ut scripsi, non miser; nos vero ferrei. Quod me admones, ut scribam illa Hortensiana: in alia incidi, non immemor istius mandati tui. sed mehercule incipiendo refugi; ne, qui videar stulte illius amici intemperiem non tulisse, rursus stulte injuriam illius faciam illustrem, si quid scripsero; & simul, ne *παύσης* mea, quæ in agendo apparuit, in scribendo sit oculatior, & aliquid satisfactio levitatis habere videatur. Sed viderimus. tu modo quam sapissime ad me aliquid. Epistolam, Lucejo nunc quam misi, quæ, meas res ut scribat, rogo, fac ut ab eo sumas: valde bella est; eumque, ut appropere, adhorteris: &, quod mihi se ita facturum rescripsit, agas gratias. Domum nostram, quoad poteris, invisas. Vestorio aliquid significes. valde enim est in me liberalis.

7

## CICERO ATTICO S.

**N**ihil *ἡλικαστορας* epistola tua, quæ me sollicitum de Quinto nostro, puero optimo, valde levavit. Venerat horis duabus ante Charippus; mera monstra nuntiarat. De Apollonio quod scribis, qui illi dii irati, homini Græco, qui conturbare quidem putat sibi licere; quod equitibus Romanis. nam Terentius suo jure. De Metello, *ἔχ' ὅσιν φθιμένοισιν.* sed tamen multis annis civis nemo erat mortuus, qui quidem tibi



tibi numi meo periculo sint. quid enim vereris, quem-  
cunque heredem fecit. nisi Publium fecit. verum he-  
cit non improbe; quamquam fuit ipse. quare in hoc  
thecam numariam non retexeris. in aliis eris cautior.  
Mea mandata de domo curabis: præsidia locabis: Mi-  
lonem admonebis. Arpinatium fremitus est incredi-  
bilis de Laterio. quid quæris? equidem dolui. ὁ δὲ ἐκ  
ἀποταξέτο μὲν. Quod superest, etiam puerum Cice-  
ro- nem curabis & amabis, ut facis.

## CICERO ATTICO S.

8

Multa me in epistola tua delectarunt, sed nihil ma-  
gis, quam patina tyrotarichi. nam de raudu-  
sculo quod scribis, μήπω μέγαν εἴτης πρὶν τελευτήσαι  
ἴδης. ædificati tibi in agris nihil reperio. in oppido  
est quiddam, de quo est dubium, sitne venale, ac  
proximum quidem nostris ædibus. hoc scito, Antium  
esse Romæ, ut Corcyræ Buthrotum illud tuum. nihil  
quietius, nihil alius, nihil amœnium. εἰς μόντος φίλος  
οἶκος. postea vero quam Tyrannio mihi libros dispo-  
suit, mens addita videtur meis ædibus: qua quidem  
in re mirifica opera Dionysii, & Menophili tui fuit.  
nihil venustius, quam illa tua pegmata, postquam  
mi sittybis libros illustrarunt. valde est. Scribas ad  
me velim de gladiatoribus, sed ita, bene si rem ge-  
runt: non quæro, male si se gessere. Apenas vix  
discesserat, cum epistola: quid ais? putasne fore, ut  
legem non ferat? dic, oro te, clarius: vix enim  
mihi exaudisse videor. verum statim fac ut sciam,  
si modo tibi est commodum. Ludis quidem, quo-  
niam dies est additus, eo etiam melius hic eum diem  
cum Dionysio conteremus. De Trebonio prorsus tibi  
assentior. De Domitio,

Συκα μα τὴν Δημήτρα συκὸν ἔδε ἐν  
οὕτω ὁμοίον γεγενῆναι,

quam est ita περισσῶς nostræ: vel quod ab iisdem, vel  
quod præter opinionem, vel quod viri boni nusquam  
unum dissimile, quod huic merito. nam de ipso casu  
nescio, an illud melius. quid enim hoc miserius, quam  
eum,



eum, qui tot annos, quot habet, designatus consul fuerit, fieri consulem non posse? præsertim cum aut solus, aut certe non plus, quam cum altero petat. si vero id est, quod nescio an sit, ut non minus longas in codicillorum fastis futuorum consulum paginulas habeat, quam factorum; quid illo miserius, nisi respublica? in qua ne speratur quidem melius quidquam. De Natta ex tuis primum scivi litteris: ode-ram hominem. De poemate quod quæris; quid si cupiat effugere? quid? finas? De Fabio Lusco quod eram exorsus; homo peramans semper nostri fuit, nec mi umquam odio. satis enim acutus & permodestus, ac bonæ frugi. eum, quia non videbam, abesse putabam. audiui ex Gavio hoc Firmano, Romæ esse hominem, & fuisse assiduum. percussit animum. dicces, tantulane causa? permulta ad me detulerat non dubia de Firmanis fratribus. quid sit, quod se a me remorit, si modo removit, ignoro. De eo, quod me mōnes, ut & πολιτικός me geram, & τὴν οὐρανίαν γέφυραν teneam; ita faciam. sed opus est maiore prudentia; quam a te, ut soleo, petam. Tu velim e Fabio, si quem habes aditum, odorere; & istum convivam tuum degustes; & ad me de his rebus, & de omnibus quotidie scribas. ubi nihil erit, quod scribas; id ipsum scribito. Cura ut valeas.

9

## CICERO ATTICO S.

Sane velim scire; num censum impediunt tribuni diebus vitandis, (est enim hic rumor,) totaque de censura, quid agant, quid cogitent. Nos hic cum Pompejo fuimus. multa mecum de republica, sane sibi displicens, ut loquebatur, (sic est enim in hoc homine dicendum,) Syriam spernens, Hispaniam iactans: hic quoque, ut loquebatur, & opinor, usquequaque de hoc cum dicemus, sit hoc quasi, καὶ τοὺς Φακκίλους. tibi etiam gratias agebat, quod signa componenda suscepisses: in nos vero suavissime hercule effusus. venit etiam ad me in Cumanum a se. nihil minus velle mihi visus est, quam Messalam consulatum petere: de quo ipso si quod scis, velim scire.



scire. Quod Luccejo scribis te nostram gloriam commendaturum, & ædificium nostrum quod crebro invisis; gratum. Quintus frater ad me scripsit, se, quoniam Ciceronem suavissimum secum haberet, ad te Nonis Maj. venturum. Ego me de Cumano movi ante diem v. Kal. Majas. eo die Neapoli apud L. Pætum, ante diem iv. Kal. Majas, iens in Pompejanum, bene mane hæc scripsi.

## CICERO ATTICO S.

10

**P**uteolis magnus est rumor, Ptolemæum esse in regno. Si quid habes certius, velim scire. Ego hic pascor bibliotheca Fausti. fortasse tu putabas, his rebus Puteolanis & Lucrinensibus. ne ista quidem defunt. mehercule a ceteris oblationibus ut deferor & voluptatibus propter rempublicam; sic litteris sustentor & recreor: maloque in illa tua sedecula, quam habes sub imagine Aristotelis, sedere, quam in istorum sella curuli; tecumque apud de ambulare, quam cum eo, quocum video esse ambulandum. Sed de illa ambulatione fors viderit, aut si qui est, qui curet deus. Nostram ambulationem, & Laconicum, eaque, quæ Cyrea sint, velim, quod poteris, invisas; & urgeas Philotimum, [ut properet]; ut possim tibi aliquid in eo genere respondere. Pompejus in Cumanum Parilibus venit: misit ad me statim, qui salutem nuntiaret. ad eum postridie mane vadebam, cum hæc scripsi.

## CICERO ATTICO S.

11

**D**electarunt me epistolæ tuæ: quas accepi uno tempore duas ante diem ii. Kal. perge reliqua. gestio scire ista omnia. etiam illud cujusmodi sit, velim perspicias: potes a Demetrio. dixit mihi Pompejus, Crassum a se in Albano expectari ante diem iv. Kal. is cum venisset, Romam esse statim venturos, ut rationes cum publicanis putarent. quæsi, gladiatoribusne? respondit, antequam inducerentur. id cujusmodi sit, aut nunc, si scias, aut cum is Romam venerit, ad me



mittas velim. Nos hic voramus litteras cum homine mirifico (ita mehercule sentio) Dionysio, qui te omnesque vos salutat. *ἔδει γλυκύτερον, ἢ πατρὶ' εἰδέναι.* quare, ut homini curioso, ita perscribe me, quid primus dies, quid secundus, quid censores, quid Appius, quid illa populi Apuleja. denique, etiam quid a te fiat, ad me velim scribas. non enim (ut vere loquamur) tam rebus novis, quam tuis litteris, delector. Ego mecum, præter Dionysium, duxi neminem: nec metuo tamen, ne mihi sermo desit: abs te opere delector. Tu Luccejo nostrum librum dabis. Demetrii Magnetis tibi mitto; statim ut sit, qui a te mihi epistolam referat.

12

## CICERO ATTICO S.

**E**gnatius Romæ est. sed ego cum eo de re Halimeti vehementer Antii egi. graviter se æsurum cum Aquilio confirmavit. videbis ego hominem, si voles. Macroni vix videor præsto esse. Idibus enim actionem Larini video, & biduum prætereat. id tu, quoniam Macronem tanti facis, ignoscas mihi, velim. Sed, si me diligis, prostridie Kalend. cena apud me cum Pilia. prorsus id facies. Kalend. cogito in hortis Crassipedis, quasi in diversorio, cenare. facio fraudem senatus consulto. inde domum cenatus, ut sim mane præsto Miloni. ibi te igitur videbo, & promovebo. Domus te nostra tota salutat.

13

## CICERO ATTICO S.

**N**os in Tusculanum venisse a. d. xvii. Kal. Decemb. video te scire. ibi Dionysius nobis præsto fuit. Romæ a. d. xix. Kalend. volumus esse: quid dico, volumus? immo vero cogimur. Milonis nuptiæ; comitiorum nonnulla opinio est. ergo, ut si rata. abfuisse me in altercationibus, in senatu factas audio, fero non moleste. nam aut defendissem, quod non placeret, aut desuissem, cui non oporteret. sed mehercule velim, res istas, & præsentem statum reipublicæ, & quo animo consules ferant hunc *συνέλιμος*, rescri-



rescribas ad me, quantum potest. valde sum ὀδυνητός:  
& si quæris, omnia mihi sunt suspecta. Crassum  
quidem nostrum minore dignitate ajunt profectum  
paludatum, quam olim æqualem ejus L. Paullum,  
iterum consulem. o hominem nequam! De libris  
oratoriis factum est a me diligenter. diu multumque  
in manibus fuerunt; describas licet. Illud etiam te  
rogo, τὴν παρὰ τὴν κατὰ τὴν τυπικὴν: ne istuc hospes  
veniam.

## CICERO ATTICO S.

14

Vestorius noster me per litteras fecit certiorē, te  
Roma a. d. vi. Id. Maj. putare profectum esse,  
tardius, quam dixerat, quod minus valuisses. si jam  
melius vales, vehementer gaudeo. Velim, domum  
ad te scribas, ut mihi tui libri pateant, non secus,  
ac si ipse adesses, cum ceteri, tum Varronis. est enim  
mihi utendum quibusdam rebus ex iis libris ad eos,  
quos in manibus habeo: quos, ut spero, tibi valde  
probabo. Tu velim, si quid forte novi habes, ma-  
xime a Quinto fratre, deinde a C. Cæsare, & si quid  
forte de comitiis, de republica, (soles enim tu hæc  
festive odorari,) scribas ad me: si nil habebis; tamen  
scribas aliquid. numquam enim mihi tua epistola aut  
intempestiva aut loquax visa est. maxime autem rogo,  
rebus tuis totoque itinere ex sententia confecto, nos  
quamprimum revisas. Dionysium jube salvere. Cura,  
ut valeas.

## CICERO ATTICO S.

15

De Eutyche gratum; qui vetere prænomine novo  
nomine T. erit Cæcilius; ut est ex me, & ex te  
junctus Dionysius, M. Pomponius. valde benevole  
mihi gratum, si Eutyche tuam erga me benivolen-  
tiam cognosceret, & suam illam in meo dolere συμπα-  
θείαν, nequa tum mihi obscuram, neque post ingra-  
tam fuisse. Iter Asiaticum tuum puto tibi suscipien-  
dum fuisse. numquam enim tu sine iustissima causa  
tam longe a tot tuis & hominibus, & rebus carissi-  
mis



mis abesse voluisses. sed humanitatem tuam, amoremque in tuos, reditus celeritas declarabit. sed vereor, ne lepore te suo detineat diutius rhetor Clodius, & homo pereruditus, ut ajunt, & nunc quidem deditus Græcis litteris Pituanus. sed, si vis homo esse, recipe te ad nos, ad quod tempus confirmasti. cum illis tamen, cum salvi venerint, Romæ vivere licebit. Avere te scribis, accipere aliquid a me litterarum; dedi, ac multis quidem de rebus, *ἡμερολογέων* perscripta omnia: sed, ut conjicio, quoniam mihi non videris in Epiro diu fuisse, redditas tibi non arbitror. genus autem mearum, ad te quidem, litterarum ejusmodi fere est, ut non libeat cuiquam dare, nisi de quo exploratum sit, tibi eum redditurum. Nunc Romanas res accipe. A. d. iii. Non. Quint. Sufenas & Cato absoluti: Procilius condemnatus. ex quo intellectum est, *τρισετασιαπαγίτας* ambitum, comitia, interregnum, majestatem, totam denique rempublicam flocci non facere. debemus familias domi suæ occidere nolle; neque tamen id ipsum abunde. nam absolverunt xxii, contempnarunt xxxix. Publius sane diserto epilogo criminans, mentes judicum moverat. Hortalus in ea causa fuit, cujusmodi solet. nos verbum nullum. verita est enim pusilla, quæ nunc laborat, ne animi in Publico offenderet. His rebus actis, Reatinæ me ad sua *τεμπη* duxerant, ut agerem causam contra Interamnates apud consulem & decem legatos; quod lacus Velinus, a M. Curio emissus, interciso monte, in Narem defluit: ex quo est illa siccata, & humida tamen modice Rosia. Vixi cum Axio. quin etiam me ad Septem aquas duxit. Redii Romam Fonteji causa a. d. vii. Idus Quint. veni in spectaculum; primum, magno & æquabili plausu: sed hoc ne curaris; ego ineptus, qui scripserim: deinde, Antiphonti operam. is erat ante manumissus, quam productus. ne diutius pendeas, palmam tulit. sed nihil tam pusillum, nihil tam sine voce nihil tam verum. hæc tu tecum habeto. in Andromacha tamen major fuit, quam Altyanax. in ceteris parem habuit neminem. quæris nunc de Arbusecula:



scular: valde placuit. Ludi magnifici & grati. Venatio in aliud tempus dilata. Sequere nunc me in campum. ardet ambitus; *ompa de toi' egea*. fœnus ex triente Idib. Quint. factum erat bessibus. dices, istuc quidem non moleste fero. o virum! o civem! Memmii Cæsaris omnes opes confirmant. cum eo Domitium consules junxerunt; qua passione, epistolæ committere non audeo. Pompejus fremit, quæritur, Scauro studet: sed utrum fronte, an mente, dubitatur. *ἐξ οὗ* in nullo est. pecunia omnium dignitatem exæquat. Messala languet: non quo aut animus desit, aut amici: sed coitio consulum & Pompejus obsunt. ea comitia, puto fore, ut ducantur. Tribunicii candidati jurant se arbitrio Catonis petitueros. apud eum H-S quingena deposuerunt; ut, qui a Catone damnatus esset, id perderet, & competitoribus tribueretur. hæc ego pridie scribebam, quam comitia fore putabantur. sed ad te v. Kal. Sext. si facta erunt, & tabellarius non erit profectus, tota comitia perscribam: quæ si, ut putantur, gratuita fuerint; plus unus Cato potuerit, quam omnes quidem iudices. Messius defendebatur a nobis, e legatione revocatus. nam eum Cæsari legarat Appius. Servilius edixit, ut adesset. tribus habet Pomtinam, Velinam, Mæciam. pugnatur acriter: agitur tamen satis. deinde me expedio ad Drusum, inde ad Scaurum. parantur orationibus indices gloriosi. fortasse accedent etiam consules designati: in quibus si Scaurus non fuerit, in hoc iudicio valde laborabit. Ex Quinti fratris litteris suspicor, jam eum esse in Britannia. suspensio animo exspecto, quid agat. illud quidem sumus adepti, quod multis & magnis indicis possumus iudicare, nos Cæsari & carissimos & jucundissimos esse. Dionysium velim salvere jubeas, & eum roges & hortere, ut quamprimum veniat, ut possit Ciceronem meum, atque etiam me ipsum, erudire.

CICERO ATTICO S.

16

**O**ccupationum mearum vel hoc signum erit, quod epistola librarii manu est. De epistolarum frequen-



quentia te nihil accuso: sed pleræque tantummodo mihi nuntiabant, ubi esses, quod erant abs te: vel etiam significabant recte esse. quo in genere maxime delectarunt duæ, fere eodem tempore abs te Bruto datæ. scire enim volebam, te commode navigasse. sed hæc epistolarum frequentia non tam ubertate sua, quam celeritate delectavit. illa fuit gravis, & plena rerum, quam mihi M. Paccius, hospes tuus, reddidit. ad eam rescribam igitur, & hoc quidem primum: Paccio re & verbis ostendi, quid tua commendatio ponderis haberet. itaque in intimis est meis, cum antea notus non fuisset. nunc pergam ad cetera. Varro, de quo ad me scribis, includetur in aliquem locum, si modo erit locus. sed nosti genus dialogorum meorum: ut in oratoriis, quos tu in cælum fers, non mentio potuit fieri cujusquam ab iis, qui disputant, nisi ejus, qui illi notus, aut auditus esset. hanc ego de republica, quam institui, disputationem in Africani personam, & Phili, & Lælii, & Manilii contuli. adjunxi adolescentes, Q. Tiberonem, P. Rutilium, duo Lælii generos, Scævola, & Fannium. itaque cogitabam, quoniam in singulis libris utor proœmiis, ut *Agistoteles* in iis, quos *ἑξωτερικὸς* vocat, aliquid efficere, ut non sine causa istum appellarem: id quod intelligo tibi placere. utinam modo conata efficere possim! rem enim, quod te non fugit, magnam complexus sum & gravem, & plurimi otii, quo ego maxime egeo. Quod in iis libris, quos laudas, personam desideras Scævola; non eam temere dimovi: sed feci idem, quod in *πολιτεία* deus ille noster Plato. cum in Piræum Socrates venisset ad Cephalum, locupletem & festivum senem; quoad primum ille sermo haberetur, adest in disputando senex: deinde cum ipse quæque commodissime locutus esset, ad rem divinam dicit se velle discedere; neque postea revertitur. credo Platonem vix putasse satis consonum fore, si hominem id ætatis in tam longo sermone diutius retinisset. multo ego satius hoc mihi cavendum putavi in Scævola; qui & ætate & valitudine erat ea, qua esse meministi; & iis honoribus, ut



vix satis decorum videretur, eum plures dies esse in Crassi Tusculano. & erat primi libri sermo non alienus a Scævola studiis. reliqui libri *τεχνολογίαν* habent, ut scis. huic jocularorem senem illum, ut noras, interessere sane nolui. De re filia, quod scribis, erit mihi curæ. etenim est luculenta res. Aureliani, ut scribis, indicii: & in eo me etiam Tullia mea venditabo. Vestorio non desum. gratum enim tibi id esse intelligo: &, ut ille intelligat, euro. sed scis, qui? cum habeat duo faciles, nihil difficilior. Nunc ad ea, quæ quæris de C. Catone. Lege Junia & Lucinia scis absolutum: Fusia ego tibi nuntio absolutum iri; neque patronis suis tam libentius, quam accusatoribus. is tamen & mecum, & cum Milone in gratiam rediit. Drusus reus est factus a Lucretio, iudicibus rejiciendis a. d. v. Non. Quint. De Proclilio rumores non boni: sed judicia nostri. Hirrus cum Domitio in gratia est. Senatus consultum, quod hic consules de provinciis fecerunt, *QUICUNQUE POST HÆC*, non mihi, ut qui jam intelligebamus enuntiationem illam Memmii, valde Casari displicere. Messala noster, & ejus competitor Domitius liberalis in populo valde fuit. nihil gratius. certi erant consules. at senatus decrevit, ut tacitum iudicium ante comitia fieret. ac iis consiliis, quæ erant omnibus sortita in singulos candidatos, magnus timor candidatorum. sed quidam iudices, in his Opimius VEIEN. TRO. Antius, tribunos plebis appellarunt, ne in iussu populi iudicarent. res cedit. comitia dilata ex senatus consulto; dum lex de tacito iudicio ferretur. Venit legi dies: Terentius intercessit. Consules, qui illud levi brachio egissent, rem ad senatum detulerunt. hic Abdera, non tacente me. dices, tamen tu non quiescis? ignosce, vix possum. verumtamen quid tam ridiculum? Senatus decreverat, ne prius comitia haberentur, quam lex lata esset: si qui intercessisset, res integra referretur. cœpta ferri leviter: intercessum non invitis; res ad senatum: de ea re ita censuerunt, comitia primo quoque tempore haberi, esse e re. Scaurus, qui erat paucis illis absolutus, cum ego partem



tem ejus ornatissime defendissem, obnuntiationibus per Scævola interpositis, singulis diebus usque ad pridie Kal. Octob. quo ego hæc die scripsi, sublatis, populo tributum domi suæ satisfecerat. sed tamen, etsi uberior liberalitas hujus, gravior esse videbatur eorum, qui occuparant. Cuperem vultum videre tuum, cum hæc legeres. nam profecto rem habes nullam, hæc negotia multarum nundinarum fore. sed senatus hodie fuerat futurus, id est, Kal. Octobribus. jam enim luciscit. ibi loquetur, præter Antium & Favonium, libere nemo. nam Cato ægrotat. de me nihil timueris: sed tamen promitto nihil. Quid, quæris, aliud? judicia, credo. Drusus, Scaurus non fecisse videbantur. tres candidati fore rei putabantur, Domitius a Memmio, Messala a Q. Pompejo Rufo, Scaurus a Triario, aut a L. Casare. quid poteris, inquires, pro iis dicere? ne vivam, si scio. in illis quidem tribus libris, quos tu dilaudas, nihil reperio. Nunc, ut opinionem habeas rerum, ferendum est. quæris, ego me ut gesserim? constanter & libere. quid ille, inquires, ut ferebat? humaniter, meaque dignitatis, quoad mihi satisfactum esset, habendam sibi rationem putabat: quomodo ergo absolutus? omnino *γοργυλα γυμνα*: accusatorum incredibilis infantia, id est, L. Lentuli, L. F. quem fremunt omnes prævaricatum; deinde Pompeji mira contentio; judicum fordes. attamen xxxii condemnarunt, xxxiix. absolverunt. judicia reliqua impendent: nondum est plane expeditus. Dices, tu ergo hæc quo modo fers? belle mehercule, & in eo me valde amo. amisimus, mi Pomponi, omnem non modo succum ac sanguinem, sed etiam colorem & speciem pristinam civitatis. nulla est respublica, quæ delectet, in qua acquiescam. idne igitur, inquires, facile fers? id ipsum. recordor enim, quam bella paulisper, nobis gubernantibus, civitas fuerit, quæ mihi gratia relata sit. nullus dolor me angit; unum omnia posse: dirumpuntur ii, qui me aliquid posse doluerunt: multa mihi dant solatia: nec tamen ego de meo statu demigro: quæque vita maxime est ad naturam, ad eam



me refero, & litteras, studia nostra: dicendi laborem delectatione oratoria consolor. domus me & rura nostra delectant. Non recordor, unde ceciderim, sed unde surrexerim. fratrem mecum & te si habebo, per me ista pedibus trahantur. vobis *μεφιλολογησαι* possum. locus ille animi nostri, stomachus ubi habitabat olim, concalluit. privata modo & domestica nos delectant. miram securitatem videbis; cujus plurimæ mehercule partes sunt in tuo reditu. nemo enim in terris est mihi tam consentientibus sensibus. Sed accipe alia. Res fluit ad interregnum; & est nonnullus odor dictaturæ: sermo quidem multus; qui etiam Gabinium apud timidos iudices adjuvit. Candidati consulares omnes rei ambitus. accedit etiam Gabinius: quem P. Sulla, non dubitans quin foris esset, postularat, contradicente & nihil obtinente Torquato. sed omnes absolyentur; nec posthac quisquam damnabitur, nisi qui hominem occiderit. hoc tamen agitur severius. itaque iudicia valent. M. Fulvius Nobilior condemnatus est. multi alii urbani ne respondent quidem. Quid aliud novi? & tamen, absoluto Gabinio, stomachantes alii iudices, hora post, Antiochum Gabinium, nescio quem e Sopolidis pistoribus, libertum accensum Gabinii, lege Papia condemnarunt. itaque dixit statim reus P. lege maiestatis. *α' ο' αιδ' Agns 'εμα Πατρι'* Pomtinus vult a. d. iv. Non. Novemb. triumphare. huic obviam Cato & Servilius, prætores, aperte, & Q. Mucius tribunus. negant enim latum de imperio: & est latum hercule insulse. sed erit cum Pomtino Appius consul. Cato tamen affirmat, se vivo illum non triumphare. id ego puto, ut multa ejusdem, ad nihil recasurum. Appius sine lege, suo sumtu, in Ciliciam cogitat. Paccianæ epistolæ respondi: cognosce cetera. Ex fratris litteris incredibilia quædam de Cæsaris in me amore cognovi: eaque sunt ipsius Cæsaris uberrimis litteris confirmata. Britannici belli exitus expectatur. constat enim, aditus insulæ esse munitos mirificis molibus. etiam illud jam cognitum est, neque argenti scripulum esse ullum in illa insula, neque ul-



lam spem prædæ, nisi ex mancipiis: ex quibus nullos  
puto te litteris aut musicis eruditos expectare. Paullus  
in medio foro basilicam jam pæne texuit iisdem anti-  
quis columnis; illam autem, quam locavit, facit ma-  
gnificentissimam. quid quæris? nihil gratius illo monu-  
mento, nihil gloriosius. itaque Cæsaris amici (me dico  
& Oppium: dirumparis licet;) in monumentum il-  
lud, quod tu tollere laudibus solebas, ut forum laxa-  
remus, & usque ad atrium Libertatis explicaremus,  
contempsimus sexcenties H. S. cum privatis non pote-  
rat transigi minore pecunia. efficiemus rem gloriosissi-  
mam. nam in campo Martio Septa tributis comitiis  
marmorea sumus & testæ facturi; eaque cingemus ex-  
celsa porticu: ut mille passuum conficiatur. simul ad-  
jungetur huic operi villa etiam publica. Dices, quid  
mihi hoc monumentum proderit? quid? celabo te res  
Romanas? non enim te puto de lustro, quod jam de-  
speratum est, aut de judiciis, quæ lege Cœlia fiant,  
quærere. Nunc te objurgari patere, si jure. scribis enim  
in epistola, quam C. Decimius mihi reddidit, Buthroto  
datam, in Asiam tibi eundum esse, te arbitrari. mihi  
mehercule nihil videbatur esse in quo tantulum inter-  
esset, utrum per procuratores ageres, an per te ipsum;  
ut abires toties & tam longe abesses. sed hæc mallem,  
integra re, tecum egisse. profecto enim aliquid egis-  
sem. nunc reprimam susceptam objurgationem. uti-  
nam valeat ad celeritatem reditus tui! Ego ad te pro-  
pterea minus sæpe scribo, quod certum non habeo,  
ubi sis, aut ubi futurus sis. Huic tamen nescio cui,  
quod videbatur is te visurus esse, putavi dandas esse  
litteras. tu, quoniam iturum te in Asiam esse putas,  
ad quæ tempora te expectemus, facias me certio-  
rem velim, & de Eutyclide quid egeris.

17

CICERO ATTICO S.

**O**xpectatas mihi tuas litteras! o gratum adventum! o constantiam promissi, & fidem miram! o navigationem amandam! quam mehercule ego valde timebam, recordans superioris tuæ transmissionis <sup>1794</sup> *de-* <sup>1795</sup> *g-* sed nisi fallor, citius te, quam scribis, videbo. credo enim te putasse, tuas mulieres in Apulia esse: quod cum



cum secus erit, quid te Apulia moretur? nam Vestorum dandi sunt dies, & ille Latinus *ἄρτισμος* ex intervallo regustandus. Quin tu huc advolas, & invisisti illius nostræ reipublicæ germina? ne puta, vide, numis ante comitia tributum uno loco divisisti, palam inde absolutum Gabinium. detur esse valiturum. De Messala quod quæris, quid scribam nescio: numquam ego vidi tam pares candidatos. Messalæ copias nosti. Scaurum Triarium reum fecit. si quæris, nulla est magnopere commota *συμπλοκή*, sed tamen habet adilitas ejus memoriam non ingratham; & est pondus apud rusticos in patris memoria. reliqui duo plebeji sic exæquantur, ut Domitius valeat amicis, adjuvetur tamen non gratissimo munere; Memmius Cæsaris commendetur militibus, Pompeji Gallia nitatur. quibus si non valuerit, putant fore aliquem, qui comitia in adventum Cæsaris detrudat, Catone præsertim absoluto. Ab Quinto fratre, & a Cæsare accepti a. d. ix. Kalend. Novemb. litteras, confecta Britannia, obsidibus acceptis, nulla præda, imperata tamen pecunia, datas a littoribus Britannicæ, proximo a. d. vi. Kalend. Octob. Exercitum Britannia reportabant. Q. Pilius erat jam ad Cæsarem profectus. Tu, si aut amor in te est nostri ac tuorum, aut ulla veritas, aut si etiam sapias, ac frui tuis commodis cogitas, adventare & prope adesse jam debes. non mehercule æquo animo te careo. te autem quid mirum, qui Dionysium tantopere desiderem? quem quidem abs te, cum dies venerit, & ego, & Cicero meus flagitabit. Abs te proximas litteras habebam Epheso a. d. v. Id. Sext. datas.

CICERO ATTICO S.

13

**P**uto te exilimare, me, nunc oblitum consuetudinis & instituti mei, rarius ad te scribere, quam solebam; sed cum loca & itinera tua nihil habere certi video, neque in Epirum, neque Athenas, neque in Asiam, neque cuiquam, nisi ad te ipsum proficiscenti, dedi litteras. neque enim sunt eæ epistolæ nostræ, quæ si perlatae non sint, nihil ea res nos offensura sit; quæ tantum habent mysteriorum, ut eas ne librariis qui-



# 116 EPIST. AD ATTICUM, LIBER IV.

dem fere committamus. Lepidum quo exedar; consules flagrant infamia, quod C. Memmius candidatus pacationem in senatu recitavit, quam ipse & suus competitor Domitius cum consulibus fecissent, uti ambo H. S. quadragena consulibus darent, si essent ipsi consules facti, nisi tris augures dedissent, qui se adfuisse dicerent, cum lex curiata ferretur, quæ lata non esset; & duo consulares, qui se dicerent in ornandis provinciis consularibus scribendo adfuisse, cum omnino ne senatus quidem fuisset. hæc pæcio, non verbis, sed nominibus & perscriptionibus, multorum tabulis cum esse facta diceretur, prolata a Memmio est nominibus inductis, auctore Pompejo. hic Appius erat idem. nihil sane iacturæ. corruerat alter, & plane, inquam, jacebat. Memmius autem, diremta coitione invito Calvino, plane refrixerat; & eo magis nunc cogitare dictaturam, tum favere iustitio & omnium rerum licentiæ. Perspice æquitatem animi mei & ludum, & contemtionem Seleucinæ provinciæ, & mehercule cum Cæsare suavissimam conjunctionem, (hæc enim me una ex hoc naufragio tabula delectat,) qui quidem Quintum meum tuumque, dii boni! quemadmodum tractat honore, dignitate, gratia? non secus, ac si ego essem imperator. hiberna legionum eligendi optio delata commodum, ut ad me scribit. hunc tu non ames? quem igitur istorum? Sed heus tu, scripseramne tibi, me esse legatum Pompejo? & extra urbem quidem fore ex Idib. Jan.? Visum est hoc mihi ad multa quadrare. sed quid plura? coram, opinor, reliqua; ut tu tamen aliquid expectes. Dionysio plurimam salutem: cui quidem ego non modo servavi, sed etiam ædificavi locum. quid quæris? ad summam lætitiæ meam, quam ex tuo reditu capio, magnus illius adventu cumulus accedit. quo die ad me venies, si me amas, apud me cum tuis maneas.





M. TULLII CICERONIS  
EPISTOLARUM

A D

A T T I C U M

L I B E R V.

---

A R G U M E N T U M.

*Ex antepenultima epistola superioris libri, atque hujus secunda, intelligimus, cessatum esse scribi inter eos, annos ipsos duos, & menses paullo amplius sex: nimirum ex a. d. ix. Kal. Nov. L. Domizio Abenobarbo & Ap. Claudio Pulchro coss. ad usque mensem coss. M. Marcello & Ser. Sulpicio: quo mense Cicero pro Consule, in provinciam Ciliciam, cum imperio, Roma profectus est, sibi & S. C. & lege Curiata traditam exera sortem: Appioque successit. Scriptæ sunt autem libri hujus epistolæ ex itinere magna ex parte: reliquæ ex provincia, quo pervenit prid. K. Sext. cum Roma egressus est, ut diximus, circiter K. Maji Marcello & Sulp. coss. Quæ ex itinere scriptæ sunt nihil continent memorabile: quæ in provincia, tantum, qua moderatione, qua abstinencia illam gubernavit: quoque modo se comparaverit, si forte Parthi in suam provinciam irruptionem facere conarentur. Nam cum superiore anno, exercitum populi Romani, Crasso duce interfecto, miserabili clade affecissent; reliquiasque illius, baud sane magna manu, in Syriam persecuti, a Q. Cassia Longino fortissime repulsi fuissent:*



majori ac firmiori vi, hoc anno redierunt: ab eodemque Cassio rursus Syria excedere coacti sunt. Ita enim infra Cicero: Interim rumore adventus nostri, & Cassio, qui Antiochia tenebatur, animus accessit: & Parthis timor injectus est. Itaque cedentes ab oppido Cassius insecutus, rem bene gessit: qua in fuga, magna auctoritate Osaces dux Parthorum, vulnus accepit, eoque interijt paucis post diebus. Continetur item his epistolis, quomodo Cicero in Amano, Pindenisso, oppido Eleutherosilicum capto, nomen Imperatoris affecutus fuerit: & quadam alia, haud magni ad historiam momenti. Cessatum est autem scribi inter eos toto Consulatu Cn. Domitii Calvini: M. Valerii Messallæ: item Cn. Pompeji Magni III, & Q. Metelli Scipionis.

I

## CICERO ATTICO S.

**E**go vero & tuum in discessu vidi animum, & meo sum ipse testis. quo magis erit tibi videndum, ne quid novi decernatur; ut hoc nostrum desiderium ne plus sit annum. De Annio Saturnino curasti probe. De satisfando vero, te rogo, quoad eris Romæ, tu ut satesdes. & sunt aliquot satisfactiones secundum mancipium, vel Memianorum prædiorum, vel Atilianorum. De Oppio, factum est ut volui, & maxime, quod pccc. aperuisti: quæ quidem ego utique vel versura [facta] solvi volo; ne extrema exactio nostrorum nominum expectetur. Nunc venio ad transversum illum extremæ epistolæ tuæ versiculum, in quo me admones de sorore. quæ res se sic habet. Ut veni in Arpinum, cum ad me frater venisset, in primis nobis sermo, isque multus, de te fuit: ex quo veni ad ea, quæ fueramus ego & tu inter nos de sorore in Tusculano locuti. nihil tam vidi mite, nihil tam placatum, quam tum meus frater erat in sororem tuam; ut etiam, si qua fuerat ex ratione sumta offensio, non appareret. illo sic die. postridie ex Arpinati profecti sumus. ut in Arcano Quintus maneret, dies fecit: ego Aquini, sed prandimus in Arcano. nosti hunc fundum. quo ut venimus, hu-

manif-



manifestissime Quintus, Pomponia, inquit, tu invita mulieres, ego vero acciam pueros. nihil potuit, mihi quidem ut visum est, dulcius, idque cum verbis, tum etiam animo, ac vultu. at illa, audientibus nobis, ego sum, inquit, hic hospita. id autem ex eo, ut opinor, quod antecesserat Statius, ut prandium nobis videret. tum Quintus, en, inquit mihi, hæc ego patior quotidie. Dices, quid, quæso, illuc erat? magnum: itaque me ipsum commoverat: sic absurde & aspere verbis vultuque responderat. dissimulavi dolens. discubimus omnes præter illam; cui tamen Quintus de meris misit; illa rejecit. quid multa? nihil meo fratre lenius, nihil asperius tua sorore mihi visum est: & multa prætereo, quæ tum mihi majori stomacho, quam ipsi Quinto, fuerunt. ego inde Aquinum; Quintus in Arcano remansit, & Aquinum ad me postridie mane venit, mihiq; narravit, nec secum illam dormire voluisse; &, cum discessura esset, fuisse ejusmodi, qualem ego vidissem. quid quæris? vel ipsi hoc dicas licet, humanitatem ei, meo judicio, illo die defuisse. Hæc ad te scripsi fortasse pluribus, quam necesse fuit, ut videres, tuas quoque esse partes instituendi & monendi. Reliquum est, ut ante, quam proficiscare, mandata nostra exaurias; scribas ad me omnia; Pomtinum extrudas; cum profectus eris, cures, ut sciam. sic habeas, nihil mehercule te mihi nec carius esse, nec suavius. A. Torquatum amantissime dimisi Minturnis, optimum virum: cui me ad te scripsisse aliquid, in sermone significes velim.

## CICERO ATTICO S.

2

A. d. vi. Id. Maj. cum has dabam litteras, ex Pompeiano proficiscebar, ut eo die manerem in Trebulano apud Pontium. deinde cogitabam sine ulla mora iusta itinera facere. In Cumano cum essem, venit ad me, quod mihi pergratum fuit, noster Hortensius: cui, deposcenti mea mandata, cetera universe mandavi; illud proprie, ne pateretur, quantum esset in ipso, prorogari nobis provincias. in quo



eum tu velim confirmes, gratumque mihi fecisse diccas, quod & venerit ad me, & hoc mihi, prætereaque si quid opus esset, promiserit. confirmavi ad eam causam etiam Furnium nostrum; quem ad annum tribunum plebis videbam fore. Habuimus in Cumano quasi pusillam Romam: tanta erat in his locis multitudo, cum interim Rufio noster, quod se a Vestorio observari videbat, strategemate hominem percussit. nam ad me non accessit. itane? cum Hortensius veniret, & infirmus, & tam longe, & Hortensius, cum maxima præterea multitudo, ille non venit? non, inquam. non vidisti igitur hominem, inquires? qui potui non videre, cum per emporium Puteolanorum iter facerem? in quo illum, agentem aliquid, credo, salutavi; postea jam iussi valere, cum me expense e sua villa, numquid vellem, rogasset. hunc hominem parum gratum quisquam putet? aut non in eo ipso laudandum, quod audiri non laborarit? Sed redeo ad illud. Noli putare mihi aliam consolationem esse huius ingentis molestiæ, nisi quod spero non longiorem annua fore. hoc me ita velle multi non credunt, ex consuetudine aliorum. tu, qui scis, omnem diligentiam adhibebis, tum scilicet, cum id agi debebit. Cum ex Epiro redieris, de republica scribas ad me velim, si quid erit, quod opperiare. nondum enim satis huc erat allatum, quomodo Caesar ferret de auctoritate perscripta: eratque rumor de Transpadanis, eos iustos viros creare. quod si ita est, magnos motus timeo. sed aliquid ex Pompejo sciam.

3

CICERO ATTICO S.

**A.** d. vi. Id. Maj. veni in Trebulanum ad Pontium. ibi mihi tuæ litteræ binæ redditæ sunt tertio abs te die: eodem autem, ex Panfæ Pompejano Philotimo dederam ad te litteras. nec vero nunc erat sane, quod scriberem. Qui de republica rumores, scribere quaeso. in oppidis enim summum video timorem; sed multa inania. quid de iis cogites, & quando, scire velim. Ad quas litteras tibi rescribi velis, nescio. nullas enim adhuc acceperam, præter quæ mihi binæ  
semel



semel in Trebulano reditæ sunt: quarum altera editum P. Licinii habebant, (erant aut Non. Maj. datæ,) altera rescriptæ ad meas Minturnenses. quam vereor, ne quid fuerit *παρὰ δαίμονα* in iis, quas non accepi, quibus referibi vis. Apud Lentulum ponam te in gratiam. Dionysius nobis cordi est. Nicanor tuus operam mihi dat egregiam. Jam deest, quod scribam; & lucet. Beneventi cogitabam hodie. nostra contentia & diligentia esse satisfaciemus. satis. A Pontio, ex Trebulano a. d. v. Id. Maj.

## CICERO ATTICO S.

4

**B**eneventum veni a. d. v. Id. Maj. ibi accepi eas litteras, quas tu superioribus litteris significaveras te dedisse: ad quas ego ipso eo die dederam ex Trebulano a Pontio. ac binas quidem tuas Beneventi accepi. quarum alteras Fufius Fundanus multo mane mihi dedit, alteras scriba Tullius. Gratissima est mihi tua cura de illo meo primo & maximo mandato. sed tua profectio spem meam debilitat. ac me ille: illuc quidem labor, non quo; sed inopia cogimur eo contenti esse. De illo altero, quem scribis tibi visum esse non alienum, vereor adduci ut nostra possit; & ut vis, *δυσδιάγνωστον*. esset quidem summe facilis: sed tu aberis, & me absente res. habebis mei rationem. nam posset aliquid, si utervis nostrum adesset, agente Servilia, Servio fieri probabile. nunc, si jam res placeat, agendi tamen viam non video. Nunc venio ad illam epistolam, quam accepi a Tullio. De Marcello, fecisti diligenter. igitur senatus consultum si erit factum, scribes ad me: sin minus, rem tamen conficies. mihi enim attribui oportebit, item Bibulo. sed non dubito, quin senatusconsultum expeditum sit, in quo præsertim sit compendium populi. De Torquato, probe. De Masone, & Ligure, cum venerint. De illo, quod Chærippus: quoniam hic quoque *περὶ ἡμῶν* sustulisti: o provincia! etiamne hic mihi curandus est? curandus autem? hætenus, ne quid ad senatum, consule, aut numera. nam de ceteris. Sed tamen commode, quod cum Scrofa. De Pomtino,



recte scribis. est enim ita, ut si ante Kalend. Jun. Brundisii futurus sit, minus urgendi fuerint M. Annius & Tullius. Quæ de Sicinio audisti, ea mihi probantur: modo ne illa exceptio in aliquem incurrat bene de nobis meritum. sed considerabimus. rem enim probo. De nostro itinere, quod statuerō; de quinque præfectis, quid Pompejus facturus sit, cum ex ipso cognoro, faciam ut scias. De Oppio bene curasti, quod ei dccc exposuisti: idque, quoniam Philotimum habes, perface, & cognosce rationem: &, ut agam amplius, si me amas, prius quam proficiscaris, effice. magna me cura levaris. Habes ad omnia. etsi pæne præterii, chartam tibi deesse: mea cautio est; siquidem ejus inopia minus multa ad me scribis. tu vero aufer ducentos. etsi meam in eo parsimoniam hujus paginæ contractio significat, dum acta & rumores vellet. jam, si qua certa habes de Cæsare, expecto litteras; & alias Pomtino de omnibus rebus diligenter dabis.

5

## CICERO ATTICO S.

**P**lane deest, quod scribam. nam nec, quod mandem, habeo; nihil enim prætermissum est: nec quod narrem; novi enim nihil, nec jocandi locus est; ita me multa sollicitant. tantum tamen scito, Idibus Maj nos Venusia mune proficiscentes has dedisse. eo autem die credo aliquid actum in senatu. sequantur igitur nos tuæ litteræ, quibus non modo res omnes, sed etiam rumores cognoscamus. eas accipiemus Brundisii. ibi enim Pomtinum ad eam diem, quam tu scripsisti, expectare consilium est. Nos Tarenti, quos cum Pompejo *διαλογες* de republica habuerimus, ad te perscribemus; etsi id ipsum scire cupio, quod ad tempus recte ad te scribere possim, id est, quamdiu Romæ futurus sis, ut aut quo dem posthac litteras sciam, ut ne dem frustra. Sed antequam proficiscare, utique explicatum sit illud H-S xxi & dccc. hoc velim in maximis rebus & maxime necessariis habeas; ut, quod auctore te velle cœpi, adiutore assequar.

CICE.



## CICERO ATTICO S.

6

**T**arentum veni a. d. xv. Kalend. Jun. Quod Pom-  
tinum statueram expectare, commodissimum  
dixi, dies eos, quoad ille veniret, cum Pompejo  
consumere: eoque magis, quod ei gratum esse id vi-  
debam; qui etiam a me petierit, ut secum & apud  
se essem quotidie: quod concessilibenter. multos enim  
ejus praeclaros de republica sermones accipiam: in-  
struar etiam consiliis idoneis ad hoc nostrum nego-  
tium. Sed ad te brevior jam in scribendo incipio  
fieri, dubitans, Romane sis, an jam profectus. quod  
tamen quoad ignorabo, scribam aliquid potius, quam  
committam, ut tibi cum possint reddi a me litterae,  
non reddantur. nec tamen jam habeo, quod aut man-  
dem tibi, aut narrem. mandvi omnia, quae quidem  
tu, ut polliceris, exhauries: narrabo, cum aliquid  
habebo novi. illud tamen non desinam, dum adesse  
te putabo, de Caesaris nomine rogare, ut confectum  
relinquas. avide expecto tuas litteras, & maxime,  
ut norim tempus professionis tuae.

## CICERO ATTICO S.

7

**Q**uotidie, vel potius in dies singulos, breviores  
litteras ad te mitto. quotidie enim magis suspi-  
cor, te in Epirum jam profectum. sed tamen, ut  
mandatum scias me curasse; quot ante, ait se Pom-  
pejus [quinos] praefectos delaturum, novos, vacatio-  
nes, judicariam causam. Ego cum triduum cum  
Pompejo & apud Pompejum fuisset, proficiscebam  
Brundisium a. d. xii. Kal. Junias, civem illum egre-  
gium relinquebam, & ad haec, quae timentur, prop-  
ulsanda paratissimum. Tuas litteras expectabo, cum  
ut, quid agas, tum, ut ubi sis, sciam.

## CICERO ATTICO S.

8

**M**e & incommoda valitudo, qua jam emerferam,  
utpote cum sine febris laborassem, & Pomtini  
expectatio, de quo adhuc ne rumor quidem venerat,  
tenebat duodecimum jam diem Brundisii. sed cursum  
exspe-



expectabamus. tu si modo es Romæ; vix enim puto: sin es, hoc vehementer animadvertas velim. Roma acceperam litteras, Milonem meum queri per litteras injuriam meam, quod Philotimus socius esset in bonis suis. id ego ita fieri volui de C. Duronii sententia; quem & amicissimum Miloni perspexeram, & talem virum, qualem tu judicas, cognoram. ejus autem consilium, meumque hoc fuerat; primum, ut in potestate nostra esset res, ne illum malus emtor alienus mancipiis, quæ permulta secum habet, spoliaret: deinde, ut Faustæ, cui cautum ille [esse] voluisset, ratum esset. erat etiam illud, ut ipsi nos, si quid servari posset, quam facillime servaremus. nunc rem totam perspicias velim. nobis enim scribuntur sæpe majora. sed si ille queritur, si scribit ad amicos, si idem Fausta vult, Philotimus, ut ego ei coram dixeram, mihiq; ille receperat, ne sit invito Milone in bonis. nihil nobis fuerat tanti. sin hæc leviora sunt, tu judicabis. Loquere cum Duronio. scripsi etiam ad Camillum, ad Lamiam: eoque magis, quod non confidebam Romæ te esse. summa erit hæc: statues, ut ex fide, fama, reque mea videbitur.

## 9

## CICERO ATTICO S.

**A**etium venimus a. d. xvii. Kal. Quint. cum quidam & Corcyræ, & Sybotis, muneribus tuis, quæ & Areus, & meus amicus Eutychides opipare & *φιλοπρονεσία* nobis congefserant, epulati essemus Saliarem in modum. Aetio maluimus iter facere pedibus, qui incommodissime navigassemus: & Leucam flectere molestum videbatur. actuariis autem minutis, Patras accedere sine his impedimentis, non satis visum est decorum. Ego, ut sæpe tu me currentem hortatus es, quotidie meditor, præcipio meis, faciam denique, ut summa modestia & summa abstinentia munus hoc extraordinarium traducamus. Parthus, velim, quiescat, & fortuna nos juvet: nostra præstabimus. Tu, quæso, quid agas, ubi quoque tempore futurus sis, quales res nostras Romæ reliqueris,



queris, maxime de xx. & dccc, cura ut sciamus. id unis diligenter litteris datis, quæ ad me utique perferantur, consequere. Illud tamen (quoniam nunc abes, cum id non agitur: aderis autem ad tempus, ut mihi rescripsisti) memento curare per te, & per omnes nostros, in primis per Hortensium, ut annus noster maneant suo statu, ne quid novi decernatur. hoc tibi ita mando, ut dubitem, an etiam te rogem, ut pugnes, ne intercaletur. sed non audeo tibi omnia onera imponere. annum quidem utique teneto. Cicero meus, modestissimus & suavissimus puer, tibi salutem dicit. Dionysium semper equidem, ut scis, dilexi, sed quotidie pluris facio, & mehercule in primis, quod te amat, nec tui mentionem intermittere finit.

## CICERO ATTICO S.

10

Ut Athenas a. d. vii. Kal. Quint. veneram, expectabam ibi jam quartum diem Pomtinum: neque de ejus adventu certi quicquam habebam: eram autem totus, crede mihi, tecum: & quamquam sine his per me ipse, tamen acrius, vestigiis tuis monitus, de te cogitabam. quid quæris? non mehercule alius ullus sermo, nisi de te. sed tu aliquid de me scire fortasse mavis. hæc sunt. Adhuc sumus nec in me aut publice, aut privatim, nec in quemquam comitum. nihil accipitur lege Julia, nihil ab hospite. persuasum est omnibus meis, serviendum esse famæ meæ belle adhuc. Hoc animadversum, Græcorum laude multo sermone celebratur. Quod superest, elaboratur in hoc a me, sicut tibi sensi placere. sed hæc tum laudemus, cum erunt perorata. Reliqua sunt ejusmodi, ut meum consilium sæpe reprehendam, quod non aliqua ratione ex hoc negotio emerferim. o rem minime aptam meis moribus; o illum verum, *egdo ris!* Dices, quid adhuc? nondum in negotio versaris. nescio; & puto molestiora restare: etsi hæc ipsa fero equidem fronte, ut puto, & vultu, bellissime; sed angor intimis sensibus: ita multa vel iracunde, vel insolenter, vel in omni genere stultitiæ insulse, arroganter & dicuntur



cuntur & tacentur quotidie. quæ, non quo te celem; non perferibo, sed quia *δυσχεύματα* sunt. ita admirabere meam *παύσηται*, cum salvi redierimus: tanta mihi *μελέων* hujus virtutis datur. ergo hæc quoque hætenus. Et si mihi nihil erat propositum ad scribendum; quia, quid ageres, ubi terrarum esses, ne suspicabar quidem: nec hercule umquam tam diu ignarus rerum mearum fui; quid de Cæsaris, quid de Milonis nominibus actum sit: ac non modo nemo, sed ne rumor quidem quisquam, ut sciremus, in republica quid ageretur. quare si quid erit; quod scias de iis rebus, quas putabis scire me velle, per mihi gratum erit, si id curaris ad me perferendum. Quid est præterea? nihil sane, nisi illud: valde me Athenæ delectarunt: urbs duntaxat, & urbis ornamentum, & hominum amores in te, & in nos quædam benivolentia; sed multum est philosophia. *ἡ ἀνακτα* si quid est, est in Aristote, apud quem eram. nam Xenonem tuum, vel nostrum potius, Quinto concesseram: & tamen propter vicinitatem totos dies simul eramus invicem. Cum primum poteris, tua concilia ad me scribas; ut sciam, quid agas, ubi quoque, & maxime quando Romæ futurus sis.

II

CICERO ATTICO S.

Hui! totiesne me litteras dedisse Romam, cum ad te nullas darem? at vero posthac frustra potius dabo, quam si recte dari potuerint, committam, ut non dem. Ne provincia nobis prorogetur per fortunas! tum ades, quidquid provideri potest, provide. Non dici potest, quam flagrem desiderio urbis, quam vix harum rerum insulsiatam feram. Marcellus fæde de Comensi. etsi ille magistratum non gesserat; erat tamen Transpadanus. ita mihi videtur non minus stomachi nostro ac Cæsari fecisse. sed hoc ipse viderit. Pompejus mihi quoque videbatur, quod scribis Varonem dicere, in Hispaniam certe iturus. id ego minime probabam; qui quidem Theophani facile persuasi, nihil esse melius, quam nusquam illum discedere. ergo Græcus incumbet. valet autem auctoritas

ejus



ejus apud illum plurimum. Ego has pridie Nonas Quint. proficiscens Athenis dedi; cum ibi decem ipsos fuisset dies. Venerat Pomtinus: una Cn. Volusius: aderat quæstor: tuus unus Tullius aberat. *ἁφροντα* Rhodiorum, & dicrota Mitylenæorum habebam: & aliquid *ἑπικον* dei. De Parthis erat silentium. quod superest, dii juvent. Nos adhuc iter per Græciam summa cum admiratione fecimus. nec mehercule habeo, quod adhuc quem accusem meorum. videntur mihi nosse nos, nostram causam, & conditionem professionis suæ. plane serviunt existimationi meæ. Quid superest, si verum illud est: *οὐκ ἔν' ἡ διαπραγνα*, certe permanebunt. nihil enim a me fieri ita videbunt, ut sibi sit delinquendi locus. sin id parum profuerit, fiet aliquid a nobis severius. nam adhuc lenitate dulces sumus; &, ut spero, proficimus aliquantum. sed ego hanc, ut singuli dicunt, *ἀνεξίαν* in unum annum meditatus sum. proinde pugna, ne, si quid prorogatum sit, turpis inveniar. Nunc redeo ad quæ mihi mandas: ni præfectis excusationi sis, quos voles deserto. non ero tam *μετωργος*, quam in Apulejo fui. Xenonem tam diligo, quam tu: quod ipsum sentire certo scio. Apud Patronem & reliquos barones te in maxima gratia posui: & hercule merito tuo feci. nam mihi is, ter, dixit, te scripsisse ad se, mihi ex illius litteris rem illam curæ fuisse, quod ei pergratum erat. sed cum Patron mecum egisset, ut peterem a vestro Ariopago, *ὑπομηνατισμῶν* tollerent, quem Polycharmo prætoris fecerant; commodius visum est & Xenoni, & post ipsi Patroni, me ad Memmium scribere, qui pridie, quam ego Athenas veni, Mitylenas profectus erat, ut is ad suos scriberet, posse id sua voluntate fieri. non enim dubitabat Xeno, quin ab Ariopagitis invito Memmio impetrari non posset. Memmius autem ædificandi consilium abjecerat: sed erat Patroni iratus. itaque scripsi ad eum accurate: cujus epistolæ misi ad te exemplum. Tu, velim, Piliam meis verbis consolere: indicabo enim tibi: tu illi nihil dixeris. Accepi fasciculum, in quo erat epistola Pilæ: abstuli, aperui, legi: valde scripta est



*συμπέδας.* Brundisio quæ tibi epistolæ redditæ sunt sine mea, tum videlicet datas, cum ego me non belle haberem nam illam *νομικανδριαν* excusationem ne acceperis. Cura, ut omnia sciam, sed maxime, ut valeas.

12

CICERO ATTICO S.

**N**egotium magnum est navigare, atque id mense Quintili. sexto die Delum Athenis venimus. pridie Nonas Quintil. a Piræo ad Zosteræ, vento molesto, qui nos ibidem Nonis tenuit. A. d. viii. Idus ad Ceo jucunde. inde Gyrum sævo vento, non adverso: hinc Scyrum, inde Delum, utroque citius, quam vellemus, cursum confecimus. Jam nostri *ἁφρακτα* Rhodiorum. nihil, quod minus fluētum ferre possit. itaque erat in animo nihil festinare, Delo nec movere, nisi omnia *ἀνεωτηρεῖν* *ἔργα* vidissem. De Messala ad te statim, ut audiui, de Gyro dedi litteras: & ipsum consilium nostrum etiam ad Hortensium: cui quidem valde *συνηγαντα*. sed tuas de ejus judicii sermonibus, & mehercule omni de reipublica statu litteras exspecto, *πολιτικωτέρων* quidem scriptas, (quoniam meos cum Thalumeto nostro pervolutas libros,) ejusmodi inquam litteras, ex quibus ego, non quid fiat, (nam id vel Helenius, vir gravissimus, potest efficere, cliens tuus,) sed quid futurum sit. etiam cum hæc leges, habebimus consules. omnia perspicere poteris, de Cæsare, de Pompejo, de ipsis judiciis. Nostra autem negotia, quoniam Romæ commoraris, amabo te, explica. Cui rei fugerat me rescribere, de strue laterum, plane rogo. De aqua, si quid poterit fieri, eo sis animo, quo soles esse: quam ego cum mea sponte, tum tuis sermonibus æstimo plurimi. ergo aliquid conficies. Præterea, si quid Philippus rogavit, quod in sua re faceres, id velim facias. Plura scribam ad te, cum constitero: nunc eram plane in medio mari.

CICE.



## CICERO ATTICO S.

13

**E**pheſum venimus a. d. xi. Kal. Sext. ſexageſimo & quingentefimo poſt pugnam Bovillam. navigavi-  
mus ſine timore & ſine naufea; ſed tardius, propter  
aphraſtorum Rhodiorum imbecillitatem. De con-  
curſu legationum, privatorum, & de incredibili mul-  
titudine, quæ mihi jam Sami, ſed mirabilem in mo-  
dum Ephēſi præſto fuit, aut auſiſſe te puto, aut quid  
ad me attinet? Verumtamen. Decumani, ac ſi ve-  
niſſem cum imperio, Græci quaſi Ephēſio prætori ſe  
alacres obtulerunt. ex quo te intelligere certo ſcio,  
multorum annorum oſtentationes meas nunc in diſcri-  
men eſſe adductas. ſed ut ſpero, utemur ea palæſtra,  
quam a te didicimus; omnibusque ſatiſfaciemus; &  
eo facilius, quod in noſtra provincia conſectæ ſunt  
paſſiones. Sed hætenus, præſertim cum cenanti mihi  
nuntiaſſet Caſtius, ſe de nocte proficiſci. Tua ne-  
gotia Ephēſi curæ mihi fuerunt: Thermoque, tametiſi  
ante adventum meum liberaliſſime erat pollicitus tuis  
omnibus, tamen Philogenem & Sejum tradidi: Apol-  
lonidiensẽ Xenonem commendavi. omnino omnia  
ſe faſturum recipit. Ego præterea rationem Philo-  
geni permutationis ejus, quam tecum feci, edidi.  
ergo hæc quoque hætenus. Redeo ad urbana. Per  
fortunas! quoniam Romæ manes, primum illud præ-  
fulci atque præmuni, quaſo, ut ſimus annui; ne in-  
tercaletur quidem. deinde exhauri mea mandata; ma-  
ximeque, ſi quid poteſt, de illo domeſtico, ſcrupu-  
lum, quem non ignoras; deinde de Cæſare: cujus  
in cupiditatem te auctore incubui; nec me piget. &  
ſi intelligis, quam meum ſit ſcire & curare, quid in  
republica fiat: fiat autem? immo vero etiam quid fu-  
turum ſit, perſcribe ad me omnia; ſed diligentiffime:  
in primisque, ecquid judiciorum ſtatus, aut faſtorum  
aut futurorum etiam, laboret. De aqua, ſi curæ eſt,  
ſi quid Philippus aget, animadvertas.



**A**ntequam aliquo loco confedero, neque longas a me, neque semper mea manu litteras expectabis. cum autem erit spatium, utrumque præstabo. nunc iter conficiebamus æstuosa & pulverulenta via. Dederam Epheso pridie: has dedi Trallibus. In provincia mea fore me putabam Kal. Sextilibus. ex ea die, si me amas, *παρρησια* *ἐναντίον* commovero. tamen interea hæc, quæ vellem, mihi afferebantur: primum otium Parthicum, dein confectæ pactiones publicanorum, postremo seditio militum sedata ab Appio, stipendiumque eis usque ad Idus Quint. persolutum. Nos Asia accepit admirabiliter. adventus noster nemini ne minimo quidem fuit sumtui. spero meos omnes servire laudi meæ. tamen magno timore sum: sed bene speramus. omnes jam nostri, præter Tullium tuum, venerunt. erat mihi in animo recta proficisci ad exercitum, æstivos menses reliquos rei militari dare, hibernos jurisdictioni. Tu, velim, si me nihilo minus nosti curiosum in republica, quam te, scribas ad me omnia, quæ sint, quæ futura sint. nihil mihi gratius facere potes: nisi tamen id erit mihi gratissimum, si, quæ tibi mandavi, confeceris; in primisque illud *ἑνδομυχοῦ*, quo mihi scis esse carius. Habes epistolam plenam festinationis & pulveris. reliquæ subtiliores erunt.

**L**aodiceam veni pridie Kal. Sext. ex hoc die clavum anni movebis. nihil exoptatius adventu meo, nihil carius. sed est incredibile, quam me negotii tædeat. non habet satis magnum campum ille tibi non ignotus cursus animi, & industriæ meæ præclara opera cessat. quippe, jus Laodiceæ me dicere, cum Romæ A. Plotius dicat? & cum exercitum noster amicus habeat tantum, me nomen habere duarum legionum exilium? denique hæc non desidero; lucem, forum, urbem, domum, vos desidero. sed feram, ut potero; sit modo annuum. si prorogatur, actum est. verum  
perfa-



perfacile resisti potest. tu modo Romæ sis. Quæris, quid hic agam? ita vivam, ut maximos sumtus facio. mirifice delector hoc instituto. admirabilis abstinentia ex præceptis tuis: ut verear, ne illud, quod tecum permutavi, versura mihi solvendum sit. Appii vulnera non refrico: sed apparent, nec oculi possunt. iter Laodicea faciebam a. d. iii. Non. Sext. cum has litteras dabam, in castra in Lycaoniam: inde ad Taurum cogitabam, ut cum Mæragene signis collatis, si possem, de servo tuo deciderem. clitellæ bovi sunt impositæ, plane non est nostrum onus: sed feremus: modo, si me amas, sit annuum. adsis tu ad tempus, ut senatum totum excites. mirifice sollicitus sum, quod jam diu ignota sunt mihi ista omnia. quare ut ad te ante scripsi, cum cetera, tum respublica cura, ut mihi nota sit. Plura scribebam tarde reddituro. sed dabam familiari homini ac domestico, C. Andronico Puteolano. tu autem sæpe dare tabellariis publicanorum poteris, per magistros scripturæ & portus nostrarum diæcesium.

## CICERO ATTICO S.

16

**E**t si in ipso itinere & via discedebant publicanorum tabellarii, & eramus in cursu: tamen furripiendum aliquid putavi spatii, ne me immemorem mandati tui putares. itaque subsedi in ipsa via, dum hæc, quæ longiorem desiderant orationem, summatim tibi perscriberem. Maxima expectatione in perditam & plane eversam in perpetuum provinciam nos venisse scito pridie Kal. Sextiles. moratus triduum Laodiceæ, triduum Apameæ, totidem dies Synnade, audivimus nihil aliud, nisi imperata *ἐπιτιφαια* solvere non posse: *ἄνους* omnium venditas: civitatum gemitus, ploratus: monstra quædam non hominis, sed feræ nescio cuius immanis. Quid quæris? tædet omnium nos vitæ. levantur tamen miserræ civitates, quod nullus sit sumtus in nos, neque in legatos, neque in quæstorem, neque in quemquam. scito, non modo nos scænum, aut quod lege Julia dari solet, non accipere, sed ne ligna quidem; nec, præter quatuor lectos & tectum, quem



quemquam accipere quidquam: multis locis ne tetum quidem, & in tabernaculo manere plerumque. itaque incredibilem in modum concursus fiunt ex agris, ex vicis, ex domibus omnibus. mehercule etiam, adventu nostro, reviviscunt; iustitia, abstinentia, clementia tui Ciceronis. itaque opiniones omnium superavit. Appius, ut audivit nos venire, in ultimam provinciam se coniecit Tarsum usque: ibi forum agit. De Partho silentium est: sed tamen concisos equites nostros a barbaris nuntiabant ii, qui veniebant. Bibulus ne cogitabat quidem etiam nunc in provinciam suam accedere. id autem facere ob eam causam dicebant, quod tardius vellet decedere. Nos in castra properabamus, quæ aberant bidui.

17

## CICERO ATTICO S.

**A**cepi Roma sine epistola tua facisculum litterarum: in quo, si modo valuisti, & Romæ fuisti, Pilotimi duco esse culpam, non tuam. hanc epistolam dictavi sedens in rheda, cum in castra proficiscerer, a quibus aberam bidui. paucis diebus habebam certos homines, quibus darem litteras. itaque eo me servavi. Nos, tametsi hoc te ex aliis audire malo, sic in provincia nos gerimus, quod ad abstinentiam attinet, ut nullus teruncius infumatur in quemquam. id fit etiam & legatorum, & tribunorum, & præfectorum diligentia. nam omnes mirifice *συμφιλοδοξου* gloriæ meæ. Lepta noster mirificus est. Sed nunc propero. perferibam ad te paucis diebus omnia. Cicerones nostros Dejotarus filius, qui rex ab senatu appellatus est, secum in regnum. dum in æstivis nos essemus, illum pueris locum esse bellissimum duximus. Sextius ad me scripsit, quæ tecum esset de mea domestica & maxima cura locutus, & quid tibi esset visum. amabo te, incumbe in eam rem, & ad me feribe, quid & possit, & tu censeas. Idem scripsit, Hortensium de proroganda nostra provincia dixisse nescio quid. mihi in Cumano, diligentissime, se, ut, annui assemus, defensurum, receperat. si quicquam me amas, hunc locum muni. dici non potest, quam  
invi-



invitus a vobis absim. & simul hanc gloriam iustitiæ & abstinentiæ fore illustriorem spero, si cito decesserimus: id quod Scævola contigit, qui solos novem menses Asiæ præfuit. Appius noster, cum me adventare videret, profectus est Tarsum usque Laodicea. ibi forum agit, cum ego sim in provincia; quam ejus injuriam non infector. satis enim habeo negotii in sanandis vulneribus, quæ sunt imposita provinciæ. quo, do operam, ut faciam quam minima illius contumelia. sed hoc Bruto nostro velim dicas, illum fecisse non belle, qui adventu meo, quam longissime potuerit, discefferit.

## CICERO ATTICO S. 18

Quam vellem Romæ esses, si forte non es: nihil enim certi habebamus, nisi accepisse nos tuas litteras a. d. xiv. Kal. Sext. datas: in quibus scriptum esset, te in Epirum iturum circiter Kal. Sextiles. sed, sive Romæ es, sive in Epiro, Parthi Euphraten transferunt duce Pacoro, Orodii, regis Parthorum, filio, cunctis fere copiis. Bibulus nondum audiebatur esse in Syria. Cassius in oppido Antiochiæ cum omni exercitu. nos in Cappadocia ad Taurum cum exercitu ad Cybistra. hostis in Cyrrestica; quæ Syriæ pars proxima est provinciæ meæ. his de rebus scripsi ad senatum: quas litteras, si Romæ es, videbis, putesne reddendas, & multa, immo omnia: quorum *ἡ δὲ* *λατὸν*, ne quid inter cæsa & porrecta, ut ajunt, oneris mihi addatur aut temporis. nobis enim, hac infirmitate exercitus, inopia sociorum, præsertim fidelium, certissimum subsidium est hiems. ea si venerit, nec illi ante in meam provinciam transferint, unum vereor, ne senatus, propter urbanarum rerum metum, Pompejum nolit dimittere. quodsi alium ad ver mittit, non laboro: nobis modo temporis ne quid prorogetur. Hæc igitur, si Romæ es: sin abes, aut etiam si ades; hæc negotia sic se habent. Stamus animis, &, quia consiliis, ut videmur, bonis utimur, speramus etiam manu. tuto confedimus, copioso a frumento, Ciliciam prope conspiciente, expedito



ad mutandum, loco; parvo exercitu; sed, ut spero, ad benivolentiam erga nos consentiente: quem nos, Dejotari adventu cum suis omnibus copiis, duplicaturi eramus. Sociis multo fidelioribus utimur, quam quisquam usus esset: quibus incredibilis videtur & nostra mansuetudo & abstinencia. delectus habetur civium Romanorum: frumentum ex agris in loca tuto comportatur. si fuerit occasio, manu; sin minus, locis nos defendemus. quare bono animo es. video enim te, &, quasi coram adsis, ita cerno <sup>supradictum</sup> amoris tui. sed te rogo, (si ullo pacto fieri poterit,) si integra in senatu nostra causa ad Kal. Jan. manserit, ut Romæ sis mense Januario. profecto nihil accipiam injuriæ, si tu aderis. amicos consules habemus, nostrum tribunum plebis Furnium. verum tua est opus assiduitate, prudentia, gratia. tempus est necessarium. sed turpe est, me pluribus verbis agere tecum. Cicerones nostri sunt apud Dejotarum; sed, si opus erit, deducuntur Rhodum. Tu, si es Romæ; ut soles, diligentissime: si in Epiro; mitte tamen ad nos de tuis aliquem tabellarium; ut & tu, quid nos agamus, & nos, quid tu agas, quidque acturus sis, scire possimus. Ego Bruti rem sic ago, ut suam ipse non ageret. sed jam exhibeo pupillum, neque defendo. sunt enim negotia & lenta, & inania. faciam tamen satis. tibi quidem, cui difficilius est, quam ipsi. sed certe satisfaciam utrique.

19

CICERO ATTICO S.

**O**bsignaram jam epistolam eam, quam puto te modo perlegisse, scriptam mea manu, in qua omnia continentur, cum subito Appii tabellarius a. d. xi. Kal. Octob. septimo quadragesimo die Roma celeriter (hui tam longe!) mihi tuas litteras reddidit, ex quibus non dubito, quin tu Pompejum expectaris, dum Arimino rediret, & jam in Epirum profectus sis: magisque vereor, ut scribis, ne in Epiro sollicitus sis non minus, quam nos hic sumus. De Atteliano nomine scripsi ad Philotimum, ne appellaret Messalam. Itineris nostri famam ad te pervenisse laetor,  
magis.



magisque lætabor, si reliqua cognoris. Filiolam tuam tibi jam Romæ jucundam esse gaudeo; eamque, quam nunquam vidi, tamen & amo, & amabilem esse certo scio. etiam atque etiam valet, Patron, & tui discipuli. Quæ de Tarentinis in militia laboravi, ea tibi grata esse gaudeo. Quod scribis libente te repulsum tulisse eum, qui cum sororis tuæ filii patruo certaret; magni amoris signum. itaque me etiam admonuisti ut gauderem. nam mihi in mentem non venerat. non credo, inquis. ut libet: sed plane gaudeo: quoniam *το νεραιον* interest *τε φιλων.*

## CICERO ATTICO S.

20

Saturnalibus mane se mihi Pindenissæ dederunt, septimo & quadagesimo die, postquam oppugnare eos cepimus. qui (malum) isti Pindenissæ? qui sunt? inquires: nomen audivi numquam. quid ego faciam? potui Ciliciam, Ætoliā, aut Macedoniam reddere? hoc jam sic habeto, nec hoc exercitū hic tanta negotia geri potuisse. quæ cognosce *ἢ ἐπετομ.* sic enim concedis mihi proximis litteris. Ephesum ut venerim, nosti; qui etiam mihi gratulatus es illius diei celebritatem, qua nihil me umquam delectavit magis. inde oppidis, iis, qua ieram, mirabiliter accepti, Laodiceam pridie Kal. Sext. venimus. morati biduum, perillustres fuimus, honorificisque verbis omnis injurias revellimus superiores. quod idem dein Apameæ quinque dies morati, & Synnadis triduum, Philomeli quinque dies, Iconii decem, fecimus. nihil ea jurisdictione æquabilius, nihil lenius, nihil gravius. inde in castra veni a. d. vii. Kal. Septemb. a. d. iii. exercitum lustravi apud Iconium. ex his castris, cum graves de Parthis nuntii venissent, perrexī in Ciliciam per Cappadociæ partem eam, quæ Ciliciam attingit, eo consilio, ut Armenius Artavasdes, & ipsi Parthi Cappadocia se excludi putarent. cum dies quinque ad Cybistra [Cappadociæ] castra habuissem, certior sum factus, Parthos ab illo aditu Cappadociæ longe abesse; Ciliciæ magis imminere. itaque confessim iter in Ciliciam feci per Tauri pylas. Tarsum veni a. d.



III. Non. Octob. inde ad Amanum contendi, qui Syriam a Cilicia ima aquarum divortio dividit; qui mons erat hostium plenus sempiternorum. hic a. d. III. Idus Octob. magnum numerum hostium occidimus. castris munitissima, nocturno Pontini adventu, nostro matutino, cepimus, incendimus. imperatores appellati sumus. castra paucos dies habuimus, ea ipsa, quæ contra Darium habuerat apud Iffum Alexander, imperator haud paulo melior, quam aut tu, aut ego. ibi dies quinque morati, direpto & vastato Amano, inde discessimus. scis enim dici quædam *πανικα*, dici item *τα κινε τὸ πολέμῳ*. rumore adventus nostri, & Cassio, qui Antiochia tenebatur, animus accessit, & Parthis timor injectus est. itaque eos, cedentes ab oppido, Cassius insecutus, rem bene gessit. qua in fuga, magna auctoritate Osaces, dux Parthorum, vulnus accepit, eoque interiit paucis post diebus. erat in Syria nostrum nomen in gratia. Venit interim Bibulus. credo voluit apellatione hac inani nobis esse par. in eodem Amano cæpit laureolam in mustaceo querere. at ille cohortem primam totam perdidit, centurionemque primipili, nobilem sui generis, Asinium Dentonem, & reliquos cohortis ejusdem, & Sex. Lucilium, T. Gavii Capionis, locupletis & splendidi hominis, filium, tribunum militum. sane plagam odiosam acceperat cum re, tum tempore. Nos Pindenissum, quod oppidum munitissimum Eleutherocilicum omnium memoria in armis fuit, (feri homines & acres, & omnibus rebus ad defendendum parati,) cinximus vallo & fossa: aggere maximo, vineis, turre altissima, magna tormentorum copia, multis sagittariis, magno labore, apparatu, multis faucibus nostris, incolumi exercitu, negotium confecimus. Hilare sane Saturnalia. militibus quoque, equis exceptis, reliquam prædam concessimus. mancipia vanabant Saturnalibus tertiis. Cum hæc scribebam, in tribunali res erat ad H. S. cxx. hinc exercitum in hiberna agri male pacati deducendum Quinto fratri dabam. ipse me Laodiceam recipiebam. Hæc adhuc, sed ad præterita revertamur. Quod me maxime hortaris,



tatis, &, quod pluris est, quam omnia, in quo laboras, ut etiam Ligurino *μυρια* satisfaciam: moriar, si quicquam fieri potest elegantius. nec jam ego hanc continentiam appello, quæ virtus voluptati resistere videtur. ego in vita mea nulla umquam voluptate tanta sum adfectus, quanta adficior hac integritate. nec me tam fama, quæ summa est, quam res ipsa, delectat. quid quæris? fuit tanti: me ipse non noram: nec satis sciebam, quid in hoc genere facere possem: recte *περυσιαμαι*. nihil est præclarius. interim hæc *λαμπρα*. Ariobarzanes opera mea vivit, regnat. *παροδα*, consilio, & auctoritate, & quod insidiatoribus ejus *απεροιστον* me, non modo *αδαροδοκτητον* præbui, regem regnumque servavi. interea e Cappadocia ne pilum quidem. [atque etiam spero toto anno imperii nostri teruncium sumtus in provincia nullum fore.] Brutum abjectum, quantum potui, excitavi: quem non minus amo, quam tu; pæne dixi, quam te. Habes omnia. Nunc publice litteras Romam mittere parabam. uberiores erunt, quam si ex Amano misissem. at te Romæ non fore? sed est totum, quod Kal. Mart. futurum est. vereor enim, ne, cum de provincia agetur, si Cæsar resistet, nos retineamur. his tu si adesses, nihil timerem. Redeo ad urbana: quæ ego diu ignorans, ex tuis jucundissimis litteris a. d. v. Kal. Jan. denique cognovi. eas diligentissime Philogenes, libertus tuus, curavit, perlonga & non satis tuta via, perferendas. nam quas Lenii pueris scribis datas, non acceperam. Jucunde de Cæsare, & quæ senatus decrevit, & quæ tu speras: quibus ille si cedit, salvi sumus. Incendio Platoriano quod Sejus amictus est, minus moleste fero. Luccejus de Q. Cassio cur tam vehemens fuerit, & quid actum sit, aveo scire. Ego, cum Laodiceam venero, Quinto, sororis tuæ filio, togam puram jubeor dare; cui moderabor diligentius. Dejotarus, cujus auxiliis magnis usus sum, ad me, ut scripsit, cum Ciceronibus Laodiceam venturus erat. Tuas etiam Epiroticas exspecto litteras; ut habeam rationem non modo negotiî, verum etiam otii tui. Nicanor in officio est, & a me



liberaliter tractatur: quem, ut puto, Romam cum litteris publicis mittam; ut & diligentius perferantur, & idem ad me certa de te & a te referat. Alexis quod mihi toties salutem ad scribit: est gratum. sed cur non suis litteris idem facit, quod meus ad te Alexis facit? Phæmio quæritur *negat*. Sed hæc hætenus. Cura, ut valeas, & ut sciam, quando cogites Romam. etiam atque etiam vale. Tua, tuosque Thermo & præsens Ephesi diligentissime commendaram, & nunc per litteras: ipsumque intellexi esse perstudiosum tui. Tu velim, quod antea ad te scripsi, de domo Pammeni, des operam, ut, quod tuo meoque beneficio puer habet, cures, ne qua ratione convellatur. utrique nostrum honestum existimo; tum mihi erit pergratum.

21

CICERO ATTICO S.

**T**e in Epirum salvum venisse, & ut scribis, ex sententia navigasse, vehementer gaudeo: non esse Romæ meo tempore pernecessario, submolesto fero: hoc me tamen consolor: non spero te istic jucunde hiemare, & libenter requiescere. Cassius, frater Q. Cassii, familiaris tui, prudentiores illas litteras miserat, (de quibus tu ex me requiris, quid sibi voluerint, quam eas, quas postea misit, quibus per se scribit, confectum esse Parthicum bellum. Recesserant illi quidem ab Antiochia ante Bibuli adventum, sed nullo nostro *evangelizati*. hodie vero hiemant in Cyrrhestica, maximumque bellum impendet. nam & Orodi, regis Parthorum, filius in provincia nostra est: nec dubitat Dejotarum, (cujus filio pacta est Artavasdis filia, ex quos sciri potest,) quin cum omnibus copiis ipse prima ætate Euphraten transiturus sit. quo autem die Cassii litteræ victrices in senatu recitæ sunt, id est, Nonis Octobribus, eodem meæ tumultum nuntiantes. Axius noster ait, nostras auctoritatis plenas fuisse; illis negat creditum. Bibuli nondum erant allatæ: quas certo scio plenas timoris fore. Ex iis rebus hoc vereor, ne, cum Pompejus propter metum rerum novarum nusquam dimittatur, Casari nul-



nullus honos a senatu habeatur; dum hic nodus expediatur, non putet senatus, nos, antequam successum sit, oportere decedere, nec in tanto motu rerum tantis provinciis singulos legatos præesse. Hic, ne quid mihi prorogetur, quod ne intercessor quidem sustinere possit, horreo: atque eo magis, quod tu abes, qui consilio, gratia, studio multis rebus occurreres. Dices me ipsum mihi sollicitudinem struere. cogor: & velim ita sit. sed omnia metuo. etsi bellum <sup>ἡγετολευντιον</sup> habet illa tua epistola, quam dedisti nausæans Buthroto: *tibi, ut video & spero*, quam dedisti nausæans *erit mora*. mallet, *ut video*: nihil opus fuit, *ut spero*. acceperam autem fatis celeriter Iconii per publicanorum tabellarios a Lentuli triumpho datas. in his <sup>γλυνοπιτρων</sup> illud confirmas, moram mihi nullam fore: deinde addis, si quid secus, te ad me [fore] venturum. angunt me dubitationes tuæ: simul & vides, quas acceperim litteras. nam quas Hermoni, centurionis Camulæ, [ipse] scribis te dedisse, non accepi. Lenii pueris te dedisse, sæpe ad me scripseras. eas Laodiceæ denique, cum eo venissem, iii. Id. Febr. Lenius mihi reddidit, datas a. d. x. Kal. Octobres. Lenio tuas commendationes & statim verbis & reliquo tempore re probabo. hæ litteræ cetera vetera habebant, unum hoc novum, de Cybiratis pantheris. multum te amo, quod respondisti M. Octavio, te non putare. sed posthac omnia, quæ certa non erunt, pro certo negato. nos enim & nostra sponte bene firmi, & mercurule auctoritate tua inflammati vicimus omnes (hoc tu ita reperies) cum abstinentia, tum iustitia, facilitate, clementia. Cave putes quicquam homines magis umquam esse miratos, quam nullum teruncium, me obtinente provinciam, sumtus factum esse, nec in rempublicam, nec in quemquam meorum, præterquam in L. Tullium legatum. is, ceteroqui abstinens, sed Julia lege, transitans, semel tamen in diem, non, alii solebant, omnibus vicis, [præter eum semel, nemo accepit] facit ut mihi excipiendus sit, cum teruncium nego sumtus factum. præter eum accepit nemo. has a nostro Q. Titinio sordes accepimus.



mus. Ego, æstivis confectis, Quintum fratrem hibernis & Ciliciæ præfeci: Q. Volusium, tui Tiberii generum, certum hominem, sed mirifice etiam abstinentem, misi in Cyprum, ut ibi pauculos dies esset; ne cives Romani pauci, qui illuc negotiantur, jus sibi dictum negarent: nam evocari ex insula Cyprios non licet: ipse in Asiam profectus sum Tarsō Nonis Januariis: non mehercule dici potest, qua admiratione Ciliciæ civitatum, maximeque Tarsensium. postea vero quam Taurum transgressus sum, mirifica exspectatio Asiæ nostrarum dicecesum, quæ sex mensibus imperii mei nullas meas acceperat litteras, numquam hospitem viderat. illud autem tempus quotannis ante me fuerat in hoc quæstu. civitates locupletes, ne in hiberna milites reciperent, magnas pecunias dabant: Cyprii talenta Attica cc. qua ex insula (non *ὀπριβοδίκως*, sed verissime loquor) numus nullus, me obtinente, erogabitur. Ob hæc beneficia, quibus illi obstupescunt, nullos honores mihi, nisi verborum, decerni sino: statuas, fana, *τιδεύματα* prohibeo: nec sum in ulla re alia molestus civitatibus; sed fortasse tibi, qui hæc prædicem de me. perfer, si me amas. tu enim me hæc facere voluisti. Iter igitur ita per Asiam feci, ut etiam fames, qua nihil miserius est, quæ tum erat in hac mea Asia, (messis enim nulla fuerat,) mihi optanda fuerit. quacumque iter feci, nulla vi, nullo iudicio, nulla contumelia, auctoritate & cohortatione perfecti, ut & Græci, & cives Romani, qui frumentum, compresserant, magnum numerum populis pollicerentur. Idibus Februariis, quo die has litteras dedi, forum institueram agere Laodiceæ Cybiriticum & Apamense ex Idibus Mart. ibidem Synnadenſe, Pamphylium, (tum Phe-mio dispiciam *ἄσπας* Aonium,) Ifauricum: ex Idibus Maj. in Ciliciam, ut ibi Junius consumatur. velim tranquilla a Parthis. Quintilis, si erit, ut volumus, in itinere est, per provinciam redeuntibus, consumendus. venimus enim in provinciam, Laodiceam, Sulpicio & Marcello consulibus, pridie Kal. Sextiles. inde nos oportet decedere a. d. iv. Kal. Sext. Primum



mum contendam a Quinto fratre, ut se præfici patia-  
 tur: quod & illo & me invitissimo fiet. sed aliter ho-  
 neste fieri non potest, præsertim cum virum opti-  
 mum, Pomtinum, ne nunc quidem retinere possim.  
 rapit enim hominem Postumius Romam, fortasse  
 etiam Postumia. Habes consilia nostra. nunc cogno-  
 sce de Bruto. Familiares habet Brutus tuus quos-  
 dam creditores Salaminiorum ex Cypro, M. Scaptium  
 & P. Matinium; quos mihi maiorem in modum  
 commendavit. Matinium non novi. Scaptius ad me  
 in castra venit. pollicitus sum curaturum me, Bruti  
 causa ut ei Salaminii pecuniam solverent. egit gratias.  
 præfecturam petivit. negavi me cuiquam negotianti  
 dare: quod idem tibi ostenderam. Cn. Pompejo pe-  
 tenti probaram institutum meum: quid dicam? Tor-  
 quato, de M. Lenio tuo, multis aliis. si præfectus  
 vellet esse syngraphæ causa, me curaturum, ut exi-  
 geret. gratias egit: discessit. Appius noster turmas  
 aliquot equitum dederat huic Scaptio, per quas Sala-  
 minios coerceret; & eundem habuerat præfectum.  
 vexabat Salamonios. ego equites ex Cypro decedere  
 iussi. moleste tulit Scaptius. quid multa? ut ei fidem  
 meam præstarem; cum ad me Salaminii Tarsum ve-  
 nissent, & una Scaptius, imperavi, ut pecuniam sol-  
 verent. multa de syngrapha, de Scaptii injuriis. ne-  
 gavi me audire. hortatus sum; petivi etiam, pro meis  
 in civitatem beneficiis, ut negotium conficerent: de-  
 nique dixi me coacturum. homines non modo non  
 recusare, sed etiam hoc dicere, se a meolvere. quod  
 enim prætori dare consueverant, quoniam ego non ac-  
 ceperam, se a me quodam modo dare; atque etiam  
 minus esse aliquanto in Scaptii nomine, quam in ve-  
 stigali prætorio. collaudavi homines. recte, inquit  
 Scaptius: sed subducamus summam. interim cum ego  
 in edicto tralaticio, centesimas me observaturum, ha-  
 berem cum anatocismo anniversario; ille ex syngra-  
 pha postulabat quaternas. quid ais? inquam. possumne  
 contra meum edictum? at profert senatus consultum  
 Lentulo Philippoque consulibus, ut, qui CILI-  
 CIAM OBTINERET, JUS EX ILLA SYNGRAPHÀ

DICE-



DICERET. cohorrui primo: etnim erat interitus civitatis. reperio duo senatus consulta iisdem consulibus de eadem syngrapha. Salaminii cum Romæ versuram facere vellent, non poterant; quod lex Gabinia vetabat [e syngrapha jus dicere]. tum ii Bruti familiares, freti gratia Bruti, dare volebant quaternis, si sibi senatus consulto caveretur. fit gratia Bruti senatus consultum, UT NE VE SALAMINIIS, NE VE QUI EIS DEDISSET, FRAUDI ESSET. pecuniam numerarunt. at postea venit in mentem feneratoribus, nihil se juvare illud senatus consultum, quod ex syngrapha jus dici lex Gabinia vetaret. tum fit senatus consultum, UT EA SYNGRAPHÆ ESSET QUÆVI CETERÆ. Sed ut eodem; cum hæc differuissem, seducit me Scaptius; aut se nihil contra dicere: sed eos putare, talenta cœ se debere; ea se velle accipere: debere autem eos paullo minus: rogat, ut eos ad cœ perducam. optime, inquam. voco illos ad me, remoto Scaptio. quid vos? quantum, inquam debetis? respondent, cvi. refero ad Scaptium. homo clamare, quid opus est? inquam. rationes conferatis. assidunt, subducunt: ad numum convenit. illi se numerare velle, utgere, ut acciperet. Scaptius me rursus seducit: rogat, ut rem sic relinquam. dedi veniam homini impudenter petenti. Græcis quærentibus; ut infano deponerent, postulantes, non concessi. clamare omnes qui aderant, nihil impudentius Scaptio, qui centesimis cum anatocismo contentus non esset: alii, nihil stultius. mihi autem impuens magis, quam stultus, videbatur. nam aut bono nomine centesimis contentus erat, aut, non bono, quaternas centesimas sperabat. Habes meam causam: quæ si Bruto non probatur; nescio, cur illum amemus: sed avunculo ejus certe probabitur, præsertim cum senatus consultum modo factum sit, puto, postquam tu es profectus, in creditorum causa, ut centesimæ perpetuo fœnore ducerentur. hoc quid interfit, si tuos digitos novi, certe habes subductum. in quo quidem, ὁδὸς παρρηγῶν, Lucejus M. F. queritur apud me per litteras, summum esse periculum, ne culpa  
senat-



senatus, his decretis, res ad tabulas novas perve-  
 niat. commemorat, quid olim mali C. Julius fece-  
 rit, cum dieculam duxerit: numquam respublica  
 plus. Sed ad rem redeo. meditare adversus Brutum  
 causam meam: si hæc causa est, contra quam nihil  
 honeste dici potest; præsertim cum integram rem &  
 causam reliquerim. Reliqua sunt domestica. De  
 ἡδονῶν, probo idem, quod tu, Postumiæ F. ille,  
 quoniam Pontidia nūgatur. sed vellem adesses. a  
 Quinto fratre his mensibus nihil exspectaris. nam  
 Taurus propter nives ante mensem Junium transiri  
 non potest. Thermum, ut rogas, creberrimis litte-  
 ris fulcio. P. Valerium negat habere quicquam De-  
 jotarus rex, eumque, ait, a se sustentari. Cum scies,  
 Romæ intercalatum sit, necne; velim ad me scribas  
 certum, quo die mysteria futura sint. Litteras tuas  
 minus paullo exspecto, quam si Romæ esses: sed ta-  
 men exspecto.







M. TULLII CICERONIS  
EPISTOLARUM

A D

ATTICUM,

LIBER VI.

---

ARGUMENTUM.

*Qui has M. Tullii epistolas in libros distribuit, is mihi videtur libri alius initium hinc maxime fecisse, quod hæc aliis Consulibus, quam superioris libri scriptæ fuerint: nempe L. Emilio Paulo; C. Claudio Marcello: quem Suetonius Marci Marcelli patruelem facit; Dio, sobrinum; vel ex aliorum opinione, fratrem. Hic igitur liber certum argumentum nullum habet, quod ad Remp. pertineat. Nam bellum Parthicum, cuius hic mentio fit, in metu potius, quam re ipsa fuit: cum anno superiore, qui ab illo cæpto quartus fuit, finem acceperit. De rebus urbanis, quod odiosa quædam Cicero audisse scribit, tale fuit. Caesar cum vereretur, ne se iniqui sui provincia atque exercitu spoliarent: sicque cogere, si consul fieri vellet, privatus ac præsens petere: L. Paullum consulem & C. Curionem tribunum pl. antea suis actionibus adversantes, grandi mercede sibi conciliavit: quorum opera factum est, ut retineret exercitum. Nam cum de illo remittendo referretur, Curio ita est assensus, si reliqui quoque dimitterent: Pompejum notans sine dubio. Hoc anno Cicero de provincia decessit III. Kalend. Sext. atque Idib.*



*Os. Athenis fuit, unde postrema libri hujus epistola data est. Reliqua sunt privata atque domestica: de Tullia Dolabella collocanda: & aliis rebus.*

## CICERO ATTICO S.

I

**A**ccepi tuas litteras a. d. quintum Terminalia Laodiceæ, quas legi libentissime, plenissimas amoris, humanitatis, officii, diligentiae. his igitur respondebo: sic enim postulas: nec *οικονομικῶς* meam instituiam; sed ordinem conservabo tuum. Recentissimas a Cybistris te meas litteras habere ais, a. d. x. Kal. Octob. datas: & scire vis, tuas ego quas acceperim. omnes fere, quas commemoras, præter eas, quas scribis Lentuli pueris & Equotutico & Brundisio datas. quare non *οικηται* tua industria, quod vereris, sed præclare ponitur; si quidem id egisti, ut ego delectarer. nam nulla re sum delectatus magis. Quod meam *σαδουνη* in Appio tibi, libertatem etiam in Bruto probo; vehementer gaudeo: ac putaram secus. Appius enim ad me ex itinere bis terve *ὑπομνηματίζου* litteras miserat, quod quædam a se constituta rescinderem. Ut, si medicus, cum ægrotus alii medico traditus sit, irasci velit ei medico, qui sibi successerit, si, quæ ipse in curando constituerit, mutet ille: sic Appius, cum *ἐξ ἀφαιρέσεως* provinciam curarit, sanguinem miserit, quidquid potuit detraxerit, mihi tradiderit enectam, *πρασινάτριφον* eam a me non libenter videt; sed modo succenset, modo gratias agit. nihil enim a me fit cum ulla illius contumelia. tantummodo dissimilitudo meæ rationis offendit hominem. quid enim potest esse tam dissimile, quam illo imperante exhaustam esse sumtibus & jacturis provinciam; nobis eam obtinentibus, numum nullum esse erogatum nec privatim, nec publice? Quid dicam de illius præfectis? comitibus? legatis? etiam de rapinis? de libidinibus? de contumeliis? nunc autem domus mehercule nulla tanto consilio, aut tanta disciplina gubernatur, aut tam modesta est, quam nostra tota provincia. Hæc nonnulli amici Appii ridicule interpretantur: qui me idcirco putent bene au-

Cic. Epist. Tom. II.

K

dire



dire velle, ut ille male audiat, & recte facere, non meæ laudis, sed illius contumeliæ causa. Sin Appius, ut Bruti litteræ, quas ad te misit, significabant, gratias nobis agit, non moleste fero: sed tamen eo ipse die, quo hæc ante lucem scribebam, cogitabam ejus multa inique constituta & acta tollere. Nunc venio ad Brutum, quem ego omni studio, te auctore, sum complexus: quem etiam amare cœperam: sed, dico, revocavi me, ne te offenderem. noli enim putare, me quicquam maluisse, quam ut mandat is, facere: nec ulla de re plus laborasse. mandatorum autem mihi libellum dedit: iisdemque de rebus tu mecum egeras. omnia sum diligentissime persecutus. Primum, ab Ariobarzane sic contendî, ut talenta, quæ mihi pollicebatur, illi daret. quoad mecum rex fuit, perbono loco res erat: post a Pompeji procuratoribus sexcentis premi cœptus est. Pompejus autem cum ob ceteras causas plus potest unus, quam ceteri omnes, tum quod putatur ad bellum Parthicum esse venturus. ei tamen sic nunc solvitur: tricesimo quoque die talenta Attica xxxiii, & hoc ex tributis: nec id satis efficit in usuram menstruam. sed Cnæus noster clementer id fert: forte caret: usura: nec ea solida, contentus est. alii neque solvit cuiquam, nec potest solvere. nullum enim ærarium, nullum vestigal habet. Appii instituto tributa imperat. ea vix, in fœnus Pompeji quod satis sit, efficiunt. Amici regis duo tresve perdivites sunt: sed ii suum tam diligenter tenent, quam ego, aut tu. equidem non desino tamen per litteras rogare, suadere, accusare regem. Dejotarus etiam mihi narravit, se ad eum legatos misisse de re Bruti: eos sibi responsum retulisse, illum non habere. & mehercule ego ita judico, nihil illo regno spoliatus, nihil rege egentius. itaque aut tutela cogito me abdicare, aut, ut pro Glabrione Scævola, fœnus & impedium recusare. Ego tamen, quas per te Bruto promiseram præfecturas, M. Scaptio, L. Gavio, qui in regno rem Bruti procurabant, detuli. nec enim in provincia mea negotiabantur. tu autem meministi, nos sic agere, ut, quot  
vel.



vellet, præfecturas fumeret, dum ne negotiatori. itaque duas ei præterea dederam. sed ii, quibus petierat, de provincia decesserant. Nunc cognosce de Salaminii: quod video tibi etiam novum accidisse, tamquam mihi. numquam enim ex illo audiui, illam pecuniam esse suam. quin etiam libellum ipsius habeo, in quo est, *Salaminii pecuniam debent M. Scaptio & P. Matinio, familiaribus meis.* eos mihi commendat: adferibit etiam, & quasi calcar admovet, intercessisse se pro iis magnam pecuniam. confeceram, ut solverent, centesimis sexennii ductis cum renovatione singulorum annorum. at Scaptius quaternas postulabat. metui, si impetrasset, ne tu ipse me amare desineres. nam ab edicto meo recessissem, & civitatem, in Catonis & in ipsius Bruti fide locatam, meisque beneficiis ornatam, funditus perdidissem. Atque hoc tempore ipso impingit mihi epistolam Scaptius Bruti, rem illam suo periculo esse: quod nec mihi umquam Brutus dixerat, nec tibi: etiam, ut præfecturam Scaptio deferrem. id vero per te exceperamus, ne negotiatori: quodsi cuiquam, huic tamen non. fuerat enim præfectus Appio; & quidem habuerat turmas equitum, quibus inclusum in curia senatum Salamine obsederat, ut fame senatores quinque morerentur. itaque ego, quo die tetigi provinciam, cum mihi Cyprii legati Ephefum obviam venissent, litteras misi, ut equites ex insula statim decederent. His de causis credo Scaptium iniquius de me aliquid ad Brutum scripsisse. sed tamen hoc sum animo: si Brutus putabit me quaternas centesimas oportuisse decernere, qui in tota provincia singulas observarem, itaque edixissem, idque etiam acerbissimis fœneratoribus probaretur; si præfecturam negotiatori denegatam queretur, quod ego Torquato nostro in tuo Lenio, Pompejo ipsi in Sex. Statio negavi, & iis probavi; si equites deductos moleste feret: accipiam equidem dolorem, mihi illum irasci, sed multo majorem, non esse eum talem, qualem putassem. Illud quidem fatebitur Scaptius, me jus dicente, sibi omnem pecuniam ex edicto meo auferendi potestatem



tem fuisse. Addo etiam illud, quod vereor, tibi ipsi ut probem: consistere usura debuit, quæ erat in edicto meo. deponere volebant: impetravi ab Salaminis, ut silerent. veniam illi quidem mihi dederunt; sed quid iis fiet, si huc Paullus venerit? sed totum hoc Bruto dedi, qui de me ad te humanissimas litteras scripsit: ad me autem, etiam cum rogat aliquid, contumaciter, arroganter, ἀκοιναητως solet scribere, tu autem velim ad eum scribas de his rebus, ut sciam, quo modo hoc accipiat. facies enim me certiolem. atque hoc superioribus litteris ad te diligenter perscripseram: sed plane te intelligere volui, mihi non excidisse illud, quod tu ad me quibusdam litteris scripsisses; si nihil aliud de hac provincia, nisi illius benivolentiam, deportassem, mihi id satis esse. sit sane; quoniam ita tu vis: sed tamen cum eo credo, quod sine peccato meo fiat. Igitur meo decreto soluta res Scaptio statim. Quam decretum sit, tu iudicabis; ne ad Catonem quidem provocabo. sed noli me putare ἐγκλεισματα illa tua abjecisse, quæ mihi in visceribus hærent. fens mihi meam famam commendasti, quæ epistola tua est, in qua mentionem non facias: itaque irascatur, qui volet: patiar. το γὰρ ἐν μὲν ἔμῃ, præsertim cum sex libris, tamquam prædibus, me ipsum obstrinxerim, quos tibi tam valde probari gaudeo; e quibus unum ἱστορικόν requiris de Cn. Flavio Cn. F. ille vero ante decemviros non fuit: quippe qui ædilis curulis fuerit: qui magistratus multis annis post decemviros institutus est. quid ergo profecit, quod protulit fastos? occultatam putant quodam tempore istam tabulam, ut dies agendi peterentur a paucis. nec vero pauci sunt auctores, Cn. Flavium scribam fastos protulisse, actionesque composuisse: ne me hoc, vel potius Africanum, (is enim loquitur,) commentum putes. Οὐκ ἔλαθε σὶ illud de gestu histrionis; tu scelestè suspicaris, ego ἀφελὼς scripsi. De me imperatore scribis te ex Philotimi litteris cognosce. sed credo te, jam in Epiro cum esses, binas meas de omnibus rebus accepisse, unas a Pindenisso capto, alteras a Laodicea, utrasque tuis pueris datas. quibus



de rebus, propter casum navigandi, per binos tabel-  
 larios misi Romam litteras publice. De Tullia mea  
 tibi assentior; scripsique ad eam, & ad Terentiam,  
 mihi placere. tu enim ad me jam ante scripseras, *ac  
 vellem te in tuum veterem gregem retulisses.* correctâ vero  
 epistola Memmiana, nihil negotii fuit, multo enim  
 malo hunc a Pontidia, quam illum a Servilia. quare  
 adjunges Aufium nostrum, hominem semper aman-  
 tem mei; nunc, credo, eo magis, quod habet etiam  
 fratris Appii amorem erga me cum reliqua hereditate  
 crevisse; qui declaravit, quanti me faceret, cum sâpe,  
 tum in Bursa. nâ tu me sollicitudine magna libera-  
 ris. Furnii exceptio mihi non placet. nec enim ego  
 ullum aliud tempus timeo, nisi quod ille solum exci-  
 pit. sed scriberem ad te de hoc plura, si Romæ esses.  
 In Pompejo te spem omnem otii ponere non miror:  
 ita res est; removendumque censeo illud *dissimulan-*  
*tem.* Sed enim, *οικονομία* si perturbatio est, tibi assi-  
 gnato: te enim sequor *σχολιάζοντα*. Cicerones pueri  
 amant inter se, discunt, exercentur: sed alter, uti  
 dixit Isocrates in Ephoro & Theopompo, frenis eget,  
 alter calcaribus. Quinto togam puram Liberalibus  
 cogitabam dare. mandavit enim pater. ea sic obser-  
 vabo, quasi intercalatum non sit. Dionysius mihi  
 quidem in amoribus est. pueri autem ajunt, eum fu-  
 renter irasci. sed homo non doctior, nec sanctior fieri  
 potest, nec tui meique amantior. Thermum, Si-  
 lium vere audis laudari. valde se honeste gerunt. adde  
 M. Nonium, Bibulum; me, si voles. jam Scrofa,  
 vellem, haberet, ubi posset. enim lautum negotium.  
 ceteri infirmant *πολατευμα* Catonis. Hortensio quod  
 causam meam commendas, valde gratum. De Amia-  
 no, spei nihil putat esse Dionysius. Terentii nullum  
 vestigium agnovi. Mæragenes certe periit. feci iter  
 per ejus possessionem, in qua animal reliquum nullum  
 est. hæc non noram tum, cum cum Democrito tuo  
 locutus sum. Rhosiaca vasa mandavi. Sed heus tu,  
 quid cogitas? in felicitatis lancibus & splendidissimis  
 canistris, olusculis nos soles pascere; quid te in vasis  
 fistilibus appositurum putem? *Κερας* Phemio manda-  
 tum



tum est: reperietur; modo aliquid illo dignum canat. Parthicum bellum impendet. Cassius ineptas litteras misit. necdum Bibuli erant allatæ: quibus recitatis, puto fore, ut aliquando commveatur senatus. equidem sum, in magna animi perturbatione. si, ut opto, non prorogatur nostrum negotium; habeo Junium & Quintilem in metu. esto; duo quidem menses sustinebit Bibulus. quid illo fiet, quem reliquero, præsertim si fratrem? quid me autem, si non tam cito decedo? magna turba est. mihi tamen cum Dejotaro convenit, ut ille in meis castris esset cum suis copiis omnibus. habet autem cohortes quadringenarias nostra armatura xxx; equitum cio cio. erit ad sustentandum, quoad Pompejus veniat; qui litteris, quas ad me mittit, significat, suum negotium illud fore. hiemant in nostra provincia Parthi. expectatur ipse Orodes. quid quæris? aliquantum est negotii. De Bibuli edicto, nihil novi, præter illam exceptionem, de qua tu ad me scripseras, *nimis gravi præjudicio in ordinem nostrum.* ego tamen habeo ἰσοδυναμῶσαν, sed testiore, ex Q. Mucii P. F. edicto Asiatico, *extra quam si ita negotium gestum est, ut eo stari non oporteat, ex fide bona:* multaque sum secutus Scævola; in iis illud, in quo sibi libertatem censent Græci datam, ut Græci inter se disceptent suis legibus. Breve autem edictum est propter hanc meam διαίρεσιν, quod duobus generibus edicendum putavi: quorum unum est provinciale, in quo est de rationibus civitatum, de ære alieno, de usura, de syngraphis; in eodem omnia de publicanis: alterum, quod sine edicto satis commode transigi non potest, de hereditatum possessionibus, de bonis possidendis, magistris faciendis, vendendis; quæ ex edicto & postulari & fieri solent. tertium, de reliquo jure dicundo, ἀρχαίῳ reliqui. dixi me de eo genere mea decreta ad edicta urbana accommodaturum: itaque curo, & satisfacio adhuc omnibus. Græci vero exultant, quod peregrinis iudicibus utuntur. nugatoribus quidem, inquires. quid refert? tamen se αὐτονομῶσαν adeptos putant. vestri enim, credo, graves habent, Turpionem futorium, & Vettium mancipem.

de



De publicanis quid agam, videris quærere. habeo in deliciis, obsequor, verbis laudo, orno; efficio, ne cui molesti sint. το παραδοξοτατον, usuras eorum, quas passionibus adscripserant, servavit etiam Servilius. ego sic. diem Statuo satis laxam; quam ante si solverint, dico, me centesimas ducturum: si non solverint, ex passione. itaque & Græci solvunt tolerabili fœnore; & publicanis res est gratissima. sic illa jam habent, pleno modio, verborum honorem, invitationem crebram. quid plura? sunt omnes ita mihi familiares, ut se quisque maxime putet, sed tamen μηδεν' αυτοις. scis reliqua. De statua Africani, (ω περιημετων' αυνηκλωσην! sed me ipsum delectavit in tuis litteris,) ain' tu? Scipio hic Metellus proavum suum nescit censorem non fuisse? atqui nihil habuit aliud inscriptum, nisi Cos. ea statua, quæ ad Opis per te posita in excelsio est. in illa item, quæ est ad Πολυδευκας, hercule inscriptum est, Cos. quam esse ejusdem, status, amictus, anulus, imago ipsa declarat. at mehercule ego cum in turma inauratarum equestrium, quas hic in Capitolio posuit, animadvertissem in Serapionis subscriptione Africani cognomen, erratum fabrilis putavi, nunc video Metelli. O! ανισορροσιαν turpem! Nam illud de Flavio & fallis, si secus est, commune erratum est; & tu belle υπορησας, & nos publicam prope opinionem secuti sumus, ut multa apud Græcos. quis enim non dixit, Ευπολιω, τον της αρχαιας, ab Alcibiade, navigante in Siliciam, dejectum esse in mare? redarguit Eratosthenes. adfert enim, quas ille post id tempus fabulas docuerit. num ideo Duris Samius, homo in historia diligens, quod cum multis erravit, irridetur? Quis Zaleucum leges Locris scripisse non dixit? num igitur jacet Theophrastus, si id a Timæo, tuo familiari, reprehensum est? Sed nescire, proavum suum censorem non fuisse, turpe est; præsertim cum post eum consulem, nemo Cornelius, illo vivo, censor fuerit. Quod de Philotimo, & de solutione H. S. xx dc scribis; Philotimum circiter Kalend. Januar. in Cherfonesum audio venisse: ac mihi ab eo nihil adhuc. reliqua mea Ca-



millus scribit se accepisse; ea quæ sint, nescio, & aveo scire. verum hæc posterius & coram fortasse commodius. Illud me, Attice, in extrema fere parte epistolæ commovit: scribis enim sic, *τε λοιπον*? deinde me obsecras amantissime, ne obliviscar vigilare, & ut animadvertam, quæ fiant. num quid de quo inaudisti? etsi nihil ejusmodi est. *πολλας γε καὶ δεῖ*. nec enim me fefellisset, nec falleret. sed ista admonitio tua tam accurata, nescio quid mihi significare visa est. De M. Octavio, iterum jam tibi rescribo, te illi probe respondisse. paullo vellem fidentius. Nam Cælius libertum ad me misit, & litteras accurate scriptas: sed de pantheris fœde, ac civitatibus. rescripsi, alterum me moleste ferre, si ego in tenebris laterem, nec audiretur Romæ, nullum in mea provincia numum, nisi in æs alienum, erogari; docuique, nec mihi conciliare pecuniam licere, nec illi capere: monuique eum, quem plane diligo, ut, cum alios accusasset, cautius viveret. illud autem alterum, alienum esse existimatione mea, Cibyratas imperio meo publice venari. Lepta tua epistola gaudio exultat. etenim scripta bene est, meque apud eum magna in gratia posuit. Filiola tua gratum mihi fecit, quod tibi diligenter mandavit, ut mihi salutem ad scriberes: gratum etiam Pilia: sed illa officiosius, quod mihi, quem numquam vidit. igitur tu quoque salutem utrique adscribito. Litterarum datarum prid. Kal. Januar. suavem habuit recordationem clarissimi jurisjurandis: quod ego non eram oblitus. magnus enim prætextatus illo die fui. Habes ad omnia, non, ut postulasti, *χρυστα καλλικριων*, sed paria paribus respondimus. Ecce autem alia pusilla epistola; quam non relinquam *ἁπλοῦς τιφωνητον*. Bene mehercule potuit Luccejus Tusculanum; nisi forte: solet enim cum suo tibicine: & velim scire, quis sit status ejus. Lentulum quidem nostrum, præ ære, Tusculanum proscripisse audio. cupio hos expeditos videre: cupio etiam Sextium; adde, si vis, Cælium; quibus omnibus est, *ἁπλοῦς τιφωνητον, δεῖσαν δ' ὑποδεχθαι*. De Memmio restituendo ut Curio cogitet, te audisse puto. De Egnatii Sidi-



cini nomine, nec nulla, nec magna spē sumus. Pinarium, quem mihi commendas, diligentissime Deiotarus curat, graviter ægrum. Respondi etiam minori. Tu, velim, dum ero Laodiceæ, id est, ad Idus Maj. quam sæpissime mecum per litteras colloquare: & cum Athenas veneris, (jam enim sciemus de rebus urbanis, de provinciis, quæ omnia in mentem Martium sunt collata,) utique ad me tabellarios mittas. Sed heus tu, jamne vos a Cæsare, per Herodem, talenta Attica extorsistis? in quo, ut audio, magnum odium Pompeji suscepistis. putat enim, suos numos vos comedisse; Cæsarem in Nemorensi ædificando diligentiorē fore. hoc ego ex P. Vedio, magno nebulone, sed Pompeji tamen familiari, audi. Hic Vedius venit mihi obviam cum duobus essedis, & rheda equis juncta, & lectica, & familia magna: pro qua, si Curio legem pertulerit, H-S centena pendat necesse est. erat præterea cynocephalus in essedo: nec deerant onagri. numquam vidi hominem nequiorē. sed extremum audi. Diversatus est Laodiceæ apud Pompejum Vindullum: ibi sua deposuit, cum ad me profectus est. moritur interim Vindullus: quæ res ad Magnum Pompejum pertinere putabatur. C. Vennonius domum Vindulli venit: cum omnia obsignaret, in Vedianas res incidit. in his inventæ sunt quinque plangunculæ matronarum, in quibus una fororis amici tui, hominis Bruti, qui hoc utatur; & illius Lepidi, qui hæc tam negligenter ferat. hæc te volui *παρισρησαι*. sumus enim ambo belle curiosi. Unum etiam velim cogites. audio Appium *προπυλαιον* Eleusine facere. num inepti fuerimus, si nos quoque Academia fecerimus? puto, inquires. ergo id ipsum scribes ad me. equidem valde ipsas Athenas amo. volo esse aliquod monumentum. odi falsas inscriptiones statuarum alienarum. sed ut tibi placebit: faciesque me, in quem diem Romana incidunt mysteria, certiorē, & quo modo hiemaris. Cura ut valeas. Post Leuætricam pugnam die septingentesimo sexagesimo quinto.



Cum Philogenes, libertus tuus, Laodiceam ad me, salutandi causa, venisset, & se statim ad te navigaturum esse diceret; has ei litteras dedi: quibus ad eas rescripsi, quas acceperam a Bruti tabellario. Et respondebo primum postremæ tuæ paginæ; quæ mihi magnæ molestiæ fuit; quod ad te scriptum est a Cincio de Statii sermone: in quo hoc molestissimum est, Statium dicere, a me quoque id consilium probari. probari autem? de isto hætenus. dixerim me vel plurima vincla tecum summæ conjunctionis optare: etsi sunt amoris arcissima: tantum abest, ut ego ex eo, quo astricti sumus, laxari aliquid velim. illum autem multa de istis rebus asperius solere loqui, sæpe sum expertus, sæpe etiam lenivi iratum. id scire te arbitror. in hac autem peregrinatione, militiæ nostræ sæpe incensum ira vidi, sæpe placatum. quid ad Statium scripserit, nescio. quidquid acturus de tali re fuit, scribendum tamen ad libertum non fuit. mihi autem erit maximæ curæ, ne quid fiat secus, quam volumus, quamque oportet. nec satis est in ejusmodi re, se quemque præstare: maximæ partes istius officii sunt pueri Ciceronis, sive jam adolescentis: quod quidem illum soleo hortari. ac mihi videtur matrem valde, ut debet, amare, teque mirifice. sed est magnum illud quidem, verumtamen multiplex pueri ingenium: quo ego regendo habeo negotii satis. Quoniam respondi postremæ tuæ paginæ prima mea; nunc ad primam revertar tuam. Peloponnesias civitates omnes maritimas esse, hominis non nequam, sed etiam tuo iudicio probati, Dicæarchi tabulis credidi. is multis nominibus in Trophoniana Chæronis narratione Græcos in eo reprehendit, quod mare tam secuti sunt: nec ullum in Peloponneso locum excipit. cum mihi auctor placeret, (etenim erat ἱσαριώτατος, & vixerat in Peloponneso,) admirabar tamen; &, vix accedens, communicavi cum Dionysio. atque is primo est commotus: deinde, quod tum de isto Dicæarcho non minus bene existimabat, quam tu de C. Vestorio,



rio, ego de M. Cluvio, non dubitabat, quin ei crederemus. Arcadiæ censebat esse Lepreon quoddam maritimum; Tenea autem, & Aliphera, & Tritia *μικτιστα* ei videbantur; idque *τα των νων καταλογω* confirmabat, ubi mentio non fit istorum. atque istum ego locum totidem verbis a Dicæarcho transtuli. Phliasios autem dici sciebam: & ita, fac, ut habeas: nos quidem sic habemus. sed primo me *αναλογια* deceperat, *Φλεις, Όπες, Σιπές*. quod *Όπεντιαι, Σιπεντιαι*, sed hoc continuo correximus. Lætari te nostra moderatione & continentia video. tum id magis faceres, si adesses, atque hoc foro, quod egi ex Idibus Febr. Laodiceæ ad Kalend. Maj. omnium diæcesium, præter Ciliciæ. mirabilia quædam effecimus: ita multæ civitates omni ære alieno liberatæ, multæ valde levatæ sunt: omnes, suis legibus & judiciis usæ, *αυτονομιαν* adeptæ, revixerunt. His ego duobus generibus facultatem ad se ære alieno liberandas aut levandas dedi; uno, quod omnino nullus in imperio meo sumtus factus est, (nullum cum dico, non loquor *υπερβολικως*,) nullus, inquam, ne teruncius quidem. hac autem re, incredibile est, quantum civitates emergerint. Accessit altera. Mira erant in civitatibus ipsorum furta Græcorum, quæ magistratus sui fecerant. quæsi vi ipse de iis, qui annis decem proximis magistratum gesserant. aperte fatebantur. itaque, sine ulla ignominia, suis humeris pecunias populis retulerunt. populi autem, nullo gemitu, publicanis, quibus hoc ipso lustro nihil solverant, etiam superioris lustri reddiderunt. itaque publicanis in oculis sumus. gratis, inquis, viris. sensimus. Jam cetera jurisdictio nec imperita, & clemens cum admirabili facilitate. aditus autem ad me minime provinciales. nihil per cubicularium. ante lucem inambulabam domi, ut olim candidatus. grata hæc & magna, mihiq; nondum laboriosa ex illa vetere militia. Nonis Maj. in Ciliciam cogitabam: ibi cum Junium mensem consumsissem, atque utinam in pace! (magnum enim bellum impendet a Parthis) Quintilem in reditu ponere. annuæ enim mihi operæ a. d. iii. Kalend. Sext. emerentur.



tur. magna autem in spe sum, mihi nihil temporis prorogatum iri. Habebam aëta urbana usque ad Nonas Martias; e quibus intelligebam, Curionis nostri constantia omnia potius actum iri, quam de provinciis. ergo, ut spero, propediem te videbo. Venio ad Brutum tuum, immo nostrum: sic enim mavis. Equidem omnia feci, quæ potui aut in mea provincia perficere, aut in regno experiri. omni igitur modo egi cum rege, & ago quotidie, per litteras scilicet, ipsum enim triduum quatrimumve mecum habui turbulentis in rebus, quibus eum liberavi. sed & tum præsens, & postea creberrimis non destiti rogare & petere mea causâ; suadere hortari sua. multum profeci, sed quantum, non plane, quia longe absum, scio. Salaminios autem (hos enim poteram coercere) adduxi, ut totum nomen Scaptio vellent solvere; sed centesimis ductis à proxima quidem syngrapha, nec perpetuis, sed renovatis quotannis. numerabantur numi: noluit Scaptius. tu n' qui ais, Brutum cupere aliquid perdere? quaternas habebat in syngrapha. fieri non poterat: nec, si posset, ego pati possem. audio omnino Scaptium pænitere. nam quod senatus consultum esse dicebat, ut jus ex syngrapha diceretur; eo consilio factum est, quod pecuniam Salaminii contra legem Gabiniam sumserant. vetabat autem Aull lex, jus dici de ita sumpta pecunia. decrevit igitur senatus, ut jus diceretur ista syngrapha. nunc ista habet juris idem, quod ceteræ, nihil præcipui. Hæc a me ordine facta, puto me Bruto probaturum; tibi, nescio; Catoni certe probabo. sed jam ad te ipsum revertor. Ain' tandem Attice, laudator integritatis & elegantia: ausus es hoc ex ore tuo? inquit Ennius: ut equites Scaptio & pecuniam cogendam darem, me rogare? an tu, si mecum esses, qui scribis morderi te interdum, quod non simul sis, paterere me id facere, si vellem? non amplius, inquis, quinquaginta. Cum Spartaco minus multi primo fuerunt. quid tandem isti mali in tam tenera insula non fecissent? non fecissent autem? immo quid ante adventum meum non fecerunt? inclusum in curia senatum habuerunt Salaminium



minium ita multos dies, ut interierint nonnulli fame. erat enim præfectus Appii Scaptius, & habebat turmas ab Appio. id me igitur tu, cujus mehercule os mihi ante oculos solet versari, dum de aliquo officio ac laude cogito, tu me, inquam, rogas, præfectus ut Scaptius sit? alias hoc statueramus, ut negotiatorum neminem: idque Bruto probaveramus. habeat is turmas? cur potius, quam cohortes? sumtu jam nepos evadit Scaptius. Volunt, inquis, principes. scio. nam ad me Ephesum usque venerunt, flentesque equitum scelera, & misérias suas detulerunt. itaque statim dedi litteras, ut Cypro equites ante certam diem decederent: ob eamque causam, tum ob ceteras, Salaminii nos in cælum decretis suis sustulerunt. sed jam quid opus equitatu? solvunt enim Salaminii. nisi forte id volumus armis efficere, ut sænus quaternis centesimus ducant. & ego audebo legere umquam, aut attingere eos libros, quos tu dilaudas, si tale quid fecero? nimis, nimis, inquam, in isto Brutum amasti, dulcissime Attice: nos, vereor, ne parum. atque que hæc, scripsi ego ad Brutum, scripsisse te ad me. cognosce nunc cetera. Pro Appio nos hic omnia faciemus; honeste tamen, sed plane libenter: nec enim ipsum odimus: & Brutum amamus: & Pompejus mirifice a me contendit; quem mehercule plus plusque in dies diligo. C. Cælium quæstorem huc venire audisti. nescio, quid sit: sed. Pammenia illa mihi non placent. Ego me spero Athenis fore mense Septembri. tuorum itinerum tempora scire sane velim. <sup>ΕΥΘΕΛΟΥ</sup> Sempronii Ruffi cognovi ex epistola tua Corcyra. quid quæris? invideo potentia Vestorii. Cupiebam etiam nunc plura garrere; sed lucet: urget turba: festinat Philogenes. Valebis igitur, & valere Piliam & Cæciliam nostram jubebis litteris: salvebis a meo Cicerone.

## CICERO ATTICO S.

3

**E**t si nil sane habebam novi, quod post accidisset, quam dedissem ad te Philogeni, liberto tuo, litteras: tamen cum Philotimum Romam remitterem; scriben-



scribendum aliquid ad te fuit. Ac primum illud, quod me maxime angebat, (non quo me aliquid iuvare posses: quippe res enim est in manibus: tu autem abes longe gentium:

Πολλὰ δ' ἐν μεταχειρίῳ

Νοτὸς κυλινθεὶ κυκατ' εὐρείης ἅλος) obrepfit dies, ut vides, (mihī enim a. d. iii. Kal. Sext. de provincia decedendum est,) nec succeditur. quem relinquam, qui provinciæ præsit? Ratio quidem & opinio hominum postulat fratrem: primum, quod videtur esse honos: nemo igitur potior: deinde, quod solum habeo prætorium. Pomtinus enim ex pacto & conventu (nam ea lege exierat) jam a me discesserat. Quæstorem nemo dignum putat. etenim est levis, libitinosus, sagax. De fratre autem primum illud est: persuaderi ei non posse arbitror. odit enim provinciam, & hercule nihil odiosius, nihil molestius. deinde, ut mihi nolit negare; quidnam mei sit officii? cum bellum esse in Syria magnum putetur, ut videatur in hanc provinciam erupturum; hic præsidii nihil sit; sumtus annuus decretus sit; videaturne aut pietatis esse meæ, fratrem relinquere; aut diligentia, nugarum aliquid relinquere? magna igitur, ut vides, sollicitudine afficior, magna inopia consilii. quid quaeris? toto negotio nobis opus non fuit. quanto tua provincia melior? decedes, cum voles; nisi forte jam decessisti: quem videtur, præficies Thesprotiæ & Chaoniæ. nec tamen ego Quintum conveneram, ut jam, si id placeret, scirem, possetne ab eo impetrari: nec tamen, si posset, quod vellem, habebam. Hoc est igitur ejusmodi. reliqua plena adhuc & laudis & gratiæ, digna iis libris, quos tu laudas. conservatæ civitates; cumulate publicanis satisfactum: offensus contumelia nemo; decreto justo & severo perpauci; nec tamen quisquam, ut queri audeat. res gestæ dignæ triumpho: de quo ipso nihil cupide agemus; sine tuo quidem consilio certe nihil. Clausula est difficilis in tradenda provincia. sed hæc Deus aliquis gubernabit. De urbanis rebus scilicet plura tu scis; sapius & certiora



tiora audis. equidem doleo, non me tuis litteris certior fieri. huc enim odiosa afferebantur de Curione, de Paulo: non quo ullum periculum videam stante Pompejo, vel etiam sedente; valeat modo: sed mehercule Curionis & Pauli, meorum familiarium, vicem doleo. formam igitur mihi totius rei publicæ, si jam es Romæ, aut cum eris, velim mitas, quæ mihi obviam veniat, ex qua me fingere possim, & præmeditari, quo animo accedam ad urbem. est enim quiddam, advenientem non esse peregrinum atque hospitem. Et, quod pane præterii, Bruti tui causa, ut sæpe ad te scripsi, feci omnia. Cyprii numerabant. sed Scaptius centesimis, renovato in singulos annos sænore, contentus non fuit. Ariobarzanes non in Pompejum prolixior per ipsum, quam per me in Brutum: quem tamen ego præstare non poteram. erat enim rex perpauper; aberamque ab eo ita longe, ut nihil possem, nisi litteris; quibus pugnare non dedisti. summa hæc est. pro ratione pecuniæ liberalius est Brutus tractatus, quam Pompejus. Bruto curata hoc anno talenta circiter c. Pompejo in sex mensibus promissa cc. jam in Appii negotio quantum tribuerim Bruto, dici vix potest. quid est igitur, quod laborem? Amicos habet meras nugas, Matinimum, Scaptium; qui, quia non habuit a me turmas equitum, quibus Cyprum vexaret, ut ante me fecerat, fortasse succenset; aut quia præfectus non est, quod ego nemini tribui negotiatori; non C. Vennonio, meo familiari; non tuo M. Lenio; & quod tibi Romæ ostenderam me servaturum, in eo perseveravi. sed quid poterit queri is, qui, auferre pecuniam cum posset, noluit? Scaptio, qui in Capadocia fuit, puto esse satisfactum. is a me tribunatum cum accepisset, quem ego ex Bruti litteris ei detulissem, postea scripsit ad me, se uti nolle eo tribunatu. Gavius est quidam; cui cum præfecturam detulissem Bruti rogatu, multa & dixit & fecit cum quadam mea contumelia P. Clodii canis. is me nec proficiscentem Apameam prosecutus est; nec cum postea in castra venisset, atque inde discederet, numquid



quid vellem, rogavit; & fuit aperte mihi, nescio quare; non amicus. hunc ego si in præfectis habuiffem, quem tu me hominem putares? qui, ut fcis, potentiffimorum hominum contumaciam numquam tulerim, ferrem hujus adfectæ? esi hoc plus est, quam ferre, tribuere etiã beneficii aliquid & honoris. is igitur Gavius, cum Apameæ me nuper vidiffet Romam proficiscens, me ita appellavit: (Culleolum vix auderem;) unde, inquit, me jubes petere cibaria præfecti? respondi lenius, quam putabant oportuiffe, qui aderant; me non instituiffe iis dare cibaria, quorum opera non effem usus. abiit iratus. hujus nebulonis obiratione si Brutus moveri potest, licebit eum solus ames; me æmulum non habebis. sed illum eum futurum esse puto, qui esse debet. tibi tamen causam notam esse volui: & ad ipsum hæc perscripsi diligentiffime. omnino (soli enim sumus) nullas umquam ad me litteras misit Brutus, ne proxime quidem de Appio, in quibus non inesset arrogans, ἀκοναυγντον aliquid. tibi autem valde solet in ore esse,

*Granius autem*

*Non contemnere se, & reges odiffe superbos:*

in quo tamen ille mihi risum magis, quam stomachum, movere solet: sed plane parum cogitat, quid scribat, aut ad quem. Q. Cicero puer legit, ut opinor, & certe, epistolam inscriptam patri suo. solet enim aperire, idque de meo consilio; si quid forte sit, quod opus sit sciri. in ea autem epistola erat illud idem de sorore, quod ad me. mirifice conturbatum vidi puerum. lacrymans mecum est questus. quid quæris? miram in eo pietatem, suavitatem, humanitatemque perspexi: quo majorem spem habeo, nihil fore aliter, ac deceat. id te igitur scire volui. Ne illud quidem prætermittam: Hortensius, filius, fuit Laodiceæ, gladiatoribus, flagitiose & turpiter. hunc ego patris causa vocavi ad cenam, quo die venit; & ejusdem patris causa nihil amplius. is mihi dixit, se Athenis me expectaturum, ut mecum decederet recte, inquam: quid enim dicerem? omnino puto  
nihil



nihil esse, quod dixit, nolo quidem; ne offendam patrem, quem mehercule multum diligo. sin fuerit meus comes, moderabor ita, ne quid eum offendam, quem minime volo. Hæc sunt; etiam illud. Orationem Q. Celeris mihi velim mittas contra M. Servilium. litteras mitte quamprimum: si nihil; nihil fieri, vel per tuum tabellarium. Piliæ & filiæ salutem. Cura, ut valeas.

## CICERO ATTICO S.

4

Tarsum venimus Nonis Juniis. ibi me multa moverunt: magnum in Syria bellum; magna in Cilicia latrocinia; mihi difficilis ratio administrandi, quod paucos dies habebam reliquos annui muneris: illud autem difficillimum; relinquendus erat ex senatus consulto qui præisset. nihil minus probari poterat, quam quæstor Mescinius. nam de Cælio nihil audiebamus. rectissimum videbatur, fratrem cum imperio relinquere: in quo multa molesta, discessus noster, belli periculum, militum improbitas, sexcenta præterea. o rem totam odiosam! sed hæc fortuna viderit: quoniam consilio non multum uti licet. Tu, quando Romam salvus, ut spero, venisti, videbis, ut soles, omnia, quæ intelliges nostra interesse, in primis de Tullia mea: cujus de conditione quid mihi placeret, scripsi ad Terentiam, cum tu in Græcia esses: deinde de honore nostro. quod enim tu abfuisti, vereor ut satis diligenter actum in senatu sit de litteris meis. Illud præterea *μυσικώτερον* ad te scribam: tu sagacius odorabere: *της δαμαρτος μὲς ο' ἄπειλευδερὸς* (οἷο δ' αὖ ὅν λέγω) ἔδοξε μοι πρῶτον, ἔξ' αὖ ἀλογημένου παρ' ἐφ' ὧς γέτο, πεφυρακέναι τὰς ψυχὰς ἐκ τῆς ἀνῆς τῶν ὑπαρχόντων τε Κροτῶνιαι τε τυραννοκτοῦν. δέδοικα δὲ, μή τι νουήσης. εἰς δὲ πῶς τὸ τοιοῦτον περὶ σκεψάμενος, τὰ λοιπὰ ἐξασφαλίσαι, non quo tantum, quantum vereor, scribere. Tu autem fac, ut mihi tuæ litteræ volent obviæ. Hæc festinans scripsi in itinere atque agmine. Piliæ & puellæ Cæcilæ bellissimæ salutem dices.



5

CICERO ATTICO S.

**N**unc quidem profecto Romæ es: quo te, si ita est, saluum venisse gaudeo: unde quidem quamdiu abfuisti, magis a me abesse videbare, quam si domi esses. minus enim mihi meæ notæ res erant, minus etiam publicæ. quare velim, etsi, ut spero, te hæc legente aliquantum viæ processero, tamen obvias mihi litteras quam argutissimas de omnibus rebus crebro mittas, in primis de quo scripsi ad te antea: της ξυναρξ της 'εμης 'εξελευθερος, 'εδοξε μοι θαυμα βασιλειζων, και 'αλθων τοις ξυλλογοις, και ταις λεισχαις 'υπο της επιφρακτικαις ψηφας 'εν τοις 'υπαρχουσι τοις τε Κροτανιατε. hoc tu indaga, ut soles; ast hoc magis. 'εξ 'ασιως 'επτα- λοφς τειχων παριδωκεν μιν κδ. μη 'οφειληματαυ Καμιλλα. 'εαν- τον τε 'οφειλοντα μιας κδ. 'εκ των Κροτανιατικων και 'εκ των Χερ- 'ροησιατικων μη' και μιας κληρονομησας χμ. χμ. τεταν δε μηδε 'οβολον διαλυσασθαι, πανταν 'οφειληθενταν τε δευτερε μιαςος τη νεμηνια. τον δε 'απελευθερον 'αυτε, 'οντα 'ομανυμνον τα Κωνανος πατρι, μηδεν 'ολεσχερας επιφροντικειναι ταυτα 'ουν πρω- τον μιν, 'ινα παντα σωζηται' δευτερον δε, 'ινα μηδε των τοκων 'ολι- γωρησης των 'απο της προεκειμενης 'ημερας. 'οσας 'αυτον 'ημερη- κειμεν σφωδρα δεδοικα, και γαρ παρην προς 'ημας κατακαψο- μενος, και τι σχεδον 'ελπισας 'απογνης δε, 'αλογως 'απειτη, 'επειπαν, 'εικα' 'αισχρον τοι δρον τε μινειν' meque objur- gavit vetere proverbio, τα μιν δεδομενα. Reliqua vide, & quantum fieri potest, perspiciamus. Etsi annum tempus prope jam emeritum habebamus: dies enim xxxiii. erant reliqui: sollicitudine provinciæ tamen vel maxime urgebamur. cum enim arderet Syria bello; & Bibulus, in tanto mærore suo, maximam cu- ram belli sustineret; ad meque legati ejus, & quæstor, & amici litteras mitterent, ut subsidio venirem: etsi exercitum infirmum habebam; auxilia sane bona, sed ea Galatarum, Pisidarum, Lyciorum; hæc enim sunt nostra robora: tamen esse officium meum putavi, exercitum habere quamproxime hostem, quoad mihi præesse provinciæ per senatus consultum liceret. sed, quo ego maxime delectabar, Bibulus molestus mihi non erat; de omnibus rebus scribebat ad me potius: & mihi decessionis dies ληθητος obreptat: qui cum adve-



advenerit, ἄλλο πρόβλημα, quem præficiam; nisi Cal-  
 dus quæstor venerit; de quo adhuc nihil certi habe-  
 bamus. Cupiebam mehercule longiorem epistolam fa-  
 cere: sed nec erat res, de qua scriberem; nec jocari  
 præ cura poteram. Valebis igitur, & puellæ salutem  
 Atticulæ dices, nostræque Piliæ.

## CICERO ATTICO S.

6

Ego, dum in provincia omnibus rebus Appium orno,  
 subito sum factus accusatoris ejus focer. id qui-  
 dem, inquis, dii approbent. ita velim: teque ita cu-  
 pere certo scio. sed crede mihi, nihil minus putaram  
 ego; qui de Ti. Nerone, qui mecum egerat, certos  
 homines ad mulieres miseram; qui Romam vene-  
 runt, factis sponsalibus. sed hoc spero melius. mulie-  
 res quidem valde intelligo delectari obsequio & comi-  
 tate adolescentis. cetera noli ἑξακανθίζειν. Sed heus tu,  
 πύρρος εἰς δῆμον Athenis? placet hoc tibi? etsi non im-  
 pediebant mei certe libri (non enim ista largitio fuit  
 in cives, sed in hospites liberalitas) me tamen de  
 Academiæ προπύλῳ jubes cogitare; cum jam Appius  
 de Eleusine non cogitet. De hortensio te certo scio  
 dolere. equidem excrucior. decreram enim cum eo  
 valde familiariter vivere. Nos provinciæ præfecimus  
 Cælium: puerum, inquires, & fortasse fatuum, &  
 non gravem, & non continentem. assentior: fieri  
 non potuit aliter. Nam quas multo ante tuas acce-  
 peram litteras, in quibus ἔπεχεῖν te scripseras, quid  
 esset mihi faciendum de relinquendo; eæ me punge-  
 bant. Videbam enim, quæ tibi essent ἐποχῆς causæ;  
 & erant eadem mihi: puero tradere me? fratri au-  
 tem? illud non utile nobis. Nam præter fratrem nemo  
 erat, quem sine contumeliâ quæstori, nobili præsertim,  
 anteferebam. tamen, dum impendere Parthi videban-  
 tur, statueram fratrem relinquere, aut etiam reipu-  
 blicæ causâ contra senatus consultum ipse remanere:  
 qui posteaquam, incredibili felicitate, discesserunt;  
 sublata dubitatio est. videbam sermones: hui! fra-  
 trem reliquit? num est hoc, non plus annum obti-  
 nere provinciam? quid, quod senatus eos voluit præ-



esse provinciis, qui non præfuissent? at hic triennium: ergo hæc ad populum. Quid, quæ tecum? numquam essem sine cura, si quid iracundius, aut contumeliosius, aut negligentius; quæ fert vita hominum: quid, si quid filius puer, & puer bene sibi fidens? qui esset dolor? quem pater non dimittebat; teque id censere, molestè ferebat. At nunc Cælius; non dico equidem, quid egerit; sed tamen multo minus laboro. Adde illud: Pompejus, eo robore vir, iis radicibus, Q. Cassium sine sorte delegit, Cæsar Antonium: ego sorte datum offenderem? ut etiam inquireret in eum, quem reliquissem? Hoc melius: & hujus rei plura exempla: senectuti quidem nostræ profecto aptius. At te apud eum, dii boni! quanta in gratia posui; eique legi litteras non tuas, sed librarii tui. Amicorum litteræ me ad triumphum vocant, rem a nobis, ut ego arbitror, propter hanc *καλιγγενεσιαν* nostram, non negligendam. quare tu quoque, mi Attice, incipe id cupere; quo nos minus inepti videamur.

## 7

## CICERO ATTICO S.

Quintus filius, pie sane, me quidem certe multum hortante, sed currentem, animum patris sui forori tuæ reconciliavit. eum valde etiam tuæ litteræ excitarunt. quid quæris? confido rem, ut volumus, esse. Bis ad te antea scripsi de re mea familiari, si modo tibi reddita litteræ sunt, Græce, *ἔν' ἀμυγροῖς*, scilicet, nihil est movendum. sed tamen, *ἁφελῶς* percurstanto de nominibus Milonis, &, ut expediat, ut mihi recepit, hortando, aliquid ita tu proficies. Ego Laodiceæ quæstorem Meseinium expectare jussi, ut consecratis rationes lege Julia apud tuas civitates possim relinquere. Rhodum volo puerorum causa: inde quamprimum Athenas: etsi etesiæ valde reslant: sed plane volo his magistratibus, quorum voluntatem in supplicatione sum expertus. Tu tamen mitte mihi, quæso, obviam litteras, numquid putes reipublicæ nomine tardandum esse nobis. Tiro ad te dedisset litteras, nisi eum graviter ægrum reliquissem. sed nuntiant,



tiant, melius esse. ego tamen angor. nihil enim illo adolescente castius, nihil diligentius.

## CICERO ATTICO S.

3

Cum instituissem ad te scribere, calamumque sum-  
sissem, Battonius e navi recta ad me venit do-  
mum Ephesi, & epistolam tuam reddidit ii. Kal. Octo-  
bres. Lætatus sum felicitate navigationis tuæ, op-  
portunitate Piliæ, etiam mehercule sermone ejusdem  
de conjugio Tulliæ meæ. Battonius autem miros ter-  
rores ad me attulit Cæsarianos: cum Lepta etiam  
plura locutus est: spero, falsa, sed certe horribilia:  
exercitum nullo modo dimissurum: cum illo prætores  
designatos, Cassium tribunum plebis, Lentulum con-  
sulem facere: Pompejo in animo esse, urbem relin-  
quere. Sed heus tu, numquid moleste fers de illo,  
qui se solet anteferre patruo sororis tuæ filii? at a qui-  
quibus victus? sed ad rem. Nos etesiæ vehementis-  
sime tardarunt. detraxit xx. ipsos dies etiam aphraëtus  
Rhodiorum. Kal. Octob. Epheeso conscendentes hanc  
epistolam dedimus L. Tarquitio, simul e portu egre-  
dienti, sed expeditius naviganti. nos Rhodiorum  
aphraëtis, ceterisque longis navibus tranquillitates au-  
cupaturi eramus, ita tamen properabamus, ut non pos-  
set magis. De raudusculo Puteolano, gratum. Nunc  
velim dispicias res Romanas: videas, quid nobis de  
triumpho cogitandum putes; ad quem amici me vo-  
cant. ego, nisi Bibulus, qui, dum unus hostis in Sy-  
ria fuit, pedem porta non plus extulit, quam domo  
sua, adniteretur de triumpho, æquo animo essem.  
nunc vero *αὐτοχθὲν οὐραν*, sed explora rem totam: ut,  
quo die congressi erimus, consilium capere possimus.  
At multa; qui & properarem, & ei litteras darem,  
qui aut mecum, aut paullo ante venturus esset. Ci-  
cero tibi plurimam salutem dicit. tu dices utriusque  
nostrum verbis & Piliæ tuæ, & filiæ.



**I**n Piræa cum exissem prid. Idus Octob. accepi ab Acasto, servo meo, statim tuas litteras: quas quidem cum exspectassem jam diu, admiratus sum, ut vidi obsignatam epistolam, brevitatem ejus, ut aperui, rursus συγχωσιν litterularum, quæ solent tuæ compositissimæ & clarissimæ esse: ac, ne multa, cognovi ex eo, quod ita scriperas, te Romam venisse a. d. xii. Kalend. Octob. cum febris percussus vehementer, nec magis, quam debui, statim quæro ex Acasto. ille & tibi & sibi visum, & ita se domi ex tuis audisse, ut nihil esset incommode. id videbatur approbare, quod erat in extremo, febriculam tum te habentem scripsisse. sed amavi tamen; admiratusque sum, quod nihilo minus ad me tua manu scripsisses. quare de hoc satis. spero enim, quæ tua prudentia & temperantia est, & hercule, ut me jubet Acastus, confido te jam, ut volumus, valere. A Turannio te accepisse meas litteras gaudeo. παραφύλαξον, si me amas, τὴν τὴ φρεσὶ φιλοτιμίαν αὐτοτάτην. hanc, quæ mehercule mihi magno dolori est: dilexi enim hominem. procura, quantulacumque est, Præcianam hereditatem, prorsus ille ne attingat. dices, numos mihi opus esse ad apparatus triumphi: in quo, ut præcipis, nec me κενον in expetendo cognosces, nec αὐτὸν in abjiciendo. Intellexi ex tuis litteris, te ex Turannio audisse, a me provinciam fratri traditam. adeon' ego non perspexeram prudentiam litterarum tuarum? ἐπεχέειν te scribebas. quid erat dubitatione dignum, si esset quidquam, cur placeret fratrem, & talem fratrem, relinqui? ἀβυσσὶς ista mihi tua, non ἐποχὴ, videbatur. monebas de Q. Cicerone puero, ut eum quidem nequitiam relinquerem. τέμνον' οὐκ εἶρον ἔμοι. eadem omnia, quasi collocuti essemus, vidimus. non fuit faciendum aliter, meque ἐπιχρονία ἐποχὴ tua dubitatione liberavit. sed puto te accepisse de hac re epistolam, scriptam accuratius. Ego tabellarios postero die ad vos eram missurus, quos puto ante venturos, quam nostrum Saufeium. sed eum sine meis literis ad te venire, vix rectum



rectum erat. Tu mihi, ut polliceris, de Tulliola mea, id est, de Dolabella, perscribas; de republica, quam praevideo in summis periculis; de censoribus, maximeque de signis, tabulis, quid fiat, referaturne. Idibus Octob. has dedi litteras: quo die, ut scribis, Caesar Placentiam legiones quatuor. quæso, quid nobis futurum est? In arce Athenis statio mea nunc placet.

M. TULLII CICERONIS  
EPISTOLARUM

AD  
ATTICUM  
LIBER VII.

ARGUMENTUM.

*Continentes sunt libri hujus epistolæ cum superioribus, ut hæc ipsa prima illa esse videatur, quam proxima superiore, postero die se daturum, promiserat. Scriptæ porro sunt partim ex itinere, dum ex provincia rediit: partim ex fuga, quam, audio Caesaris adventu, cum consulibus totoque senatu executus est. Nam cum ad urbem prid. Non. Januarii accessit, ibidemque spe triumphi, quem sibi frequens senatus, ut ipsemet scribit ad Tironem, efflagitabat, moratur: XIII. Kal. Febr. nuntio illo, ut diximus, acceperat, coactus est exire, atque eam cogitationem omittere. Etenim, cum in sententiam Scipionis S. C. factum esset, ut ante certam diem Caesar exercitum dimitteret: si non faceret, eum adversus Remp. facturum videri: eique S. C. M. Antonius, Q. Cassius Tribunus pleb. intercessissent: de intercessione relatum, acerbissimeque decretum fuisset: illi, urbe*



cedentes, ad Casarem se, qui tum erat Ravennæ, contulissent: Caesar, iis maxime auctoribus, ejaecto Rubicone, Arminum, quod erat extra provinciam illius, cum venisset, tantus pavor repente urbem invaserat, ut passim fuga turpissima facta sit. Continent autem Epistolæ priores, a prima usque ad decimam, quæ incipit, Subito consilium cepi, hæitationem, sollicitudinem, quæ Ciceronis animi, quoniam modo cum Casare Pompejoque se gereret, cum utriusque esset amicus, & illum uterque suis annumeraret: posteriores usque ad finem libri, cum multa alia, tum querelam de Pompejo: tum sine ratione gesta esse omnia ab illo atque geri; accusationem impudentiæ Caesaris: legationem L. Caesaris ad Pompejum, & Consules, C. Caesaris nomine: & quæ illi ad hæc responderint. Reliqua privata sunt. Scriptæ porro sunt illæ L. Paullo, C. Marcello Coss. Illud etiam sciendum, abfuisse Ciceronem annum & menses ciciter octo. Profectus est enim in provinciam, ineunte Maio, Ser. Sulpicio & M. Marcello Coss. in eaque & in itinere L. Paulli & C. Marcelli consulari consumto, ad urbem fuit, prid. Non. Jan. consularum L. Lentulo & C. Marcello ineuntibus.

I

## CICERO ATTICO S.

**D**ederam equidem L. Saufejo litteras, & dederam ad te unum, quod, cum non esset temporis mihi ad scribendum satis, tamen hominem tibi tam familiarem sine meis litteris ad te venire volebam. sed, ut philosophi ambulant, has tibi redditum iri putabam prius. sin jam illas accepisti, scis, me Athenas venisse prid. Idus Octobres; e navi egressum in Piræum tuas ab Acasto nostro litteras accepisse; conturbatum, quod cum febre Romam venisses; bono tamen animo esse cœpisse, quod Acastus ea, quæ vellem, de allévato corpore tuo nuntiaret; cohorruiisse autem me, quod tuæ litteræ de legionibus Caesaris afferrent; & egisse tecum, ut videres, ne quid *φιλοτιμία* ejus, quem nosci, nobis noceret; de quo jam pridem ad te scripseram. Turanius au-

tem



tem fecus tibi Brundisii dixerat; quod ex iis litteris cognovi, quas a Xenone, optimo viro, accepi. Cur fratrem provinciæ non præfecissem, exposui breviter. hæc fere sunt in illa epistola. Nunc audi reliqua. Per fortunas! omnem tuum amorem, quo me es amplexus, omnemque tuam prudentiam, quam mehercule in omni genere iudicio singularem, confer te jam ad eam curam, ut de omni statu meo cogites. videre enim mihi videor tantam dimicationem; nisi idem Deus, qui nos melius, quam optare auderemus, Parthico bello liberavit, respexerit rempublicam; sed tantam, quanta numquam fuit. age, hoc malum mihi commune est cum omnibus. nihil tibi mando, ut de eo cogites. illud meum proprium *προβλημα*, quæso, suscipe. videsne, ut te auctore sim utrumque complexus? Ac vellem a principio te audisse amicissime monentem,

Ἄλλ' ἐμὸν ἔποτε θυμὸν ἐν ἐνθεσιν ἐπιδίς.  
Πατριδός.

sed aliquando tamen persuasisti, ut alterum complecterer, quia de me erat optime meritus; alterum, quia tantum valebat. feci igitur. itaque effeci omni obsequio, ut neutri illorum quisquam esset me carior. hæc enim cogitabamus; nec mihi, conjuncto cum Pompejo, fore necesse peccare in republica aliquando; nec, cum Casare sentienti, pugnandum esse cum Pompejo: tanta erat illorum conjunctio. nunc impendet, ut & tu ostendis, & ego video, summa inter eos contentio. me autem uterque numerat suum, nisi forte simulat alter. nam Pompejus non dubitat (vere enim iudicat) ea, quæ de republica nunc sentiat, mihi valde probari. utriusque autem accepi ejusmodi litteras eodem tempore, quo tuas; ut neuter quemquam omnium pluris facere, quam me, videretur. Verum quid agam? non quæro illa ultima, (si enim castris res geretur, video cum altero vinci satius esse, quam cum altero vincere,) sed illa, quæ tum agentur, cum venero; ne ratio absentis habeatur, ut exercitum dimittat. DIC M. TULLI. quid dicam? exspecta,



amabo te, dum Atticum conveniam? non est locum ad tergiversandum. contra Cæsarem? ubi illæ sunt densæ dexteræ? nam ut illi hoc liceret, adjuvi, rogatus ab ipso Ravennæ de Cælio tribuno plebis. ab ipso autem? etiam a Cnæo nostro, in illo divino tertio consulatu. aliter sensero? *αἰδέομαι* non pompejum modo, sed *Τρωας, καὶ Τρωάδας: Πελοδαμῆας μοι πρῶτοι ἐλεγχέειν κατὰθήσει.* quis? tu ipse scilicet, laudator & factorum & scriptorum meorum. Hanc ergo plagam effugi per duos superiores Marcellorum consulatus, cum est actum de provincia Cæsaris. nunc incido in discrimen ipsum. itaque, ut stultus primus suam sententiam dicat, mihi valde placet, triumpho nos moliri aliquid: extra urbem esse cum iustissima causa. tamen dabunt operam, ut eliciant sententiam meam. ridebis hoc loco fortasse. quam vellem etiam nunc in provincia morari! plane opus fuit, si hoc impendebat. etsi nil miserius. nam *ὄδῳ παρεγγον*, volo te hoc scire; omnia illa prima, quæ etiam tuis litteris in cælum ferebas, *ἐπιτήκτα* fuerunt. Quam non est facilis virtus! quam vero difficilis ejus diuturna simulatio! cum enim hoc rectum & gloriosum putarem, ex annuo sumtu, qui mihi decretus esset, me C. Cælio quæstori relinquere annum, referre in ærarium ad H-S cio; ingemuit nostra cohors, omne illud putans distribui sibi oportere; ut ego amicioi inveni-  
rer Phrygum & Cilicum ærariis, quam nostro, sed me non moverunt. nam & mea laus apud me plurimum valuit: nec tamen quicquam honorifice in quemquam fieri potuit, quod prætermiserim. Sed hæc fuerit, ut ait Thucydides, *ἐκβολὴ λόγων* non inutilis. Tu autem de nostro statu cogitabis: primum, quo artificio tueamur benevolentiam Cæsaris: deinde de ipso triumpho, quem video, nisi reipublicæ tempora impedient, *εὐπορίων*. judico autem cum ex litteris amicorum, tum ex supplicatione; quam qui non decrevit, plus decrevit, quam si omnes decressent triumphos. ei porro assensus est, unus, familiaris meus, Fovonius, alter iratus, Hirrus. Cato autem & scribendo affuit, & ad me, de sententia sua jucundissimas litte-



litteras misit. sed tamen gratulans mihi Cæsar de supplicatione, triumphat de sententia Catonis: nec scribit, quid ille sententiæ dixerit, sed tantum, supplicationem eum mihi non decrevisse. Redeo ad Hirrum. cæperas eum mihi placare: perfice. habes Scrofam, habes Silium. ad eos ego etiam antea scripsi, & ad ipsum Hirrum. Locutus enim erat cum iis commode, se potuisse impedire, sed noluisse: assensum tamen esse Catoni, amicissimo meo; cum is honorificentissimam in me sententiam dixisset; nec me ad se ullas litteras misisse, cum ad omnes mitterem. Verum dicebat. Ad eum enim solum, & ad Crassipedem non scripseram. Atque hæc de rebus forensibus. Redeamus domum. diiungere me ab illo volo. Mi-  
 rus est *φύρατης*, germanus Lartidius.

*ἄλλα, τὰ μὲν προτετυχθαι ἱασσομεν, ἀχρυνμένοι περ.*

reliqua expediamus. Hoc primum, quo accessit cura dolori meo: sed hoc tamen, quidquid est, Præcianum, cum iis rationibus, quas ille meas tractat, admisceri nolo. Scripsi ad Terentiam, scripsi etiam ad ipsum, me, quidquid possem numorum, ad apparatus spectati triumphi ad te redacturum. Ista puto *ἀμεμπτα* fore; verum ut lubebit. Hanc quoque suscipe curam, quemadmodum experiamur. id & ostendisti quibusdam litteris, ex Epiro an Athenis datis, & in eo ego te adjuvabo.

## CICERO ATTICO S.

2

Brundisium venimus vii. Kalend. Decembr. usi tuæ felicitate navigandi: ita belle nobis flavit ab Epiro lenissimus Onchesmites. Hunc *σπονδιαζοντα*, si cui voles *των νεωτερων*, pro tuo vendita. Invalitudo tua me valde conturbat. significant enim tuæ litteræ, te prorsus laborare. ego autem, cum sciam, quam sis fortis, vehementius esse quiddam suspicor, quod te cogat cedere, & propemodum infringat: etsi alteram quartanam Pamphilus tuus mihi dixit decessisse, & alteram levio-rem accedere. Terentia vero, quæ quidem eodem tempore ad portam Brundisiam venit,  
 quo



quo ego in portum, mihiq; obvia in foro fuit, L. Pontium sibi in Trebulano dixisse narrabat, etiam eam decessisse. Quod ita, est quod maxime mehercule opto; idque spero tua prudentia & temperantia te consecutum. Venio ad epistolas tuas, quas ego sexcentas uno tempore accepi, aliam alia jucundiorē, quæ quidem erant tua manu. Nam Alexidis animum amabam, quod tam prope accedebat ad similitudinem tuæ litteræ: manum non amabam, quod indicabat te non valere. cujus quoniam mentio facta est; Tironem Patris ægrum reliqui, adolescentem, ut nosti, & adde, si quid vis, probum: nihil vidi melius. itaque careo ægre. quamquam videbatur se non graviter habere; tamen sum sollicitus, maximamque spem habeo in M. Curii diligentia, de qua ad me scripsit Tiro, & multi nuntiarunt. Curius autem ipse sensit, quam tu velles se a me diligi, & eo sum admodum delectatus. & mehercule est, quem facile diligas. *αὐτοχθὺν* in homine urbanitas est. ejus testamentum deporto Ciceronum signis obsignatum, cohortisque pratoriae: fecit palam te ex libella, me ex teruncio. In actio Corcyræ Alexio me opipare muneratus est. Quinto Ciceroni obsisti non potuit, quo minus Thyamim videret. Filiola tua te delectari lætor, & probari tibi, *φυσικὴν* esse *τὴν ἀρετὴν καὶ τὴν αἰσθητικὴν*. etenim, si hæc non est, nulla potest homini esse ad hominem naturæ adiunctio; qua sublata, vitæ societas tollitur. Bene eveniat, inquit Carneades, spurce: sed tamen prudentius, quam Lucius noster & Patro: qui, cum omnia ad se referant, nec quidquam alterius causa fieri putent, & cum ea re bonum virum oportere esse dicant, ne malum habeat, non quo in natura rectum sit; non intelligunt, se de callido homine loqui, non de bono viro. sed hæc, opinor, sunt in iis libris, quos tu laudando, animos mihi addidisti. Redeo ad rem. commodo expectabam epistolam, quam Philoxeno dedisses: scripseras enim, in ea esse de sermone Pompeji Neapolitano: eam mihi Patro Brundisii reddidit: Corcyræ, ut opinor, acceperat. nihil potuit esse jucundius. erat enim de republica, de opinione, quam



is vir haberet, integritatis meæ; de benivolentia, quam ostendit eo sermone, quem habuit de triumpho. sed tamen hoc jucundissimum, quod intellexi, te ad eum venisse, ut ejus animum erga me perspiceres. hoc mihi, inquam, accidit jucundissimum. De triumpho autem nulla me cupiditas umquam tenuit ante Bibuli impudentissimas litteras, quas amplissime supplicatio consecuta est. a quo si ea gesta essent, quæ scripsit; gauderem, & honori faverem: nunc illum, qui pedem porta, quoad hostis cis Euphratem fuit, non extulerit, honore augeri; me, in jus exercitus spem illius exercitus habuit, idem non assequi, dedecus est nostrum, nostrum inquam, te conjungens. itaque omnia experiar; & ut spero, assequar. quod, si tu valeres, jam mihi quædam explorata essent. sed, ut spero, valebis. De raudusculo Numeriano multum te amo. Hortensius quid egerit, aveo scire. Cato quid agat: qui quidem in me turpiter fuit malivolus. dedit integritatis, justitiæ, clementiæ, fidei mihi testimonium, quod non quærebam; quod postulabam, id negavit. itaque Cæsar iis litteris, quibus mihi gratulatur, & omnia pollicetur, quo modo exultat Catonis, in me ingratißimi, injuria? at hic idem Bibulo dierum xx. ignosce mihi. non possum hæc ferre, nec feram. Cupio ad omnes tuas epistolas; sed nihil necesse est. jam enim te videbo. illud tamen de Chrysippo: nam de altero illo minus sum admiratus, operario homine. sed tamen ne illo quidem quidquam improbius. Chrysippum vero, quem ego, propter litterularum nescio quid, libenter vidi, in honore habui, discedere a puero, insciente me? mitto alia, quæ audio, multa: mitto furta: fugam non fero, qua mihi nihil visum est sceleratius. itaque usurpavi vetus illud Drusi, ut ferunt, prætoris in eo, qui eadem liber non juraret; me istos liberos non addixisse: præsertim cum adesset nemo, a quo recte vindicarentur, id tu, ut videbitur, ita accipies, ego tibi assentiar. Uni tuæ disertissimæ epistolæ non rescripsi, in qua est de periculis reipublicæ. quid rescriberem? valde eram perturbatus. sed, ut nihil magnopere,



gnopere metuam. Parthi faciunt, qui repente Bibulum semivivum reliquerunt.

3

## CICERO ATTICO S.

**A.** d. viii. Id. Decemb. Herculanium veni, & ibi tuas litteras legi, quas Philotimus mihi reddidit: e quibus hanc primo aspectu voluptatem cepi, quod erant a te ipso scriptæ: deinde earum accuratissima diligentia sum mirum in modum delectatus. Ac primum illud, in quo te Dicæarcho assentiri negas, etsi cupidissime expetitur a me sit, & approbante te, ne diutius anno in provincia essem, tamen non est nostra contentione perfectum. sic enim scito, verbum in senatu factum esse numquam de ullo nostrum, qui provincias obtinuimus, quo in his diutius, quam ex senatus consulto maneremus: ut jam ne istius quidem rei culpam sustineam, quod minus diu fuerim in provincia, quam fortasse fuerit utile. sed, QUID SI HOC MELIUS? sæpe opportune dici videtur, ut in hoc ipso. Sive enim ad concordiam res adduci potest, sive ad bonorum victoriam; utriusvis rei me aut adiutorem velim esse, aut certe non expertem. Sin vincuntur boni; ubicumque essem, una cum iis victus essem. quare celeritas nostri reditus ἀμεταμέλητος debet esse. quodsi ista nobis cogitatio de triumpho injecta non esset, quam tu quoque approbabas, nā tu haud multum requires illum virum, qui in vi. libro informatus est. quid enim tibi faciam, qui illos libros devorasti? quin nunc ipsum non dubitabo rem tantam abjicere, si id erit rectius. utrumque vero simul agi non potest, & de triumpho ambitiose, & de republica libere. sed ne dubitaris, quin, quod honestius, id mihi futurum sit antiquius. Nam quod putas utilius esse vel mihi, quod tutius sit, vel etiam ut reipublicæ prodesse possim, me esse cum imperio: id coram considerabimus quale sit. habet enim res de liberationem; etsi ex parte magna tibi assentio. De animo autem meo erga rempublicam, bene facis, quod non dubitas: & illud probe judicas, nequaquam satis pro meis officiis, pro ipsius in alios effusione, illum



te Bibu

, & ibi  
hi reddi  
m cepi,  
curatiffi-  
tus. Ac  
egas, effi-  
e te, ne  
est no-  
verbum  
um, qui  
quam ex  
ius qui-  
merim in  
VID si  
, ut in  
duci po-  
me aut  
is. Sin  
is victus  
vros de-  
pho in-  
, nã tu  
vi. libro  
illos li-  
bo rem  
vero fi-  
e, & de  
d hone-  
quod pu-  
l etiam  
mperio:  
res de-  
o. De  
e facis,  
uquam  
fufione,  
illum

illum in me liberalem fuisse: ejusque rei causam vere  
explicas; & eis, quæ de Fabio Caninioque acta scri-  
bis, valde consentiunt: quæ si secus essent, totum-  
que se ille in me profudisset; tamen illa, quam scri-  
bis, custos urbis, me præclaræ inscriptionis memo-  
rem esse cogeret; nec mihi concederet, ut imitarer  
Valcatium, aut Servium, quibus tu es contentus; sed  
aliquid nos vellet nobis dignum & sentire & defend-  
ere. quod quidem agerem, si liceret, alio modo,  
ac nunc agendum est. De sua potentia dimicant ho-  
mines hoc tempore, periculo civitatis. nam, si res-  
publica defenditur; cur ea, consule isto ipso, defensa  
non est? cur ego, in cujus causâ reipublicæ salus con-  
sistebat, defensurus postero anno non sum? cur impe-  
rium illi, aut cur illo modo prorogatum est? cur tan-  
topere pugnatum est, ut de ejus absæntis ratione ha-  
benda decem tribuni plebis ferrent? his ille rebus ita  
convaluit, ut nunc in uno civi spes ad resistendum  
sit: qui mallet, tantas ei vires non dedisset, quam  
nunc tam valenti resisteret. sed quoniam res eo de-  
ducta est, non quæram, ut scribis, *πῶς σκαφος τοῦ τῶν*  
*Ἀργείων*; mihi *σκαφος* unum erit quod a Pompejo gu-  
bernabitur. illud ipsum, quod ais, quid fiet, cum  
erit dictum? DIC M. TULLI, *συνομιᾷ* Cn. POM-  
PEJO ASSENTIOR. ipsum tamen Pompejum separa-  
tim ad concordiam hortabor. sic enim sentio; ma-  
ximo in periculo rem esse. vos scilicet plura, qui in  
urbe estis. verumtamen hoc video, cum homine au-  
dacissimo paratissimoque negotium esse; omnes dam-  
natos, omnes ignominia affectos, omnes damnatione  
ignominiaque dignos illuc facere, omnem fere juven-  
tutem, omnem illam urbanam ac perditam plebem,  
tribunos valentes, addito C. Cassio, omnes, qui ære  
alieno premantur: quos plures esse intelligo, quam  
putaram. causam solum illa causa non habet; ceteris  
rebus abundat. hic omnia facere omnes, ne armis de-  
cernatur; quorum exitus semper incerti, nunc vero  
in alteram partem magis timendi. Bibulus de pro-  
vincia decessit, Vejetonem præfecit. in decedendo  
erit, ut audio, tardior: quem cum ornavit Cato,  
decla-



declaravit, iis se solis non invidere, quibus nihil autem non multum ad dignitatem posset accedere. Nunc venio ad privata. fere enim respondi tuis litteris de republica, & iis, quas in suburbano, & iis, quas postea scripsisti. ad privata venio. Unum etiam de Caelio. tantum abest, ut meam ille sententiam moveat, ut valde ego ipsi, quod de sua sententia decesserit, poenitendum putem. sed quid est, quod ei vici Lucceji sint additi? hoc te prætermisisse miror. De Philotimo, faciam equidem, ut mones. sed ego mihi ab illo, hoc tempore, non rationes expectabam, quæ tibi edidit, verum id reliquum, quod ipse in Tusculano me referre in commentarium mea manu voluit, quodque idem in Asia mihi sua manu scriptum dedit. id si præstaret, quantum mihi æris alieni esse ibi edidit, tantum, & plus etiam ipse mihi deberet. sed in hoc genere, si modo per rempublicam licebit, non accusabimur posthac: neque hercule antea negligentes fuimus, sed amicorum multitudine occupati. ergo utemur, ut polliceris, & opera & consilio tuo: nec tibi erimus, ut spero, in eo molesti. De sepe-  
rastris cohortis meæ, nihil est, quod doleas. ipsi enim se collegerunt admiratione integritatis meæ. sed me moverat nemo magis, quam is, quem tu neminem putas. idem & initio fuerat, & nunc est egregius. sed in ipsa decessione significavit, sperasse se aliquid; & id, quod animum induxerat paullisper, non tenuit: sed cito ad se rediit, meisque honorificentissimis erga se officiis victus, pluris ea duxit, quam omnem pecuniam. Ego a Curio tabulas accepi, quas mecum porto. Hortensii legata cognovi. nunc aveo scire, quid hominis sit, & quarum rerum auctionem instituat. nescio enim, cur, cum portam Flumentanam Caelius occuparit, ego Puteolos non meos faciam. Venio ad Pirææa, in quo magis reprehendendus sum, quod homo Romanus *Pirææa* scripserim, non *Piræeum*, (sic enim omnes nostri locuti sunt,) quam quod in addiderim. non enim hoc ut oppido præposui, sed ut loco: & tamen Dionysius noster, qui est nobiscum, & Nicias Cous non rebatur, oppidum esse



esse Piræa. sed de re videro. nostrum quidem si est peccatum, in eo est, quod, non ut de oppido, locutus sum, sed ut de loco; secutusque sum, non dico Cæcilium, *Mane ut ex portu in Piræum*, (malus enim auctor Latinitatis est,) sed Terentium, cujus fabellæ, propter elegantiam sermonis, putabantur a C. Lælio scribi: *Hæri aliquot adolescentuli coimus in Piræum*. & idem, *Mercator hoc addebat, captam e Sunio*. quodsi *diuus*; oppida volumus esse; tum est oppidum Sunium, quam Piræus. sed, quoniam Grammaticus es, si hoc mihi *ἐντονα* perfolveris, magna me molestia liberaris. Ille mihi litteras blandas mittit: facit idem pro eo Balbus. mihi certum est, ab honestissima sententia digitum nusquam. sed scis illi reliquum quantum sit. putasne igitur verendum esse, ne aut obiciat id nobis aliquis, sin languidius, aut repetat, si fortius? quid ad hæc reperis? solvamus, inquis. age, a Cælio mutuabimur. hoc tu tamen consideres velim. puto enim, in senatu si quando præclare pro republica dixerò, Tartessium istum tuum mihi exeunti, Jube sodes numos curare. Quid superest? etiam. gener est suavis mihi, Tulliæ, Terentiæ: quantumvis vel ingenii, vel humanitatis. satis. reliqua, quæ nosci, ferenda. scis enim, quos aperuerimus: qui omnes, præter eum, de quo per te egimus, reum me facere rentur. ipsis enim expensum nemo ferret. Sed hæc coram. nam multi sermonis sunt. Tironis reficiendi spes est in M. Curio: cui ego scripsi, tibi eum gratissimum facturum. Dat. v. Id. Decemb. a Pontio ex Trebulano.

## CICERO ATTICO S.

4

**D**ionysium, flagrantem desiderio tui, misi ad te, nec mehercule æquo animo; sed fuit concedendum: quem quidem cognovi cum doctum, quod mihi jam ante erat notum, tum sanctum, plenum officii, studiosum etiam meæ laudis, frugi hominem, ac, ne libertinum laudare videar, plane virum bonum. Pompejum vidi iv. Id. Decembres: fuimus una horas duas fortasse. magna lætitia mihi visus est affici meo ad-

*Cic. Epist. Tom. II.*

M

ven,



ventu: de triumpho hortari, suscipere partes suas; monere, ne ante in senatum accederem, quam rem confecissem; ne dicendis sententiis aliquem tribunum alienarem. quid quæris? in hoc officio sermonis nihil potuit esse prolixius. de republica autem ita mecum locutus est, quasi non dubium bellum haberemus, nihil ad spem concordia: plane illum ab se alienatum, cum ante intelligeret, tum vero proxime judicasse: venisse Hirtium a Cæsare, qui esset illi familiarissimus, ad se non accessisse: &, cum ille a. d. viii. Idus Decemb. vesperi venisset, Balbus de tota re constituisset a. d. vii. ad Scipionem ante lucem venire; multa de nocte eum profectum esse ad Cæsarem. hoc illi *τεκμήγιωδες* videbatur esse alienationis. quid multa? nihil me aliud consolatur, nisi quod illum, cui etiam inimici alterum consulatum, fortuna summam potentiam dederat, non arbitror fore tam amentem, ut hæc in discrimen adducat. quodsi ruere cœperit; nã ego multa timeo, quæ non audeo scribere. sed, ut nunc est, a. d. iii. Nonas Jan. ad urbem cogito.

## 5

## CICERO ATTICO S.

**M**ultas uno tempore accepi epistolas tuas: quæ mihi, quamquam recentiora audiebam ex iis, qui ad me veniebant, tamen erat jucundæ. studium enim & benivolentiam declarabant. Invalitudine tua moveor: &, Piliam in idem genus morbi delapsam, curam tibi asserre majorem sentio. date igitur operam, ut valeatis. De Tirone, video tibi curæ esse; quem quidem ego, etsi mirabiles utilitates mihi præbet, cum valet, in omni genere vel negotiorum, vel studiorum meorum, tamen propter humanitatem & modestiam malo saluum, quam propter usum meum. Philogenes mecum nihil umquam de Luscio locutus est: de ceteris rebus habes Dionysium. Sororem tuam non venisse in Arcanum, miror. De Chrysippo, meum consilium probari tibi, non moleste fero. Ego in Tusculanum nihil sane hoc tempore. devium est *τοῖς ἀπαρτυρω*, & habet alia *διόχνηα*. sed de Formiano Tarracinam pridie Kal. Jam inde Pom-  
tinam



tinam summam: inde Albanum Pompeji: ita ad urbem III. Nonas, natali meo. De republica quotidie magis timeo. non enim boni, ut putant, consentiunt. quos ego equites Romanos, quos senatores vidi? qui acerrime cum cetera, tum hoc iter Pompeji vituperarent: pace opus est. Ex victoria cum multa mala, tum certe tyrannus existet. sed hæc propediem coram. Jam plane mihi deest, quod ad te scribam. nec enim de republica, quod uterque nostrum scit eadem: & domestica nota sunt ambobus. reliquum est joculari, si hic sinat. nam ego is sum, qui, illi concedi, putem utilius esse quod postulat, quam signa conferri. Sero enim resistimus ei, quem per annos decem aluimus contra nos. quid sentis igitur? inquis. nihil scilicet, nisi de sententia tua; nec prius quidem, quam nostrum negotium aut confecerimus, aut deposuerimus. Cura igitur, ut valeas. aliquando ἀποτείνε quartanam istam diligentia, quæ in te summa est.

## CICERO ATTICO S.

6

Plane deest quod ad te scribam: nota omnia tibi sunt: nec ipse habeo, a te quod expectem. tantum igitur nostrum illud solemne servemus, ut ne quem istuc euntem sine litteris dimittamus. De republica valde timeo: nec adhuc fere inveni, qui non concedendum putaret Cæsari, quod postularet, potius, quam depugnandum. est illa quidem postulatio opinione valentior. cur autem nunc primum ei resistamus? ἔτι γὰρ τὸν τοῦδε μείζον ἔστι κακόν, quam cum quinquennium prorogabamus; aut cum, ut absentis ratio haberetur, ferebamus. nisi forte hæc illi tum arma dedimus, ut nunc cum bene parato pugnaremus. Dices, quid tu igitur sensurus es? non idem, quod dicturus. sentiam enim omnia facienda, ne armis decertetur; dicam idem, quod Pompejus: neque id faciam humili animo. sed rursus hoc permagnum reipublicæ malum est: at quodam modo mihi præter ceteros non rectum, me in tantis rebus a Pompejo dissidere.



**D**ionysius, vir optimus, ut mihi quoque est perspectus, & doctissimus, cuique amantissimus, Romam venit xv. Kal. Jan. & litteras a te mihi reddidit: tot enim verba sunt de Dionysio in epistola tua. Illud, puto, non adscribis; & tibi gratias egit. atqui certe ille agere debuit: & si esset factum, quæ tua est humanitas, adscripsisses. mihi autem nulla de eo *παλιωδία* datur propter superioris epistolæ testimonium. sit igitur sane bonus vir. hoc enim ipsum bene fecit, quod mihi sui cognoscendi penitus etiam istam facultatem dedit. Philogenes recte ad te scripsit. curavit enim, quod debuit. eum ego uti ea pecunia volui, quoad liceret. itaque usus est menses xiv. Pomtinum cupio valere: & quod scribis in urbem introisse, vereor quid sit: nam id nisi gravi de causa non fecisset. Ego, quoniam iv. Nonas Januar. Compitalicius dies est, nolo eo die in Albanum venire, ne molestus sim familiæ. veniam iii. Nonas igitur: inde ad urbem pridie Nonas. Tua *ἀνψις* quem in diem incurrat, nescio; sed prorsus te commoveri incommodo valitudinis tuæ nolo. De honore nostro, nisi quid occulte Cæsar per suos tribunos molitus erit, cetera videntur esse tranquilla. tranquillissimus autem animus meus, qui totum istuc æqui boni facit; & eo magis, quod jam a multis audio constitutum esse Pompejo & ejus consilio, in Siciliam me mittere, quod imperium habeam. id est *Ἀσθενετικόν*. nec enim senatus decrevit, nec populus jussit, me imperium in Sicilia habere. sin hoc respublica ad Pompejum defert; qui me magis, quam privatum aliquem, mittat? itaque, si hoc imperium mihi molestum erit; utar ea porta, quam primam videro. Nam quod scribis, mirificam expectationem esse mei, neque tamen quemquam bonorum, aut satis bonorum dubitare, quid sensurus sim: ego, quos tu bonos esse dicas, non intelligo: ipse nullos novi: sed ita, si ordines bonorum quærimus. nam singulares sunt boni viri. verum in dissensionibus ordines bonorum & genera quærenda sunt. Senatum bonum



bonum putas, per quem sine imperio provinciæ sunt? numquam enim Curio sustinuisset, si cum eo agi cœptum esset: quam sententiam senatus sequi noluit: ex quo factum est, ut Cæsari non succederetur. an publicanos? qui numquam firmi: sed nunc Cæsari sunt amicissimi: an fœneratores? an agricolas? quibus optatissimum est otium. nisi eos timere putas, ne sub regno sint, qui id numquam, dum modo otiosi essent, recusarunt. Quid ergo? exercitum retinentis, cum legis dies transierit, rationem haberi placet? mihi vero ne absentis quidem. sed, cum id datum est, illud una datum est. annorum enim decem imperium: & ita latum placet? placet igitur etiam me expulsam, & agrum Campanum periisse, & adoptatum patricium a plebejo, Gaditanum a Mitylenæo: & Labieni divitiæ, & Mamurræ placent, & Balbi horti, & Tusculanum. sed horum omnium fons unus est. imbecillo resistendum fuit: & id erat facile. nunc legiones xi, equitatus tantus, quantum volet; Transpadani, plebes urbana, tot tribuni plebis, tam perditæ juventus, tanta auctoritate dux, tanta audacia. cum hoc aut depugnandum est, aut habenda e lege ratio. depugna, inquis, potius, quam servias; ut quid? si victus eris, proscribare? si viceris, tamen servias? quid ergo, inquis, adurus es? idem quod pecudes, quæ dispulsæ sui generis sequuntur greges. Ut bos armenta, sic ego bonos viros, aut eos, quicumque dicentur boni, sequar, etiamsi ruent. quid sit optimum male contractis rebus, plane video. nemini est enim exploratum, cum ad arma ventum est, quid futurum sit: at illud omnibus, si boni victi sunt, nec in cæde principum clementiorem hunc fore, quam Cinna fuerit, nec moderatiorem, quam Sulla, in pecuniis locupletium. *ἡμετέριον νομοῖ σοι* jamdudum: & facerem diutius, nisi me lucerna defereret. Ad summam, dic M. TULLI. assentior Cn. Pompejo, id est T. Pomponio. Alexim, humanissimum puerum, nisi forte, dum ego absum, adolescens factus est, (id enim agere videbatur,) salvere jubeas velim.



**Q**uid opus est de Dionysio tam valde affirmare? an mihi nutus tuus non faceret fidem? suspicionem autem eo mihi majorem tua taciturnitas attulerat, quod & tu soles conglutinare amicitias testimoniis tuis; & illum aliter cum aliis de nobis locutum audiebam. sed prorsus ita esse, ut scribis, mihi persuades. itaque ego is in illum sum, quem tu me esse vis. Diem tuum ego quoque ex epistola quadam tua, quam incipiente febricula scripseras, mihi notaveram; & animadverteram, posse, pro re nata, te non incommode ad me in Albanum venire iii. Nonas Januar. sed, amabo te, nihil incommodo valitudinis feceris. quid enim est tantum in uno, aut altero die? Dolabellam video Liviæ testamento cum duobus coheredibus esse in triente; sed juberi mutare nomen. est πολιτικὸν σκεῆμα, rectumne sit nobili adolescenti, mutare nomen mulieris testamento. sed id φιλοσοφώτερον διευκρινήσομεν, cum sciemus, quantum quasi sit in trientis triente. Quod putasti fore, ut ante quam istuc venirem, Pompejum viderem; factum est ita. nam vi. Kal. ad Lavernium me consecutus est. una Formias venimus, & ab hora octava ad vesperum secreto collocuti sumus. Quod quæris, ecqua spes pacificationis sit: quantum ex Pompeji multo & accurato sermone perspexi, ne voluntas quidem est. sic enim existimat, si ille, vel dimisso exercitu, consul factus sit, συγχύσειν τῆς πολιτικῆς fore etiam atque putat, eum, cum audierit, contra se diligenter parari, consulatum hoc anno neglecturum, ac potius exercitum provinciamque retenturum. sin autem ille fureret; vehementer hominem contemnebat, & suis & reipublicæ copiis confidebat. quid quæris? etsi mihi crebro ξυνοικιστὴς occurrebat; tamen levabar cura, virum fortem & peritum, & plurimum auctoritate valentem audiens, πολιτικῶς de pacis simulatæ periculis differntem. habebamus autem in manibus Antonii concionem, habitam x. Kal. Januar. in qua erat accusatio Pompeji usque a toga pura, querela de damnatis, ter-



ror armorum: in quibus ille, quid censes, aiebat, facturum esse ipsum, si in possessionem reipublicæ venerit, cum hæc quaestor ejus, infirmus & inops, audeat dicere? quid multa? non modo non expetere pacem istam, sed etiam timere visus est. Ex illa autem sententia ita relinquendæ urbis movet hominem, ut puto. mihi autem illud molestissimum est, quod solvendi sunt numi Cæsari, & instrumentum triumpho eo conferendum. est enim ἀμορφον, ἀντιπολιτευόμενος χρεωφειλετήν esse. Sed hæc, & multa alia coram.

## CICERO ATTICO S.

9

**Q**uotidiene, inquis, a te accipiendæ litteræ sunt? si habebo, cui dem, quotidie. at jam ipse ades. tum igitur, cum venero, desinam. Unas video mihi a te non esse redditas; quas L. Quintius, familiaris meus, cum ferret, ad bustum Basili vulneratus & despoliatus est. videbis igitur, numquid fuerit in his, quod me scire opus sit: & simul tu hoc διευκρινήσεις προβλήματα sane πολιτικόν: cum sit necesse, aut haberi Cæsaris rationem, illo exercitum vel per senatum, vel per tribunos plebis obtinente, aut persuaderi Cæsari, ut tradat provinciam atque exercitum, & ita consul fiat; aut, si id non persuadeatur, haberi comitia sine illius ratione, illo patiente, atque obtinente provinciam; aut, si per tribunos plebis non patiat, tamen quiescat, rem adduci ad interregnum; aut, si ob eam causam, quod ratio ejus non habeatur, exercitum adducat, armis cum eo contendere; illum autem initium facere armorum, aut statim nobis minus paratis, aut tum, cum comitiis, amicis ejus postulantis, ut e lege ratio habeatur, impetratum non sit: ire autem ad arma, aut hanc unam ob causam, quod ratio non habeatur, aut addita causa, si forte tribunus plebis senatum impediens, aut populum incitans, notatus, aut senatus consulto circumscriptus, aut sublatus, aut expulsus sit, dicensve se expulsus, ad illum confugerit: suscepto autem bello, aut tenenda sit urbs, aut ea relicta, ille commeatu & reliquis copiis intercludendus: quod horum malorum, quorum aliquod certe



subeundum est, minimum putes. Dices profecto, persuaderi illi, ut tradat exercitum, & ita consul fiat. est omnino id ejusmodi, ut, si ille eo descendat, contra dici nihil possit: idque eum, si non obtinet, ut ratio habeatur retinentis exercitum, non facere miror. nobis autem, ut quidam putant, nihil est timendum magis, quam ille consul. at sic malo, inquires, quam cum exercitu. certe. sed istud ipsum, dico, magnum malum putat aliquis: neque ei remedium est ullum. cedendum est, si id volet. vide consulem illum iterum, quem vidisti consulatu priore. at tum imbecillus plus, inquis, valuit, quam tota respublica. quid nunc putas? & eo consule, Pompejo certum est esse in Hispania. o rem miseram! si quidem id ipsum deterrimum est, quod recusari non potest; & quod ille si faciat, jamjam a bonis omnibus summam ineat gratiam. Tollamus igitur hoc, quo illum posse adduci negant: de reliquis quid est deterrimum? concedere illi, quod, ut idem dicit, impudentissime postulat. nam quid impudentius? tenuisti provinciam per decem annos, non tibi a senatu, sed a te ipso per vim & per factionem datos. præterit tempus, non legis, sed libidinis tuæ: fac tamen, legis. ut succedatur, discernitur: impedis, & ais; habe mei rationem. habe tu nostrum. exercitum tu habeas diutius, quam populus jussit, invito senatu? Depugnes oportet, nisi concedis. cum bona quidem spe, ut ait idem, vel vincendi, vel in libertate moriendi. jam si pugnandum est: quo tempore, in casu; quo consilio, in temporibus situm est. itaque te in ea quæstione non exerceo. ad ea, quæ dixi, affer, si quid habes. equidem dies noctesque torqueor.

10

CICERO ATTICO S.

**S**ubito consilium cepi, ut, antequam luceret, exirem; ne qui conspectus fieret, aut sermo, lectoribus præsertim laureatis. de reliquo, neque hercule, quid agam, nec, quid acturus sim, scio: ita sum perturbatus temeritate nostri amentissimi consilii. tibi vero quid suadeam, cujus ipse consilium exspecto?

Cnæus



Cnæus noster quid consilii ceperit, capiatve, nescio, adhuc in oppidis coarctatus & stupens. omnes si in Italia consiliet, erimus una: sin cedit, consilii res est. adhuc certe, nisi ego insanio, stulte omnia & incaute. Tu, quæso, crebro ad me scribe, vel quod in buccam venerit.

## CICERO ATTICO S.

II

Quæso, quid hoc est? aut quid agitur? mihi enim tenebræ sunt. Cingulum, inquis, nos tenemus: Anconein amisimus. Labienus discessit ab Cæsare. utrum de imperatore populi Romani, an de Hannibale loquimur? o hominem amentem & miserum, qui ne umbram quidem umquam *τε καλῶς* viderit! atque, hæc, ait, omnia facere se dignitatis causa: ubi est autem dignitas, nisi ubi honestas? num honestum igitur, habere exercitum nullo publico consilio? occupare urbes civium, quo facilior sit aditus ad patriam? *χρεὼν ἀποκοπῆς, φυγάδων καθόδου*, sexcenta alia scelera moliri, *τὴν θεῶν μεγίστην ὥς ἔχειν τυραννίδα*? sibi habeat suam fortunam, unam mehercule tecum apri- cationem in illo Lucretino tuo sole malim, quam omnia istiusmodi regna; vel potius mori millies, quam semel istiusmodi quidquam cogitare. quid si tu velis? inquis. age quis est, cui velle non liceat? sed ego hoc ipsum velle, miserius esse duco, quam in crucem tolli. una res est ea miserior, adipisci, quod ita volueris. Sed hæc hæctenus. libenter enim in his molestiis *ἐνσχολάζω σοι*. redeamus ad nostrum. Per fortunas! quale tibi consilium Pompeji videtur? hoc quæro, quod urbem reliquerit. ego enim *ἀπορω*: tum nihil absurdius. urbem tu relinquas? ergo idem, si Galli venirent. non est, inquit, in parietibus respublica, at in aris & focis. fecit idem Themistocles. Ausum enim totius barbariæ ferre urbs una non poterat. at idem Pericles non fecit, annum fere post quinquagesimum, cum præter mœnia nihil teneret. nostri olim, urbe reliqua capta, arcem tamen retinuerunt.

*Οὕτω τὲ τῶν προσθέν ἑπαυθομένη κλειᾶ ἀνδρῶν.*



rursus autem ex dolore municipali, sermonibusque eorum, quos convenio, videtur hoc consilium exitum habiturum. mira hominum querela est, (nescio istic: sed facies, ut sciam:) sine magistratibus urbem esse, sine senatu. fugiens denique Pompejus mirabiliter homines movet, quid quæris? alia causa facta est: nihil jam concedendum putant Cæsari. hæc, tu mihi explica, qualia sint. Ego negotio præsum non turbulento. vult enim me Pompejus esse, quem tota hæc Campana & maritima ora habeat <sup>ἐπισκοπων</sup>, ad quem delectus & summa negotii referatur. itaque vagus esse cogitabam. Te puto jam videre, quæ sit <sup>ορμη</sup> Cæsaris, qui populus, qui totius negotii status: ea velim, scribas ad me, & quidem, quoniam mutabilia sunt, quam sapissime. acquiesco enim & scribens ad te, & legens tua.

12

CICERO ATTICO S.

U nam adhuc a te epistolam acceperam, datam XII. Kal. in qua significabatur, aliam te ante dedisse, quam non acceperam. sed quæso, ut scribas quam sapissime, non modo si quid scies, aut audieris, sed etiam si quid suspicabere, maximeque, quid nobis faciendum aut non faciendum putes. Nam quod rogas, curem, ut scias, quid Pompejus agat, ne ipsum quidem scire puto; nostrum quidem nemo. Vidi Lentulum consulem Formiis x. Kal. vidi Libonem: plena timoris & erroris omnia. ille iter Larinum: ibi enim cohortes, & Luceriæ, & Theani, reliquaque in Apulia. inde utrum consistere uspiam velit, an mare transire, nescitur. si manet; vereor, ne exercitum firmum habere non possit. sin discedit: quo, aut qua, aut quid nobis agendum est, nescio. nam istum quidem, cujus *Φαλαργισμον* times, omnia teterrime facturum puto. nec eum rerum prolatio, nec senatus, magistratuumque discessus, nec ærarium clausum tardabit. Sed hæc, ut scribis, cito sciemus. interim velim mihi ignoscas, quod ad te scribo tam multa toties. acquiesco enim, & tuas volo elicere litteras, maximeque consilium, quid agam, aut quo me pacto geram;



geram; demittamne me penitus in causam? Non deterror periculo, sed dirumpor dolore. Tam nullo consilio, aut tam contra meum consilium gesta esse omnia! An cuncter & tergiverfer, & iis me dem, qui tenent, qui potiuntur? *αἰδεσθῆναι Τρωάς* nec solum civis, sed etiam amici officio revocor; etsi frangor sæpe misericordia puerorum. ut igitur ita perturbato, etsi te eadem sollicitant, scribe aliquid, & maxime, si Pompejus Italia cedit, quid nobis agendum putes. M<sup>p</sup>. quidem Lepidus (nam fuimus una) eum finem statuit, L. Torquatus eundem. me cum multa, tum etiam lictores impediunt: nihil vidi umquam, quod minus explicari posset. itaque a te nihil dum certi exquiro, sed quid videatur. denique ipsam *ἀπορίας* tuam cupio cognoscere. Labienum ab illo discessisse, propemodum constat. si ita factum esset, ut ille Romam veniens magistratum & senatum Romæ offenderet, magno usui causæ nostræ fuisset. damnassem enim sceleris hominem amicum, reipublicæ causâ, videretur: quod nunc quoque videtur; sed minus prodest. non enim habet, cui prosit: eumque arbitror pœnitere: nisi forte id ipsum est falsum, discessisse illum. nos quidem pro certo habebamus. & velim, (quamquam, ut scribis, domesticis de finibus tenes,) formam mihi urbis exponas, ecquod Pompeji desiderium, ecqua Cæsaris invidia appareat: etiam quid censeas de Terentia & Tullia, Romæ eas esse, an mecum, an aliquo tuto loco. & hæc, & si quid aliud, ad me scribas velim, vel potius scriptites.

## CICERO ATTICO S.

13

**D**e Vennonianis rebus tibi assentior. Labienum *ἡρώα* iudico. facinus jamdiu nullum civile præclarior: qui ut aliud nihil, hoc tamen profecit; dedit illi dolorem. sed etiam ad summam profectum aliquid puto. amo etiam Pisonem: cujus iudicium de genere suspicor visum iri grave. quamquam, genus belli quod sit, vides. ita civile est, ut non ex civium dissentione, sed ex unius perditæ civis audacia natum sit. is autem valet exercitu; tenet multos spe & promissis:



missis; omnia omnium concupivit. huic tradita urbs est, nuda præsidio, referta copiis. quid est, quod ab eo non metuas, qui illa templa & tecta non patriam, sed prædam putet? quid autem sit acturus, aut quo modo, nescio, sine senatu, sine magistratu. ne simulare quidem poterit quicquam πολιτικός. nos autem ubi exsurgere poterimus? aut quando? quorum dux quam ἀσφατηγῆτος, tu quoque animadvertis; cui ne Picena quidem nota fuerint: quam autem sine consilio, res testis. ut enim alia omittam decem annorum peccata, quæ conditio non huic fugæ præstitit? nec vero nunc quid cogitet scio: ac non desino per litteras seiscitari. nihil esse timidius constat, nihil perturbatius. itaque nec præsidium, cuius parandi causa ad urbem retentus est, nec locum ac sedem præsidii ullam video. spes omnis in duabus, invidiose retentis, pæne alienis legionibus. nam delectus adhuc quidem invitorum est, & a pugnando abhorrentium. conditionum autem amissum tempus est. quid futurum sit, non video. commissum quidem a nobis certe est, sive a nostro duce, ut, e portu sine gubernaculis egressi, tempestati nos traderemus. itaque de Ciceronibus nostris dubito quid agam. nam mihi interdum amandandi videntur in Græciam. de Tullia autem & Terentia, cum mihi barbarorum adventus proponitur, omnia timeo: cum autem Dolabellæ venit in mentem; paullum respiro. sed velim consideres, quid faciendum putes: primum πρὸς τὸ ἀσφαλές (aliter enim mihi de illis, ac de me ipso, consulendum est:) deinde ad opiniones; ne reprehendamus, quod eas Romæ velimus esse in communi bonorum fuga. quin etiam tibi & Peduceo, (scripsit enim ad me,) quid faciatis, videndum est. is enim splendor est vestrum, ut eadem postulentur a vobis, quæ ab amplissimis civibus. sed de hoc tu videbis, quippe cum te me ipso, ac te meis te considerare velim. Reliquum est, ut, & quid agatur, quoad poteris, explores, scribasque ad me, & quid ipse conjectura assequare: quod etiam a te magis exspecto. nam, acta omnibus nuntiantibus, a te exspecto futura. μάρτυς δ' ἡ κῆρυξ. Loquacitati ignoscet,



scēs, quæ & me levat, ad te quidem scribentem, & elicit tuas litteras. *Ænigma* Oppiorum ex Velia plane non intellexi. est enim numero Platonis obscurius. jam intellexi tuum. Oppios enim de Velia succones dicis. in eo æstuavi diu: quo aperto, reliqua patebant, & cum Ternitiæ summa congruebant. L. Cæsarem vidi Minturnis a. d. vii. Kal. Febr. mane, cum absurdissimis mandatis, non hominem, sed scopas solutas: ut id ipsum mihi ille videatur irridendi causa fecisse, qui tantis de rebus huic mandata dederit; nisi forte non dedit, & hic, sermone aliquo arrepto, pro mandatis abusus est. Labienus, vir mea sententia magnus, Theanum venit a. d. ix. Kal. ibi Pompejum consulesque convenit. qui sermo fuerit, & quid actum sit, scribam ad te, cum certum sciam. Pompejus ab Theano Larinum versus profectus est a. d. viii. Kal. eo die mansit Venafri. aliquantum animi videtur nobis attulisse Labienus. sed ego nondum habeo, quod ad te ex his locis scribam. ista magis exspecto: quid illinc afferatur; quo pacto de Labieno ferat; quid agat Domitius in Marfis, Iguvii Thermus, P. Attius Cinguli; quæ sit populi urbani voluntas; quæ tua conjectura de rebus futuris: hæc velim crebro, & quid tibi de mulieribus nostris placeat, & quid acturus ipse sis, scribas. Si scriberem ipse, longior epistola fuisset; sed dictavi propter lippitudinem.

## CICERO ATTICO S.

14

**A.** d. vi. Kal. Febr. Capuam Calibus proficiscens, cum leviter lippirem, has litteras dedi. L. Cæsar mandata Cæsaris detulit ad Pompejum a. d. viii. Kal. cum is esset cum consulibus Theani. probata conditio est, sed ita, ut ille de iis oppidis, quæ extra suam provinciam occupavisset, præsidia deduceret. id si fecisset, responsum est, ad urbem nos redituros esse, & rem per senatum confecturos. spero esse in præsentia, pacem nos habere. nam & illum furoris, & hunc nostrum copiarum suppœnitet. Me Pompejus Capuam venire voluit, & adjuvare delectum: in quo



quo parum prolixè respondent Campani coloni. Gladiatores Cæsaris, qui Capuæ sunt, de quibus ante ad te falsum ex Torquati litteris scripseram, sane commode Pompejus distribuit, binos singulis pratibus familiarum. scutorum in ludo 100 fuerunt: eruptionem facturi fuisse dicebantur. sane multum in eo reipublicæ provisum est. De mulieribus nostris, in quibus est tua soror, quæso videas, ut satis honestum nobis sit, eas Romæ esse, cum ceteræ ulla dignitate discefferint. hoc scripsi ad eas, & ad te ipsum antea. velim, eas cohortere, ut exeant; præsertim cum ea prædia in ora maritima habeamus, cui ego præsum, ut in his pro re nata non incommode possint esse, nam si quid offendimus, in genero nostro; quod quidem ego præstare non debeo. sed id sit majus, quod mulieres nostræ præter ceteras Romæ remanserunt. tu ipse cum Sexto, scire velim, quid cogites de exeundo, de totaque re quid existimes. equidem pacem hortari non desino: quæ vel injusta utilior est, quam iustissimum bellum. sed hæc, ut fors tulerit.

15

## CICERO ATTICO S.

**U**t ab urbe discessi, nullum adhuc intermisi diem, quin aliquid ad te litterarum darem: non quo haberem magnopere, quod scriberem; sed ut loquerer tecum absens: quo mihi, cum coram id non licet, nihil est jucundius. Capuam cum venissem a. d. vi. Kal. pridie, quam has litteras dedi, consules conveni, multosque nostri ordinis. omnes cupiebant Cæsarem, abductis præsidiis, stare conditionibus iis, quas tulisset. uni Favonio, leges ab illo nobis imponi non placebat: sed is haud auditus in consilio. Cato enim ipse jam fervire, quam pugnare, mavult. sed tamen ait, in senatu se adesse velle, cum de conditionibus agatur, si Cæsar adductus sit, ut præsidia deducat. ita, quod maxime opus est, in Siciliam ire non curat: quod metuo ne obfit, in senatu esse vult. Postumus autem, de quo nominatim senatus decrevit, ut statim in Siciliam iret, Furfanoque succederet, negat se sine Catone iturum: & suam in senatu operam, aucto;



auctoritatemque quam magni aestimat. ita res ad Fan-  
 nium pervenit. is cum imperio in Siciliam præmitti-  
 tur. In disputationibus nostris summa varietas est.  
 plerique negant, Cæsarem in conditione mansurum;  
 postulataque hæc ab eo interposita esse, quo minus,  
 quod opus esset ad bellum, a nobis pararetur. ego  
 autem eum puto facturum, ut præsidia deducat. vice-  
 rit enim, si consul factus erit, & minore scelere vice-  
 rit, quam quo ingressus est. sed accipienda plaga est.  
 sumus enim flagitiose imperati cum a militibus, tum  
 a pecunia; quam quidem omnem, non modo priva-  
 tam, quæ in urbe est, sed etiam publicam, quæ in  
 ærario est, illi reliquimus. Pompejus ad legiones  
 Attianas est profectus: Labienum secum habet. ego  
 tuas opiniones de his rebus exspecto. Formias me  
 continuo recipere cogitabam.

## CICERO ATTICO S.

16

**O**mnes arbitror mihi tuas litteras redditas esse, sed  
 primas præpostere, reliquas ordine, quo sunt  
 missæ, per Terentiam. De mandatis Cæsaris, ad-  
 ventuque Labieni, & responsis consulum ac Pompeji,  
 scripsi ad te litteris iis, quas a. d. v. Kal. Capua dedi:  
 pluraque præterea in eandem epistolam conieci. nunc  
 has expectationes habemus duas: unam, quid Cæsar  
 acturus sit, cum acceperit, ea, quæ referenda ad il-  
 lum data sunt L. Cæsari; alteram, quid Pompejus  
 agat: qui quidem ad me scribit, paucis diebus se fir-  
 mum exercitum habiturum; spemque affert, si in Pi-  
 cenum agrum ipse venerit, nos Romam redituros  
 esse. Labienum secum habet, non dubitantem de  
 imbecillitate Cæsaris copiarum: cujus adventu Cnæus  
 noster multo animi plus habet. Nos a consulibus Ca-  
 puam venire jussi sumus ad Nonas Febr. Capua pro-  
 fectus sum Formias a. d. iii. Kal. eo die cum Calibus  
 tuas litteras hora fere nona accepissem, has statim  
 dedi. De Terentia & Tullia tibi assentior; ad quas  
 scripseram, ad te ut referrent: si nondum profectæ  
 sunt nihil est quod se moveant, quoad perspiciamus,  
 quo loci sit res.

CICE-



**T**uæ litteræ mihi grata jucundæque sunt. De pueris in Græciam transportandis tum cogitabam, cum fuga ex Italia quæri videbatur. nos enim Hispaniam peteremus: illis hoc æque commodum non erat. tu ipse cum Sexto etiam nunc mihi videris Romæ recte esse posse. etenim minime amici Pompejo nostro esse debetis. nemo enim umquam tantum de urbanis præsidii detraxit. videsne me etiam jocari? Scire jam te oportet, L. Cæsar quæ responsa referat a Pompejo, quas ab eodem ad Cæsarem ferat litteras. scriptæ enim & datæ ita sunt, ut proponerentur in publico: in quo accusavi mecum ipse Pompejum, qui, cum scriptor luculentus esset, tantas res, atque eas, quæ in omnium manus venturæ essent, Sextio nostro scribendas dederit. itaque nihil umquam legi scriptum *συνδιδασκον*, perspicere tamen ex litteris Pompeji potest, nihil Cæsari negari, omniaque & cumulate, quæ postulet, dari, quæ ille, amentissimus fuerit, nisi acceperit, præsertim cum impudentissime postulaverit. quis enim tu es, qui dicas, si in Hispaniam profectus erit, si præsidia dimiserit? tamen non conceditur; minus honeste nunc quidem, violata jam ab illo republica, illatoque bello, quam si olim de ratione habenda impetrasset: & tamen vereor, ut his ipsis contentus sit. nam cum ista mandata dedisset L. Cæsari, debuit esse paullo quietior, dum responsa referrentur. dicitur autem nunc esse acerrimus. Trebatius quidem scribit, se ab illo ix. Kal. Febr. rogatum esse, ut scriberet ad me, ut essem ad urbem: nihil ei me gratius facere posse. hæc verbis plurimis. intellexi ex dierum ratione, ut primum de discessu nostro Cæsar audisset, laborare eum cœpisse, ne omnes abessemus. itaque non dubito, quin ad Pisonem, quin ad Servium scripserit illud admiror non ipsum ad me scripsisse, non per Dollabellam, non per Cælium egisse: quamquam non aspernor Trebatii litteras, a quo me unice diligere scio. rescripsi ad Trebatium, (nam ad ipsum Cæsarem, qui mihi nihil scripsisset, nolui,) quam



quam illud hoc tempore esset difficile: me tamen in prædiis meis esse, neque delectum ullum, neque negotium suscepisse. in quo quidem manebo, dum spes pacis erit: sin bellum geretur; non deero officio, nec dignitati meæ, pueros <sup>ut exspectemus</sup> in Græciam. totam enim Italiam flagraturam bello intelligo. tantum mali excitatum partim ex improbis, partim ex invidis civibus. sed hæc paucis diebus ex illius ad nostra responsa responsis intelligentur, quorsum evasura sint. tum ad te scribam plura, si erit bellum: sin autem etiam induciæ, te ipsum, ut spero, videbo. Ego iv. Non. Febr. quo die has litteras dedi, in Formiano, quo Capua redieram, mulieres expectabam: quibus quidem scripseram, tuis litteris admonitus, ut Romæ manerent. sed audio maiorem quandam in urbe timorem esse. Capuæ Non. Febr. esse volebam, quæ consules jusserant. quidquid huc erit a Pompejo allatum, statim ad te scribam: tuasque de istis rebus litteras expectabo.

## CICERO ATTICO S.

18

Quarto Non. Febr. mulieres nostræ Formias venerunt, tuæque erga se officia, plena tui suavissimi studii, attulerunt. eas ego, quoad sciremus, utrum turpi pace nobis, an misero bello esset utendum, in Formiano esse volui, & una Ciceronēs. ipse cum fratre Capuam ad consules (Nonis enim adesse iussi sumus) iii. Non. profectus sum, cum has litteras dedi. Responsa Pompeji grata populo, & probata concioni esse dicuntur. ita putaram. quæ quidem ille si repudiavit, jacebit: si acceperit? Utrum igitur, iniquies, mavis? responderem, si quemadmodum parati essemus, scirem. Cassium, erat hic auditum, expulsus Ancone, eamque urbem a nobis teneri. si bellum futurum est, negotium utile. Cæsarem quidem, L. Cæsare cum mandatis de pace misso, tamen ajunt acerrime delectum habere, loca occupare, vincere præditiis. o perditum latronem! o vix ullo otio compensandam hanc reipublicæ turpitudinem! sed stomachari desinamus, temporari pareamus, cum Pom-



pejo in Hispaniam eamus. hæc opto in malis; quoniam illius alterum consulatum a republica, ne data quidem occasione, repulimus. Sed hæc hætenus. De Dionysio, fugit me ad te antea scribere: sed ita consilui; exspectare responsa Cæsaris, ut, si ad urbem rediremus, ibi nos exspectaret; sin tardius id fieret, tum eum arcefferemus. omnino quid ille facere debuerit in nostra illa fuga, quid docto homine & amico dignum fuerit, cum præsertim rogatus esset, scio. sed hæc non nimis exquiro a Græcis. tu tamen videbis, si erit, quod nolim, arcessendus, ne molesti simus invito. Quintus frater laborat, ut tibi, quod debet, ab Egnatio solvat: nec Egnatio voluntas deest: nec parum locuples est: sed cum tale tempus sit, ut Q. Titinius (multum enim est nobiscum) viaticum se neget habere; idemque debitoribus suis denuntiari, ut eodem fœnore uterentur; atque hoc idem etiam L. Ligus fecisse dicatur; nec hoc tempore aut domi numeros Quintus habeat, aut exigere ab Egnatio, aut versuram usquam facere possit; miratur, te non habuisse rationem hujus publicæ difficultatis. ego autem; etsi illud *ψευδης διουσιος* (ita enim putatur) observo, *μὴδὲ δίκην*, præsertim in te, a quo nihil unquam vidi temere fieri; tamen illius querela movebar. hoc, quidquid est, te scire volui.

19

CICERO ATTICO S.

Nihil habeo, quid ad te scribam. quin etiam epistolam, quam eram elucubraturus, ad te non dedi. erat enim plena spei bonæ; quod & concionis voluntatem audieram, & illum conditionibus usurum putabam, præsertim suis. ecce tibi n. Non. Febr. mane accepi litteras tuas, Philotimi, Furnii, Curationis ad Furnium, quibus irridet L. Cæsaris legationem. plane oppressi videmur: nec, quid consilii capiam, scio: nec mehercule de me laboro: de pueris quid agam, non habeo. Capuam tamen proficiscer hæc scribens, quo facilius de Pompeji rebus cognoscerem.

CICE.



## CICERO ATTICO S.

20

**B**reviloquentem jam me tempus ipsum facit. pacem enim desperavi: bellum nostri nullum administrant. cave enim putes, quidquam esse minoris his consulibus: quorum ego spe audiendi, & cognoscendi nostri apparatus, maximo imbri Capuam veni pridie Nonas, ut eram jussus. illi autem nondum venerant, sed erant venturi, inanes, imparati. Cnaeus autem Luceriae dicebatur esse, & adire cohortes legionum Attianarum, non firmissimarum. at illum ruere nuntiant, & jam jamque adesse, non ut manum conferat, (quicum enim?) sed ut fugam intercludat. Ego autem in Italia καὶ συνανθωγεν, nec te id consulo. sin extra, quid ago? ad manendum hiems, lictores, improvidi & negligentes duces; ad fugam hortatur amicitia Cnæi, causa bonorum, turpitudine conjungendi cum tyranno: qui quidem incertum est, Phalarimne an Pisistratum sit imitaturus. Hæc velim explices, & me juves consilio. etsi te ipsum istic jam calere puto. sed tamen quantum poteris. ego si quid hic hodie novi cognoro, scies. jam enim aderunt consules ad suas Nonas. Tuas quotidie litteras expectabo. ad has autem, cum poteris, rescribes. Mulieres & Cicerones in Formiano reliqui.

## CICERO ATTICO S.

21

**D**e malis nostris tu prius audis, quam ego. istine enim emanant. boni autem hinc quod expectes, nihil est. Veni Capuam ad Nonas Febr. ita ut jusserrant consules. eo die Lentulus venit fero: alter consul omnino non venerat vii. Idus. eo enim die ego Capua discessi, & mansi Calibus. inde has litteras postidie ante lucem dedi. hæc, Capuæ dum fui, cognovi: nihil in consulibus, nullum usquam delectum. nec enim conquisitores φινεπροσώπων audent; cum ille adsit contra; cum noster dux nusquam sit, nihil agat: nec nomina dant. deficit enim non voluntas, sed spes. Cnaeus autem noster (o rem miseram & incredibilem!) ut totus jacet! non animus est, non consilium, non



copiæ, non diligentia. mittam illa, fugam ab urbē turpissimam, timidissimas in oppidis conciones, ignorantem non solum adversarii, sed etiam suarum copiarum. hoc cuiusmodi est? vii. Id. Febr. Capuam C. Cassius tribunus plebis venit, attulit mandata ad consules, ut Romam venirent, pecuniam de sanctiore ærario auferrent, statim exirent urbe relicta. redeant: quo præsidio? deinde exeant: quis sinat? Consul et rescripsit, ut prius ipse in Picenum. at illud totum erat amissum: sciebat nemo præter me ex litteris Dolabellæ. mihi dubium non erat, quin ille jam jamque foret in Apulia: Cnæus noster in navi. ego quid agam, ~~οὐκ ἔχω~~ magnum: neque mehercule mihi quidem ullum, nisi omnia essent acta turpissime, neque ego ullius consilii particeps. sed tamen, quod me deceat, ipse me Cæsar ad pacem hortatur. sed antiquiores litteræ, quam ruere cœpit. Dolabella, Cælius, me illi valde satisfacere. mira me ~~απορῶ~~ torquet. iuva me consilio, si potes: & tamen ista, quantum potes, provide. nihil habeo, tanta rerum perturbatione, quod scribam. tuas litteras exspecto.

## 22

## CICERO ATTICO S.

**P**edem in Italia video nullum esse, qui non in istius potestate sit. De Pompejo scio nihil; eumque, nisi in navim se contulerit, exceptum iri puto. o celeritatem incredibilem! huius autem nostri! sed non possum sine dolore accusare eum, de quo angor & crucior. Tu eadem non sine causa times: non quominus quidquam Cæsari expediat ad diuturnitatem victoriæ & dominationis: sed video, quorum arbitrio sit acturus. recte sit. censeo cedendum de oppidis his. ego consilii. quod optimum factu videbitur, facies. cum Philotimo loquere: atque adeo Terentiam habebis Idibus. Ego quid agam? qua aut terra, aut mari persequar eum, qui ubi sit, nescio? etsi terra quidem qui possum? mari quo? tradam igitur isti me? fac posse tuto. multi enim hortantur. num etiam honeste? nullo modo. quid? a te petam consilium, ut soleo?



soleo? explicari res non potest. sed tamen, si quid in mentem venit, velim scribas, & ipse quid sis acturus.

## CICERO ATTICO S.

23

Quinto Id. Feb. vesperi a Philotimo litteras accepi, Domitium exercitum firmum habere; cohortes ex Piceno, Lentulo & Thermo ducentibus, cum Domitii exercitu conjunctas esse; Cæsarem intercludi posse, eumque id timere; bonorum animos recreatos Romæ, improbos quasi percussos. Hæc, metuo equidem, ne sint somnia: sed tamen M'. Lepidum, L. Torquatum, C. Cassium tribunum plebis, (hi enim sunt nobis cum, id est, in Formiano,) Philotimi litteræ ad vitam revocarunt. ego autem illa metuo ne veriora sint, nos omnes pane jam captos esse, Pompejum Italia cedere: quem quidem (o rem acerbam!) persequi Cæsar dicitur. persequi Cæsar Pompejum? quid? ut interficiat? o me miserum! & non omnes nostra corpora opponimus? in quo tu quoque ingemiscis. sed quid faciamus? victi, oppressi, capti plane sumus. Ego tamen, Philotimi litteris lectis, mutavi consilium de mulieribus: quas, ut scripseram ad te, Romam remittebam: sed mihi venit in mentem, multum fore sermonem, me iudicium jam de causâ publica fecisse, qua desperata, quasi hunc gradum me reditus esse, quod mulieres revertissent. De me autem ipso tibi assentior, ne me dem incesâ & periculosa fugæ; cum reipublicæ nihil prosim, nihil Pompejo; pro quo emori cum pie possum, tum lubenter. manebo igitur: etsi vivere. Quod quæris, hic quid agatur: tota Capua, & omnis hic delectus jacet. desperata res est; in fuga omnes sunt: nisi quid ejusmodi fuerit, ut Pompejus istas Domitii copias cum suis jungat. sed videbamur omnia biduo triduove scituri. Cæsaris litterarum exemplum tibi misi: rogaras enim; cui nos valde satisfacere, multi ad me scripserunt: quod patior facile, dum, ut adhuc, nihil faciam turpiter.



**P**hilotimi litteræ me quidem non nimis, sed eos, qui in his locis erant, admodum delectarunt. ecce postridie Cassio litteræ Capuæ, a Lucretio, familiari ejus, Nigidium a Domitio Capuam venisse; eum dicere, Vibullium cum paucis militibus e Piceno currere ad Cnæum, confestim sequi Cæsarem, Domitium non habere militum III. millia. idem scripsit, consules Capua discessisse. non dubito, quin Cnæus in fuga sit; modo effugiat. a consilio fugiendi, ut tu censes, absum.

**C**um dedissem ad te litteras tristes, & metuo ne veras, de Lucretii ad Cassium litteris Capua missis; Cephalio venit a vobis, attulit etiam a te litteras hilariores, nec tamen firmas, ut soles. omnia facilius credere possum, quam quod scribitis, Pompejum exercitum habere. nemo huc ita affert, omniaque, quæ nolim. o rem miseram! malas causas semper obtinuit, in optima concidit. quid dicam? nisi, illud eum scripsisse; neque enim erat difficile: hoc nescisse. erat enim ars difficilis, recte rempublicam regere. Sed jam jamque omnia sciemus, & scribemus ad te statim.

**N**on venit idem usu mihi, quod tu tibi scribis: *quoties exorior?* ego enim nunc paulum exorior, & maxime quidem iis litteris, quæ Roma afferuntur, de Domitio, de Picentium cohortibus. omnia erant facta hoc biduo lætiora. itaque fuga, quæ parabatur, repressa est. Cæsaris interdicta,

*Si te secundo limine hic offendero,*

respuuntur. Bona de Domitio, præclara de Afranio fama est. Quod me amicissime admones, ut  
me



me integrum, quoad possim, servem; gratum est. Quod addis, ne propensior ad turpem causam videar; certe videri possum. ego me ducem in civili bello, quoad de pace ageretur, negavi esse; non quin rectum esset; sed quia, quod multo rectius fuit, id mihi fraudem tulit. plane eum, cui Cnæus noster alterum consulatum deferret & triumphum: at quibus verbis? pro suis rebus gestis amplissimis; inimicum habere nolueram. ego scio, & quem metuum, & quam ob rem. sin erit bellum, ut video fore; partes meæ non desiderabuntur. De H-S millib. xx. Terentia tibi rescripsit. Dionysio, dum existimabam vagos nos fore, nolui molestus esse. tibi autem, crebro ad me scribenti de ejus officio, nihil rescripsi: quod diem ex die expectabam, ut statuerem, quid esset faciendum. nunc, ut video, pueri certe in Formiano videntur hiematuri: num & ego, nescio. si enim erit bellum, cum Pompejo esse constitui. quod habebō certi, faciam, ut scias. ego bellum fœdissimum futurum puto; nisi qui, ut tu scis, Parthicus casus exstiterit.







M. TULLII CICERONIS  
EPISTOLARUM

A D

ATTICUM,  
LIBER VIII.

ARGUMENTUM.

*Scriptæ sunt libri hujus epistolæ Consulibus item L. Cornelio Lentulo & C. Claudio Marcello; contineturque historiæ dierum xvi, Pompeji videlicet Pompejanorumque trepidationem: curam in delectu habendo: gesta à Cesare in Piceno, & in Pelignis ad Corfinium; Domitii, Domitianorumque deditiōem; sollicitudinem Ciceronis, aut potius astum, Atticum consulentis, si Pompejus Italia excedat, quid sibi faciendum sit: navigandumne cum illo, an in suis prædiis manendum: & multa in utramque partem disputantis.*

I CICERO ATTICO S.

Cum ad te litteras dedissem, redditæ mihi litteræ sunt a Pompejo. cetera de rebus in Piceno gestis, quæ ad se Vibullius scripsisset; de delectu Domitii; quæ sunt vobis nota; nec tamen tam lata erant in his litteris, quam ad me Philotimus: (ipsam tibi epistolam misissem; sed subito fratris puer proficiscebatur: cras igitur mittam:) sed in ea Pompeji epistola erat in extremo, ipsius manu: Tu, censeo, Luceriam venias: nusquam eris iustius. Id ego in eam partem



partem accepi; hæc oppida atque oram maritimam illum pro derelicto habere: nec sum miratus, eum, qui caput ipsum reliquisset, reliquis membris non parcere. Ei statim rescripsi, hominemque certum mihi de comitibus meis, non me quærere, ubi tutissime essem: si me vellet sua aut reipublicæ causa Luceriam venire, statim esse venturum: hortatusque sum, ut oram maritimam retineret, si rem frumentariam sibi ex provinciis suppeditari vellet. hoc me frustra scribere videbam. sed uti in urbe retinenda tunc, sic nunc in Italia non relinquenda testificabar sententiam meam. sic enim parari video, ut Luceriam omnes copiarum contrahantur: & ne is quidem locus stabilis, sed ex eo ipso, si urgeamur, paretur fuga. quo minus mirere, si invitus in eam causam descendo, in qua neque pacis, neque victoriæ ratio quæsitæ sit unquam, sed semper flagitiosæ & calamitosæ fugæ. Eundemque ut, quemcumque fors tulerit casum, subeam potius cum iis, qui dicuntur esse boni, quam videar a bonis dissentire. etsi propediem video bonorum, id est, lautorum & locupletium, urbem refertam fore, municipiis vero his relictis, refertissimam. quo ego in numero essem, si hos hostes molestissimos non haberem. nec me M. Lepidi, L. Volcatii, Ser. Sulpicii comitum pœniteret; quorum nemo nec stultior est, quam L. Domitius, nec inconstantior, quam App. Claudius. Unus Pompejus me movet, beneficio, non auctoritate. quam enim ille habeat auctoritatem in hac causa, qui, cum omnes Cæsarem metuebamus, ipse eum diligebat? postquam ipse metuere cepit, putat omnes hostes illi oportere esse? Ibimus tamen Luceriam: nec eum fortasse delectabit noster adventus. dissimulare enim non potero, mihi, quæ adhuc acta sunt, displicere. Ego si somnum capere possem, tam longis de epistolis non obtunderem. tu, si tibi eadem causa est, me remunerere sane velim.



**M**ihi vero omnia grata; & quod scripsisti ad me, quæ audieras; & quod non credidisti, quæ digna diligentia mea non erant; & quod monuisti, quod sentiebas. Ego ad Cæsarem unas Capua litteras dedi, quibus ad ea rescripsi, quæ mecum ille de gladiatoribus suis egerat, breves, sed benivolentiam significantes, non modo sine contumelia, sed etiam cum maxima laude Pompeji. id enim illa sententia postulabat, qua illum ad concordiam hortabar. eas si quo ille misit, in publico proponat velim. Alteras eodem die dedi, quo has ad te. non potui non dare, cum & ipse ad me scripsisset, & Balbus. earum exemplum ad te misi. Nihil arbitror fore, quod reprehendas. si qua erunt, doce me, quo modo ea effugere possim. Nihil, inquires, omnino scripseris. qui magis effugas eos, qui volent fingere? verumtamen ita faciam, quoad fieri poterit. Nam quod me hortaris ad memoriam factorum, dictorum, scriptorum etiam meorum; facis amice tu quidem, mihi que gratissimum: sed mihi videris aliud tu honestum meque dignum in hac causa judicare, atque ego existimem. mihi enim nihil ulla in gente umquam, ab ullo auctore reipublicæ ac duce, turpius factum esse videtur, quam a nostro amico factum est: cujus ego vicem doleo: qui urbem reliquit, id est patriam; pro qua & in qua mori præclarum fuit. Ignorare mihi videris, hæc quanta sit clades. es enim etiam nunc domi tuæ. sed, invitis perditissimis hominibus, esse diutius non potes. hoc miserius, hoc turpius quidquam? vagamur egentes cum conjugibus & liberis. in unius hominis, quotannis periculose ægrotantis, anima positas omnes nostras spes habemus, non expulsi, sed evocati e patria; quam non servandam ad reditum nostrum, sed diripiendam & inflammandam reliquimus. ita multi nobiscum sunt, non in suburbanis, non in hortis, non in ipsa urbe: & si nunc sunt, non erunt. nos interea, ne Capuæ quidem, sed Luceriæ: & oram quidem maritimam jam relinquemus; Afranium expectabimus,

&



& Petrejum. nam in Labieno parum est dignitatis. Hic tu in me illud; des, id feras. nihil de me dico; alii viderint. hic quidem quæ est? domi vestræ estis, & eritis omnes boni. quis tum se mihi non ostendit? quis nunc adest hoc bello? sic enim jam appellandum est. Vibulii res gestæ sunt adhuc maximæ. id ex Pompeii litteris cognoscas: in quibus animadvertito illum locum, ubi erit *dictum*, videbis, de Cnæo nostro ipse Vibullius quid existimet. Quo igitur hæc spectat oratio? ego pro Pompejo lubenter emori possum. facio pluris omnium hominum neminem. sed non ita uno in eo judico spem de salute reipublicæ. significas enim aliquanto secus, quam solebas: ut etiam, Italia, si ille cedat, putes cedendum. Quod ego nec reipublicæ puro esse utile, nec liberis meis: præterea neque rectum, neque honestum. sed cur? poterisne igitur videre tyrannum? quasi intersit, audiam an videam, aut locupletior mihi sit quærendus auctor, quam Socrates; qui, cum xxx. tyranni essent, pedem porta non extulit. Est mihi præterea præcipua causa manendi: de qua utinam aliquando tecum loquar! Ego xiii. Kalend. cum eadem lucerna hac epistolam scripsissem, qua inflammaram tuam, Formiis ad Pompejum, si de pace agetur, profecturus; si de bello, quid ero?

## CICERO ATTICO S.

3

**M**aximis & miserrimis rebus perturbatus, cum coram tecum mihi potestas deliberandi non esset, uti tamen tuo consilio volui. Deliberatio autem omnis hæc est: si Pompejus Italia cedat, quod eum fatidurum esse suspicor, quid mihi agendum putes: & quo facilius consilium dare possis; quid in utramque partem mihi in mentem veniat, explicabo brevi. Cum merita Pompeji summa erga salutem meam, familiaritasque, quæ mihi cum eo est, tum ipsa reipublicæ causa me adducit, ut mihi vel consilium meum cum illius consilio, vel fortuna [cum fortuna] conjungenda esse videatur. Accedit illud: si maneo, & illum commitatum optimorum & clarissimorum civium defero, cadem-



cadendum est in unius potestatem: qui, etsi multis rebus significat se nobis esse amicum, & ut esset, a me est (tute scis) propter suspicionem hujus impendentis tempestatis multo ante provisum: tamen utrumque considerandum est, & quanta fides ei sit habenda; & si maxime exploratum, eum nobis amicum fore, sitne viri fortis & boni civis, esse in ea urbe, in qua cum summis honoribus imperiisque usus sit, res maximas gesserit, sacerdotio sit amplissimo præditus, non futurus sit sui juris, subeundumque periculum sit, cum aliquo forte dedecore, quando Pompejus rempublicam recuperarit. In hac parte hæc sunt. vide nunc, quæ sint in altera. Nihil actum est a Pompejo nostro sapienter, nihil fortiter; addo etiam, nihil nisi contra consilium auctoritatemque meam. omitto illa vetera, quod istum in rempublicam ille aluit, auxit, armavit: ille legibus per vim & contra auspicia ferendis auctor: ille Galliæ ulterioris adjunctor: ille gener: ille in adoptando P. Clodio augur: ille restituendi mei, quam retinendi, studiosior: ille provinciæ propagator: ille absentis in omnibus adjutor: idem etiam tertio consulatu, postquam esse defensor reipublicæ cœpit, contendit, ut decem tribuni plebis ferrent, ut absentis ratio haberetur: quod idem ipse sanxit lege quadam sua; Marcoque Marcello consuli, finienti provinciis Galliis Kal. Mart. restitit. Sed, ut hæc omittam, quid fœdus quid perturbatius hoc ab urbe discessu, sive potius turpissima fuga? quæ conditio non accipienda fuit potius, quam relinquenda patria? malæ conditiones erant, fateor: sed num quid hoc pejus? At recuperabit rempublicam. quando? aut quid ad eam spem est parati? non ager Picenus amissus? non patefactum iter ad urbem? non pecunia omnis & publica & privata adversario tradita? denique nulla causa, nullæ vires, nulla sedes, quo concurrant, qui rempublicam defensionem velint. Apulia delecta est, inanissima pars Italiæ, & ab impetu hujus belli remotissima: fuga & maritima opportunitas visa quæri desperatione. invite cepi Capuam, non quo munus illud defugerem, sed sic ne causam, in qua nullus esset



set ordinum, nullus apertus privatorum dolor: bonorum autem esset, aliquis, sed hebes, ut solet; &, ut ipse sensissem: multitudo & infimus quisque propensus in alteram partem, multi mutationis rerum cupidus. Dixi ipsi, me nihil suscepturum sine praesidio & sine pecunia. itaque habui nihil omnino negotii; quod ab initio vidi, nihil quaeri praeter fugam. Eam si nunc sequor, quonam? Cum illo non: ad quem cum essem profectus, cognovi in iis locis esse Casarem, ut tuto Luceriam venire non possem. infero mari nobis, incerto cursu, hieme maxima navigandum est. Age jam, cum fratre, an sine? cum filio, aut quomodo? in utraque enim resumma difficultas erit, summus animi dolor. Qui autem impetus illius erit in nos absentes fortunasque nostras? acrior, quam in ceterorum: quod putabit fortasse, in nobis violandis aliquid se habere populare. Age jam, has compedes, fasces, inquam, hos laureatos efferre ex Italia, quam molestum est? Qui autem locus erit nobis tutus, (ut jam placatis utamur fluctibus,) antequam ad illum venerimus? qua autem, aut quo, nihil scimus. At si restitero, & fuerit nobis in hac parte locus; idem fecero, quod in Cinnæ dominatione Philippus, quod L. Flaccus, quod Q. Mucius, quoquo modo ea res huic quidem cecidit; qui tamen ita dicere solebat, se id fore, videre, quod factum est; sed malle, quam armatum ad patriæ mœnia accedere. aliter Thrasybulus, & fortasse melius. sed est certa quædam illa Mucii ratio atque sententia: est illa etiam Thrasybuli; &, cum sit necesse, servire tempori, & non amittere tempus, cum sit datum. Sed in hoc ipso habent tamen iidem fasces molestiam. sit enim nobis amicus, quod incertum est: sed sit; deferret triumphum. non accipere periculosum sit, an accipere invidiosum ad bonos? o rem, inquis, difficilem & inexplicabilem! atque explicanda est. qui enim fieri potest? ac ne me existimaris ad manendum esse propensio-rem, quod plura in eam partem verba fecerim: potest fieri, quod sit in multis quæstionibus, ut res verbosior hæc fuerit, illa verior. quamobrem, ut ma-  
xima



xima de re, æquo animo deliberanti, ita mihi des consilium velim. Navis & in Cajeta est parata nobis & Brundisii. sed ecce nuntii, scribente me hæc ipsa noctu in Caleno, ecce litteræ, Cæsarem ad Corfinium, Domitium Corfinii cum firmo exercitu, & pugnare cupiente. non puto etiam hoc Cnæum nostrum commissurum, ut Domitium relinquat: et si Brundisium Scipionem cum cohortibus duabus præmiserat; legionem Fausto conscriptam, in Siciliam sibi placere a consule duci, scripserat ad consules. Sed turpe Domitium deserere erit, implorantem ejus auxilium. Est quædam spes, mihi quidem non magna, sed in his locis firma, Afranium in Pirenæo cum Trebonio pugnasse, pulsus Trebonium, etiam Fabium tuum transisse cum cohortibus: summa autem, Afranium cum magnis copiis adventare. id si est, in Italia fortasse manebitur. Ego autem, cum esset incertum iter Cæsaris, quod vel ad Capuam, vel ad Luceriam iturus putabatur, Leptam ad Pompejum misi & litteras; ipse, ne quo inciderem, reverti Formias. Hæc te scire volui, scripsi que sedatiore animo, quam proxime scripseram, nullum meum judicium interponens, sed exquirens tuum.

4

## CICERO ATTICO S.

**D**ionysius quidem tuus potius, quam noster, cujus ego cum satis cognossem mores, tuo tamen potius stabam judicio, quam meo, ne tui quidem testimonii, quod ei sæpe apud me dederas, veritus, superbum se præbuit in fortuna, quam putavit nostram fore: cujus fortunæ nos, quantum humano consilio effici poterit, motum ratione quadam gubernabimus. cui, qui noster honos, quod obsequium, quæ etiam ad ceteros contempti cujusdam hominis commendatio defuit? ut meum judicium reprehendi a Quinto fratre, vulgoque ab omnibus mallet, quam illum non efferre laudibus; Ciceronesque nostros meo potius labore subdoceri, quam me aliumvis magistrum querere. ad quem ego quas litteras, dii immortales! miseram? quantum honoris significantes? quantum amoris?



ris? Dicæarchum mehercule, aut Aristoxenum diceres arcessi, non unum omnium loquacissimum & minime aptum ad docendum. sed est memoria bona. me dicet esse meliore. quibus litteris ita respondit, ut ego nemini, cuius causam non reciperem. semper enim, *si potero; si ante suscepta causa non impediatur*. numquam reo cuiquam, tam humili, tam fordido, tam nocenti, tam alieno, tam præcise negavi, quam hic mihi. plane sine ulla exceptione præcidit. nihil cognovi ingratius: in quo vitio nihil mali non inest. Sed de hoc nimis multa. Ego navem paravi: tuas litteras tamen exspecto; ut sciam, quid respondeant consultationi meæ. Sulmone C. Attium Pelignum aperuisse Antonio portas, cum essent cohortes quinque, Q. Lucretium inde effugisse, scis; Cnæum ire Brundisium desertum. confecta res est.

## CICERO ATTICO S.

5

Cum ante lucem iix. Kal. litteras ad te de Dionysio dedissem, vesperi ad nos eodem die venit ipse Dionysius, auctoritate tua permotus, ut suspicor. quid enim putem aliud? etsi solet eum, cum aliquid furiose fecit, pænitere. numquam autem certior fuit, quam in hoc negotio. nam, quod ad te non scripseram, postea audiui, a tertio miliario tum eum *ῥηψας*

Πολλὰ μὲν κεραισάν 'ες ἡμέρα θυμηναντα

multa, inquam, mala eum dixisse; suo capiti, ut ajunt. sed o meam mansuetudinem! Conjeceram in fasciculum una cum tua vehementem ad illum epistolam: hanc ad me referri volo; nec ullam ob aliam causam Pollicem, servum a pedibus meis, Romam misi. eo autem ad te scripsi, ut, si tibi forte reddita esset, mihi curares referendam; ne in illius manus perveniret. Novi si quid esset, scripsissem: pendeo animi expectatione Corfiniensi; in qua de salute reipublicæ decernitur. Tu fasciculum, qui est *DES M. CURIO* inscriptus, velim cures ad eum perferendum; Tironemque Curio commendes; ut ei, ut petii, si quid opus erit in sumtum, eroget.

CICE-



**O**bsignata jam epistola, quam de nocte daturus eram, sicut dedi, (nam eam vesperi scripseram.) C. Sossius prætor in Formianum venit ad M'. Lepidum, vicinum nostrum, cujus quæstor fuit; Pompeji litterarum ad consulem exemplum attulit.

*Litteræ mihi a L. Domitio a. d. XIII. Kalend. Mart. allatæ sunt: earum exemplum infra scripsi. nunc, ut ego non scribam, tua sponte te intelligere scio, quanti reipublicæ intersit, omnes copias in unum locum primo quoque tempore convenire. tu, si tibi videbitur, dabis operam, quamprimum ad nos venias. præsidii Capuæ, quantum constitueritis esse satis, relinquant.*

Deinde supposuit exemplum epistolæ Domitii, quod ego ad te pridie miseram. Dii immortales, qui me horror perfudit! quam sum sollicitus, quidnam futurum sit? hoc tamen spero, magnum nomen imperatoris fore, magnum in adventu terrorem. spero etiam, quoniam adhuc nihil nobis obfuit, nihil mutasse: nec tegentia hoc, quod cum fortiter & diligenter, tum etiam hercule. modo enim audiui, quantanam a te discessisse. moriar, si magis gauderem, si id mihi accidisset. Piliæ dic, non esse æquum, eam diutius habere, nec id esse vestræ concordia. Tironem nostrum ab altera relatum audio. sed eum video in sumtum ab aliis mutuatum. ego autem Curium nostrum, si quid opus esset, rogaram. malo Tironis verecundiam in culpa esse, quam illiberalitatem Curii.

**U**num etiam restat amico nostro ad omne dedecus, ut Domitio non subveniat, at nemo dubitat, quin subsidio venturus sit. ego non puto. deseret igitur talem civem, & eos, quos una scis esse? cum habeat præsertim & ipse cohortes xxx? nisi me omnia fallunt, deseret. incredibiliter pertimuit. nihil spectat, nisi fugam: cui tu (video enim quid sentias) me comitem putas debere esse. Ego vero, quem fugiam, habeo;



habeo; quem sequar, non habeo. quod enim tu meum laudas, & memorandum dicis, malle, quod dixerim, me cum Pompeio vinci, quam cum istis vincere: ego vero malo, sed cum illo Pompeio, qui tum erat, aut qui mihi esse videbatur; cum hoc vero, qui ante fugit, quam scit, aut quem fugiat, aut quo, qui nostra tradidit, qui patriam reliquit, Italiam relinquit, si malui; contigit; victus sum. quod superest, nec illa videre possum, quæ numquam timui, ne viderem; nec mehercule istum, propter quem mihi non modo meis, sed memet ipso carendum est. Ad Philotimum scripsi de viatico, sive a Moneta, (nemo enim solvit,) sive ab Oppiis, tuis contubernalibus. cetera apposita tibi mandabo.

## CICERO ATTICO S.

8

**O** rem turpem, & ea re miseram! sic enim sentio, id demum, aut potius id solum esse miserum, quod turpe sit. Aluerat Cæsarem: eundem repente timere cœperat: conditionem pacis nullam probarat: nihil ad bellum pararat: urbem reliquerat: Picenum amiserat culpa; in Apuliam se compegerat: ibat in Græciam: omnes nos ἀπροσφάντες, expertes sui tanti, tam inusitati consilii, relinquebat. ecce subito litteræ Domitii ad illum, ipsius ad consules. fulsisse mihi videbatur το καλον ad oculos ejus, & exclamasse ille vir, qui esse debuit,

Προς τεδ' ὁ, τι χρεῖ, καὶ παλαμασθῶ,

Καὶ πάντ' ἐπ' ἐμοὶ τεκταίνεσθαι.

Το γὰρ ἐν μετ' ἐμοῦ.

at ille tibi, πολλά χαίρειν τῷ καλῷ dicens, pergit Brundisium. Domitium autem ajunt, re audita, & eos, qui una essent, se tradidisse. o rem lugubrem! itaque intercludor dolore, quo minus ad te plura scribam. tuas litteras exspecto.

## CICERO ATTICO S.

9

**E**pistolam meam quod pervulgatam scribis esse, non fero moleste. quin etiam ipse multis dedi descri-

Cic. Epist. Tom. II.

O

ben-



bendam. ea enim & acciderunt jam & impendent, ut testatum esse velim, de pace quid senserim. cum autem ad eam hortarer, eum præsertim hominem, non videbar ullo modo facilius moturus, quam si id, quod eum hortarer, covenire ejus sapientiæ dicerem. eam si admirabilem dixi, cum eum ad salutem patriæ hortabar; non sum veritus, ne viderer assentari; cui tali in re lubentur me ad pedes abjecissem. Qua autem est, *aliquid imperias temporis*; non est de pace, sed, de me ipso, & de meo officio, ut aliquid cogitet. Nam quod testificor, me expertem belli fuisse; etsi id re perspectum est, tamen eo scripsi, quo in suadendo plus auctoritatis haberem; eodemque pertinet, quod causam ejus probo. Sed quid hæc nunc? utinam aliquid profectum esset! næ ego istas litteras in concione recitari velim; si quidem ille ipse ad eundem scribens in publico proposuit epistolam illam, in qua est, *pro tuis rebus gestis amplissimis*: amplioribusne, quam suis, quam Africani? ita tempestas ferebat. si quidem etiam vos duo tales ad quintum milliarium: quid, nunc ipsum, unde se recipienti? quid agenti? quid acturo? quanto autem ferocius illæ causæ suæ confidet, cum vos, cum vestri similes non modo frequentes, sed læto vultu gratulantes viderit? Num igitur peccamus? minime vos quidem. sed tamen signa conturbantur, quibus voluntas a simulatione distingui posset. Quæ vero senatus consulta video? sed apertius, quam proposueram. Ego Arpini volo esse pridie Kal. deinde circum villulas nostras errare, quas visurum me postea desperavi. *εὐχρη* tua consilia, & tamen pro temporibus non incauta, mihi valde probantur. Lepido quidem (nam fere *οὐδὲν ὑπερβουμένον* quod gratissimum illi est) numquam placuit ex Italiæ exire, Tullo multo minus. crebro enim illius litteræ ab aliis ad nos comment. sed me illorum sententiæ minus movebant. minus multa dederant illi reipublicæ pignora. tua mehercule auctoritas vehementer movet. avert enim & reliqui temporis recuperandi rationem, & præsentis tuendi. sed, obsecro te, quid hoc miserius, quam alterum plausus in fœdissima causâ  
quæ-



querere, alterum offensiones in optima? alterum exilium conservatorem inimicorum, alterum desertorem amicorum? Et mehercule quamvis amemus Cnæum nostrum, ut & facimus, & debemus; tamen hoc, quod talibus viris non subvenit; laudare non possum. nam sive timuit; quid ignavius? sive, ut quidam putant, meliorem suam causam illorum cædere putavit; quid injustius? Sed hæc omittamus. augemus enim dolorem retractando. vi. Kal. vesperi Balbus minor ad me venit, occulta via currens ad Lentulum consulem, missu Cæsaris, cum litteris, cum mandatis, cum promissione provinciæ, Romanam ut redeat; cui persuaderi posse non arbitror, nisi erit conventus. idem aiebat, nihil malle Cæsarem, quam ut Pompejum assequeretur: id credo: & rediret in gratiam: id non credo; & metuo, ne omnis hæc clementia ad unam illam crudelitatem colligatur. Balbus quidem major ad me scribit, nihil malle Cæsarem, quam principe Pompejo sine metu vivere. tu puto hæc credis. sed, cum hæc scribebam v. Kalend. Pompejus jam Brundisium venisse poterat. expeditus enim antecesserat legiones Luceria. sed hoc <sup>regis</sup> horribili vigilantia, celeritate, diligentia est. plane, quid futurum sit, nescio.

## CICERO ATTICO S.

10

**D**ionysius cum ad me præter opinionem meam venisset, locutus sum cum eo liberalissime; tempora exposui: rogavi, ut diceret, quid haberet in animo: me nihil ab ipso invito contendere. respondit, se, quod in numis haberet, nescire quo loci esset: alios non solvere, aliorum diem nondum esse, dixit. etiam alia quædam de servulis suis, quare nobiscum esse non posset. morem gessi: dimisi a me, ut magistrum Ciceronum, non lubenter; ut hominem ingratum, non invitum. Volui te scire, quid ego de ejus facto judicarem.



**Q**uod me magno animi motu perturbatum putas; sum equidem, sed non tam magno, quam tibi fortasse videor. Levatur enim omnis cura, cum aut constitit consilium, aut cogitando nihil explicatur. lamentari autem licet. illud tamen totos dies. sed vereor, ne, nihil cum proficiam, etiam dedecori sim studiis ac litteris nostris. consumo igitur omne tempus, considerans, quanta vis sit illius viri, quem nostris libris satis diligenter, ut tibi quidem videmur, expressimus. Tenesne igitur, moderatorem illum reipublicæ quo referre velimus omnia? nam sic quinto, ut opinor, in libro loquitur Scipio: *Ut enim gubernatori cursus secundus, medico salus, imperatori victoria; sic huic moderatori reipublicæ beata civium vita proposita est; ut opibus firma, copiis locuples, gloria ampla, virtute honesta sit. hujus enim operis, maximi inter homines atque optimi, illum esse perfectorem volo.* Hoc Cnæus noster cum antea numquam, tum in hac causa minime cogitavit. dominatio quæsitæ ab utroque est: non id actum, beata & honesta civitas ut esset. Nec vero ille urbem reliquit, quod eam tueri non posset; nec Italiam, quod ea pelleretur: sed hoc a primo cogitavit, omnes terras, omnia maria movere, reges barbaros incitare, gentes feras armatas in Italiam adducere, exercitus conficere maximos. genus illud Sullani regni jampridem appetitur, multis, qui una sunt, cupientibus. An censes, nihil inter eos convenire, nullam passionem fieri potuisse? hodie potest. sed neutri σκοπος est ille, ut nos beati simus; uterque regnare vult. Hæc, a te invitatus, breviter exposui. voluisti enim me, quid de his malis sentirem, ostendere προδειχῆναι igitur, noster Attice, non ariolans, ut illa, cui nemo credidit, sed conjectura propiciens;

*Famque mari magno.*

non multo inquam secus possum vaticinari: tanta malorum impendet *ἰκτα* atque hoc nostra gravior est causa,



causa, qui domi sumus, quam illorum, qui una transferunt, quod illi quidem alterum metuunt, nos utrumque. cur igitur, inquis, remansimus? vel tibi paruimus; vel non occurrimus; vel hoc fuit rectius. conculcari, inquam, miseram Italiam videbis proxima æstate, & quati utriusque vi, mancipiis ex omni genere collectis: nec tam irruptio pertimescenda, quæ Luceriæ multis sermonibus denuntiata est, quam universæ interitus: tantas in configendo utriusque vires video futuras. Habes conjecturam meam. tu autem consolationis fortasse aliquid expectasti: nihil invenio; nihil fieri potest miserius, nihil perditius, nihil fœdus. Quod quæris, quid Cæsar ad me scripserit; quod sæpe: gratissimum sibi esse, quod quierim: oratque, in eo ut perseverem. Balbus minor hæc eadem mandata. iter autem ejus erat ad Lentulum consulem cum litteris Cæsaris, præmiorumque promissis, si Romam revertisset. verum, cum habeo rationem dierum, ante puto transmissurum, quam potuerit conveniri. Epistolarum Pompeji duarum, quas ad me misit, negligentiam, meamque in rescribendo diligentiam volui tibi notam esse. earum exempla ad te misi. Cæsar hic per Apuliam ad Brundisium cursus quid efficiat, exspecto. utinam aliquid simile Parthicis rebus! simul aliquid audiero, scribam ad te. tu ad me velim bonorum sermones. Romæ frequentes esse dicuntur. scio equidem te in publicum non prodire. sed tamen, audire te multa, necesse est. Memini librum tibi afferri a Demetrio Magnete (ad te missum scio) *περί ορνοκρασίας*, eum mihi velim mittas. vides, quam causam mediter.

CN. MAGNUS PROCOS. S. D. M. CICERONI IMP.

Quintus Fabius ad me venit a. d. iv. Kalend. Febr. is nuntiat L. Domitium cum suis cohortibus xi, & cohortibus xiv, quas Vibullius adduxit, ad me iter habere: habuisse in animo proficisci Corfinio, a. d. v. Id. Febr. C. Hirrum cum v. cohortibus subsequi.



qui. cenſeo, ad nos Luceriam venias. nam te hic tuſſime puto fore.

M. CICERO IMP. S. D. CN. MAGNO  
PROCOS.

**A**d. xv. Kalend. Mart. Formiis accepi tuas litteras: ex quibus ea, quæ in agro Picensi geſta erant, cognovi commodiora eſſe multo, quam ut erat nobis nuntiatum; Vibullique virtutem, induſtriamque libenter agnovi. Nos adhuc in ea ora ubi propoſiti ſumus, ita fuimus, ut navem paratam haberemus. ea enim audiebamus, & ea verebamur, ut, quodcumque tu conſilium præcepiſſes, id nobis perſequendum putaremus. nunc, quoniam auctoritate & conſilio tuo in ſpe firmiore ſumus; ſi teneri poſſe putas Tarracinam, & oram maritimam, in ea manebo: eſſi præſidia in oppidis nulla ſunt. nemo enim noſtri ordinis in his locis eſt præter M. Eppium, quem ego Minturnis eſſe volui, vigilantem hominem & induſtrium. nam L. Torquatum, virum fortem & cum auctoritate, Formiis non habemus: ad te profeſtum arbitramur. ego omnino, ut proxime tibi placuerat, Capuam veni eo ipſo die, quo tu Teano Sidicino eſ profeſtus. volueras enim me cum M. Confidio pro prætore illa negotia tueri. Cum eo veniſſem, vidi T. Ampium delectum habere diligentiffime, ab eo accipere Libonem, ſumma item diligentia, & in illa colonia auctoritate. fui Capuæ, quoad conſules. iterum, ut erat dictum ab conſulibus, veni Capuam ad Nonas Februar. cum fuiſſem triduum, recepi me Formias. Nunc quod tuum conſilium, aut quæ ratio belli ſit, ignoro. ſi tenendam hanc oram putas, quæ & opportunitatem & dignitatem habet, & egregios cives, & ut arbitror, teneri poteſt, opus eſt eſſe, qui præſit. ſin omnia in unum locum contrahenda ſunt; non dubito, quin ad te ſtatim veniam: quo mihi nihil optatius eſt: idque tecum, quo die ab urbe diſceſſimus, locutus ſum. Ego, ſi cui adhuc videor ſegnius fuiſſe, dum ne tibi videar, non laboro: & tamén, ſi, ut video, bellum gerendum eſt,

con:



confido me omnibus facile satisfacturum. M. Tullium; meum necessarium, ad te misi: cui tu, si tibi videretur, ad me litteras dares.

CN. MAGNUS PROCOS. S. D. M. CICERONI IMP.

S. V. B. E. Tuas litteras libenter legi. recognovi enim tuam pristinam virtutem etiam in salute communi. Consules ad eum exercitum, quem in Apulia habui, venerunt. Magnopere te hortor, pro tuo singulari perpetuoque studio in rempublicam, ut te ad nos conferas; ut communi consilio reipublicæ afflictæ opem atque auxilium feramus. censeo, via Appia iter facias, & celeriter Brundisium venias.

M. CICERO IMP. S. D. CN. MAGNO PROCOS.

Cum ad te litteras misissem, quæ tibi Canusii reditæ sunt, suspicionem nullam habebam, te reipublicæ causa mare transiturum; eramque in spe magna, fore, ut in Italia possemus aut concordiam constituere, qua mihi nihil utilius videbatur, aut rempublicam summa cum dignitate defendere. interim, nondum meis litteris ad te perlatis, ex his mandatis, quæ D. Lælio ad consules dederas, certior tui consilii factus, non expectavi, dum mihi a te litteræ redderentur, confestimque cum Quinto fratre, & cum liberis nostris iter ad te in Apuliam facere cæpi. cum Teanum Sidicinum venissem, C. Messius, familiaris tuus, mihi dixit, alique complures, Cæsarem iter habere Capuam, & eo ipso die mansurum esse Eserniæ. Sane sum commotus; quod, si ita esset, non modo iter meum interclusum, sed meipsum plane exceptum putabam. itaque tum Cales processi, ut ibi potissimum consisterem, dum certum nobis ab Esernia de eo, quod audieram, referretur. At mihi, cum Calibus essem, assertur, litterarum tuarum exemplum, quas tu ad Lentulum consulem misisses. hæ scriptæ sic erant: Litteras tibi a L. Domitio a. d. xiii. Kal. Mart.



allatas esse, (earumque exemplum subscripseras,) magnique interesse reipublicæ scripseras, omnes copias primo quoque tempore in unum locum convenire; & ut, præsidii quod satis esset, Capuæ relinqueret. His ego litteris lectis, in eadem opinione fui, qua reliqui omnes, te cum omnibus copiis ad Corfinium esse venturum: quo mihi, cum Cæsar ad oppidum castra haberet, tutum iter esse non arbitrabar. Cum res in summa expectatione esset, utrumque simul audimus, & quæ Corfinii acta essent, & te iter Brundisium facere cœpisse: cumque nec mihi, nec fratri meo dubium esset, quin Brundisium contenderemus; a multis, qui e Samnio Apuliaque veniebant, admoniti sumus, ut caveremus, ne exciperemur a Cæsare; quod is in eadem loca, quæ nos petebamus, profectus, celerius etiam, quam nos possemus, eo, quo intenderet, venturus esset: quod cum ita esset; nec mihi, nec fratri meo, nec cuiquam amicorum placuit committere, ut temeritas nostra non solum nobis, sed etiam reipublicæ noceret; cum præsertim non dubitaremus, quin, si etiam tutum nobis iter fuisset, te tamen jam consequi non possemus. interim accepimus tuas litteras, Canusio a. d. x. Kalend. Mart. datas, quibus nos hortaris, ut celerius Brundisium veniamus; quas cum accepissemus a. d. xii. Kalend. Mart. non dubitabamus, quin tu jam Brundisium pervenisses: nobisque iter illud omnino interclusum videbatur, neque minus nos esse captos, quam qui Corfinium venissent. Neque enim eos solos arbitrabamur capi, qui in armatorum manus incidissent, sed eos nihilo minus, qui regionibus exclusi, intra præsidia, atque intra arma aliena venissent. Quod cum ita sit, maxime vellem primum semper tecum fuisse; quod quidem tibi ostenderam, cum a me Capuam rejiciebam: quod feci non vitandi oneris causa, sed quod videbam, teneri illam urbem sine exercitu non posse: accidere autem mihi nolebam, quod doleo viris fortissimis accidisse. quoniam autem, tecum ut essem, non contigit: utinam tui consilii certior factus essem! nam suspicione assequi non potui; quod omnia prius arbitratus sum fore, quam



quam ut hæc reipublicæ causa in Italia non posset ducere consistere. Neque vero nunc consilium tuum reprehendo, sed fortunam reipublicæ lugeo: nec, si ego, quid tu sis secutus, non perspicio, idcirco minus existimo, te nihil nisi summa ratione fecisse. Mea quæ semper fuerit sententia, primum de pace vel iniqua conditione retinenda, deinde de urbe, (nam de Italia quidem nihil mihi umquam ostenderas,) meminisse te arbitror. sed mihi non sumo, ut meum consilium valere debuerit: secutus sum tuum; neque reipublicæ causa, de qua desperavi, quæ & nunc afflicta est, nec excitari sine civili perniciosissimo bello potest: sed te quærebam: tecum esse cupiebam: neque ejus rei facultatem, si qua erit, prætermittam. Ego me in hac omni causa facile intelligebam pugnandi cupidis hominibus non satisfacere. primum enim præ me tuli, me nihil malle, quam pacem; non quin eadem timerem, quæ illi: sed ea bello civili leviora ducebam. inde, suscepto bello, cum pacis conditiones ad te afferri, a teque ad ea honorifice & large responderi viderem; duxi meam rationem; quam tibi facile me probaturum, pro tuo in me beneficio, arbitrabar. Memineram me esse unum, qui pro meis maximis in rempublicam meritis supplicia miserrima & crudelissima pertulissem: me esse unum, qui, si offendissem ejus animum, cui tum, cum jam in armis essemus, consulatus tamen alter, & triumphus amplissimus deferebatur, subjicerer eisdem præliis: ut mea persona semper ad improborum civium impetus aliquid videretur habere populare. atque hæc non ego prius sum suspicatus, quam mihi palam denunciata sunt: neque ea tam pertimui, si subeunda essent, quam declinanda putavi, si honeste vitare possem: quam brevem illius temporis, dum in spe pax fuit, rationem nostram vides; reliqui facultatem res ademit. Iis autem, quibus non satisfacio, facile respondeo. neque enim ego amicior C. Cæsari umquam fui, quam illi: neque illi amiciores reipublicæ, quam ego. hoc inter me & illos interest; quod, cum & illi cives optimi sint, & ego ab ista laude non absim, ego con-



ditionibus, quod idem te intellexeram velle, illi armis disceptari maluerunt. quæ quoniam ratio vicit; perficiam profecto, ut neque respublica civis a me animum, neque tu amici desideres.

12

CICERO ATTICO S.

**M**ihi molestior lippitudo erat etiam, quam ante fuerat. dicere tamen hanc epistolam malui, quam Gallo Fabio, amantissimo utriusque nostrum, nihil ad te litterarum dare. nam pridie quidem, quoquo modo potueram, scripseram ipse eas litteras, quarum vaticinationem falsam esse cupio. hujus autem epistolæ non solum ea causa est, ut ne quis a me dies intermittatur, quin dem ad te litteras; sed etiam hæc iustior, ut a te imperatrem, ut sumeres aliquid temporis; quo quia tibi perexiguo opus est, explicari mihi tuum consilium plane volo, ut penitus intelligam. Omnia sunt integra nobis. nihil prætermisum est, quod non habeat sapientem excusationem, non modo probabilem, nam certe neque tum peccavi, cum imparatam jam Capuam, non solum ignaviæ delectus, sed etiam perfidiæ suspicionem fugiens, accipere nolui; neque cum post conditiones pacis per L. Cæsarem & Fabatum allatas, cavi, ne animum ejus offenderem, cui Pompejus jam armatus armato consulatum triumphumque deferret. Nec vero hæc extrema quisquam potest jure reprehendere, quod mare non transferim. id enim, etsi erat deliberationis, tamen obire non potui. neque enim suspicari debui; præsertim cum ex ipsius Pompeji litteris, idem quod video te existimasse, non dubitarim, quin is Domitio subventurus esset. & plane, quid rectum, & quid faciendum mihi esset, diutius cogitare malui. Primum igitur, hæc qualia tibi esse videantur, etsi significata sunt a te, tamen accuratius mihi perscribas, velim: deinde aliquid etiam in posterum prospicias, singasque, quem me esse deceat, & ubi me plurimum prodesse reipublicæ sentias; ecquæ pacifica persona desideretur; an in bellatore sint omnia. Atque ego, qui omnia officio metior, recorder tamen

tua



tua consilia; quibus si paruissem, tristitiam illorum temporum non subiissem. memini, quid mihi tum suaseris per Theophanem, per Culeonem: idque sæpe ingemiscens sum recordatus. quare nunc saltem ad illos calculos revertamur, quos tum abiecimus; ut non solum gloriosis consiliis utamur, sed etiam paullo salubribus, sed nihil præscribo. accurate velim perferbas tuam ad me sententiam. Volo etiam exquiras, quam diligentissime poteris, (habebis autem, per quos possis,) quid Lentulus noster, quid Domitius agat, quid acturus sit, quemadmodum nunc se gerant, num quem accusent, num cui succenseant. quid dico, num cui? num Pompejo? omnino culpam omnem Pompejus in Domitium confert: quod ipsius litteris cognosci potest: quarum exemplum ad te mitto. Hæc igitur videbis; &, quod ad te ante scripsi, Demetrii Magnætis librum, quem ad te misit de concordia, velim mihi mittas.

CN. MAGNUS PROCOS. C. MAR-  
CELLO, L. LENTULO COSS.  
S. D.

Ego, quod existimabam, dispersos nos, neque rei publicæ utiles, neque nobis præsidio esse posse, idcirco ad L. Domitium litteras misi, primum ut ipse cum omni copia ad nos veniret: si de se dubitaret, ut cohortes xix, quæ ex Piceno ad me iter habebant, ad nos mitteret. quod veritus sum, factum est, ut Domitius implicaretur; neque ipse satis firmus esset ad castra facienda: quod meas xix. & suas xii. cohortes tribus in oppidis distributas haberet: (nam partim Albæ, partim Sulmone collocavit:) neque se, si vellet, expedire posset. nunc scitote, me esse in summa sollicitudine. nam & tot & tales viros periculo obsidionis liberare cupio: neque subsidio ire possum; quod his duabus legionibus non puto esse committendum, ut illuc ducantur; ex quibus tamen non amplius xiv. cohortes contrahere potui: quod Brundisium præsidium misi: neque Canusium sine præsidio, dum abessem, putavi esse dimittendum. D. Lælio mandaram, quod



quod majores copias sperabam nos habituros, ut, si vobis videretur, alteruter vestrum ad me veniret; alter in Siciliam cum ea copia, quam Capuæ & circum Capuam comparastis; & cum iis militibus, quos Faustus legit, proficisceretur; Domitius cum XII. suis cohortibus eodem adjungeretur; reliquæ copiae omnes Brundisium cogerentur, & inde navibus Dyrrachium transportarentur. nunc, cum hoc tempore nihilo magis ego, quam vos, subsidio Domitio ire possim, se per montes explicare; non est nobis committendum, ut ad has XIV. cohortes, quas ego dubio animo habeo, hostis accedere, aut in itinere me consequi possit. Quamobrem placitum est mihi, ac ita video censei Marcello, & ceteris nostri ordinis, qui hic sunt, ut Brundisium ducerem hanc copiam, quam mecum habeo. Vos hortor, ut quodcumque militum contrahere poteritis, contrahatis, & eodem veniatis quamprimum. arma, quæ ad me missuri eratis, iis, censeo, armetis milites, quos vobiscum habetis. quæ arma superabunt, ea si Brundisium jumentis deportaritis, vehementer reipublicæ profueritis. De hac re velim nostros certiores faciatis: ego ad P. Lupum & C. Coponium prætores misi, ut se nobis conjungerent, & militum quod haberent, ad vos deducerent.

CN. MAGNUS PROCOS. S. D. L. DOMITIO PROCOS.

**M**irror, te ad me nihil scribere, & potius ab aliis, quam a te, de republica me certiolem fieri. Nos, disiecta manu, pares adversariis esse non possumus. conjunctis nostris copiis, spero nos & reipublicæ & communi saluti prodesse. quamobrem cum constituisses, ut Vibullius mihi scripserat a. d. v. Id. Feb. Corfinio proficisci cum exercitu, & ad me venire; miror, quid causæ fuerit, quare consilium mutaris. nam illa causa, quam mihi Vibullius scribit, levis est, te propterea moratum esse, quod audieris, Cæsarem Firmo progressum in Castrum Truentinum venisse. Quanto enim magis appropinquare adversarius cepit, eo tibi celerius agendum erat, ut te mecum conjun-  
geres,



geres, priusquam Cæsar aut tuum iter impedire, aut me abs te excludere posset. Quamobrem etiam & etiam te rogo & hortor, id quod non destitui superioribus litteris a te petere, ut primo quoque die Luce-riam advenias, antequam copiæ, quas instituit Cæsar contrahere, in unum locum coactæ nos a nobis distrahant. sed si erunt, qui te impediunt, ut villas suas servant, æquum est me a te impetrare, ut cohortes, quæ ex Piceño & Camerino venerunt, quæ fortunas suas reliquerunt, ad me missum facias.

CN. MAGNUS PROCOS. S. D. L. DO-  
MITIO PROCOS.

Litteras abs te M. Calenius ad me attulit a. d. xiv. Kal. Mart. in quibus litteris scribis, tibi in animo esse, observare Casarem; &, si secundum mare ad me ire cœpisset, confestim in Samnium ad me venturum; sin autem ille circum istæ loca commoraretur, te ei, si propius accessisset, resistere velle. Te animo magno & fortissimam rem agere existimo: sed diligentius nobis est videndum, ne distracti pares esse adversario non possimus; cum ille magnas copias habeat, & majores brevi habiturus sit. Non enim, pro tua prudentia, debes illud solum animadvertere, quot in præsentia cohortes contra te habeat Cæsar, sed quantas brevi tempore equitum & peditum copias contracturus sit. cui rei testimonio sunt litteræ, quas Bursenius ad me misit; in quibus scribit, id quod ab illis quoque mihi scribitur, præsidia Curionem, quæ in Umbris & Tuscis erant, contrahere, & ad Casarem iter facere. quæ si copiæ in unum locum fuerint coactæ, ut pars exercitus ad Albam mittatur, pars ad te accedat; ut non pugnet, sed locis suis repugnet, hærebis: neque solus cum ista copia tantam multitudinem sustinere poteris, ut frumentatum eas. Quamobrem te magnopere hortor, ut quamprimum cum omni copia huc venias. Consules constituerunt idem facere. ego Metusellio ad te mandata dedi, providendum esse, ne duæ legiones sine Picentinis cohortibus in conspectum Cæsaris committerentur. Quamobrem



obrem noli tum commoveri, si audieris me regredi, si forte Cæsar ad me veniet. cavendum enim puto esse, ne implicatus hæream. nam neque castra, propter anni tempus & militum animos, facere possum: neque ex omnibus oppidis contrahere copias expedit; ne receptum amittam. itaque non amplius xiv. cohortes Luceriam coegi. Consules præsidia omnia deducturi, aut in Siciliam ituri. Nam aut exercitum firmum habere oportet, quo confidamus perrumpere nos posse, aut regiones ejusmodi obtinere, e quibus repugnemus: id quod neutrum nobis hoc tempore contingit; quod & magnam partem Italiæ Cæsar occupavit, & nos non habemus exercitum tam amplum, neque tam magnum, quam ille. itaque nobis providendum est, ut summam reipublicæ rationem habeamus. Etiam atque etiam te hortor, ut cum omni copia quamprimum ad me venias. possumus etiam nunc rempublicam erigere, si communi consilio negotium administrabimus: sin distrahemur, infirmi erimus. mihi hoc constitutum est. His litteris scriptis, Sica a te mihi litteras attulit & mandata. Quod me hortare, ut istuc veniam: id me facere non arbitror posse; quod non magnopere his legionibus confido.

CN. MAGNUS PROCOS. S. D. L. DO.  
MITIO PROCOS.

**L**itteræ mihi a te redditæ sunt a. d. xiii. Kal. Marti in quibus scribis, Cæsarem apud Corfinium castra posuisse. quod putavi & præmonui, sit, ut nec in præsentia committere tecum prælium velit; & omnibus copiis conductis, te implicet, ne ad me iter expeditum tibi sit: atque istas copias conjungere optimorum civium possis cum his legionibus, de quarum voluntate dubitamus: quo etiam magis tuis litteris sum commotus. neque enim eorum militum, quos mecum habeo, voluntati satis confido, ut de omnibus fortunis reipublicæ dimicem: neque etiam, qui ex delectibus conscripti sunt a consulibus, convenerunt. Quare da operam, si ulla ratione etiam nunc efficere potes,



potes, ut te explices, huc quamprimum venias, antequam omnes copiae adversariorum conveniant. neque enim celeriter ex desertibus huc homines convenire possunt: & si convenirent, quantum iis committendum sit, quod inter se ne noti quidem sunt, contra veteramna legiones, non te præterit.

## CICERO ATTICO S.

13

Lippitudinis meae signum tibi sit librarii manus, & eadem causa brevitatis: etsi nunc quidem, quod scriberem, nihil erat. omnis expectatio nostra erat in nuntiis Brundisinis. Si nactus hic esset Cnæum nostrum, spes dubia pacis: sin ille ante transisset, exitiosi belli metus. sed videsne, in quem hominem inciderit respublica? quam acutum, quam vigilantem, quam paratum? Si mehercule neminem occiderit, nec cuiquam quidquam ademerit, ab his, qui eum maxime timuerant, maxime diligitur. Multum mecum municipales homines loquuntur, multum rusticani. nihil prorsus aliud curant, nisi agros, nisi villulas, nisi numulos suos. & vide, quam conversa res est. illum, quo antea confidebant, metuunt; hunc amant, quem timebant. Id quantis nostris peccatis vitiisque venerit, non possum sine molestia cogitare. quæ autem impendere putarem, scripseram ad te; & jam tuas litteras expectabam.

## CICERO ATTICO S.

14

Non dubito, quin tibi odiosæ sint epistolæ quotidianæ, cum præsertim neque nova de re aliqua certiore te faciam, neque novam denique jam repariam scribendi ullam sententiam. sed, si dedita opera, cum causa nulla esset, tabellarios ad te cum inanibus epistolis mitterem; facerem inepte. euntibus vero, domesticis præsertim, ut nihil ad te dem litterarum, facere non possum: & simul (crede mihi) requiesco paulum in his miseriis, cum quasi tecum loquor; cum vero tuas epistolas lego, multo etiam magis omnino intelligo, nullum fuisse tempus post has fugas



& formidines, quod magis debuerit mutum esse a literis: propterea, quod neque Romæ quidquam auditur novi; nec in his locis, quæ a Brundisio absunt propius, quam tu, biduum, aut triduum. Brundisii autem omne certamen vertitur hujus primi temporis. qua quidem expectatione torqueor. sed omnia ante nos sciemus. eodem enim die video Cæsarem a Corfinio post meridiem profectum esse, id est, Feralibus, quo Canusio mane Pompejum. eo modo autem ambulat Cæsar, & iis diariis militum celeritatem incitat, ut timeam, ne citius ad Brundisium, quam opus sit, accesserit. Dices, quid igitur proficis, qui anticipes ejus rei molestiam, quam triduo sciturus sis? nihil equidem. sed, ut supra dixi, tecum perlibenter loquor: & simul scito, labare meum consilium, illud, quod satis jam fixum videbatur. non mihi satis idonei sunt auctores ii, qui a te probantur. quod enim umquam eorum in republica forte factum exstitit? aut quis ab his ullam rem laude dignam desiderat? nec mehercule laudandos existimo, qui trans mare belli parandi causa profecti sunt: (quamquam hæc ferenda non erant:) video enim, quantum id bellum, & quam pestiferum futurum sit: sed me movet, unus vir, cujus fugieatis comes, rempublicam recuperantis socius videor esse debere. Totiesne igitur sententiam mutas? ego tecum tamquam mecum loquor. quis autem est, tanta quidem de re, qui varie secum ipse disputet? simul & elicere cupio sententiam tuam; si manet, ut firmior sim; si mutata est, ut tibi assentiar. Omnino ad id, de quo dubito, pertinet, me scire, quid Domitius acturus sit, quid noster Lentulus. de Domitio varia audimus, modo esse in Tiburti, haud lepide: quod cum Lepidius accessisset ad urbem: quod iter falsum video esse. ait enim Lepidus, eum nescio quo penetrasse itineribus: occultandi sui causa, an maris apiscendi? ne id quidem scit. ignorat enim de filio. addit illud, sane molestum; pecuniam Domitio satis grandem, quam is Corfinii habuerit, non esse redditam. de Lentulo autem nihil audimus. Hæc velim exquiras, ad meque perscribas.

CICE.



## CICERO ATTICO S.

15

A. d. v. Non. Mart. epistolas mihi tuas Ægyptæ reddidit, unam veterem iv. Kal. quam te scribis dedisse Pinario, quem non vidimus; in qua exspectas, quidnam præmissus agat Vibullius; qui omnino non est visus a Cæsare: (in altera epistola, video, te scire, ita esse:) &, quemadmodum redeuntem excipiam Cæsarem; quem omnino vitare cogito; &, aut Hæmonis fugam intendis, commutationemque vitæ tuæ; quod tibi puto esse faciendum: & ignoras, Domitius cum fascibusne sit; quod cum scies, facies, ut sciamus. Habes ad primam epistolam. Secutæ sunt duæ, pridie Kal. ambæ datæ, quæ me convellerunt de pristino statu, jam tamen, ut ante ad te scripsi, labantem. Nec me movet, quod scribis, *Jovi ipsi iniquum*. nam periculum in utriusque iracundia positum est: victoria autem ita incerta, ut deterior causa paratior mihi esse videatur, nec me consules movent, qui ipsi pluma aut folio facilius moventur. officii me deliberatio cruciat, cruciavitque adhuc. cautior certe est mansio: honestior existimatur trajetio. malo interdum, multi me non caute, quam pauci non honeste fecisse existiment. De Lepido & Tullo quod quæris; illi vero non dubitant, quin Cæsari præsto futuri; in senatumque venturi sint. Recentissima tua est epistola Kal. data: in qua optas congressum, pacemque non desperas. sed ego, cum hæc scribebam, nec illos congressuros, nec, si congressi essent, Pompejum ad ullam conditionem accessurum putabam. Quod videris non dubitare, si consules transeant, quid nos facere oporteat: certe transeunt, vel, quo modo nunc est, transierunt. sed memento, præter Appium, neminem esse fere, qui non jus habeat transeundi; nam aut cum imperio sunt, ut Pompejus, ut Scipio, Sétenas, Fannius, Voconius, Sextius, vel consules, quibus more majorum concessum est, vel omnes adire provincias; aut legatifunt eorum. sed nihil differo. quid placeat tibi, & quid propemodum rectum sit, intelligo. Plura scriberem, si ipse possem.

Cic. Epist. Tom. II.

P

sed,

E-



sed, ut mihi videor, potero biduo. Balbi Cornelii litterarum exemplum, quas eodem die accepi, quas tuas, nisi ad te, ut meam vicem doleres, cum me derideri videres.

## BALBUS CICERONI IMP. S.

**O**bscuro te, Cicero suscipe, curam & cogitationem dignissimam tuæ virtutis, ut Casarem & Pompejum, perfidia hominum distractos, rursus in pristinam concordiam reducas. crede mihi, Casarem non solum fore in tua potestate, sed etiam maximum beneficium te sibi dedisse judicaturum, si huc te rejicis. velim, idem Pompejus faciat: qui ut adduci tali tempore ad ullam conditionem possit, magis opto, quam spero. sed, cum confiterit, & timere deservit, tum incipiam non desperare tuam auctoritatem plurimum apud eum valituram. Quod Lentulum meum, consulem, voluisti hic remanere, Casari gratum, mihi vero gratissimum medius fidius fecisti. nam illum tanti facio, qui non Casarem magis diligam: qui si posset, nos secum, ut consueramus, loqui, & non se totum etiam & etiam ab sermone nostro avertisset, minus miser, quam sum, essem. nam cave putes, hoc tempore plus me quemquam cruciari, quod eum, quem ante me diligo, video in consulatu quidvis potius esse, quam consulem. quodsi voluerit tibi obtemperare, & nobis de Casare credere, & consulatum reliquum Romæ peragere, incipiam sperare, etiam consilio senatus, auctore te, illo relatore, Pompejum & Casarem conjungi posse. quod si factum erit, me satis vixisse putabo. Factum Casaris de Corfinio totum te probaturum scio. quomodo in hujusmodi re, commodius cadere non potuit, quam ut res sine sanguine conficeret. Belli mei tuique adventu delectatum te, valde gaudeo. is quæcumque tibi de Casare dixit, quæque Casar scripsit, scio, re tibi probabit, quæcumque fortuna ejus fuerit, verissime scripsisse.

16

## CICERO ATTICO S.

**O**mnia mihi provisæ sunt, præter occultum & tutum iter ad mare superum. hoc enim mari uti non possumus hoc tempore anni. illuc autem, quo spectat



spectat animus, & quo res vocat, quā veniam? ce-  
 dendum enim est celeriter; ne forte qua re impediatur  
 atque alliger. nec vero ille me ducit, qui videtur;  
 quem ego hominem ἀπολιτικώτατον omnium jam ante  
 cognoram; nunc vero etiam ἀγροαθητικώτατον. non me  
 igitur is ducit, sed sermo hominum, qui ad me a Phi-  
 lotimo scribitur. is enim me ab optimatibus ait con-  
 scindi. quibus optimatibus, dii boni? qui nunc quo  
 modo occurrunt? quo modo autem se venditant Ca-  
 sari? municipia vero Deum: nec simulant, ut cum de  
 illo ægroto vota faciebant. sed plane, quidquid mali  
 hic Pisistratus non fecerit, tam gratum est, quam si  
 alium facere prohibuerit. hunc propitium sperant; il-  
 lum iratum putant. quas fieri censes ἀπαρτησεις ex op-  
 pidis? quos honores? metuunt, inquires: credo: sed  
 mehercule illum magis. hujus insidiosa clementia de-  
 lectantur: illius iracundiam formidant. iudices ecce,  
 qui præcipue Cnæo nostro delectabantur, ex quibus  
 quotidie aliquem video, nescio quas ejus Lucerias  
 horrent. itaque quæro, qui sint isti optimates, qui  
 me exturbent, cum ipsi domi maneant. sed tamen,  
 quicumque sunt, αἰδέομαι Τρωας. etsi, qua spe profi-  
 ciscar, video; conjungoque me cum homine, magis  
 ad vastandum Italiam, quam ad vincendum parato.  
 demum quem exspecto. & quidem, cum hæc scribe-  
 bam, iv Nonas, jam exspectabam aliquid a Brun-  
 disio. quid autem aliquid? quam inde turpiter fugis-  
 set, & victor hic qua se referret, & quo. quod ubi  
 audissem, si ille Appia veniret, ego Arpinum cogi-  
 tabam.







M. TULLII CICERONIS  
EPISTOLARUM

A D

ATTICUM

LIBER IX.

ARGUMENTUM.

*Continetur item hoc libro Cnæi fuga Brundisium, atque inde in Macedoniam transmissio, quæ fuit Idibus Martiis, præmissis antea Consulibus L. Cornelio Lentulo & C. Claudio Marcello, cum omnibus pæne magistratibus, cunctoque Senatu: æstus animi ægritudoque Ciceronis, Atticum consulentis, cum Pompejus Italia cesserit, quid sibi faciendum sit: redeuntemque Casarem a Brundisio, quo Pompejum fuerat persecutus, expectarene debeat; & quo maxime in loco, quo vultu sermoneque excipere: denique congressus ipse cum Casare, & utriusque discessus. Quæ omnia acciderunt diebus paullo plus viginti. Nam quotidianæ inter eos erant litteræ.*

I CICERO ATTICO S.

**E**t si, cum tu has litteras legeres, putabam fore, ut scirem jam, quid Brundisii æcum esset; (nam Canusio ix. Kal. profectus erat Cnæus; hæc autem scribebam pridie Nonas, xiv. die postquam ille Canusio moverat;) tamen angebar singularum horarum expectatione: mirabarque, nihil allatum esse ne rumoris quidem. nam erat mirum silentium. sed hæc for-



fortasse <sup>ἡμετέρας</sup> sunt: quæ tamen jam sciuntur, necesse est. illud molestum, me adhuc investigare non posse, ubi P. Lentulus noster sit, ubi Domitius. quæro autem, quo facilius scire possim, quid acturi sint; iturine ad Pompejum; & si sunt, qua quondove ituri sint. urbem quidem jam fefertam esse optatium audio; Sotium & Lupum; quos Cnæus noster ante putabat Brundisium venturos esse, quam se, jus dicere, hinc vero vulgo vadunt. etiam M. Lepidus, quocum diem contere solebam, cras cogitabat. nos autem in Formiano morabamur, quo citius audiremus: deinde Arpinum volebamus. inde, iter qua maxime <sup>ἀνατολῆς</sup> esset, ad mare superum, remotis sive omnino missis lictoribus. audio enim, bonis viris, qui & nunc, & sæpe antea magno præsidio reipublicæ fuerunt, hanc cunctationem nostram non probari, multaque in me & severe, in conviviis temperativis quidem, disputari. cedamus igitur, & ut boni cives simus, bellum Italiæ terra marique inferamus, & odia improborum rursus in nos, quæ jam extincta erant, incendamus, & Luceii consilia ac Theophani persequamur. nam Scipio vel in Syriam proficiscitur, sorte; vel cum genero, honeste; vel Cæsarem fugit, iratum. Marcelli quidem, nisi gladium Cæsaris tenuissent, manerent. Appius & eodem timore, & inimicitiarum recentium: & tamen, præter hunc & C. Cassium, reliqui legati, Faustus proquaestor: ego unus, cui utrumvis liceret: frater accedet; quem socium hujus fortunæ esse, non erat æquum: cui magis etiam Cæsar irascetur. sed impetrare non possum, ut maneat. dabimus hoc Pompejo, quod debemus. nam me quidem alius nemo movet; non sermo bonorum, qui nulli sunt; non causa, quæ acta timide est, agatur improbe. uni, uni hoc damus, ne id quidem roganti, nec suam causam (ut ait) agenti, sed publicam. Tu quid cogites de transeundo in Epirum, scire sane velim.



**E**tsi Nonis Mart. die tuo, ut opinor, expectabam epistolam a te longiorem; tamen ad eam ipsam brevem, quam III. Nonas <sup>απο της ληψης</sup> dedisti me; & scribis, in sententia te manere. mihi autem superioribus litteris videbare non dubitare, quin cederem, ita, si & Cnæus bene comitatus conscendisset, & consules transissent. utrum hoc tu parum commeministi, an ego non satis intellexi, an mutasti sententiam? sed aut ex epistola, quam exspecto, perspiciam, quid sentias, aut alias abs te litteras eliciam. Brundisio nihil dum erat allatum. o rem difficilem, planeque perditam! quam nihil prætermittis in consilio dando! quam nihil tamen, quod tibi ipsi placeat, explicas! non esse me una cum Pompejo, gaudes: ac proponis, quam sit turpe, me adesse, cum quid de illo detrahatur, nec fas esse approbare. certe. contra igitur? dii, inquis, averruncent. quid ergo fiet, si in altero scelus est, in altero supplicium? impetrabis, inquis, a Cæsare, ut tibi abesse liceat, & esse otioso. supplicandum igitur? miserum. quid, si non impetraro? & de triumpho erit, inquis, integrum. quid, si hoc ipso premar? accipiam? quid fœdius? negem? repudiari se totum, magis etiam, quam olim in xx viratu, putabit. ac solet, cum se purgat, in me conferre omnem illorum temporum culpam: ita me sibi fuisse inimicum, ut ne honorem quidem a se accipere vellem. quanto nunc hoc idem accipiet asperius? tanto scilicet, quanto & honor hic illo est amplior, & ipse robustior. Nam quod negas te dubitare, quin magna in offensa sim apud Pompejum hoc tempore; non video causam, cur ita sit, hoc quidem tempore. qui enim amisso Corfinio denique certior me sui consilii fecit, is queretur, Brundisium me non venisse, cum inter me & Brundisium Cæsar esset? deinde, etiam scit <sup>απαρ' ε' ητις αν</sup> esse in ea causa querelam suam, me putat de municipiorum imbecillitate, de delectibus, de pace, de urbe, de pecunia, de Piceno occupando plus vidisse, quam se. sin cum potuero, non

venē-



venero; tum erit inimicus: quod ego non eo vereor,  
ne mihi noceat: (quid enim faciet?)

Τις δ' ἔστι δαλος τὰ θάνατον ἀφροντίς ὧν;

sed quia ingrati animi crimen horreo. confido igitur  
adventum nostrum illi, quoquo tempore fuerit, ut  
seribis, ἀσμένισαν fore. Nam quod ais, si hic tem-  
perantius egerit, consideratius consilium te daturum;  
qui hic potest se gerere non perdit? vita, mores,  
antefacta, ratio suscepti negotii, focii, vires bono-  
rum, aut etiam constantia. Vixdum epistolam tuam  
legeram, cum ad me, currens ad illum, Postumus  
Curtius venit, nihil nisi classes loquens & exercitus:  
eripiebat Hispanias: tenebat Asiam, Siciliam, Afri-  
eam, Sardiniam: confestim in Græciam persequaba-  
tur. eundum igitur est, nec tam ut belli, quam ut  
fugæ socii simus. nec enim ferre potero sermones  
istorum, quicumque sunt. non sunt enim certe, ut  
appellantur, boni. sed tamen id ipsum scire cupio,  
quid loquantur; idque ut exquiras, meque certiore  
facias, te vehementer rogo. Nos adhuc, quid Brun-  
disii actum esset, plane nesciebamus. cum sciemus,  
tum ex re & extempore consilium capiemus; sed ute-  
mur tuo.

## CICERO ATTICO S.

3

Domitii filius transit Formias vii. Id. currens ad ma-  
trem Neapolim, mihiq; nuntiari iussit, patrem  
ad urbem esse; cum de eo curiose quæsisset servus  
noster Dionysius. nos autem audieramus, eum pro-  
fectum sive ad Pompejum, sive in Hispaniam. id cu-  
jusmodi sit, scire sane velim. nam ad id, quod deli-  
bero, pertinet, si ille certe nusquam discessit, intel-  
ligere Cnæum, non esse faciles nobis ex Italia exitus,  
cum ea tota armis præsidisque teneatur, hieme præ-  
sertim. nam, si commodius anni tempus esset, vel  
in ferro mari liceret uti. nunc nihil potest, nisi supero,  
tramitti; quo iter interclusum est. quares igitur &  
de Domitio & de Lentulo. A Brundisio nulla adhuc  
fama venerat: & erat hic dies vii. Id. quo die, suspi-



cabamur, aut pridie Brundisium venisse Cæsarem. nam Kal. Arpis manserat. sed si Postulum audire velles, persecuturus erat Cnæum. transisse enim jam putabat, conjectura tempestatum ac dierum. ego nautas eum non putabam habiturum: ille confidebat, & eo magis, quod audita naviculariis hominis liberalitas esset. sed tota res Brundisina jam quo modo habeat se, diutius nescire non possum.

4

## CICERO ATTICO S.

Ego etsi tamdiu requiesco, quamdiu aut ad te scribo, aut tuas litteras lego: tamen & ipse ego argumento epistolarum, & tibi idem accidere certo scio. quæ enim soluto animo familiariter scribi solent, temporibus his excluduntur: quæ autem sunt horum temporum, ea jam contrivimus. sed tamen, ne me totum ægritudini dedam, sumsi mihi quasdam tamquam *σι-σις*, quæ & politicæ sunt, & temporum horum; ut & abducam animum ab querelis, & in eo ipso, de quo agitur, exercear. eæ sunt hujusmodi:

Εἰ μνηστέον ἐν τῇ πατρίδι τυραννικῇ; Τυραννικῆς δ' αὐτῆς, εἰ παντὶ τραπε τυραννίδος καταλυσιν πραγματευτέον, καὶ μᾶλλον διὰ τὸ τοῦτο περὶ τῶν ὅλων ἢ πόλεως κινδυνεύσειν; Εἰ εὐλαβητέον τὸν καταλυστὰ, μὴ αὐτὸς αἰσχηταί; Εἰ πειρατέον ὁρμηγεῖν τῇ πατρίδι τυραννικῇ καὶ λόγῳ μᾶλλον, ἢ πολεμῶ; Εἰ πολιτικὸν τὸ ἡτυχεῖν, ἀναχωρησάντα ποι, τῆς πατρίδος τυραννικῆς; Εἰ διὰ παντός ἔσται κίνδυνος τῆς ἐλευθερίας περὶ; Εἰ πόλεμον ἔπαχτιον τῇ χώρᾳ, καὶ πολιορκητέον ταύτην τυραννικῇ; Εἰ καὶ μὴ δοκιμαζόντα τὴν διὰ πόλεμον καταλυσιν τῆς τυραννίδος, συναπογραπτεῖν ὁμῶς τοῖς ἀριστοῖς; Εἰ τοῖς εὐεργεταῖς καὶ φίλοις συγκινδυνεύτεον ἐν τοῖς πολιτικοῖς, καὶ μὴ δοκῶσιν εὖ βεβηλευσθαι περὶ τῶν ὅλων; Εἰ ὁ μὲν γὰρ τῇ πατρίδι εὐεργετήσας, δι' αὐτὸ τε τὸ τοῦτο ἀνηκίσει παθῶν καὶ φθοιῆδεις, κινδυνεύσει ἂν ἐβελόντης ὑπὲρ τῆς πατρίδος; Εἰ ἔσπετόν αὐτὰ ἑαυτὸν ποτε καὶ τῶν οἰκειοτάτων ποιεῖσθαι προνοίαν ἀφικεῖν τὰς πρὸς τὸς ἔχοντας διὰ πολιτείας;

In his ego me consultationibus exercens, & differens in utramque partem, tum græce, tum latine, & abduco parumper animum a molestiis, & τὰν περιστά-  
σι



delibero. Sed vereor, ne tibi <sup>ἀνδρὸς</sup> *sim*. si enim recte ambulaverit is, qui hanc epistolam tulit, in ipsum tuum diem incidit.

## CICERO ATTICO S.

5

Natali die tuo scripsisti epistolam ad me plenam consilii, summæque cum benivolentiæ tum etiam prudentiæ. eam mihi Philotimus postridie, quam a te acceperat, reddidit. Sunt ista quidem, quæ disputas, difficillima, iter ad superum, navigatio infero, discessus Arpinum, ne hunc fugisse, mansio Formiis, ne obtulisse nos gratulationi videamur: sed miserius nihil, quam ea videre, quæ tamen, jam, jam, inquam, videnda erunt. Fuit apud me Postumus: scripsi ad te, quam gravis venit ad me etiam Q. Fufius, quo voltu! quo spiritu! properans Brundisium, scelus accusans Pompeji, levitatem & stultitiam senatus, hæc qui in mea villa non feram, Curtium in curia potero ferre? Age, finge me quamvis <sup>εὐσεβέστερος</sup> *hæc ferentem*: quid illa, DIC M. TULLI, quem habebunt exitum puto cum vulneribus suis, tum medicamentis iis, quæ parantur; de Pompejo quid agam? cui plane (quid enim hoc negem?) succensui. Semper enim causæ eventorum magis movent, quam ipsa eventa. hæc igitur mala, (quibus majora esse quæ possunt?) considerans, vel potius judicans, ejus opera accidisse & culpa, inimicior eram huic, quam ipsi Cæsari, ut majores nostri funestiores diem esse voluerunt Al-  
liensis pugnæ, quam urbis captæ; quod hoc malum ex illo; itaque alter religiosus etiam nunc dies, alter in vulgus ignotus: sic ego, decem annorum peccata recordans, in quibus inerat ille etiam annus, qui nos, hoc non defendente, ne dicam gravius, affligerat; præsentisque temporis cognoscens temeritatem, ignaviam, negligentiam, succensebam. sed ea jam mihi exciderunt. beneficia ejusdem cogito; cogito etiam dignitatem. intelligo, serius equidem, quam vellem, propter epistolas sermonesque Balbi; sed video plane, nihil aliud agi, nihil ædum ab initio,  
P 5 quam



quam ut hunc occideret. ego igitur, si quis apud Homerum, cum ei & mater & dea dixisset,

Ἄντικα γὰρ τοι ἔπειτα μέδ' Ἐκτορα ποτμός ἑτοίμος,  
matri ipse respondit,

Ἄντικα τιθῶμαιν, ἔπει ἕκ' αὐρ' ἑμῶλλον ἑταίρῳ  
Κτενομένα ἑπαμύναι:

quid, si non ἑταίρα solum, sed etiam ἑνεργιστὴ? adde, tali viro, talem causam agenti; & ego vero hæc officia mercanda vita puto. optimatibus vero tuis nihil confido, nihil jam ne inservio quidem. video, ut se huic dent, ut daturi sint. quidquam tu illa putas fuisse de validudine decreta municipiorum præ his de victoria gratulationibus? timent, inquires. at ipsi tum se timuisse dicunt. sed videamus, quid actum sit Brundisii. ex eo fortasse mea consilia nascentur, aliæque litteræ.

## 6

## CICERO ATTICO S.

**N**os adhuc Brundisio nihil. Roma scripsit Balbus, putare jam Lentulum consulem transmisisse, nec eum a minore Balbo conventum; quod is hoc jam Canusii audisset: inde ad se eum scripsisse; cohortesque sex, quæ Albæ fuissent, ad Curium via Minucia transisse: id Cæsarem ad se scripsisse, & brevi tempore eum ad urbem futurum. ego utar tuo consilio; neque me Arpinum hoc tempore abdam: etsi, Cicroni meo togam puram cum dare Arpini vellem, hanc eram ipsam excusationem relicturus ad Cæsarem. sed fortasse in eo ipso offendetur, cur non Romæ potius. sed tamen, si est conveniendus, hic potissimum. reliqua videbimus, id est, & quo, & qua, & quando. Domitius, ut audio, in Casano, & quidem, ut ajunt, paratus ad navigandum: si in Hispaniam, non probo: si ad Cnæum, laudo: quovis potius certe, quam ut Curtium videat; quem ego patronus aspicere non possum. quid alios? sed opinor, quiescamus; ne nostram culpam coarguamus, qui, dum urbem, id est patriam, amamus, dumque rem conventuram putamus,



tamus, ita nos gessimus, ut plane interelusi captique  
simus. Scripta jam epistola, Capua litteræ sunt al-  
latæ hoc exemplo. Pompejus mare transiit cum om-  
nibus militibus, quos secum habuit. hic numerus est  
hominum millia xxx. & consules, duo & tribuni ple-  
bis, & senatores, qui fuerunt cum eo, omnes cum  
uxoribus & liberis. Conscendisse dicitur a. d. iv. No-  
nas Mart. ex ea die fuere septemtriones venti. naves,  
quibus usus non est, omnes aut præcidisse, aut incen-  
dissæ dicunt. de hac re litteræ L. Metello tribuno ple-  
bis Capuam allatæ sunt ab Clodia focru, quæ ipsa  
transiit. ante sollicitus eram & angebar, sicut res sci-  
licet ipsa cogebat, cum consilio explicare nihil pos-  
sem: nunc autem, postquam Pompejus & consules  
ex Italia exierunt, non angor, sed ardeor dolore:

Ὅυδα μοι ἦτορ  
Ἐμπεδον, ἀλλ' ἀλαλукτημαι:

non sum, inquam, mihi crede, mentis compos; tan-  
tum mihi dedecoris admisisse videor. Me non pri-  
mum cum Pompejo, qualicumque consilio uso, dein-  
de cum bonis esse, quamvis causâ temere instituta?  
præsertim cum ii ipsi, quorum ego causâ timidius me  
fortunæ committebam, uxor, filia, Cicerones pueri,  
me illud sequi mallent? hoc turpe, & me indignum  
putarent? nam Quintus quidem frater, quidquid mihi  
placeret, id rectum se putare ajebat, id animo æquis-  
simo sequebatur. tuas nunc epistolas a primo lego.  
hæ me paullum recreant. primæ monent & rogant,  
ne me proiciam. proximæ te gaudere ostendunt, me  
remanisse. eas cum lego, minus mihi turpis videor,  
sed tam diu, dum lego: deinde emergit rursus do-  
lor, & αἰχρæ φαντασία. quamobrem obsecro te, mi  
Tite, eripe mihi hunc dolorem, aut minue saltem,  
aut consolatione, aut consilio, aut quacumque re po-  
tes. quid tu autem possis? aut quid homo quisquam?  
vix Deus jam. Equidem illud molior, quod tu mo-  
nes sperasque fieri posse, ut mihi Cæsar concedat, ut  
absim, cum aliquid in senatu contra Cnæum agatur.  
sed timeo, ne non impetrem. venit ab eo Furnius,  
(ut



(ut quidem scias, quos sequamur,) Q. Titinii filium cum Cæsare esse nuntias: sed illum majores mihi gratias agere, quam vellem. quid autem me roget, (pau-  
cis ille quidem verbis, sed *ἢ δυοῖν*,) cognosce ex ipsius epistola. me miserum, quod tu non valuisti una fuisset: consilium certe non defuisset

*Ἐν τῇ δὲ ἑξοχέρῃ.*

sed asta ne agamus; reliqua paremus. me adhuc hæc duo fefellerunt; initio spes compositionis, qua facta, volebam uti populari vita, sollicitudine senectutem nostram liberari; deinde bellum crudele & exitiosum suscipi a Pompejo intelligam. Melioris mediusfidius civis & viri putabam, quovis supplicio affici, quam illi crudelitati non solum præesse, verum etiam interesse. videtur vel mori satius fuisse, quam esse cum iis. Ad hæc igitur cogita, mi Attice, vel potius excogita. quemvis eventum fortius feram, quam hunc dolorem.

### CÆSAR IMP. S. D. CICERONI IMP.

Cum Furnium nostrum tantum vidissem, neque loqui, neque audire meo commodo potuissem, properarem, atque essem in itinere, præmissis jam legionibus; præterire tamen non potui, quin & scriberem ad te, & illum mitterem gratiasque agerem: etsi hoc feci sæpe, & sapius mihi facturus videor; ita de me mereris. in primis a te peto, quoniam confido me celeriter ad urbem venturum, ut te ibi videam, ut tua consilio, gratia, dignitate, ope omnium rerum uti possim. Ad propositum revertar: festinationi meæ brevitatique litterarum ignosces. reliqua ex Furnio cognosces.

### CÆSAR OPPIO CORNELIO S.

Gaudeo mehercule, vos significare litteris, quam valde probetis ea, quæ apud Corfinium sunt gesta. consilio vestro utar libenter, & hoc libentius, quod mea sponte facere constitueram, ut quam lenissimum me



me præberem; & Pompejum, darem operam, ut reconciliarem. tentemus hoc modo, si possumus omnium voluntates recuperare, & diuturna victoria uti: quoniam reliqui crudelitate odium effugere non potuerunt, neque victoriam diutius tenere, præter unum L. Sullam, quem imitaturus non sum. hæc nova sit ratio vincendi; ut misericordia & liberalitate nos muniamus. id quemadmodum fieri possit, nonnulla mihi in mentem veniunt, & multa reperiri possunt. De his rebus, rogo vos, ut cogitationem suscipiatis. Cn. Magium, Pompeji præfectum, deprehendi. scilicet meo instituto usus sum, & eum statim missum feci. jam duo præfecti fabrum Pompeji in meam potestatem venerunt, & a me missi sunt. si volent grati esse, amicus, quam his, qui & illi & mihi semper fuerunt inimicissimi: quorum artificiiis effectum est, ut respublica in hunc statum perveniret.

## BALBUS CICERONI IMP. S.

S. V. B. E. Posteaquam litteras communes cum S. Oppio ad te dedi, ab Cæsare epistolam accepi, cujus exemplum tibi misi; ex quibus perspicere poteris, quam cupiat concordiam & Pompejum reconciliare, & quam remotus sit ab omni crudelitate: quod eum sentire, ut debeo, valde gaudeo. De te & tua fide & pietate idem mehercule, mi Cicero, sentio, quod tu; non posse tuam famam & officium sustinere, ut contra eum arma feras, a quo tantum beneficium te accepisse prædices. Cæsarem hoc idem probaturum, exploratum, pro singulari ejus humanitate, habeo; eique cumulatissime satisfacturum te certe scio, cum nullam partem belli contra eum suscipias, neque focius ejus adversariis fueris. atque hoc non solum in te, tali & tanto viro, satis habebit, sed etiam mihi ipse sua concessit voluntate, ne in iis castris essem, quæ contra Lentulum aut Pompejum futura essent; quorum beneficia maxima haberem: si-bique satis esse dixit, si rogatus urbana officia sibi præstitissem; quæ etiam illis, si vellent, præstare possem. itaque nunc Romæ omnia negotia Lentuli pro-



procuro, iussineo; meumque officium, fidem, pietatem his præsto. sed mehercule rursus jam abjectam compositionis spem non desperatissimam esse puto; quoniam Cæsar est ea mente, qua optare debemus, hac re mihi placet, si tibi videtur, te ad eum scribere, & ab eo præsidium petere, ut petisti a Pompejo, me quidem approbante, temporibus Milonianis. præstabo, (si Cæsarem bene novi,) eum prius tuæ dignitatis, quam suæ utilitatis rationem habiturum. Hac quam prudenter tibi scribam, nescio: sed illud certe scio, me ab singulari amore ac benivolentia, quæcumque scribo, tibi scribere: quod te (ita, incolumi Cæsare, moriar) tanti facio, ut paucos æque ac te caros habeam. De hac re cum aliquid constitueris, velim mihi scribas. nam non mediocriter laboro, ut utrique, ut vis, tuam benivolentiam præstare possis: quam mehercule te præstaturum confido. Fac valeas.

BALBUS ET APPIUS S. D. M. CICERONI.

**N**edum hominum humilium, ut nos sumus, sed etiam amplissimorum virorum consilia ex eventu, non ex voluntate, a plerisque probari solent: tamen freti tua humanitate, quod verissimum nobis videbitur, de eo, quod ad nos scripsisti, tibi consilium dabimus: quod si non fuerit prudens, at certe ab optima fide & optimo animo proficietur. Nos, nisi, quod nostro iudicio Cæsarem facere oportere existimamus, ut simul Romam venerit, agat de reconciliatione gratiæ suæ & Pompeji, id eum facturum, ex ipso cognovissemus, te hortari desineremus, ut velles iis rebus interesse, quo facilius & maiore cum dignitate per te, qui utrique es conjunctus, res tota confieret: aut, si ex contrario putaremus Cæsarem id non facturum, & eum velle cum Pompejo bellum gerere sciremus; numquam tibi suaderemus, contra hominem, optime de te meritum, arma ferres; sicuti te semper oravimus, ne contra Cæsarem pugnares. sed cum etiamnum, quid facturum Cæsar sit, magis opinari possumus: non possumus, nisi hoc; non videri eam tuam esse



esse dignitatem, neque fidem omnibus cognitam, ut contra alterutrum, cum utrique sis maxime necessarius, arma feras: & hoc, non dubitamus, quin Cæsar pro sua humanitate maxime sit probaturus. nos tamen (si tibi videbitur) ad Cæsarem scribemus, ut nos certiores faciat, quid hac re acturus sit: a quo si erit nobis rescriptum, statim, quæ sentiemus, ad te scribemus: & tibi fidem faciemus, nos ea suadere, quæ nobis videntur tuæ dignitati, non Cæsaris rationi, esse utilissima: & hoc Cæsarem, pro sua indulgentia, in nos, probaturum putamus.

## CICERO ATTICO S.

7

Scripseram ad te epistolam, quam darem iv. Id. sed deo die is, cui dare volueram, non est profectus. venit autem eo ipso die ille celeripes, quam Salvius dixerat: attulit uberrimas tuas litteras, quæ mihi quidam quasi animulæ restillarunt. recreatum enim me non quo dicere. sed plane το στυγνον effecisti. ego enim non jam id ago, mihi crede, ut prosperos exitus consequar. sic enim video, nec duobus his vivis, nec hoc uno, non umquam rempublicam habituros. ita neque de otio nostro spero jam, nec ullam acerbiter recusor. unum illud extimescebam, ne quid turpiter facerem, vel, dicam, jam effecissem. sic ergo habeto, salutares te mihi litteras misisse: neque solum has longiores, quibus nihil potest esse explicatius, nihil perfectius; sed etiam illas breviores, in quibus hoc mihi jucundissimum fuit, consilium factumque nostrum a Sexto probari? pergratumque mihi tu fecisti, a quo diligi me, &, quid rectum sit, intelligi, scio. Longior vero tua epistola non me solum, sed meos omnes ægritudine levavit. itaque utar tuo consilio, & ero in Formiano: ne aut ad urbem <sup>ἀναγνῶν</sup> mea animadvertatur: aut, si nec hic nec illic eum videro, devitatum se a me putet. Quod autem suades, ut ab eo petam, ut mihi concedat, ut idem tribuam Pompejo, quod ipsi tribuerim: id me jam pridem agere intelliges & litteris Balbi & Oppii; quarum exempla tibi misi. misi etiam Cæsa-



Cæsaris ad eos, sana mente scriptas; quo modo in tanta insania. sin mihi Cæsar hoc non concedat; video tibi placere illud, me πολιτευμα de pace suspicere: in quo non extimesco periculum. cum enim tot impendeant, cur non honestissimo depecisci velim? sed vereor, ne Pompejo quid oneris imponam;

*Μη μοι γοργυνη κεφαλῇ δεινὸν πέλαιος*

intorqueat. mirandum enim in modum Cnæus noster Sullani regni similitudinem concupivit. *ἴδως σοι λεγω*, nihil ille umquam minus obscure tulit. cum hocne igitur, inquires, esse vis? beneficium sequor, mihi crede, non causam, ut in Milone, ut in. sed hæcenus. Causa igitur non bona est? immo optima: sed agetur (memento) fœdissime. primum, consilium est, suffocare urbem & Italiam fame, deinde, agros vastare, urere, pecuniis locupletum non abstinere. sed, cum eadem metuam ab hac parte: sic illinc beneficium non sit, rectius putem quidvis domi perpeti. sed ita meruisse illum de me puto, ut *ἁχαριστίας* crimen subire non audeam. quamquam a te ejus quoque rei iusta defensio est explicata. De triumpho tibi assentior: quem quidem totum facile & libenter abiecero. egregie probo fore, ut, dum agamus, *ὁ πλεὺς ὠραιο*s obrepat: si modo, inquis, satis ille erit firmus. est firmior etiam quam putabamus. de isto licet bene speras. promitto tibi, si valebit, tegulam illum in Italia nullam relinquentem. tene igitur socio? contra me hercule meum iudicium, & contra omnium antiquorum auctoritatem: nec tam ut illa adjuvem, quam ut hæc ne videam, cupio discedere. nolim enim putare tolerabiles horum insanias, nec uniusmodi fore. etsi quid te horum fudit? legibus, iudiciis, senatu sublato, libidines, audacias, sumtus, egestates tot egestissimorum hominum, nec privatas posse res, nec rempublicam sustinere. Abeamus igitur inde qualibet navigatione: etsi id quidem, ut tibi videbitur: sed certe abeamus. sciemus enim, id quod exspectas, quid Brundisii actum sit. Bonis viris quod ais probari, quæ adhuc fecerimus, scirique, ab iis nos non pro-



profectos, valde gaudeo; si est nunc ullus gaudendi locus. De Lentulo investigabo diligentius: id mandavi Philotimo; homini forti ac nimium optimati. Extremum est, ut tibi argumentum ad scribendum fortasse jam desit: (nec enim alia de re nunc ulla scribi potest; & de hac quid jam amplius inveniri potest?) sed quoniam & ingenium suppeditat, (dico mehercule, ut sentio,) & amor, quo & meum ingenium incitatur; perge, ut facis, & scribe, quantum potes. In Epirum quod me non invitas, comitem non molestum, subirascor: sed vale. nam, ut tibi ambulandum, ungendum, sic mihi dormiendum. etenim litteræ tuæ mihi somnum attulerunt.

## CICERO ATTICO S.

8

Cœnantibus pridie Idus nobis, ac noctu quidem, Staius a te epistolam brevem attulit. De L. Torquato quod quæris, non modo Lucius, sed etiam Aulus profectus est; alter multos D. De Reatinorum corona quod scribis, moleste fero in agro Sabino se mentem fieri proscriptionis. Senatores multos esse Romæ, nos quoque audieramus. ecquid potes dicere, cur exierint? In his locis opinio est, conjectura magis, quam nuntio, aut litteris, Cæsarem Formiis a. d. xi. Kal. Apr. fore. hic ego. vellem habere Homeri illam Minervam simulatam Mentori, cui dicerem:

Μεντορ πως τ' ἀρ' ἴω, πως τ' ἀρ' προσπύξομαι αὐτῷ;

nullam rem umquam difficiliorem cogitavi. sed cogito tamen; nec ero, ut in malis, imparatus. sed cura, ut valeas. puto enim, diem tuum heri fuisse.

## CICERO ATTICO S.

9

Tres epistolas tuas accepi postridie Idus. erant autem iv, iii, pridie Idus datæ. igitur antiquissimæ cuique primum respondebo. Assentio tibi, ut in Formiano potissimum commorer: etiam de supero mari; palpaboque, ut antea ad te scripsi, ecquonam modo possim, voluntate ejus, nullam reipublicæ par-

Cic. Epist. Tom. II.

Q

tem



tem attingere. Quod laudas, quia oblivisci me scripsi ante facta & delicta nostri amici: ego vero ita facio. quin ea ipsa, quæ a te commemorantur, secus ab eo in me ipsum facta esse, non memini: tanto plus apud me valere beneficii gratiam, quam injuriæ dolorem, volo. faciamus igitur, ut censes, colligamusque nos. <sup>consilium</sup> enim, simul ut rus decurro, atque in decursu <sup>stans</sup> meas commentari non desino. sed sunt quædam earum perdifficiles ad judicandum. De optimatibus, sit sane ita, ut vis: sed nosti illud, <sup>Διονύσιος ἐν Κορινθίῳ</sup>. Titinii filius apud Cæsarem est. Quod autem quasi vereri videris, ne mihi tua consilia displiceant; me vero nihil delectat aliud, nisi consilium & litteræ tuæ. quare fac, ut ostendis, ne destiteris ad me, quidquid tibi in mentem venerit, scribere. mihi nihil potest esse gratius. Venio ad alteram nunc epistolam. Recte non credis de numero militum ipso dimidio plus scripsit Clodia. falsum etiam de corruptis navibus. Quod consules laudas; ego quoque animum laudo, sed consilium reprehendo. dispersu enim illorum, actio de pace sublata est; quam quidem ego meditabar. itaque postea Demetrii librum de concordia tibi remissi, & Philotimo dedi. nec vero dubito, quin exitiosum bellum impendeat, cujus initium ducetur a fame. & me tamen doleo non interesse huic bello; in quo tanta vis sceleris futura est, ut, cum parentes non alere nefarium sit, nostri principes antiquissimam & sanctissimam parentem, patriam, fame necandam putent. atque hoc non opinione timeo, sed interfui sermonibus. omnis hæc classis Alexandria, Colchis, Tyro, Sidone, Arado, Cypri, Pamphylia, Lycia, Rhodo, Chio, Byzantio, Lesbo, Smyrna, Mileto, Coo, ad intercludendos comitatus Italia, & ad occupandas frumentarias provincias comparatur. at quam veniet iratus! & iis quidem maxime, qui eam maxime salvam volebant, quasi relictus ab iis, quos reliquit. itaque mihi dubitanti, quid me facere par sit, permagnum pondus affert benivolentia erga illum; quæ demta perire melius esset in patria, quam patriam servando evertere. De Septentrione, plane ita est. metuo,



metuo, ne vexetur Epirus. sed quem tu locum Græciæ non direptum iri putas? prædicat enim palam, & militibus ostendit, se largitione ipsa superiorem, quam hunc fore. Illud me præclare admones, cum illum videro, ne nimis indulgenter, & ut cum gravitate potius loquar. plane sic faciendum. Arpinum, cum eum convenero, cogito, ne forte, aut absim, cum veniet, aut cursem huc illuc via deterrimâ. Bibulum, ut scribis, audio venisse, & redisse pridie Idus. Philotimum, ut ais epistola tertia, exspectabas. at ille Idib. a me profectus est. eo serius ad tuam illam epistolam, cui ego statim rescripseram, redditæ sunt meæ litteræ. De Domitio, ut scribis, ita opinor esse, ut & in Cosano sit, & consilium ejus ignoretur. Ille omnium turpissimus & sordidissimus, qui consularia comitia a prætore ait haberi posse, est ille quidem, qui semper in republica fuit. itaque nimis hoc illud est, quod Cæsar scribit in ea epistola, cujus exemplum ad te misi, se velle uti CONSILIO meo; age, esto hoc commune: GRATIA; ineptum id quidem; sed puto, hoc simulat ad quasdam senatorum sententias: DIGNITATE; fortasse sententiæ consularis. illud extremum est, OPE OMNIUM RERUM. id eo suspicari cœpit tum ex tuis litteris, aut hoc ipsum esse, aut non multo secus. nam permagni ejus interest, rem ad interregnum non venire. id assequitur, si per prætorem consules creantur, nos autem in libris habemus, non modo consules a prætore, sed ne prætores quidem creari jus esse, idque factum esse numquam: consules, eo non esse jus, quod majus imperium a minore rogari non sit jus; prætores autem, cum ita rogentur, ut collegæ consulum sint, quorum est majus imperium. aberit non longe, quin hoc a me decerni velit, neque sit contentus Galba, Scævola, Cassio, Antonio.

Τότε μοι χάρις ὑπερτα χάρων.

sed quanta tempestas impendeat, vides. Qui transierint senatores, scribam ad te, cum certum habebō. De re frumentaria recte intelligis; quæ nullo modo



administrari sine veſtigalibus poteſt: nec ſine cauſa & eos, qui circum illum ſunt, omnia poſtulantes, & bellum nefarium times. Trebatium noſtrum, eſſi, ut ſcribis, nihil bene ſperat, tamen videre ſane veſtim: quem fac horteris, ut properet. opportune enim ad me ante adventum Cæſaris venerit. De Lanuino, ſtatim, ut audivi Phameam mortuum, optavi, ſi modo eſſet futura reſpublica, ut id aliquis emeret meorum: neque tamen de te, qui maxime meus, cogitavi. ſciebam enim te quoto anno, & quantum in ſolo, ſolere quærere: neque ſolum Romæ, ſed etiam Deli tuum digamma videram. verumtamen ego illud, quamquam eſt bellum, minoris æſtimo, quam æſtimabatur Marcellino conſule, cum ego iſtos hortulos propter domum, Antii quam tum habebam, jucundiores mihi fore putabam, & minore impenſa, quam ſi Tuſculanum reſeciſſem. volui H. S. D. egi per prædem, ille daret, Antii cum haberet venale: noluit. ſed nunc omnia iſta jacere puto, propter numorum caritatem. mihi quidem erit aptiſſimum, vel nobis potius, ſi tu emeris. ſed ejus dementias cave contemnas. valde eſt venuſtum. quamquam mihi iſta omnia jam addiſta vaſtitati videntur. Reſpondi epistolis tribus: ſed exſpecto alias. nam me adhuc tuæ litteræ ſuſtentarunt. D. Liberalibus.

10

CICERO ATTICO S.

**N**ihil habebam, quod ſcriberem. neque enim novi quidquam audieram, & ad tuas omnes reſcripſeram pridie. ſed, cum me ægritudo non ſolum ſomno privaret, verum ne vigilare quidem ſine ſummo dolore pateretur, tecum ut quaſi loquerer, in quo uno acquieſco, hoc nescio quid, nullo argumento propoſito, ſcribere inſtitui. Amens mihi fuiſſe videor a principio, & me una hæc res torquet, quod non, omnibus in rebus labentem, vel potius ruentem Pompejum tamquam unus manipularis ſecutus ſim. vidi hominem xiv. Kal. Febr. plenum formidinis. illo ipſo die ſenſi, quid ageret. numquam mihi poſtea placuit; nec umquam aliud in alio peccare deſtitit. nihil interim



terim ad me scribere, nihil nisi fugam cogitare. quid quæris? sicut *ex rois egrotis* alienant immundæ, infusæ, indecoræ: sic me illius fugæ negligentiaque deformitas avertit ab amore. nihil enim dignum faciebat, quare ejus fugæ comitem me adjungerem. nunc emergit amor; nunc desiderium ferre non possum; nunc mihi nihil libri, nihil litteræ, nihil doctrina prodest: ita dies & noctes, tamquam avis illa, mare prospecto; evolare cupio. Do, do pœnas temeritatis meæ: etsi quæ fuit illa temeritas? quid feci non consideratissime? si enim nihil præter fugam quæreretur, fugissem libentissime: sed genus belli crudelissimi & maximi, quod, nondum vident homines, quale futurum sit, perhorruì. quæ minæ municipiis? quæ nominatim viris bonis? quæ denique omnibus, qui remansissent? quam crebro illud, *Sulla potuit, ego non potero*? Mihi autem hæserunt illa: male Tarquinius, qui Porſenam, qui Octavium Mamilium contra patriam; impie Coriolanus, qui auxilium petit a Volſcis; recte Themistocles, qui mori maluit; nefarius Hippias, Pisistrati filius, qui in Marathoniam pugna cecidit, arma contra patriam ferens. at Sulla, at Marius, at Cinna recte, immo jure fortasse. sed quid eorum victoria crudelius? quid funestius? hujus belli genus fugi, & eo magis, quod crudeliora etiam cogitari & parari videbam. me, quem nonnulli conservatorem istius urbis, quem parentem esse dixerunt, Getarum, & Armeniorum, & Colchorum copias ad eam adducere? me meis civibus famiem, vastitatem inferre Italiæ? Hunc primum mortalem esse, deinde etiam multis modis posse extinguì cogitabam: urbem autem, & populum nostrum servandum ad immortalitatem, quantum in nobis esset, putabam; & tamen spes quædam me obtentabat, fore, ut aliquid conveniret potius, quam aut hic tantum sceleris, aut ille tantum flagitii admitteret. alia res nunc tota est, alia mens mea. Sol, ut est in tua quadam epistola, excidisse mihi e mundo videtur. Ut ægroto, dum anima est, spes esse dicitur; sic ego, quoad Pompejus in Italia fuit, sperare non desisti. hæc, hæc me fefellerunt;



lerunt; &, ut verum loquar, ætas jam a diuturnis laboribus devexa ad otium, domesticarum me rerum delectatione molliit. nunc, si vel periculo experiri- dum erit, experiar certe, ut hinc avolem. ante oportuit fortasse. sed ea, quæ scripsi, me tardarunt, & auctoritas maxime tua. nam cum ad hunc locum venissem; evolvi volumen epistolarum tuarum, quod ego sub signo habeo, servoque diligentissime. erat igitur in ea, quam x. Kalend. Febr. dederas, hoc modo: *sed videamus, & Cnæus quid agat, & illius rationes quorsum fluant.* Quod si iste Italiam relinquet; faciet omnino male, &, ut ego existimo ἁδογιστος: sed tum demum consilia nostra commutanda erunt. Hoc scribis post diem quartum, quam ab urbe discessimus. deinde viii. Kalend. Febr. tantummodo Cnæus noster, ne, ut urbem ἁδογιστος reliquit, sic Italiam relinquat. Eodem die das alteras, quibus mihi consulenti planissime respondes. est enim sic: *sed venio ad consulationem tuam. si Cnæus Italia cedit, in urbem redeundum puro: quæ enim finis peregrinationis?* Hoc mihi plane hæsit: & nunc ita video, infinitum bellum junctum miserrima fuga; quam tu peregrinationem ὑποτροπή. Sequitur χερσibus vi. Kalend. Februar. ego, si Pompejus manet in Italia, nec res ad pacationem venit, longius bellum puro fore: *sin Italiam relinquit, ad posterum bellum ὑποτροπή στρῦνι existimo.* Hujus igitur belli ego particeps & socius & adjutor esse cogor; quod & ὑποτροπή est, & cum civibus. Deinde vii. Idus Februar. cum jam plura audires de Pompeji consilio, concludis epistolam quandam hoc modo: *Ego quidem tibi non sim auctor, si Pompejus Italiam relinquit, te quoque profugere. summo enim periculo facies, nec reipublicæ proderis; cui quidem posterius poteris prodesse, si manseris.* Quem φιλοπατῆρα ac πολιτικόν, hominis prudentis & amici, tali admonitu, non moveret auctoritas? Deinceps iii. Idus Februar. iterum mihi respondes consulenti sic: *Quod quæris a me, fugamne fidam, an moram deferendam utiliorem purem: ego vero in præsentia subitum discessum, & præcipiorem projectionem, cum tibi, tum ipsi Cnæo inutilem & periculosam puro: & satius esse existimo, vos di-*

sperri-



*spertitos, & in speculis esse. sed medius fidius turpe nobis puto esse. de fuga cogitare. Hoc turpe Cnæus noster biennio ante cogitavit: ita sullaturit animus ejus, & proscripturit diu. Inde, ut opinor, cum tu ad me quædam *γενναρις* scripsisses, & ego mihi a te quædam significari putassem, ut Italia cederem: detestaris hoc diligenter xi. Kalend. Mart. Ego vero nulla epistola significavi, si Cnæus Italia cederet, ut tu una cederes: aut, si significavi, non dico fui inconstans, sed demens. In eadem epistola alio loco, Nihil relinquitur, nisi fuga: cui te socium neutiquam puto esse oportere, nec umquam putavi. Totam autem hanc deliberationem evolvis accuratius in litteris xi. Kalend. Mart. datis. Si M. Lepidus & L. Volcatius remanent, manendum puto, ita ut, si saluus sit Pompejus & constiterit alicubi, hanc *νεκρὰν* relinquis, & te in certamine vinci cum illo facilius pariaris, quam cum hoc in ea, quæ perspicitur futura, colluvie regnare. Multa disputas huic sententiæ convenientia. inde ad extremum. Quid si, inquis, Lepidus & Volcatius discedunt? plane *αὐτοῖς*. Quod evenit igitur, & quod egeris, id *εἰρησίων* putabo. Si tum dubitaras, nunc certe non dubitas, istis manentibus. Deinde in ipsa fuga v. Kal. Mart. Interea non dubito, quin in Formiano mansurus sis. commodissime enim *το μάλιστα* ibi *καταδοκίμοις*. Ad Kal. Mart. cum ille quintum jam diem Brundisii esset: Tum poterimus deliberare, non scilicet integra re, sed certe minus infracta, quam si una projeceris te. Deinde iv. Nonas Mart. *ὅπο τινι λυ*. In cum breviter scriberes, tamen ponis hoc: Cras scribam plura, & ad omnia: hoc tamen dicam, non pernitere me consilii de tua mansioni: & quamquam magna sollicitudine, tamen, quia minus mali puto esse, quam in illa profectione, maneo in sententia, & gaudeo te mansisse. Cum vero jam angerer, & timerem, ne quid a me dedecoris esset admissum, iii. Nonas Mart. Tamen, te non esse una cum Pompejo, non fero moleste. Postea si opus fuerit, non erit difficile; & illi, quoquo tempore fiet, erit *ἀπομνησ*. sed hoc ita dico, si hic, qua ratione initium fecit, eadem cetera ager, sincere, temperate, prudenter; valde videro, & consideratius utilitati nostræ*



*consuluerō.* vii. Idus Mart. scribis Pēduceo quoque nostro probari, quod quierim, cuius auctoritatis multum apud me valet. His ego tuis scriptis me consolor, ut nihil a me adhuc delictum putem. tu modo auctoritatem tuam defendito; adversus me, nihil opus est: sed consciis egeo aliis. ego, si nihil peccavi, reliqua tuebor. ad ea tu te hortare, & me omnino tua cogitatione adjuva. Hic nihildum de reditu Cæsaris audiebatur. Ego his litteris hoc tamen profeci; perlegi omnes tuas, & in eo acquievi.

## II CICERO ATTICO S.

**L**entulum nostrum scis Puteolis esse: quod cum e viatore quodam esset auditum; qui se diceret eum in Appia, cum is paullum lecticam aperuisset, cognosse, etsi vix verisimile, misi tamen Puteolos pueros, qui pervestigarent, & ad eum litteras. inventus est vix in hortis suis se occultans, litterasque mihi remisit, mirifice gratias agens Cæsari: de suo autem consilio C. Cæcio mandata ad me dedisse. eum ego hodie expectabam, id est xiii. Kal. April. Venit etiam ad me Matius Quinquatribus, homo meretricule, ut mihi visus est, temperatus & prudens: estimatus quidem est semper auctor otii. quam ille hæc non probare mihi quidem visus est! quam illam *videtur*, ut tu appellas, timere! huic ego in multo sermone epistolam ad me Cæsaris ostendi, eam, cuius exemplum ad te antea misi; rogaviq; ut interpretaretur, quid esset, quod ille scriberet, consilio meo sed uti velle, gratia, dignitate, ope rerum omnium. respondit, se non dubitare, quin opem & gratiam meam ille ad pacificationem quereret. utinam aliquid in hac miseria reipublicæ *modicum* opus efficere & navare mihi liceat! Matius quidem & illum in ea sententia esse confidebat, & se auctorem fore pollicebatur. Pridie autem apud me Crassipes fuerat, qui se pridie Nonas Mart. Brundisio profectum, atque ibi Pompejum reliquisse dicebat: quod etiam, qui *uxa* Idus illinc profecti erant, nuntiabant: illa vero omnes, in quibus etiam Crassipes, (qui prudentia potius

atten-



attendere,) sermones minaces, inimicos optimatum, municipiorum hostis, meras proscriptiones, meros Sullas: quæ Lucejum loqui? quæ totam Græciam? quæ vero Theophanem? & tamen omnis spes salutis in illis est: & ego excubo animo, nec partem ullam capio quietis; &, ut has pestes effugiam, cum dissimilibus nostri esse cupio. Quid enim tu illic Scipionem, quid Faustum, quid Libonem prætermisurum sceleris putas? quorum creditores convenire dicuntur. quod eos autem, cum vicerint, in cives effecturos? quam vero *μακροφρονας* Cnæi nostri esse? nuntiant Ægyptum, & Arabiam *Ἰουδαίονα*, & *Μισσην* cogitare, Hispaniam abjecisse. monstra narrant; quæ falsa esse possunt. sed certe & hæc perdita sunt, & illa non salutaria. Tuas litteras jam desidero. post fugam nostram numquam jam nostrum earum intervallum fuit. Misi ad te exemplum litterarum mearum ad Cæsarem; quibus me aliquid profecturum puto.

## CICERO IMP. S. D. CÆSARI IMP.

Ut legi tuas litteras, quas a Furnio nostro acceperam, quibus mecum agebas, ut ad urbem essem; te velle uti consilio & dignitate mea, minus sum admiratus: de gratia & de ope quid significares mecum ipse quærebam: spe tamen deducebar ad eam cogitationem, ut te pro tua admirabili ac singulari sapientia de otio, de pace, de concordia civium agi velle arbitrarer: & ad eam rationem existimabam satis aptam esse & naturam & personam meam. Quod si ita est; & si qua de Pompejo nostro tuendo, & tibi ac reipublicæ reconciliando cura te attingit; magis idoneum, quam ego sum, ad eam causam profecto reperies neminem: qui & illi semper, & senatui, cum primum potui, pacis auctor fui; nec, sumtis armis, belli ullam partem attingi; iudicavique, eo bello te violari, contra cuius honorem, populi Romani beneficio concessum, inimici atque invidi niterentur. sed ut eo tempore non modo ipse fautor dignitatis tuæ fui, verum etiam ceteris auctor ad te adjuvandum;



dum; sic me nunc Pompeji dignitas vehementer movet. aliquot enim sunt anni, cum vos duo delegi, quos præcipue colerem, & quibus essem, sicut sum, amicissimus. Quamobrem a te peto, vel potius omnibus precibus oro & obtestor, ut in tuis maximis curis aliquid impertias temporis huic quoque cogitationi, ut tuo beneficio bonus vir, gratus, pius denique esse, in maximi beneficii memoria, possim. quæ si tantum ad me ipsum pertinerent, sperarem me a te tamen impetraturum: sed, ut arbitror, & ad tuam fidem, & ad rempublicam pertinet, me e paucis, & ad utriusque vestrum, & ad civium concordiam, per te, quam accommodatissimum, conservari. Ego, cum antea tibi de Lentulo gratias egissem, cum ei salutem qui mihi fuerat, fuisses: tamen, lectis ejus litteris, quas ad me gratissimo animo de tua liberalitate beneficioque misit, eandem me salutem a te accepisse putavi, quam ille: in quem si me intelligis esse gratum; cura, obsecro, ut etiam in Pompejum esse possim.

12

CICERO ATTICO S.

**L**egebam tuas litteras xiii. Kalend. cum mihi epistola affertur a Lepta, circumvallatum esse Pompejum, ratibus etiam exitus portus teneri. non mediis fidius præ lacrimis possum reliqua nec cogitare, nec scribere. nisi ad te exemplum. miseros nos, cur non omnes fatum illius una executi sumus? ecce autem a Matio & Trebatio eadem: quibus Minturnis obvii Cæsaris tabellarii. torqueor infelix, ut jam illum Mucianum exitum exoptem. at quam honesta, at quam expedita tua consilia, quam evigilata tuis cogitationibus, quam itineris, quam navigationis, quam congressus, sermonisque cum Cæsare! omnia tum honesta, tum cauta, in Epirum vero invitatio quam suavis, quam liberalis, quam fraterna! De Dionysio, sum admiratus: qui apud me honoratior fuit, quam apud Scipionem Panætius: a quo impurissime hæc nostra fortuna despecta est. odi hominem, & odero: utinam ulcisci possem! sed illum ulciscuntur mores sui.



fui. Tu, quæso, nunc vel maxime, quid agendum nobis sit, cogita. Populi Romani exercitus Cn. Pompejum circumsidet; fossa & vallo septum tenet; fuga prohibet; nos vivimus, & stat urbs ista? Prætores jus dicunt? Aediles ludos parant? viri boni usuras perscribunt? ego ipse sedeo? Coner illuc ire, ut insanus? implorare fidem municipiorum? boni non sequuntur; leves irridebunt; rerum novarum cupidi, victores præsertim & armati, vim & manus afferent. Quid censes igitur? ecquidnam est tui consilii ad finem hujus miserrimæ vitæ? nunc doleo, nunc torqueor, cum quibusdam aut sapiens videor, quod una non ierim, aut felix fuisse. mihi contra. numquam enim illius victoriæ socius esse volui; calamitatis malletm fuisse. quid ego nunc tuas litteras, quid tam prudentiam aut benivolentiam implorem? actum est. nulla re jam possum juvari, qui, ne quod optem quidem, jam habeo, nisi ut aliqua inimici misericordia liberemur. *ἐκ τῆς ἐπιτομῆς λέγεται*, ut opinor, ille de ratibus. quid enim est, quod Dolabella his litteris, quas m. Idus Mart. a Brundisio dedit, hanc *ἐπιτομῆς* quasi Cæsaris scriberet, Pompejum in fuga esse? eumque primo vento navigaturum? quod valde discrepat ab iis epistolis, quarum exempla antea ad te misi. hic quidem mera scelera loquuntur. sed non erat nec recentior auctor, nec hujus rei quidem melior Dolabella.

## CICERO ATTICO S.

13

Tuas xi. Kalend. accepi litteras, quibus omnia consilia differs in id tempus, cum scierimus, quid actum sit. & certe ita est; nec interim potest quidquam non modo statui, sed ne cogitari quidem. quamquam hæc mihi litteræ Dolabellæ jubent ad pristinas cogitationes reverti. fuit enim pridie Quinquatrus egregia tempestas, qua ego illum usum puto. *ὑπομνήματα* consiliorum tuorum non est a me collecta ad querelam, sed magis ad consolationem meam. nec enim me tam hæc mala agebant, quam suspicio culpæ ac temeritatis meæ: eam nullam puto esse, quoniam cum



cum consiliis tuis mea facta & consilia consentiunt. Quod mea prædicatione factum esse scribis magis, quam illius merito, ut tantum ei debere viderer; est ita. ego illa extuli semper, & eo quidem magis, ne quid ille superiorum meminisse me putaret: quæ si maxime meminissem; tamen illius temporis similitudinem jam sequi deberem. nihil me adjuvit, cum posset: & postea fuit amicus, etiam valde: ecquam ob causam, plane nescio. ergo ego quoque illi. quin etiam illud par in utroque nostrum, quod ab eisdem illecti sumus. sed utinam tantum ego ei prodesse potuissem, quantum mihi ille potuit! mihi tamen, quod fecit, gratissimum: nec ego nunc, eum juvare quare possim, scio: nec, si possem, cum tam pestiferum bellum pararet, adjuvandum putarem. tantum offendere animum ejus hic manens nolo. nec mehercule ista videre, quæ tu potes jam animo providere, nec interesse istis malis possem. sed eo tardior ad discedendum fui, quod difficile est de discessu voluntario, sine ulla spe reditus, cogitare. nam ego hunc ita paratum video peditatu, equitatu, classibus, auxiliis Gallorum, quos Matius *ελαπισεν*, ut puto; sed certe dicebat, peditum *εκοι*, equitum sex polliceri sumtu suo annos decem. sed sit hoc *λαπισμα*. magnas habet certe copias: & habebit non, ut ille, vestigal, sed civium bona. adde confidentiam hominis; adde imbecillitatem bonorum virorum; qui quidem, quod illum sibi merito iratum putant, oderunt, ut tu scribis, ludum. ac vellem, scribis, quisnam hic significasset. sed & iste, quia plus ostenderat, quam fecit, [amatur,] & vulgo illum qui amarunt, non amant. municipia vero, & rustici Romani illum metuunt, hunc adhuc diligunt. quare ita paratus est, ut, etiamli vincere non possit, quo modo tamen vinci ipse possit, non videam. ego autem non tam *γεντειαν* huius timeo, quam *πειθαναγκην*. *αι γαρ των τυραννων δεησεις*, inquit, *Πλατων, οιοι? οτι μεμενημενοι αναγκαις*. Illa *αλημενα* video tibi non probari: quæ ne mihi quidem placebant: sed habebam in illis & occulationem, & *υπηρεσιαν* fidellem: quæ si mihi Brundisii suppetere, malletm. sed



hi occultatio nulla est. verum, ut scribis; cum scierimus. Viris bonis me non nimis excuso. quas enim eos cenas & facere & obire scripsit ad me Sextus? quam lautas? quam tempestivas? sed sint quamvis boni, non sunt meliores, quam nos: moverent me, si essent fortiores. De Lanuino Phameæ, erravi: Trojanum somniabam. id ego volui D. sed pluris est. istud tamen cuperem emere, si ullam spem fruendi viderem. Nos quæ monstra quotidie intelligamus, ex illo libello, qui in epistolam coniectus est. Lentulus noster Puteolis est *αδελφον*, ut Cæcius narrat, quid agat: *δυστοκον* Corfiniensem reformidat: Pompeio nunc putat satisfactum: beneficio Cæsaris movetur; sed tamen movetur magis perspecta re. Tene hæc posse ferre? Omnia misera: sed hoc nihil miserius; Pompejus N. Magium de pace misit; & tamen oppugnatur; quod ego non credebam; sed habeo a Balbo litteras, quarum ad te exemplum misi: lege quæso, & illud infimum caput ipsius Balbi optimi, cui Cnæus noster locum, ubi hortos ædificaret, dedit. quem cui nostrum non sæpe prætulit? Itaque miser torquetur. sed, ne bis eadem legas, ad ipsam te epistolam reijcio. spem autem pacis habeo nullam. Dolabella suis litteris, Idibus Mart. datis, merum bellum loquitur. maneamus ergo in illa eadem sententia misera & desperata: quando hoc miserius esse nihil potest.

## BALBUS CICERONI IMP. S.

Cæsar nobis litteras perbreves misit, quarum exemplum subscripsi. brevitatem epistolæ scire poteris, eum valde esse distentum, qui tanta de re tam breviter scripserit. si quid præterea novi fuerit, statim tibi scribam.

## CÆSAR OPPIO CORNELIO S.

A. d. vii. Id. Mart. Brundisium veni: ad murum castra posui. Pompejus est Brundisii. misit ad me N. Magium de pace. quæ visa sunt, respondi. hoc vos statim scire volui. cum in spem venero, de com-  
posi-



positione aliquid me conficere, statim vos certiores faciam.

Quomodo me nunc putas, mi Cicero, torqueri, postquam rursus in spem pacis veni, ne qua res eorum compositionem impediat? namque, quod absens facere possum, opto. quodsi una essem, aliquid fortasse proficere possem videri. nunc expectatione crucior.

14

## CICERO ATTICO S.

**M**iseram ad te ix. Kal. exemplum epistolæ Balbi ad me, & Cæsaris ad eum; ecce tibi eodem die Capua mitteras [accepi] ab Q. Pedio: Cæsarem ad se pridie Id. Mart. misisse hoc exemplo: *Pompejus se oppido tenet. nos ad portas castra habemus. conamur opus magnum, & multorum dierum, propter altitudinem maris. sed tamen nihil est, quod potius faciamus. ab utroque portus cornu moles jacimus, ut aut illum quamprimum trahere, quod habet Brundisii copiarum, cogamus, aut exitu prohibeamus.* Ubi est illa pax, de qua Balbus scriperat torqueri se? ecquid acerbius? ecquid crudelius? atque eum loqui quidam *audientius* narrabat; Cn. Carbonis, M. Bruti, se pœnas persequi, omniumque eorum, in quos Sulla crudelis hoc socio, fuisset: nihil Curionem sed duce facere, quod non hic Sulla duce fecisset ad ambitionem: (a se,) quibus exili pœna superioribus legibus non fuisset; ab illo patriæ proditores de exilio reductos esse: queri de Milone per vim expulso: neminem tamen se violaturum, nisi qui arma. Hæc contra Babiis quidam, a Curione iii. Id. profectus, homo non infans, sed quis, ulli non dicat. plane nescio, quid agam. Illinc equidem Cnæum profectum puto. Quidquid est, biduo sciemus. A te nihil: ne Anteros quidem quid litterarum. nec mirum. quid enim est, quod scribamus? ego tamen nulum diem prætermitto. Scripta epistola, litteræ mihi ante lucem a Lepta Capua redditæ sunt Idib. Mart. Pompejum a Brundisio conscendisse, at Cæsarem a. di. vii. Kal. April. Capuæ fore.

CICE.



## CICERO ATTICO S.

15

Cum dedissem ad te litteras, ut scires Casarem Cas-  
 puæ xii. Kalend. fore, allatæ mihi sunt litteræ,  
 eum in Albano apud Curionem v. Kalend. fore. cum  
 cum videro, Arpinum pergam. si mihi veniam, quam  
 peto, dederit, utar conditione: sin minus, impetrabo  
 aliquid a me ipso. Ille, ut ad me scripsit, legiones  
 singulas posuit Brundisii, Tarenti, Siponti. claudere  
 mihi videretur maritimos exitus: & tamen ipse Græ-  
 ciam spectare potius, quam Hispanias. sed hæc lon-  
 gius absunt. Me nunc & congressus hujus stimulat:  
 is vero adest: & primus ejus actiones horreo. volet  
 enim, credo, S. C. facere: volet augurum decretum:  
 rapiemur, aut absentes vexabimur: vel ut consules  
 rogét prætor, vel dictatorem dicat: quorum neutrum  
 jus est. sed si Sulla potuit efficere, ab interrege ut di-  
 ctator diceretur, cur hic non possit? nihil expedit,  
 nisi ut aut ab hoc, tamquam Q. Mucius, aut ab illo,  
 tamquam L. Scipio. Cum tu hæc leges, ego illum  
 fortasse convenero. *Τελος, κωτερον.* ne illud quidem  
 nostrum proprium. erat enim spes propinqui reditus;  
 erat hominum quærela. nunc exire cupimus; qua spe  
 reditus, mihi quidem numquam in mentem venit.  
 non modo autem nulla querela est municipalium ho-  
 minum, ac rusticorum, sed contra metuunt, ut cru-  
 delem, iratum. nec tamen mihi quidquam est mise-  
 rius, quam remansisse; nec optatius, quam evolare,  
 non tam ad belli, quam ad fugæ societatem. sed tu  
 omnia consilia differebas in id tempus, cum sciremus,  
 quæ Brundisii acta essent. scimus nempe: hæremus ni-  
 hilo minus. vix enim spero mihi hunc veniam datu-  
 rum: etsi multa afferro iusta ad impetrandum. sed tibi  
 omnem illius, meumque sermonem, omnibus verbis  
 expressum, statim mittam. Tu nunc omni amore eni-  
 tere, ut nos cura tua & prudentia juves. ita subito  
 accurrit, ut ne T. Rebilum quidem, ut constitue-  
 ram, possim videre. omnia nobis imparatis agenda.  
 sed tamen



--- ἄλλα μὲν αὐτός, ut ait ille,  
ἄλλα δὲ καὶ δαίμων ὑποδησεται.

Quidquid egero, continuo scies. Mandata Cæsaris ad consules & ad Pompejum, quæ rogas, nulla habeo; neque descripta attulit illa Lucius. E via misi ad te ante, e quibus mandata puto intelligi posse. Philippus Neapoli est, Leotulus Puteolis. De Domitio, ut facis, sciscitare, ubi sit, quid cogitet. Quod scribis, asperius me, quam mei patiuntur mores, de Dionysio scripsisse: vide, quam sim antiquorum hominum. te mediùs fidiùs hanc rem gravius putavi laturum esse, quam me. nam præterquam quod te moveri arbitror oportere injuria, quæ mihi a quoquam facta sit; præterea te ipsum quodam modo hic violavit, cum in me tam improbus fuit? sed tu id quanti æstimes, tuum judicium est. nec tamen in hoc tibi quidquam oneris impono. ego autem illum male sanum semper putavi, nunc etiam impurum & sceleratissimum puto: nec tamen mihi iniraiciorem, quam sibi. De Philagyro bene: causam certe habuisti & veram & bonam; relictum esse me potius, quam reliquisse. Cum dedissem jam litteras a. d. viii. Kal. quos cum Matio & Trebatio miseram, pueri, epistolam mihi attulerunt hoc exemplo.

MATIUS ET TREBATIUS CICE-  
RONI IMP. S.

Cum Capua exissemus, in itinere audiimus Pompejum Brundisio a. d. xvi. Kalend. April. cum omnibus copiis, quas habuit, profectum esse: Cæsarem postero die in oppidum introisse; concionatum esse; inde Romam contendisse; velle ante Kalend. esse ad urbem, & paucos dies ibi commorari, deinde in Hispanias proficisci. Nobis non alienum visum est, quoniam de adventu Cæsaris pro certo habebamus, pueros ad te remittere, ut id tu quamprimum scires. Mandata tua nobis curæ sunt, eaque, ut tempus postularit, agemus. Trebatiùs Scavola facit, ut antecedit. Epistola conscripta, nuntiatum est nobis,

Cæsa-



Cæsarem a. d. viii. Kal. April. Beneventi mansurum,  
a. d. vii. Capuæ, a. d. vi. Sinuessæ. hoc pro certo  
putamus.

## CICERO ATTICO S.

16

Cum, quod scriberem ad te, nihil haberem: tamen,  
ne quem diem intermitterem, has dedi litteras.  
A. d. vi. Kal. Cæsarem Sinuessæ mansurum nuntia-  
bant. ab eo mihi litteræ redditæ a. d. vii. Kalend. quibus  
jam opes meas, non, ut superioribus, opem, exspe-  
ctat. cum ejus clementiam Corfiniensem illam per lit-  
teras collaudavissem, rescriptit hoc exemplo.

## CÆSAR IMP. CICERONI IMP. S. D.

Recte auguraris de me, (bene enim tibi cognitus  
sum) nihil a me abesse longius crudelitate. atque  
ego cum ex ipsa re magnam capio voluptatem: tum,  
meum factum probari ab te, triumpho, gaudeo. ne-  
que illud me movet, quod ii, qui a me dimissi sunt,  
discessisse dicuntur; ut mihi rursus bellum inferrent:  
nihil enim malo, quam & me mei similem esse, &  
illos sui. Tu velim mihi ad urbem præsto sis, ut tuis  
consiliis atque opibus, ut consuevi, in omnibus re-  
bus utar. Dolabella tuo nihil scito mihi esse jucun-  
dus: hanc adeo habebō gratiam illi: neque enim ali-  
ter facere poterit: tanta ejus humanitas, is sensus, ea  
in me est benivolentia.

## CICERO ATTICO S.

17

Trebatium vi. Kalend. quo die has litteras dedi,  
expectabam. ex ejus nuntio Matinique litteris  
meditabor, quo modo cum illo loquar. O tempus  
miserum! nec dubito, quin a me contendat, ad ur-  
bem veniam. Senatum enim Kal. velle se frequen-  
tem adesse, etiam Formiis proscribi jussit. ergo ei  
negandum est? sed quid præcipio? statim ad te per-  
scribam omnia. ex illius sermone statuam, Arpinumne  
mihi eundum sit, an quo alio. Volo Ciceroni meo  
togam puram dare. istuc puto, tu, quæso, cogita,  
quid

Cic. Epist. Tom. II.

R



quid deinde. nam me hebetem molestiæ reddiderunt. A Curio, velim scire, ecquid ad te scriptum sit de Tirone. ad me enim ipse Tiro ita scripsit, ut verrear, quid agat. qui autem veniunt inde, *καταναλίσκοντες* nuntiant. sane in magnis curis etiam hæc me sollicitat. in hac enim fortuna perutilis ejus & opera & fidelitas esset.

18

CICERO ATTICO S.

Utrumque ex tuo consilio. nam & oratio fuit et nostra, ut bene potius ille de nobis existimaret, quam gratias ageret: & in eo mansimus, ne ad urbem. illa fefellerunt, facilem quod putaramus. nihil vidi minus. damnari se nostro iudicio, tardiores fore reliquos, si nos non venerimus, dicere. ego, diffimilem illorum esse causam. cum multa; veni igitur, & age de pace. meone, inquam, arbitratus? an tibi, inquit, ego præscribam? sic, inquam, agam, Senatus non placere in Hispanias iri, nec exercitus in Græciam transportari; multaque, inquam, de Chæo deploabo. tum ille, Ego vero ista dici nolo. ita putabam, inquam: sed ego eo nolo adesse, quod aut sic mihi dicendum est, multaque quæ nullo modo possem silere, si adessem; aut non veniendum. summa fuit, ut ille, quasi exitum quærens, ut deliberarem, non fuit negandum. ita discessimus. Credo igitur, hunc me non amare. at ego me amavi; quod mihi jam pridem usu non venit. reliqua, o Dii! qui comitatus! quæ, ut tu soles dicere, *νεκρῶν*! in qua erat area scelerum. o rem perditam! o copias desperatas! quid, quod Servii filius? quod Titiani? quot in his castris fuerunt, quibus Pompejus circumfunderetur? sex legiones. multum vigilat, audet: nullum video finem mali. nunc certe promenda tibi sunt consilia. hoc fuerat extremum. Illa tamen *καταναλίσκεις* illius est odiosa, quam pæne præterii: si sibi consiliis nostris uti non liceret, usurum, quorum posset, ad omniaque esse descensurum. vidisti igitur virum, ut scripseras? ingemisti? certe. credo reliqua. quid? continuo ipse in Pedanum, ego Arpinum. inde exspecto quidem *λαγνῶς*.



καλῶς illam tuam. tu (malum) inquires, actum ne agas. etiam illum ipsum, quem sequimur, multa fefellerunt. sed ego tuas litteras exspecto. nihil est enim jam, ut antea, videamus, hoc quorsum evadat. extremum fuit de congressu nostro: quo quidem non dubito quin istum offenderim. eo maturius agendum est. amabo te, epistolam, & πολιτικῇ. valde tuas litteras nunc exspecto.

## CICERO ATTICO S.

19

Ego meo Ciceroni, quoniam Roma caremus, Arpini potissimum togam puram dedi; idque municipibus nostris fuit gratum. etsi omnes, & illos, & qua iter feci, mæstos afflictosque vidi: tam tristis, & tam atrox est ἀνδραγαθὸς hujus ingentis mali. delectus habentur: in hiberna deducuntur. Ea, quæ, etiam cum a bonis viris, cum justo in bello, cum modeste fiunt, tamen ipsa per se molesta sunt; quam censes acerba nunc esse, cum a perditis, in civili nefario bello, petulantissime fiant? cave autem putes, quamquam hominem in Italia turpem esse, qui hinc absit. vidi ipsi Formiis universos: neque mehercule umquam homines putavi; & noram omnes; sed numquam uno loco videram. Pergamus igitur, quo placet, & nostra omnia relinquamus. proficiscamur ad eum, cui gratior noster adventus erit, quam si una fuisset. tum enim eramus in maxima spe; nunc, ego quidem, in nulla: nec, præter me, quisquam Italia cessit, nisi qui hunc inimicum sibi putaret, nec mehercule hoc facio reipublicæ causa, quam funditus deletam puto: sed ne quis me putet ingratum in eum, qui me levavit iis incommodis, quibus idem affecerat: & simul, quod ea, quæ fiunt, aut quæ certe futura sunt, videre non possum. etiam quidem senatus consulta facta quædam jam puto; utinam in Volcatii sententiam! sed quid refert? est enim una sententia omnium. sed erit injustissimus Servius, qui filium misit ad effligendum Cn. Pompejum, aut certe capiendum, cum Pontio Titiniano. etsi hic quidem timoris causa; ille vero? sed stomachari desinamus,

R 2

&amp;



& aliquando sententiam, ut nihil novi, nisi id, quod minimum vellem spiritum reliquum esse. Nos, quoniam superum mare obsidetur, infero navigabimus; &, si Puteolis erit difficile, Crotonem petemus, aut Thurios; & boni cives, amantes patriæ, mare infestum habebimus. aliam rationem hujus belli gerendi nullam video. in *Aegyptum* nos abdemus. exercitus pares esse non possumus. pacis fides nulla est. sed hæc fatis deplorata sunt. Tu velim litteras Cephalionides de omnibus rebus actis, denique etiam de sermonibus hominum; nisi plane obmutuerunt. Ego tuis consiliis usus sum, maximeque, quod gravitatem in congressu nostro tenui, quam debui; &, ad urbem ut non accederem, perseveravi. Quod superest, scribe, quæso, quam accuratissime, (jam enim extrema sunt,) quid placeat, quid censeas: etsi jam nulla dubitatio est. tamen, si quid, vel potius quidquid veniet in mentem, scribas velim.







M. TULLII CICERONIS  
EPISTOLARUM

A D  
A T T I C U M,  
LIBER X.

---

A R G U M E N T U M.

*Argumentum idem fere est libri hujus & superioris: Querimonia de perditis Caesaris & Pompeji consiliis: Curionis congressus, Proprætoris in Siciliam proficiscentis, largeque & liberaliter de sua Caesarisque in Ciceronem voluntate pollicentis: Quinti filii scelus, Romam profecti, Hiræque, tum patri excedendi consilia indicantis: Deliberatio, an, quæ in Hispania gerantur, expectandum sit, ad quod & sui & multi alii horrebantur: Caesaris litteræ, ne quo progrediatur, monentis: Cælii, aut aliquod oppidum eligat, vacuum a bello, rogantis Antonii, id ipsum, & mandatum sibi significantis, ne quem Italia excedere permittat: Congressus cum Servio Sulpicio: Fuga Catonis ex Sicilia in Africam transmittentis: firmum propositum proficiscenti, primum occulte, postea palam. Scriptæ sunt epistolæ ex ante diem iii. Non. Aprilis, ad xiv. Kalendas Junias, plus minus, iisdem, L. Cornelio Lentulo, C. Lentulo, C. Claudio Marcello Coss.*



**T**ertio Nonas cum in Laterium fratris venissem, accepi litteras, & paullulum respiravi: quod post has ruinas mihi non acciderat. per enim magni aestimo, tibi firmitudinem animi nostri & factum nostrum probari. Sexto enim nostro quod scribis probari, ita lætor, ut me quasi patris ejus, cui semper uni plurimum tribui, judicio comprobari putem: qui mihi, quod sæpe soleo recordari, dixit olim, Nonis illis Decembribus, cum ego, Sexte, quidnam ego?

*Με μαν, inquit ille, ἀσπεδα γὰρ καὶ ἀκλειῶς ἀπολοιμήν;*

*Ἀλλὰ μὲν ἔξας τί, καὶ ἐσσομένοισι πυθεσθαι.*

Ejus igitur mihi vivit auctoritas; & simillimus ejus filius eodem est apud me pondere, quo fuit ille: quem salvare velim jubeas plurimum. Tu tuum consilium etsi non in longinquum tempus differs: jam enim illum entum pacificatorem perorasse puto, jam actum aliquid esse in confessu senatorum; (senatum enim non puto;) tamen suspensum me tenes, sed eo minus, quod non dubito, quid nobis agendum putes, quid enim Flavio legionem & Siciliam dari scribas, & jam fieri? quæ tui scelera partim parari, & jam cogitari, partim ex tempore futura censes? ego vero Solonis, popularis tui, ut puto, etiam mei; legem negligam, qui capite sanxit, si qui in seditione non alterius utrius partis fuisset; nisi tu aliter censes; & hinc abero & filii. sed alterum mihi est certius: nec præripiam tamen; expectabo tuum consilium & eas litteras, nisi alias jam dedisti, quas, scripsi, ut Cephalioni dares. Quod scribis, non quo alicunde audieris, sed te ipsum putare, me attractum iri, si de pace agatur: mihi omnino non venit in mentem, quæ possit actio esse de pace, cum illi certissimum sit, si possit, expoliare exercitu, & provincia Pompejum: nisi forte iste Summanus ei potest persuadere, ut, dum oratores eant, & redeant, quiescat. nihil video, quod sperem, aut quod jam putem fieri posse; sed tamen



men hominis hoc ipsum probi, & magnum τῶν πολλῶν  
 τιμωρῶν σκερματῶν, veniendumne sit in consilium ty-  
 ranni, si is aliqua de re bona deliberaturus sit. quare,  
 si quid ejusmodi evenirit, ut arcessamur: (quod equi-  
 dem non curo: quid enim essem de pace dicturus,  
 dixi; ipse valde repudiavit:) sed tamen, si quid ac-  
 ciderit, quid censeas mihi faciendum, utique scribito,  
 nihil enim mihi adhuc accidit, quod majoris consilii  
 esset. Trebatii, boni viri & civis, verbis te gaudeo  
 delectatum: tuaque ista crebra ἐκφώνησις, ὑπερῶν, me  
 sola adhuc delectavit. Litteras tuas vehementer ex-  
 specto, quas quidem credo jam datas esse. Tu cum  
 Sexto servasti gravitatem eandem, quam mihi præci-  
 pis. Celer tuus disertus magis est, quam sapiens. De  
 juvenibus, quæ ex Tullia audisti, vera sunt. M. An-  
 tonii istud, quod scribis, non mihi videtur tam re-  
 esse triste, quam vero. hæc est ἀληθῆς, in qua nunc su-  
 mus, mortis instar. aut enim mihi libere inter malos  
 πολιτῶν fuit, aut vel periculose cum bonis: aut nos  
 temeritatem bonorum sequamur: aut audaciam im-  
 proborum insectemur. utrumque periculosum est. at  
 hoc, quod agimus, nec turpe; nec tamen tutum.  
 Istum, qui filium Brundisium de pace misit, (de pace  
 idem sentio, quod tu; simulationem esse apertam,  
 parari autem bellum acerrime;) legatum iri non ar-  
 bitror; cujus adhuc, ut optavit, mentio facta nulla  
 sit. eo minus habeo necesse scribere, aut etiam cogi-  
 tare, quid sim factururus, si acciderit, ut legar.

## CICERO ATTICO S.

2

Ego cum accepissem tuas litteras Nonis April. quas  
 Cephalio attulerat, essemque Minturnis postri-  
 die mansurus, & inde protinus; sustinui me in Ar-  
 cano fratris, ut, dum aliquid certius afferretur, oc-  
 cultiore in loco essemus, agerenturque nihilo minus,  
 quæ sine nobis agi possunt. λαλᾶντα jam adest, &  
 animus ardet; nec est quicquam, quo, & qua. sed  
 hæc nostra erit cura & peritorum. tu tamen, quod  
 poteris, ut adhuc fecisti, nos consiliis juvabis. res  
 sunt inexplicabiles. fortunæ sunt committenda omnia.

R 4

fine



sine spe conamur ulla. si melius quid acciderit, mirabimur. Dionysium nolim ad me profectum: de quo ad me Tullia mea scripsit. sed & tempus alienum est; & homini non amico nostra incommoda, tanta praefertim, spectaculo esse nollem: cui te meo nomine inimicum esse nolo.

3

## CICERO ATTICO S.

**C**um, quod scriberem, plane nihil haberem, hæc autem reliqua essent, quæ scire cuperem; profectusne esset; quo in statu urbem reliquisset; in ipsa Italia quem cuique regioni aut negotio praefecisset; ecqui essent ad Pompejum & ad consules ex senatus consulto de pace legati; cum igitur hæc scire, dedita opera has ad te litteras misi. feceris igitur commode, mihi que gratum, si me de his rebus, & si quid erit aliud, quod scire opus sit, feceris certiore. ego in Ercano opporior, dum ista cognosco. A. d. vii. Id. alterum tibi eodem die hanc epistolam dictavi; & pridie dederam mea manu longiorem. Visum te ajunt in regia; nec reprehensionem non fugerim. sed expecto tuas litteras: neque jam sane video, quid expectem: sed tamen, etiamsi nihil erit, id ipsum ad me velim scribas. Cæsar mihi ignoscit per litteras, quod non venerim; seque in optimam partem id accipere dicit. facile patior, quod scribit, secum Tullum & Servium questos esse, quia non idem sibi, quod mihi, remisisset. homines ridiculos! qui cum filios misissent ad Cn. Pompejum circumsidendum, ipsi in senatum venire dubitarent. sed tamen exemplum misi ad te Cæsaris litterarum.

4

## CICERO ATTICO S.

**M**ultas a te accepi epistolas eodem die, omnes diligenter scriptas; eam vero, quæ voluminis instar erat, sæpe legendam, sicuti facio: in qua non frustra laborem suscepisti; mihi quidem pergratum fecisti. quare, ut id, quoad licebit, id est, quoad scies ubi sumus, quam sapissime facias, te vehementer rogo. At deplorandi quidem, quod quotidie facimus,



imus, sit jam nobis aut finis omnino, si potest, aut moderatio quādam, quod profecto potest. non enim jam, quam dignitatem, quos honores, quem vitam statim amiserim, cogito, sed quid consecutus sim, quid præstiterim, qua in laude vixerim: his denique in molis quid intersit me & istos, quos propter amnia amisimus. hi sunt, qui, nisi me civitate expulissent, obtinere se non posse putaverunt licentiam cupiditatum suarum: quorum societatis & sceleratæ consensionis fides quo eruperit, vides. alter ardet furore & scelere, nec remittit aliquid, sed in dies ingravefcit: modo Italia expulit: nunc alia ex parte persequi; & alia provincia exspoliare conatur: nec jam recusat, sed quodam modo postulat, ut, quemadmodum est, sic etiam appelletur, tyrannus. alter, is, qui nos sibi quondam ad pedes stratos ne sublevat quidem, qui se nihil contra hujus voluntatem aiebat facere posse, elapsus e socii manibus ac ferro, bellum terra ac mari comparat, non injustum ille quidem, sed cum pium, tum etiam necessarium, suis tamen civibus exitiabile, nisi vicerit; calamitosum, etiamsi vicerit. horum ego summorum imperatorum non modo res gestas non antepono meis, sed ne fortunam quidem ipsam, qua illi florentissima, nos duriore conflictati videmur. Quis enim potest, aut deserta per se patria, aut oppressa, beatus esse? & si, ut nos a te admonemur, recte in illis libris diximus, nihil esse bonum, nisi quod honestum; nihil malum, nisi quod turpe sit: certe uterque istorum est miserimus; quorum utrique semper patriæ salus & dignitas posterior sua dominatione & domesticis commodis fuit. Præclara igitur conscientia sustentor, cum cogito me de republica aut meruisse optime, cum potuerim: aut certe numquam, nisi divine, cogitasse: eaque ipsa tempestate everfam esse rempublicam, quam ego xiv. annis ante prospexerim. hac igitur conscientia comite proficiscar, magno equidem cum dolore, nec tam id propter me, aut propter fratrem meum, quorum jam asta ætas; quam propter pueros, quibus interdum videmur præstare etiam rempublicam de-



zuisse: quorum quidem alter, non tam, quia ma-  
 jore pietate est, me mirabiliter exoruciat; alter, (o-  
 rem miseram; nihil enim mihi accidit in omni vita  
 acerbius,) indulgentia videlicet nostra depravatus, eo  
 progressus est, quo non audeo dicere; & exspecto  
 tuas litteras. scripsisti enim, te scripturum esse plura,  
 cum ipsum vidisses. omne meum obsequium in illum  
 fuit cum multa severitate: neque unum ejus, nec  
 parvum, sed multa magna delicta compressi. patris au-  
 tem lenitas amanda potius ab illo, quam tam crude-  
 liter negligenda. nam litteras ejus ad Casarem mis-  
 sas ita graviter tulimus, ut te quidem celaremus; sed  
 ipsius videmus vitam insuavem reddidisse. hoc vero  
 ejus iter, simulatioque pietatis qualis fuerit, non au-  
 deo dicere. tantum scio, post Hirtium conventum,  
 arcessitum ab Casare: cum eo, de meo animo ab  
 suis rationibus alienissimo, & consilio relinquendi  
 Italiam; & hæc ipsa timide. sed nulla nostra culpa est:  
 natura metuenda est. hæc Curionem, hæc Hortensii  
 filium, non patrum culpa, corripit. jacet in mare  
 meus frater, neque tam de sua vita, quam de mea  
 metuit. huic tu, huic tu malo affer consolationes, si  
 ullas potes; maxime quidem illam velim; ea, quæ  
 ad nos delata sint, aut falsa esse, aut minora. quæ si  
 vera sint; quid futurum sit in hac vita & fuga, nescio.  
 nam si haberemus rempublicam, consilium mihi non  
 deesset nec ad severitatem, nec ad diligentiam. Hæc,  
 sive iracundia, sive dolore, sive metu permotus, gra-  
 vius scripsi, quam aut tuus in illum amor, aut meus  
 postulabat. si vera sunt, ignosces: si falsa, me libente  
 eripies mihi hunc errorem. quoquo modo vero se res  
 habebit, nihil assignabis, nec patruo, nec patri. Cum  
 hæc scripsissem, a Curione mihi nuntiatum est, eum  
 ad me venire. venerat enim is in Cumanum vesperti-  
 pridie: id est, Idibus. si quid ejus igitur sermo ejus-  
 modi attulerit, quod ad te scribendum sit; id in li-  
 teris adjungam. Præterit villam meam Curio, iussit-  
 que mihi nuntiari, mox se venturum: cucurritque  
 Puteolos, ut ibi concionaretur. concionatus est: ho-  
 minem: nihil occultavit; in primis nihil esse certius,  
 quam



quam ut omnes, qui lege Pompeja condemnati essent, restituerentur; itaque se in Sicilia eorum opera usurum. de Hispaniis, non dubitabat, quin Cæsaris essent: inde ipsum cum exercitu, ubicumque Pompejus esset: ejus interitu finem illi fore: propius factum esse nihil: & plane iracundia elatum voluisse Cæsarem occidi Metellum tribunum plebis: quod si esset factum, eadem magnam futuram fuisse; per multos hortatores esse cædis; ipsum autem non voluntate, aut natura non esse crudelem, sed quod putaret popularem esse clementiam: quodsi populi studium amisisset, crudelem fore: eumque perturbatum, quod intelligeret, se apud ipsam plebem offendisse de ærario. itaque ei cum certissimum fuisset, antequam proficisceretur, concionem habere, ausum non esse, vehementerque animo perturbato profectum. cum autem ex eo quærerem, quid videret? quod exemplum? quam rempublicam? plane fatebatur nullam spem reliquam: Pompeji classem timebat: quæ si esset, se de Sicilia abiturum. Quid isti, inquam, sex tui fascēs? si ab senatu, cur laureati? si ab ipso, cur sex? Cupivi, inquit, ex senatus consulto surrepto, nam aliter non poterat. at ille impendio nunc magis odit senatum: a me, inquit, omnia proficiscuntur. cur autem sex, quia duodecim nolui: nam licebat. Tum ego, quam vellem, inquam, petiisse ab eo, quod audio Philippum impetrasse: sed veritus sum, quia ille a me nihil impetrabat. Libenter, inquit, tibi concessisset. verum puta te impetrasse. ego enim ad eum scribam, ut tu ipse voles, de ea re nos inter nos locutos. quid autem illius interest, quoniam in senatum non venis, ubi sis? quin nunc ipsum minime offendisses ejus causam, si in Italia non fuisses: ad quæ ego, me recessum & solitudinem quærere, maxime quod lictores haberem. laudavit consilium. quid ergo, inquam? nam mihi cursus in Græciam per tuam provinciam est: quoniam ad mare superum milites sunt. quid mihi, inquit, optatius? hoc loco multa perliberaliter. ergo hoc quidem est profectum, ut non modo tuto, verum etiam palam navigaremus. reliqua in poste.



posterum diem distulit: ex quibus scribam ad te, si quid erit epistola dignum. Sunt autem, quæ præterit: interregnumne esset expectaturus; an, quomodo dixerit ille quidem, ad se deferri consulatum, sed se nolle in proximum annum. & alia sunt, quæ exquisiram. Jurabat ad summam, quod nullo negotio faceret, amicissimum mihi Cæsarem. esse debet. quid enim, inquam, scripsit ad me Dolabella? dico, quid? affirmabat, cum scripsisset, quod me cuperet ad urbem venire, illum quidem gratias agere maximas, & non modo probare, sed etiam gaudere. quid quæris? acquievi. levata est enim suspicio illa domestici mali, & sermonis Hirtiani. quam cupio illum dignum esse nobis: & quam ipse me invito, qua pro illo sit supplicandum! sed opus fuit Hirtio convento. est profecto nescio quid: sed velim quamminimo. tamen cum nondum redisse miramur. sed hæc videbimus. Tu Oppios Terentiæ dabis. jam enim urbis unum pedibusne Rhedum, an hinc statim in navem. ceterum, quoniam commoror, ego ad te statim habebo, quod scribam, simul ut video Curionem. De Tirone cura, quæso, quod facis, ut sciam, quid is agat.

5

## CICERO ATTICO S.

**D**e tota mea cogitatione scripsi ad te antea satis, ut mihi visus sum, diligenter. de die nihil sane potest scribi certi, præter hoc; non ante lunam novam. Curionis sermo postridie eandem habuit fere summam, nisi quod apertius significavit, se harum rerum exitum non videre. Quod mihi mandas de Quinto regendo, *ἀπεραιώων*. tamen nihil prætermittam. atque utinam tu! sed modestior non ero. Epistolam ad Vestorium statim de Tullia, ac valde requirere solebat. Commodius tecum Vestenus est locutus, quam ad me scripserat. sed mirari satis hominis negligentiam non queo. cum enim mihi Philotimus dixisset, H-S. & emere de Canulejo diversorium illud posse, minoris etiam emturum, si Vestenum rogassem; rogavi, ut, si quid posset, ex ea summa detraheret: promisit: ad me nuper, se H-S xxx emisit: ut scriberem,



berem, cui vellem addici: diem pecuniæ Id. Nov. esse. rescripsi ei stomachosius, cum joco tamen familiariter. nunc, quoniam agit liberaliter, nihil accuso hominem, scripsi que ad eum, me a te certiore esse factum. Tu, de tuo itinere quid & quando cogites, velim me certiore facias. A. d. xv. Kal. Maj.

## CICERO ATTICO S.

6

**M**e adhuc nihil, præter tempestatem, moratur. astute nihil sum acturus: fiat in Hispania quidlibet: & tamen retice. meas cogitationes omnes explicavi tibi superioribus litteris. quocirca hæ sunt brevès: & tamen, quia festinabam, eramque occupator. De Quinto filio, sit a me quidem sedulo; sed nosti reliqua. Quod dein me mones, & amice, & prudenter mones: sed erunt omnia facilia, si ab uno illo caverò. magnum opus est. mirabilia multa. nihil simplex, nihil sincerum. vellem, suscepisses juvenem regendum. pater enim nimis indulgens, quidquid ego adstrinxi, relaxat. si sine illo possem, regerem: quod tu putes. sed ignosco, magnum, inquam, opus est. Pompejum pro certo habemus per Illyricum proficisci in Galliam. ego nunc, qua & quo, videbo.

## CICERO ATTICO S.

7

**E**go vero Apuliam, & Sipontum, & tergiversationem istam probo: nec tuam rationem eandem esse duco, quam meam: non quin in republica redum idem sit utrique nostrum: sed ea non agitur. regnandi contentio est; in qua pulsus est modestior rex, & probior, & integrior, & is, qui nisi vincit, nomen populi Romani deleatur necesse est: sin autem vincit, Sullano more exemploque vincet. ergo hac in contentione neutrum tibi palam sentiendum, & temporari serviendum est. Mea causa autem alia est, quod beneficio victus, ingratus esse non possum: nec tamen in acie, sed Melitæ, aut alio in [loco] simili oppidulo, futurum puto. nihil, inquires, juvas eum, in quem gratus esse non vis? immo minus fortasse voluisset.



luisset. sed de hoc videbimus. exeamus modo: quod ut meliore tempore possimus, facit Adriano mari Dolabella, Fretensi Curio. Iniecta autem mihi spes quædam est, velle mecum Ser. Sulpicium colloqui, ad eum misi Philotimum libertum cum litteris; si vix esse volet, præclara *providia*: sin autem; erimus nos, qui solemus. Curio mecum vixit, jacere Cæsarem putans offensione populari, Siciliaeque diffidens, si Pompejus navigare cœpisset. Quintum puerum accepi vehementer. avaritiam video fuisse, & spem magni congiarii. magnum hoc malum est. sed scelus illud, quod timueramus, spero nullum fuisse. hoc autem vitium, puto te existimare non nostra indulgentia, sed a natura profectum: quem tamen nos disciplina regimus. De Oppiis Veliensibus quid placeat, cum Philotimo videbis. Epirum nostram putabimus; sed alios cursus videbamus habituri.

8

## CICERO ATTICO S.

**E**t res ipsa monebat, & tu ostenderas, & ego videbam, de iis rebus, quam intercipi periculosum esset, finem inter nos scribendi fieri tempus esse. sed, cum ad me sæpe mea Tullia scribat, orans, ut, quid in Hispania geratur, expectem; & semper adscribat, idem videri tibi; idque ipse etiam ex tuis litteris intellexerim: non puto esse alienum, me ad te, quid de ea re sentiam, scribere. Consilium istud tunc esset prudens, ut mihi videtur, si nostras rationes ad Hispaniensem casum accommodaturi essemus; quod fieri dicitis oportere. necesse est enim, aut, id quod maxime velim, pelli illum ab Hispania; aut trahi id bellum; aut istum, ut confidere videtur, apprehendere Hispanias. si pelletur; quam gratus, aut quam honestus tum erit ad Pompeium noster adventus; cum ipsum Curionem ad eum transiturum putem? si trahiturum putem? si trahitur bellum; quid expectem, aut quam diu? relinquitur, ut, si vincimur in Hispania, quiescamus. id ego contra puto: istum enim victorem magis relinquendum puto, quam victum & dubitantem magis, quam fidentem suis rebus. nam  
cædem



eadem video, si vicerit, & impetum in privatorum  
 pecunias, & exulum reditum, & tabulas novas, &  
 turpissimorum honores, & regnum non modo Ro-  
 mano homini, sed ne Persæ quidem cuiquam tolera-  
 bile. tacita esse poterit indignitas nostra? pati pote-  
 runt oculi, me cum Gabinio sententiam dicere? &  
 quidem illum rogari prius? præsto esse clientem tuum  
 Clodium? C. Ateji Plagulejum? ceteros? sed cur ini-  
 micos colligo? qui meos necessarios, a me defensos,  
 nec videre in curia sine dolore, nec versari inter eos  
 sine dedecore potero. quid? si ne id quidem est ex-  
 ploratum, fore, ut mihi liceat; (scribunt enim an me  
 amici ejus, me illi nullo modo satisfecisse, quod in  
 senatum non venerim;) tamenne dubitemus, ad ei  
 nos etiam cum periculo venditemus, quicum con-  
 juncti ne cum præmio quidem voluimus esse? deinde  
 hoc vide, non esse judicium de tota contentione in  
 Hispaniis: nisi forte, iis amissis, arma Pompejum  
 abjecturum putas: cujus omne consilium Themisto-  
 cleum est. existat enim, qui mare teneat, eum ne  
 cesse rerum potiri. itaque, qui nunquam id egit, ut  
 Hispaniæ per se tenerentur, navalis apparatus ei sem-  
 per antiquissima cura fuit. navigabit igitur, cum erit  
 tempus, maximis classibus, & ad Italiam accedet:  
 in qua nos sedentes quid erimus? nam medios esse  
 jam non licebit. classibus adversabimur igitur? quod  
 malum majus, seu tantum denique? quid turpius?  
 Ain' tu, Attice, siccin' absentis solus tuli scelus? ejus-  
 dem, cum Pompejo & cum reliquis principibus non  
 feram? Quodsi jam, missio officio, periculum, si pec-  
 caro: ab hoc, si recte fecero: nec ullum in his malis  
 consilium periculo vacuum inveniri potest: ut non sit  
 dubium, quin turpiter facere cum periculo fugiamus;  
 quod fugeremus etiam cum salute. non simul cum  
 Pompejo mare transferimus? omnino non potuimus.  
 exstat ratio dierum. sed tamen (fateamur enim, quod  
 est; nec condamus quidem, ut possumus;) fefellit  
 ea me res, quæ fortasse non debuit, sed fefellit: pa-  
 cem putavi fore: quæ si esset, iratum mihi Cæsarem  
 esse, cum idem amicus esset pompejo, noli. sense-

ram



ram enim, quam iidem essent. hoc verens, in hanc tarditatem incidi. sed assequor omnia si propero; si eundor, amitto. & tamen, mi Attice, auguria quoque me incitant quadam spe non dubia, non hæc collegii nostri ab Appio, sed illa Platonis de tyrannis. nullo enim modo posse video stare istum diutius, quin ipse per se, etiam languentibus nobis, concidat; quippe qui florentissimus, ac novus, VI, VII diebus ipsi illi egenti ac perditæ multitudini in odium acerbissimum venerit; id duarum rerum simulationem tam cito amiserit, mansuetudinis in Metello, divitiarum in arario. Jam, quibus utatur vel sociis, vel ministris, si ii provincias, si rempublicam regent, quorum nemo duo menses potuit patrimonium suum gubernare? non sunt omnia colligenda, quæ tu acutissime perspicis: sed tamen ea pone ante oculos: jam intelliges, id regnum vix semestre esse posse. quod si me fefellerit, feram, sicut multi clarissimi homines in republica excellentes tulerunt: nisi forte me, Sardanapali vicem in lectulo mori malle censueris, quam exilio Themistocleo: qui cum fuisset, ut ait Thucydides, των με παρόντων δι' ἐλαχίστης βλάβης κραιπνός γινώσκων, των δε μέλλοντων ἐπι πλείστον τε γνησομένων ἀριστος εὐκλείης, tamen incidit in eos casus, quos vitallet, si eum nihil fefellerit. etsi is erat (ut ait idem) qui το ἀμεινον και το χειρον ἐν τω ἀφανει ἐτι προύργα μαλιστα: tamen non vidit, nec quo modo Lacedæmoniorum, nec quo modo suorum civium invidiam effugeret, nec quid Artaxerxi polliceretur. non fuisset & illa nox tam acerba Africano, sapientissimo viro, non tam dirus ille dies Sullanus callidissimo viro C. Mario, si nihil utrumque eorum fefellerisset. nos tamen hoc confirmamus illo augurio, quo diximus; nec nos fallit, nec aliter accidet. Corruat iste necesse est, aut per adversarios, aut ipse per se, qui quidem sibi est adversarius unus accerrimus. id spero vivis nobis fore. quamquam tempus est, nos de illa perpetua iam, non de hac exigua vita cogitare. sin quid acciderit maturius, haud sâne mea multum interfuerit, utrum factum videam, an futurum esse multo ante viderim. Quæ cum ita sint, non est com-

mitten-



mittendum, ut iis pareamus, quos contra me senatus, ne quid respublica detrimenti acciperet, armavit. Tibi sunt omnia commendata; quæ commendationis meæ, pro tuo in nos amore, non indigent. ne hercule ego quidem reperio, quid scribam. sedeo enim *πλεδωκαν*, etsi nihil umquam tam fuit scribendum, quam nihil mihi umquam ex plurimis tuis jucunditatibus gratius accidisse, quam quod meam Tulliam suavissime diligentissimeque coluisti. valde eo ipsa delectata est: ego autem non minus; cujus quidem virtus mirifica. quo modo illa fert publicam cladem? quo modo domesticas tricas? quantus autem animus in discessu nostro? sit *σεργη*, sit summa *συντη*; tamen nos recte facere & bene audire vult. Sed hac super re nimis; ne meam ipse *συμπάθει*, jam evocem. Tu, si quid de Hispaniis certius, & si quid aliud, dum adfamas, scribes: & ego fortasse discedens dabo ad te aliquid; eo etiam magis, quod Tullia te non putabat hoc tempore ex Italia. Cum Antonio item est agendum, ut cum Curione, Melitæ me velit esse, huic bello nolle interesse. eo velim tam facili uti possem, & tam bono in me, quam Curione. is ad Misenum vi. Nonas venturus dicebatur, id est hodie: sed præmisit mihi odiosas litteras, hoc exemplo:

ANTONIUS TRIB. PLEB. PROP. RÆT.  
CICERONI IMP. S.

Nisi te valde amarem, & multo quidem plus, quam tu putas, non extimuissem rumorem, qui de te prolatus est, cum præsertim falsum esse existimarem. sed quia te nimio plus diligo, non possum dissimulare, mihi famam quoque, quamvis sit falsa, magni esse. Te iturum trans mare, credere non possum, cum tanti facias Dolabellam, & Tulliam tuam, feminam lectissimam, tantique ab omnibus nobis fias; quibus mehercule dignitas amplitudoque tua pæne carior est, quam tibi ipsi. sed tamen non sum arbitratus esse amici, non commoveri etiam improborum sermone: atque eo feci studiosius, quod judicabam, duriores

Cic. Epist. Tom. II.

S

par.



partes mihi impositas esse ab offensione nostra, quæ magis a *ζυλοτηρία* mea, quam ab injuria tua nata est. sic enim volo te tibi persuadere, mihi neminem esse cariorum te, excepto Cæsare meo, meque illud una judicare, Cæsarem maxime in suis M. Ciceronem reponere. Quare, mi Cicero, te rogo, ut tibi omnia integra serves, ejus fidem improbes, qui tibi, ut beneficium daret, prius injuriam fecit: contra ne profugias, qui te, etsi non amabit, (quod accidere non potest,) tamen saluum amplissimumque esse cupiet. Dedita opera ad te Calpurnium, familiarissimum meum, misi; ut mihi magnæ curæ tuam vitam ac dignitatem esse scires.

Eodem die a Cæsare Philotimus attulit, hoc exemplo;

CÆSAR IMP. CICERONI IMP. S.

**E**tsi te nihil temere, nihil imprudenter facturum judicaram; tamen permotus hominum fama, scribendum ad te existimavi, & pro nostra benivolentia petendum, ne quo progredereis, proclinata jam re, quo, integra etiam, progrediendum tibi non existimasses. namque & amicitia graviolem injuriam feceris; & tibi minus commode consulueris, si non fortunæ obsecutus videbere, (omnia enim secundissima nobis, adversissima illis accidisse videntur,) nec causam secutus, (eadem enim tum fuit, eum ab eorum consiliis abesse judicasti,) sed meum aliquid factum condemnasse: quo mihi gravius abs te nil accidere potest. quod ne facias, pro jure nostræ amicitia a te peto. Postremo, quid viro bono & quieto, & bono civi magis convenit, quam abesse a civilibus controversiis? quod nonnulli cum probarent, periculi causa sequi non potuerunt. tu, explorato & vitæ meæ testimonio, & amicitia judicio, neque tutius, neque honestius reperies quidquam, quam ab omni contentione abesse. xv. Kal. Maj. ex itinere.



## CICERO ATTICO S.

9

**A**dventus Philotimi (at ejus hominis, quam infulsi, & quam sæpe pro Pompejo mentientis!) exanimavit omnes, qui mecum erant. nam ipse obduri. Dubitabat nostrum nemo, quin Cæsar itinera repressisset: volare dicitur: Petrejus cum Afranio conjunxisset se: nihil affert ejusmodi. quid quæris? etiam illud erat persuasum; Pompejum cum magnis copiis iter in Germaniam per Illyricum fecisse: id enim <sup>advēsus</sup> nuntiabatur. Melitam igitur, opinor, capeffamus, dum, quid in Hispania: quod quidem propemodum videor ex Cæsaris litteris ipsius voluntate facere posse; qui negat neque honestius, neque tutius mihi quidquam esse, quam ab omni contentione abesse. dices, ubi ergo tuus ille animus, quem proximis litteris? adest, & idem est. sed utinam meo solum capite decernerem! lacrimæ meorum me interdum molliunt, precantium, ut de Hispaniis expectemus. M. Cœlii quidem epistolam, scriptam miserabiliter, cum hoc idem obsecraret, ut expectarem, ne fortunas meas, ne unicam filiam, ne meos omnes tam temere proderem, non sine magno fletu legunt pueri nostri: etsi meus quidem est fortior, eo-que ipso vehementius commovet: nec quidquam, nisi de dignatione, laborat. Melitam igitur; deinde, quo videbitur. tu tamen etiam nunc mihi aliquid litterarum, & maxime si quid ab Afranio. Ego, si cum Antonio locutus ero, scribam ad te, quid actum sit. ero tamen in credendo, ut mones, cautus. nam occultandi ratio cum difficilis, tum etiam periculosa est. Servium expecto ad Nonas: & adigit ita Postumia, & Servius filius. Quartanam leviorē esse gaudeo. Misi ad te Cœlii etiam litterarum exemplum.

## COELIUS CICERONI S.

**E**xanimatus tuis litteris, quibus te nihil, nisi triste, cogitare ostendisti; neque, id quod esset, perscripisti; neque non tamen, quale esset, quod cogitares, aperuisti; has ad te ilico litteras scripsi. Per

S 2

fortu-



fortunas tuas, Cicero, per liberos te oro & obsecro,  
 ne quid gravius de salute & incolumitate tua consu-  
 las. nam deos hominesque, amicitiamque nostram  
 testificor, me tibi prædixisse, neque temere monuisse;  
 sed, postquam Cæsarem convenerim, sententiamque  
 ejus, qualis futura esset parta victoria, cognovim,  
 te certiore fecisse. si existimas eandem rationem  
 fore Cæsaris in dimittendis adversariis, & conditioni-  
 bus ferendis, erras. nihil, nisi atrox & sævum, cogi-  
 tat, atque etiam loquitur. iratus senatui exiit: his  
 intercessionibus plane incitatus est. non mehercule  
 erit deprecationi locus. quare, si tibi tu, si filius uni-  
 cus, si domus, si spes tuæ reliquæ tibi caræ sunt; si  
 aliquid apud te nos, si vir optimus, gener tuus, va-  
 lemus: eorum fortunam non debes velle conturbare;  
 ut eam causam, in cujus victoria salus nostra est,  
 odisse aut relinquere cogamur, aut impiam cupidita-  
 tem contra salutem tuam habeamus. denique illud co-  
 gita, quod offensæ fuerit, in ista cundatione te sub-  
 iisse. nunc te contra victorem Cæsarem facere, quem  
 dubiis rebus lædere noluisse, & ad eos fugatos acce-  
 dere, quos resistentes sequi nolueris, summæ stulti-  
 tiæ est. vide, ne, dum pudet te parum optimatem  
 esse, parum diligenter, quod optimum sit, eligas. quod  
 si totum tibi persuadere non possum; saltem, dum,  
 quid de Hispaniis agamus, scitur, expecta; quas  
 tibi nuntio adventum Cæsaris fore nostris. quam illi  
 spem habeant amissis Hispaniis, nescio. quod porro  
 tuum consilium sit ad desperatos accedere, non me-  
 dius fidius reperio. Hoc, quod tu non dicendo mihi  
 significasti, Cæsar audierat: ac simul atque have mihi  
 dixit, statim, quid de te audisset, exposuit. negavi,  
 me scire: tamen ab eo petivi, ut ad te litteras mitteret,  
 quibus maxime ad remanendum commoveri  
 posses. me secum in hispaniam ducit. nam, nisi ita  
 faceret, ego prius, quam ad urbem accederem, ubi-  
 cumque esses, ad te percurrissem, & hoc a te præ-  
 sens contendissem, atque omni vi te retinuissem.  
 Etiam atque etiam, Cicero, cogita, ne te tuosque  
 omnes funditus evertas: nec te sciens prudensque eo  
 de-



demittas, unde exitum vides nullum esse. quodsi te aut voces optimatum commovent; aut nonnullorum hominum insolentiam & jactationem ferre non potes: eligas, censeo, aliquod oppidum vacuum a bello, dum hæc decernuntur, quæ jam erunt confecta. id si feceris, & ego te sapienter fecisse judicabo, & Cæsarem non offendes.

## CICERO ATTICO S.

10

**M**e Cæcum, qui hæc ante non viderim! misi ad te epistolam Antonii. ei cum ego sapissime scripsissem, nihil me contra Cæsaris rationes cogitare; meminisse me generi mei, meminisse amicitia; potuisse, si aliter sentirem, esse cum Pompejo; me autem, quia cum lictoribus invitus cursarem, abesse velle, nec id ipsum certum etiam nunc habere; vide, quam ad hæc *παρασκευασ*

Tuum consilium quam verum est. nam qui se medium esse vult, in patria manet: qui proficiscitur, aliquid de alterutra parte judicare videtur. sed ego is non sum, qui statuere debeam, jure quis proficiscatur, nec ne. partes mihi Cæsar has imposuit, ne quem omnino discedere ex Italia paterer. quare parvi refert, me probare cogitationem tuam, si nihil tamen tibi remittere possum. ad Cæsarem mittas, censeo, & ab eo hoc petas. non dubito, quin impetraturus sis, cum præsertim te amicitia nostra rationem habiturum esse pollicearis.

Habes *συνταλὴν Λακωνικὴν*. omnino excipiam hominem. erat autem v. Non. venturus vesperi, id est hodie. cras igitur ad me fortasse veniet. tentabo, autem, nihil propere; missurum ad Cæsarem, clamabo, me; cum paucissimis alicubi occultabor; certe hinc, istis invitissimis, evolabo, atque utinam ad Curionem! *συν θεῷ τοι λεγῶ*. magnus dolor accessit. efficietur aliquid dignum nobis. *διοργισ* tua mihi valde molesta. medere amabo, dum est *ἄεχνη*. De Massiliensibus gratæ tuæ mihi litteræ. quæso, ut sciam, quidquid audieris. Siciliam cuperem, si possem palam: quod a Curione effeceram. Hic ego Servium exspecto. rogor enim ab ejus uxore & filio: & puto opus esse.



Hic tamen Cytheridem secum lætica aperta portat, altera uxorem: septem præterea conjunctæ læticæ amicorum sunt, an amicorum? vide, quam turpi leto pereamus: & dubita, si potes, quin ille, seu victus seu victor redierit, eadem facturus sit. ego vero vel lintriculo, si navis non erit, eripiam me ex illorum paricidio. Sed plura scribam, cum illum convenero. Juvenem nostrum non possum non amare: sed ab eo nos non amari, plane intelligo. nihil ego vidi tam ἀνθρώποιον, tam aversum a suis, tam nescio quid cogitans. vim incredibilem molestiarum! sed erit curæ, & est, ut regatur. mirum est enim ingenium. ἦντι ἐπιμελητέον.

## II

## CICERO ATTICO S.

Obsignata jam epistola superiore, non placuit ei dari, cui constitueram, quod erat alienus. itaque eo die data non est. interim venit Philotimus, & mihi a te litteras reddidit: quibus quæ de fratre meo scribis, sunt ea quidem parum firma, sed habent nihil ὑπελόν, nihil fallax, nihil non flexibile ad bonitatem, nihil quod non, quo velis, uno sermone possis perducere. ne multa; omnes suos, etiam quibus irascitur crebrius, tamen caros habet, me quidem se ipso cariorem. Quod de puero aliter ad te scripsit, & ad matrem de filio, non reprehendo. De itinere & de sorore, quæ scribis, molesta sunt, eoque magis, quod ea tempora nostra sunt, ut ego his mederi non possim. nam certe mederer. sed quibus in malis, & qua in desperatione rerum sumus, vides. Illa de ratione numaria non sunt ejusmodi (sæpe enim audio ex ipso) ut non cupiat tibi præstare, & in eo laboret. sed si mihi Q. Axius, in hac mea fuga, H. S. xii. non reddit, quæ dedi ejus filio mutua, & utitur excusatione temporis; si Lepa; si ceteri; soleo mirari, de nescio quis H. S. xx. cum audio ex illo, se urgeri. vides enim profecto angustias. curari tamen ea tibi utique jubet, an existimas illum in isto genere lentulum, aut restrictum? nemo est minus. De fratre satis. de ejus filio, indulgit illi quidem suus pater semper;



per; sed non facit indulgentia mendacem, aut avarum, aut non amantem suorum; ferocem fortasse, atque arrogantem & infestum facit. itaque habet hæc quoque, quæ nascuntur ex indulgentia: sed ea sunt tolerabilia. quid enim dicam, hac juventute? ea vero, quæ mihi quidem, qui illum amo, sunt his ipsis malis, in quis sumus, miseriora, non sunt ab obsequio nostro; non: suas radices habent; quas tamen evellerem profecto, si liceret. sed ea tempora sunt, ut omnia mihi sint patienda. ego meum facile teneo. nihil est enim eo tractabilius: cujus quidem misericordia languidiora adhuc consilia cepi; &, quo ille me fortiorem vult esse, eo magis timeo, ne in eum existam crudelior. Sed Antonius venit heri vespere. jam fortasse ad me veniet, aut ne id quidem; quoniam scripsit, quid fieri vellet. sed scies continuo, quid actum sit. Nos jam nihil, nisi occulte. De pueris quid agam? parvone navigio committam? quid mihi animi in navigando censes fore? recordor enim, ætate cum illo Rhodiorum *ἁφρατῶ* navigans, quam fuerim sollicitus. quid, duro tempore anni, aduariolo fore censes? rem undique miseram! Trebati<sup>us</sup> erat mecum, vir plane & civis bonus. quæ ille monstra, dii immortales! etiamne Balbus in senatum venire cogitet? sed ei ipsi cras ad te litteras dabo. Vestenum mihi amicum, ut scribis, ita puto esse: cum eo, quod *ἁποτομῶς* ad me scripserat, de numis curandis, *ὑπεκκρίσει* eram jocus. id tu, si ille aliter acceperit, ac debuit, lenies. *Monetali* autem adscripsi, quod ille ad me, *Proconsuli*. sed quoniam est homo, & nos diligit, ipse quoque a nobis diligatur. Vale.

## CICERO ATTICO S.

12

**Q**uidnam mihi futurum est? aut quis me non solum infelicior, sed jam etiam turpior? nominatim de me sibi imperatum dicit Antonius; nec me tamen ipse adhuc viderat, sed hoc Trebatio narravit. Quid agam nunc, cui nihil procedit, caduntque ea, quæ diligentissime sunt cogitata, tæterime? ego enim Curionem nactus, omnia me consecutum putavi. is



de me ad Hortensium scripserat. Reginus erat totus noster. huic nihil suspicabamur cum hoc mari negotii fore. quo me nunc vertam? undique custodior, sed satis lacrimis. *καταρα κλεινῶν* igitur, & occulte in aliquam onerariam correndum. non committendum, ut etiam compacto prohibiti videamur. Sicilia petenda: quam si erimus nacti, majora quædam consequemur. sit modo recte in Hispaniis: quamquam de ipsa Sicilia utinam sit verum! sed adhuc nihil secundi, concursus Siculorum ad Catonem dicitur factus; orasse, ut resisteret; omnia pollicitos: commotum illum, dolectum habere cœpisse. non credo, ut est luculentus, auctor: potuisse certe tenere illam provinciam scio, ab Hispaniis autem jam audiatur. Hic nos C. Marcellum habemus, eadem de re cogitantem, aut bene simulantem: quamquam ipsum non videram, sed ex familiarissimo ejus audiebam. tu, quæso, si quid habebis novi. ego, si quid moliti erimus, ad te statim scribam. Quintum filium severius adhibebo. utinam proficere possim! tu tamen eas epistolas, quibus asperius de eo scripsi, aliquando concerpito, ne quando quid emanet: ego item tuas. Servium exspecto, nec ab eo quidquam *ὑγιε*. scies, quidquid erit. sine dubio errasse nos, confitendum est. at semel? at una in re? immo omnia, quo diligentius cogitata, eo facta sunt imprudentius.

*Ἀλλὰ τὰ μὲν προπετυχθῶς ἑωσόμεν, ἀχρημένοι περ*

in reliquis modo ne ruamus. jubes enim de professione mea providere. quid provideam? ita patent omnia, quæ accidere possunt, ut, ea si vitem, sedendum sit cum dedecore & dolore: si negligam, periculum est, ne in manus incidam perditorum. sed vide, quantis in miseriis simus. optandum interdum videtur, ut aliquam accipiamus ab istis quamvis acerbam injuriam, ut tyranno in odio fuisse videamur. quod si nobis is cursus, quem speraram, pateret, effecissem aliquid profecto, ut tu optas & hortaris, dignum nostra mora. sed mirifica sunt custodiæ: & quidem ille ipse Curio suspectus. quare vi aut clam agendum



dum est: &, si vi, forte cum tempestate: clam autem istis. in quo si quod *σφαλμα*, vides, quam turpe sit. trahimur: nec fugiendum si quid violentius. De Caelio, sæpe mecum agito; nec, si quid habuero tale, dimittam. Hispanias spero firmas esse. Massiliensium factum cum ipsum per se luculentum est, tum mihi argumento est, recte esse in Hispaniis. minus enim auderent, si aliter esset, & scirent: nam & iuncti, & diligentes sunt. Odium autem recte animadvertis significatum theatro. Legiones etiam has, quas in Italia assumsit, alienissimas esse video. sed tamen nihil inimicius, quam sibi ipse. illud recte times, ne ruat. si desperarit, certe ruet. quo magis efficiendum aliquid est, fortuna velim meliore, animo Caeliano. sed primum quidque; quod, qualecumque erit, continuo scies. Nos juveni, ut rogas, suppeditabimus, & Peloponnesum ipsam sustinebimus. est enim indoles: modo aliquid hoc sit *ἄθος διδασχῆ αἰώνων*. quod si adhuc nullum est, esse tamen potest: aut *ἄρετη* non est *διδασκων*: quod mihi persuaderi non potest.

## CICERO ATTICO S.

13

Epistola tua gratissima fuit mea: Tulliae & mehercule mihi. semper secum aliquid afferunt tuæ litteræ. scribes igitur; ac, si quid ad spem poteris, ne dimiseris. Tu Antonii leones pertimescas cave. nã, nihil est illo homine jucundius. attende *πραξὴν πολιτικὴν*. evocavit litteris e municipiis denos: & iv. viri venerunt ad villam ejus mane. primum dormiit ad H. iii. deinde, cum esset nuntiatum, venisse Neapolitanos & Cumanos, (his enim est Cæsar iratus,) posthodie redire iussit: lavari se velle, & *περὶ κοίτης ἡσυχίας*. hoc here effecit. hodie autem in Ænariam transire constituit. exulibus reditum pollicetur. Sed hæc omittamus, de nobis aliquid agamus. Ab Axio accepi litteras. De Tirone gratum. Vestenum diligo. Vestorio reddidi. Servius pridie Nonas Maji Minturnis mansisse dicitur, hodie in Liternino mansurus apud C. Marcellum. cras igitur nos mature videbit, mihiq; dabit argumentum ad te epistola. jam enim



non reperio, quod tibi scribam. Illud admiror, quod Antonius ad me ne nuntium quidem, cum præsertim me valde observarit. videlicet aliquid atrocius de me imperatum est: coram negare mihi non vult. quod ego nec rogaturus eram: nec, si impetrassem, crediturus. nos tamen aliquid excogitabimus. Tu, quæso, si quid in Hispaniis: jam enim poterit audiri: & omnes ita exspectant, ut, si recte fuerit, nihil negotii futurum putent. ego autem nec, retentis his, confectam rem puto; neque, amissis, desperatam. Silium & Ocellam, & ceteros credo retardatos. te quoque a Curtio impediri video. et si, ut opinor, habes

κίληται δόκνον.

14

CICERO ATTICO S.

**O** vitam miseram! majusque malum, tam diu timere, quam est illud ipsum, quod timetur! Servius, ut ante scripsi, cum venisset Nonis Maji, postidie ad me venit. ne diutius te teneam, nullius consilii exitum invenimus. numquam vidi hominem perturbatiorem metu: neque hercule quidquam timebat, quod non esset timendum: illum sibi iratum, hunc non amicum; horribilem utriusque victoriam, cum propter alterius crudelitatem, alterius audaciam, tum propter utriusque difficultatem pecuniarum, qua erui nusquam, nisi ex privatorum bonis posset. atque hæc ita multis cum lacrimis loquebatur, ut ego mirarer, eas tam diuturna miseria non exaruisse. mihi quidem etiam lippitudo hæc, propter quam non ipse ad te scribo, sine ulla lacrima est, sed sæpius odiosa est propter vigilias. quamobrem quidquid habes ad consolandum, collige, & illa scribe, non ex doctrina, neque ex libris: nam id quidem domi est; sed nescio quo modo imbecillior est medicina, quam morbus: hæc potius conquire, de Hispaniis, de Massilia: quæ quidem satis bella Servius affert: qui etiam de duabus legionibus luculentos auctores esse dicebat. hæc igitur si habebis, & talia. & quidem paucis diebus aliquid audiri necesse est. sed redeo ad Servium. Distulimus omnino sermonem in posterum: sed tardus ad

exeun-



exeundum: multo se in suo lesulo malle, quidquid foret. odiosus scrupulus de filii militia Brundisina. unum illud firmissime asseverabat, si damnati restituerentur, in exilium se iturum. nos autem ad hæc: & id ipsum certo fore, &, quæ jam fiant, non esse leviora; multaue colligebamus. verum ea non animum ejus augebant, sed timorem, ut jam celandus magis de nostro consilio, quam ad idem videretur. quare in hoc non multum est. Nos a te admoniti de Cælio cogitabimus.

## CICERO ATTICO S.

15

Servius cum esset apud me, Cephalio cum tuis litteris vi. Id. venit: quæ nobis magnam spem attulerunt meliorum rerum de octo cohortibus: (etenim hæc quoque, quæ in his locis sunt, labare dicuntur:) eodem die Funisulanus a te attulit litteras, in quibus erat confirmatus idem illud, ei de suo negotio respondendi cumulate, cum omni tua gratia. adhuc non satisfaciebat: debet autem mihi multos numos; nec habetur locuples. nunc ait se daturum, cui expensas tulerit: moram in tabellariis; si apud te esset, qua satisfecisses, dares. quantum sit, Eros Philotimi tibi dicet. sed ad majora redeamus. Quod optas, Cælium illud maturefecit. itaque torqueor, utrum ventum exspectem. vexillo opus est: convolabunt. Quod suades, ut palam; prorsus assentior: itaque me profecturum puto. tuas tamen interim litteras exspecto. Servii consilio nihil expeditur. omnes captiones in omni sententia occurrunt, unum C. Marcello cognovi timidiorē; quem consulem fuisse pœnitet. ὁ πολλὸς ἀργυρίων! qui etiam Antonium confirmasse dicitur, ut me impediret; quo ipse, credo, honestius. Antonius autem vi. Id. Capuam profectus est: ad me misit, se, pudore deterritum, ad me non venisse, quod me sibi succensere putaret. ibidem igitur, & ita quidem, ut censes; nisi cujus graviores personæ suscipiendæ spes erit ante oblata. sed vix erit tam cito. Allienus autem prætor putabat aliquem, si ego non, ex collegis suis. quivis licet, dummodo, aliquis. De sorore, laudo.



laudo. De Quinto puero, datur opera. spero esse meliora. De Quinto fratre, scito eum non mediocriter laborare de usura: sed adhuc nihil a L. Egnatio expressit. Axius de XII. millibus pudens. saepe enim adscripsit, ut Gallio, quantum is vellet, darem. quod si non scripsisset, possemne aliter? & quidem saepe sum pollicitus: sed tantum voluit cito. me vero adjuvarent his in angustiis. sed dii istos! verum alias. Te a quartana liberatum gaudeo, itemque Piliam. Ego, dum panes & cetera in navem parantur, excurreo in Pompejanum. Vesteno velim gratias; quod studiosus sit. Si quemquam nactus fueris, qui perferat; litteras des ante, quam discimus.

16

CICERO ATTICO S.

Commodum ad te dederam litteras de pluribus rebus, cum ad me bene mane Dionysius fuit: cui quidem ego non modo placibilem me praevissem, sed totum remissem, si advenisset, qua mente tu ad me scriperas. erat enim sic in tuis litteris, quas Appini acceperam, eum venturum facturumque, quod ego vellem. ego volebam autem, vel cupiebam potius, esse cum nobiscum. quod quia plane, cum in Formianum venisset, praeciderat, asperius ad te de eo scribere solebam. at ille perpauca locutus, hanc summam habuit orationis; ut sibi ignoscerem; se rebus suis impeditum nobiscum ire non posse. pauca respondi; magnum accepi dolorem: intellexi fortunam ab eo nostram despectam esse. quid quæris? fortasse miraberis. in maximis horum temporum doloribus hunc mihi scito esse. velim, ut tibi amicus sit: hoc cum tibi opto, opto ut beatus sis. erit enim tamdiu. Consilium nostrum spero vacuum periculo fore, nam & dissimulabimus, & ut opinor, acerrime adservabimus. navigatio modo sit, qualem opto. cetera, quæ quidem consilio provideri poterunt, cavebuntur. tu, dum adsumus, non modo quæ scieris audierisve, sed etiam quæ futura providebis, scribas velim. Cato, qui Siciliam tenere nullo negotio potuit, & si tenuisset, omnes boni ad eam se contulissent, Syracusis pro-



profectus est ante diem vii. Kal. Mai. ut ad me Curio scripsit. utinam, quod ajunt, Cotta Sardiniam teneat! est enim rumor. o, si id fuerit, turpem Catonem! Ego; ut minuerem suspicionem professionis aut cogitationis meæ, profectus sum in Pompejanum a. d. iv. Id. ut ibi essem, dum, quæ ad navigandum opus essent, pararentur. cum ad villam venissem, ventum est ad me; centuriones trium cohortium, quæ Pompejis sunt, me velle postridie; (hæc mecum Ninnius noster;) velle eos mihi se & oppidum tradere. at ego tibi postridie a villa ante lucem, ut me omnino illi ne viderent. quid enim erat in tribus cohortibus? quid, si plures? quo apparatu? cogitavi eadem illa Celsiana, quæ legi in epistola tua, quam accepi, simul & in Cumanum veni, eodem die, & simul fieri poterat, ut tentaremur. omnem igitur suspicionem sustuli. sed cum redeo, Hortensius venerat, & ad Terentiam salutatum diverterat; sermone erat usus honorifico erga me. tamen cum, ut puto, videbo. misit enim puerum, se ad me venire. hoc quidem melius, quam collega noster Antonius: cujus inter liçtores lætica mima portatur. Tu, quoniam quartana cares, & nedum morbum removisti, sed etiam gravedinem, te vegetum nobis in Græcia siste; & litterarum aliquid interea.

## CICERO ATTICO S.

17

**P**rid. Id. Hortensius ad me venit, scripta epistola. vellem cetera ejus. quam in me incredibilem <sup>exte-</sup>nuum! qua quidem cogito uti. deinde Serapion cum epistola tua: quam priusquam aperuissem, dixi ei, te ad me de eo scripsisse antea, ut feceras. deinde, epistola læta, cumulatissime cetera: & hercule bonum & doctum, & probum existimo. quin etiam navi ejus me, & ipso convectoris usum puto. Crebro refrenat lippitudo, non illa quidem perodiosa, sed tamen quæ impediat scriptionem meam. Valetudinem tuam jam confirmatam esse & a vetere morbo, & a novis tentationibus, gaudeo. Ocellam vellem haberemus. videntur enim esse hæc paullo faciliora. nunc quidem æqui-



æquinoctium nos moratur, quod valde perturbatum erat. id si <sup>arguas</sup> erit, utinam idem maneat Hortensius! siquidem ut adhuc erat: liberalius esse nihil potest. De diplomate admiraris, quasi nescio cuius te flagitii insimularem. negas enim te reperire, qui mihi id in mentem venerit. ego autem, quia scripseras, te proficisci cogitare; (etenim audieram, nemini aliter licere;) eo te habere censebam, & quia pueris diploma sumseras. habes causam opinionis meæ: & tamen velim scire, quid cogites, in primisque, si quid etiam nunc novi est. xvii. Kal. Jun.

18

## CICERO ATTICO S.

**T**ullia mea peperit xiv. Kal. Jun. puerum <sup>παῖδα</sup> <sup>νῦν</sup> <sup>γεννηθέντα</sup> quod <sup>νῦν</sup> <sup>γεννηθέντα</sup>, gaudebam. quod quidem est natum, perimbecillum est. Me mirifice tranquillitates adhuc tenuerunt, atque maiore impedimento fuerunt, quam custodiæ, quibus asservor. nam illa Hortensiana omnia fuere infantia. ita fiet homo nequissimus. a Salvio liberto depravatus est. itaque posthac non scribam ad te, quid facturus sim, sed quid fecerim. omnes enim <sup>κατακλιμένοι</sup> videntur subauscultare, quæ loquor. Tu tamen, si quid de Hispaniis, sive quid aliud, perge quæso scribere; nec meas litteras expectaris, nisi cum, quo opto, pervenerimus, aut si quid ex cursu. Sed hoc quoque timide scribo. ita omnia adhuc tarda & spissa. Ut male posuimus initia, sic cetera sequuntur. Formias nunc sequimur, eadem nos fortasse furia persequentur. ex Balbi autem sermone, quem tecum habuit, non probamus de Melita. dubitas igitur, quin nos in hostium numero habeat? scripsi equidem Balbo, te ad me de benivolentia scripsisse, & de suspicione. egi gratias. de altero ei me purga. equem tu hominem infeliciorem? non loquor plura, ne te quoque excruciem. ipse conficior, venisse tempus, cum jam nec fortiter, nec prudenter quidquam facere possim.

M. TUL.





M. TULLII CICERONIS  
EPISTOLARUM

A D

A T T I C U M

L I B E R X I.

A R G U M E N T U M.

*Silientur menses fere novem. Conscendit enim, ut ad Pompejum navigaret, vii. Id. Junii, Lentulo & Marcello Coss. ut ex epistola vii. ad Terentiam cognosci potest; & ex eo tempore scriptæ litteræ, ad mensem Februarium, præter primas libri hujus, nulla inveniuntur. Nam cum Cæsar, a colloquio illo Ciceronis, quo de penultima epistola proximi libri agitur, Romam se contulisset; pecuniamque ex sanctiore ærario, nequidquam repugnante L. Metello Tribuno pleb. abstulisset: rebus nonnullis ad suum arbitrium constitutis, Italiaque Antonio tradita & commendata, ipse in Hispaniam contra Pompeji legatos exercitum duxit: quo tempore Cicero in Macedoniam vii. Id. Junii, ut diximus, transiit, unde priores quatuor epistolæ data sunt: sed C. Casare ii. & Servilio Isaurico Coss. ante pugnam Pharsalicam, partim ex castris Pompeji, partim Dyrrachio. Nam Cæsar, devictis legatis illis, Hispaniaque rebus compositis, Romam reversus, consulque cum Isaurico declaratus, exeunte, ut ait Dio, ut Plutarchus Prid. Non. Jan. jam exercitum in Epirum deportaverat. Reliquæ autem epistolæ Brundiso; quo jam acie devicto & fugato Pompejo, Cicero se contulerat, data sunt, nisi fallor,*



fallor, mense Octobr. Nam ad Terentiam scribens, libro epistolarum ad ipsam, pridie Non. Novemb. Quod nos (inquit) in Italiam salvos venisse gaudes &c. ut ante eas, Brundisio alia data fuerint. Fuit autem Brundisii menses minimum undecim: ab exitu, inquam, Octobris, ad vi. Kal. Octobris, anni sequentis: ut recte subducenti menses fluxerint plus minus xxi. quo toto tempore Caesar & cum Pompejo pugnavit, ipsumque in Ægyptum persecutus est: & ibidem contra Ptolemeum bellum gessit, in quo menses novem consumpsit, ut Appianus ait: & Romam rediens in itinere Pharnacem recepit. Quæ vero data sunt ex Kal. Septemb. C. Cesare dictatore iii. & M. Antonio Mag. Eq. scriptæ sunt. Nam, ut Dio scribit, populus Rom. audita cæde Pompeji, consulatum absenti Cesari, in annos quinque, Dictaturam in annum, Tribuniciam potestatem in æternum mandavit. Qui dictaturam statim iniit; quamvis anni exitu, Calenum & Vatinius, eodem auctore, subrogerit in ternos novissimos menses. Data ante pugnam Pharsalicam res fere domesticas continent: quæ post pugnam, querelam sui consilii: vel, ut ipse vocat, amentia & temeritatis, quod statim ab ipso conspectu, Pompejanorum causa nondum plane desperata, & postea in Africâ prope requiescente, non expectato exitu, in Italiam venerit: cum neque id tutum, neque honorificum esset. Quædam insunt etiam de remittendo nuntio uxori Terentiæ: de inopia Tullia: de scelere Dolabella, qui Tribunus pleb. leges perniciosissimas de novis tabulis ferret, omniaque misceret, quædam etiam de Q. Q. contra se scelerate loquentibus.

I

CICERO ATTICO S.

**A**ccepi a te signatum libellum, quem Anteros attulerat; ex quo nihil scire potui de nostris domesticis rebus: de quibus acerbissime afflictor, quod, qui eas dispensavit, neque adest istic, neque, ubi terrarum sit, scio. omnem autem spem habeo examinationis privatorumque rerum in tua erga me mihi perspicissima benivolentia: quam si his temporibus

mise-



miseris & extremis praeliteris, hæc periculâ, quæ mihi communia sunt cum ceteris, fortius feram: idque ut facias, te obtestor atque obsecro. ego in cistophoro in Asia habeo ad H-S bis & vicies. hujus pecuniæ permutatione fidem nostram facile tuebere: quam quidem ego nisi expeditam relinquere putassem, credens ei, cui tu scis jam pridem minime credere, commoratus essem paullisper, nec domesticas res impeditas reliquisssem: ob eamque causam serius ad te scribo, quod fero intellexi, quid timendum esset. Te etiam atque etiam oro, ut me totum tuendum suscipias; ut, si ii salvi erunt, quibus cum sum, una cum iis possim incolumis esse, salutemque meam benivolentiæ tuæ acceptam referre.

## CICERO ATTICO S.

2

Litteras tuas accepi pridie Nonas Febr. eoque ipso die ex testamento crevi hereditatem. ex multis meis miserrimis curis est una levata, si, ut scribis, ista hereditas fidem & famam meam tueri potest, quam quidem te intelligo, etiam sine hereditate, tuis opibus defensurum fuisse. De dote quod scribis, per omnes deos te obtestor, ut totam rem suscipias, & illam, miseram mea culpa & negligentia, tueare meis opibus, si quæ sunt; tuis, quibus tibi molestum non erit, facultatibus: cui quidem deesse omnia, quod scribis, obsecro te, noli pati. in quos enim sumtus abeunt fructus prædiorum? jam illa H-S lx, quæ scribis, nemo mihi unquam dixit, ex dote esse detracta: numquam enim essem passus. sed hæc minima est ex iis injuriis, quas accepi; de quibus ad te dolore & lacrimis scribere prohibeor. Ex ea pecunia, quæ fuit in Asia, partem dimidiam fere exegi. tutius videbatur fore ibi, ubi est, quam apud publicanos. Quod me hortaris, ut firmo sim animo: vellem posses aliquid afferre, quamobrem id facere possem. sed si ad ceteras misérias accessit etiam id, quod mihi Chrysippus dixit parari, (tu nihil significasti,) de domo; quis me miserior uno jam fuit? oro, obsecro, ignosce: non possum plura scribere. quanto

Cic. Epist. Tom. II.

T

mæro.



mærore urgear, profecto vides: quod si mihi commune cum ceteris esset, qui videntur in eadem causa esse, minor mea culpa videretur, & eo tolerabilior esset. nunc nihil est, quod consoletur; nisi quid tu efficis, si modo etiam nunc effici potest, ut ne qua singulari afficiar calamitate & injuria. Tardius ad te remisi tabellarium, quod potestas mittendi non fuit. A tuis & numorum accepi H. S. LXX, & vestimentorum quod opus fuit. Quibus tibi videbitur velim des litteras meo nomine. nosti meos familiares. signum requirunt, aut manum: dices, me propter custodias ea vitasse.

3

CICERO ATTICO S.

**Q**uid hic agatur, scire poteris ex eo, qui litteras attulit: quem diutius tenui, quia quotidie aliquid novi expectabamus: neque nunc mittendi tamen ulla causa fuit, præter eam, de qua tibi rescribi voluisti. Quod ad Kal. Quint. pertinet, quid vellem; utrumque grave est, & tam gravi tempore periculum tantæ pecuniæ, & dubio rerum exitu ista, quam scribis, abruptio. quare, ut alia, sic hoc vel maxime tuæ fidei benivolentiæque permitto, & illius consilio & voluntati, cui miseræ consuluissem melius, si tecum olim coram potius, quam per litteras, de salute nostræ fortunisque, deliberavissem. Quod negas præcipuum mihi ullum incommodum impendere; etsi ista res nihil habet consolationis, tamen etiam præcipua multa sunt, quæ tu profecto vides, ut sunt, & gravissima esse, & me facillime vitare potuisse: ea tamen erunt minora, si, ut adhuc factum est, administratione diligentiaque tua levabuntur. Pecunia apud Egnatium est. sit a me, ut est. neque enim hoc, quod agitur, videtur diuturnum esse posse; ut scire jam possim, quid maxime opus sit: & si egeo rebus omnibus; quod is quoque in angustiis est, quicum sumus; cui magnam dedimus pecuniam mutuam, opinantes, nobis, constitutis rebus, eam rem etiam honori fore. Tu, ut antea fecisti, velim, si qui erunt, ad quos aliquid scribendum a me existimes, ipse conficias.



ficias. Tuis salutem dic. Cura, ut valeas. inprimis id, quod scribis, omnibus rebus cura & provide, ne quid ei desit, de qua scis me miserrimum esse. Idibus Jun. ex castris.

## CICERO ATTICO S.

4

**A**ccepi ab Isidoro litteras, & postea datas binas. ex proximis cognovi prædia non venisse. videbis ergo, ut sustentetur per te. de Frusinati, si modo futuri sumus, erit mihi res opportuna. Meas litteras quod requiris, impediō inopia rerum, quas nullas habeo litteris dignas; quippe cui nec, quæ accidunt, nec, quæ aguntur, ullo modo præbentur. utinam coram tecum olim potius, quam per epistolas! Hic tua, ut possum, tueor apud hos. cetera Celer ipse. fugi adhuc omne munus, eo magis, quod ita nihil poterat agi, ut mihi & meis rebus aptum esset. Quid sit gestum novi, quæris: ex Isidoro scire poteris: reliqua non videntur esse difficiliora. Tu id velim, quod scis me maxime velle, cures, ut scribis, ut facis. Me conficit sollicitudo ex qua etiam summa infirmitas corporis: qua levata, ero una cum eo, qui negotium gerit, estque in spe magna. Brutus amicus in causa versatur acriter. Hactenus fuit, quod caute a me scribi posset. Vale. De pensione altera, oro te, omni cura considera, quid faciendum sit, ut scripsi iis litteris, quas Pollex tulit.

## CICERO ATTICO S.

5

**Q**uæ me causæ moverint, quam acerbæ, quam graves, quam novæ, coegerintque impetu magis quodam animi uti, quam cogitatione, non possum ad te sine maximo dolore scribere: fuerunt quidem tantæ, ut id, quod vides, effecerint. itaque nec quod ad te scribam de meis rebus, nec quod a te petam, reperio. rem & summam negotii vides. equidem ex tuis litteris intellexi, & iis, quas communiter cum aliis scripsisti, & iis, quas tuo nomine, quod etiam mea sponte videbam, te subdebilitatum novas ratio-



nes tuendi mei quarere. Quod scribis placere, ut propius accedam, iterque per oppida noctu faciam; non sane video, quemadmodum id fieri possit. neque enim ita apta habeo diversoria, ut tota tempora diurna in his possim consumere; neque ad id, quod quæris, multum interest, utrum me homines in oppido videant, an in via. sed tamen hoc ipsum, sicut alia considerabo, quemadmodum commodissime fieri posse videatur. ego propter incredibilem & animi & corporis molestiam conficere plures litteras non potui: iis tantum rescripsi, a quibus acceperam. tu velim & Basilo, & quibus, præterea videbitur, etiam Servilio conscribas, ut tibi videbitur, meo nomine. Quod tanto intervallo nihil omnino ad vos; profecto intelligis rem mihi deesse, de qua scribam, non voluntatem. Quod de Vatinio quæris: neque illius, neque cuiusquam mihi præterea officium deesset, si reperire possent, qua in re me iuvarent. Quintus aversissimo a me animo Patris fuit. eodem Corcyra filius venit. inde profectos eos una cum ceteris arbitror.

6

## CICERO ATTICO S.

Sollicitum esse te cum de tuis communibusque fortunis, tum maxime de me, ac de dolore meo, sentio: qui quidem dolor meus non modo non minuitur, cum socium sibi adjungit dolorem tuum, sed etiam augetur. omnino pro tua prudentia sentis, qua consolatione levâri maxime possim. probas enim meum consilium, negasque mihi quidquam tali tempore potius faciendum fuisse. addis etiam, (quod etsi mihi levius est, quam tuum iudicium, tamen non est leve,) ceteris quoque, id est, qui pondus habeant, factum nostrum probari. id si ita putarem, levius dolerem. crede, inquis, mihi. credo equidem: sed scio, quam cupias minui dolorem meum. Me discessisse ab armis, numquam pœnituit: tanta erat in illis crudelitas, tanta cum barbaris gentibus conjunctio, ut non nominatim, sed generatim proscriptio esset informata; ut jam omnium iudicio constitutum esset, omnium vestrum bona prædam esse illius victoriæ; vestrum, plane



plane dico: numquam enim de te ipso, nisi crudelissime, cogitatum est. quare voluntatis me meam quam pœnitebit: consilii pœnitet. in oppido aliquo malletm resedisse, quoad arcesserer. minus sermonis subiissem: minus accepissem doloris: ipsum hoc me non angeret. Brundisii jacere, in omnes partes est molestum. propius accedere, ut suades, quo modo sine liatoribus, quos populus dedit, possum, qui mihi incolumi adimi non possunt? quos ego nunc paulisper cum bacillis in turbam conieci ad oppidum accedens, ne quis impetus militum fieret, reliquo tempore me domo. Te nunc ad Oppium & Antonium: iis placeret modo propius accedere, ut hac de re considerarem: credo, fore auctores (sic enim recipiant) Cæsari non modo de conservanda, sed etiam de augenda mea dignitate curæ fore: meque hortantur, ut magno animo sim; ut omnia summa sperem: ea spondent, confirmant, quæ quidem mihi exploratiora essent, si remansissem. sed ingero præterita. vide, quæso, igitur ea, quæ restant, & explora cum illis; & si putabis opus esse, & si illis placebit, quo magis factum nostrum Cæsar probet, quasi de suorum sententia factum, adhibeantur Trebonius, Panfa, si qui alii: scribantque ad Cæsarem, me, quidquid fecerim, de sua sententia fecisse. Tulliæ meæ morbus & imbecillitas corporis me exanimat, quam tibi intelligo magnæ curæ esse; quod est mihi gratissimum. De Pompeii exitu mihi dubium numquam fuit. tanta enim desperatio rerum ejus, omnium regum & populorum animos occuparat, ut, quocumque venisset, hoc putarem futurum. non possum ejus casum non dolere. hominem enim integrum, & castum, & gravem cognovi. De Fannio consoler te? perniciose loquebatur de mansione tua. L. vero Lentulus Hortensii domum sibi & Cæsaris hortos, & Bajas desponderat. omnino hæc eodem modo ex hac parte fiunt: nisi quod illud erat infinitum. omnes enim, qui in Italia manserant, hostium numero habebantur. sed velim hæc aliquando solutiore animo. Quintum fratrem audio profectum in Asiam, ut deprecaretur.



de filio nihil audiui. sed quare ex Diochare, Cæsaris liberto, quem ego non vidi, qui istas Alexandrinas litteras attulit. is dicitur vidisse, euntem, an jam in Asia? Tuas litteras, prout res postulat, expecto: quas velim cures quamprimum ad me perferendas. iv. Kal. Decemb.

7

## CICERO ATTICO S.

**G**ratæ tuæ mihi litteræ sunt, quibus accurate perscripsisti omnia, quæ ad me pertinere arbitratus es. Factum igitur, ut scribis, istis placere, iisdem istis lictoribus me uti; quod concessum Sextio sit; cui non puto suos esse concessos, sed ab ipso datos. audio enim, eum ea senatus consulta improbare, quæ post discessum tribunorum facta sunt. quare poterit, si volet sibi constare, nostros lictores comprobare. quamquam quid ego de lictoribus, qui pæne ex Italia decedere sim iussus? nam ad me misit Antonius exemplum Cæsaris ad se litterarum, in quibus erat, se audivisse, Catonem & L. Metellum in Italiam venisse, Romæ ut essent palam: id sibi non placere; ne qui motus ex eo fierent; prohiberique omnes Italia, nisi quorum ipse causam cognovisset: deque eo vehementius erat scriptum. itaque Antonius petebat a me per litteras, ut sibi ignoscerem: facere se non posse, quin iis litteris pareret. tum ad eum misi L. Lamiam, qui demonstraret, illum Dolabellæ dixisse, ut ad me scriberet, ut in Italiam quamprimum venirem: ejus me litteris venisse. tum ille edixit ita, ut me exciperet, & Lælium nominatim. quod sane nollem. poterat enim, sine nomine, re ipsa excipi. o multas & graves offensiones! quas quidem, tu das operam, ut lenias. nec tamen nihil proficis: quin hoc ipso minuis dolorem meum, quod, ut minuas, tam valde laboras: idque velim ne gravere quam sapissime facere. maxime autem assequere quod vis, si me adduxeris, ut existimem, me bonorum iudicium non funditus perdidisse. quamquam quid tu in eo potes? nihil scilicet. sed, si quid res dabit tibi facultatis, id me maxime consolari poterit: quod nunc quidem video non esse;

sed



sed si quid, ex eventis; ut hoc nunc accidit. dicebar debuisse cum Pompejo proficisci. exitus illius minuit ejus officii prætermissi reprehensionem. sed ex omnibus nihil magis tamen desideratur, quam quod in Africam non ierim. iudicio hoc sum usus, non esse barbaris auxiliis fallacissimæ gentis rempublicam defendendam, præsertim contra exercitum sæpe victorem. non probant fortasse. multos enim viros bonos in Africam venisse audio, & scio fuisse antea. valde hoc loco urgeor. hic quoque opus est casu, aliqui sint ex iis, aut, si potest, omnes, qui salutem anteponant. nam si perseverant & obtinent; quid nobis futurum sit, vides. dices, quid illis, si victi erunt? honestior est plaga. Hæc me excruciant. Sulpicii autem consilium, non scripsisti, cur meo non anteponeres: quod etsi non tam gloriosum est, quam Catonis, tamen & periculo vacuum est, & dolore. Extremum est eorum, qui in Achaja sunt. ii tamen ipsi se hoc melius habent, quam nos, quod & multi sunt uno in loco; & cum in Italiam venerint, domum statim venerint. Hæc tu perge, ut facis, mitigare, & probare quamplurimis. Quod te excusas: ego vero & tuas causas nosco; & mea interesse puto, te istuc esse, vel ut cum iis, quibus oportebit, agas, quæ erunt agenda de nobis, ut ea quæ egisti; in primisque hoc velim animadvertas. multos esse arbitror, qui ad Casarem detulerint, delaturive sint, me aut pænitere consilii mei, aut non probare, quæ fiant: quorum etsi utrumque verum est; tamen ab illis dicitur animo a me alienato, non quo ita perspexerint. sed totum ut hoc Balbus sustineat, & Oppius, & eorum crebris litteris illius voluntas erga me confirmetur, & hoc plane ut fiat, diligentiam adhibebis. Alterum est, cur te nolim discedere; quod scribis Tulliam efflagitare. o rem miseram! quid scribam? aut quid velim? breve faciam. lacrimæ enim se subito profuderunt. tibi permitto: tu consule. tantum vide, ne hoc temporis tibi obesse aliquid possit. ignosce, obsecro te: non possum præfletu & dolore diutius in hoc loco commorari. tantum dicam, nihil mihi gratius esse, quam quod eam



diligis. Quod litteras, quibus putas opus esse, curas dandas; facis commode. Quintum filium vidi, qui Sami vidisset, patrem Sicyone: quorum deprecatio est facilis. utinam illi, qui prius illum viderint, me apud eum velint adjutum tantum, quantum ego illos vellem, si quid possem! Quod rogas, ut in bonam partem accipiam, si qua sint in tuis litteris, quae me mordeant: ego vero in optimam; teque rogo, ut aperte, quemadmodum facis, scribas ad me omnia, idque facias quam sapissime. Vale. xiv. Kalend. Januar.

8

CICERO ATTICO S.

**Q**uantis curis afficiar, etsi profecto vides, tamen cognoscas ex Lepta & Trebatio. maximas penas pendo temeritatis meae; quam tu prudentiam mihi videri vis: neque te deterreo, quo minus id disputes, scribasque ad me quam sapissime. nonnihil enim me levant tuae litterae hoc tempore. Per eos, qui nostra causa volunt, valentque apud illum, diligentissime contendas opus est, per Balbum & Oppium maxime, ut de me scribant quam diligentissime. oppugnamur enim, ut audio, & praesentibus quibusdam, & per litteras. iis ita occurrendum, ut rei magnitudo postulat. Furnius est illi, mihi inimicissimus. Quintus misit filium non solum sui deprecatorem, sed etiam accusatorem mei. distitat, se a me apud Caesarem oppugnari: quod refellit Caesar ipse, omnesque ejus amici. neque vero desistit, ubicumque est, omnia in me maledicta conferre. nihil mihi unquam tam incredibile accidit, nihil in his malis tam acerbum. qui ex ipso audissent, cum Sicyone palam multis audientibus loqueretur, nefaria quaedam ad me pertulerunt. nosti genus, etiam expertus es fortasse: in me id est omne conversum. sed augeo commemorando dolorem, & facio etiam tibi. quare ad illud redeo; cura, ut hujus rei causa dedita opera, mittat aliquem Balbus. ad quos videbitur, velim cures litteras meo nomine. Vale vi. Kal. Januar.

CICE.



Ego vero & incaute, ut scribis, & celerius, quam oportuit, feci, nec in ulla sum spe; quippe qui exceptionibus edictorum retinear: quæ si non essent sedulitate effectæ, & benivolentia tua,liceret mihi abire in solitudines aliquas. nunc ne id quidem licet. quid autem me juvat, quod ante initum tribunatum veni, si ipsum, quod veni, nihil juvat? jam, quid sperem ab eo, qui mihi amicus numquam fuit; cum jam lege etiam sim confectus & oppressus? quotidie jam Balbi ad me litteræ languidiores; multæque multorum ad illum, fortasse contra me. meo vitio pereo. nihil mihi mali casus attulit: omnia culpa contracta sunt. ego enim, cum genus belli viderem, imperata & infirma omnia contra paratissimos, sciveram, (quid facerem?) ceperamque consilium non tam forte, quam mihi præter ceteros concedendum. cessi meis, vel potius parui: ex quibus unus qua mente fuerit, is, quam tu mihi commendas, cognosces ex ipsius litteris, quas ad te & ad alios misit: quas ego numquam aperuissem, nisi res acta sit esset. Delatus est ad me fasciculus: solvi, si quid ad me esset litterarum: nihil erat: epistola Vatinio & Ligurio altera: iussi ad eos deferri: illi ad me statim ardentes dolore venerunt, scelus hominis clamantes: epistolas mihi legerunt plenas omnium in me probrorum. hic Ligurius furere. se enim scire, summo illum in odio fuisse Cæsari: illum tamen non modo fuisse, sed & tantam illi pecuniam dedisse honoris mei causa. hoc ego dolore accepto, volui scire, quid scripsisset ad ceteros. ipsi enim illi putavi perniciosum fore, si ejus hoc tantum scelus percubuisset. cognovi ejusdem generis: ad te misi: quas si putabis illi ipsi utile esse reddi; reddes; nil me lædet. nam quod resignatæ sunt, habet, opinor, ejus signum Pomponia. Hac ille acerbitate initio navigationis cum usus esset, tanto me dolore affectit, ut postea jacuerim: neque nunc tam pro se, quam contra me laborare dicitur. ita omnibus rebus urgeor; quas sustinere vix possum, vel plane



nullo modo possum. quibus in miseris una est pro omnibus, quod istam miseram, patrimonio, fortuna omni spoliata relinquam. quare te, ut polliceris, videre plane velim. alium enim, cui illam commendem, habeo neminem; quoniam matri quoque eadem intellexi esse parata, quæ mihi. sed, si me non offendes, satis tamen habeto commendatam, patriumque in ea, quantum poteris, mitigato. Hæc ad te die natali meo scripsi: quo utinam susceptus non essem, aut ne quid ex eadem matre postea natum esset! plura scribere fletu prohibeor.

10

CICERO ATTICO S.

**A**d meas incredibiles aggritudines aliquid novi accedit ex iis, quæ de Q. Q. ad me afferuntur. P. Terentius, meus necessarius, operas in portu & scriptura Asiæ pro magistro dedit. is Quintum filium Ephesi vidit vi. Id. Decemb. eumque studiose propter amicitiam nostram invitavit; cumque ex eo de me cunctaretur, eum sibi ita dixisse narrabat, se mihi esse inimicissimum; volumenque sibi ostendisse orationis, quam apud Cæsarem contra me esset habiturus: multa a se dicta contra ejus amentiam: multa postea Patris consimili scelere secum Quintum patrem locutum: cujus furorem ex iis epistolis, quas ad te misi, perspicere potuisti. hæc tibi dolori esse certo scio: me quidem excruciant, & eo magis, quod mihi cum illis ne querendi quidem locum futurum puto. De Africanis rebus longe alia nobis, ac tu scripseras, nuntiantur. nihil enim firmitus esse dicunt, nihil paratius, accedit Hispania, & alienata Italia; legionum nec vis eadem, nec voluntas; urbanæ res perditæ. quid est, ubi acquiescam, nisi quam diu tuas litteras lego? quæ essent profecto crebriores, si quid haberes, quo putares meam molestiam minui posse. sed tamen te rogo, ne intermittas scribere ad me, quidquid erit, eosque, qui mihi tam crudeliter inimici sunt, si odisse non potes, accuses tamen; non ut aliquid proficias, sed ut me tibi carum esse sentiant. Plura ad te scribam,

si



si mihi ad eas litteras, quas proxime ad te dedi, rescripseris. Vale. xii. Kal. Febr.

## CICERO ATTICO S.

II

Confectus jam cruciatu maximorum dolorum, ne, si sit quidem, quod ad te debeam scribere, facile id exequi possim; hoc minus, quod res nulla est, quæ scribenda sit; cum præsertim ne spes quidem ulla ostendatur, fore melius. ita jam ne tuas quidem litteras exspecto: quamquam semper aliquid afferunt, quod velim. quare tu quidem scribito, cum erit, cui des: ego tuis proximis, quas tamen jam pridem accepi, nihil habeo, quod rescribam. longo enim intervallo video immutata esse omnia: illa esse firma, quæ debeant, nos stultitiæ nostra gravissimas pœnas pendere. P. Sallustio curanda sunt H. S xxx, quæ accepi a Cn. Sallustio. velim videas, ut sine mora curentur. de ea re scripsi ad Terentiam. atque hoc ipsum jam prope consumtum est. quare id quoque velim, cum illa videas, ut sit, qui utamur. hic fortasse potero sumere, si sciam istuc paratum fore. sed prius, quam id scirem, nihil sum ausus sumere. Quid sit omnium rerum status noster vides. nihil est mali, quod non & sustineam & exspectem. quarum rerum eo gravior est dolor, quo culpa maior. Ille in Achaia non cessat de nobis detrahere. nihil videlicet tuæ litteræ profecerunt. Vale. viii. Id. Mart.

## CICERO ATTICO S.

12

Cephalio mihi a te litteras reddidit a. d. iix. Id. Mart. vespere. eo autem die mane tabellarios miseram, quibus ad te dederam litteras. tuis tamen lectis litteris, putavi aliquid rescribendum esse, maxime, quod ostendis, te pendere animi, quamnam rationem sim Cæsari allaturus professionis meæ tum, cum ex Italia discesserim. nihil opus est mihi nova ratione. sæpe enim ad eum scripsi, multisque mandavi, non potuisse, cum cupissem, sermones hominum sustinere; multaque in eam sententiam. nihil enim erat, quod minus eum



cum vellem existimare, quam me tanta de re non meo consilio usum esse. postea, cum mihi litteræ a Balbo Cornelio minore missæ essent, illum existimare, Quintum fratrem lituum meum professionis fuisse: ita enim scripsit: qui nondum cognossem, quæ de me Quintus scripsisset ad multos: etsi multa præsens in præsentem acerbè dixerat & fecerat; tamen Nilo meo his verbis ad Cæsarem scripsi.

*De Quinto fratre meo non minus laboro, quam de me ipso: sed cum tibi commendare hoc meo tempore non audeo. illud duntaxat tamen audebo petere abs te, quod te oro, ne quid existimes ab illo factum esse, quo minus mea in te officia constarent, minusve te diligerem, potiusque semper illum auctorem nostræ conjunctionis fuisse, meique itineris comitem, non ducem. quare ceteris in rebus tantum ei tribues, quantum humanitas tua, amicitiaque vestra postulat. ego ei ne quid apud te obsem, id te vehementer etiam atque etiam rogo.*

Quare, si quis congressus fuerit mihi cum Cæsare, (etsi non dubito, quin is lenis in illum futurus sit, idque jam declaraverit,) ego tamen is ero, qui semper fui. sed, ut video, multo magis est nobis laborandum de Africa; quam quidem tu scribis confirmari quotidie magis ad conditionis spem, quam victoriæ. quod utinam ita esset! sed longe aliter esse intelligo; teque ipsum ita existimari arbitror, aliter autem scribere, non fallendi, sed confirmandi mei causa, præsertim cum adjungatur ad Africam etiam Hispania. Quod me admones, ut scribam ad Antonium, & ad ceteros: si quid videbitur tibi opus esse, velim facias id, quod sæpe fecisti. nihil enim mihi venit in mentem, quod scribendum putem. Quod me audies frastiores esse animo: quid putas, cum videas accessisse ad superiores ægritudines præclaras generi actiones? Tu tamen velim ne intermittas, quoad ejus facere poteris, scribere ad me, etiamsi rem, de qua scribas, non habebis. semper enim afferunt aliquid mihi tuæ litteræ. Galeonis hereditatem crevi. puto enim cretionem simplicem fuisse, quoniam ad me nulla missa est. ux. Id. Mart.

CICE-



**A** Murenæ liberto nihil adhuc acceperam litterarum. P. Sifer reddiderat eas, quibus rescribo. De Servii patris litteris quod scribis, item, Quintum in Syriam venisse, quod ais, esse qui nuntiant; ne id quidem verum est. Quod certiore te vis fieri, quo quisque in me animo sit, aut fuerit eorum, qui huc venerunt; neminem alieno intellexi. sed, quantum id mea interfit, existimare te posse certo scio. mihi cum omnia sunt intolerabilia ad dolorem, tum maxime, quod in eam causam venisse me video, ut ea sola utilia mihi esse videantur, quæ semper nolui. P. Lentulum patrem Rhodi esse ajunt, Alexandriæ filium; Rhodoque Alexandriam C. Cassium profectum esse constat. Quintus mihi per litteras satisfacit, multo asperioribus verbis, quam cum gravissime accusabat. ait enim, se ex litteris tuis intelligere, tibi non placere, quod ad multos de me asperius scripserit: itaque se pœnitere, quod animum tuum offenderit: sed se jure fecisse. deinde perscribit spurcissime, quas ob causas fecerit. sed neque hoc tempore, nec antea patefecisset odium suum in me, nisi omnibus rebus me esse oppressum videret. atque utinam vel nocturnis, quemadmodum tu scripseras, itineribus propius te accessissem! nunc nec ubi, nec quando te sim visurus, possum suspicari. De coheredibus Fufidianis nihil fuit, quod ad me scriberes. nam & æquum postulant; &, quidquid egisses, recte esse actum putarem. De fundo Frusinati redimendo jam pridem intellexisti voluntatem meam: etsi tum meliore loco res erant nostræ, neque desperaturi mihi ita videbamur; tamen in eadem sum voluntate. id quemadmodum fiat, tu videbis. & velim, quoad poteris, consideres, ut sit, unde nobis suppeditentur sumtus necessarii. si quas habuimus facultates, eas Pompejo tum, cum id videbamur sapienter facere, detulimus. itaque tum & a tuo villico sumsimus, & aliunde mutuati sumus, cum Quintus quereretur per litteras, sibi nos nihil dedisse; qui neque ab illo rogati sumus, neque ipsi eam pecuniam



cuniam aspeximus. sed velim videas, quid sit, quod confici possit, quidque mihi de omnibus des consilii: & causam nostri. Plura ne scribam, dolore impedor. si quid erit, quod ad quos scribendum in eo nomine putes, velim, ut soles, facias: quotiesque habebis, cui des ad me litteras, nolim prætermittas. Vale.

14

## CICERO ATTICO S.

**N**on me offendit veritas litterarum tuarum, quod me, cum communibus, tum præcipuis malis oppressum, ne incipis quidem, ut solebas, consolari, faterisque id fieri jam non posse. nec enim ea sunt, quæ erant antea, cum, ut nihil aliud, comites me & socios habere putabam. omnes enim Achaici deprecatores, item qui in Asia, quibus non erat ignotum, etiam quibus erat, in Africam dicuntur navigaturi. ita præter Lælium, neminem habeo culpæ socium: qui tamen hoc meliore in causa est, quod jam est receptus. de me autem, non dubito, quin ad Balbum & ad Oppium scripserit: a quibus, si quid esset lætius, certior factus essem: tecum etiam essent locuti: quibuscum tu de hoc ipso colloquare velim, & ad me, quid tibi responderint, scribas: non quod ab isto salus data quidquam habitura sit firmitudinis; sed tamen aliquid consuli & prospici poterit. etsi omnium conspectum horreo, præsertim hoc genero; tamen, in tantis malis quid aliud velim, non reperio. Quintus pergit, ut ad me & Pansa scripsit, & Hirtius:isque item Africam petere cum ceteris dicitur. Ad Minucium Tarentum scribam, tuas litteras mittam. ad te scribam, numquid egerit. H. S. xxx. potuisse mirarer, nisi multa de Fufidianis prædiis. & id video tamen. Te exspecto; quem videre, si ullo modo potest (poscit enim res,) pervellem. jam extremum concluditur. Tibi facile est, quid, quale sit gravius, existimare. Vale.

15

## CICERO ATTICO S.

**Q**uoniam iustas causas affers, quod te hoc tempore videre non possim: quæso, quid sit mihi faciendum.



dum. ille enim ita videtur Alexandriam tenere, ut eum scribere etiam pudeat de his rebus. Hi autem ex Africa jam affuturi videntur; Achæi, item ex Asia redituri ad eos, aut libero aliquo loco commoraturi. quid mihi igitur putas agendum? video difficile esse consilium. sum enim solus, aut cum altero, cui neque ad illos reditus sit, neque ab his ipsis quidquam ad spem ostendatur. sed tamen scire velim, quid censeas: idque erat cum aliis, cur te, si fieri posset, cuperem videre. Minucium XII. sola curasse, scripsi ad te antea: quod superest, velim videas, ut curetur. Quintus non modo non cum magna prece ad me, sed acerbissime scripsit: filius vero mirifico odio. nihil fingi potest mali, quo non urgear. omnia tamen sunt faciliora, quam peccati dolor, qui & maximus est, & æternus: cujus peccati si socios essem habiturus ego, quos putavi, tamen esset consolatio tenuis. sed habet aliorum omnium ratio exitum, mea nullum. alii capti, alii interclusi non veniunt in dubium de voluntate, eo minus scilicet, cum se expedierint, & una esse cœperint. ii autem ipsi, qui sua voluntate ad Fufium venerunt, nihil possunt, nisi timidi, existimari. multi autem sunt, qui, quicumque sunt, modo ad illos se recipere volent, recipientur. quo minus debes mirari, non posse me tanto dolori resistere. solius enim meum peccatum corrigi non potest, & fortasse Lælii. sed quid me id levat? C. quidem Cassium ajunt consilium Alexandriam eundi mutavisse. Hæc ad te scribo, non ut queas tu demere sollicitudinem, sed ut cognoscam, ecquid tu ad ea afferas, quæ me conficiunt: ad quæ gener accedit, & cetera, quæ, fletu reprimor, ne scribam. quin etiam Æsopi filius me exerceat. prorsus nihil adest, quin sim miserri-mus. sed ad primum revertor: quid putes faciendum; occultene aliquo propius veniendum, an mare trans-eundum. nam hic maneri diutius non potest. De Fufidianis quare nihil potuit confici? genus enim conditionis ejusmodi fuit, in quo non solet esse controversia; cum ea pars, quæ videtur esse minor, licitatione expleri posset. hæc ego non sine causa quæro.

suspi-



suspicio enim, coheredes dubiam nostram causam putare, & eo rem in integro esse. Vale. Pridie Idus Maj.

16

CICERO ATTICO S.

Non meo vitio fit, hoc quidem tempore, (ante enim est peccatum,) ut me ista epistola nihil consoletur. nam & exigue scripta est, & suspensiones magnas habet, non esse ab illo; quas animadvertisse te existimo. De obviam itione ita faciam, ut suades. neque enim valde de adventu ejus opinio est; neque, si qui ex Asia veniunt, quidquam auditum esse dicunt de pace: cujus ego spe in hanc fraudem incidi. nihil video, quod sperandum putem, nunc praesertim, cum ea plaga in Asia sit accepta, in Illyrico, in Cassiano negotio, in ipsa Alexandria, in urbe, in Italia. ego vero, etiamsi rediturus ille est, qui adhuc bellum gerere dicitur, tamen ante reditum ejus negotium confectum iri puto. Quod autem scribis, quandam latitiam bonorum esse commotam, ut sit auditum de litteris; tu quidem nihil praetermittis, in quo putes aliquid solatii esse: sed ego non adducor, quemquam bonum ullam salutem putare mihi tanti fuisse, ut eam peterem ab illo, & eo minus, quod hujus consilii jam ne socium quidem habeo quemquam. Qui in Asia sunt, rerum exitum expectant. Achaici etiam Fusio spem deprecationis afferunt. horum & timor idem fuit primo, qui meus, & constitutum. mora Alexandrina causam illorum correxit, meam evertit. quamobrem idem a te nunc peto, quod superioribus litteris, ut, si quid in perditis rebus dispiceres, quod mihi putares faciendum, me moneres. si recipior ab his, quod vides non fieri; tamen, quoad bellum erit, quid agam, aut ubi sim, non reperio: sin jactor, eo minus. itaque tuas litteras exspecto; easque ut ad me sine dubitatione scribas, rogo. Quod suades, ut ad Quintum scribam de his litteris: facerem, si me quidquam istae litterae delectarent. etsi quidam scripsit ad me his verbis: *Ego, ut in his malis Patris sum non invitus: essem libentius, si frater tuus ea de te loqueretur,* que



*que ego audire vellem.* Quod ais illum ad te scribere, me sibi nullas litteras remittere; semel ab ipso accepi: ad eas Cephalioni dedi, qui multos menses tempestatibus retentus est. Quintum filium ad me acerbissime scripsisse, jam ante ad te scripsi. Extremum est, quod te orem, si putas rectum esse, & a te suscipi posse, cum Camillo communices, ut Terentiam moneatis de testamento. tempora monent, ut videat, ut satisfaciat, quibus debeat. auditum ex Philotimo est, eam scelerate quædam facere. credibile vix est. sed certe, si quid est, quod fieri possit, providendum est. de omnibus rebus velim ad me scribas: & maxime qui scribas de eo, in quo tuo consilio egeo, etiam si nihil excogitas: id enim mihi erit pro desperato. *iii.* Nonas Jun.

## CICERO ATTICO S.

17

Properantibus tabellariis alienis hanc epistolam dedi; eo brevior est, &, quod eram missurus meos. Tullia mea venit ad me pridie Idus Jun. deque tua erga se observantia benivolentiaque mihi plurima exposuit, litterasque reddidit trinas. ego autem ex ipsius virtute, humanitate, pietate non modo eam voluptatem non cepi, quam capere ex singulari filia debui; sed etiam incredibili sum dolore affectus, tale ingenium in tam misera fortuna versari, idque accidere nullo ipsius delicto, summa culpa mea. itaque a te neque consolationem jam, qua cupere te uti video, nec consilium, quod capi nullum potest, exspecto: teque omnia cum superioribus sæpe litteris, tum proximis tentasse intelligo. Ego cum Sallustio Cicero nem ad Casarem mittere cogitabam. Tulliam autem, non videbam esse causam, cur diutius mecum tanto in communi mærore retinerem. itaque matri eam, cum primum per ipsam liceret, eram remissurus. Pro ea, quam ad modum consolantis scripsisti, *et cetera*, ea putato me scripsisse, quæ tu ipse intelligis responderi potuisse. Quod Oppium tecum scribis locutum, non abhorret a mea suspitione ejus oratio. sed non dubito, quin illis persuaderi nullo modo

Cic. Epist. Tom. II.

U

possit,



possit, ea, quæ faciant, mihi probari posse; quoquò modo loquar. ego tamen utar moderatione, qua poterò. quamquam, quid mea interfit, ut eorum odium subeam, non intelligo. Te iusta causa impediri, quò minus ad nos venias, video; idque mihi valde molestum est. Illum ab Alexandria discessisse, nemo nuntiat; constatque, ne profectum quidem illinc quemquam post Idus Mart. nec post Idus Decemb. ab illo datas ullas litteras. ex quo intelligis, illud, de litteris a. d. v. Id. Febr. datis, (quod inane esset, etiamsi verum esset,) non verum esse. L. Terentium discessisse ex Africa scimus, Pæstumque venisse. quid is afferat, aut quo modo exierit, aut quid in Africa fiat, scire velim. dicitur enim per Nasidium emissus esse. id quale sit, velim, si inveneris, ad me scribas. De H. S. x, ut scribis, faciam. Vale. xix. Kal. Quint.

18

CICERO ATTICO S.

**D**e illius Alexandria discessu, nihil adhuc rumoris, contraque opinio, valde esse impeditum. itaque nec mitto, ut constitueram, Ciceronem, & te rogo, ut me hinc expedias. quodvis enim supplicium levius est hac permansione. hac de re & ad Antonium scripsi, & ad Balbum, & ad Oppium. sive enim bellum in Italia futurum est, sive classibus utetur; hic esse me, minime convenit: quorum fortasse utrumque erit; alterum certe. intellexi omnino & Oppii sermone, quem tu mihi scripsisti, quæ istorum via esset: sed, ut eam flectas, te rogo. nihil omnia jam exspecto, nisi miserum. sed hoc perditus, in quo nunc sum, fieri nihil potest. quare, & cum Antonio loquere, velim, & cum istis; & rem, ut poteris, expedias; & mihi quamprimum de omnibus rebus rescribas. Vale. xii. Kal. Quint.

19

CICERO ATTICO S.

**C**um tuis dare possem litteras, non prætermisi: etsi, quod scriberem, non habebam. tu ad nos & rarius scribis, quam solebas, & brevius: credo, quia nihil



nihil habes, quod me putes libenter legere, aut audire posse. verumtamen velim, si quid erit, qualecumque erit, scribas. est autem unum, quod mihi sit optandum, si quid agi de pace possit: quod nulla equidem habeo in spe. sed, quia tu leviter interdum significas, cogis me sperare, quod optandum vix est. Philotimus dicitur Idib. Sext. nihil habeo de illo amplius. tu, velim, ad ea mihi rescribas, quæ ad te antea scripsi. mihi tantum temporis satis est, dum, ut in pessimis rebus, aliquid caveam, qui nihil umquam cavi. Vale. xi. Kal. Sext.

## CICERO ATTICO S.

20

Septimo decimo Kal. Sept. venerat die xxix. Seleucia Pieria C. Trebonius, is, qui se Antiochiæ diceret apud Cæsarem vidisse Quintum filium cum Hirtio. eos de Quinto, quæ voluissent, impetrasse nullo quidem negotio. quod ego magis gauderem, si ista nobis impetrata quidquam ad spem explorati haberent. sed & alia timenda sunt, ab aliisque, & ab hoc ipso. quæ dantur, ut a domino, rursus in ejusdem sunt potestate. etiam Sallustio ignovit. omnino dicitur nemini negare. quod ipsum est suspectum, notionem ejus differri. M. Gallius Q. F. mancipia Sallustio reddidit. is venit ut legiones in Siciliam traduceret: & protinus iturum Cæsarem Patris. quod si faciet, ego, quod ante mallet, aliquo propius accedam. tuas litteras ad eas, quibus a te proxime consilium petivi, vehementer exspecto. Vale. xvi. Kal. Septemb.

## CICERO ATTICO S.

21

Acepi vi. Kal. Sept. litteras a te, datas xii. Kal. doloremque, quem ex Quinti scelere jampri-dem acceptum jam abjeceram, lecta ejus epistola gravissimum cepi. tu etsi non potuisti ullo modo facere, ut mihi illam epistolam non mitteres: tamen mallet, non esse missam. Ad ea autem, quæ scribis de testamento, videbis, quid, & quo modo. De nummis & illa sic scripsit, ut ego ad te antea; & nos, si



quid opus erit, utemur ex eo, de quo scribis. Ille ad Kal. Sept. Athenis non videtur fore. multa eum in Asia dicuntur morari, maxime Pharnaces. legio XII, ad quam primum Sulla venit, lapidibus egisse hominem dicitur. nullam putant se commoturam. illum arbitrantur protinus Patris in Siciliam. sed, si hoc ita est, huc veniat necesse est. ac mallem illum. aliquo enim hinc evasissem. nunc metuo, ne sit expectandum; & cum reliquis etiam loci gravitas hic miserrime perferenda. Quod me mones ut ea videam, quæ ad tempus accommodem: facerem, si res pateretur, & si ullo modo fieri posset. sed in tantis nostris peccatis, tantisque nostrorum injuriis, nihil est, quod aut facere dignum nobis, aut simulare possim. Sullane confers: in quibus omnia genere ipso præclarissima fuerunt, moderatione paullo minus temperata. hæc autem ejusmodi sunt, ut obliviscar mei; multoque malim, quod omnibus si melius, quorum utilitati meam junxi. Tu ad me tamen velim quam sapissime scribas, eoquæ magis, quod præterea nemo scribit: ac si omnes, tuas tamen maxime expectarem. Quod scribis, illum per me Quinto fore placationem: scripsi ad te antea, eum statim Quinto filio omnia tribuisse, nostri nullam mentionem. Vale.

## 22

## CICERO ATTICO S.

**D**iligenter mihi fasciculum reddidit Balbi tabellarius. accepi enim a te litteras, quibus videris vereri, ut epistolas illas acceperim: quas quidem vellem mihi numquam redditas. auxerunt enim mihi dolorem: nec si in aliquem incidissent, quidquam novi attulissent. quid enim tam pervulgatum, quam illius in me odium, & genus hoc litterarum? quod ne Cæsar quidem ad istos videtur misisse, [quasi] quo illius improbitate offenderetur, sed, credo, uti notiora nostra mala essent. Nam quod te vereri scribis, ne illi ob sint, eique rei mederi: ne rogari quidem se passus est de illo: quod quidem mihi molestum non est: illud molestius, istas impetrationes nostras nihil valere. Sulla, ut opinor, cras hic erit cum Messala.

cur.



currunt ad illum pulsi a militibus; qui se negant usquam, nisi acceperint. ergo ille huc veniet: quod non putabant: tarde quidem. itinera enim ita facit, ut multos dies in oppidum ponat. Pharnaces autem, quoquo modo aget, afferet moram. quid mihi igitur censes? jam enim corpore vix sustineo gravitatem huius cæli, qui mihi laborem affert in dolore. An his illuc euntibus mandem, ut me excusent; ipse accedam propius? quæso, attende; & me, quod adhuc sæpe rogatus non fecisti, consilio iuva: scio rem difficilem esse: sed, ut in malis. etiam illud mea magni interest, te ut videam. profecto aliquid profecero, si id acciderit. De testamento, ut scribis, animadvertes.

## CICERO ATTICO S.

23

Quod ad te scripseram, ut cum Camillo communicares, de eo Camillus mihi scripsit, te secum locutum. tuas litteras expectabam. nisi illud quidem mutari. si aliter est & oportet, non video posse. sed cum ab illo accepissem litteras, desideravi tuas. etsi putabam, te certiore factum non esse. modo vales. scripseras enim, te quodam valitudinis genere tentari. Accusius quidam Rhodo venerat ix. Idib. Quint. is nuntiabat, Quintum filium ad Cæsarem profectum iv. Kal. Jun. Philotimum Rhodum pridie eum diem venisse; habere ad me litteras. ipsum Acusium audies, sed tardius iter faciebat. eo feci, ut has celeriter eunti darem. quid sit in iis litteris, nescio: sed mihi valde Quintus frater gratulatur. equidem in meo tanto peccato nihil ne cogitatione quidem assequi possum, quod mihi tolerabile possit esse. Te oro, ut de hac misera cogites: & illud, de quo ad te proxime scripsi, ut aliquid conficiatur ad inopiam propulsandam, & etiam de ipso testamento. illud quoque vellem antea: sed omnia timuimus. melius quidem in pessimis nihil fuit discidio. aliquid fecissemus, ut vini, vel tabularum novarum nomine, vel nocturnarum expugnationum, vel Metellæ, vel omnium malorum: nec res perisset: & videremur aliquid doloris virilis habuisse.



habuisse. memini omnino tuas litteras, sed & tempus illud: etsi quidvis præstitit. nunc quidem ipse videtur denuntiare. audimus enim de statu reipublicæ. o dii! generumne nostrum potissimum, ut hoc, vel tabulas novas? placet mihi igitur, & idem tibi, nuntium remitti. petet fortasse tertiam pensionem. considera igitur, tumne, cum ab ipso nascetur, an prius. ego, si ullo modo potuero, vel nocturnis itineribus experiar, ut te videam. tu & hæc, & si quid erit, quod intersit mea scire, scribas velim.

**Q**uæ dudum ad me, &, quæ etiam ante bis ad Tulliam de me scripsisti, ea sentio esse vera. eo sum inferior, (etsi nihil videbatur addi posse,) quod mihi non modo irasci gravissima injuria accepta, sed ne dolere quidem impune licet. quare istud feramus. quod cum tulerimus, tamen eadem erunt perpetiendæ, quæ tu, ne accidant, ut caveamus, mones. ea enim est a nobis contracta culpa, ut omni statu, omnique populo eundem exitum habitura videatur. sed ad meum manum redi: dehinc enim hæc occultius agenda. vide quæso etiam nunc de testamento, quod tum factum, cum illa quærere cœperat. non credo te commorit; neque enim rogarit, ne me quidem. sed quasi ita sit: quoniam in sermonem jam venisti, poteris eam monere, ut alicui committat, cuius extra periculum huius belli fortuna sit. equidem tibi potissimum velim, si idem illa vellet: quam quidem celo miseram, me in hoc timere de illo altero. Scio equidem vñire nunc nil posse: sed seponi & occultari possunt, ut extra ruinam sunt eam, quæ impendet. Nam quod scribis, nobis nostra & tua Tullia fore parata: tua credo: nostra quæ poterunt esse? de Terentia autem (mitto cetera, quæ sunt innumerabilia) quid ad hoc addi potest? scripseras, ut H. S. xii permutaret; tantum esse reliquum de argento. misit illa cecro mihi, & adscripsit, tantum esse reliquum. cum hoc tam parvum de parvo detraxerit, perspicis quid



in maxima re fecerit? Philotimus non modo nullus venit, sed ne per litteras quidem, aut per nuntium certiores facit me, quid egerit. Epheso qui veniunt, ibi se eum de suis controversiis in jus adeuntem vidisse nuntiant: quæ quidem (ita enim verisimile est) in adventum Cæsaris fortasse rejiciuntur. ita aut nihil puto eum habere, quod putet ad me celerius perferendum, & eo me magis esse despectum: aut, etiamsi quid habet, id nisi omnibus suis negotiis confectis, ad me referre non curat. ex quo magnum equidem capio dolorem, sed non tantum, quantum videor debere. nihil enim mea minus interesse puto, quam quid illinc afferatur. id quam ob rem, te intelligere certo scio. Quod me mones de vultu & oratione ad tempus accommodanda; etsi difficile est, tamen imperare mihi, si mea quidquam interesse putarem. Quod scribis, litteris putare Africanum negotium confici posse: vellem scriberes, cur ita putares: mihi quidem nihil in mentem venit, quare id putem fieri posse: tu tamen, velim, si quid erit, quod consolationis aliquid habeat, scribas ad me. sin, ut perspicio, nihil erit, scribas idipsum. ego ad te, si quid audiero citius, scribam. Vale.   
 Ix. Id. Sext.

## CICERO ATTICO S.

25

Facile assentior tuis litteris; quibus exponis pluribus verbis, nullum te habere consilium, quo a te possim juvari. consolatio certe nulla est, quæ levare possit dolorem meum. nihil est enim contractum casu. nam id esset ferendum. sed omnia fecimus iis erroribus & miseriis & animi & corporis, quibus proximi utinam mederi maluissent. quam ob rem, quoniam neque consilii tui, neque consolationis cujusquam spes ulla mihi ostenditur, non quæram hæc a te posthac. tantum velim, ne intermittas: scribas ad me, quidquid veniet tibi in mentem, cum habebis, cui des, & tum erit, ad quem des: quod longum non erit. Illum discessisse Alexandria, rumor est non firmus,



## 312 EPIST. AD ATTICUM, LIB. XI.

mus, ortus ex Sulpicii litteris: quas cuncti postea nuntii confirmarunt: quod verum, an falsum sit, quoniam mea nihil interest, utrum malim, nescio. Quod ad te jam pridem de testamento scripsi; apud <sup>sonit</sup> illas velim; ut possint, advertas. ego hujus miserimæ fatuitate confectus confictor. nihil umquam simile natum puto: cui si qua re consulere aliquid possum, cupio a te admoneri. video eandem esse difficultatem, quam in consilio dando ante: tamen hoc me magis sollicitat, quam omnia. In pensione secunda cæci fuimus. alium mallerem. sed præterit. te oro, ut in perditis rebus, si quid cogi, confici potest, quod sit in tuto, ex argento, neque satis multa ex supellectile, des operam. jam enim mihi videtur adesse extremum, nec ulla fore conditio pacis, eaque, quæ sunt, etiam sine adversario peritura. hæc etiam, si videbitur, cum Terentia loquere oportune. non queo omnia scribere. Vale III. Non. Quint.





I.  
oste  
quo-  
Quod  
vris  
nifer-  
m fi-  
pos-  
diffi-  
hoc  
e-se-  
te  
po-  
ulta  
letur  
ca-  
hac  
une.



M. TULLII CICERONIS  
EPISTOLARUM

A D

ATTICUM,  
LIBER XII.

---

ARGUMENTUM.

*Omittuntur sine litteris menses non pauciores sex: nempe ex Kal. Sept. in quibus desinit liber proxime superior, ad usque tempus illud, cum jam bellum in Africa contra Scipionem & Juba[m] Caesar gereret. Nam a bello Alexandrino & Ponti reversus, consulque III. cum M. Emilio Lepido creatus, summa hieme, hoc est, II. Kal. Jan. conscendit, exercitumque in Africam trajecit: quo tempore quatuor primæ epistolæ scriptæ sunt. Quinta & sexta data videntur, cum jam Caesar vel appropinquaret, vel redisset. Rediit autem a. d. XII. Kal. Sept. auctore Hirrio. Reliquæ, cum in Hispania contra Pompeji liberos pugnaretur, eodem C. Casare Dictatore III. designato IV. collega & Magistro Eq. M. Emilio Lepido, quo tempore Tullia ex partu, ut Peditanus & Plutarchus ajunt, apud Lentulum decessit. Itaque cum se Cicero Asturæ abdideret, quotidianas pene litteras mittebat, gemitus luctusque continentes: item preces contentionemque, ut horri sibi ab Attico curarentur, in quibus filia sanum condere posset. Fluxere, dum hæc scribuntur, menses plus minus duodeviginti. Nam ex Kal. Jan. ejus anni, quo Caesar in Africam transmisit,*



*ad ætatis initium anni illius, quo quartam Dictaturam in Hispania gessit, tot fere numerantur. Ætatem porro reliquam fuisse, scriptis libri hujus epistolis, ex primæ tertii decimi cognosci licet.*

I

## CICERO ATTICO S.

**U**ndecimo die postquam a te discefferam, hoc litterularum exaravi, egrediens e villa ante lucem: atque eo die cogitabam in Anagnino, postero autem in Tusculano; ibi unum diem. v. Kalend. igitur ad constitutum, atque utinam continuo ad complexum meæ Tulliæ, ad osculum Atticæ possim currere! quod quidem ipsum scribe quæso ad me; ut, dum consisto in Tusculano, sciam; quid garriat: sin rusticatur, quid scribat ad te: eique interea aut scribe salutem, aut nuntia, itemque Piliæ. & tamen, etsi continuo congressuri sumus, scribes ad me, si quid habebis. Cum complicarem hanc epistolam, noctuabundus ad me venit cum epistola tua tabellarius: qua lecta, de Atticæ febricula scilicet valde dolui. reliqua, quæ exspectabam, ex tuis litteris, cognovi omnia. sed quod scribis, *igniculum marutinum; γειγortικον* est memorialia vacillare. ego enim iv. Kal. Axio dederam, tibi iii. Quinto, quo die venissem, id est, v. Kal. hoc igitur habebis, novi nihil. quid ergo opus erat epistola? quid, cum coram sumus, & garrimus quidquid in buccam? est profecto quiddam *λεσχῆ*, quæ habet, etiamsi nihil subest, colloctione ipsa suavitatem.

2

## CICERO ATTICO S.

**H**ic rumores tamen Murcum periisse naufragio; Asinium delatum vivum in manus militum; L. naves delatas in Uticam reflatu hoc; Pompejum non comparere, nec in Balearibus omnino fuisse, ut Patietus affirmat. sed auctor nullius rei quisquam. Habes, quæ, dum tu abes, locuti sunt. Ludi interea Præneste. Ibi Hirtius, & isti omnes. & quidem ludi dies octo. quæ cœnæ? quæ deliciæ? res interea fortasse



tasse transacta est. o miros homines! at Balbus edificat; τι γὰρ αὐτῷ μέλει? verum, si quæris, homini non recta, sed voluptaria quærenti, nonne βεβιωται? Tu interea dormis. jam explicandum est πρόβλημα, si quid acturus es. si quæris quid putem, ego fructum puto. sed quid multa? jam te videbo; & quidem, ut spero, de via recta ad me. simul enim & diem Tyrannioni constituemus, & si quid aliud.

## CICERO ATTICO S.

3

Undum te puto minus blandum esse, quam me: & si uterque nostrum est aliquando adversus aliquem, inter nos certe numquam sumus. audi igitur me hoc ἀγορευτικῶς dicentem: ne vivam, mi Attice, si mihi non modo Tusculanum, ubi ceteroqui sum libenter, sed μακάρων ἡσίοι tanti sunt, ut sine te sim totos dies, quare obduretur hoc triduum; ut te quoque ponam in eodem πάθει: quod ita est profectio. sed velim scire, hodiene statim de auctione, aut quo die venias. ego me interea cum libellis. ac moleste fero, Vennonii me historiam non habere. sed tamen, ne nihil de re, nomen illud, quod a Cæsare, tres habet conditiones, aut emtionem ab hasta: (perdere malo: etsi, præter turpitudinem, hoc ipsum puto esse perdere;) aut delegationem a mancipe, annua die: (quis erit, cui credam? aut quando iste Metonis annus veniet?) aut, Vesteni conditionem semisse. σκεψαι igitur, ac vereor, ne iste jam auctionem nullam faciat, sed, ludis factis, κτυπη subsidio currat. ne talis vir ἀλογηδῇ. sed μελησέει.

## CICERO ATTICO S.

4

Gratas tuas mihi, jucundasque litteras! quid quæris? restitutus est mihi dies festus. angebar enim, quod Tiro, ἐνερευθεσέγον te sibi esse visum dixerat. addam igitur, ut censes, unum diem. Sed de Catone πρόβλημα ἀρχιμηδειον est. non assequor, ut scribam, quod tui convivæ non modo libenter, sed etiam æquo animo legere possint. quin etiam, si a sententiis ejus

[di-



[dis]tis], si ab omni voluntate consiliisque, quæ de republica habuit, recedam, *φίλος*que velim gravitatem, constantiamque ejus laudare; hoc ipsum tamen istis odium *ἀνεσμός* sit. sed vere laudari ille vir non potest, nisi hæc ornata sint; quod ille ea, quæ nunc sunt, & futura viderit, &, ne fierent, contenderit, &, facta ne videret, vitam reliquerit. horum quid est, quod Aledio probare possimus? sed cura obsecro, ut valeas, eamque, quam ad omnes res adhibes, in primis ad convalescendum adhibe prudentiam.

5

## CICERO ATTICQ S.

**Q**uintus pater quartum, vel potius millesimum nihil sapit, qui lætetur Luperco filio, & Statio, ut cernat duplici dedecore cumulatam domum. addo etiam Philotimum tertium. o stultitiam, nisi mea major esset, singularem! quod autem os, in hanc rem *ἄγαν* a te? fac, non ad *διψῶσαν κρήνην*, sed ad *πειρημένην* eum venisse; sed *ἀμπνεύμα σέμενον*. *Ἄλφει* in te κρήνην, ut scribis, haurire, in tantis suis præsertim angustiiis; *ποὶ ταυτ' ἄρ' ἀποσκηψεί*? sed ipse viderit. Cato me quidem delectat, sed etiam Bassum Lucilium sua. De Cælio, tu quæres, ut scribis: ego nihil novi. noscenda est natura, non facultas modo. De Hortensio & Virginio, tu si quid dubitabis: etsi, quid magis placeat, ego quantum aspicio, non facile inveneris. Cum Mustela, quemadmodum scribis, cum venerit Crispus. Ad Aulum scripsi, ut ea, quæ bene nossem de auro, Pisoni demonstraret. tibi enim sane assentio, & istud nimium diu duci, omnia nunc undique contrahenda. Te quidem nihil agere, nihil cogitare aliud, nisi quod ad me pertineat, facile perspicio: meisque negotiis impediri cupiditatem tuam ad me veniendi. sed mecum esse te puto; non solum quod meam rem agis, verum etiam quod videre videor, quo modo agas. neque enim ulla hora tui mihi est operis ignota. Tubulum prætorem video L. Metello Q. Maximo consulibus. nunc velim, P. Scævola pontifex maximus, quibus consulibus tribunus plebis. equidem puto proximis, Capione & Pompejo. Prætor



ter enim P. Furio, Sex. Atilio. dabis igitur tribunatum, & si poteris, Tubulus quo crimine. & vide, quæso, L. Libo, ille, qui de Ser. Galba, Censorino & Manilio, an T. Quintio M'. Acilio consulis tribunus plebis fuerit. conturbat enim me epitome Bruti Fanniana, an Bruti epitome Fannianorum? scripsi, quod erat in extremo: idque ego secutus, hunc Fannium, qui scripsit historiam, generum esse scripseram Lælii: sed tu me *παρτερῶς* refelleras: te autem nunc Brutus & Fannius. ego tamen de bono auctore, Hortensio, sic acceperam, ut apud Brutum est. hunc igitur locum expedies. Ego misi Tironem Dolabellæ obviam. is ad me Idibus revertetur. te expectabo postridie. De Tullia mea tibi antiquissimum esse video: idque ita ut sit, te vehementer rogo. Ergo & in integro omnia: sic enim scribis. mihi etsi Kalendæ vitandæ fuerunt, Nicaionumque *ἀγχιεργα* fagienda, conficiendæque tabulæ: nihil tamen tanti, ut a te abessem, fuit. cum Romæ essem, & te jam jamque visurum me putarem; quotidie tamen horæ, quibus exspectabam, longæ videbantur. scis me minime esse blandum. itaque minus aliquanto dico, quam sentio.

## CICERO ATTICO S.

6

De Cælio, vide, quæso, ne qua lacuna sit in auro. Ego ista non novi. sed certe in collubo est detrimenti satis. huc aurum si accedit: sed quid loquor? tu videbis. habes Hegesiæ genus, quod Varro laudat. venio ad Tyrannionem. Ain' tu? verum hoc fuit. sine me? at ego quoties, cum essem otiosus, sine te tamen nolui? quo modo hoc ergo luens? uno scilicet, si mihi librum miseris: quod ut facias, etiam atque etiam rogo. etsi me non magis liber ipse delectabit, quam tua admiratio delectavit. amo enim *πᾶντα φιλοδῶμιον*: teque istam tam tenuem *θραῦτον* tam valde admiratum esse gaudeo. etsi tua quidem sunt ejusmodi omnia. scire enim vis, quo uno animus alitur. sed, quæso, quid ex ista acuta & gravi refertur ad *τελος*? sed longa oratio est, & tu occupatus in meo  
qui-



quidem fortasse aliquo negotio, & pro isto asso sole, quo tu abusus es in nostro pratulo, a te nitidum solem unctumque repetemus. sed ad prima redeo. Librum, si me amas, mitte. tuus est enim profecto, quoniam quidem est missus ad te. *Chreme, tantumne ab re tua est otii tibi*, ut etiam oratorem legas? macte virtute! mihi quidem gratum, & erit gratius, si non modo in libris tuis, sed etiam in aliorum per librariorum tuos Aristophanem reposueris pro Eupoli. Cæsar autem mihi irridere visus est. Quæso illud tuum, quod erat *survixit* & urbanum. ita porro te sine cura esse iussit, ut mihi quidem dubitationem omnem tolleret. Atticam doleo tam diu: sed quoniam jam sine horrore est, spero esse, ut volumus.

## 7

## CICERO ATTICO S.

Quæ desideras, omnia scripsi in codicillis, eosque Eroti dedi, breviter, sed etiam plura quam quæris; in iis, de Cicerone: cuius quidem cogitationis initium tu mihi attulisti. locutus sum cum eo liberalissime: quod ex ipso, velim, si modo tibi erit commodum, sciscitare. sed quid differo? exposui, te ex me detulisse, ecquid vellet, ecquid requireret: velle Hispaniam, requirere liberalitatem. de liberalitate, dixi, quantum Publilius, quantum flamen Lentulus filio. de Hispania, duo attuli, primum idem, quod tibi, me vereri vituperationem: non satis esse, si hæc arma reliquissetus? etiam contraria? deinde fore, ut angeretur, cum a fratre familiaritate & omni gratia vinceretur. velim magis liberalitate uti mea, quam sua libertate: sed tamen permisi. tibi enim intellexeram non nimis displicere. ego etiam atque etiam cogitabo, atque, ut idem facias, rogo. magna res & simplex est manere; illud anceps, verum videbimus. De Balbo, & in codicillis scripseram, & ita cogito, simul ac redierit. sin ille tardius, ego tamen triduum. &, quod præterii, Dolabella etiam mecum.



## CICERO ATTICO S.

8

**D**e Cicerone, multis res placet: comes est idoneus. sed de prima pensione ante videamus. adest enim dies, & ille currit. Scribe, quæso, quid referat Celer egisse Cæsarem cum candidatis, utrum ipse in Fœnicularium, an in Martium campum cogitet. & sane scire velim, numquid necesse sit comitiis esse Romæ. nam & Piliæ satisfaciendum est, & utique Atticæ.

## CICERO ATTICO S.

9

**N**æ ego essem hic libenter, atque id quotidie magis, ni esset ea causa, quam tibi superioribus litteris scripsi. nihil hac solitudine jucundius, nisi paulum interpellasset Amyntæ filius. *ω' απεραντολογίας ανδρς!* cetera noli putare amabiliora fieri posse villa, litore, prospectu maris, tum his rebus omnibus. sed neque hæc digna longioribus litteris; nec erat, quod scriberem; & somnus urgebat.

## CICERO ATTICO S.

10

**M**ale mehercule de Athamante. tuus autem dolor humanus is quidem, sed magnopere moderandus. consolationum autem multæ viæ, sed illa rectissima. impetret ratio, quod dies impetratura est. Alexim vero curemus, imaginem Tironis; quem agrum Romam remisi: & si quid habet collis *επιδημιον*, ad me cum Tisameno transferamus. tota domus superior vacat, ut scis. hoc puto valde ad rem pertinere.

## CICERO ATTICO S.

11

**M**ale de Sejo. sed omnia humana tolerabilia ducenda. ipsi enim quid sumus? aut quam diu hæc curaturi sumus? ea videamus, quæ ad nos magis pertinent, nec tamen multo: quid agamus de senatu. Et, ut ne quid prætermittam, Cæsonius ad me litteras misit, Postumiam Sulpicii domum ad se venisse. De Pompeji Magni filia, tibi rescripsi, nihil me hoc tempore cogitare. vero illam, quam tu scribis, puto nosti. nihil vidi fœdus. sed adsum. coram igitur.

Obsigna-



Obsignata epistola, accepi tuas. Atticæ hilaritatem libenter audio: commotiunculis *συμπάχω*.

12

## CICERO ATTICO S.

**D**e dote, tanto magis perpurga. Balbi regia conditio est delegandi. quoquo modo confice. turpe est, rem impeditam jacere. Insula Arpinas habere potest germanam *ἀποδιδων*: sed vereor, ne minorem *τιμὴν* habere videatur. *ἐκτροπος* est. igitur animus in hortis: quos tamen inspiciam, cum venero. De Epicuro, ut voles; etsi *μεταδροζομαι* in posterum genus hoc personarum. incredibile est, quam ea quidam requirant. ad antiquos igitur: *ἀνεμίστην γὰρ*. nihil habeo, ad te quod perferbam: sed tamen institui quotidie mittere, ut eliciam tuas litteras; non quo aliquid ex his exspectem; sed nescio quo modo tamen exspecto. quare sive habes quid, sive nihil habes, scribe tamen aliquid, teque cura.

13

## CICERO ATTICO S.

**C**ommovent me Attica; etsi assentior Cratero. Bruti litteræ scriptæ & prudenter & amice, multas mihi tamen lacrimas attulerunt. Me hæc solitudo minus stimulat, quam ista celebritas. te unum desidero; sed litteris non difficilius utor, quam si domi essem: ardor tamen ille idem urget & manet, non mehercule indulgente me, sed tamen non repugnante. Quod scribis te Appejo, nihil puto opus esse tua contentione, nec Balbo & Oppio; quibus quidem ille receperat, mihi que etiam iusserat nuntiari, se molestum omnino non futurum. sed cura, ut excuser morbi causa in dies singulos. Lænas hoc receperat. prende C. Septimium, L. Statilium. denique nemo negabit se juraturum, quem rogaris. quod si erit durius, veniam, & ipse perpetuum morbum jurabo. cum enim mihi carendum sit conviviis, malo in lege videri facere, quam dolore. Coccejum velim appelles. quod enim dixerat, non facit. ego autem volo aliquid emere latibulum & perfugium doloris mei.

CICE.



## CICERO ATTICO S.

14

De me excusando apud apulejum dederam ad te pri-  
die litteras. nihil esse negotii arbitror. quem-  
cumque appellaris, nemo negabit. sed Septimium  
vide, & Lanatam, & Statilium. tribus enim opus  
est. sed mihi Lenas totum receperat. Quod scribis  
a Junio te te appellatum: omnino Cornificius locu-  
ples est: sed tamen scire velim, quando dicar spon-  
disse, & pro patre, anne pro filio: neque eo minus,  
ut scribis, procuratores Cornificii, & Apulejum præ-  
diatorem videbis. Quod me ab hoc mærore recreari  
vis; facis, ut omnia: sed, me mihi non defuisse, tu  
testis es. nihil enim de mærore minuendo scriptum ab  
illo est, quod ego non domi tuæ legerim. sed om-  
nem consolationem vincit dolor. quin etiam feci,  
quod profecto ante me nemo, ut ipse me per litteras  
consolaret. quem librum ad te mittam, si descripse-  
rint librarii. affirmo tibi nullam consolationem esse  
talem. totos dies scribo; non quo proficiam quid;  
sed tantisper impediatur, non equidem satis, (vis enim  
urget,) sed relaxor tamen, omniaque nitor, non ani-  
mum, sed ad vultum ipsum, si queam, reficiendum;  
idque faciens, interdum mihi peccare videor, inter-  
dum peccaturus esse, nisi faciam. solitudo aliquid ad-  
juvat, sed multo plus proficeret, si tu tamen inter-  
esses: quæ mihi una causa est hinc discedendi. nam,  
pro malis, recte habebat: quamquam ipsum doleo.  
non enim jam in me idem esse poteris. perierunt illa,  
quæ amabas. De Bruti ad me litteris scripsi ad te  
antea: prudenter scriptæ: sed nihil, quo me adjuva-  
rent. quod ad te scripsit, id vellem, ut ipse adesset:  
certe aliquid, quoniam me tam valde amat, adjuva-  
ret. quodsi quid scies, scribas ad me velim, maxime  
autem, Pansa quando. De Attica, doleo: credo ta-  
men Cratero. Piliam angi veta: satis solitus es mæ-  
rere pro omnibus.

## CICERO ATTICO. S.

15

Apud Apulejum, quoniam in perpetuum non pla-  
cet, in dies ut excuser, videbis. in hac solitu-  
dine



diue careo omnium colloquio; cumque mane me in silvam abstrusi densam & asperam, non exeo inde ante vesperum. secundum te, nihil est mihi amicus solitudine. in ea mihi omnis sermo est cum litteris. cum tamen interpellat fletus: cui repugno, quoad possum. sed adhuc pares non sumus. Bruto, ut suades, rescribam. eas litteras cras habebis. cum erit cui des, dabis.

16

## CICERO ATTICO S.

**T**e, tuis negotiis relicto, nolo ad me venire: ego potius accedam, si diutius impedire. etsi ne discessissem quidem e conspectu tuo, nisi me plane nihil ulla res adjuvaret. quodsi esset aliquod levamen, id esset in te uno: &, cum primum ab aliquo poterit esse. a te erit. nunc tamen ipsum sine te esse non possum. sed nec tuæ domi probabatur, nec meæ poteram; nec, si propius essem uspiam, tecum tamen essem. idem enim te impediret, quo minus mecum esses, quod nunc etiam impedit. mihi adhuc nihil prius fuit hac solitudine: quam vereor, ne Philippus tollat. heri enim vesperi venerat. Me scriptio & litteræ non leniunt, sed obturbant.

17

## CICERO ATTICO S.

**M**arcianus ad me scripsit, me excusatum esse apud Apulejum a Laterensi, Nasone, Lanate, Torquato, Strabone. iis velim meo nomine reddendas litteras cures, gratum mihi eos fecisse. Quod pro Cornificio me abhinc amplius annis xxv. spondisse dicit Flavius: etsi reus locuples est, & Apulejus prædiator liberalis; tamen velim des operam, ut invstiges ex consponsorum tabulis, sitne ita. mihi enim ante adilitatem meam nihil erat cum Cornificio. potest tamen fieri. sed scire certum velim; & appelles procuratores, si tibi videtur. quamquam quid ad me? verumtamen. Pansa professionem scribes, cum scies. Atticam salvere jube, & eam cura obsecro diligenter. Pilia salutem.

CICE-



## CICERO ATTICO S.

18

**D**um recordationes fugio, quæ quasi morsu quodam dolorem efficiunt, refugio a te admonendo. quod velim mihi ignoscas, cuiusmodi est. etenim habeo nonnullos ex iis, quos nunc læsito, auctores, qui dicant, fieri id oportere, quod sæpe tecum egi, & quod a te approbari volo. de fano illo dico; de quo tantum, quantum me amas, velim cogites. equidem neque de genere dubito; placet enim mihi Cluatii: neque de re; statutum est enim: de loco nonnumquam. velim igitur cogites. ego, quantum his temporibus tam eruditis fieri poterit, profecto illam consecrabo omni genere monumentorum, ab omnium genis scriptorum, & Græcorum & Latinorum: quæ res forsitan sit refrixatura vulnus meum. sed jam quasi voto quodam & promisso me teneri puto; longumque illud tempus, cum non ero, magis me movet, quam hoc exiguum, quod mihi tamen nimium longum videtur. habeo enim nihil, tentatis rebus omnibus, in quo acquiescam. nam, dum illud trahebam, de quo antea scripsi ad te, quasi fovebam dolores meos. nunc omnia respuo; nec quicquam habeo tolerabilius, quam solitudinem: quam, quod eram veritus, non obturbavit Philippus. nam, ut heri me salutavit, statim Romam profectus est. Epistolam, quam ad Brutum, ut tibi placuerat, scripsi, misi ad te. curabis cum tua perferendam. ejus tamen misi ad te exemplum, ut, si minus placeret, ne mitteres. Domestica quod ais ordine administrari, scribes, quæ sint ea. quædam enim exspecto. Coccejus vide ne frustretur. nam Libo quod pollicetur, ut Eros scribit, non incertum puto. de sorte mea Sulpicio confido, & Egnatio scilicet. de Apulejo, quid est, quod labores, cum sit excusatio facilis? Tibi ad me venire, ut ostendis, vide, ne non sit facile. est enim longum iter, discedentemque te, quod celeriter tibi erit fortasse faciendum, non sine magno dolore dimittam. sed omnia, ut volles. ego enim, quidquid faceris, id cum recte, tum etiam mea causa factum putabo. Heri, cum ex alio-



rum litteris cognovissem de Antonii adventu, admiratus sum, nihil esse in tuis. sed erant pridie fortasse scriptæ, quam datæ. neque ista quidem curo. sed tamen opinor propter prædes suos accucurrisse. Quod scribis, Terentiam de obsignatoribus mei testamenti loqui: primum tibi persuade, me istæ non curare, neque esse quidquam aut parvæ curæ, aut novæ loci. sed tamen quid simile? illa eos non adhibuit, quos existimavit quæsituros, nisi scissent, quid esset. num id etiam mihi periculi fuit? sed tamen faciat illa, quod ego. dabo meum testamentum legendum cui voluerit: intelliget, non potuisse honorificentius a me fieri de nepote, quam fecerim. nam quod non advocavi ad obsignandum: primum mihi non venit in mentem; deinde ea re non venit, quia nihil attinuit. tute scis, (si modo meministi,) me tibi tum dixisse, ut de tuis aliquos adduceres. quid enim opus erat multis? equidem domesticos jusseram. tum tibi placuit, ut mitterem ad Silium: inde est natum, ut ad Publiliū. sed necesse neutrum fuit. hoc tu tractabis, ut tibi videtur.

## 19

## CICERO ATTICO S.

**E**st hic quidem locus amœnus, & in mari ipso qui & Antio & Circæis aspici possit: sed ineunda nobis ratio est, quemadmodum in omni mutatione dominorum, qui innumerabiles fieri possunt in infinita posteritate, (si modo hæc stabunt,) illud quasi consecratum remanere possit. equidem jam nihil ego vestigalibus, & parvo contentus esse possum. cogito interdum trans Tiberim hortos aliquos parare, & quidem ob hanc causam maxime. nihil enim video, quod tam celebre esse possit; sed quos, coram videbimus; ita tamen, ut hac ætate fanum absolutum sit. Tu tamen cum Apella Chio confice de columnis. De Coccejo & Libone quæ scribis, approbo; maxime, quod de judicatu meo. De sponso, si quid perspexeris: & tamen quid procuratores Cornificii dicant, velim scire; ita ut in ea re te, cum tam occupatus sis, non multum operæ velim ponere. De Antonio quo-

que



que Balbus ad me cum Oppio conscripsit, idque tibi placuisse, ne perturbarer. illis egi gratias. te tamen, ut jam ante ad te scripsi, scire volo, me neque isto nuntio esse perturbatum, nec jam ullo perturbatum iri. Pansa si hodie, ut putabas, profectus est, posthac jam incipito scribere ad me, de Bruti adventu quid expectes, id est, quos ad dies. id, si scies ubi jam sit, facile conjectura assequere. Quod ad Tironem de Terentia scribis, obsecro te, mi Attice, suscipe totum negotium. vides & officium agi meum quoddam, cui tu es conscius, &, ut nonnulli putant, Ciceronis rem. me quidem ut multo magis movet, quod mihi est & sanctius & antiquius; præsertim cum hoc alterum neque sincerum, neque firmum putem fore.

## CICERO ATTICO S.

20

**N**ondum videris perspicere, quam me nec Antonius commoverit, nec quidquam jam ejusmodi possit commovere. de Terentia autem scripsi ad te iis litteris, quas dederam pridie. Quod me hortaris, idque a ceteris desiderari scribis, ut dissimulem, me tam graviter dolere; possumne magis, qui totos dies consumo in litteris? quod etsi non dissimulationis, sed potius leniendi & sanandi animi causa facio: tamen, si mihi minus proficio, simulationi certe facio satis. Minus multa ad te scripsi, quod expectabam tuas litteras ad eas, quas ad te pridie dederam. expectabam autem maxime de fano, nonnihil etiam de Terentia. Velim me facias certiore proximis litteris, Cn. Cæpio, Serviliæ Claudii pater, vivone patre suo naufragio perierit, an mortuo; item Rutilia vivone C. Cotta, filio suo, mortua sit, an mortuo. pertinent ad eum librum, quem de luctu minuendo scripsimus.

## CICERO ATTICO S.

21

**L**egi Bruti epistolam, eamque tibi remisi, sane non prudenter rescriptam ad ea, quæ requisieras. sed ipse viderit: quamquam illud turpiter ignorat. Catonem primum sententiam putat de animadversione



dixisse; quam omnes ante dixerant, præter Cæsarem: & cum ipsius Cæsaris tam severa fuerit, qui tum prætorio loco dixerit, consularium putat leniores fuisse, Catuli, Servilii, Lucullorum, Curionis, Torquati, Lepidi, Gellii, Volcatii, Figuli, Cottæ, L. Cæsaris, C. Pisonis, etiam M. Glabronis, Silani, Murenæ, designatorum consulum. cur ergo in sententiam Catonis? quia verbis luculentioribus & pluribus rem eandem comprehenderat. Me autem hic laudat, quod retulerim, non quod patefecerim, quod cohortatus sim, quod denique ante, quam consulerem, ipse iudicaverim. quæ omnia, quia Cato laudibus extulerat in cælum, perscribendaque censuerat; idcirco in ejus sententiam est facta discessio. hic autem se etiam tribuere multum mihi putat, quod scripserit, *optimum consulem*. quis enim jejuniis dixit inimicus? Ad cetera vero tibi quemadmodum rescripsit? tantum rogat, de senatus consulto ut corrigas. hoc quidem fecisses, etiamsi a Rancio admonitus esses. sed hæc iterum ipse viderit. De hortis, quoniam probas, effice aliquid. rationes meas nosse. si vero etiam a Faberio aliquid accedit, nihil negotii est. sed etiam sine eo posse videor contendere. venales certe sunt Drusi, fortasse & Lamiani & Cassiani: sed coram. De Terentia non possum commodius scribere, quam tu scribis. officium sit nobis antiquissimum. si quid nos fefellerit, illius malo me, quam mei pænitere. Oviæ C. Lolii curanda sunt H-S c. negat Eros posse sine me; credo, quod accipienda aliqua sit & danda æstimatio. vellem tibi dixisset. si enim res est, ut mihi scribit, parata; nec in eo ipso mentitur: per te confici potuit. id cognoscas, & conficias velim. Quod me in forum vocas; eo vocas, unde, etiam bonis meis rebus, fugiebam. quid enim mihi cum foro, sine judiciis, sine curia, in oculos incurrentibus iis, quos æquo animo videre non possum? Quod autem homines a me postulare scribis, ut Romæ sim, neque mihi, ut absim, concedere, aut quatenus eos mihi concedere: jam pridem scito esse, cum unum te pluris, quam omnes illos, putem: ne me quidem contemno:



temno: meoque iudicio multo stare malo, quam omnium reliquorum. neque tamen progredior longius, quam mihi doctissimi homines concedunt: quorum scripta omnia, quaecumque sunt in eam sententiam, non legi solum, quod ipsum erat fortis ægroti, accipere medicinam, sed in mea etiam scripta transtuli, quod certe afflicti & fracti animi non fuit. ab his me remediis noli in istam turbam vocare, ne recidam.

## CICERO ATTICO S.

22

**D**e Terentia, quod mihi omne onus imponis; non cognosco tuam in me indulgentiam. ista enim sunt ipsa vulnera, quæ non possum tractare sine maximo gemitu. moderare igitur, quæso, ut potes. neque enim a te plus, quam potes, postulo: potest autem, qui veri sit, perspicere tu unus. De Rutilia, quoniam videris dubitare, scribes ad me, cum scies; sed quamprimum, num Clodia, D. Bruto consulari, filio suo, mortuo, vixerit id de Marcello, aut certe de Postumia sciri potest: illud autem de M. Cotta, aut de Syro, aut de Satyro. De hortis, etiam atque etiam te rogo. omnibus meis, eorumque, quos scio mihi non defuturos, facultatibus, sed potero meis, enitendum mihi est. sunt etiam, quæ vendere facile possim. sed, non vendam, eique usuram pendam, a quo emero, non plus annum possum assequi: quod volo, si tu me adjuvas. paratissimi sunt Drusi: cupit enim vendere. proximos puto Lamiæ: sed abest. tu tamen, si quid putes, odorare. ne Silius quidem quidquam utitur, & iis usuris facillime sustentabitur. habe tuum negotium; nec, quid res mea familiaris postulet, quam ego non curo, sed quid velim, & cur velim, existima.

## CICERO ATTICO S.

23

**P**utaram te aliquid novi; quod ejusmodi fuerat initium litterarum; quamvis non curarem quid in Hispania fieret, tamen te scripturum: sed videlicet meis litteris respondisti, ut de foro & de curia. sed



domus est, ut ais, forum. quid ipsa domo mihi opus est, carenti foro? occidimus, occidimus, Attice, jam pridem nos quidem, sed nunc fatemur, posteaquam unum, quo tenebamur, amisimus. itaque solitudines sequor: & tamen, si qua me res isto adduxerit, enitar, si quo modo potero, (potero autem,) ut præter te nemo dolorem meum sentiat: si ullo modo poterit, ne tu quidem. atque etiam illa causa est non veniendi. meministi, quid ex te Atedius quæsierit: quin etiam nunc molesti sunt. quid existimas, si venero? De Terentia ita cura, ut scribis; meque hac ad maximas ægritudines accessione nunc maxima libera. Et, ut scias me ita dolere, ut non jaceam: quibus consulibus Carneades & ea legatio Romam venerit, scriptum est in tuo annali. hæc, nunc quæro, quæ causa fuerit? de Oropo, opinor; sed certum nescio: &, si ita est, quæ controversiæ? præterea, qui eo tempore nobilis Epicureus fuerit Athenis, qui præfuerit hortis? qui etiam Athenis πολιτικοι fuerint illustres? quæ te etiam ex Apollodori puto posse invenire. De Attica, molestum; sed quoniam leviter, recte esse confido. De Gamala dubium mihi non erat. unde enim tam felix Ligus pater? nam quid de me dicam, cui ut omnia contingant, quæ volo, levare non possum? De Drusi hortis, quanti licuisse tu scribis; id ego quoque audieram, &, ut opinor, heri ad te scripseram: sed quanti quanti, bene emitur quod necesse est. mihi, quoquo modo tu existimas, (scio enim ego ipse, quid de me existimem,) levatio quædam est, si minus doloris, at officii debiti. Ad Sicam scripsi, quod utitur L. Cotta. si nihil conficeretur de Transtiberinis, habet in Ostiensi Cotta celeberrimo loco, sed pusillum loci: ad hanc rem tamen plus etiam satis. id velim cogites. nec tamen ista pretia hortorum pertimueris. nec mihi jam argento, nec veste opus est, nec quibusquam amœnis locis: hoc opus est. video etiam, a quibus adjuvari possim. sed loquere cum Silio. nihil enim est melius. mandavi etiam Sicæ. rescripsit, constitutum se cum eo habere. scribat igitur ad me, quid egerit, & ut tu videbis.

CICE.



## CICERO ATTICO S.

24

**B**ene fecit A. Silius, qui transegerit: neque enim ei deesse volebam, & quid possem, timebam. De Ovia, confice, ut scribis. De Cicerone, tempus esse jam videtur. sed quæro, quod illi opus erit Athenis, permutarine possit, an ipsi ferendum sit; de totaque re, quemadmodum, & quando placeat, velim consideres. Publius iturusne sit in Africam, & quando, ex Atedio scire poteris: quæras & ad me scribas, velim. Et, ut ad meas ineptias redeam, velim me certiore facias, P. Crassus, Venulejæ filius, vivone P. Crasso consulari, patre suo, mortuus sit, ut ego meminisse videor, an post. item quæro de Regillo, Lepidi filio, rectene meminerim, patre vivo mortuum. Cispiana explicabis, itemque Præciana. De Attica, optime it. ei salutem dices; & Piliæ.

## CICERO ATTICO S.

25

**S**cripsit ad me diligenter Sica de Silio, seque ad te rem detulisse: quod tu idem scribis. mihi & res & conditio placet, sed ita, ut numerato malim, quam æstimatione. voluptarias enim possessiones nolet Silius. vestigalibus autem ut his possum esse contentus, quæ habeo, sic vix minoribus. unde ergo numerato? H. S. de exprimes ab Hermogene, cum præsertim necesse erit: & domi video esse H. S. de. reliquæ pecuniæ vel usuram Silio pendemus, dum a Faberio, vel ab aliquo, qui Faberio debet, repræsentabimus. erit etiam aliquid alicunde. sed totam rem tu gubernabis. Drusianis vero hos hortis multo antepono: neque sunt umquam comparati. mihi crede, una me causa movet, in qua scio me *περὶ φασίδος*. sed, ut facis, obsequere huic errori meo. Nam quod scribis *ὑπερβαίνω*, actum jam de isto est: alia magis quæro.

## CICERO ATTICO S.

26

**S**ica, ut scribit, etiamsi nihil confecerit cum A. Silio, tamen se scribit x. Kal. esse venturum. Tuis occupationibus ignosco; eæque mihi sunt notæ. De



voluntate tua, ut simul simus, vel studio potius & cupiditate, non dubito. de Nicia quod scribis, si ita me haberem, ut ejus humanitate frui possem, in primis vellem illum mecum habere. sed mihi solitudo & recessus provincia est. quod quia facile ferebat Sica, ego magis illum desidero. præterea nosti Niciæ nostri imbecillitatem, mollitiā, consuetudinem victus, cur ego illi molestus velim, cum mihi ille jucundus esse non possit? voluntas tamen ejus mihi grata est. Unam rem ad me scripsisti, de qua decrevi nihil tibi rescribere. spero enim me a te impetrasse, ut privares me ista molestia. Piliæ & Atticæ salutem.

27

CICERO ATTICO S.

**D**e Siliiano negotio, etsi mihi non est ignota conditio, tamen hodie me ex Sica arbitror omnia cogniturum. Cottæ, quod negas te nosse, ultra Silianam villam est (quam puto tibi notam esse) villula fordida, & valde pusilla; nihil agri; ad aliam rem loci nihil, satis ad eam, quam quaero. sequor celebritatem. sed, si perficitur de hortis Sili, hoc est, si perficis; (est enim totum positum in te;) nihil est scilicet, quod de Cotta cogitemus. De Cicerone, ut scribis, ita faciam: ipsi permittam de tempore: numerorum quantum opus erit, ut permutetur, tu videbis. Ex Atedio, quod scribis, si quid inveneris, scribes. Et ego ex tuis animadverto litteris, & profecto tu ex meis, nihil habere nos, quod scribamus: eadem quotidie, quæ jam jamque ipsa contrita sunt: tamen facere non possum, quin quotidie ad te mittam, ut tuas accipiam. De Bruto tamen, si quid habebis. scire enim jam puto, ubi Panfani expectet. si, ut consuetudo est, in prima provincia, circiter Kal. affuturus videtur. vellem tardius. valde enim urbem fugio multas ob causas. itaque id ipsum dubito, an excusationem aliquam ad illum parem: quod quidem video facile esse. sed habemus satis temporis ad cogitandum. Piliæ, Atticæ, salutem.

CICE-



## CICERO ATTICO S.

28

**D**e Silio nihilo plura cognovi ex præsente Sica, quam ex litteris ejus. scripserat enim diligenter. si igitur tu illum conveneris, scribes ad me, si quid videbitur. De quo putas ad me missum esse; sit missum, necne, nescio; dictum quidem mihi certe nihil est. tu igitur, ut cœpisti: &, si quid ita conficies, (quod equidem non arbitror fieri posse,) ut illi probetur, Ciceronem, si tibi placebit, adhibebis. ejus aliquid interest, videri illius causa voluisse: mea quidem nihil, nisi id, quod tu scis: quod ego magni aestimo. Quod me ad consuetudinem revocas; fuit meum quidem jam pridem rempublicam lugere; quod faciebam, sed mitius. erat enim, ubi acquiescerem. nunc plane nec ego victum, nec vitam illam colere possum: nec in ea re, quid aliis videatur, mihi puto curandum. Mea mihi conscientia pluris est, quam omnium sermo. Quod me ipse per litteras consolatus sum; non pœnitet me, quantum profecerim. mœrorem minui: dolorem nec potui, nec, si possem, vellem. De Triario, bene interpretaris voluntatem meam. tu vero nihil, nisi ut illi volent. amo illum mortuum: tutor sum liberis: totam domum diligo. De Castriciano negotio, si Castricius pro mancipiis pecuniam accipere volet, eamque ei solvi, ut nunc solvitur; certe nihil est commodius. sin autem ita actum est, ut ipsa mancipia abduceret, non mihi videtur esse æquum. rogas enim me, ut tibi scribam, quid mihi videatur. nolo enim negotii Quintum fratrem quiquam habere: quod, videor mihi intellexisse, tibi idem videri. Publius, si æquinoctium exspectat, ut scribis Atedium dicere, navigaturus videtur. mihi autem dixerat per Siciliam. utrum, & quando, velim scire. Et velim aliquando, cum erit tuum commodum, Lentulum puerum visas, eique de mancipiis, quæ tibi videbitur, attribuas. Piliæ, Atticæ, salutem.

CICE.



**S**ilius, ut scribis, hodie. cras igitur, vel potius cum poteris, scribes, si quid erit, cum videris. Nec ego Brutum vito, nec tamen ab eo levationem ullam exspecto: sed erant causæ, cur hoc tempore istuc esse nollem: quæ si manebunt, quærenda erit excusatio & Brutum; &, ut nunc est, mansuræ videntur. De hortis, quæso explica. caput illud est, quod scis. sequitur, ut etiam mihi ipsi quiddam opus sit. nec enim esse in turba possum, nec a vobis abesse. huic meo consilio nihil reperio isto loco aptius: & de hac re qui tui consilii sit, mihi persuasum est, & eo magis, quod idem intellexi tibi videri, me ab Oppio & Balbo valde diligi. cum iis communices, quanto opere, & quare velim hortos; sed id ita posse, si expediatur illud Faberianum: sintne igitur auctores futuri, si qua etiam iactura sit in representando, quoad possunt adduci: totum enim illud desperatum: denique intelliges, ecquid inclinent ad hoc meum consilium adjuvandum. si quid erit, magnum est adjumentum: sin minus, quacumque ratione contendamus. vetus illud *ὑπομνημα*, quemadmodum scripsisti, vel *ὑπομνημα* putato. De illo Ostiensi nihil est cogitandum. si hoc non assequimur: a Lamia non puto posse: Damassipi experiendum est.

**Q**uæro, quid ad te scribam: sed nihil est. eadem quotidie. Quod Lentulum invisis, valde gratum. pueros attribue ei, quot & quos videbitur. De Silii voluntate vendendi, & de eo, quanti, tu vereri videris, primum ne nolit, deinde ne tanti. Sic aliter: sed tibi assentior. quare, ut ei placuit, scripsi ad Egnatium. Quod Silius te cum Clodio loqui vult; potes id mea voluntate facere: commodiusque est, quam, quod ille a me petit, me ipsum scribere ad Clodium. De mancipiis Castricianis, commodissimum esse credo, transigere Egnatium: quod scribis, te ita futurum putare. Cum Ovia, quæso, vide ut confi-



conficiatur. Quoniam, ut scribis nox erat, in hodierna epistola plura exspecto.

## CICERO ATTICO S.

31

**S**ilium mutasse sententiam, Sica mirabatur. equidem magis miror, quod, cum in filium causam conferret, quæ mihi non injusta videtur; (habet enim qualem vult;) ais te putare, si addiderimus aliud, a quo refugiat, cum ab ipso id fuerit destinatum, venditurum. Quæris a me, quod summum pretium constitutam, & quantum anteire istos hortos Drusi: accessi numquam: Coponianam villam & veterem, & non magnam novi: silvam nobilem, fructum autem neutrius: quod tamen puto nos scire oportere. sed mihi, utrivis istorum, tempore magis meo, quam ratione æstimandi sunt. possim autem assequi, necne, tu velim cogites. si enim Faberianum venderem, explicare vel repræsentatione non dubitarem de Silianis, si modo adduceretur, ut venderet: si venales non haberet, transirem ad Drusum, vel tanti, quanti Egnatius illum velle tibi dixit. magno etiam adjumento nobis Hermogenes potest esse in repræsentando. at tu concede mihi, quæso, ut eo animo sim, quo is debeat esse, qui emere cupiat: & tamen servio ita cupiditati & dolori meo, ut a te regi velim. Egnatius mihi scripsit. is si quid tecum locutus erit, (commodissime enim per eum agi potest,) ad me scribe: & id agendum puto. nam cum Silio non video confici posse. Piliæ & Atticæ salutem. Hæc ad te mea manu. vide, quæso, quid agendum sit.

## CICERO ATTICO S.

32

**P**ublilia ad me scripsit, matrem suam (cum Publilio loqui retur) ad me cum illo venturam, & se una, si ego paterer: orat multis & supplicibus verbis, ut liceat, & ut sibi rescribam. res quam molesta sit, vides. rescripsi, me etiam gravius esse affectum, quam tum, cum illi dixissem, me solum esse velle: quare nolle me hoc tempore eam ad me venire. putabam,

si



si nihil rescripisssem, illam cum matre venturam; nunc non puto. apparebat enim, illas litteras non esse illud autem, quod fore video, ipsum volo vitare, ne illæ ad me veniant. & una est vitatio, ut ego nolim. sed necesse est. te hoc nunc rogo, ut explores, ad quam diem hic ita possim esse, ut ne opprimar. ages, ut scribis, temperate. Ciceroni velim hoc proponas, ita tamen, si tibi non iniquum videbitur, ut sumtus hujus peregrinationis, quibus, si Romæ esset, domumque conducirer, quod facere cogitabat, facile contentus futurus erat, accommodet ad mercedes Argileti & Aventini: & cum ei proposueris, ipse velim reliqua moderere, quemadmodum ex iis mercedibus suppeditemus ei, quod opus sit. præstabo, nec Bibulum, nec Acidinum, nec Messalam, quos Athenis futuros audio, majores sumtus futuros, quam quod ex eis mercedibus recipietur. itaque velim videas, primum, conductores qui sint, & quanti; deinde, ut sit, qui ad diem solvat; &, quid viatici, quid instrumenti satis sit. jumento certe Athenis nihil opus est. quibus autem in via utatur, domi sunt plura, quam opus erat: quod etiam tu animadvertis.

33

## CICERO ATTICO S.

**E**go, ut heri ad te scripsi, si & Silius is fuerit, quem tu putas, nec Drusus facilem se præbuerit, Damaspum velim aggrediare. is, opinor, ita partes fecit in ripa nescio quotenorum jugerum, ut certa pretia constitueret; quæ mihi nota non sunt. scribes ad me igitur, quidquid egeris. Vehementer me sollicitat Atticæ nostræ valitudo: ut verear etiam, ne qua culpa sit, sed & pædagogi probitas, & medici assiduitas, & tota domus in omni genere diligens, me rursus id suspicari vetat. cura igitur. plura enim non possum.

34

## CICERO ATTICO S.

**E**go hic vel sine Sica (Tironi enim melius est) facillime possem esse, ut in malis: sed, cum scribas, videndum mihi esse, ne opprimar; ex quo intelligam,

te



te certum diem illius professionis non habere: putavi esse commodius, me istuc venire; quod idem video tibi placere. cras igitur in Sicæ suburbano: inde, quemadmodum suades, puto me in Ficulensi fore. quibus de rebus ad me scripsisti, quoniam ipse venio, coram videbimus. tuam quidem & in agendis nostris rebus: & in consiliis ineundis mihiq; dandis, in ipsis litteris, quas mittis, benivolentiam, diligentiam, prudentiam mirifice diligo.

## CICERO ATTICO S.

35

Tu tamen, si quid cum Silio, vel illo ipso die, quo ad Sicam venturus ero, certior me velim facias, & maxime, cujus loci detractionem fieri velit. quod enim scribis, *extremi*; vide, ne is ipse locus sit, cujus causa de tota re, ut scis, est a nobis cogitatum. Hirtii epistolam tibi misi, & recentem, & benivole scriptam. Antequam a te proxime discessi, numquam mihi venit in mentem, quo plus infusum in monumentum esset, quam nescio quid, quod lege conceditur, tantumdem populo dandum esse: quod non magno opere moveret, nisi, nescio quomodo, *ἄλογος* fortasse, nollem illud ullo nomine, nisi fani, appellari. quod si volumus, vereor, ne assequi non possimus, nisi mutato loco. hoc quale sit, quaeso considera. nam etsi minus urgeor, meque ipse propemodum collegi: tamen indigeo tui consilii. itaque te vehementer etiam atque etiam rogo, magis quam a me vis, aut pateris te rogari, ut hanc cogitationem toto pectore amplectare.

## CICERO ATTICO S.

36

Fanum fieri volo; neque hoc mihi erui potest: sepulcri similitudinem effugere, non tam propter penam legis studeo, quam ut maxime assequar *ἁγίου* quod poteram, si in ipsa villa facerem: sed, ut saepe locuti sumus, commutationes dominorum reformido. in agro ubicumque fecero, mihi videor assequi posse, ut posteritas habeat religionem. Haec me tibi



tibi ineptiæ (fateor enim) ferendæ sunt. non habeo, ne me quidem ipsum, quicum tam audacter communice, quam te. si tibi res, si locus, si institutum placet, lege, quæso, legem, mihiq; eam mitte. si quid in mentem veniet, quo modo eam effugere possimus; utemur. At Brutum si quid scribes, nisi alienum putabis, objurgato eum, quod in Cumano esse noluerit propter eam causam, quam tibi dixit. cogitanti enim mihi, nihil tam videtur potuisse facere rustice. Et, si tibi placebit sic agere de fano ut cœpimus, velim cohortere, & exacuas Cluatium: nam, etiamsi alio loco placebit, illius nobis opera consilioque utendum puto. Tu ad villam fortasse eras.

37

CICERO ATTICO S.

**A** te heri duas epistolas accepi, alteram pridie datam Hilario, alteram eodem die tabellario; accepique ab Ægypto liberto eodem die, Piliam & Atticam plane belle se habere. hæ litteræ mihi redditæ sunt tertiodecimo die. Quod mihi Bruti litteras, gratum. ad me quoque misit. eam ipsam ad te epistolam misi, & ad eam exemplum mearum litterarum. De fano, si nihil mihi hortorum invenis, (qui quidem tibi inveniendi sunt, si me tanti facis, quanti certe facis,) valde probo rationem tuam de Tusculano. quamvis prudens ad cogitandum sis, sicut es, tamen, nisi magnæ curæ tibi esset, ut ego consequer id, quod magno opère vellem, numquam ea res tibi tam belle in mentem venire potuisset. sed, nescio quo pacto, celebritatem requiro. itaque hortos mihi conficias, necesse est. maxima est in Scapula celebritas; propinquitas præterea, ubi sis, ne totum diem in villam. quare, antequam discedis, Othonem, si Romæ est, convenias pervelim. si nihil erit, etsi tu meam stultitiam consuesti ferre, eo tamen progrediar, ut stomachare. Drusus enim certe vendere vult. si ergo aliud erit, non mea orit culpa, nisi emero: quæ in te ne labari quæso provide. providendi autem una ratio est, si quid de Scapulanis possumus. Et velim me certiore facias, quam diu in suburbano sis



sis futurus. Apud Terentiam gratia opus est nobis tua, tuaque auctoritate. sed facies, ut videbitur. scio enim, si quid mea intersit, tibi majori curâ solere esse, quam mihi. Hirtius ad me scripsit, Sex. Pompejum Corduba exisse, & fugisse in Hispaniam citeriorem, Cnæum fugisse, nescio quo: neque enim curo. nihil præterea novi. litteras Narbone dedit xiv. Kal. Maj. Tu mihi de Caninii naufragio, quasi dubia misisti. scribas igitur, si quid erit certius. Quod me a mæstitia avocas, multum levaris, si locum fano dederis. multa mihi <sup>sis</sup> <sup>ἀποδιδωσκον</sup> in mentem veniunt. sed loco valde opus est. quare etiam Othonem vide.

## CICERO ATTICO S.

38

**N**on dubito, quin occupatissimus fueris, qui ad me nihil litterarum. sed homo nequam, qui tuum commodum non exspectarit, cum ob eam unam causam missus esset. nec quidem, nisi quid te tenuit, suspicor te esse in suburbano. at ego hic, scribendo dies totos, nihil equidem levor, sed tamen aberro. Asinius Pollio ad me scripsit de impuro nostro cognato. quod Balbus minor nuper satis plane, Dolabella obscure, hic apertissime. ferrem graviter, si nova ægrimonix locus esset. sed tamen ecquid impurius? o hominem cavendum! quamquam mihi quidem. sed tenendus dolor est. Tu, quoniam necesse nihil est, sic scribes aliquid, si vacabis. Quod putas oportere pervideri jam animi mei firmitatem, graviusque quosdam scribis de me loqui, quam aut te scribere, aut Brutum: si, qui me fractum esse animo & debilitatum putant, sciant quid litterarum & cuius generis conficiam; credo, si modo homines sint, existiment me, sive ita levatus sim, ut animum vacuum ad res difficiles scribendas afferam, reprehendendum non esse; sive hanc aberrationem a dolore delegerim, quæ maxime liberalissima, doctoque homine dignissima, laudari me etiam oportere. sed, cum ego faciam omnia, quæ facere possim ad me adjuvandum; tu effice id, quod video te non minus, quam me laborare. Hoc mihi debere videor, neque levare posse, nisi solvero;

Cic. Epist. Tom. II.

Y

aut



aut videro, me posse solvere, id est, locum, qualem volo, invenero. Heredes Scapulae, si istos hortos, ut scribis tibi Othonem dixisse, partibus quatuor factis, liceri cogitant: nihil est scilicet emtori loci. sin veniunt: quid fieri possit, videbimus. nam ille locus Publicianus, qui est Trebonii & Cusinii, erat ad me allatus. sed seis aream esse. nullo pacto probo. Clodiae sane placent; sed non puto esse venales. De Drusi hortis, quamvis ab iis abhorreas, ut scribis, tamen eo confugiam, nisi quid inveneris. aedificatio me non movet. nihil enim aliud aedificabo, nisi id, quod etiam, si illos non habuero *xugos d.*, mihi sic placuit, ut cetera Antisthenis, hominis acuti magis, quam eruditi.

39

CICERO ATTICO S.

**T**abellarius ad me cum sine litteris tuis venisset, existimavi tibi eam causam non scribendi fuisse, quod pridie scripsisses ea ipsa, ad qua rescripsi hac epistola. expectaram tamen aliquid de litteris Asinii Pollionis, sed nimium ex meo otio tuum spectro. quamquam tibi remitto, nisi quid necesse erit, necesse ne habeas scribere, nisi eris valde otiosus. De tabellariis facerem quod suades, si essent ullae necessariae litterae, ut erant olim, cum brevioribus diebus, tamen quotidie respondebant tempori tabellarii; & erat aliquid, Silius, Drusus, alia quaedam. nunc, nisi Otho extitisset, quod scriberemus, non erat. idipsum dilatum est: tamen allevor, cum loquor tecum absens, & multo etiam magis, cum tuas litteras lego. sed quoniam & abes (sic enim arbitror) & scribendi necessitas nulla est, conquiescent litterae, nisi quid novi extiterit.

40

CICERO ATTICO S.

**Q**ualis futura sit Caesaris vituperatio contra laudationem meam, perspexi ex eo libro, quem Hir-tius ad me misit, in quo colligit vitia Catonis, sed eum maximis laudibus meis. ita misi librum ad Mu-  
scam,



scam, ut tuis librariis daret. volo enim eum divulgari: quod quo facilius fiat, imperabis tuis. Συμβουλευτικὸν saepe conor: nihil reperio: & quidem mecum habeo & Ἀριστοτέλης & Θεοπομπὴ πρὸς Ἀλεξάνδρον: sed quid simile? illi, & quæ ipsis honesta essent, scribebant, & grata Alexandro. ecquid tu ejusmodi reperis? mihi quidem nihil in mentem venit. Quod scribis te vereri, ne & gratia & auctoritas nostra hoc meo marore minuatur: ego, quid homines aut reprehendant, aut postulent, nescio. ne doleam? qui potest? ne jaceam? quis umquam minus? dum tua me domus levabat, a me exclusus? quis venit, qui offenderetur? Asturam sum a te profectus. legere isti læti, qui me reprehendunt, tam multa non possunt, quam ego scripsi. quam bene, nihil ad rem. sed genus scribendi id fuit, quod nemo abjecto animo facere posset. triginta dies in hortis fui. quis aut congressum meum, aut facilitatem sermonis desideravit? nunc ipsum, ea lego, ea scribo, ut ii, qui mecum sunt, difficilior otium ferant, quem ego laborem. si quis requirit, cur Romæ non sim: quia discessus est. cur non sim in his meis prædiolis, quæ sunt hujus temporis: quia frequentiam illam non facile ferrem. ibi sum igitur, ubi is, qui optimas Bajas habebat, quotannis hoc tempus consumere solebat. cum Romam venero, nec vultu, nec oratione reprehendar. hilaritatem illam, qua hanc tristitiam temporum condiebamur, in perpetuum amissi. constantia & firmitas nec animi nec orationis requiretur. De hortis Scapulanis hoc videtur effici posse, aliud tua gratia, aliud nostra, ut præconi subjiciantur. id nisi sit, excludemur. sin ad tabulam venimus, vinceamus facultates Othonis nostra cupiditate. Nam quod ad me de Lentulo scribis, non est in eo. Faberiana modo res certa sit, tuque enitare, quod facis, quod volumus, consequemur. Quod quæris, quam diu hic; paucos dies. sed certum non habeo. simul ac constituero, ad te scribam: & tu ad me, quam diu in suburbano sis futurus. quo die ego ad te hæc misi, de Pilia & Attica mihi quoque eadem, quæ scribis, & scribuntur, & nuntiantur.



**N**ihil erat, quod scriberem. scire tamen volebam, ubi esses; si abes, aut abfuturus es, quando rediturus esses. facies igitur me certiozem. Et, quod tu scire volebas, ego quando ex hoc loco, postridie idus Lanuvii constitui manere; inde postridie in Tusculano, aut Romæ. utrum sim facturus, eo ipso die scies. Scis, quam sit *φιλαστίον σύμφορον* minime in te quidem: sed tamen avide sum affectus de fano: quod nisi, non dico, effectum erit, sed fieri videro; audebo hoc dicere (& tu, ut soles, accipies) incurfabit in te dolor meus, non jure ille quidem; sed tamen feres hoc ipsum, quod scribo, ut omnia mea fers ac tulisti. omnes tuas consolationes unam hanc in rem velim conferas. si quæris, quid optem: primum Scapulæ, deinde Clodiæ; postea, si Silius nolet, Drusus aget injuste; Cusinii & Trebonii. puto Terentium esse dominum, Rebilum fuisse certo scio. sin autem tibi Tusculanum placet, ut significasti quibusdam litteris, tibi assentiar. hoc quidem utique perficies, si me levare vis; quem jam etiam gravius accusas, quam patitur tua consuetudo: sed facis summo amore, & vitæ fortasse vitio meo: sed tamen, si me levare vis, hæc est summa levatio: vel (si verum scire vis) una. Hirtii epistolam si legeris, quæ mihi quasi *προκλασµα* videtur ejus vituperationis, quam Cæsar scripsit de Catone; facies me, quid tibi visum sit, si tibi erit commodum, certiozem. Redeo ad fanum. nisi hac æstate absolutum erit, quam vides integram restare, scelere me liberatum non putabo.

**N**ullum a te desideravi diem litterarum. videbam enim quæ scribis: & tamen suspicabar, vel potius intelligebam, nihil fuisse, quod scriberes. A. d. vi. Id. vero & abesse te putabam, & plane videbam nihil te habere. ego tamen ad te fere quotidie mitam. malo enim frustra, quam te non habere, cui des; si quid forte sit, quo putes me scire oportere.



itaque accepi v. Id. litteras tuas inanes. quid enim habebas, quod scriberes? mihi tamen illud, quid quid erat, non molestum fuit, nihil aliud scire me, novi te nihil habere. scripsisti tamen nescio quid de Clodia. ubi ergo ea est? aut quando ventura? placet mihi res sic, ut secundum Othonem nihil magis. sed neque hanc vendituram puto. delectatur enim, & copiosa est: & illud alterum quam sit difficile, te non fugit. sed obsecro enitatur, ut aliquid ad id, quod cupio, excogitemus. Ego me hinc postridie exiturum puto, sed aut in Tusculanum, aut domum; inde fortasse Arpinum. cum certum sciero, scribam ad te. Venerat mihi in mentem, monere te, ut id ipsum, quod facis, faceres. putabam enim, commodius te idem istud domi agere posse, interpellatione sublata.

## CICERO ATTICO S.

43

Ego postridie Idus, ut scripsi ad te ante, Lanuvium manere constitui; inde aut Romæ, aut in Tusculano. scies ante utrumque. Quod files, mihi illam rem fore levamento, bene facis; cum id esset, mihi crede, perinde, ut existimare tu non posses. res indicat, quanto opere id cupiam, cum tibi audeam confiteri; quem id non ita valde probare arbitrer, sed ferendus tibi in hoc meus error; ferendus? immo vero etiam adjuvandus. De Othone diffido, fortasse quia cupio. sed tamen major etiam res est, quam facultates nostræ, præsertim adversario & cupido, & locuplete, & herede. proximum est, ut velim Clodiæ. sed si ista minus confici possunt, effice quidvis. ego me maiore religione, quam quisquam fuit ullius voti, obstrictum puto. videbis etiam Trebonianos: etsi absunt domini. sed ut ad te heri scripsi, considerabis etiam de Tusculano; ne æstas effluat: quod certe non est committendum.

## CICERO ATTICO S.

44

Et Hirtium aliquid ad te *συμπάθος* de me scripsisse facile patior; (fecit enim humane;) & te ejus epistolam ad me non misisse, multum facilius. tu enim



etiam humanius. Illius librum, quem ad me misit de Catone, præterea volo divulgari a tuis, ut ex istorum vituperatione sit illius major laudatio. Quod per Mustelam agis, habes hominem valde idoneum, meique sane studiosum jam inde a Pontiano. perfice igitur aliquid. quid autem aliud, nisi ut aditus sit emtori? quod per quemvis heredem potest effici. sed Mustelam id perfecturum, si rogaris, puto. Mihi vero & locum, quem opto, ad id, quod volumus, dederis, & præterea *ἐγγυησάμενα*. Nam illi Silii & Drusi non satis *ὀμοεισοπολίαι* mihi videntur. quid enim sedere totos dies in villa ista? igitur malim primum Othonis, deinde Clodiar. si nihil flet, aut Druso ludus est suggerendus, aut utendum Tusculano. Quod domi te inclusisti, ratione fecisti. sed quæso confice; & te vacuum redde nobis. Ego hinc, ut scripsi antea, postridie Id. Lanuvium, deinde postridie in Tusculano. contudi enim animum, & fortasse vici, si modo permansero. scies igitur fortasse cras, summum perendie. Sed quid est quæso? Philotimus nec Cartejar Pompejum teneri, (qua de re litterarum ad Clodium Patavium missarum exemplum mihi Oppius & Balbus miserant, se id factum arbitrari,) bellumque narrat reliquum satis magnum. solet omnino esse Fulvniaster. sed tamen, si quid habes. volo etiam de naufragio Caniniano scire, quid sit.

45

## CICERO ATTICO S.

Ego hic duo magna *συγγράμματα* absolvi. nullo enim alio modo a miseria quasi aberrare possum. tu mihi, etiamsi nihil erit, quod scribas, quod fore ita video; tamen idipsum scribas velim, te nihil habuisse, quod scriberes, dum modo ne his verbis. De Attica, optime. *Ακνδία* tua movet: etsi scribis nihil esse. In Tusculano eo commodius ero, quod & crebrius tuas litteras accipiam, & te ipsum nonnumquam videbo. nam ceteroqui *Ἀντιόχεια* erant Asturæ: nec hæc, quæ reflicant, hic me magis angunt. etsi tamen, ubicumque sum, illa sunt mecum. De Cæsare vicino scripseram ad te, quia cognoram ex tuis litteris. eum



Quirino malo, quam Saluti. Tu vero pervulga Hirtium. id enim ipsum putaram, quod scribis; ut, cum ingenium amici nostri probaretur, *utroque* vituperandi Catonis irrideretur.

## CICERO ATTICO S.

46

Vincam, opinor, animum, & Lanuvio pergam in Tusculanum. aut enim mihi in perpetuum fundo illo carendum est: (nam dolor idem manebit, tantum mediocrius:) aut nescio quid intersit, utrum illuc nunc veniam, an ad decem annos. neque enim ista major admonitio, quam quibus assidue conficior, & dies & noctes. quid ergo? inquires, nihil litteræ? in hac quidem re, vereor ne etiam contra. nam essem fortasse durior. isto enim animo nihil agreste, nihil inhumanum est.

## CICERO ATTICO S.

47

Tu igitur, ut scripsisti; nec id incommodo tuo. vel binæ enim poterunt litteræ. occurram etiam, si necesse erit. ergo id quidem, ut poteris. De Mufstela, ut scribis: etsi magnum opus est. eo magis de labor ad Clodiam. quamquam in utroque Faberianum nomen explorandum est: de quo, nihil nocuerit, si aliquid cum Balbo eris locutus; & quidem, ut res est, emere nos velle, nec posse sine isto nomine, nec audere incerta. sed quando Clodia Romæ futura est, & quia tanti rem æstimas, eo prorsus specto: non quin illud malim; sed & magna res est, & difficile certamen cum cupido, cum locuplete, cum herede: etsi de cupiditate nemini concedam: ceteris rebus inferiores sumus. sed hæc coram. Hirtii librum, ut facis, divulga. De Philotimo, idem & ego arbitrabar. Domum tuam pluris video futuram vicino Cæsare. Tabellarium meum hodie expectamus. nos de Pilia & Attica certiores faciet.



**D**omi te libenter esse facile credo. sed velim scire; quid tibi relictet, aut jamne confeceris. ego te in Tusculano exspecto, eoque magis, quod Tironi statim te venturum scripsisti, & addidisti, te putare opus esse. sentiebam omnino, quantum mihi præsens prodesses; sed multo magis post discessum tuum sentio. quamobrem, ut ante ad te scripsi, aut ego ad te totus, aut tu ad me, quod licebit.

**H**eri, non multo post, quam tu a me discessisti, puto, quidam urbani, ut videbantur, ad me mandata & litteras attulerunt a C. Mario C. F. C. N. multis verbis agere mecum per cognationem, quæ mihi secum esset, per eum Marium, quæ scripsissem, per eloquentiam L. Crassi, avi sui, ut se defenderem: causamque suam mihi perscripsit. rescripsi, patrono illi nihil opus esse, quoniam Cæsaris, propinqui ejus, omnis potestas esset, viri optimi, & hominis liberalissimi; me tamen ei fauturum. O tempora! fore, cum dubitet Curtius consulatum petere? sed hæc hætenus. De Tirone, mihi curæ est. sed jam sciam, quid agat. heri enim misi, qui videret, cui etiam ad te litteras dedi. Epistolam ad Cæsarem tibi misi. horti quam in diem proscripti sint, velim ad me scribas.

**U**t me levarat tuus adventus, sic discessus afflixit. quare cum poteris, id est, cum Sexti auctionem operam dederis, revises nos. vel unus dies mihi erit utilis, quid dicam, gratus? ipse Romam venirem, ut una essemus, si satis consilium quadam de re haberem.

**T**ironem habeo citius, quam verebar. venit etiam Nicias: & Valerium hodie audiebam esse venturum. quamvis multi sint, magis tamen ero solus, quam



quam si unus esses. sed exspecto te, a Peduceo utique. tu autem significas aliquid etiam ante. verum id quidem, ut poteris. De Virgilio, ut scribis. hoc tamen velim scire, quando auctio. Epistolam ad Cæsarem mitti, video tibi placere. quid quæris? mihi quoque hoc idem maxime placuit, & ego magis, quod nihil est in ea, nisi optimi civis; sed ita optimi, ut tempora, quibus parere omnes πολιτικοί præcipiunt. sed scis, ita nobis esse visum, ut isti ante legerent. tu igitur id curabis. sed, nisi plane iis intelliges placere, mittenda non est. id autem utrum illi sentiant, an ne simulent, tu intelliges. mihi simulatio pro repudiatione fuerit. *τατο δε μου εση.* De Cærellia quid tibi placeret, Tiro mihi narravit: debere, non esse dignitatis meæ: percriptionem tibi placere: hoc metuere, alterum in metu non ponere. sed & hæc, & multa alia coram. sustinenda tamen, si tibi videbitur, solutio est nominis Cærelliani, dum & de Metone & de Faberio sciamus.

## CICERO ATTICO S.

52

**L** Tullium Montanum nosti, qui cum Cicerone profectus est. ab ejus sororis viro litteras accepi Montanum. Planco debere, quod præ pro Flaminio sit, H. S xxv: de ea re nescio quid te a Montano rogatum. sane velim, si Plancus est rogandus, sive qua re potes illum juvare, juves. pertinet ad nostrum officium. si res tibi forte notior est, quam mihi; aut si Plancum rogandum putas: scribas ad me velim; ut, quid rei sit, & quid rogandum, sciam. De epistola ad Cæsarem quid egeris, exspecto. De Silio, non ita sane laboro. tu mi aut Scapulanos, aut Clodianos efficias, necesse est. sed nescio quid videris dubitare de Clodia; utrum, quando veniat, an sintne venales? Sed quid est, quod audio, Spintherem fecisse divortium? De lingua Latina securi es animi, dices, quæ talia conscribis: *απογραφαι* sunt: minore labore fiunt: verba tantum affero; quibus abundo.



Ego, etsi nihil habeo, quod ad te scribam, scribo tamen, quia tecum loqui videor. Hic nobiscum sunt Nicias & Valerius. hodie tuas litteras expectabamus matutinas. erunt fortasse altera postmeridianæ, nisi te Epiroticæ litteræ impediunt: quas ego non interpello. Misi ad te epistolas ad Marcianum & ad Montanum. eas in eundem fasciculum velim addas, nisi forte jam dedisti.

---

M. TULLII CICERONIS  
EPISTOLARUM

A D

A T T I C U M

L I B E R XIII.

---

A R G U M E N T U M.

Exiguum tempus mutum fuit a litteris, inter hujus libri epistolas, & superioris. Scriptæ autem hæ sunt, dum Cæsar in Hispania contra Pompeji liberos bellum gereret, ipso eodem IV. C. O. S. sine collega, ut Sigonio placeat: belloque confecto rediret: spatio fere mensium septem. Nam æstatis initio, ut ex epistola prima colligitur, scribi cæptæ sunt, singamus ex Kalendis Junii: & mense Decembri desierunt. Namque tertiis Saturnalibus, quæ fuerant XII. Kal. Januarii, apud M. Tullium Cæsar cenavit, ut est in epistola ultima libri hujus. quamquam ultima illa videtur esse, cui est in hoc libro locus XII. assignatus, in qua de suo natali die agitur, qui fuit III. Non. Jan. Argumentum illarum multiplex est, sed plurimum in illis: De epistola ad Cæsarem missa:



*missa: Quòs in suos dialogos includere debeat: De hereditatibus quibusdam: De Quinti filii improbitate, querela: De suo Carone, & Caesaris Anticarone: & de domesticis suis rebus nonnullis.*

## CICERO ATTICO S.

I

**A**d Ciceronem ita scripsisti, ut neque severius, neque temperatius scribi potuerit; nec magis, quam quemadmodum ego maxime vellem. prudentissie etiam ad Tullios. quare aut ista proficient, aut aliud agamus. De pecunia vero, video a te omnem diligentiam adhiberi, vel potius jam adhibitam: quod si efficis, a te hortos habeo. nec vero ullum genus possessionis est, quod malim, maxime scilicet ob eam causam, quæ suscepta est; cujus festinationem mihi tollis, quoniam de æstate polliceris, vel potius recipis: deinde etiam ad *κατασκευὴν* mælitiamque minuendam nihil mihi reperiri potest aptius: cujus rei cupiditas impellit me interdum, ut te hortari velim. sed me ipse revoco. non enim dubito, quin, quod me valde velle putes, in eo tu me ipsum cupiditate vincas. itaque istuc jam pro facto habeo. Exspecto, quid istis placeat de epistola ad Cæsarem. Nicias te, ut debet, amat, vehementerque tua sui memoria delectatur. Ego vero Peduceum nostrum vehementer diligo. nam & quanti patrem feci, totum in hunc: & ipsum per se æque amo, atque illum amavi; te vero plurimum, qui hoc ab utroque nostrum fieri velis. Si hortos inspexeris, & si de epistola certiore me feceris; dederis mihi, quod ad te scribam: sin minus, scribam tamen aliquid. numquam enim deerit.

## CICERO ATTICO S.

2

**G**ratior mihi celeritas tua, quam ipsa res. quid enim indignius? sed jam ad ista obduruimus, & humanitatem omnem exuimus. Tuas litteras hodie expectabam, nihil equidem ut ex iis novi: quid enim? verumtamen. Oppio & Balbo epistolas deferri jubebis,



bis, & tamen Pisonem sicubi de auro. Faberius si venerit, videbis ut tantum attribuatur, si modo attribuetur, quantum debetur. accipies ab Erote. Ariarathes, Ariobarzani filius, Romam venit. vult, opinor, regnum aliquod emere a Casare. nam, quo modo nunc est, pedem ubi ponat in suo, non habet. omnino eum Sestius noster parochus publicus occupavit: quod quidem facile patior. verumtamen, quod mihi, summo beneficio meo, magna cum fratribus illius necessitudo est, invito eum per litteras, ut apud me diversetur. ad eam rem cum mitterem Alexandum, has ei dedi litteras. Cras igitur auctio Peducei. cum poteris ergo: etsi impedit fortasse Faberius: sed tamen, cum licebit. Dionysius noster graviter queritur, & tamen jure, a discipulis abesse tam diu. multis verbis scripsit ad me, credo item ad te. mihi quidem videtur etiam diutius afuturus: ac nollem. valde enim hominem desidero.

24

CICERO ATTICO S.

**A**te litteras expectabam; nondum scilicet. nam has mane rescribebam. Ego vero ista nomina sic probo, ut nihil aliud me moveat, nisi quod tu videris dubitare. illud enim non accipio in bonam partem, quod ad me refers: qui si ipse negotium meum gererem, nihil gererem, nisi consilio tuo. sed tamen intelligo, magis te id facere diligentia, qua semper uteris, quam quod dubites de nominibus istis. etenim Caelium non probas: plura non vis. utrumque laudis igitur utendum est. præs aliquando factus esses, & in his quidem tabulis. a me igitur omnia. quod dies longior est, (teneamus modo quod volumus,) puto fore istam etiam a præcone diem, certe ab heredibus. De Crispo & Mustela videbis: & velim scire, quæ sit pars duorum. De Bruti adventu eram factus certior. attulerat enim ab eo Ægypta libertus litteras. misi ad te epistolam, quia commode scripta erat.

CICE-



## CICERO ATTICO S.

4

**H**abeo munus a te elaboratam decem legatorum: & quidem puto. nam filius anno post quæstor fuit, quam consul Mummius. Sed quoniam sapius de nominibus quæris, quid placeat; ego quoque tibi sapius respondeo, placere. Si quid poteris cum Pisonem, conficies; Avius enim videtur in officio futurus. Velim ante possis: si minus, utique simul simus, cum Brutus veniet in Tusculanum. magni interest mea, nos esse. scies autem, qui dies is futurus sit, si puero negotium dederis, ut quærat.

## CICERO ATTICO S.

5

**S**p. Mummius putaram in decem legatis fuisse: sed videlicet. etenim *ἑταίρος* fratri fuisse. fuit enim ad Corinthum. misi tibi Torquatum. colloquere tu quidem cum Silio, ut scribis, & urge. illam diem negabat esse mense Majo, istam non negabat. sed tu, ut omnia, istuc quoque ages diligenter. De Crispo & Mustela, scilicet, cum quid egeris. Quoniam ad Bruti adventum fore te nobiscum polliceris, satis est; præsertim cum hi tibi dies in magno nostro negotio consumantur.

## CICERO ATTICO S.

6

**D**e aquæductu probe fecisti. columbarium, vide, ne ullum debeamus. quamquam mihi videor audisse a Camillo, commutatam esse legem. Pisoni, quid est, quod honestius respondere possimus, quam solitudinem Catonis? nec coheredibus solum Herennianis, sed etiam, ut scis, (tu enim mecum egisti,) de puero Lucullo: quam pecuniam tutor (nam hoc quoque ad rem pertinet) in Achaja sumserat. sed egit liberaliter, quoniam negat se quidquam facturum contra nostram voluntatem. coram igitur, ut scribis, constituemus, quemadmodum rem explicemus. Quod reliquos coheredes convenisti, plane bene fecisti. Quod epistolam meam ad Brutum poscis, non habeo ejus exemplum, sed tamen salvum est, & ait Tiro, te habere



bere oportere: &, ut recorder, una cum illius objur-  
gatoria tibi meam quoque, quam ad eum rescripse-  
ram, misi. Judiciali molestia ut caream, videbis. Tu-  
ditanum istum, proavum Hortensii, plane non no-  
ram; & filium, qui tum non potuerat esse legatus,  
fuisse putaram. Mummiū fuisse ad Corinthum, pro  
certo habeo. Sæpe enim hic Spurius, qui nuper est,  
epistolæ mihi pronuntiabat versiculis facetis, ad fa-  
miliares missas a Corintho. sed non dubito, quin fra-  
tri fuerit legatus, non in decem. atque hoc etiam ac-  
cepi, non solitos majores nostros legare in decem,  
qui essent imperatorum necessarii, ut nos, ignari pul-  
cherrimorum institutorum, aut negligentes potius,  
M. Lucullum & L. Murenam, & ceteros conjunctis-  
simos ad L. Lucullum misimus. illudque *εὐλογηταί*,  
illum fratri in primis ejus legatis fuisse. Operam  
tuam multam! qui & hæc cures, & mea expedias, &  
sis in tuis multo minus diligens, quam in meis.

## 7

## CICERO ATTICO S.

Sextius apud me fuit, & Theopompus pridie: ve-  
nisse à Cæsare narrabat litteras; hoc scribere, sibi  
certum esse, Romæ manere; causamque eam adscribere,  
quæ erat in epistola nostra, ne se absente leges suæ  
negligerentur, sicut esset neglecta sumptuaria. est *εὐλο-  
γόν*: idque eram suspicatus. sed istis mos gerendus est;  
nisi placet hanc ipsam sententiam nos persequi. &  
Lentulum cum Metella certe fecisse divortium. hæc  
omnia tu melius. rescribes igitur quidquid voles, dum  
modo quid. jam enim non reperio, quod te rescriptu-  
rum putem, nisi forte de Mustela, aut Silium vi-  
deris. Brutus heri venit in Tusculanum post horam  
decimam. hodie igitur me videbit: ac vellem, cum  
tu adesses. jussi equidem ei nuntiari, te, quoad potui-  
ses, expectasse ejus adventum, venturumque, si au-  
disses: meque, ut facio, continuo te certiore esse  
facturum.



## CICERO ATTICO S.

8

**P**lane nihil erat, quod ad te scriberem. modo enim discesseras, & paullo post triplices remiseras. velim cures fasciculum ad Vestorium deferendum: & alicui des negotium, qui quærat, Q. Faberii fundus num quis in Pompejano Nolanove venalis sit. Epitomen Bruti Cælianorum velim mihi mittas, & a Philoxeno Παναγιω περι προνομιας. Te Idib. videbo cum tuis.

## CICERO ATTICO S.

9

**C**ommodum discesseras heri, cum Trebatius venit, paullo post Curtius; hic salutandi causa: sed mansit invitatus. Trebatium nobiscum habemus. hodie mane Dolabella. multus sermo ad multum diem. nihil possum dicere *ἐκτενέστερον*, nihil *φιλοσοφώτερον*. ventum est tamen ad Quintum multa *ὑφατα*, *ἀδιήρητα*: sed unum ejusmodi, quod nisi exercitus sciret, non modo Tironi dictare, sed ne ipse quidem auderem scribere. sed hæcenus. *ἑυκαιρως* ad me venit, cum haberem Dolabellam, Torquatus; humanissimeque Dolabella, quibus verbis secum egissem, exposuit. commodum enim egeram diligentissime: quæ diligentiâ ingrata est visa Torquato. A te exspecto, si quid de Bruto. quamquam Nicias confectum putabat: sed divortium non probari. quo magis laboro idem, quod tu. si quid est enim offensionis, hæc res mederi potest. mihi Arpinum eundum est. nam & opus est, constitui a nobis illa prædiola; & vereor, ne exeundi potestas non sit, cum Cæsar venerit: de cujus adventu eam opinionem Dolabella habet, quam tu conjecturam ex litteris Messalæ. cum illuc venero, intellexeroque quid negotii sit; tum, ad quos dies rediturus sim, scribam ad te.

## CICERO ATTICO S.

10

**M**inime miror, te & graviter ferre de Marcello, & plura vereri periculi genera. Quis enim hoc timeret, quod neque acciderat antea, nec videbatur natura ferre, ut accidere posset? omnia igitur metuē-



tuenda. sed illud *παρὰ τὴν ἰσορίαν*, tu præsertim: *me reliquum consularem*. quid? tibi Servius, quid videtur? quamquam hoc nullam ad partem valet scilicet, mihi præsertim, qui non minus bene actum cum illis putem. quid enim sumus? aut quid esse possumus? domine, an foris? quod nisi mihi hoc venisset in mentem, scribere ista nescio quæ, quo verterem me, non haberem. Ad Dolabellam, ut scribis, ita puto faciendum, *κοινότερα* quædam, & *πολιτικότερα*. faciendum certe aliquid est. valde enim desiderat. Brutus si quid, curabis ut sciam: cui quidem quamprimum agendum puto, præsertim si statuit. sermunculum enim omnem aut restinxerit, aut sedarit. sunt enim, qui loquantur etiam mecum. Sed hæc ipse optime, præsertim si etiam tecum loquetur. Mihi est in animo proficisci xi. Kal. hic enim nihil habeo quod agam, ne hercule illic quidem, nec usquam; sed tamen aliquid illic. Hodie Spintherem exspecto. misit enim Brutus ad me: per litteras purgat Cæsarem de interitu Marcelli: in quem, ne si infidiis quidem ille interfectus esset, caderet ulla suspicio. nunc vero, cum de Magio constet, nonne furor ejus causam omnem sustinet? plane, quid sit, non intelligo. explanabis igitur. quamquam nihil habeo, quod dubitem, nisi, ipsi Magio quæ fuerit causa amentię: pro quo quidem etiam sponsor Sunii factus, & nimirum id fuit. solvendo enim non erat. credo eum petiisse a Marcello aliquid, & illum, ut erat, constantius respondiisse, & *ταυτὸν ἰδὲς*.

## II

## CICERO ATTICO S.

Credebam esse facile. totum est aliud, posteaquam sum a te dijunctor. sed fuit faciendum, ut & constituerem mercedulas prædiorum, & ne magnum onus observantiæ Bruto nostro imponerem. posthac enim poterimus commodius colere inter nos in Tusculano. hoc autem tempore, cum ille me quotidie videre vellet, ego ad illum ire non possem, privabatur omni delectatione Tusculani. tu igitur, si Servilia venerit, si Brutus quid egerit, etiamsi constituerit, quando obviam; quidquid denique erit, quod scire

me



me oporteat, scribes. Pisonem, si poteris, conuenies. vides, quam maturum sit. sed tamen, quod commodo tuo fiat.

CICERO ATTICO S.

12

Valde me momorderunt epistolæ tuæ de Attica nostra: eadem tamen sanaverunt. quod enim te ipsam consolabare eisdem litteris, id mihi erat satis firmum ad leniendam ægritudinem. Ligarianam præclare vendidisti. posthac quidquid scripsero, tibi præconium deferam. Quod a me de Varrone scribis, scis me ante orationes, aut aliquid id genus solitum scribere, ut Varronem nusquam possem intexere. postea autem quam hac cæpi φιλολογώτερα, jam Varro mihi denuntiaverat magnam sane & gravem προσφωνέν. biennium præterit, cum ille Καλλιπιδῆς assiduo cursu cubitum nullum processerit. ego autem me parabam ad id, quod ille mihi misisset, ut αὐτῶ τῶ μυστρῶ καὶ λυτῶν, si modo potuissem. nam hoc etiam Hesiodus adscribit, αἰεὶ δύναται. nunc illam περὶ τελῶν συστάξιν, sane mihi probatum, Bruto, ut tibi placuit, despondimus: idque tu eum non nolle mihi scripsisti. ergo illam ἀκαδημαϊκὴν, in qua homines, nobiles illi quidem, sed ullo modo philologi, nimis acute loquuntur, ad Varronem transferamus. etenim sunt Ἀριστοχρεῖα, quæ iste valde probat. Catulo & Lucullo alibi reponemus; ita tamen, si tu hoc probas: deque eo mihi rescribas velim. De Brinniana auctione accepi a Vestorio litteras. ait sine ulla controversia rem ad me esse collatam (Romæ videlicet, aut in Tusculano me fore putaverunt) a. d. ix. Kal. Quint. dices igitur vel amico tuo, S. Vettio coheredi meo, vel Labeoni nostro, paulum proferant auctiorem; me circiter Nonas in Tusculano fore. cum Pisonem Erotem habes. De Scapulanis hortis toto pectore cogitemus. dies adest.

CICERO ATTICO S.

13

Commotus tuis litteris, quod ad me de Varrone scripseras, totam Academiam ab hominibus nobilibus.

Cic. Epist. Tom. II.

Z



bilissimis abstuli, transtulique ad nostrum sodalem, & ex duobus libris contuli in quatuor. grandiores sunt omnino, quam erant illi; sed tamen multa detracta. tu autem mihi pervelim scribas, qui intellexeris illum velle. illud vero utique scire cupio, quem intellexeris ab eo *ἐχθρόν ποιεῖσθαι*, nisi forte Brutum. id hercle restabat. sed tamen scire pervelim. libri quidem ita exierunt, (nisi forte me communis *φιλαυτία* decipit,) ut in tali genere ne apud Græcos quidem simile quidquam. tu illam iacturam feres æquo animo, quod illa, quæ habes de Academicis, frustra descripta sunt. multo tamen hæc erunt splendidiora, breviora, meliora nunc autem *ἀπορῶ*, quo me vertam. volo Doliabellæ valde desideranti. non reperio, quid: & simul *ἁδιότατος Τρωάς*: neque, si aliquid, poterō *μεμψιν* effugere. aut cessandum igitur, aut aliquid excogitandum. sed quid hæc levia curamus? Attica mea, obsecro te, quid agit? quæ me valde angit. sed crebro regusto tuas litteras: in his acquiesco. tamen exspecto novas.

14

CICERO ATTICO S.

Brinnii libertus, coheres noster, scripsit ad me, velle, si mihi placeret, coheredes, se & Sabinum Albium ad me venire. id ego plane nolo. hereditas tanti non est. & tamen obire auctionis diem facile poterunt, (est enim iii. Id.) si me in Tusculano postridie Nonas mane convenerint. quodsi laxius volent proferre diem, poterunt vel biduum, vel triduum, vel ut videbitur. nihil enim interest. quare, nisi jam profecti sunt, retinebis homines. De Bruto, si quid erit: de Cæsare, si quid scis, si quid erit præterea, scribes. Illud etiam atque etiam consideres velim, placeatne tibi mitti ad Varronem quod scripsimus. etsi etiam ad te aliquid pertinet. nam scito, te ei dialogo adjunctum esse tertium. opinor igitur consideremus. etsi nomina jam facta sunt, sed vel induci, vel mutari possunt.

CICE-



## CICERO ATTICO S.

15

**Q**uid agit, obsecro te, Attica nostra? nam triduo abs te nullas acceperam: nec mirum: nemo enim venerat: nec fortasse causa fuerat. itaque ipse, quod scriberem, non habebam. quo autem die has Valerio dabam, expectabam aliquem meorum: qui si venisset, & a te quid attulisset, videbam non defuturum, quod scriberem.

## CICERO ATTICO S.

16

**N**os, cum flumina & solitudines sequeremur, quo facilius sustentare nos possemus, pedem e villa adhuc egressi non sumus; ita magnos & assiduos imbres habebamus. Illam ἀκαδημαϊκὴν συστάξιν totam ad Varronem traduximus. primo fuit Catuli, Luculli, Hortensii. deinde, quia παρὰ τὸ πρεπὸν videbatur, quod erat hominibus nota, non illa quidem ἀπαιδευσία, sed in iis rebus ἀρετή, simul ac veni ad villam, eosdem illos sermones ad Catonem Brutumque transtuli. ecce tuæ litteræ de Varrone. nemini visa est aptior Ἀπριονίου ratio. sed tamen velim scribas ad me, plurimum placeatne tibi aliquid ad illum; deinde, si placebit, hocne potissimum. Quid Servilia? jamve venit? Brutus ecquid agit, ecquando? De Casare quid auditur? Ego ad Nonas, quemadmodum dixi. Tu cum Pisone, si quid poteris.

## CICERO ATTICO S.

17

**Q**uinto Kal. expectabam Roma aliquid; non quo imperassem. igitur aliquid tuis. nunc eadem illa: quid Brutus cogitet? aut, si aliquid egit, ecquid a Casare. sed quid ista, quæ minus curo? Attica nostra quid agat, scire cupio. etsi tuæ litteræ (sed jam nimis veteres sunt) recte sperare jubent. tamen expecto recens aliquid.

## CICERO ATTICO S.

18

**V**ides, propinquitas quid habeat. nos vero conficiamus hortos. colloqui videbamur, in Tusculano cum essem; tanta erat crebritas litterarum. sed



id quidem jam erit. ego interea admonitu tuo perfecti sane argutulos libros ad Varronem: sed tamen expecto, quid ad ea, quæ scripsi ad te: primum, qui intellexeris eum desiderare a me, cum ipse homo πολυγραφώτατος numquam me laceffisset: deinde, quem ἐχλοτύπει, nisi forte Brutum: quem si non ἐχλοτύπει, multo Hortensium minus, aut eos, qui de republica loquuntur. plane hoc mihi explices velim: in primis, maneasne in sententia, ut mittam ad eum, quæ scripsi: an nihil necesse putes. sed hæc coram.

19

## CICERO ATTICO S.

Commodum discesserat Hilarus librarius iv. Kal. cui dederam litteras ad te, cum venit tabellarius cum tuis litteris pridie datis: in quibus illud mihi gratissimum fuit, quod Attica nostra rogat te, ne tristis sis, quodque tu ἀκρόνυα esse scribis. Ligarianam, ut video, præclare auctoritas tua commendavit. scripsit enim ad me Balbus & Oppius, mirifice se probare; ob eamque causam ad Cæsarem eam se oratiunculam misisse. hoc igitur idem tu mihi antea scripseras. In Varrone ista causa me non moveret, ne viderer φιλονεικῶς: (sic enim constituebam, neminem includere in dialogos eorum, qui viverent:) sed, quia scribis & desiderari a Varrone, & magni illum æstimare, eos confeci: & absolvi, nescio quam bene, sed ita accurate, ut nihil posset supra, Academicam omnem questionem libris quatuor. In eis, quæ erant contrὰ ἀκαταληψίαν præclare collecta ab Antiocho, Varroni dedi: ad ea ipse respondeo: tu es tertius in sermone nostro. si Cottam & Varronem fecissem inter se disputantes, ut a te proximis litteris admoneor; meum καὶ τοὺς προωτέρων esset. hoc in antiquis personis suaviter fit, ut & Heraclides in multis, & nos sex de Republica libris fecimus. sunt etiam de Oratore nostri tres, mihi vehementer probati. in eis quoque eæ personæ sunt, ut mihi tacendum fuerit. Crassus enim loquitur, Antonius, Catulus senex, C. Julius, frater Catuli, Cotta, Sulpicius. puero me hic sermo inducitur, ut nullæ esse possent partes meæ. quæ autem his tempo,



temporibus scripsi, *Αριστοτελειον* morem habent? in quo sermo ita inducitur ceterorum, ut penes ipsum sit principatus. ita confeci quinque libros *περι τελων*, ut Epicurea L. Torquato, Stoica M. Catoni, *περικατητικα* M. Pisoni darem. *Ἀζωλοτυπητος* id fore putaram, quod omnes illi decesserant. Hæc Academica, ut seīs, cum Catulo, Lucullo, Hortensio contuleram. sane in personas non cadebant. erant enim *λογικωτερα*, quam ut illi de iis somniasse umquam viderentur. itaque, ut legi tuas de Varrone, tamquam *ἑρμειον* arripui. aptius esse nihil potuit ad id philosophiæ genus, quo ille maxime mihi delectari videtur, measque partes; ut non sim confectus, ut superior mea causa videatur. sunt enim vehementer *πιδανα* Antiochia: quæ diligenter a me expressa, acumen habent Antiochi, nitorem orationis nostrum; si modo is est aliquis in nobis. sed tu, dandosne putes hos libros Varro- ni, etiam atque etiam videbis. mihi quædam occurrunt: sed ea coram.

## CICERO ATTICO S.

20

**A** Cæsare litteras accepi consolatorias, datas prid. Kal. Maj. Hispali. De urbe augenda quid sit promulgatum, non intellexi: id sane scire velim. Torquato nostra officia grata esse, facile patior: ea- que augere non desinam. Ad Ligarianam de uxore Tuberonis, & privigna, neque possum jam addere, (est enim res pervulgata,) neque Tuberonem volo de- fendere. mirifice est enim *φιλανθιος*. theatrum quidem quidem sane bellum habuisti. ego, etsi hoc loco fa- cillime sustentor, tamen te videre cupio. itaque, ut constitui, adero. Fratrem credo a te esse conven- tum. scire igitur studeo, quid egeris. De fama nihil sane laboro: etsi scripseram ad te tunc stulte; *nihil melius*. curandum enim non est. atque hoc, *in omni vita sua quemque a recta conscientia traversum unguem non oportet discedere*, viden' quam *φιλοσοφος*? an tu nos frustra existimas hæc in manibus habere? *δεδηχ- θαι* te nollem, quod nihil erat. redeo enim rur- sus eodem. quidquamne me putas curare in toto, nisi



ut ei ne desim? id ago scilicet, ut iudicia videar tenere, *μη γὰρ ἄντροις*. vellem tam domestica ferre possem, quam ista contemnere. putas autem me voluisse aliquid, quod perfectum non sit? non licet scilicet sententiam suam: sed tamen quæ tum acta sunt, non possum non probare: & tamen non curare pulchre possum, sicuti facio. sed nimium multa de nugis.

21

## CICERO ATTICO S.

**A**d Hirtium dederam epistolam sane grandem, quam scripseram proxime in Tusculano. Huic, quam tum mihi misisti, rescribam alias. nunc aliis malo. Quid possum de Torquato, nisi aliquid a Dolabella? quod simul ac, continuo scietis. expectabam hodie, aut summum cras ab eo tabellarios: qui simul ac venerint, mittentur ad te. A Quinto exspecto. proficiscens enim e Tusculano ix. Kal. ut scis, misi ad eum tabellarios. Nunc, ad rem ut redeam, *inhibere* illum tuum, quod valde mihi arriserat, vehementer displicet. est enim verbum totum nauticum. quamquam id quidem sciebam: sed arbitrabar sustineri remos, cum inhibere essent remiges iussi. id non esse ejusmodi, didici heri, cum ad villam nostram navis appelleretur. non enim sustinent, sed alio modo remigant. id ab *ἑποχή* remotissimum est. quare facies, ut ita sit in libro, quemadmodum fuit. dices hoc idem Varroni, nisi forte mutavit. nec est melius quidquam, quam ut Lucullus: *Sustineat currum, ut bonus saepe agitor, equosque*. semperque Carneades *περὶ βολῆν* pugilis & retentionem aurigæ, similem facit *ἑποχή*. inhibito autem remigum motum habet, & vehementiorem quidem remigationis, navem convertentis ad puppim. Vides, quanto hoc diligentius curem, quam aut de rumore, aut de Pollione: de Pansa etiam, si quid certius: (credo enim palam factum esse:) de Critonio, si quid esset: certe ne de Metello & Balbino. Dic mihi, placetne tibi, primum, edere injussu meo? hoc ne Hermodorus quidem faciebat, is qui Platonis libros solitus est divulgare; ex quo, *Λογιστὴν Ἑρμοδώρος*, quid illud? rectumne exillimas cuiquam



quam ante, quam Bruto? cui te auctore *προσφώνων* scripsit enim Balbus ad me, se a te quintum de Finibus librum descripsisse: in quo non sane multa mutavi: sed tamen quædam. tu autem commodè feceris, si reliquos continueris, ne & *ἡδιοφύκτου* habeat Balbus, & *ἑωλα* Brutus. Sed hæc hæcenus, ne videar *περι μικρὰ σπεύδων*. etsi nunc quidem maxima mihi sunt hæc. quid est enim aliud? Varroni quidem quæ scripsi te auctore, ita propero mittere, ut jam Romam miserim describenda. ea si voles, statim habebis. scripsi enim ad librarios, ut fieret tuis, si tu velles, describendi potestas. ea vero continebis, quoad ipse te videam; quod diligentissime facere soles, cum a me tibi dictum est. cum autem fugit me tibi dicere, mirifice Cærelia studio videlicet philosophiæ flagrans describit a tuis: istos ipsos de Finibus habet. ego autem tibi confirmo, (possum falli, ut humanus,) a meis eam non habere. numquam enim ab oculis meis abfuerunt. tantum porro aberat, ut binos scriberent; vix singulos confecerunt. tuorum tamen ego nullum delictum arbitror, idemque te volo existimare. a me enim prætermisum est, ut dicerem, me eos exire nondum velle. Hui quam diu de nugis? de re enim nihil habeo, quod loquar. De Dolabella tibi assentior: coheredes, ut scribis, in Tusculano. De Cæsaris adventu, scripsit ad me Balbus, non ante Kal. Sext. De Attica optime, quod levius ac lenius, & quod fert *εὐκολως*. Quod autem de illa nostra cogitatione scribis, in qua nihil tibi cedo; ea, quæ novi, valde probo; hominem, domum, facultates. quod caput est, ipsum non novi: sed audio laudabilia de Scrofa. etiam proxime accedit, si quid hoc ad rem: *εὐγενεσ* est etiam, quam pater. coram igitur, & quidem propenso animo ad probandum. accedit enim, quod patrem, ut scire te puto, plus etiam, quam non modo tu, sed quam ipse scit, amo, idque & merito, & jam diu.



**D**e Varrone, non sine causa, quid tibi placeat, tam diligenter exquiro. occurrunt mihi quædam, sed ea coram. te autem ἀσμενέστατα intexui, faciamque id crebrius. proximis enim tuis litteris primum, te id non nolle, cognovi. De Marcello, scripserat ad me Cassius antea; τα κατὰ μέρος Servius. o rem acerbam! ad prima redeo. Scripta nostra nusquam malo esse, quam apud te: sed ea tum foras dari, cum utriusque nostrum videbitur. ego & librariorum tuorum culpa libero, neque te accuso; & tamen aliud quiddam ad te scripseram, Cærelliam quædam habere, quæ nisi a te, non potuerit. Balbo quidem intelligebam satisfaciendum fuisse: tantum nolebam, aut obsoletum Bruto, aut Balbo inchoatum dari. Varroni, simul ac te videro, si tibi videbitur, mittam. quid autem dubitarim, cum videro te, scies. Attributos quod appellas, valde probe. Te prædio aviæ exerceri, moleste fero. De Bruto nostro, perodiosum: sed vita fert. mulieres autem vix satis humane, quæ inimico animo ferant, cum utraque officio pareat. Tullium scribam, nihil fuit, quod appellares. nam tibi mandassem, si fuisset. nihil enim est apud eum positum nomine voti: sed est quiddam apud illum meum. id ego in hanc rem statui conferre. itaque & ego recte tibi dixi, ubi esset: & tibi ille recte negavit. sed hoc quoque ipsum continuo adoriamur. lucum hominibus non sane probò, quod est desertior: sed habet εὐλογίαν. verum hoc quoque, ut censueris; quippe qui omnia. Ego, ut constitui, adero: atque utinam tu quoque eodem die! sin quid: multa enim: utique postridie. etenim coheredes: a quis sine te opprimi, malitia est. Alteris jam litteris nihil ad me de Attica. Sed id quidem in optima spe pono. illud accuso, non te, sed illam, ne salutem quidem. at tu & illi, & Piliæ plurimam: nec me tamen irasci indicaris. Epistolam Cæsaris misi, si minus legisses.



## CICERO ATTICO S.

23

**A**ntemeridianis tuis litteris heri statim rescripsi: nunc respondeo vespertinis. Brutus, malleme accesseret. nam & æquius erat, cum illi instaret & subitum & longum: & mehercule nunc, cum ita sumus affecti, ut non possimus plane simul vivere, (intelligis enim profecto, in quo maxime posita sit *συμβιωσις*;) facile patiebar, nos potius Romæ una esse, quam in Tusculano. Libri ad Varronem non morabantur. sunt enim effecti, ut vidisti: tantum librarium menda tolluntur. de quibus libris scis me dubitasse: sed tu videris. item, quos Bruto mittimus, in manibus habent librarii. Mea mandata, ut scribis, explica: quamquam ista retentione omnes ait uti Trebatius: quid tu istos putas? nosti domum. quare confice *εὐλαγος* incredibile est, quam ego ista non curem. omni tibi asseveratione affirmo, quod mihi credas velim, mihi majori offensione esse, quam delectationi, posselliunculas meas. Magis enim doleo, me non habere, cui tradam, quam habere, qui utar. Atque illud Trebatius se tibi dixisse narrabat. tu autem veritus es fortasse, ne ego invitus audirem. fuit id quidem humanitatis: sed, mihi crede, jam ista non curo. quare da te in sermonem, & perfecta, & confice, excita, compella, loquere, ut te cum illo Scæva loqui putes. ne existimes eos, qui non debita consecrari soleant, quod debeatur, remissuros. de die tantum videto, & id ipsum bono modo.

## CICERO ATTICO S.

24

**Q**uid est, quod Hermogenes mihi Clodius, Andromenem sibi dixisse, se Ciceronem vidisse Corcyra? ego enim audita tibi putaram. nil igitur ne eam quidem litterarum? an non vidit? facies ergo ut sciam. Quid tibi ego de Varrone rescribam? quatuor *διφθεραί* sunt in tua potestate. quod egeris, id probabo. nec tamen *ἀνδομαι Τρωας*. quid enim? sed, ipsi quam res illa probaretur, magis verebar. sed quoniam tu suscipis; in alteram aurem.



**D**e retentione, rescripsi ad tuas accurate scriptas litteras. conficies igitur, & quidem sine ulla dubitatione, aut retractatione. hoc fieri & oportet, & opus est. De Andromene, ut scribis, ita putaram. scis enim, mihi que dixisses. Tu tamen ita mihi de Bruto scribis, ut de te nihil. quando autem illum putas? nam ego Romam pridie Idus. Bruto ita volui scribere, (sed quoniam tu te legisse scribis, fui fortasse ἀναφαιστος,) me ex tuis litteris intellexisse, nolle eum me quasi prosequendi sui causa Romam nunc venire. sed quoniam jam adest meus adventus, fac quæso, ne quid eum Idus impediant, quo minus eum commodum in Tusculano sit. nec enim ad tabulam eum desideraturus eram. in tali enim negotio cur tu unus non fatis es? sed ad testamentum volebam: quod jam malo alio die; ne ob eam causam Romam venisse videar. scripsi igitur ad Brutum, jam illud, quod putassem, Idibus nihil opus esse. velim ergo totum hoc ita gubernes, ut ne minima quidem re ulla Bruti commodum impediamus. Sed quid est tandem, quod perhorrescas, quia tuo periculo jubeam libros dari Varioni? etiam nunc si dubitas, fac ut sciamus. nihil est enim illis elegantius. volo Varronem, præsertim cum ille desideret: sed est, ut scis,

Διὸς ἀντὶ τοῦτο καὶ νῦν ἀναφαιστος ἐστίν.

ita mihi sæpe occurrit vultus ejus, querentis fortasse vel hoc, meas partes in iis libris copiosius defensas esse, quam suas: quod mehercule non esse intelliges, si quando in Epirum veneris. nam nunc Alexionis epistolis cedimus. sed tamen ego non despero probatum iri Varroni: & id, quoniam impensam fecimus in macrocola, facile patior teneri. sed etiam atque etiam dico, tuo periculo fiet. quare, si addubitas, ad Brutum transeamus. est enim is quoque Antiochius. o Academiam volaticam, & sui similem, modo huc, modo illuc. sed, quæso, epistola mea ad Varronem valdene tibi placuit? male mihi sit, si umquam quidquam tam enitar. ergo. at ego ne Tironi qui-



quidem dictavi, qui totas *περιοχας* persequi solet, sed Spintharo syllabatim.

## CICERO ATTICO S.

26

**D**e Virgilii parte valde probō. sic ages igitur. & quidem id erit primum; proximum Clodia. quodsi neutrum; metuo, ne turbem, & irruam in Drusum. intemperans sum in ejus rei cupiditate, quam nosti. itaque revolvor identidem in Tusculanum. quidvis enim potius, quam ut non hac æstate absolvatur. Ego, ut tempus est nostrum, locum habeo nullum, ubi facilius esse possim, quam Asturæ. sed quia, qui mecum sunt, (credo, quod mæstitiam meam non ferunt,) domum properant; etsi poteram remanere, tamen, ut scripsi tibi, proficiscar hinc, ne relictus videar. quo autem? Lanuvium? conor equidem in Tusculanum. sed faciam te statim certiorē. tu litteras conficies. equidem credibile non est, quantum scribam die; quin etiam noctibus. nihil enim somni. heri etiam effeci epistolam ad Cæsarem. tibi enim placebat: quam non fuit malum scribi, si forte opus esse putares. ut quidem nunc est, nihil sane est necesse mittere. sed id quidem, ut tibi videbitur. mit- tam tamen ad te exemplum fortasse Lanuvio, nisi forte Romam. sed cras scies.

## CICERO ATTICO S.

27

**D**e epistola ad Cæsarem, nobis vero semper rectis-  
sime placuit, ut isti ante legerent. aliter enim fuisset & in hos inofficiosi, & in nosmet ipsos, si illum offensuri fuimus, pæne periculosi. isti au- tem ingenue, mihiq; gratum, quod, quid senti- rent, non reticuerunt: illud vero vel optime, quod ita multa mutari volunt, ut mihi de integro scriben- di causa non sit: quamquam de Parthico bello quid spectare debui, nisi quod illum velle arbitrabar? quod enim aliud argumentum epistolæ nostræ, nisi *κολαχικα*, fuit? an, si ea, quæ optima putaram, suadere voluis- sem, oratio mihi defuisset? totis igitur litteris nihil  
opus



opus est. ubi enim ἁπτενύμα magnum nullum fieri possit, ἀποτενύμα vel non magnum molestum futurum sit; quid opus est παρακινδυνεύειν? præsertim cum illud occurrat, illum, cum antea nihil scripserim, existimaturum, me, nisi toto bello confecto, nihil scripturum fuisse. atque etiam vereor, ne putet, me hoc quasi Catonis μεινύμα esse voluisse. quid quæris? valde me pœnitebat: nec mihi in hac quidem re quidquam magis ut vellem accidere potuit, quam quod σκεδὴ nostra non est probata. incidissemus etiam in illos, in eis in cognatum tuum. sed redeo ad hortos. Plane illuc te ire, nisi tuo magno commodo, nolo. nihil enim urget. quidquid erit, operam in Faberio ponamus. de die tamen auctionis, si quid scies. Eum, qui e Cumano venerat, quod & plane valere Atticam nuntiabat, & litteras se habere ajebat, statim ad te misi.

28

CICERO ATTICO S.

**H**ortos quoniam hodie eras inspeXurus, quid visum tibi sit, cras scilicet. De Faberio autem cum venerit. De epistola ad Cæsarem, jurato mihi crede, non possum; nec me turpitudine deterret, etsi maxime debebat. quam enim turpis est assentatio, cum vivere ipsum turpe sit nobis? sed ut cœpi, non me hoc turpe deterret. ac vellem quidem: (essem enim, qui esse debebam:) sed in mentem nihil venit. nam, quæ sunt ad Alexandrum hominum eloquentiam & doctorum suasiones, vides quibus in rebus versetur. adolescentem, incensum cupiditate verissimæ gloriæ, cupientem sibi aliquid consilii dari, quod ad laudem sempiternam valeret, cohortantur. ad decus non deest oratio. ego quid possum? tamen nescio quid e quercu exsculpseram, quod videretur simile simulacri. in eo quia nonnulla erant paullo meliora, quam ea, quæ sunt & facta sunt, reprehenduntur: quod me minime pœnitet. si enim pervenissent illæ litteræ, mihi erede, nos pœniteret. quid tu non vides ipsum illum Aristotelis discipulum, summo ingenio, summa modestia, posteaquam rex appellatus sit, super-



superbum, crudelem, immoderatum fuisse? quid? tu hunc de pompa, Quirini contubernalem, his nostris moderatis epistolis lætaturum putas? ille vero potius non scripta desideret, quam scripta non probet. Postremo, ut volet. abiit illud, quod tum me stimulabat, quod tibi dabam *προβλημα Αγχμενδειον*, multo me hercule magis nunc opto, catum illum, quem tum timebam, vel quem libebit. Nisi quid te aliud impediet, mihi optato veneris. Nicias a Dolabella magno opere arcessitus, (legi enim litteras,) etsi invito me, tamen eodem me auctore profectus est. Hoc manu mea.

## CICERO ATTICO S.

29

Cum quasi alias res quærerem de philologis e Nicia, incidimus in Talmam. ille de ingenio nihil nimis: modestum & frugi. sed hoc mihi non placuit. se scire ajebat, ab eo nuper petitam Cornificiam, Q. filiam, vetulam sane, & multarum nuptiarum: non esse probatum mulieribus, quod ita reperirent, rem non maiorem decc. hoc putavi te scire oportere. De hortis ex tuis litteris cognovi, & Chrysippo. in villa, cujus insulsiatatem bene noram, video nihil, aut pauca mutata. balnearia tamen laudat maiora: de minoribus ait hiberna effici posse. tecta igitur ambulatiuncula addenda est: quam ut tantam faciamus, quantam in Tusculano fecimus, prope dimidio minoris constabit isto loco. ad id autem, quod volumus, *ἡσίδεσμα*, nihil aptius videtur, quam lucus, quem ego noram: sed celebritatem nullam tum habebat: nunc audio maximam. nihil est, quod ego malim. in hoc *τοῦ τυφῶν με πρὸς θεῶν προποροῦσαν*. Reliquum est, si Faberius nobis nomen illud explicat, noli quærere, quanti. Othonem vincas volo. nec tamen insanituum illum puto. nosse enim mihi hominem videor. ita male autem audio ipsum esse tractatum, ut mihi ille emtor non esse videatur. quid enim? pateretur? sed quid argumentor? si Faberianum explicas, emamus vel magno: sin minus, ne parvo quidem possumus. Clodiam igitur, a qua ipsa ob eam causam sperare videor, quod



quod & multo minoris sunt, & Dolabellæ nomen jam expeditum videtur, ut etiam representatione confidam. De hortis satis. Cras aut te, aut causam: quam quidem futuram Faberianam. sed, si poteris.

30

## CICERO ATTICO S.

Ciceronis epistolam tibi remisi. o te ferreum, qui illius periculis non moveris! me quoque accusat, eam tibi epistolam misissem. nam illam alteram de rebus gestis eodem exemplo puto. In Cumanum hodie misi tabellarium. ei dedi tuas ad Vestorium, quas Pharnaci dederas. Commodum ad te miseram Demeam, cum Eros ad me venit. sed in ejus epistola nihil erat novi, nisi, auditionem biduum. ab ea igitur, ut scribis: & velim, confecto negotio Faberiano: quem quidem negat Eros hodie. cras mane putat. a te colendus est. illæ autem *κολακίαι* non longe absunt a scelere. te, ut spero, perendie. Mihi, fructu putes, erues, qui decem legati Mummio fuerint. Polybius non nominat: ego memini Albinum consularem, & Sp. Mummium. videor audisse ex Hortensio, Tuditanum. sed in Libonis annali, xiv. annis post prætor est factus Tuditanus, quam consul Mummius: non sane quadrat. Volo aliquem Olympiæ, aut ubi visum, *πολιτικὸν συλλογόν*, more Dicæarchi, familiaris tui.

31

## CICERO ATTICO S.

Quinto Kal mane accepi a Demea litteras pridie datas, ex quibus aut hodie, aut cras te expectare deberem. sed, ut opinor, idem ego, qui expecto tuum adventum, morabor te. non enim puto tam expeditum Faberianum negotium futurum, etiamsi est futurum, ut non habeat aliquid moræ. cum poteris igitur, quoniam etiamdum abes. Dicæarchi, quos scribis, libros sane velim mihi mittas: addas etiam *καταβητιῶς*. De epistola ad Cæsarem, *νεκρῶς*, atque id ipsum, quod isti ajunt illum scribere, se, nisi constitutis rebus, non iturum in Parthos; idem ego suadebam



debam in illa epistola: sin; utrum liberet, facere posse, auctore me. hac enim ille exspectat videlicet, neque est facturum quidquam, nisi de meo consilio. obsecro, abiciamus illa, & semiliberi saltem simus: quod assequemur & tacendo, & latendo. Sed & aggredere Othonem, ut scribis. confice, mi Attice, istam rem. nihil enim aliud reperio, ubi & in foro non sim, & tecum esse possim. quanti autem, hoc mihi venit in mentem. C. Albanius proximus est vicinus: is crojagerum de M. Pilio emit, ut mea memoria est, H-S cxv. omnia scilicet nunc minoris. sed accedit cupiditas: in qua, præter Othonem, non puto nos ullum adversarium habituros. sed eum ipsum tu poteris movere. facilius etiam, si Kanum haberes. o gulam insulsam! putet me patris. rescribes, si quid voles.

## CICERO ATTICO S.

32

**A**lteram a te epistolam cum hodie accepissem, nolui te una mea contentum. Tu vero age, quod scribis, de Faberio. in eo enim totum est positum id, quod cogitamus: quæ cogitatio si non incidisset, (mihi crede istuc, ut cetera,) non laborarem. quamobrem, ut facis, (istuc enim addi nihil potest,) urge, insta, perforce. Dicæarchi περί ψυχῆς utrosque velim mittas, & κατάβασις πολιτικόν non invenio, & epistolam ejus, quam ad Aristoxenum misit. tres eos libros maxime nunc vellem: apti essent ad id, quod cogito. Torquatus Romæ est. misi, ut tibi daretur. Catullum & Lucillum, ut opinor, antea. his libris novæ proœmia sunt addita, quibus eorum uterque laudatur. eas litteras volo habeas: & sunt quædam alia. Et, quod ad te de decem legatis scripsi, parum intellexi; credo, quia δακ σημειῶν scripseram. de C. Tuditano enim quærebam, quem ex Hortensio audieram fuisse in decem: eum video in Libonis prætorem P. Popilio, P. Rupilio consulibus. Annis xiv. ante, quam prætor factus est, legatus esse potuisset? nisi admodum fero quæstor est factus: quod non arbitror. video enim curules magistratus eum legitimis annis perfacile cepisse. Postumium autem, cujus statuum in Isthmio



Isthmo meminisse te dicis, in iis sciebam fuisse. is autem est, qui cum Lucullo fuit; quem tu mihi ad-  
didisti, sane ad illum συλλογὸν personam idoneam. vi-  
debis igitur, si poteris, ceteros; ut possimus περὶ  
ταῖς καὶ τοῖς προσωποῖς.

33

## CICERO ATTICO S.

**N**egligentiam miram! semelne putas mihi dixisse  
Balbum & Faberium, professionem relatum?  
quin etiam meorum jussu miseram, qui profiteretur.  
ita enim oportere dicebant. professus est Philotimus  
libertus. nosti credo librarium. sed scribes, & quidem  
confestim. Ad Faberium, ut tibi placet, litteras  
misi. cum Balbo autem puto te aliquid fecisse H. in  
Capitolio. In Virgilio mihi nulla est δυστομία. nec  
enim ejus causa sane debeo: &, si emerò, quid erit,  
quod postulet? sed videbis, ne is cum sit in Africa,  
ut Caelius. De nomine, tu videbis cum Cispio: sed,  
si Plancus destinat, tum habet res difficultatem. Te  
ad me venire uterque nostrum cupit: sed ista res nullo  
modo relinquenda est. Othonem quod speras posse  
vinci, sane bene narras. de æstimatione, ut scribis,  
cum agere cœperimus: etsi nihil scripsit, nisi de modo  
agri. Cum Pisone, si quid poteris. Dicæarchi librum  
accepi: & καταβασίς exspecto. Negotium dederis;  
reperiet ex eo libro, in quo sunt senatus consulta Cn.  
Cornelio, L. Mummio consulibus. De Tuditano  
autem, quod putas, ἐν γόλῳ est, tum illum, quoniam  
fuit ad Corinthum (non enim temere dixit Hortensius)  
aut quæstorem aut tribunum militum, idque potius  
fuisse credo. tu de Antiocho scire poteris. Vide etiam,  
quo anno quæstor, aut tribunus militum fuerit. si  
neutrum quadret, in præfæctis, an in contubernalibus  
fuerit, modo fuerit in eo bello. De Varrone loque-  
bamur; lupus in fabula. venit enim ad me, & qui-  
dem id temporis, ut retinendus esset. sed ego ita egi,  
ut non scinderem penulam. memini enim tuum: &  
multi erant, nosque imparati, quid refert? paullo  
post C. Capito cum T. Carinate: horum ego vix attigi  
penulam; tamen remanserunt: ceciditque belle. sed  
casu



casu sermo a Capitone de urbe augenda. a ponto Mul-  
vio Tiberim duci secundum montes Vaticanos; cam-  
pum Martium coadificari; illa autem campum Vati-  
canum fieri, quasi Martium campum. quid ais? in-  
quam. at ego ad tabulam, ut, si recte possim, Sca-  
pulanos hortos. cave facias, inquit. nam ista lex per-  
feretur. vult enim Cæsar. audire me facile passus  
sum. fieri autem, moleste fero. sed tu quid ais, quam-  
quam quid quæro? nolli diligentiam Capitonis in re-  
bus novis perquirendis. non concedit Camillo. facies  
me igitur certiores de Idibus. ista enim me res ad-  
ducebat. eo adjunxeram ceteras; quas consequi tamen  
biduo aut triduo post facile potero. te tamen in via  
confici minime volo. quin etiam Dionysio ignosco.  
De Bruto quod scribis, feci ut ei liberum esset, quod  
ad me attineret. scripsi enim ad eum heri, Idib. [Maj.]  
ejus opera mihi nihil opus esse.

## CICERO ATTICO S.

34

**A**sturam veni viii. Kal. vitandi enim caloris causa  
Lanuvii vii. horas acquieveram. tu velim, si  
grave non erit, efficias, ne ante Nonas mihi illuc  
veniendum sit. id potes per Egnatium Maximum.  
Illud in primis, ut cum Publilio, me pæne absente,  
conficias: de quo quæ fama sit, scribes, *id populus ex-  
rat scilicet*. non mehercule arbitror. etenim hæc de-  
cantata erat fabula. sed complere paginam volui. quid  
plura? ipse enim adsum, nisi quid prorogas. scripsi  
enim ad te de hortis.

## CICERO ATTICO S.

35

**O**rem indignam? gentilis tuus urbem auget; quam  
hoc biennio primum vidit: & ei parum magna  
visa est, quæ etiam ipsum capere potuerit. hac de re  
igitur exspecto litteras tuas. Varroni, scribis, te si-  
mul ac venerit. dati igitur jam sunt; nec tibi inte-  
grum est: hui, si scias quanto periculo tuo: aut for-  
tasse litteræ meæ te retardarunt. sed eas nondum le-  
geras, cum has proximas scripsisti. scire igitur aveo,  
quo modo res se habeat.

Cic. Epist. Tom. II.

Aa

CICE:



## CICERO ATTICO S.

36

**D**e Bruti amore, vestraque ambulatione, etsi mihi nihil novi affers, sed idem, quod sæpe; tamen hoc audio libentius, quo sæpius: eoque mihi iucundius est, quod tu eo lætaris; certiusque eo est, quod a te dicitur.

## CICERO ATTICO S.

37

**H**as alteras hodie litteras. De Xenonis nomine, & de Epiroticis xl, nihil potest fieri nec commodius, nec aptius, quam ut scribis. id erat locutus mecum eodem modo Balbus minor. Novi nihil sane, nisi Hirtium cum Quinto acerrime pro me litigasse: omnibus eum locis facere, maximeque in conviviis: cum multa de me, tum redire ad patrem: nihil autem ab eo tam *ἀξιαπιδος* dici, quam alienissimos nos esse a Cæsare: fidem nobis habendam non esse: me vero etiam cavendum: (*φοβέσθων ἡν*, nisi viderem scire regem, me animi nihil habere:) Ciceronem vero meum vexari. sed id quidem arbitrato suo. Laudationem Porciæ gaudeo me ante dedisse Leptæ tabellario, quam tuas acceperim litteras. eam tu igitur, si me amas, curabis, si modo mittetur, isto modo mittendam Dimitio & Bruto. De gladiatoribus: de ceteris, quæ scribis *ἀνεμοφορητά*, facies me quotidie certiolem. Velim, si tibi videtur, appelles Balbum & Offiliū de autione proscribenda. equidem locutus sum cum Balbo. placebat puto conscripta habere Offiliū omnia; habet & Balbus: sed Balbo placebat, propinquum diem, & Romæ: si Cæsar moraretur, posse diem differri. sed is quidem adesse videtur. totum igitur considera. placet enim Vestorio.

## CICERO ATTICO S.

38

**A**nte lucem cum scriberem contra Epicureos, de eodem oleo & opera exaravi nescio quid ad te, & ante lucem dedi. deinde cum, somno repetito, simul cum sole experrectus essem, datur mihi epistola a fororis tuæ filio, quam ipsam tibi misi; cuius est  
princi-



principium non sine maxima contumelia. sed fortasse  
 ἢ καὶ ἐπεσησεν. est autem sic; ego enim non probo, quid-  
 quid non belle in te dici potest. posse vult in me multa  
 dici non belle, sed ea se negat approbare. hoc quid-  
 quam pote impurius? jam cetera leges, (misi enim  
 ad te,) judicabisque. Bruti nostri quotidianis assiduis-  
 que laudibus, quas ab eo de nobis haberi permulti  
 mihi renuntiaverunt, commotum istum aliquando,  
 scripsisse aliquid ad me; credo & ad te: idque ut  
 sciam, facies: nam, ad patrem de me quid scripserit,  
 nescio; de matre quam pie? Volueram, inquit, ut  
 quam plurimum tecum essem, conduci mihi domum; & id  
 ad te scripseram: neglexisti. ita minus multum una eri-  
 mus. nam ego istam domum videre non possum: qua de  
 causa, scis. Hanc autem causam pater odium matris  
 esse dicebat. nunc me juva, mi Attice, consilio, πο-  
 τερον δικας χειρος ὕψιον, [id est, utrum aperte hominem  
 asperner, & respuam,] ἢ σχολιας ἀπατας, ut enim Pin-  
 dairo, sic διχα μοι νοος, ἀτρεκειαν εἰπεῖν. omnino mori-  
 bus meis illud aptius, sed hoc fortasse temporibus.  
 tu autem, quod ipse tibi suaseris, idem mihi persua-  
 sum putato. equidem vereor maxime, ne in Tuscu-  
 lano opprimar. in turba hæc essent faciliora. utrum  
 igitur Astartæ? quid, si Cæsar subito? juva me, quæso,  
 consilio. utar eo, quo tu decreveris.

## CICERO ATTICO S.

39

O incredibilem vanitatem! ad patrem, domo sibi  
 carendum propter matrem: plane pietatis. hic  
 autem jam languescit, & ait sibi illum jure iratum.  
 sed utar tuo consilio. σχολιας enim tibi video placere.  
 Romam, ut censes, veniam, sed invitus. valde enim  
 in scribendo hæreo. Brutum, inquis, eadem scilicet.  
 sed nisi hoc esset, res me ista non cogeret. nec enim  
 inde venit, unde mallet; neque diu absuit; neque  
 ullam litteram ad me. sed tamen scire aveo, qualis  
 ei totius itineris summa fuerit. Libros mihi, de qui-  
 bus ad te antea scripsi, velim mittas, & maxime  
 Φαιδρε περισσω, & Ἑλλας.



40

## CICERO ATTICO S.

**I**tane nuntiat Brutus, illum ad bonos viros? *ἔγωγε γελῶ.* sed ubi eos? nisi forte se suspendit. hic autem ut stultum est? ubi igitur *φιλοτιμημα* illud tuum, quod vidi in parthenone, Ahalam & Brutum? sed quid faciat? illud optime, *sed ne is quidem, qui omnium flagitiorum auctor, bene de nostro.* at ego verebar, ne etiam Brutus eum diligeret. ita enim significarat iis, quas ad meas. *at vellem aliquid degustasse de fabulis.* sed coram, ut scribis. etsi, quid mi auctor es? advolone, an maneo? equidem & in libris hæreo, & illum hic excipere nolo: ad quem, ut audio, pater hodie ad Saxa Acronoma. mirum, quam inimicus ibat, ut ego objurgarem. sed ego ipse *καταφευγῶ.* itaque posthac. tu tamen vide, quid de adventu meo censeas; & *τε ὅλα,* cras si perspicui potuerint, mane statim ut sciam.

41

## CICERO ATTICO S.

**E**go vero Quinto epistolam ad sororem misi. cum ille quereretur filio cum matre bellum, & se ob eam causam domo cessurum filio diceret; dixi illum commodas ad matrem litteras, ad te nullas. ille alterum mirabatur: de te autem suam culpam, quod sæpe graviter ad filium scripsisset de tua in illum iniuria. quod autem relanguisse se dicit, ego ei, tuis litteris lectis, *σκολιῶς ἀπαταις* significavi me non fore. tum enim mentio Canæ. omnino, si id consilium placeret, esset necesse. sed ut scribis, ratio est habenda gravitatis; & utriusque nostrum idem consilium esse debet: etsi in me graviores injuriæ, & certe notiores. si vero etiam Brutus aliquid afferet, nulla dubitatio est. sed coram. magna enim res, & multæ cautionis. cras igitur; nisi quid a te commeatus.

42

## CICERO ATTICO S.

**V**enit ille ad me, *καὶ μάλ᾽ ἐκτετακῶς* & ego, *ποῦ δὲ διὰ τί σὺν ἡμῖν;* rogas? inquit: cui iter instet, & iter ad bellum, idque cum periculosum, tum etiam turpe. quæ



quæ vis igitur? inquam; æs, inquit, alienum; & tamen ne viaticum quidem. hoc loco ego sumsi quiddam de tua eloquentia. nam tacui. at ille: sed me maxime angit avunculus. quidnam? inquam. quod mihi, inquit, iratus est. cur pateris? inquam. malo enim ita dicere, quam, cur committis? non patiar, inquit. causam enim tollam. & ego, rectissime quidem. sed si grave non est, velim scire quid sit causæ. quia, dum dubitabam quam ducerem, non satisfaciebam matri, ita ne illi quidem. nunc nihil mihi tanti est. faciam quod volunt. feliciter velim, inquam, teque laudo. sed quando? nihil ad me, inquit, de tempore, quoniam rem probo. at ego, inquam, censeo prius, quam proficiscaris. ita patri quoque morem gesseris. faciam, inquit, ut censes. hic dialogus sic conclusus est. Sed heus tu, diem meum scis esse ut. Non. Jan. aderis igitur. Scripseram jam: ecce tibi, orat Lepidus ut veniam. opinor augures nil habere ad templum effandum. Eatur: *ἴστας σκαρδὲς*. videbimus te igitur.

## CICERO ATTICO S.

43

Ego vero utar prorogatione diei: tuque humanissime fecisti, qui me certiore feceris, atque ita, ut eo tempore acciperem litteras, quo non expectarem: tuque ut ab ludis scriberes. sunt omnino mihi quædam agenda Romæ: sed consequemur biduo post.

## CICERO ATTICO S.

44

Suaves tuas litteras! etsi acerba pompa. verumtamen scire omnia non acerbum est, vel de Cotta. populum vero præclarum, quod propter malum vicinum, ne Victoriæ quidem ploditur. Brutus apud me fuit: cui quidem valde placebat, me aliquid ad Cæsarem. annueram; sed pompam videret. Tu tamen ausus es Varroni dare; expecto quid judicet. quando autem perleget? De Attica, probo. Est quiddam etiam animum levare cum spectatione, tum etiam religionis opinione & fama. Cottam mihi velim mit-



tas. Libonem mecum habeo, & habueram ante Cæsarem. Brutus mihi T. Ligarii verbis nuntiavit, quod appelleretur L. Curfidius in oratione Ligariana, erratum esse meum: sed, ut ajunt, *περὶ τοῦ τοῦ Λιγάρου*. sciebam Curfidium pernecessarium Ligariorum: sed eum video ante esse mortuum. da igitur, quæso, negotium Pharnaci, Antæo, Salvio, ut id nomen ex omnibus libris tollatur.

## 45

## CICERO ATTICO S.

**F**uit apud me Lamia post discessum tuum, epistolaque ad me attulit missam sibi a Cæsare: quæ quamquam ante data erat, quam illæ Diocharinæ, tamen plane declarabat, illum ante ludos Romanos esse venturum. in qua extrema scriptum erat, ut ad ludos omnia pararet, neve committeret; ut frustra ipse properasset. prorsus ex his litteris non videbatur esse dubium, quin ante eam diem venturus esset: idemque Balbo, cum eam epistolam legisset, videri Lamia dicebat. Dies feriarum mihi additos video: sed quam multos, fac si me amas, sciam. de Bæbio poteris, & de altero vicino Egnatio. Quod me hortaris, ut eos dies consumam in philosophia explicanda; currentem tu quidem: sed cum Dolabella vivendum esse istis diebus vides. quod nisi me Torquati causa teneret, satis erat dierum, ut Puteolos excurrere possem, & ad tempus redire. Lamia quidem a Balbo (ut videbatur) audiverat, multos numos domi esse numeratos, quos oporteret quamprimum dividi. magnum pondus argenti, præter prædia: auctionem primo quoque tempore fieri oportere. scribes ad me velim, quid tibi placeat. equidem, si ex omnibus esset eligendum, nec diligentiolem, nec officiosiolem, nec nostri studiosiolem facile delegissem Vestorio: ad quem accuratissimas litteras dedi, quod idem te fecisse arbitror. mihi quidem hoc satis videtur. tu quid dicis? unum enim pungit, ne negligentiores esse videamur. expectabo igitur tuas litteras.



## CICERO ATTICO S.

46

**P**ollex quidem, ut dixerat, ad Idus Sext. ita mihi Lanuvii pridie Idus præsto fuit; sed plane Pollex, non index. cognosces igitur ex ipso. Balbum conveni. Lepta enim de sua vini curatione laborans, me ad eum perduxerat: in eo autem Lanuvino, quod Lepido tradidit, ex eo hoc primum: paulo ante acceperam eas litteras, in quibus magnopere confirmat, ante ludos Romanos. legi epistolam: multa de meo Catone, quo sæpissime legendo se dicit copiosorem factum: Bruti Catone lecto se sibi visum disertum. ex eo cognovi cretionem Cluvii (o Vestorium negligentem!) liberam cretionem, testibus præsentibus, sexaginta diebus. metuebam ne ille arcendus esset. nunc mittendum est, ut meo jussu cernat. idem igitur Pollex. etiam de hortis Cluvianis egi cum Balbo liberalius: se enim statim ad Cæsarem scripturum: Cluvium autem a T. Hordeonio legare & Terentiæ H-S 1000, & sepulchro, multisque rebus; nihil a nobis. subaccusa quæso Vestorium. Quid minus probandum, quam Plotium unguentarium per suos pueros omnia tanto ante Balbo; illum mi ne per meos quidem? De Cosinio doleo; dilexi hominem. Quinto delegabo, si quid æri meo alieno superabit, & emtionibus; ex quibus mi etiam æs alienum faciendum puto. De domo Arpini, nihil scio. Vestorium nihil quod accuses. jam enim obsignata hac epistola, noctu tabellarius noster venit, & ab eo litteras diligenter scriptas attulit, & exemplum testamenti.

## CICERO ATTICO S.

47

**P**osteaquam abs te Agamemno, non ut venirem, (nam id quoque fecissem, nisi Torquatus esset,) sed ut scriberem, tetigit, omnia, quæ in manibus habebam, abjeci; quod jussuras, edolavi. Tu velim e Pollice cognoscas rationes nostras sumtuarias. turpe est enim nobis, illum, qualiscumque est, hoc primo anno egere. post moderabimur diligentius. Idem Pollex remittendus est, ut ille cernat. Plane Puteolos non



fuit eundem, cum ob ea, quæ ad te scripsi, tunc quod Cæsar adest. Dolabella scribit se ad me postridie Idus. o magistrum molestum! Lepidus ad me heri vespere litteras misit Antio; nam ibi erat: habet enim domum, quam nos vendidimus: rogat magnopere, ut sim Kal. in senatu; me & sibi & Cæsari vehementer gratum esse futurum. puto equidem nihil esse. dixisset enim tibi fortasse aliquid Oppius; quoniam Balbus est ager. sed tamen malim venire frustra, quam desiderari, si opus esset: moleste ferrem postea. itaque hodie Antii: cras ante meridiem, domi. Tu velim, nisi te impedivisti, apud nos pridie Kal. cum Pilia. Te spero cum Publio confecisse. equidem Kal. in Tusculanum recurram. me enim absente omnia cum illis transigi malo. Q. fratris epistolam ad te misi, non satis humane illam quidem respondentem meis litteris, sed tamen quod tibi satis sit, ut quidem existimo. tu videbis.

48

## CICERO ATTICO S.

**H**eri nescio quid in strepitu videor exaudisse, cum diceres, te in Tusculanum venturum: quod utinam! iterum utinam! tuo tamen commodo. Lepta me rogat, ut, si quid sibi opus sit, accurram. mortuus enim Babullius. Cæsar, opinor, ex uncia: etsi nihil adhuc: sed Lepta ex triente. veretur autem, ne non liceat tenere hereditatem; *αλοχως* omnino, sed veretur tamen. is igitur si accierit, accurram; sin minus, haud antequam necesse erit. Tu Pollicem, cum poteris. Laudationem Porciæ tibi misi correctam: ac eo properavi, ut, si forte aut Domitii filio, aut Bruto mitteretur, hæc mitteretur. id si tibi erit commodum, magnopere cures velim: & velim M. Varonis & Lollii mittas laudationem; Lollii utique. nam illam legi, volo tamen regustare. quædam enim vix mihi credo legisse me.

26

## CICERO ATTICO S.

**A**tticæ primum salutem, quam equidem ruri esse arbitror. multam igitur salutem & Piliæ. De Tigel.



Tigellio, si quid novi; qui quidem, ut mihi Gallus Fabius scripsit, *μεμνησιν* *ἀναρροῖ* mihi quandam iniquissimam, me Phameæ defuisse, cum ejus causam recepissem: quam quidem receperam contra pueros Octavios Cn. filios non libenter: sed & Phameæ causa volebam. erat enim, si meministi, in consulatus petitione per te mihi pollicitus, si quid opus esset: quod ego perinde tuebar, ac si usus essem. is ad me venit, dixitque, judicem operam dare sibi constituisse eo die ipso, quo de Sextio nostro lege Pompeja in consilium iti necesse erat. scies enim dies illorum judiciorum præstitutos fuisse. respondi non ignorare eum, quid ego deberem Sextio: quem vellet, alium diem si sumisset, me ei non defuturum. ita tum ille discessit iratus. puto me tibi narrasse. non laboravi scilicet, nec hominis alieni injustissimam iracundiam mihi curandam putavi. Gallo autem narravi, cum proxime Romæ fui, quid audissem; neque nominavi Balbum minorem. Habuit suum negotium Gallus, ut scribit. ait illum, ne animi conscientia, quod Phameam destituissem, de se suspicari. quare tibi hætenus mando, de illo nostro, si quid poteris, exquiramus: de me ne quid labores. Est bellum, aliquem libenter odisse; quemadmodum non omnibus servire. et si me hercule, ut tu intelligis, magis mihi isti serviunt, si observare servire est.

## CICERO ATTICO S.

50

**A**dmonitus quibusdam tuis litteris, ut ad Cæsarem uberiores litteras mittere instituerem, cum mihi Balbus nuper in Lanuvino dixisset, se & Oppium scripsisse ad Cæsarem, me legisse libros contra Catonem, & vehementer probasse; conscripsi de his ipsis libris epistolam Cæsari, quæ defetretur ad Dolabellam: sed ejus exemplum misi ad Oppium & Balbum; scripsique ad eos, ut tum deferri ad Dolabellam juberent meas litteras, si ipsi exemplum probassent. ita mihi rescripserunt, nihil umquam se legisse melius, epistolamque meam jusserunt dari Dolabellæ. Vestorius ad me scripsit, ut juberem mancipio dari servo



suo, pro mea parte, Hetertejo cuidam, fundum Brin-  
nianum; ut ipse ei Puteolis recte mancipio dare pos-  
set. eum servum, si tibi videbitur, ad me mittes. opi-  
nor enim, ad te etiam scripsisse Vestorium. De ad-  
ventu Cæsaris idem, quod a te, mihi scriptum est ab  
Oppio & Balbo. Miror te nihildum cum Tigellio,  
vel ut hoc ipsum, quantum acceperit: prorsus aveo  
scire, nec tamen flocci facio. Quæris, quid cogitem  
de obviam itione; quid censes, nisi Alhum? & qui-  
dem ad Murenam de hospitio scripseram: sed opinor  
cum Matio profectum. Sallustius igitur urgebitur.  
Scripto jam superiore versiculo, Eros mihi dixit, sibi  
Murenam liberalissime respondisse. Eo igitur uta-  
mur. nam Silius culcitas non habet. Dida autem, opi-  
nor, hospitibus totam villam concessit.

51

## CICERO ATTICO. S.

**A**d Cæsarem quam misi epistolam, ejus exemplum  
fugit me tum tibi mittere; nec id fuit, quod su-  
spicaris, ut me puderet tui, ne ridicule hemicillus:  
nec mehercule scripsi aliter, ac si *προς τὸν ὁμοίον* que  
scriberem. bene enim existimo de illis libris, ut tibi  
coram. itaque scripsi, & *ἀκολακυτως*, & tamen sic,  
ut nihil eum existimem lecturum libentius. De At-  
tica nunc demum mihi est exploratum. itaque ei de  
integro gratulare. Tigellium totum mihi, & quidem  
quamprimum: nam pendeo animi. Narro tibi, Quin-  
tus cras. sed ad me, an ad te, nescio. mihi scripsit  
Romam viii. Kal. sed misi, qui invitaret: etsi hercle  
jam Romam veniendum est, ne ille ante advolet.

52

## CICERO ATTICO S.

**O**spitem mihi tam gravem! *ἀμεταμελητον*. fuit  
enim perjucunde. sed cum secundis Saturnalibus  
ad Philippum vesperi venisset, villa ita completa mi-  
litibus est, ut vix triclinium, ubi cœnaturus ipse Cæ-  
sar esset, vacaret: quippe hominum cix cix. sane sum  
commotus, quid futurum esset postridie: ac mihi  
Barba Cassius subvenit: custodes dedit. castra in agro:  
villa



villa defensa est. ille tertiis Saturnalibus apud Philip-  
pum ad horam vii. nec quemquam admisit. rationes  
opinor cum Balbo. inde ambulavit in litore. Post  
horam viii. in balneum: tum audivit de Mamurra:  
vultum non mutavit: unctus est; accubuit; *ἑμετικὴν*  
agebat. itaque & edit & bibit *ἄδειν* & jucunde; opi-  
pare sane, & apparate: nec id solum, *sed, bene cocto, &*

*Condito sermone bono, & si quæris, libenter.*

præterea tribus tricliniis accepti *οἱ περὶ αὐτὸν* valde co-  
piose. libertis minus lautis, servisque nihil defuit.  
nam lautiores eleganter accepti. quid multa? homi-  
nes visi sumus. hospes tamen non is, cui diceret,  
amabo te, eodem ad me cum revertere. semel satis  
est. *σπεύδαιον ἔδειν* in sermone: *φιλολογία* multa. quid  
quæris? delectatus est, & libenter fuit. Puteolis se  
ajebat unum diem fore, alterum ad Bajas. Habes  
hospitium, sive *ἐπιγαθμίαν* odiosam, mihi, dixi, non  
molestam. Ego paullisper hic, deinde in Tuscula-  
num. Dolabellæ villam cum præteriret, omnis ar-  
matorum copia, dextra sinistra ad equum, nec us-  
quam alibi. hoc ex Nicia.







M. TULLII CICERONIS  
EPISTOLARUM

A D

A T T I C U M,

LIBER XIV.

---

A R G U M E N T U M.

*Tris amplius menses nulla extant scriptæ litteræ; ex ceteris videlicet Saturnalibus, quæ fuerunt XII. Kal. Jan. ad post Id. Martias, quo die Cæsar occisus est. Occisus est autem, ut Vellejus ait, cum quinque menses post reditum ex Hispania Romæ fuisset Scriptæ sunt autem hæc M. Antonio & P. Cornelio Dolabella Coss. Nam is, interfecto Cæsare, fascēs statim, ut ait Patreulius, & insignia Consulatus sibi arripuit, antea designatus ab illo, quem sibi substitueret, in Parthos proficiscens. Continent verò potissimum Reipublicæ tempestates, quæ, illo caso, consecutæ sunt. Cicero quidem primis illis diebus, cum Senatum in suam sententiam perduxisset, ut communis concordia causa, injuriarum memoria sempiterna oblivione tolleretur; Roma egressus est in suas villas; unde dedis has litteras, modo spei, modo desperationis plenas. Privatim vero continent querelam de e mentitis actis Cæsaris: factum Dolabella: de Amatio humillima sortis homine, qui ausus fuerat in C. Marii nomen invadere, seque pro nepote illius gerere: & domestica quadam privatus. Datæ sunt post Id. Mart. ad xvi. circiter Kal. Junii.*

CICE-



**D**everti ad illum, de quo tecum mane. nihil perditius: explicari rem non posse. etenim si ille tali ingenio exitum non reperiebat, quis nunc reperiet? quid quæris? periisse omnia aiebat; quod haud scio an ita sit: verum ille gaudens: affirmabatque minus diebus xx. tumultum Gallicum: in sermonem se post Idus Mart. præterquam Lepidi, venisse neminis: ad summam, non posse isthæc sic abire. o prudentem Oppium, qui nihilo minus illum desiderat: sed loquitur nihil, quod quemquam bonum offendant. sed hæc hætenus. Tu, quæso, quidquid novi (multa autem exspecto) scribere ne pigresce. in his, de Sexto satisne certum; maxime autem de Bruto nostro: de quo quidem ille, ad quem diverti, Cæsarem solitum dicere, *magui refert, hic quid velit: sed quidquid volet, valde volet*: idque eum animadvertisse, cum pro Dejotaro Nicæ diceret: valde vehementer eum visum & libere dicere: atque, etiam (ut enim quidque succurrit, libet scribere) proxime, cum Sextii rogatu apud eum fuisset, expectareque sedens, quoad vocarer, dixisse eum, *ego dubitem summo in odio sim, cum M. Cicero sedeat, nec suo commodo me convenire possit? atqui se quisquam est facilis, hic est: tamen non dubito, quin me male oderit*. Hæc & ejusmodi multa. Sed ad propositum. quidquid erit non modo magnum, sed etiam parvum, scribes. equidem nihil intermittam.

**D**uas a te accepi epistolas heri. ex priore theatrum Publiumque cognovi; bona signa consentientis multitudinis. plausus vero L. Cassio datus, etiam facetus mihi quidem visus est. Altera epistola de Madaro scripta, apud quem nullum *παράκλημα*: ut putas. processi enim, sed minus. diutius sermone enim sum retentus. Quod autem ad te scripseram, obscure fortasse, id ejusmodi est: aiebat, Cæsarem secum, quo tempore Sextii rogatu veni ad eum, cum expectarem sedens, dixisse: *ego nunc tam sim stultus, ut*  
hunc



*bunc ipsum facilem hominem, putem mihi esse amicum, cum tandem sedens meum commodum expectet?* Habes igitur *φιλανθρωπία*, inimicissimum otii, id est, Bruti. In Tusculanum hodie; Lanuvii eras; inde Asturæ cogitabam. Piliæ paratum est hospitium: sed vellem Atticam; (verum tibi ignosco;) quarum utrique salutem.

## 3

## CICERO ATTICO S.

**T**ranquillæ tuæ quidem litteræ; quod utinam diutius! nam Matus posse negabat. Ecce autem fructiores nostri ad frumentum profecti, cum inanes rediissent, rumore afferunt magnum, Romæ domum ad Antonium frumentum omne portari: *παντων* certe: scripsisses enim. Corumbus Balbi nullus adhuc; & mihi notum nomen. Bellus enim esse dicitur architectus. Ad obsignandum tu adhibitus non sine causa videris. volunt enim nos ita putare. nescio cur non animo quoque sentiant. sed quid hæc ad nos? odorare tamen Antonii *διαδοχῆς*: quem quidem ego epularum magis arbitror rationem habere, quam quidquam mali cogitare. Tu, si quid pragmaticon habes, scribe: sin minus, populi *ἐπιστημοσύνης*, & minorum dicta prescribito. Piliæ & Atticæ salutem.

## 4

## CICERO ATTICO S.

**N**unc quid putas me Lanuvii? at ego te istic quotidie aliquid novi suspicor. tument negotia. nam cum Matus, quid censes ceteros? equidem doleo, quod numquam in ulla civitate accidit, non una cum libertate rempublicam recuperatam. horribile est, quæ loquantur, quæ minitentur. ac vereor Gallica etiam bella; ipse sextus quo evadat. sed omnia licet concurrant, Idus Martiæ consolantur. nostri autem *ἔργα*, quod per ipsos confici potuit, gloriosissime & magnificentissime confecerunt. reliquæ res opes & copias desiderant, quas nullas habemus. Hæc ego ad te, ut, si quid novi, (nam quotidie aliquid expecto,) confestim ad me: & si novi nihil, nostro

more



more tamen ne patiamur intermitti litterulas. equidem non committam.

## CICERO ATTICO S.

5

**S**pero tibi jam esse, ut volumus, quoniam quidem *ἡσυχίας*, cum leviter commotus esses: sed tamen velim scire, quid agas. Signa bella, quod Calvena moleste fert, se suspectam esse Bruto. illa signa non bona, si cum signis legiones veniunt e Gallia. quid tu illas putas, quæ fuerunt in Hispania, nonne idem postulaturas? quid, quas Annius transportavit? Caninium volui, sed *μνημονικὸν ἀμαρτημα*. Ab aleatore *φουρμὸς παλὺς*. nam ista quidem Cæsaris libertorum conjuratio facile opprimeretur, si recta sciret Antonius. Meam stultam verecundiam, qui legari noluerim antea res prolatas, ne deferere viderer hunc rerum tumorem; cui certe si possem mederi, deesse non deberem. sed vides magistratus, si quidem illi magistratus: vides tamen tyranni satellites in imperiis; vides ejusdem exercitus; vides in latere veteranos; quæ sunt *εὐριπεία* omnia: eos autem, qui orbis terræ custodiis non modo septi, verum etiam magni esse debebant tantum non laudari atque amari, sed parietibus contineri. atque illi quoquo modo beati; civitas misera. Sed velim scire, quid adventus Octavii. num qui concursus ad eum, num quæ *ναιπεριότης* suspicio. non puto equidem: sed tamen quidquid est, scire cupio. Hæc scripsi ad te proficiscens Astura iii. Idus.

## CICERO ATTICO S.

6

**P**ridie Idus Fandis accepi tuas litteras cenans. primum igitur melius esse: deinde meliora te nuntiare. odiosa illa enim fuerant, legiones venire. Nam de Octavio susque deque. exspecto quid de Mario: quem quidem ego sublatum rebar a Cæsare. Antonii colloquium cum heroibus nostris pro re nata non incommodum. sed tamen adhuc me nihil delectat præter Idus Mart. nam, quoniam Fundis sum cum Ligure nostro, discurtior, Sextilii fundum a verberone

Cur-



Curtilio possideri: quod cum dico, de toto genere dico. Quid enim miserius, quam ea nos tueri, propter quæ illam oderamus? Etiamne consules & tribunos plebis in biennium, quos ille voluit? nullo modo reperio, quemadmodum possim πολιτευεσθαι, nihil enim tam σολοικον, quam τυραννοικον in cælo esse, tyranni facta defendi. sed vides consules, vides reliquos magistratus, si isti magistratus: vides linguorem bonorum. exultant lætitia in municipiis. dici enim non potest, quanto opere gaudeant, ut ad me concurrant, ut audire cupiant verba mea ea de re; nec ulla interea decreta. sic enim πεπολιτευμεθα, ut victos metueremus. Hæc ad te scripsi apposita secunda mensa: plura & πολιτικωτερα postea: & tu, quid agas, quidque agatur.

## 7

## CICERO ATTICO S.

Postridie Idus Paullum in Cateja vidi. is mihi de Mario & te republica alia quædam sane pessima. a te scilicet nihil: nemo enim meorum. sed Brutum nostrum audio visum sub Lanuvio. ubi tandem est futurus? nam cum reliqua, tum de hoc scire aveo omnia. Ego e Formiano exiens xvii. Kal. ut inde altero die in Puteolanum, scripsi hæc. A Cicerone mihi litteræ sane πεπωνημεναι, & bene longæ. cetera autem vel fingi possunt: πινος litterarum significat doctiorem. nunc magnopere a te peto, de quo sum nuper tecum locutus, ut videas ne quid ei desit. id cum ad officium nostrum pertinet, tum ad existimationem & dignitatem: quod idem intellexi tibi videri omnino. Si ergo est, volo mense Quintili in Græciam. sint omnia faciliora. sed cum sint ea tempora, ut certi nihil esse possit, quid honestum mihi sit, quid liceat, quid expediat; quæso da operam, ut illum quam honestissime copiosissimeque tueamur, hæc & cetera, quæ ad nos pertinebunt, ut soles, cogitabis: ad meque, aut quod ad rem pertineat, aut, si nihil erit, quod in buccam venerit, scribes.

CICE.



## CICERO ATTICO S.

8

**T**u me jam rebare, cum scribebas, in actis esse nostris: & ego accepi xvii. Kal. in diversorioſo Sinueſſano tuas litteras. De Mario probe: eſſi doleo L. Craſſi nepotem. optime tam etiam Bruto noſtro probari Antonium. nam quod juniam ſcribis moderate & amice ſcriptas litteras attuliſſe, mihi Paulus dedit ad ſe a fratre miſſas: quibus in extremis erat, ſibi inſidias fieri; ſed id certis auctoribus comperiſſe. hoc nec mihi placebat, & multo illi minus. Regina fuga mihi non moleſta. ſed Clodia quid egerit, ſcribas ad me velim. De Byzantiis curabis, ut cetera; & Pelopem ad te arceſſes. Ego, ut poſtulas, Bajanz negotia, eorumque illum, de quo ſcire viſ: cum perſpexero, tum ſcribam; ne quid ignores. Quid Galli, quid Hiſpani, quid Sextus agat, vehementer exſpecto. ea ſcilicet tu declarabis, qui cetera. Nauſeolam tibi tum cauſam otii dediſſe facile patiebar. videbar enim mihi legenti tuas litteras requieſſe pauliſper. De Bruto ſemper ad me omnia perſcribito, ubi ſit, quid cogitet: quem quidem ego ſpero jam tuto vel ſolum tota urbe vagari poſſe. veruntamen.

## CICERO ATTICO S.

9

**D**e republica multa cognovi ex tuis litteris, quas quidem multijuges accepi uno tempore a Veſtorii liberto. ad ea autem, quæ requiris, brevi reſpondebo. Primum vehementer me Cluviana delectant. Sed quod quæris, quid arceſſerim Chryſippum; tabernæ mihi duæ corruerunt, reliquæque rimas agunt. itaque non ſolum inquilini, ſed mures etiam migraverunt. hanc ceteri calamitatem vocant: ego ne incommodum quidem. o Socrates, & Socratici viri! numquam vobis gratiam referam. Dii immortales, quam mihi iſta pro nihilo! ſed tamen ea ratio ædificandi initur, conſiliario quidem & auctore Veſtorio, ut hoc damnum quaſtuoſum ſit. Hic turba magna eſt, eritque, ut audio, major. Duo quidem quaſi designati conſules. o Dii boni! vivit tyrannis.

Cic. Epist. Tom. II.

Bb



nis, tyrannus occidit? ejus interfecti morte lætamur, cujus facta defendimus? itaque quam severe nos M. Curtius accusat, ut pudeat vivere: neque injuria. nam mori millies præstitit, quam pati, quæ mihi videntur habitura etiam vetustatem. & Balbus hic est, multumque mecum; ad quem a Vetere litteræ datæ pridie Kal. Januar. cum a se Cæcilius circumfederetur, & jam teneretur, venisse cum maximis copiis Pacorum Parthum: ita sibi esse eum ereptum, multis suis amissis: in qua re accusat Volcatium. ita mihi videtur bellum illud instare. sed Dolabella & Nicias viderint. idem Balbus meliora de Gallia. xxi. die litteras habebat; Germanos illasque nationes, re audita de Cæsare, legatos misisse ad Aurelium, qui est præpositus ab Hirtio, se, quod imperatum esset, esse facturos. quid quæris? omnia plena pacis, aliter ac mihi Calpurnia dixerat.

10

## CICERO ATTICO S.

Itane vero? hoc meus & tuus Brutus egit, ut Lanuvii esset? ut Trebonius itineribus deviis proficeretur in provinciam? ut omnia facta, scripta, dicta, promissa, cogitata Cæsaris plus valerent, quam si ipse viveret? meministi me clamare, illo ipso primo Capitolino die, senatum in Capitolium a prætoribus vocari? dii immortales! quæ tum opera effici potuerunt, lætantibus omnibus bonis, etiam sat bonis, fractis latronibus? Liberalia tu accusas. quid fieri tum potuit? jam pridem perieramus. meministine te clamare, causam periisse, si funere elatus esset? at ille etiam in foro combustus laudatusque miserabiliter: servique & egentes in tecta nostra cum facibus immissi. quæ deinde? ut audeant dicere, tunc contra Cæsaris nuntium? hæc & alia ferre non possum. itaque *ὅτι πρὸς τοὺς* cogito. tua tamen *ὀνειροειδὴς*. nausea jamne plane abiit? mihi quidem ex tuis litteris conjectanti ita videbatur. redeo ad Teballos, Scævas, Frangones. hos tu eximas confidere se illa habituros, stantibus nobis? in quibus plus virtutis putarunt, quam experti sunt. pacis isti scilicet amatores, & non latrocinii auctores?

at



at ego cum tibi de Curtilio scripsi, Sextiliano-  
que fundo, scripsi de Censorino, de Messala, de  
Planco, de Postumio, de genere toto. melius fuit  
periisse illo interfecto, quod numquam accidisset,  
quam hæc videre. Octavius Neapolim venit xiv. Kal.  
ibi eum Balbus mane postridie; eodemque die me-  
cum in Cumano, illum hereditatem aditurum. sed,  
ut scribis, *ἐπιζήτησεν* magnam cum Antonio. Buthro-  
tia mihi tua res est, ut debet, eritque curæ. Quod  
quæris, jamne ad centena Cluvianum: adventare vi-  
detur: sed primo anno lxxx. deterimus. Q. pater  
ad me gravia de filio, maxime quod matri nunc in-  
dulgeat, cui antea bene merenti fuerit inimicus. ar-  
dentes in eum litteras ad me misit. ille autem quid  
agat, si scis, neque dum Roma est profectus, scribas  
ad me velim; & hercule, si quid aliud, vehementer  
delector tuis litteris.

## CICERO ATTICO S.

II

**N**udius tertius dedi ad te epistolam longiorem: nunc  
ad ea, quæ proxime. Velim mehercule, Asturæ  
Brutus. *ἀπολασσαν* istorum scribis, an censebas aliter?  
equidem etiam majora exspecto, cum equidem con-  
cionem lego, DE TANTO VIRO DE CLARISSIMO  
CIVI, ferre non queo: etsi ista jam ad risum. sed me-  
mento: sic alitur consuetudo perditarum concionum;  
ut nostri illi, non heroes, sed dii, futuri quidem in  
gloria sempiterna sint, sed non sine invidia, ne sine  
periculo quidem. verum illis magna consolatio, con-  
scientia maximi & clarissimi facti: nobis quæ? qui in-  
terfecto rege, liberi non sumus? sed hæc fortuna vi-  
derit, quoniam ratio non gubernat. De Cicerone,  
quæ scribis, jucunda mihi sunt: velim, sint prospera.  
quod vero curæ tibi est, ut ei suppeditetur ad usum  
& cultum copiose, per mihi gratum est; idque ut fa-  
cias, te etiam rogo. De Buthrotiis, & tu recte co-  
gitas, & ego non dimitto istam curam. suscipiam  
omnem etiam actionem; quam video quotidie faci-  
liorem. De Cluviano, quoniam in re mea me ipsum  
diligentia vincis, res ad centena perducitur. ruina



rem non facit deteriore, haud scio an jam frustus-  
sorem. Hic mecum Balbus, Hirtius, Panfa. modo  
venit Octavius; & quidem in proximam villam Phi-  
lippi, mihi totus deditus. Lentulus Spinther hodie  
apud me: cras mane vadit.

12

CICERO ATTICO S.

**O** mi Attice, vereor, ne nobis Idus Mart. nihil  
dederint præter lætitiā, & odii pœnam ac do-  
loris, quæ mihi istinc afferuntur? quæ hic video? *πραξις καλῆς μὲν, ἀτυχὴς δὲ.* Scis quam diligam Si-  
culos, & quam illam clientelam honestam judicem.  
multa illis Cæsar, neque me invito: etsi Latinitas erat  
non ferenda: verumtamen. ecce autem Antonius, ac-  
cepta grandi pecunia, fixit legem, a dictatore comi-  
tiis latam, qua Siculi cives Romani: cujus rei, vivo  
illo, mentio nulla. Quid? Deiotari nostri causa non  
similis? dignus ille quidem omni regno, sed non per  
Fulviam. sexcenta similia. verum illuc referor: tam  
claram, tamque testatam rem, tamque justam, Bu-  
throtiam, non tenebimus aliqua ex parte? & eo qui-  
dem magis, quo iste plura? Nobiscum hic perhono-  
rifice & amice Octavius: quem quidem sui Cæsarem fa-  
lutabant, Philippus non: itaque ne nos quidem: quem  
nego posse bonum civem: ita multi circumstant, qui  
quidem nostris mortem minitantur. negant hæc ferri  
posse. quid censes, cum Romam puer venerit, ubi  
nostri liberatores tuti esse non possunt? qui quidem  
semper erunt clari; conscientia vero facti sui etiam  
beati. sed nos, nisi me fallit, jacebimus. itaque exire  
aveo, *ubi nec Pelopidarum*, inquit. haud amo vel  
hos designatos, qui etiam declamare me coegerunt;  
ut ne apud aquas quidem acquiescere liceret. sed hoc  
meæ nimæ facilitatis. nam id erat quondam quasi ne-  
cessè: nunc, quoquo modo se res habet, non est item.  
Quam dudum nihil habeo, quod ad te scribam: scribo  
tamen, non ut delectem his litteris, sed ut eliciam  
tuas, tu, si quid erit de ceteris; de Bruto utique,  
quidquid. Hæc conscripsi x. Kal. accubans apud Ve-  
storium,



storium, hominem remotum a dialecticis, in arithmeti-  
cis satis exercitatum.

## CICERO ATTICO S.

13

Septimo denique die litteræ mihi redditæ sunt; quæ  
erant a te xiii. Kal. datæ: quibus quæris, atque  
etiam me ipsum nescire arbitraris, utrum magis tu-  
mulis prospectuque, an ambulatione ἀλιτευσί delecter.  
est mehercule, ut dicis, utriusque loci tanta amœni-  
tas, ut dubitem, utra anteponenda sit.

— ἀλλ' εἰ δαίτης ἐσθρατὰ ἔργα μεμνην.

Ἀλλὰ λην μὲγα πῆμα, διατρεφῆς, ἐισπορώντις

Δειδόμεν. ἐν δόμῃ δὲ σαώσμεν, ἢ ἀπολωσθαι.

quamvis enim tu magna & mihi jucunda scripseris  
de D. Bruti adventu ad suas legiones, in quo spem  
maximam video: tamen, si est bellum civile futu-  
rum, quod certe erit; si Sextus in armis permane-  
bit, quem permansurum esse certo scio; quid nobis  
faciendum est, ignoro. neque enim jam licebit, quod  
Cæsaris bello licuit, neque huc, neque illuc, quem-  
cumque enim hæc pars perditorum latatum morte  
Cæsaris putabit, (læticiam autem apertissime tulimus  
omnes,) hunc in hostium numero habebit: quæ res  
ad eandem maximam spectat. restat, ut in castra Sexti,  
aut, si forte, Bruti nos conferamus. res odiosa &  
aliena nostris ætatibus, & incerto exitu belli: & ne-  
scio, quo pacto tibi ego possim, mi tu dicere,

Τεκνον ἔμεν, ὅτοι δεδοται πολεμικὰ ἔργα,

Ἀλλὰ σὺν ἡμέροεντα μετρεχοῦ ἔργα λογοιο.

sed hæc fors viderit, ea, quæ talibus in rebus plus,  
quam ratio potest. nos autem id videamus, quod in  
nobis ipsis esse debet, ut, quidquid acciderit, forti-  
ter & sapienter feramus, & accidisse hominibus me-  
minerimus; nosque cum multum litteræ, tum non  
minimum Idus quoque Mart consolentur. Suscipe  
nunc meam deliberationem, qua sollicitor: ita multa  
veniunt in mentem in utramque partem. proficiscor,  
ut constitueram, legatus in Græciam? cædis impen-  
den-



dentis periculum nonnihil vitare videor, sed casurus in aliquam vituperationem, quod reipublicæ defuerim tam gravi tempore. sin autem mansero; fore me quidem video in discrimine, sed accidere posse suspicor, ut prodesse possim reipublicæ. Jam illa consilia privata sunt, quod sentio valde esse utile ad confirmationem Ciceronis, me illuc venire: nec alia causa professionis mihi ulla fuit tum, cum consilium cepi legari ab Cæsare. tota igitur hac de re, ut soles, si quid ad me pertinere putas, cogitabis. Redeo nunc ad epistolam tuam. scribis enim esse rumores, me, ad lacum quod habeo, venditurum; minusculam vero villam utique Quinto traditurum, vel impenso pretio, quo introducatur, ut tibi Quintus filius dixerit, dotata Aquillia. ego vero de venditione nihil cogito, nisi quid, quod magis me delectet, invenero. Quintus autem de emendo nihil curat hoc tempore. satis enim torquetur debitione dotis: in qua mirificas Egnatio gratias agit. a ducenda autem uxore sic abhorret, ut libero lectulo neget esse quidquam iucundius. Sed hæc quoque hætenus. redeo enim ad miseram, seu nullam potius rempublicam. M. Antonius ad me scripsit de restitutione Sex. Clodii: quam honorifice, quod ad me attinet, ex ipsius litteris cognoscas: misi enim tibi exemplum: quam dissolute, quam turpiter, quamque ita perniciose, ut nonnumquam Cæsar desiderandus esse videatur, facile existimabis. quæ enim Cæsar numquam neque fecisset, neque passus esset, ea nunc ex falsis ejus commentariis proferuntur. ego autem Antonio facillimum me præbui. etenim ille, quoniam semel induxit animum, sibi licere quod vellet, fecisset nihilo minus me invito. itaque mearum quoque litterarum misi tibi exemplum.

ANTONIUS CONSUL S. D. M. CICE-  
RONI.

Occupationibus est factum meis, & subita tua professione, ne tecum coram de hac re agerem. quam ob causam vereor, ne absentia mea levior sit  
apud



apud te. quodsi bonitas tua responderit iudicio meo, quod semper habui de te; gaudebo. A Casare petii, ut Sex. Clodium restitueret: impetravi. erat mihi in animo etiam tum, sic uti beneficio ejus, si tu concessisses. quo magis laboro, ut tua voluntate id per me facere nunc liceat. quodsi duriorem te ejus miseræ & afflictæ fortunæ præbes; non contendam ego adversus te. quamquam videor debere tueri commentarium Casaris. sed mehercule, si humaniter, & sapienter, & amabiliter in me cogitare vis, facilem profecto te præbebis: & voles P. Clodium, in optima spe puerum repositum, existimare, non te infestatum esse, cum potueris, amicos paternos. patere, obsecro te, pro republica videri gessisse similitatem cum patre ejus. non contemseris hanc familiam. Honestius enim & libentius deponimus inimicitias reipublicæ nomine susceptas, quam contumaciæ. Me deinde sine ad hanc opinionem jam nunc dirigere puerum, & tenero animo ejus persuadere, non esse tradendas posteris inimicitias. quamquam, tuam fortunam, Cicero, ab omni periculo abesse, certum habeo: tamen arbitror, malle te quietam senectutem, & honorificam potius agere, quam sollicitam. Postremo meo jure te hoc beneficium rogo. nihil enim non tua causa feci. Quod si non impetro, per me Clodio daturus non sum: ut intelligas, quanti apud me auctoritas tua sit, atque eo te placabiliorem præbeas.

## CICERO ANTONIO COS. S.

Quod mecum per litteras agis, unam ob causam malletem coram egisse. non enim solum ex oratione, sed etiam ex vultu, & oculis, & fronte (ut ajunt) meum erga te amorem perspicere potuisses. nam cum te semper amavi, primum tuo studio, post etiam beneficio provocatus; tum his temporibus respublica te mihi ita commendavit, ut cariorem habeam neminem. litteræ vero tuæ, cum amantissime, tum honorificentissime scriptæ, sic me affecerunt, ut non dare tibi beneficium viderer, sed accipere a te, ita petente, ut inimicum meum, necessarium tuum,



me invito servare nolles, cum id nullo negotio facere posses. Ego vero tibi istuc, mi Antoni, remitto; atque ita, ut me a te, cum his verbis scripseris, liberalissime atque honorificentissime tractatum existimem: idque cum totum, quoquo modo se res haberet, tibi dandum putarem; tum de etiam humanitati & naturæ meæ: nihil enim umquam non modo acerbum in me fuit, sed ne paullo quidem tristius, aut severius, quam necessitas reipublicæ postulavit. Accedit, ut ne in ipsum quidem Clodium meum insigne odium fuerit umquam; semperque ita statui, non esse insectandos inimicorum amicos, præsertim humiliores; nec his præsidii nosmet ipsos esse spoliandos. Nam de puero Clodio tuas partes esse arbitror, ut ejus animum, tenerum, quemadmodum scribis, his opinionibus imbuas, ut ne quas inimicitias residere in familiis nostris arbitrètur. contendi cum P. Clodio, cum ego publicam causam, ille suam defenderet. nostras concertationes respublica dijudicavit. si viveret, mihi cum illo nulla contentio jam maneret. Quare, quoniam hoc a me sic petis, ut, quæ tua potestas est, ea neget te me invito usurum; puero quoque hoc a me dabis, si tibi videbitur: non quo aut ætas nostra ab illius ætate quidquam debeat periculi suspicari, aut dignitas mea ullam contentionem extimescat: sed ut nosmet ipsi inter nos conjunctiores simus, quam adhuc fuimus. interpellantibus enim his inimiciis, animus tuus mihi magis patuit, quam domus. Sed hæc hæc hactenus. illud extremum; ego, quæ te velle, quæque ad te pertinere arbitror, semper sine ulla dubitatione summo studio faciam. hoc velim tibi penitus persuadeas.

14

CICERO ATTICO S.

**I**teradum eadem ista mihi. coronatus Quintus no-  
ster Parilibus? Parilibus? solusne? etsi addis La-  
miam; quod demiror equidem; sed scire cupio, qui  
fuerint alii: quamquam satis scio, nisi improbus ne-  
minem. explanabis igitur hoc diligentius. ego autem  
casu cum dedissem ad te litteras vi. Kalend. satis mul-  
tis



tis verbis, tribus fere horis post accepi tuas, & magni quidem ponderis. itaque joca tua plena facetiarum, de hæresi Vestoriana, & de Pherionum more Puteolano, risisse me satis, nihil est necesse scribere. *πολιτικώτερα* illa videamus. Ita Brutos Cassiumque defendis, quasi eos ego reprehendam: quos satis laudare non possum. rerum ego vitia collegi, non hominum. sublato enim tyranno, tyrannida manere video. nam quæ ille facturus non fuit, ea fiunt, ut de Clodio: de quo mihi exploratum est, illum non modo non facturum, sed etiam ne passurum quidem fuisse. sequetur Rufio Vestorianus, Victor, numquam scriptus, ceteri quis non? cui servire ipsi non potuimus, ejus libellis paremus. Nam Liberalibus quis potuit in senatum non venire? fac id potuisse aliquo modo: num, etiam cum venissemus, libere potuimus sententiam dicere? nonne omni ratione veterani, qui armati aderant, cum præsidii nos nihil haberemus, defendendi fuerunt? illam sessionem Capitolinam mihi non placuisse, tu testis es. quid ergo? ista culpa Brutorum? minime illorum quidem; sed aliorum brutorum; qui se cautos ac sapientes putant: quibus satis fuit lætari; nonnullis, etiam gratulari; nullis, permanere. sed præterita omittamus: istos omni cura præsidioque tueamur; &, quemadmodum tu præcipis, contenti Idibus Mart. simus: quæ quidem nostris amicis, divinis viris, aditum ad cælum dederunt, libertatem populo Romano non dederunt. Recordare tua. nonne meministi clamare te, omnia periisse, si ille funere elatus esset? sapienter id quidem. itaque ex eo quæ manarint, vides. Quæ scribis Kalendis Junius Antonium de provinciis relaturum, ut & ipse Gallia habeat, & utrisque dies prorogetur: licebitne decerni libere? si licuerit; libertatem esse recuperatam lætabor: si non licuerit; quid mihi attulerit ista domini mutatio præter lætitiā, quam oculis cepi iusto interitu tyranni? Rapinas scribis ad Opis fieri: quas nos quoque tum videbamus. næ nos & liberati ab egregiis viris, nec liberi sumus. ita laus illorum est, culpa nostra. & hortaris me, ut historias scribam?



bam? ut colligam tanta eorum scelera, a quibus etiam nunc obfidemur? poterone eos ipsos non laudare, qui te obsignatorem adhibuerunt? nec mehercule me raudusculum movet: sed homines benivolos, qualescunque sunt, grave est insequi contumelia. sed de omnibus meis consiliis, ut scribis, existimo exploratius nos ad Kalendas Junias statuere posse: ad quas adero; & omni ope atque opera enitar adjuvante me scilicet auctoritate tua, & gratia, & summa æquitate causæ, ut de Buthrotiis senatus consultum, quale scribis, fiat. Quod me cogitare jubes, cogitabo equidem: etsi tibi dederam superiore epistola cogitandum. tu autem, quasi jam recuperata republica, vicinis tuis Massiliensibus sua reddis. hæc armis, quæ, quam firma habeamus, ignoro, restitui fortasse possunt, auctoritate non possunt.

## 15

## CICERO ATTICO S.

Epistola brevis, quæ postea a te scripta est, sane mihi fuit jucunda, de Bruti ad Antonium, & de ejusdem ad te litteris. posse videntur esse meliora, quam adhuc fuerunt. sed nobis, ubi sumus, & quo jam nunc nos conferamus, providendum est. o mirificum Dolabellam meum! jam enim dico meum; antea, crede mihi, subdubitabam. magnam <sup>ante deam</sup> res habet: de saxo; in crucem; columnam tollere; locum illum sternendum locare. quid quæris? heroica: sustulisse mihi videtur simulationem desiderii, adhuc quæ serpebat in dies, & inveterata, verubar, ne periculosa nostris tyrannocionis esset. nunc prorsus assentior tuis litteris, speroque meliora: quamquam istos ferre non possum: qui, dum se pacem velle simulant, acta nefaria defendunt. sed non possunt omnia simul. incipit res melius ire, quam putaram. nec vero discedam, nisi cum tu me id honeste putabis facere posse. Bruto certe meo nullo loco deero: idque, etiamsi mihi cum illo nihil fuisset, facerem propter ejus singularem incredibilemque virtutem. Piliæ nostræ villam totam, quæque in villa sunt,



sunt, trado, in Pompejanum ipse proficiscens Kalend.  
Majis. quam velim Bruto persuadeas, ut Asturæ sit.

CICERO ATTICO S.

16

Quinto Non. confcendens ab hortis Cluvianis in phaselum episcopum has dedi litteras, cum Pilia nostræ villam ad Lucrinum, villicos, procuratores tradidiffem. ipse autem eo die in Pati nostri tyrotarichum imminebam; perpaucis diebus in Pompejanum: post in hæc Puteolana, & Cumana regna renavigare. o loca cetera quam valde expetenda, interpellantium autem multitudinem pæne fugienda! Sed ad rem ut veniam, o Dolabellæ nostri magnam *ἀρετήν* quanta est *καταστροφή*? equidem laudare eum & hortari non desisto. recte tu omnibus epistolis significas, quid de re, quid de viro sentias. mihi quidem videtur Brutus noster jam vel coronam auream per forum ferre posse. quis enim audeat violare, proposita cruce, aut saxo? præsertim tantis plausibus, tanta approbatione infimorum? Nunc, mi Attice, me fac ut expedias. cupio, cum Bruto nostro affatim, satisfecerim, excurrere in Græciam. magni interest Ciceronis, vel mea potius, vel mehercule utriusque, me intervenire discenti. nam epistola Leonidæ, quam ad me missi, quid habet, quæso, in quo magnopere lætemur? numquam ille mihi satis laudari videbitur, cum ita laudabitur; *Quomodo nunc est*. non fidentis hoc testimonium, sed potius timentis. Herodi autem mandaram, ut mihi *κατὰ μίτρον* scriberet: a quo adhuc nulla littera est. vereor, ne nihil habuerit, quod mihi, cum cognoscerem, jucundum putaret fore. Quod ad Xenonem scripsisti, valde mihi gatum est. nihil enim deesse Ciceroni, cum ad officium, tum ad existimationem meam pertinet. Flammam Flaminium audio Romæ esse. ad eum scripsi, me tibi mandasse per litteras, ut de montani negotio cum eo loquerere: & velim cures epistolam, quam ad eum misi, reddendam; & ipse, quod commodò tuo fiat, cum eo colloquare. puto, si quid in homine pudoris est, præstaturum eum, ne pro se quodam modo de-  
penda-



pendatur. De Attica pergratum mihi fecisti, quod curasti, ut ante scirem recte esse, quam non belle fuisse.

17

CICERO ATTICO S.

**I**n Pompejanum veni v. nonas Mai, cum pridie, ut antea ad te scripsi, Piliam in Cumano collocavissim. ibi mihi cenanti litteræ tuæ sunt redditæ, quas dederas Demetrio liberto prid. Kal. in quibus multa sapienter, sed tamen talia, quemadmodum tute scribebas, ut omne consilium in fortuna positum videretur. itaque his de rebus ex tempore, & coram. De Buthrotio negotio, utinam quidem Antonium conveniam! multum profecto proficiam. sed non arbitrantur eum a Capua declinaturum. quo quidem, metuo, ne magno reipublicæ malo venerit. quod idem L. Cæsari videbatur, quem pridie Neapoli affectum graviter videram. quamobrem ista nobis ad Kal. Jun. tractanda & perficienda sunt. sed hæcenus. Q. filius ad patrem acerbissimas litteras misit: quæ sunt ei redditæ, cum venissemus in Pompejanum: quarum tamen erat caput, Aquilliam novercam non esse laturum. sed hoc tolerabile fortasse: illud vero? se ab Cæsare habuisse omnia, nil a patre, reliqua sperare ab Antonio. o perditum hominem! sed *μελνους*. Ad Brutum nostrum, ad Cassium, ad Dolabellam epistolæ scripsi. earum exempla tibi misi, non ut deliberarem, reddendæne essent, (plane enim iudico esse reddendas,) sed quod non dubito, quin tu idem existimaturus sis. Ciceroni meo, mi Attice, suppeditabis quantum videbitur, meque hoc tibi onus imponere patiere. quæ adhuc fecisti, mihi sunt gratissima. Librum meum illum *ἁνιδότων* nondum, ut volui, perpolivi. ista vero, quæ tu contexi vis, aliud quoddam separatum volumen exspectant. ego autem (credas mihi velim) minore periculo existimo contra illas nefarias partes, vivo tyranno, dici potuisse, quam mortuo. ille enim, nescio quo pacto, ferebat me quidem mirabiliter: nunc, quacumque nos commovimus, ad Cæsaris non modo acta, verum etiam cogitata revocamur.



camur. De Montano, quoniam Flamma venit, videbis. puto rem meliore loco esse debere.

CICERO DOLABELLÆ COS.  
SUO S.

**E**t si contentus eram, mi Dolabella, tua gloria, satisque ex ea magnam lætitiā voluptatemque capiebam: tamen non possum non confiteri, cumulari me maximo gaudio, quod vulgo hominum opinio socium me adscribat tuis laudibus. neminem conveni; convenio autem quotidie plurimos: sunt enim permulti optimi viri, qui valitudinis causa in his locis conveniant; præterea ex municipiis frequentes necessarii mei; qui omnes, cum te summis laudibus ad cælum extulerunt, mihi continuo maximas gratias agant. negant enim se dubitare, quin tu meis præceptis & consiliis obtemperans, præstantissimum te civem, & singularem consulem præbeas. quibus ego quam verissime possum respondere, quæ facias, tuo iudicio & tua sponte facere, nec cuiusquam egere consilio: tamen neque plane assentior, ne imminuam tuam laudem, si omnis a meis consiliis profecta videatur; neque valde nego. sum enim avidior etiam, quam satis est, gloriæ. & tamen non alienum est dignitate tuā, quod ipsi Agamemnoni, regum regi, fuit honestum, habere aliquem in consiliis capiendis Nestorem. mihi vero gloriosum, te juvenem consulem florere laudibus, quasi alumnum disciplinæ meæ. L. quidem Cæsar, cum ad eum ægrotum Neapolim venisset, quamquam erat oppressus totius corporis doloribus, tamen ante, quam me plane salutavit, o mi Cicero, inquit, gratulor tibi, cum tantum vales apud Dolabellam, quantum si ego apud sororis filium valem, jam salvi esse possemus. Dolabellæ vero tuo & gratulor, & gratias ago: quem quidem, post te consulem, solum possum vere consulem dicere. dein multa de facto ac de re gesta. tum nihil magnificentius, nihil præclarius actum umquam, nihil reipublicæ salutaris: atque hæc una vox omnium est. A te autem



tem peto, uti me hanc quasi falsam hereditatem alienæ gloriæ sinas cernere, meque aliqua ex parte in societatem tuarum laudum venire patiari. quamquam, mi Dolabella, (hæc enim jocatus sum,) libentius omnes meas, si modo sunt aliqua meæ, laudes ad te transfuderim, quam aliquam partem exhauserim ex tuis. nam cum te semper tantum dilexerim, quantum tu intelligere potuisti; tum his tuis factis sic incensus sum, ut nihil umquam in amore fuerit ardentius. Nihil est enim, mihi crede, virtute formosius, nihil pulchrius, nihil amabilius. semper amavi, ut scis, M. Brutum, propter ejus summum ingenium, suavissimos mores, singularem probitatem atque constantiam: tamen Idibus Mart. tantum accessit, ad amorem, ut mirarer locum fuisse augendi in eo, quod mihi jampridem cumulatam etiam videbatur. quis erat, qui putaret ad eum amorem, quem erga te habebam, posse aliquid accedere? tantum accessit, ut mihi nunc denique amare videar, antea dilexisse. Quare quid est, quod ego te hortor, ut dignitati & gloriæ servias? proponam tibi claros viros, quod facere solent, qui hortantur? neminem habeo clario-rem, quam te ipsum. te imitere oportet, tecum ipse certes. ne licet quidem tibi jam, tantis rebus gestis, non tui similem esse. quod cum ita sit, hortatio non est necessaria; gratulatione magis utendum est. contigit enim tibi, quod haud scio an nemini, ut summa severitas animadversionis non modo non invidiosa, sed etiam popularis esset, & cum bonis omnibus, tum infimo cuique gratissima. Hoc si tibi fortuna quadam contigisset, gratularer felicitati tuæ: sed contigit magnitudine cum animi, tum etiam ingenii, atque consilii. legi enim concionem tuam. nihil illa sapientius, ita pedetentim tum accessus a te ad causam facti, tum recessus, ut res ipsa maturitatem tibi animadvertendi omnium concessu daret. Liberaisti igitur & urbem periculo, & civitatem metu: neque solum ad tempus maximam utilitatem attulisti, sed etiam ad exemplum. quo facto, intelligere debes, in te positam esse rempublicam, tibi que non modo tuendos, sed etiam or-  
nandos



nandos illos viros, a quibus initium libertatis profectum est. Sed his de rebus coram plura propediem, ut spero. Tu, quoniam rempublicam nosque conservas, fac, ut diligentissime te ipsum, mi Dolabella, custodias.

## CICERO ATTICO S.

18

Sapius me jam agitas, quod rem gestam Dolabellæ nimis in cælum videar efferre. ego autem, quamquam sane probo factum, tamen ut tanto opere laudarem, adductus sum tuis & unis & alteris litteris. sed totum se a te abalienavit Dolabella, ea de causa, qua me quoque sibi inimicissimum reddidit. o hominem pudentem! Kal. Jan. debuit; adhuc non solvit, præsertim cum se maximo ære alieno Faberii manu liberarit, & opem ab eo petierit. licet enim jocari, ne me valde conturbatum putes. atque ego ad eum ux. Idus litteras dederam bene mane: eodem autem die tuas litteras vesperi acceperam in Pompejo, sane celeriter, tertio abs te die. sed, ut ad te eo ipso die scripseram, satis aculeatas ad Dolabellam litteras dedi: quæ si nihil profecerint, puto fore, ut me præsentem non sustineat. Albianum te confecisse arbitror. De Patulciano nomine, quod mihi suppeditatus es, gratissimum est, & simile tuorum omnium. sed ego Erotem, ad ista expedienda factum, mihi videbar reliquisse: cuius non sine magna culpa vacillarunt. sed cum ipso videro. De Montano, ut sæpe ad te scripsi, erit tibi tota res curæ. Servius proficiscens, quod desperanter tecum locutus est, minime miror; neque ei quidquam in desperatione concedo. Brutus neque, singularis vir, si in senatum non est Kalend. Junii venturus, quid facturum sit in foro, nescio. sed hoc ipse melius. Ego ex his, quæ parari video, non multum Idibus Martiis profectum judico. itaque de Græcia quotidie magis & magis cogito. nec enim Bruto meo, exilium, ut scribis ipse, meditati, video quid prodesse possim. Leonidæ me litteræ non satis delectarunt. De Herode tibi assentior. Saufeji legis.



legisse vellem. Ego ex Pompejano vi. Idus Maj,  
cogitabam.

**N**on. Maj. cum essem in Pompejano, accepi binas  
a te litteras, alteras sexto die, alteras quarto.  
ad superiores igitur prius. Quam mihi jucundum,  
opportune tibi Bernæum litteras reddidisse. Tu vero  
cum Cassio, ut cetera. quam commode autem, quod  
id ipsum, quod me mones, quadriduo ante ad eum  
scripseram, exemplumque mearum litterarum ad te  
miseram. sed cum Dolabellæ <sup>uicinis</sup> (sic enim tu ad  
me scripseras) magna desperatione affectus essem;  
ecce tibi & Bruti, & tuæ literæ. ille exilium meditari.  
nos autem alium portum propiorem huic ætati vide-  
bamus: in quem mallet equidem perveni, flore-  
nte Bruto nostro, constitutaque republica. sed nunc quidem,  
ut scribis, non utrum vis. assentiris enim mihi, nostram  
ætatem a castris, præsertim civilibus, abhorre. An-  
tonius ad me tantum de Clodio rescripsit, meam leni-  
tatem & clementiam & sibi esse gratam, & mihi volu-  
ptati magnæ fore, sed Panfa furere videtur de Clodio,  
itemque de Dejotaro; & loquitur severe, si velis credere.  
illud tamen non belle, ut mihi quidem viderur, quod  
factum Dolabellæ vehementer improbat. De coro-  
natis, cum sororis tuæ filius a patre accusatus esset,  
rescripsit, se coronam habuisse honoris Caesaris causa;  
posuisse luctus gratia: postremo, se libenter vituperationem  
subire, quod amaret etiam mortuum Cæsa-  
rem. Ad Dolabellam, quemadmodum tibi dicis  
placere, scripsi diligenter. ego etiam ad Siccam.  
tibi hoc oneris non impono. nolo te illum iratum ha-  
bere. Servii orationem cognosco: in qua plus timo-  
ris video, quam consilii. sed quoniam perterriti om-  
nes sumus, assentior Servio. Publius tecum tricus  
est. huc enim Cærellia missa ab istis est legata ad me:  
cui facile persuasi, mihi id, quod rogaret, ne licere  
quidem, non modo non lubere. Antonium si videro,  
accurate agam de Buthroto. Venio ad recentiores  
litte-



litteras; quamquam de Servio jam rescripti. me facere magnam *πράξιν* Dolabellæ. mihi mehercule ita videtur, non potuisset major tali re, talique tempore. sed tamen, quidquid ei tribuo, tribuo ex tuis litteris. tibi vero assentior, majorem *πράξιν* ejus fore, si mihi, quod debuit, dissolverit. Brutus, velim, sit Asturæ. Quod autem laudas me, quod nihil ante professione de constituam, quam, ista quo evasuræ sint, videro: muto sententiam. neque quidquam tamen ante, quam te videro. Atticam meam gratias mihi agere de matre gaudeo: cui quidem ego totam villam cellamque tradidi; eamque cogitabam v. Idus videre. tu Atticæ salutem dices. nos Piliam diligenter tuebimur.

## CICERO ATTICO S.

20

**E** Pompejano navi adveſtus ſum in Luculli noſtri hoſpitiū vi Idus, hora fere iii; egreſſus autem e navi, accepi tuas litteras, quas tuus tabellarius in Cumanum attuliſſe dicebatur, Nonis Maj datas: a Lucullo poſtridie eadem fere hora, qua veni, vii. Idus Lanuvio datas. audi igitur ad omnes. Primum, quæ de re magna geſta & in ſolutione, & in Albiano negotio, grata. De tuo autem Buthroto, cum in Pompejano eſſem, Miſenum venit Antonius: inde ante diſceſſit, quam illum veniſſe audiſſem: a quo in Samnium. vide, quid ſperes. Romæ igitur de Buthro. L. Antonii horribilis concio, Dolabellæ præclara. jam vel ſibi habeat numos, modo numeret Idibus. Tertullæ nollem abortum. tam enim Caſſii ſunt jam, quam Bruti ſerendi. De regina velim, atque etiam de Cæſare illo. Perſolvi primæ epiſtolæ: venio ad ſecundam. De Quintis, Buthroto, cum venero, ut ſcribis. Quod Ciceroni ſuppeditas, gratum. Quod errare me putas, qui rempublicam putem pendere e Bruto: ſic ſe res habet. aut nulla erit, aut ab iſto iſtiſve ſervabitur. Quod me hortaris, ut ſcriptam concionem mittam; accipe a me, mi Attice, καὶ Δολίων διαγρημα earum rerum, in quibus ſatis exercitati ſumus. Nemo unquam neque poeta, neque

Cic. Epiſt. Tom. II.

Cc

que



que orator fuit, qui quemquam meliorem, quam se, arbitraretur. hoc etiam malis contingit, quid tu Bruto putas, & ingenioso, & erudito? de quo etiam experti sumus nuper in edicto. scripseram rogatu tuo. meum mihi placebat, illi suum. quin etiam, cum, ipsius precibus pane adductus, scripsissem ad eum de optimo genere dicendi, non modo mihi, sed etiam tibi scripsit, sibi illud, quod mihi placeret, non probari. quare sine quæso tibi quemque scribere. *suam cuique sponsam, mihi meam; suum cuique amorem, mihi meum.* non scite. hoc enim Attilius, poeta durissimus. atque utinam liceat isti concionari! cui si esse in urbe toto licebit, vicinus. ducem enim novi belli civilis aut nemo sequetur, aut ii sequentur, qui facile vincantur. Venio ad tertiam. Gratas fuisse meas litteras Bruto & Cassio, gaudeo. itaque iis rescripsi. Quod Hirtium per me meliorem fieri volunt: do equidem operam; & ille optime loquitur: sed vivit habitatque cum Balbo, qui item bene loquitur. quid credas, videris. Dolabellam valde placere tibi video: mihi quidem egregie. Cum Pansa vixi in Pompejano. is plane mihi probabat, se bene sentire, & cupere pacem. Causam armorum quæri plane video. Edictum Bruti & Cassi probo. Quæris, ut suscipiam cogitationem, quidnam istis agendum putem: consilia temporum sunt; quæ in horas communicari vides. Dolabellæ & prima illa actio, & contra Antonium concio mihi profecisse permultum videtur. prorsus ibat res. nunc autem videmur habituri ducem: quod unum municipia, bonique desiderant. Epicuri mentionem facis, & audes dicere, *μη πολιτευομαι*? non te Bruti nostri vulticulus ab ista oratione deterret? Quintus filius, ut scribis, Antonii est extella. per eum igitur, quod volumus, facile auferemus. exspecto, si, ut putas, L. Antonius produxit Octavium, qualis concio fuerit. hæc scripsi citatim. statim enim Cassi tabellarius. eram continuo Piliam salutaturus: deinde ad epulas Vestorii navicula. Atticæ plurimam salutem.



## CICERO ATTICO S.

21

Cum paullo ante dedissem ad te Cassii tabellario litteras, v. Idus venit noster tabellarius, & quidem, portenti simile, sine tuis litteris. sed cito conjeci, Lanuvii te fuisse. Eros autem festinavit, ut ad me litteræ Dolabellæ perferrentur, non de re mea, (non-dum enim meas acceperat,) sed rescripsit ad eas, quarum exemplum tibi miseram, sane luculente. Ad me autem, cum Cassii tabellarium dimissem, statim Balbus, o dii boni, quam facile perspiceres timere otium! & nosti virum, quam tectus: sed tamen Antonii consilia narrabat: illum circumire veteranos, ut astra Cæsaris sancirent, idque se facturos esse jurarent, ut rata omnes haberent: eaque duumviri omnibus mensibus inspicerent. questus est etiam de sua invidia; eaque omnis ejus oratio fuit, ut amare videretur Antonium. Quid quæris? nihil sinceri. mihi autem non est dubium, quin res spectet ad castra. astra enim illa res est animo virili, consilio puerili. quis enim hoc non vidit, regni heredem relictum? quid autem absurdus, *hoc metuere, alterum in metu non potest*? quin etiam hoc ipso tempore multa *ὑποβολαίκα*. Pontii Neapolitanum a matre tyrannoſtoni possideri? legendus mihi sapius est Cato major, ad te missus. Amariorem enim me senectus facit. stomachor omnia, sed mihi quidem *βελιωτάκις* viderint juvenes. tu mea curabis, ut curas. Hæc scripsi, seu dictavi, apposita secunda mensa, apud Vestorium. postridie apud Hirtium cogitabam: & quidem *πεντελειπτον*. sic hominem traducere ad optimates paro. *λῆγος πολλός*. nemo est istorum, qui otium non timeat. quare talaria videamus. quidvis enim potius quam castra. Atticæ salutem plurimam velim dicas. Exspecto Octavii concionem, & si quid aliud; maxime autem, ecquid Dolabella tinniat: an in meo nomine tabulas novas fecerit.

## CICERO ATTICO S.

22

Certior a Pilia factus, mitti ad te Idibus tabellarios, statim hoc nescio quid exaravi. Primum

Cc 2

igi.



igitur scire te volui, me hinc Arpinum xvi. Kalend. Jun. eo igitur mittes, si quid erit posthac: quamquam ipse jam jamque adero. cupio enim ante, quam Romam venio, odorari diligentius, quid futurum sit. quamquam vereor, ne nihil conjectura aberrem. minime enim obscurum est, quid isti moliantur, (meus vero discipulus, qui hodie apud me cenat, valde amat illum, quem Brutus noster fauciat,) &, si quæris, (perspexi enim plane,) timent otium: ὑπὸ θανάτου autem hanc habent, eamque præ se ferunt, virum clarissimum interfectum, totam rempublicam illius interitu perturbatam: irrita fore, quæ ille egisset, simul ac desistemus timere: clementiam illi malo fuisse; qua si usus non esset, nihil ei tale accidere potuisset. Mihi autem venit in mentem, si Pompeius cum exercitu firmo veniat, quod est εὐλογον, certo fore bellum. hæc me species cogitatioque perturbat. neque enim, quod tibi tum licuit, nobis nunc licebit. nam aperte lætati sumus. deinde habent in ore, nos ingratos. nullo modo licebit, quod tum & tibi licuit, & multis. φανεροῦς ἀπαγγελίαν ergo, & ἵπτεον in castra? milites mori melius, huic præsertim ætati. itaque me Idus Mart. non tam consolantur, quam antea. magnum enim mendum continent. etsi illi juvenes

Ἄλλοις ἐν ἑσθλοῖς τοῦδ' ἀπαθενταὶ ψυχόν.

Sed, si tu melius quippiam speras, quod & plura audis, & interes consiliis, scribas ad me velim, simulque cogites, quid agendum nobis sit superlegatione votiva. equidem in his locis moneor a multis, ne in senatu Kalendis, dicuntur enim occulte milites ad eam diem comparati, & quidem in istos; qui mihi videntur ubivis tutius, quam in senatu, fore.



alendi  
quam  
in Ro-  
m sit.  
mi-  
meus  
valde  
quæ-  
ro au-  
n cla-  
us in-  
t, si-  
o fuif-  
otuiſ-  
s cum  
fore  
neque  
nam  
ngra-  
t, &  
mil-  
e me  
ma-

ra au-  
imul-  
tione  
ne in  
es ad  
mili



M. TULLII CICERONIS  
EPISTOLARUM

A D

ATTICUM  
LIBER XV.

ARGUMENTUM.

Non valde differens est libri hujus argumentum a superioris sententia. Scriptæ enim epistolæ omnes sunt, cum adhuc Romæ negotia tumerent, Antoniusque & Octavius ita omnia miscerent, ut, quamvis neque plane bellum, neque pax esset, appareret tamen, rem ad arma deductum iri. Quo quidem tempore Cicero sibi timens, simulque filium, Athenis philosophia operam dantem, cupiens invisere; cum jus liberæ legationis a Dolabella, non autem provincialis, nempe Syria, ut Plutarcho placet, haberet, (id enim ex his epistolis ac Philippica prima cognoscitur,) iter cepit in Græciam, eo consilio, ut Kal. Jan. adesset, quod initium cogendi Senatûs fore, Hirtio & Pansa consulatum ineuntibus videbatur. Dum spes vero aliqua meliorum rerum fuit, Brutusque & Cassius prætores urbani, quibus maxime recuperandæ Reip. ratio nitebatur, si non Romæ, in proximis tamen locis, manebant; perque litteras & edicta cum Antonio populoque agebant: nusquam ille pedem. Cedentibus autem illis, & ipse consilium cepit abeundi. Hac illorum temporum historia est. Privatim tamen in his epistolis plura continentur, quæ persequi longum esset. Scriptæ sunt ex ante xvi. Kal. Jan. ad Non. Quint.



**O** factum male de Alexione! incredibile est, quanta me molestia affecerit: nec mehercule ex ea parte maxime, quod plerique mecum: ad quem igitur te medicum conferes? quid mihi jam medico? aut si opus est, tanta inopia est? amorem erga me, humanitatem, suavitatemque desidero. etiam illud: quid est, quod non pertimescendum sit; cum hominem temperantem, summum medicum, tantus improviso morbus oppresserit? sed ad hæc omnia una consolatio est, quod ea conditione nati sumus, ut nihil, quod homini accidere possit, recusare debeamus. De Antonio jam antea tibi scripsi, non esse eum a me conventum. venit enim Misenum, cum ego essem in Pompeiano: inde ante profectus est, quam ego eum venisse cognovi. sed casu, cum legerem tuas litteras, Hirtius erat apud me in Puteolano: ei legi, & egi. primum quod attinet, nihil mihi concedebat: deinde ad summam, arbitrum me statuebat non modo hujus rei, sed totius consulatus sui. Cum Antonio autem sic agemus, ut perspiciat, si in eo negotio nobis satisfecerit, totum me futurum suum. Dolabellam spero domi esse. Redeamus ad nostros: de quibus tu bonam spem te significas habere propter editorum humanitatem. ego autem perspexi, cum a me xvii Kal. de Puteolano Neapolim, Pansæ conveniendi causa, proficisceretur Hirtius, omnem ejus sensum seduxi enim, & ad pacem sum cohortatus. non poterat scilicet negare, se velle pacem; sed non minus se nostrorum arma timere, quam Antonii: & tamen utrosque non sine causa præsidium habere; se autem utraque arma metuere. quid quæris? *sed vides.* De Q. filio tibi assentior: patri quidem certe gratissima & bellissima tuæ litteræ fuerunt. Cærelliæ vero facile satisfeci: nec valde laborare mihi visa est: &, si illa, ego certe non laborarem. istam vero, quam tibi molestam scribis esse, auditam a te esse, omnino demoror: nam quod eam collaudavi apud amicos, audientibus tribus filiis ejus & filia; *& tanto ex te autem.* quid est



est hoc? quid est autem, cur ego personatus ambulem? parumne fœda persona est ipsius senectutis? Quod Brutus rogat, ut ante Kalendas; ad me quoque scripsit: & fortasse faciam. sed plane, quid velit, nescio. quid enim illi afferre consilii possum, cum ipse egeam consilio? & cum ille suæ immortalitati melius, quam nostro otio, consuluerit? De regia, rumor exstinguetur. De Flamma, obsecro te, si quid potes. Heri dederam ad te litteras exiens e Puteolano, diverteramque in Cumanum. ibi bene valentem videram Piliam. quin etiam Baulos Cumis eam viderat enim in funus: cui funeri ego quoque operam dedi. Cn. Lucullus, familiaris noster, matrem efferebat. mansi igitur eo die in Sinuessano: atque inde mane postridie Arpinum proficiscens, hanc epistolam exaravi. erat autem nihil novi, quod aut scriberem, aut ex te quærerem, nisi forte hoc ad rem putas pertinere: Brutus noster misit ad me orationem suam, habitam in concione Capitolina; petivitque a me, ut eam nec ambiciose corrigerem ante, quam ederet. est autem oratio scripta elegantissime sententiis, verbis, ut nihil possit ultra. ego tamen, si illam causam habuissem, scripsissem ardentius. *ἄνδρες*, vides, quæ sit persona dicentis. itaque eam corrigere non potui. quo enim in genere Brutus noster esse vult, & iudicium habet optimo genere dicendi, id ita consecutus est in ea oratione, ut elegantius esse nihil possit. sed ego solus alius sum; sive hoc recte, sive non recte. tu tamen velim orationem legas, nisi forte jam legisti, certiolemque me facias, quid iudices ipse. quamquam vereor, ne cognomine tuo lapsus, *ὑπερβυλιος* sis in iudicando. sed si recordabere *Δημοσθένος* fulmina, tum intelliges, posse & *ἁρμόδια* gravissime dici. sed hæc coram. nunc nec sine epistola, nec cum inani epistola volui ad te Metrodorum venire.

## CICERO ATTICO S.

2

Quinto decimo Kalend. e Sinuessano proficiscens, cum dedissem ad te litteras, divertissemque a Cumis,

Cc 4



mis, in Vesciano accepi a tabellario tuas litteras; in quibus minus multa de Buthroto. non enim tibi ea res majori curæ aut est, aut erit, quam mihi. sic enim decet, te mea curare, tua me. quamobrem id quidem sic susceptum est mihi, ut nihil sim habiturus antiquius. L. Antonium concionatum esse, cognovi tuis litteris & aliis, sordide: sed, id quale fuerit, nescio. nihil enim scripsisti. De Menedemo, probe. Quintus certe ea dicitur, quæ scribis. Consilium meum a te probari, quod ea non scribam, quæ tu a me postularis, facile patior: multoque magis id probabis, si orationem eam, de qua hodie ad te scripsi, legeris. Quæ de legionibus scribis, ea vera sunt. sed non satis hoc mihi videris tibi persuasisse, quid de Buthrotiis nostris per senatum speres confici posse, quod puto: tantum enim video, non videmur esse victuri: sed, si enim nos hoc fallat, de Buthroto te non fallat. De Octavii concione idem sentio, quod tu: ludorumque ejus apparatus, & Matus ac Postumius mihi procuratores non placent. Saferna collega dignus. sed isti omnes, quemadmodum sentis, non minus otium timent, quam nos arma. Balbum levare invidia per nos velim: sed ne ipse quidem id fieri posse confidit. itaque alia cogitat. Quod prima disputatio Tusculana te confirmat, sane gaudeo. neque enim ullum est perfugium aut melius, aut paratius. Flamma quod bene loquitur, non moleste fero. Tyn-daritanorum causa, de qua tam laboras, quæ sit, ignoro. hos tamen. *πυρρὸς* movere ista videntur, in primis erogatio pecuniæ. De Alexione doleo; sed, quoniam inciderat in ita gravem morbum, bene adum cum illo arbitror, quos tamen secundos heredes, scire vellem, & diem testamenti.

3

CICERO ATTICO S.

Undecimo Kalend. accepi in Antinati duas epistolas tuas; quibus duabus meis respondisti. una erat xv. Kal. altera xii. data. ad superiorem igitur prius. Accurres in Tusculanum, ut scribis, quo me vi. Kal. venturum arbitrabar. Quod scribis paren-

dum



dum victoribus; non mihi quidem, cui sunt multa potiora. nam illa, quæ recordaris, Lentulo & Marcello consulibus acta in æde Apollinis; nec causa eadem est, nec simile tempus, præsertim cum Marcel- lum scribas aliosque discedere. erit igitur nobis co- ram odorandum & constituendum, tutone Romæ esse possimus. novi conventus habitatores sane movent. in magnis enim versamur angustiis. sed sunt ista parvi. quin & majora contemnimus. Calvæ testamentum cognovi, hominis turpis ac fordidi. Tabula Demo- nici quod tibi curæ est, gratum. De Mario scripsi jam pridem ad Dolabellam accuratissime: modo red- ditæ litteræ sint. ejus causa & cupio, & debeo. Ve- nio ad propiorem. Cognovi de Alexione, quæ desi- derabam. Hirtius est tuus. Antonio, quam est, volo pejus esse. De Q. filio, ut scribis, de patre coram agemus. Brutum omni re, quæ possum, cupio ju- vare: cujus de oratiuncula idem te, quod me, sen- tire video. sed parum intelligo, quid me velis scri- bere, quasi a Bruto habita oratione; cum ille edide- rit, qui tandem convenit? an sic, ut in tyrannum jure optimo casum? multa dicentur, multa scribentur a nobis; sed alio modo & tempore. De sella Caesaris, bene tribuni. præclaros etiam xiv. ordines. Brutum apud me fuisse gaudeo: modo & libenter fuerit, & sat diu.

## CICERO ATTICO S.

4

**D**ecimo Kalend. hora iux. fere, a Q. Fusio venit tabellarius, nescio quid ab eo litterularum, uti me sibi restituerem: sane insulse, ut solet: nisi forte, quæ non ames, omnia videntur insulse fieri. scripsi ita, ut te probaturum existimem. mihi duas a te epistolas reddidit, unam xi, alteram x. ad recentiorum prius. Et legio? rem laudo. si vero etiam Carfulenus: *καταμαρτυρῶ*. Antonii consilia narras turbulenta: atque utinam potius per populum agat, quam per senatum! quod quidem ita credo, sed mihi totum ejus consilium ad bellum spectare videtur, si quidem D. Bruto pro- vincia eripitur. quoquo modo ego de illius nervis exi-



flimo, non videtur fieri posse sine bello. sed non cu-  
 pio, quoniam cavetur Butrotiis. rides? ast condeleo,  
 non mea potius affiduitate, diligentia, gratia perfici.  
 Quid scribis te nescire, quid nostris faciendum sit:  
 jam pridem me illa *ὑπορία* sollicitat. itaque stulta jam  
 Iduum Martiarum est consolatio. animis enim usi su-  
 mus virilibus; consiliis, mihi crede, puerilibus. ex-  
 cisa enim est arbor, non evulsa. itaque, quam fruti-  
 cetur, vides. redeamus igitur, quoniam sæpe usur-  
 pas, ad Tusculanas disputationes. Saufejum per te ce-  
 lemus. ego numquam indicabo. Quod te a Bruto  
 scribis; ut certior fieret, quo die in Tusculanum es-  
 sem futurus: ut ad te ante scripsit, vi. Kal. & quidem  
 ibi te quam primum per videre velim. puto enim no-  
 bis Lanuvium eundum, & quidem non sine multo  
 sermone. sed *μελεησας*. Redeo ad superiorem: ex qua  
 prætereo illa prima te Buthrotiis; quæ mihi sunt in-  
 clusa medullis; sit modo, ut scribis, locus agendi.  
 De oratione Bruti, profus contendis, cum iterum  
 tam multis verbis agis. egone ut eam causam, quam  
 is scripsit? ego scribam non rogatus ab eo? nulla *πα-  
 ρρηχειρησις* fieri potest contumeliosior. at, inquis, *Ἐρ-  
 κλειδιον* aliquod. non recuso id quidem; sed & compo-  
 nendum argumentum est, & scribendi expectandum  
 tempus maturius. licet enim de me, ut libet, existi-  
 mes (velim quidem quam optime); si hæc ita ma-  
 nent, ut videntur, (feres, quod dicam,) me Idus  
 Martiæ non delectant. ille enim numquam revertisset:  
 nos timor confirmare ejus acta non coegisset: aut,  
 (ut in Saufeji eam, relinquamque Tusculanas dispu-  
 tationes, ad quas tu enim Vestorium hortaris,) ita  
 gratiosi eramus apud illum, quem dii mortuum per-  
 dunt! ut nostræ ætati, quoniam interfecto domino  
 liberi non sumus, non fuerit dominus ille fugiendus.  
 rubeo, mihi crede. sed jam scripseram; delere nolui.  
 De Menedemo, vellem verum fuisset. De regina,  
 velim verum sit. Cetera coram, & maxime, quid  
 nostris faciendum sit; quid etiam nobis, si Antonius  
 militibus obsessurus est senatum. Hanc epistolam si  
 illius tabellario dedissem, veritus sum, ne solveret.  
 itaque



itaque mihi dedita opera. erat enim scribendum tuis. Quam vellem, Bruto studium tuum navare potuisses! ego igitur ad eum litteras. Ad Dolabellam Tironem mihi cum mandatis & litteris. eum ad te vocabis; &, si quid habebis, quod placeat, scribes. Ecce autem de transverso L. Cæsar, ut veniam ad se, rogat, in Nemus; aut scribam, quo se venire velim: Bruto enim placere, se a me conveniri. o rem odiosam & inexplicabilem! puto me ergo iturum, & inde Romam; nisi quid mutaro. Summatim adhuc ad te. nihildum enim a Balbo. tuas igitur exspecto, nec aëtorum solum, sed etiam futurorum.

## CICERO ATTICO S.

5

**A** Bruto tabellarius rediit. attulit & ab eo, & Cassio. consilium meum magnopere exquirunt: Brutus quidem, utrumque de duobus. o rem miseram! plane non habeo, quod scribam. itaque silentio puto me usurum; nisi quid aliud tibi videtur. fin tibi quid venit in mentem, scribe quæso. Cassius vero vehementer orat ac petit, ut Hirtium quam optimum faciam. sanum putas? *ὁ γναφεὺς ἀνδρῶν* epistolam tibi misi. Ut tu de provincia Bruti & Cassii per senatus consultum, ita scribit & Balbus & Hirtius: qui quidem, se aditum, etenim jam in Tusculano est: mihiq; ut absim, vehementer auctor est: & ille quidem periculi causa; quod sibi etiam fuisse dicit: ego autem, etiam ut nullum periculum sit: tantum abest, ut Antonii suspicionem fugere nunc curem, ne videar ejus secundis rebus non delectari, ut mihi causa sit, cur Romam venire nolim, ne illum videam. Varro autem noster ad me epistolam misit, sibi a nescio quo missam, (nomen enim delebat,) in qua scriptum erat, veteranos eos, qui rejiciantur, (nam partem esse dimissam,) improbiissime loqui, ut magno periculo Romæ sint futuri, qui ab eorum partibus dissentire videantur. qui porro noster itus, reditus, vultus, incessus inter istos? quod si, ut scribis, L. Antonius in Decimum, reliqui in nostros; ego quid faciam? aut quo me pacto geram? Mihi vero deliberatum est, ut  
nunc



nunc quidem est, abesse ex ea urbe, in qua non modo flori cum summa, verum etiam serviri cum aliqua dignitate. nec tam statui ex Italia exire, de quo tecum deliberabo, quam istuc non venire.

6

CICERO ATTICO S.

Cum ad me Brutus noster scripsisset & Cassius, ut Hirtium, quem adhuc bonum fuisse sciebant, neque eum confidebant fore, mea auctoritate meliorem facerem, (Antonio est enim fortasse iratior, causa vero amicissimus,) tamen ad eum scripsi, eique dignitatem Bruti & Cassii commendavi. ille quid mihi rescripsisset, scire te volui; si forte idem tu, quod ego, existimares, istos etiam nunc vereri, ne forte ipsi nostri plus animi habeant, quam habent.

HIRTIIUS CICERONI SUO S.

Rure jam redierim, quævis. an ego, cum omnes caleant, ignaviter aliquid faciam? etiam ex urbe sum profectus. utilius enim statui abesse. has tibi litteras exiens in Tusculanum scripsi. noli autem me tam strenuum putare, ut ad Nonas recurram. nihil enim jam video opus esse nostra cura: quoniam præsidia sunt in tot annos provisa. Brutus & Cassius utinam, quam facile a te de me impetrare possunt, ira per te exorentur, ne quod calidius incant consilium! cedentes enim hæc ais scripsisse: quo? aut quare? retine, obsecro te, Cicero, illos: & noli sinere hæc omnia perire, quæ furtivus medius fidius rapinis, incendiis, cædibus pervertuntur. tantum. si quid timent, caveant: nihil præterea moliantur. Non medius-fidius acerrimis consiliis plus, quam etiam inertissimis, dummodo diligentibus, consequenter. hæc enim, quæ fluunt, per se diuturna non sunt; in contentione præsentis ad nocendum habent vires. quid speres de illis, in Tusculanum ad me scribe.

Habes Hirtii epistolam: cui rescripsi, nil illos calidius cogitare, idque confirmavi. hoc quaecumque esset, te scire volui. Obsignata jam epistola, Balbus ad me, Serviliam rediisse, confirmare non discessuros. nunc exspecto a te litteras.

CICE.



## CICERO ATTICO S.

7

**G**ratum, quod mihi epistolas: quæ quidem me delectarunt, in primis Sexti nostri. dices, quia te laudat? puto mehercule id quoque esse causâ: sed tamen etiam ante, quam ad eum locum veni, valde mihi placebat, cum sensus ejus de republica, tum scribendi cura. Servius vero pacificator cum liberariolo suo videtur obiisse legationem, & omnes captiunculas pertimescere. debuerat autem, non ex jure manu confertum; sed quæ sequuntur. Tu quoque scribes.

## CICERO ATTICO S.

8

**P**ost tuum discessum binas a Balbo; nihil novi: itemque ab Hirtio; qui se scribit vehementer offensum esse veteranis. expectat animus, quidnam agam de Kalend. Martiis. misi igitur Tironem, & cum Tironem plures, quibus singulis: ut quidque accidisset, dares litteras: atque etiam scripsi ad Antonium de legatione: ne, si ad Dolabellam solum scripsissem, iracundus homo commoveretur. quod autem aditus ad eum difficilior esse dicitur; scripsi ad Eutrapelum, ut is ei meas litteras redderet, legatione mihi opus esse. honestior est votiva: sed licet uti utraque. De te, quæso, etiam atque etiam vide. velim possis coram: si minus possis, litteris idem consequemur. Græceus ad me scripsit, C. Cassium sibi scripsisse, homines comparari; qui armati in Tusculanum mitterentur. id quidem mihi non videbatur; sed cavendum tamen, villæque plures videndæ. sed aliquid crastinus dies ad cogitandum nobis de ea re.

## CICERO ATTICO S.

9

**T**ertio Nonas vesperi a Balbo redditæ mihi litteræ, fore Nonis senatum, ut Brutus in Asia, Cassius in Sicilia frumentum emendum, & ad urbem mittendum curarent. o rem miseram! primum ullam ab istis, dein, si aliquam, hanc legatoriam provinciam? atque haud scio, an melius sit, quam ad Eurotam sedere.



dere. sed hæc casus gubernabit. ait autem, eodem tempore decretum iri, ut iis & reliquis prætoris provinciæ decernantur. hoc certe melius, quam illa Persice porticus. nolo enim Lacedæmonem longinquam; Lanuvium existimavi. rides, inquires, in talibus rebus? quid faciam? plorando fessus sum. Dii immortales! quam me conturbatum tenuit epistolæ tuæ prior pagina? quid autem iste in domo tua casus armorum? sed hunc quidem nimbum cito transisse lætor. tu quid egeris tua cum tristī, tum etiam difficili ad consiliandum legatione, vehementer exspecto. est enim inexplicabilis. ita circumfledemur copiis omnibus. Me quidem Bruti litteræ, quas ostendis a te lectas, ita perturbarunt, ut quamquam ante egebam consilio, tamen animi dolore sim tradior. sed plura, cum ista cognoro. hoc autem tempore, quod scriberem, nihil erat, eoque minas, quod dubitabam, tu has ipsas litteras essesne accepturus. erat enim incertum, visurusne te esset tabellarius. ego tuas litteras vehementer exspecto.

10

CICERO ATTICO S.

**O** Bruti amanter scriptas litteras! o iniquum tuum tempus, qui ad eum ire non possis! ego autem quid scribam? ut beneficio istorum utantur? quid turpius? ut moliantur aliquid? nec audent, nec jam possunt. age, quiescant auctoribus nobis? quis incolumitatem præstat? si vero aliquid de Decimo gravius; quæ nostris vita, etiamsi nemo molestus sit? ludos vero non facere, quid scdus? frumentum imponere; quæ est alia Dionis legatio? aut quod munus in republica fordidius? prorsus quidem consilia tali in re ne iis quidem tuta sunt, qui dant. sed possim id negligere proficiens. frustra vero qui ingrediar? matris consilio cum utatur, vel etiam precibus, quid me interponam? sed tamen cogitabo, quo genere utar litterarum. nam silere non possum. statim igitur mittam vel Antium, vel Circeios.

CICE-



## CICERO ATTICO S.

11

**A**ntium veni ante vi. Kal. Bruto jucundus noster adventus. deinde multis audientibus, Servilia, Tertullia, Porcia, quærere, quid placeret. aderat etiam Favonius. ego, quod eram meditatus in via, suadere, ut uteretur Asiatica curatione frumenti; nihil esse jam reliqui, quod ageremus, nisi ut salvos esse. in eo etiam ipsi reipublicæ esse præsidium. quam orationem cum ingressus essem, Cassius intervenit. ego eadem illa repetivi. hoc loco, fortibus sane oculis Cassius, (Martem spirare diceret,) se in Siciliam non iturum. egone, ut beneficium accepisse in contumelia? quid ergo agis? inquam. at ille, in Achajam se iturum: quid tu, inquam, Brute? Romam, inquit, si tibi videtur. mihi vero minime: tuto enim non eris. quid? si possem esse placeretne? atque ut omnino, neque nunc, neque ex prætura in provinciam ires? sed auctor non sum, ut te urbi committas. dicebam ea, quæ tibi profecto in mentem veniunt, cur non esse tuto futurus. multo inde sermone quererebantur, atque id quidem Cassius maxime, amissas occasiones, Decimumque graviter accusabat. ego negabam oportere præterita assentiebar tamen. cumque ingressus essem dicere, quid oportuisset, (nec vero quidquam novi, sed ea, quæ quotidie omnes,) nec tamen illum locum attingerem, quemquam præterea oportuisse tangi, sed senatum vocari, populum ardentem studio vehementius incitari, totam susciperem rempublicam: exclamat tua familiaris: *hoc vero neminem unquam audiivi*. ego repressi. sed & Cassius mihi videbatur iturus: (et enim Servilia pollicebatur se curaturam, ut illa frumenti curatio de senatus consulto tolleretur:) & noster cito dejectus est de illo inani sermone. velle enim se dixerat. Constituit igitur, ut ludi, absente se, fierent suo nomine. proficisci autem mihi in Asiam videbatur ab Antio velle. ne multa; nihil me in illo itinere, præter conscientiam, delectavit. non enim fuit committendum, ut ille ex Italia prius, quam



a me conventus esset, discederet. hoc demto munere amoris atque officii, sequebatur, ut mecum ipse:

Ἡ δὲ 'odos σοι τὴ δύναται ἡν, διοργάνη;

prorsus dissolutum offendi navigium, vel potius dissipatum. nihil consilio, nihil ratione, nihil ordine. itaque etsi ne antea quidem dubitavi, tamen nunc eo minus, evolare hinc; idque quamprimum, ubi

„Nec Pelopidarum facta, neque famam audiam.

Sed heus tu, ne forte sis nescius, Dolabella me sibi legavit a. d. iv. Nonas. id mihi heri vesperi nuntiatum est. votiva ne tibi quidem placebat. etenim erat absurdum, quæ, si stetisset respublica, vovissem, ea me, eversa illa, vota dissolvere: & habent, opinor, liberæ legationes definitum tempus lege Julia; nec facile addi potest. Aveo genus legationis, ut, cum velis, introire, exire, liceat: quod nunc mihi additum est. bella est autem hujus juris quinquennii licentia. quamquam quid de quinquennio cogitem? contrahi mihi negotium videtur. sed βλασφημία mitamus.

12

CICERO ATTICO S.

**B**ene mehercule de Buthroto. at ego Tironem ad Dolabellam cum litteris, quia jusseras, miseram. quid nocet? De nostris autem Antiatis satis videbar plane scripsisse, ut non dubitares, essent quinetiosi futuri, usurique beneficio Antonii contumelioso. Cassius frumentatiam rem aspernabatur. eam Servilia sublaturam ex senatus consulto se esse dicebat. noster vero, καὶ πολλὰ σέμνος, in Asiam, posteaquam mihi est Assensus, tuto se Romæ esse non posse. ludos enim absens facere malebat, statim autem se iturum, simul ac ludorum apparatus iis, qui curaturi essent, tradidisset. navigia colligebat. erat animus in cursu. interea in eisdem locis erant futuri. Brutus quidem se ajebat Asituræ. L. quidem Antinus liberallyter litteris sine cura me esse jubet. habeo unum beneficium: alterum fortasse, si in Tusculanum venerim.



rit. o negotia non ferenda! quæ feruntur tamen. *ταῖς ἀσπίδων τῶν βέλτων τις εὐχρη?* Ostaviano, ut perpexi, satis ingenii, satis animi: videbaturque erga nostros *ἡγεῖται* ita fore, ut nos vellemus, animatus. sed quid ætati credendum sit, quid nomini, quid hereditati, quid *καταχρησῶν*, magni consilii est. vitricus quidem nihil censebat; quem Asturæ vidimus. sed tamen alendus est: &, ut nihil aliud, ab Antonio sejungendus. Marcellus præclare, si præcipit nostro nostri: cui quidem ille deditus mihi videbatur. Pansæ autem & Hirtio non nimis credebat. bona indoles, *ἡ αὖ διαίτη.*

## CICERO ATTICO S.

13

**O**stavo Kal. duas a te accepi epistolas. respondebo igitur priori prius. Assentior tibi, ut nec duces simus, nec agmen cogamus; faveamus tamen. Orationem tibi misi. ejus custodiendæ & proferendæ arbitrium tuum. sed quando illum diem, cum tu edendam putes? Inducias, quas scribis, non intelligo fieri posse. melior est *ἀνταρροπνοσία*: qua me usurum arbitror. Quod scribis legiones duas Brundisium venisse; vos omnia prius. scribes igitur, quidquid audieris. Varronis, *διαλογον* exspecto. Jam probo *ἡρακλειδιστον*, præsertim cum tu tantopere delectere: sed quale velis, velim scire. Quod ad te *antea*, atque adeo *prius* scripsi (sic enim mavis) ad scribendum, tibi iterò dicere, fecisti me acriorem. ad tuum enim judicium, quod mihi erat notum, addidisti Peducei auctoritatem, magnam quidem apud me, & in primis gravem. enitar igitur, ne desideres aut industriam meam, aut diligentiam. Vestenum, ut scribis, & Faberium foveo. Clælium nihil arbitror malitiose: quamquam. sed quid egerit? De libertate retinenda, qua certe nihil est dulcius, tibi assentior. Itane Gallo Caninio? o hominem nequam! quid enim dicam aliud? cautum Marcellum; me sic, sed non tamen cautissimum. Longiori epistolæ superiorique respondi. nunc breviori propiorique quid respondeam, nisi eam fuisse dulcissimam? Res Hispanienses valde bonæ. modo Balbium incolumem videam, subsidium nostræ se-



actutis. De Anniano item, quod me valde observat Vifellia. sed hæc quidem humana. De Bruto te nihil scire dicis: sed Selicia venisse M. Scaptium: eumque non qua pompa, ad se tamen clam venturum, sciturumque me omnia: quæ ego statim. interea narrat eadem, Bassi servum venisse, qui nuntiaret, legiones Alexandrinas in armis esse, Bassum arcessi, Cassium expectari. quid quæris? videtur respublica ius suum recuperatura. sed ne quid ante. nosti horum exercitationem in latrocinio & amentiam. Dolabella, vir optimus. etsi, cum scribebam, secunda mensa apposita, venisse eum ad Bajas audiebam; tamen ad me ex Formiano scripsit, (quas litteras, cum e balineo exissem, accepi,) sese de attributione omnia summa fecisse: Vestenum accusat: tricatur scilicet, ut homo talis. sed aut totum negotium Sextium nostrum suscepisse, optimum quidem illum virum, nostrique amantissimum. quæro autem, quid tandem Sextius in hac re facere possit, quod non quivis nostrum? sed, si quid præter spem erit, facies ut sciam. fin est, ut arbitror, negotium perditum, scribes tamen; neque ista res commovebit. Non hic φιλοσοφῶμεν, (quid enim aliud?) & τὰ περὶ τῆς καὶ ἀποκρίσεως magnifice explicamus, προσφώνημενque Ciceroni. qua de re enim potius pater filio? deinde alia. quid quæris? extabit opera peregrinationis hujus. Varronem hodie, aut cras venturum putabant. ego autem in Pompejanum properabam; non quo hoc loco quidquam pulchrius; sed interpellatores illic minus molesti. sed perscribe quæso, quæ causa sit Myrtilo, (pœnas quidem illum pependisse audivi,) & satisne pateat, unde corruptus. Hæc cum scriberem, tantum quod existimabam ad te orationem esse perlatam. hui, quam timeo, quid existimes. etsi quid ad me, quæ non sit foras proditura, nisi respublica recuperata? de quo quid sperem, non audeo scribere.

## 14 • CICERO ATTICO S.

Sexto Kal. accepi a Dolabella litteras, quarum exemplum tibi misi: in quibus erat, omnia se fecisse, quæ



quæ tu velles. statim ei rescripti, & multis verbis gratias egi. sed tamen, ne miraretur, cur idem iterum facerem, hoc causâ sumsi, quod ex te ipso coram antea nihil potuisssem cognoscere. sed quid multa? litteras hoc exemplo dedi.

## CICERO DOLABELLÆ COS. SUO.

**A**ntea cum per litteras Attici nostri de tua summa liberalitate, summoque erga se beneficio certior factus essem; cumque tu ipse etiam ad me scripsisses, te fecisse ea, quæ nos voluisssemus: egi tibi gratias per litteras iis verbis, ut intelligeres, nihil te mihi gratius facere potuisse, postea vero quam ipse Atticus ad me venit in Tusculanum hujus unius rei causâ, tibi ut apud me gratias ageret, ut cujus eximiam quandam, & admirabilem in causa Buthrotia voluntatem, & singularem erga se amorem perspexisset; teneri non potui, quin tibi apertius illud idem his litteris declararem. ex omnibus enim, mi Dolabella, studiis in me, & officiis, quæ summa sunt, hoc scito mihi & amplissimum videri, & gratissimum esse, quod perfeceris, ut Atticus intelligeret, quantum ego te, quam tu me amares, quod reliquum est, Buthrotiam & causam & civitatem, quamquam a te constituta est, (beneficia autem nostra tueri solemus,) tamen velim, receptam in fidem tuam, a me etiam atque etiam tibi commendatam, auctoritate & auxilio tuo rectam velis esse. satis erit in perpetuum Buthrotiis praesidii, magnaque cura & sollicitudine Atticum, & me liberaris; si hoc honoris mei causa susceperis, ut eos semper a te defensores velis. quod tu facias, te vehementer etiam atque etiam rogo.

His litteras scriptis, me ad *ovragus* dedi: quæ quidem, vereor, ne miniata cerula tua pluribus locis notandæ sint: ita sum *peritæos*, & magnis cogitationibus impeditus.

## CICERO ATTICO S.

15

**L** Antonio male sit, siquidem Buthrotiis molestus est. Ego testimonium composui: quod, cum voles, obsignabis. Tu numos Arpinatum, si L. Fa-



dius ædilis petet, vel omnes reddito. ego ad te alia  
 epistola scripsi de H-S ex, quæ Statio curarentur. si  
 ergo petet Fadius, ei volo reddi; præter Fadium,  
 nemini. apud me item puto depositum. id, scripsi ad  
 Erotem, ut redderet. Reginam odi. me jure face-  
 re scit, sponsor promissorum ejus Ammonius; quæ  
 quidem erant φιλολογία & dignitatis meæ, ut vel in  
 concione dicere auderem. Saram autem præterquam  
 quod nefarium hominem cognovi, præterea in me  
 contumacem. semel eum omnium domi meæ vidi.  
 cum φιλοφρονίας ex eo quærerem, quid opus esset; At-  
 ticum se dixit quærere. superbiam autem ipsius reginæ,  
 cum esset trans Tiberim in hortis, commemorare sine  
 magno dolore non possum. nihil igitur cum istis; nec  
 tam animum me, quam vix stomachum habere arbi-  
 trantur. Professionem meam, ut video, Erotis di-  
 spensatio impedit. nam cum ex reliquis, quæ Nonis  
 April. fecit, vel abundare debeam; cogor mutuari:  
 quodque ex istis fructuosis rebus receptum est, id ego  
 ad illud fanum sepositum putabam. sed hæc Tironi  
 mandavi, quem ob eam causam Romam misi. te no-  
 lui impeditum impedire. Cicero noster quo mode-  
 stior est, eo me magis commovet. ad me enim de  
 hac re nihil scripsit, ad quem nimirum potissimum de-  
 buit. scripsit hoc autem ad Tironem, sibi post Kal.  
 April. (sic enim annum tempus confici) nihil datum  
 esse: tibi pro tua natura semper placuisse, teque exi-  
 stimasse id etiam ad dignitatem meam pertinere, eum  
 non modo liberaliter a nobis, sed etiam ornate cu-  
 mulateque tractari. quare velim cures, (nec tibi ef-  
 fem molestus, si per alium hoc agere possem,) ut per-  
 mutetur Athenas. quod sit in annum sumtum, ei sci-  
 licet Eros numerabit. ejus rei causa Tironem misi.  
 curabis igitur, & ad me, si quid tibi de eo videbitur,  
 scribes.

16

CICERO ATTICO. S.

**T**andem a Cicerone tabellarius; & mehercule li-  
 teræ πεπρωµενας scriptæ: quod ipsum προκοπή ali-  
 quam significaret: itemque ceteri præclara scribunt.  
 Leonii.



Leonidas tamen retinet suum illud adhuc. summis vero laudibus Herodes. quid quæris? vel verba mihi dari facile patior in hoc, meque libenter præbeo credulum, Tu, velim, si quid tibi est a Statio scriptum, quod pertineat ad me, certior me facias. Narro tibi; hæc loca venusta sunt, abdita certe, & si quid scribere velis, ab arbitris libera. sed nescio quo modo *οἶκος φίλος*. itaque me referunt pedes in Tusculanum. & tamen hæc *ῥαπογρηφία* ripulæ videtur habitura celestem satietatem. equidem etiam temerem pluviam metuo, si prognostica nostra vera sunt. ranæ enim *ῥητορευσσιν*. Tu, quæso, fac sciam, ubi Brutum nostrum, & quo die videre possim.

## CICERO ATTICO S.

17

**D**uas accepi postridiæ Idus, alteram eo die datam, alteram Idibus. prius igitur superiori. De Bruto, cum scies. De consulum ficto timore cognoveram. Sica enim *φιλοσοφῶν* ille quidem, sed tumultuosius ad me etiam illam suspicionem pertulit. quid tu autem? *κα μὲν διδομένα*? nullum enim verbum a Siregio. non placet. De Platorio vicino tuo permolestè tuli, quemquam prius audisse, quam me. De Syro prudenter. L. Antonium per M. fratrem, ut arbitror, facillime deterrebis. Antroni vetui; sed nondum acceperas litteras; nec cuiquam, nisi L. Fadio ædili. aliter enim nec caute, nec jure fieri potest. Quod scribis tibi deesse H. S. C. quæ Ciceroni curata sint; velim ab Erothe quæras, ubi sit merces insularum. Arabioni de Sitio nihil irascor. ego de itinere, nisi explicato A, nihil cogito. quod idem tibi videri puto. Habes ad superiorem. nunc audi ad alteram. Tu vero facis, ut omnia, quod Serviliæ non dees, id est, Bruto. De regina gaudeo te non laborare; certe etiam tibi probari. Erotis rationes & ex Tirone cognovi, & vocavi ipsum. Gratissimum, quod polliceris, Ciceroni nihil defuturum: de quo mirabilia Messala; qui Lanuvio, rediens ab illis, venit ad me: & mehercule ipsius litteræ sic & *φιλοσοφῶν* & *εὐπνῆς* scriptæ, ut eas vel in agroasi audeam legere: quo magis illi in-



dulgendum puto. De Buciliano Sextium puto non moleste ferre. Ego, si Tiro ad me, cogito in Tusculanum. Tu vero, quidquid erit, quod me scire par sit, statim.

18

## CICERO ATTICO S.

Septimodecimo Kal. etsi satis videbar scripsisse ad te, quid mihi opus esset, & quid te facere vellem, si tibi commodum esset: tamen, cum profectus essem, & in lacu navigarem, Tironem statui ad te esse mittendum, ut iis negotiis, quæ agerentur, interesset: atque etiam scripsi ad Dolabellam, me, si ei videretur, velle proficisci, petique ab eo de mulis vecuræ itineris: & in eis, quoniam intelligo te distantissimum esse, qua de Bruthroitiis, qua de Bruto, cujus etiam ludorum seorsum curam, etiam administrationem suspicor ex magna parte ad te pertinere; ut ergo in ejusmodi re, tribues nobis paullum operæ. nec enim multum opus est, mihi res ad eadem, & eam quidem propinquam, spectare videtur. vides homines; vides arma. prorsus non mihi videor esse tutus. sin tu aliter sentis, velim ad me scribas. domi enim manere, si recte possum, multo malo.

19

## CICERO ATTICO S.

Quidnam est, quod audendum amplius de Bruthroitiis? stetit enim te frustra scribis. quid autem se refert Brutus? doleo mehercule, te tam esse detentum: quod decem hominibus referendum acceptum. est illud quidem *εργαζομαι*, sed *αδεντομαι*, mihi que gratissimum. De armis, nihil vidi apertius. fugiamus igitur. at, ut ais, coram. Theophanes quid velit, nescio. scripserat enim ad me. cui rescripsi, ut potui. mihi autem scribit, venire ad me se velle, ut & de suis rebus, & quædam, quæ ad me pertineant. tuas litteras exspecto. vide quæso, ne quid temere fiat. Statius scripsit ad me, locutum secum esse Q. Ciceronem valde asseveranter, se hæc ferre non posse: certum sibi esse, ad Brutum & Cassium transire. hoc enim.



enimvero nunc discere aveo: hoc ego, quid sit, interpretari non possum. potest aliquid iratus Antonio: potest gloriam novam quærere: potest totum esse *οχιδαρμα*: & nimirum ita est. sed tamen & ego vereor, & pater conturbatus est. scit enim, quæ ille de hoc: mecum quidem *αφαρα* olim. plane, quid velit, nescio. A Dolabella mandata habeo, quæ mihi videbuntur, id est, nihil. Dic mihi, C. Antonius voluitne fieri septemvir? fuit certe dignus, De Menedemo est, ut scribis. facies omnia mihi nota.

## CICERO ATTICO S.

20

Egi gratias Vesteno: nihil enim potuit humanius. Dolabellæ mandata sint quælibet: mihi aliquid, vel quod Nicæ nuntiem. quis enim hæc, ut scribis, anteno? nunc dubitare quemquam prudentem, quin meus discessus desperationis sit, non legationis? Quod ais, extrema quædam jam homines de republica loqui, & eos quidem viros bonos: ego, quò die audiui illum tyrannum in concione CLARISSIMUM VIRUM appellari, subdiffidere cæpi: postea vero quam tecum Lanuvii vidi, nostros tantum spei habere ad vivendum, quantum acceperant ab Antonio, desperavi. itaque, mi Attice, fortiter hoc velim accipias, ut ego scribo. genus illud interitus, quo casurus est, sædum duces, & quasi denuntiatus nobis ab Antonio. ex hac naxa exire constitui, non ad fugam, sed ad spem mortis melioris. hæc omnis culpa Bruti. Pompejum Carthæjæ rescribis: jam igitur contra hunc exercitum. utra ergo castra? media enim tollit Antonius. illa infirma, hæc nefaria. properemus igitur. sed juva me consilio, Brundisione, an Puteolis. Brutus quidem subito: sed sapienter. *παρρησι*. quando enim illum? sed humana ferenda: tu ipse eum videre non potes. dii illi mortuo, qui umquam Buthrotum! sed acta missa. videamus, quæ agenda sint. Rationes Erotis, etsi ipsum nondum vidi, tamen & ex litteris ejus, & ex eo, quod Tiro cognovit, propemodum cognititas habeo. versuram scribis esse faciendam mensium quinque; id est, ad Kal. Novemb. H. S. cc. in



eam diem cadere numos, qui a Quinto debentur. velim igitur, quoniam Tiro negat tibi placere, me ejus rei causa Romam venire; si te ea res nihil offendet, videas, unde numi sint; mihi feras expensum. hoc video in praesentia opus esse. reliqua diligentius ex hoc ipso exquiram; in his, de mercedibus dotalium praediorum: quae si fideliter Ciceroni curabuntur, quamquam volo laxius, tamen ei propemodum nihil deerit. equidem video mihi quoque opus esse viaticum. sed id ex praediis, ut cadet, ita solvetur: mihi autem opus est universo quidem etsi mihi videtur iste, qui umbras timet, ad eadem spectare; tamen nisi explicata solutione, non sum discessurus. sitne autem extricata, necne, tecum cognoscam. Haec putavi mea manu scribenda: itaque feci. De Fadio, ut scribis: utique alii nemini. rescribas velim hodie.

21

CICERO ATTICO S.

**N**arro tibi; Q. pater exultat laetitia. scripsit enim filius, se idcirco profugere ad Brutum voluisse, quod, cum sibi negotium daret Antonius, ut eum dictatorem efficeret, praesidium occuparet, id recusasset; recusasse autem se, ne patris animum offenderet: ex eo sibi illum hostem. tum me, inquit, collegi, verens, ne quid mihi ille iratus tibi noceret. itaque eum placavi. & quidem ecce certa, reliqua in spe. scribit autem Statius, illum cum patre habitare velle. hoc vero mirum: & id gaudet. equem tu illo certiorum nebulonem? *ἡγεμονίᾳ* vestram de re Cani deliberationis probo. nihil eram suspicatus de tabulis: *ἀνεγκαίως* restitutam arbitrabar. Quae differs, ut mecum coram, expectabo. Tabellarios, quoad voles, tenebis. es enim occupatus. Quod ad Xenonem, probe. Quod scribo, cum absolvero. Quinto scripsisti, te ad eum litteras: nemo attulerat. Tiro negat jam tibi placere Brundisium, & quidem dicere aliquid de militibus. at ego jam destinaram, Hydruntem quidem. movebant me tux quinque horae. hic autem quantus *πᾶσι*? sed videbimus. Nullas a te xi. Kal. quippea quid enim jam novi? cum primum igitur poteris, venies.



nies. ego propero, ne ante Sextus; quem adventare ajunt.

## CICERO ATTICO S.

22

**G**ratulor nobis Q. filium exiisse: molestus non erit. Pansa bene loqui credo. semper enim conjunctum esse cum Hirtio scio. amicissimum Bruto & Cassio puto, si expediet. sed quando illos videbit? inimicum Antonio: quando, aut cur? quousque ludemur? Ego autem scripsi Sextum adventare, non quo jam adesset, sed quia certe id ageret, ab armisque nullus discederet. certe, si pergit, bellum paratum est. hic autem noster Cytherius, nisi victorem, neminem visurum. quid ad hæc Pansa? utro erit, si bellum erit? quod videtur fore. sed & hæc, & alia coram: hodie quidem, ut scribis, aut cras.

## CICERO ATTICO S.

23

**M**irifice torqueor, sine dolore tamen: sed permulta mihi de nostro itinere in utramque partem occurrunt. quousque? inquires. quoad erit integrum: erit autem usque dum ad navem. Pansa si rescripserit, & meam tibi, & illius epistolam mittam. Silium expectabam; cui *utroque* compositum. si quid novi. Ego litteras misi ad Brutum: cujus de itinere etiam ex te velim, si quid scies, cognoscere.

## CICERO ATTICO S.

24

**T**abellarius, quem ad Brutum miseram, ex itinere rediit vii. Kal. ei Servilia dixit, eo die Brutum H. m. profectum. sane dolui, meas litteras redditas non esse. Silius ad me non venerat. causam composui. cum libellum tibi misi. te quo die expectem, velim scire.

## CICERO ATTICO S.

25

**D**e meo itinere variæ sententiæ. multi enim ad me. sed tu incumbe, quæso, in eam curam. magna res est. an probas, si ad Kal. Jan. cogitamus? meus animus est æquus, sic tamen, ut nihil offensionis sit:



& tu etiam scite, quo die olim piaculum, mysteria scilicet. ut ut sit res, casus consilium nostri itineris iudicabit. dubitemus igitur. est enim hiberna navigatio odiosa; eoque ex te quæsieram mysteriorum diem. Brutum, ut scribis, visum iri a me puto. ego hinc volo prid. Kal.

26

## CICERO ATTICO S.

**D**e Quinti negotio video a te omnia facta. ille tamen dolet, dubitans, utrum morem gerat Leptæ, an fidem infirmet, filio. Inaudi vi L. Pisonem velle exire legatum *Ἰουδαιαν* senatus consulto. velim scire, quid sit. Tabellarius ille, quem tibi dixeram a me ad Brutum esse missum in Anagninum, ad me venit ea nocte, quæ proxima ante Kal. fuit, litterasque ad me attulit: in quibus unum alienum summa sua prudentia, [id est illud,] ut spectem ludos suos. rescripsi scilicet, primum me jam profectum, ut non integrum sit: dein, *ἡτοιμασέν* esse, me, qui Romam omnino post hæc arma non accesserim, neque id tam periculi mei causa fecerim, quam dignitatis, subito ad ludos venire. tali enim tempore, ludos facere illi honestum est, cui necesse est: spectare, mihi ut non est necesse, sic ne honestum quidem est. equidem illos celebrari, & esse quam gratissimos mirabiliter cupio; idque ita futurum esse confido: & tecum ego, ut jam ab ipsa commissione ad me, quemadmodum accipiantur; deinde omnino reliquorum dies singulos persequare. sed de ludis hætenus. Reliqua pars epistolæ est illa quidem in utramque partem: sed tamen nonnullos interdum jacet igniculos viriles: quod quale tibi videretur, ut posses interpretari, misi ad te exemplum epistolæ. quamquam mihi tabellarius noster dixerat, tibi quoque se attulisse litteras a Bruto, easque ad te e Tusculano esse delatas. Ego itinera sic composueram, ut Nonis Quint. Puteolis essem. valde enim festino; ita tamen, ut, quantum homo possit, quam cautissime navigem. M. Alium cura liberabis: is me paucos specus in extremo fundo, & eos quidem subterraneos; servitutis putat aliquid habitu-

ros;



ros: id me jam nolle, neque mihi quidquam esse tanti; sed, ut mihi dicebas, quam lenissime, potius ut cura liberetur, quam ut me succensere aliquid suspicetur. Idem de illo Tulliano capite libere cum Cascelio loquarē. parva res est: sed tu bene attendisti: nimis callide agebatur. ego autem, si mihi imposuisset aliquid, quod pāne fecit, nisi tua malitia abfuisset, animo iniquo tulissem. itaque, ut ut erit, rem impediri malo. Octavam partem tui luminarium in ædium adstranæ memineris. cui Cærellia, videris mancipio dare ad eam summam, quæ sub præcone fuit maxima: id opinor esse CCC LXXX. Novi si quid erit, atque etiam si quid prospicies, quod futurum putes, scribas ad me quam sæpissime velim. Varroni, quemadmodum tibi mandavi, memineris excusare tarditatem litterarum mearum. Mundus istum. M. Ennius quid egerit de testamento (curiosus enim) facias me velim certiozem. Ex Arpinati, vi. Non.

## CICERO ATTICO S.

27

Gaudeo id te mihi suadere, quod ego mea sponte pridie feceram. nam cum ad te vi. Non. darem, eidem tabellario dedi etiam ad Sextium scriptas *ταύτην φιλοσοφίαν*. Ille autem, quod Puteolos prosequitur, humane; quod queritur, injuste. non enim ego tam illum expectare, cum de Cosano rediret, debui, quam ille aut non ire ante, quam me vidisset, aut citius reverti. sciebat enim me celeriter velle proficisci, seseque ad me in Tusculanum scripserat esse venturum. Te, ut a me discesseris, lacrimasse, moleste ferebam. quod si me præsentem fecisses, consilium totius itineris fortasse mutassem. sed illud præclare, quod te consolata est spes brevi tempore congregiendi: quæ quidem expectatio me maxime sustentat. meæ tibi litteræ non deerunt. De Bruto, scribam ad te omnia. Librum tibi celeriter mittam de Gloria. excudam aliquid *Ἠερκελιδιον*, quod lateat in thesauris tuis. De Planco, memini. Attica jure queritur. Quod me de Bacchide, de statuarum coronis certiozem fecisti, valde gratum: nec quidquam posthac,



hac, non modo tantum, sed ne tantulum quidem præterieris. Et de Herode & Mettio meminero, & de omnibus, quæ te velle suspicabor modo. o turpem sororis tuæ filium, cum hæc scriberem. adventabat autem *βυλγοις* cenantibus nobis.

28

CICERO ATTICO S.

**E**go, tu ad te pridie scripseram, Nonis constitueram venire in Tusculanum. ibi igitur quotidie tuas litteras expectabo, & maxime de ludis; de quibus etiam ad Brutum tibi scribendum est. cujus epistolæ, quam interpretari ipse vix poteram, exemplum pridie tibi miseram. Atticæ meæ velim me ita excuses, ut omnem culpam in te transferas, & ei tamen confirmes, me minime totum amorem eo mecum attulisse.

29

CICERO ATTICO S.

**B**ruti ad te epistolam misi. dii boni, quanta *ἀμυγα* *νία* cognosces, cum legeris. De celebratione ludorum Bruti, tibi assentior. Ad M. Ælium nullus tu quidem domum, sed sicubi inciderit. De Tulliano semisse, M. Axianum adhibebis, ut scribis. Quod cum Cassiano egisti, optime. Quod non solum mea, verum etiam tua expedis, gratum. Legationem probari meam, gaudeo. Quod promittis, dii faxint. quid enim mihi meis jucundius? sed istam, quam tu excipis, metuo. Brutum cum convenero, perscribam omnia. De Planco, & Decimo, sane velim. Sextum scutum abjicere nolebam. De Mundo, si quid scies. Rescripsi ad omnia tua. nunc nostra accipe. Quintus filius usque Puteolos: (mirus civis, ut tu Favonium, Asinium dicas:) & quidem duas ob causas, & ut mecum, & *ἐκτινασθαι* vult cum Bruto & Cassio. Sed tu quid ais? scio enim te familiarem esse Othonum. ait hic sibi Juliam ferre. constitutum enim esse discidium, quæsit ex me pater, qualis esset fama. dixi, nihil sane me audisse (nesciebam enim, cur quæreret,) nisi de ore, & patre. sed quorsus, inquam?



quā? at ille, filium velle. tum ego, etsi <sup>ἐδδελυτο-</sup> <sup>μην</sup>, tamen negavi putare me illa esse vera: σκοπος (hoc est enim) huic nostro nihil præbere. illa autem <sup>ἡ παρὰ τὸν</sup>. ego tamen suspicor, hunc, ut solet, alludinari. sed velim quæras: (facile autem potes:) & me certiozem. Obsecro te, quid est hoc? Signata jam epistola, Formiani, qui apud me cenabant, Plan- cum se, agebant, hunc Buthrotium, pridie, quam hoc scribebam, id est iv. Nonas, vidisse demissum, sine phaleris: servulos autem dicere, eum & agripe- tas ejectos a Buthrotiis. macte. sed amabo te, per- scribe mihi totum negotium.

M. TULLII CICERONIS  
EPISTOLARUM

A D

ATTICUM,  
LIBER XVI.

ARGUMENTUM.

*Male affecta oppressaque civitate armis Antonii, relique publica salute desperata, quod adhuc C. Casare vivente cogitaverat, iter in Græciam Cicero est ingressus, re tamen prius lente deliberata, quod & futuris de se ho- minum sermonibus moveretur, id ægre a suis villulis Italiaque avelleretur. Ergo Puteolos primum progres- sus, inque Neside Brutum allocutus, classem una cum Cassio parantem, qua ille in Macedoniam, hic in Sy- riam navigarent: Kalendis Sext. Rhegio conscendens, venit Syracusas. unde cum transmittere vellet in Græ- ciam, bisque ad Leucopetram, quod est agri Rhegini promontorium, Austro rejectus esset, profectionis consi- lium*



lium abiecit: eoque magis, quod boni quidam nuntii eo Roma venerunt, fore ut Antonius esset in potestate Senatus, Senatores in urbem redirent, res conveniret. Hac igitur spe commotus Romam rediit, urbemque ingressus est Kalendis Septembris. & iv. Non. hoc est postridie Kalendas, ut scribitur Philip. V. eam dixit orationem, quæ est in Antonium prima. Fuit deinde partim Roma, partim in suis prædiis: quæ omnia commemorantur sex primis epistolis. Reliquæ scriptæ sunt incertis quidem diebus magna ex parte: omnes tamen ante Kal. Jan. quo toto tempore hæc gesta fuisse traduntur. Cum M. Antonius & Octavianus occultis potius odiis inter se, quam aperta vi certarent, alterque alterum insidiis prævertere conaretur: Antonius ante diem vii. Id. Oct. Brundisium venit, profectus obviam legionibus Macedonicis quatuor, ut eas sibi pecunia conciliaret: quas tamen, quod quidam ab Octaviano præmissi multo plus obulerant, attrahere ad se non potuit. Itaque & Martia & Decima illum postea deseruerunt, ad Octavianum transferunt: qui item Octavianus eo ipso tempore, quo Antonius Brundisii fuit, ipse in Campaniam pergens, magnum veteranorum numerum, ingenti spe, ingentique pecunia cepit. nimirum denariis, ut Cicero ait, cccc. Idque initium fuit armorum inter ipsos, cum antea neque bellum gererent neque pacem haberent. Et hoc tempus illud fuit, cum Cicero ab Octaviano, per speciem capeffendæ Reip. in Antonium sollicitatus est; nihil se, nisi de illius consilio, uec nisi per senatum facturum, pollicente. Scriptæ sunt omnes, Antonio & Dolabella Coss. ex a. d. vii. Id. Quint. ad Nonas circiter Decembris. Atque his quidem multa alia continentur, sed vel domestica, vel hac pertinentia.

## CICERO ATTICO S.

**N**onis Quint. veni in Puteolanum. postridie iens ad Brutum in Nesidem hæc scripsi. sed eo die, quo veneram, cenanti Eros tuas litteras. Itane? Nonis Iuliis? Dii hercule istis! sed stomachari totum diem licet. quidquamne turpius, quam Bruto, Iuliis? redeo



redeo ad meum igitur, ἐπι' ἐαυτον? nihil vidi. Sed quid est quæso, quod agripetas Buthroti concisos audio? quid autem Plancus tam cursim (ita enim audiebam) diem & noctem? sane cupio scire, quid sit. Meam professionem laudari gaudeo. videndum est, ut mansio laudetur. Dimæos, agro pullos, mare infestum habere, nil mirum. ἐν ὁμοπλοια Bruti videtur aliquid præsidii esse. sed, opinor, minuta navigia. sed jam sciam, & ad te cras. De Ventidio, πανικον puto. De Sexto, pro certe habebatur, hæud arma. quod si verum est; sine bello civili video serviendum. quid ergo? Kal. Jan. in Pansa spes? ληρος πολυς, in vino, & in somno istorum. De ccx, optime Ciceronis explicantur. Ovius enim recens: is multa, quæ vellem: in his ne hoc quidem malum, in mandatis sat abunde: H-S LXXII. satis esse, assatim prorsus; sed Xenonem perexigue, & γλισχρος præbere, [id est minutatim]. quo plus permutasti, quam ad fructum infusularum, id ille annus habeat, in quem itineris sumtus accessit. hinc ex Kal. April. ad H-S LXXX. accommodetur. nunc enim insulæ tantum. videndum enim est, quid, cum Romæ erit. non enim puto socrum illam ferendam. Pindaro de Cumano negaram. Nunc, cuius rei causa tabellarium miserim, accipe. Q. filius, mihi pollicetur se Catonem. egit autem & pater, & filius, ut tibi sponderem: sed ita, ut tum crederes, cum ipse cognosces. huic ego litteras ipsius arbitratur dabo. ex te ne moverint. has scripsi in eam partem, ne me motum putares. dii faxint, ut faciat ea, quæ præmittit! commune enim gaudium. sed ego nihil dico amplius. is hinc vi Idus. ait enim attributionem in Idus, se autem urgeri acriter. tu ex meis litteris, quo modo respondeas, moderabere. Plura, cum & Brutum videro, & Erotem remittam. Atticæ meæ excusationem accipio, eamque amo plurimum: cui, & Filiæ salutem.

## CICERO ATTICO S.

2

Sexto Idus duas epistolas accepi, unam a meo tabellario, alteram a Bruti. De Buthrotiis longe alia fama



fama in his locis fuerat: sed cum aliis multis hoc ferendum. Erotem remisi citius, quam constitueram, ut esset, qui Hortensio: & quia equitibus quidem ais se Idibus constituisse. Hortensius vero impudenter. nihil enim debetur ei, nisi ex tertia pensione, quæ est Kal. Sext. ex qua pensione ipsa major pars est ei soluta aliquanto ante diem. sed hæc Eros videbit Idibus. De Publio autem, quod perscribi oportet, moram non puto esse faciendam. sed cum videas, quantum de jure nostro decesserimus, qui de residuis cccc. H. S. cc. præsentia solverimus, reliqua rescribamus: loqui cum eo, si videbitur, poteris, eum commodum nostrum expectare debere, cum tanta sit a nobis iactura facta juris. Sed amabo te, mi Attice, (videsne, quam blande?) omnia nostra, quoad eris Romæ, ita gerito, regito, gubernato, ut nihil a me expectes. quamquam enim reliqua satis apta sunt ad solvendum; tamen fit sæpe, ut ii, qui debent, non respondeant ad tempus. si quid ejusmodi acciderit, ne quid tibi sit fama mea potius. non modo verura, verum etiam venditione, si ita res coget, nos vindicabis. Bruto tuæ literæ gratæ erant. fui enim apud illum multas horas in Neside, cum paullo ante tuas litteras accepssem. delectari mihi Tereo videbatur, & habere majorem Accio, quam Antonio, gratiam. mihi autem quo lætiora sunt, eo plus stomachi & molestiæ est, populum Romanum manus suas non in defendenda republica, sed in plaudendo consumere. mihi quidem videntur istorum animi incendi etiam ad representandam improbitatem suam. sed tamen, *dummodo doleat aliquid, doleat quodlibet.* Consilium meum quod ais quotidie magis laudari, non moleste fero; expectabamque, si quid de eo ad me scriberes. ego enim in varios sermones incidebam. quin etiam idcirco trahebam, ut quam diutissime integrum esset, sed quoniam furcilla extrudimur, Brundisium cogito. facilius enim & exploratior devitatio legionum fore videtur, quam piratarum, qui apparere dicuntur. Sextius vi. Idus expectabatur, sed non venerat, quod sciam. Cassius cum classicula sua venerat. ego, cum

cum



cum vidissem, v. Kal. in Pompejanum cogitabam, inde Aculanum. nosti reliqua. De Tutia ita putarem. De Eburio, non credo: nec tamen curo plus, quam tu. Planco & Oppio scripsi equidem, quoniam rogaras: sed, si tibi videbatur, ne necesse habueris reddere. cum enim tua causa fecerint omnia; vereor, ne meas litteras supervacaneas arbitrentur. Oppio quidem utique: quem tibi amicissimum cognovi. verum, ut voles. Tu, quoniam scribis hie-maturum te in Epiro, feceris mihi gratum, si ante eo veneris, quam mihi in Italiam, te auctore, veniendum sit. litteras ad me quam sapissime, sed de rebus minus necessariis, aliquem nactus; sin autem erit quid majus, domo mittito. *Ἡρακλίδειον*, si Brundisium salvi, adoriemur. de Gloria misi tibi. custodias igitur, ut soles: (sed notent eclogarii:) quos Salvius, bonos auctores nactus, in convivio duntaxat legat. mihi valde placent: mallet tibi. Etiam atque etiam vale.

## CICERO ATTICO S.

3

**T**u vero sapienter. nunc demum enim rescribo his litteris, quas mihi misisti, convento Antonio Tiburi. sapienter igitur, quod manus dedisti, quoque etiam ultro gratias egisti. certe enim, ut scribis, deferemur potius a republica, quam a re familiari. quod vero scribis te magis & magis delectari, o TITE SI QUID EGO: addis mihi scribendi alacritatem. Quod Erotem non sine munusculo exspectare dicis; gaudeo, non fefellisse eam rem opinionem tuam: sed tamen idem *συμπάγμαι* misi ad te retractatius, & quidem *ἀγχιεῦπον* ipsum crebris locis inculcatum & refectum. hunc tu tralatium in macrocolum lege arcano convivis tuis: sed, si me amas, hilaris & bene acceptis, ne in me stomachum erumpant, cum sint tibi irati. De Cicerone, velim ita sit, ut audimus. De Xenone, coram cognoscam: quamquam nihil ab eo arbitror neque indiligenter, neque illiberaliter. De Herode, faciam, ut mandas: & ea, quæ scribis, ex Saufejo, & e Xenone cognoscam. De Q. filio, gaudeo



deo tibi meas litteras prius a tabellario meo, quam ab ipso, redditas: quamquam te nihil fefellisset. verumtamen. sed exspecto, quid ille tecum, quid tu vicissim: nec dubito, quin suo more uterque. sed eas litteras Curium mihi spero redditurum: qui quidem, etsi per se est amabilis, a meque diligitur; tamen accedit magnus cumulus commendationis tuæ. Litteris tuis satis responsum est: nunc audi, quod, etsi intelligo scribi necesse non esse, scribo tamen. Multa me movent in discessu, in primis mehercule, quod dijungor a te. movet etiam navigationis labor, alienus non ab ætate solum nostra, verum etiam a dignitate; tempusque discessus subabsurdum. relinquimus enim pacem, ut ad bellum revertamur; quodque temporis in prædiolis nostris, & belle ædificatis, & satis amœnis consumi potuit, in peregrinatione consumimus. consolantur hæc. aut proderimus aliquid Ciceroni: aut, quantum proficisci possit, judicabimus. deinde tu jam, ut spero, & ut promittis, aderis. quod quidem si acciderit, omnia nobis erunt meliora. Maxime autem me angit ratio reliquorum meorum: quæ quamquam explicata sunt; tamen, quod & Dolabella nomen in iis est, & attributione mihi nomina ignota, conturbor: nec me ulla res magis angit ex omnibus: itaque non mihi videor errasse, quod ad Balbum scripsi apertius, ut, si quid tale accidisset, ut non concurrerent nomina, subveniret; meque tibi etiam mandasse, ut, si quid ejusmodi accidisset, cum eo communicares: quod facies, si tibi videbitur, eoque magis, si proficisceris in Epirum. Hæc ego conscendens e Pompejano tribus æsuariolis, decem scalmis. Brutus erat in Neside etiam nunc, Neapoli Cassius. Eequid amas Dejotarum, & non amas Hieram? qui, ut Blesamius venit ad me, cum ei præscriptum esset, ne quid sine Sexti nostri sententia ageret: neque ad illum, neque ad quemquam nostrum retulit. Atticam nostram cupio absentem suaviari: ita mihi dulcis salus visa est, per te missa ab illa. referes igitur ei plurimam, itemque Piliæ dicas velim.

CICE.



## CICERO ATTICO S.

4

Ita ut heri tibi narraui, vel fortasse hodie, (Quintus enim altero die se aiebat,) in Nesida viui. Idus ibi Brutus. quam ille doluit de Nonis Julius? mirifice est conturbatus. itaque sese scripturum aiebat, ut venerationem etiam, quæ postridie ludos Apollinares futura est, proferberent ut. ID. QUINTI. Libo intervenit. is Philonem, Pompeii libertum, & Hilarum, suum, venisse a Sexto cum litteris ad consules, sive quo alio nomine sunt. earum exemplum nobis legit, si quid videretur. pauca παρα λέξω, cetero: qui & satis graviter, & non contumaciter. tantum addi placuit, quod erat coss. solum, ut esset, PRÆT. TRIBB. PLEB. SENATUI; ne illi non proferrent eos, quæ ad ipsos missæ essent. Sextum autem nuntiant cum una solum legione fuisse Karthagine: eique, eo ipso die, quo oppidum Boream cepisset, nuntiatum esse de Cæsare: capto oppido, miram lætitiæ commutationemque animorum, concursumque undique: sed illum ad sex legiones, quas in ulteriore reliquisset, revertisse. ad ipsum autem Libonem scripsit, nihil esse, nisi ad larem suum liceret. summa postulatorum, ut omnes exercitus dimittantur, qui ubique sint. Hæc fere de Sexto. De Bruthroitiis undique quærens, nihil reperiebam. alii, concisos agripetas: alii, Plancum, acceptis numis, relictis illis, aufugisse. itaque non video sciturum me, quid ejus sit, ni statim aliquid litterarum. Iter illud Brundisium, de quo dubitabam, sublatum videtur. legiones enim adventare dicuntur. hæc autem navigatio habet quasdam suspiciones periculi. itaque constituiebam uti ὁμοπλοία, paratiorem offendi Brutum, quem audiebam. nam & ipse Domitius bona plane habet dicrota: suntque navigia præterea luculenta Sextii, Buciliani, ceterorum. nam Cassii classem, quæ plane bella est, non numero ultra fretum. illud est mihi submolestum, quod parum Brutus properare videtur. primum confectum ludorum nuntios exspectat: deinde, quantum intelligo, tarde est na-



vigaturus, consistens in locis pluribus. tamen arbitror esse commodius tarde navigare, quam omnino non navigare: & si, cum processerimus, exploratoria videbuntur, Eteflis utemur.

5

CICERO ATTICO S.

**T**uas jam litteras Brutus expectabat: cui quidem ego non novum attuleram de Tereo Attii. ille Brutum putabat. sed tamen rumoris nescio quid afflaverat, commissione Græcorum, frequentiam non fuisse: quod quidem me minime fefellit. scis enim, quid ego de Græcis ludis existimem. Nunc audi, quod pluris est, quam omnia. Quintus fuit mecum dies complures: & si ego cuperem, ille vel plures fuisset; sed quantum fuit, incredibile est, quam me in omni genere delectarit: in eoque maxime, in quo minime satisfaciebat. sic enim commutatus est totus & scriptis meis quibusdam, quæ in manibus habebam, & assiduitate orationis, & præceptis, ut tali animo in rempublicam, quali nos volumus, futurus sit. hoc cum mihi non modo confirmasset, sed etiam persuasisset; egit mecum accurate multis verbis, tibi ut sponderem, se dignum & te & nobis futurum: neque se postulare, ut statim crederes; sed, cum ipse perspexisses, tum ut se amares. quod nisi fidem mihi fecisset, judicassetque hoc, quod dico, firmum fore; non fecissem id, quod dicturus sum. duxi enim mecum adolescentem ad Brutum. sic ei probatum est, quod ad te scribo, ut ipse crediderit, me sponso rem accipere noluerit, eumque laudans, amicissime mentionem tui fecerit, complexus osculatusque dimiserit. Quamobrem etsi magis est, quod gratuler tibi, quam quod te rogem: tamen etiam rogo, ut, si quæ minus antea, propter infirmitatem ætatis, constanter ab eo fieri videbantur, ea iudices illum abjecisse; mihi que credas, multum allaturam, vel plurimum potius, ad illius iudicium confirmandum, auctoritatem tuam. Bruto cum sæpe injecissem de *ομοφροσυνῇ*, non perinde, atque ego putaram, arripere visus est. exultabam *μακροχρότειον* esse: & hercule erat, & maxime de



de Iudis. at mihi, cum ad villam rediissem, Cn. Luc-  
cejus, qui multum utitur Bruto, narravit, illum valde  
morari, non tergiversantem, sed expectantem, si qui  
forte casus. itaque dubito, an Venusiam tendam, &  
ibi expectem de legionibus: si aberunt, ut quidam  
arbitrantur, Hydruntem: si neutrum erit *ασφαλές*,  
eodem revertar. joculari me putas? moriar, si quisquam  
me tenet præter te. etenim circumspecte: sed ante eru-  
besco. O dies in auspiciis Lepidi lepide descriptos,  
& apte ad consilium reditus nostri. magna *γοη* ad pro-  
ficiscendum tuis litteris. atque utinam te illic! sed ut  
conducere putabis. Nepotis epistolam expecto. cu-  
pidus ille meorum, qui ea, quibus maxime *γὰρ*  
legenda non putet? & ais, *μὴ ἀμύμονα*. tu vero *ἀμύ-  
μων*, ille quidem *ἀμβροτος*. Mearum epistolarum nulla  
est *συναγὰς* sed habet Tiro instar septuaginta. & qui-  
dem sunt a te quædam sumendæ. eas ego, oportet,  
perspiciam, corrigam. tum denique edentur.

## CICERO ATTICO S.

6

Ego adhuc (pervenî enim Vibonem ad Sicam) ma-  
gis commode, quam strenue navigavi: remis  
enim magnam partem: prodromi nulli. illud satis op-  
portune: duo sinus fuerunt, quos tramitti oporteret,  
Pastanus & Vibonensis: utrumque pedibus æquis  
transmisimus. veni igitur ad Sicam octavo die e Pom-  
pejano, cum unum diem Velix constituissem: ubi  
quidem fui sane libenter apud Talnam nostrum: nec  
potui accipi, illo absente præsertim, liberalius. ix.  
Kal. igitur ad Sicam. ibi tamquam domi meæ scilicet.  
itaque obduxi posterum diem. sed putabam, cum Re-  
gium venissem, fore, ut illic, *δολεχον πλοον ὀρμησσον-  
τις*, cogitarem, corbitane Patras, an actuariolis ad  
Leucopetram Tarentinorum, atque inde Corcyram:  
& si oneraria, statimne freto, an Syracusis. hac su-  
per re scribam ad te Regio. Mehercule, mi At-  
tice, sæpe tecum, *ἦ δὲ* *ὅδῳ σοι τι δυνάταις*, cur  
ego tecum non sum? cur ocellos Italiæ, villulas  
meas non video? sed id satis superque, tecum me  
non esse. quid fugientem? periculumne? id nunc  
qui-



quidem, nisi fallor, nullum est. ad ipsum enim revocat me auctoritas tua. scribis enim, in calum ferri professionem meam, sed ita, si ante Kal. Jan. redeam: quod quidem certe enitar. malo enim vel cum timore domi esse, quam sine timore Athenis tuis. sed tamen prospice, quo ista vergant: mihi que aut scribe, aut quod multo malim, affer ipse. hæc hætenus. Illud velim in bonam partem accipias, me agere tecum, quod tibi majori curæ sciam esse, quam ipsi mihi. nomina mea, per deos, expedi, exsolve. velle reliqua reliqui. sed opus est diligentia, coheredibus pro Cluviano Kal. Sext. persolutum ut sit. cum Publicio quo modo agendum sit, videbis. non debet urgere, quoniam iure non utimur, sed tamen ei quoque satisfacere plane volo. Terentiæ vero, quid ego dicam? etiam ante diem, si potes. Quin si, ut spero, celeriter in Epirum; hoc, quod satisdato debeo, peto a te, ut ante provideas, planeque expedias, & solum relinquas. sed de his satis; metuoque, ne tu nimium putes. nunc negligentiam meam cognosce. De Gloria librum ad te misi: at in eo præmium id est, quod in Academico tertio. id evenit ob eam rem, quod habeo volumen præmiorum. ex eo eligere soleo, cum aliquod *συγγραμματα* institui. itaque jam in Tusculano, qui non meminissem, me abusum isto præmio, conjeci id in eum librum, quem tibi misi. cum autem in navi legerem Academicos, agnovi erratum meum. itaque statim novum præmium exaravi; tibi misi. tu illud desecabis, hoc agglutinabis. Piliæ salutem dices, & Atticæ, deliciis atque amoribus meis.

7

## CICERO ATTICO S.

**O**ctavo Id. Sext. cum a Leucopetra profectus (inde enim tramittebam) stadia circiter ccc. processissem, rejectus sum austro vehementi ad eandem Leucopetram. ibi cum ventum expectarem (erat enim villa Valerii nostri, ut familiariter essem, & libenter) Regini quidam, illustres homines, eo venerunt, Roma sane recentes; in iis Bruti nostri hospes, qui

Bru-



Brutum Neapoli reliquisset. hæc afferebant, edictum Bruti & Cassii; & fore frequentem senatum Kalendis: a Bruto & Cassio litteras missas ad consulares & prætores, ut adessent, rogare. summam spem nuntiabant: fore, ut Antonius cederet, res conveniret, nostrum Romam redirent. addebant etiam, me desiderari, subaccusari. quæ cum audissem, sine ulla dubitatione abjeci consilium professionis, quo mehercule ne antea quidem delectabar. lectis vero tuis litteris, admiratus equidem sum, te tam vehementer sententiam commutasse; sed, non sine causa, arbitrabar. etsi, quamvis non fueris suasor & impulsor professionis meæ, approbator certe fuisti, dummodo Kal. Jan. Romæ essem. ita fiebat, ut, dum minus periculi videretur, abessem, in flammam ipsam venirem. sed hæc, etiamsi non prudenter, tamen *εὐμενῆτα* sunt; primum, quod de mea sententia acta sunt; deinde, etiamsi te auctore, quid debet, qui consilium dedit, præstare præter fidem? illud admirari satis non potui, quod scripsisti his verbis: *veni igitur. tu, qui ἐνθάδε σὺν ἡμῖν ἐσθ' ὡς πατρίαν, relinquis patriam?* An ego relinquebam, aut tibi tum relinquere videbar? tu id non modo non prohibebas, verum etiam approbabas. graviora, quæ restant. *Velim σχολῆς aliquod elimes ad me, oportuisse te istuc facere.* Itane, mi Attice? defensione eget meum factum, præsertim apud te, qui id mirabiliter approbasti? ego vero istum *ἀπολογισμὸν συντάξαι*, sed ad eorum aliquem, quibus invitis & disuadentibus profectus sum. etsi quid jam opus est σχολῆς? si perseverassem, opus fuisset. At hoc ipsum non constanter, nemo doctus umquam (multa autem de hoc genere scripta sunt) mutationem consilii, inconstantiam dixit esse. deinceps igitur hæc. *Nam si a Phædro nostro, expedita excusatio esset. nunc quid respondemus?* Ergo id erat meum factum, quod Catoni probare non possem, flagitii scilicet plenum & dedecoris. utinam a primo ita tibi esset visum! ut mihi, sicut esse soles, fuisses Cato. Extremum illud vel molestissimum: *Nam Brutus noster flet:* hoc est, non audeat hominem id ætatis monere. aliud nihil habeo, quod ex iis a te



verbis significari putem: & hercule ita est. Nam xvi. Kal. Sept. cum venissem Veliam, Brutus audivit. erat enim cum suis navibus apud Haletem fluvium, citra Veliam millia passuum iii. pedibus ad me statim, dii immortales, quam valde ille reditu, vel potius reversione mea latatus, effudit illa omnia, quæ tacerat; ut recorderer illud tuum, *nam Brutus noster silet*. maxime autem dolebat, me Kal. Sext. in senatu non fuisse. Pisonem ferebat in cælum: se autem lætari, quod effugissem duas maximas vituperationes, unam, quam itinere faciendo me intelligebam suscipere, desperationis ac relictionis reipublicæ: fientes mecum vulgo querebantur, quibus de meo celeri reditu non probabam: alteram, de qua Brutus, & quæ una erant, (multi autem erant,) lætabantur, quod eam vituperationem effugissem, me exilimari ad Olympia. hoc vero nihil turpius, quovis reipublicæ tempore: sed hoc ἀναπολόγητον. ego vero austro gratias miras, qui me a tanta infamia averterit. Reversionis has speciosas causas habes, iustas illas quidem, & magnas, sed nulla iustior, quam quod tu idem aliis litteris: *provide, si cui quid debetur, ut sit unde par pari respondeatur*. Mirifica enim *δυσχερεια* est propter metum armorum. In freto medio hanc epistolam legi, ut, quid possem providere, in mentem mihi non veniret, nisi ut præsens me ipse defenderem. Sed hæc hæcenus. reliqua coram. Antonii didicim legi a Bruto, & horum contra, scriptum præclare. sed quid ista edicta valeant, aut quo spectent, plane non video: nec ego nunc, ut Brutus censebat, istuc ad rempublicam capeSSendam venio. quid enim fieri potest? num quis Pisoni est assensus? num rediit ipse postridie? sed abesse hanc atatem longe a sepulchro negant oportere. Sed obsecro te, quid est quod audivi de Bruto? Piliam *παραζωοντι παραλυσιν*, te scripsisse aiebat. valde sum commotus: etsi idem, te scribere, sperare melius. ita plane velim. ei dicas plurimam salutem, & suavissimæ Atticæ. Hæc scripsi navigans, cum Pompejanum accederem, xiv. Kal.



## CICERO ATTICO S.

8

Cum sciam, quo die venturus sim, faciam, ut scias. impedimenta exspectanda sunt, quæ Anagnia veniunt: & familia ægra est. Kal. vesperi litteræ mihi ab Octaviano. magna molitur. veteranos, quique Casilini & Calatiæ sunt, perduxit ad suam sententiam. nec mirum: quingenos denarios dat: cogitat reliquas colonias obire. plane hoc spectat, ut se duce bellum geratur cum Antonio. itaque video paucis diebus nos in armis fore. Quem autem sequamur? vide nomen: vide atatem. Atque a me postulat, primum ut clam colloquatur mecum, vel Capuæ, vel non longe a Capua. puerile hoc quidem, si id putat clam fieri posse. docui per litteras, id nec opus esse, nec fieri posse. misit ad me Cæcinam quendam Volaterranum, familiarem suum, qui hæc pertulit: Antonium cum legione Alaudarum ad urbem pergere, pecunias municipiis imperare, legionem sub signis ducere. consultabat, utrum Romam cum ceteris ceteris veteranorum proficisceretur, an Capuam teneret, & Antonium venientem excluderet, an iret ad tres legiones Macedonicas, quæ iter secundum mare superum faciunt; quas sperat suas esse. eæ congiarium ab Antonio accipere noluerunt, ut hic quidem narrat; & ei convicium grave fecerunt, concionantemque reliquerunt. quid quæris? ducem se profitetur, nec nos sibi putat deesse oportere. Equidem suasi, ut Romam pergeret. videtur enim mihi & plebeculam urbanam, & si fidem fecerit, etiam bonos viros secum habiturus. O Brute, ubi es? quantam *ευκαιριαν* amittis? non equidem hoc divinavi, sed aliquid tale putavi fore. Nunc tuum consilium exquiro. Romanne venio, an hic maneo, an Arpinum (*ασφαλειον* habet is locus) fugiam? Romam; nec desideremur, si quid actum videbitur. hoc igitur explica. numquam in maiore *απογναι* fui.

## CICERO ATTICO S.

9

Binæ uno die mihi litteræ ab Octavio, nunc quidem, ut Romam statim veniam: velle se rem

Ee 5

agere



agere per senatum. cui ego, non posse senatum ante Kal. Jan. quod quidem ita credo. ille autem addit, *consilio tuo*. quid multa? ille urget: ego autem *non confido aetati*. ignoro, quo animo: nil sine Pansa tuo volo. vereor, ne valeat Antonius: nec a mari discedere libet: & metuo, ne quæ *agitur* me absente. Varroni quidem displicet consilium pueri; mihi non. firmas copias habet: Brutum habere potest: & rem gerit palam. centuriat Capuæ; dinumerat. jam jamque video bellum. ad hæc rescribe. Tabellarium meum Kalend. Roma profectum sine tuis litteris, miror.

10

## CICERO ATTICO S.

Septimo Id. veni ad me in Sinuessanum. eodem die vulgo loquebantur, Antonium mansurum esse Casilini. itaque mutavi consilium. statueram enim recta Appia Romam. facile me ille esset affecutus. ajunt enim eum Casarina uti celeritate. verti igitur me a Minturnis Arpinum versus. constitueram, ut ii Idus aut Aquini manerem, aut in Arcano. nunc, mi Attice, tota mentē incumbere in hanc curam. magna enim res est. tria sunt autem, maneamne Arpini, an propius accedam, an veniam Romam. quod censueris, faciam. sed quamprimum: avide exspecto tuas litteras. vi. Idus mane in Sinuessano.

II

## CICERO ATTICO S.

Nonis accepi a te duas epistolas: quarum alteram Kal. dederas, alteram pridie. igitur prius ad superiorem. Nostrium opus tibi probari lator: ex quo *avda* ipsa posuisti, quæ mihi florentiora sunt visa tuo iudicio. cerulas enim tuas miniatulas illas extimescebam. De Sica ita est, ut scribis. ast ægre me tenui, itaque perstringam sine ulla contumelia Sicæ aut Septimix: tantum, ut sciant *παῖδες παίδων* sine fillo Luciliano, cum ex C. Fadii filia liberos habuisse. atque utinam eum diem videam, cum ista oratio ita libere vagetur, ut etiam in Sicæ domum introeat! sed illo

tem-



tempore opus est, quod fuit illis triumviris. moriar, nisi facete. tu vero leges Sexto, ejusque judicium mihi perscribes. *εἰς ἑμοὶ περρίαι.* Caleni interventum, & Calvenæ cavebis. Quod vereris, ne *ἁδολεχός* mihi tu? quis minus? cui, ut Aristophani Archilochi jambus, sic epistola longissima quæque optima videtur. Quod me admones: tu vero etiamsi reprehenderes, non modo facile paterer, sed etiam lætarer: quippe cum in reprehensione est prudentia cum *εὐμενία*. ita libenter ea corrigam, quæ a te animadversa sunt, eodem jure, quo Rubriana potius, quam quo Scipionis; & de laudibus Dolabellæ deruam cumulum. attamen est isto loco bella, ut mihi videtur, *ἑρμηνεία*, quod eum ter contra cives in acie. illud etiam malo indignissimum est hunc vivere, quam quid indignius? *Πιστογραφεῖαν* Varronis tibi probari, non moleste fero: a quo adhuc *Ἡρακλειδεῖαν* illud non abstuli. Quod me hortaris ad scribendum: amice tu quidem; sed me scito agere nihil aliud. Gravedo tua mihi molesta est. quæso adhibe, quam soles, diligentiam. O Tite, tibi prodesse, lætor. Anagnini sunt, Mustela *ταξιάρχης*, & Laco, qui plurimum bibit. Librum, quem rogas, perpoliam, & mittam. Hæc ad posteriorem. *Τὰ περὶ τῆς καθήκοντος*, quatenus Panætius, absolvi duobus: illius tres sunt. sed cum initio divisisset ita, tria genera exquirendi officii esse; unum, cum deliberamus, honestum, an turpe sit; alterum, utile, an inutile; tertium, cum hæc inter se pugnare videantur, quomodo judicandum sit: qualis causa Reguli; redire honestum, manere utile: de duobus primis præclare differuit; de tertio pollicetur se deinceps: sed nihil scripsit. eum locum Posidonius persecutus. ego autem & ejus librum arcessivi, & ad Athenodorum Calvum scripsi, ut ad me *τὰ κεφάλαια* mitteret; quæ exspecto: quem velim cohortere, & roges, ut quamprimum. in eo est *περὶ τῆς κατὰ περιστάσιν καθήκοντος*. Quod de inscriptione quæris; non dubito, quin *καθήκον* officium sit, nisi quid tu aliud: sed inscriptio plenior, de officiis. *προσφώνω* autem Ciceroni filio. visum est non *ἁποκτείνω*. De Myrtilo dilucide. o quales tu fem-



semper istos! itane in D. Brutum? dii istis. Ego me, ut scripseram, in Pompejanum non abdidī, primo tempestatibus, quibus nil tetrius: deinde ab Octaviano quotidie litteræ, ut negotium susceperem, Capuam venirem, iterum rempublicam fervarem; Romam utique statim.

- - - αἰδέσθαι μὲν ἀντιόχου, δεισέναι δ' ὑποδεχθαι.

is tamen egit sane strenue, & agit. Romam veniet cum manu: sed est plane puer. putat senatum statim, quis veniet? si venerit, quis, incertis rebus, offendet Antonium? Kal. Jan. erit fortasse presidio: aut quidem ante depugnabitur. puero municipia mire favent. iter enim faciens in Samnium venit Cales, mansit Teani. mirifica ἀπαγγελία, & cohortatio. hoc tu putares? ob hoc ego citius Romam, quam constitueram. simul ac constituero, scribam. Etsi nondum stipulationes legeram, (nec enim Eros venerat,) tamen rem pridie Idus velim conficias. Epistolas Catinam, Tauromenium, Syracusas commodius mittere potero, si Valerius interpretes ad me nomina gratiosorum scripserit. alii enim sunt alias: nostrique familiares fere demortui. publice tamen scripsi, si uti vellet eis Valerius: aut mihi nomina mitteret. De Lepidanis feriis Balbus ad me usque ad iv. Kalend. Expectabo tuas litteras: deque Torquati negotiolo scitutum puto. Quinti litteras ad te misi, ut scires, quam valde eum amaret, quem dolet a te minus amari. Atticæ, quoniam, quod optimum in pueris est, hilarula est, meis verbis suavius des. Vale.

12

## CICERO ATTICO S.

Oppii epistolæ, quia perhumana erat, tibi misi exemplum. De Ocella, dum tu muginaris, nec mihi quidquam rescribis, cepi consilium domesticum. itaque me pridie Idus arbitror Romæ futurum. commodius est visum, frustra me istic esse, cum id non necesse esset, quam, si opus esset, non adesse: & simul, ne intercluderer, metuebam. ille enim jam adventare potest: etsi varii rumores, multique, quos  
cupe-



ruperem veros. nihil tamen certi. ego vero, quid quid est, tecum potius, quam animi pendeam, cum a te absim, & de te, & de me. sed quid tibi dicam? bonum animum. De *Ἡρακλείδῃ* Varronis, negotia falsa. me quidem nihil umquam sic delectavit. sed hæc, & alia majora coram.

## CICERO ATTICO S.

13

**O** casum mirificum! vi. Idus cum ante lucem de Sinuessano surrexissem, venissemque diluculo ad pontem Tirenium, qui est Minturnis, in quo flexus est ad iter Arpinas, obviam mihi fit tabellarius, qui me offendit *δολιχὸν πρὸς ὁρμαινόντῃ*. ego statim, cedo, inquam, si quid ab Attico. nondum legere poteramus. nam & lumina dimiseramus; nec satis lucebat. cum autem luceret, ante scripta epistola ex duabus tuis prior mihi legi cæpta est. illa omnium quidem elegantissima. ne sim salvus, si aliter scribo, ac sentio; nihil legi humanius. itaque veniam, quo vocas, modo adjutore te. sed nihil tam *ἀπεροδιάνυστον* mihi primo videbatur: quam ad has litteras, quibus ego a te consilium petieram, te mihi ista rescribere. ecce tibi altera, qua hortaris *παρ' ἡμετέρας Μεμάρτα, Νησὶ ἐπὶ Ψυγῆς*, Appiam *ἐκ' ἀριστέ' ἔχοντα*. itaque die mansi Aquini. longulum sane iter, & via inepta: inde postidie mane proficiscens, has litteras dedi: & quidem, ut a me dmitterem invitissimus, fecerunt Erotis litteræ. rem tibi Tiro narrabit. tu, quid faciendum sit, videbis præterea, possimne propius accedere, (malo enim esse in Tusculano, aut uspiam in suburbano,) an etiam longius discedendum putes, crebro ad me velim scribas. erit autem quotidie, cui des. Quod præterea consulis, quid tibi censeam faciendum, difficile est, cum absim. verumtamen, si pares æque inter se, quiescendum: sin; latius manabit, & quidem ad nos, deinde communiter. avide tuum consilium exspecto. timeo, ne absim, cum adesse me sit honestius: venire non audeo. De Antonii itineribus nescio quid aliter audio, atque ad te scribebam. omnia igitur velim explices, & ad me certa mittas. De  
reli-



reliquo quid tibi ego dicam? ardeo studio historiarum: (incredibiliter enim me commovet tua cohortatio:) quæ quidem nec institui, nec effici potest sine tua ope. coram igitur hoc quidem conferemus. In præsentia mihi velim scribas, quibus censoribus C. Fannius M. F. tribunus plebis fuerit. videor mihi audivisse, P. Africano, L. Mummio. id igitur quæro. tu mihi de iis rebus, quæ novantur, omnia certa, clara. in Id. ex Arpinati.

14

CICERO ATTICO S.

Nihil erat plane, quod scriberem. nam cum Puteolis essem, quotidie aliquid novi de Octaviano, multa etiam falsa de Antonio. ad ea autem, quæ scripsisti, (tres enim acceperam in Idus a te epistolas,) valde tibi assentior, multum possit Octavianus, multa firmius acta tyranni comprobatum iri quam in Telluris, atque id contra Brutum fore: sin autem vincitur, vides intolerabilem Antonium: ut, quem velis, nescias. O Sextii tabellarium, hominem nequam! postredie Puteolis Romæ se dixit fore. Quod me mox, ut pedetentim, assentior: etsi aliter cogitabam. nec me Philippus aut Marcellus movet. alia enim eorum ratio: & si non est, tamen videtur, sed in isto juvene, quamquam animi satis, auctoritatis parum est. tamen vide, si forte in Tusculano recte esse possum, idne melius sit (ero libentius: nihil enim ignorabo) an hoc, cum Antonius venerit. Sed, ut aliud ex alio, mihi non est dubium, quin, quod Græci κατήκοον, nos officium. id autem, quid dubitas, quin etiam in republicam præclare caderet? nonne dicimus, *consulum officium*, *senatus officium*? præclare convenit; aut da melius. Male narras de Nepotis filio. valde mehercule moveor, & moleste fero. nescieram omnino esse istum puerum. Caninium perdidisti, hominem, quod ad me attinet, non ingratum. Athenodorum, nihil est, quod hortere. misit enim satis bellum *ὑπομνημα*. Gravedini, quæso, omni ratione subveni. [Quintus] avi tui pronepos, scribit ad patris mei nepotem, se ex Nonis iis, quibus nos magna gessimus, ædem Opia

expli-



explicaturum, idque ad populum. videbis igitur, & scribes. Sexti iudicium exspecto.

## CICERO ATTICO S.

15

Noli putare, pigritia me facere, quod non mea manu scribam: sed mehercule pigritia. nihil enim habeo aliud, quod dicam; & tamen in tuis quoque epistolis Alexim videor agnoscere. sed ad rem venio. Ego, si me non improbiissime Dolabella tractasset, dubitassem fortasse, utrum remissior essem, an summo jure contenderem. nunc vero etiam gaudeo mihi causam oblatam, in qua & ipse sentiat, & reliqui omnes, me ab illo abalienatum: idque præ me feram, & quidem me mea facere, & reipublicæ causâ, ut illum oderim: quod, cum eam, me auctore, defendere cœpisset, non modo deseruerit, emptus pecunia, sed etiam, quantum in ipso fuit, everterit. Quod autem quaris, quomodo agi placeat, cum dies venerit; primum velim ejusmodi sit, ut non alienum sit, me Romæ esse, de quo, ut de ceteris, faciam, ut tu censueris. de summa autem agi prorsus vehementer & severe volo. etsi, sponsores appellare, videtur habere quandam *δυσωπία*: tamen hoc, quale sit, consideres velim. possumus enim, ut sponsores appellentur, procuratores introducere. neque enim illi litem contestantur: quo facto, non sum nescius, sponsores liberari. sed & illi turpe arbitror, eo nomine, quod satisfato debeat, procuratores ejus non dissolvere; & nostrâ gravitatis, jus nostrum sine summa illius ignominia persequi. de hoc quid placeat, rescribas velim: nec dubito, quin hoc totum lenius administraturus sis. Redeo ad rempublicam. Multa mehercule a te sæpe *ἡ πολιτικὴ* genere prudenter: sed his litteris nihil prudentius: quamquam enim postea, in præsentia belle iste puer retundit Antonium, tamen exitum exspectare debemus. at, quæ concio? nam est missa mihi. jurat, ita sibi parentis honores consequi liceat: & simul dextram intendit ad statuam. *μὲν δὲ σὺ δὲ οὐκ ὁποῦς τοῖσιν*. sed, ut scribis, certissimum esse video discrimen. Cæcæ nostri tribunatum: de quo quidem ipso dixi Oppio, cum

me



me hortaretur, ut adolescentem, totamque causam, manumque veteranorum complecterer, me nullo modo facere posse, ni mihi exploratum esset, eum non modo non inimicum tyrannocionis, verum etiam amicum fore. cum ille diceret, ita futurum: quid igitur festinamus? inquam. illi enim mea opera ante Kalend. Januar. nihil opus est. nos autem ejus voluntatem ante Idus Decemb. perspiciemus in Casca. mihi valde assensus est. Quamobrem hæc quidem hætenus. Quod reliquum est, quotidie tabellarios habebis, & ut ego arbitror, etiam quod scribas, habebis quotidie. Leptæ litterarum exemplum tibi misi; ex quo mihi videtur *σφατὺλλας* ille dejectus de gradu. sed tu, cum legeris, exillimabis.

Obsignata jam epistola, litteras a te & a Sexto accepi. nihil jucundius litteris Sexti, nihil amabilius: nam tuæ, breves; priores erant uberrimæ. Tu quidem & prudenter & amice suades, ut in his locis potissimum sim, quoad audiamus, hæc, quæ commota sunt, quorsum evadant. sed me, mi Attice, non sane hoc quidem tempore movet respublica; non quo aut sit mihi quidquam carius, aut esse debeat; sed desperatis etiam Hippocrates vetat adhibere medicinam. quare ista valeant: me res familiaris movet: rem dico? immo vero existimatio. cum enim tanta reliqua sint; ne Terentiæ quidem adhuc, quod salvam, expeditum est. Terentiam dico? scis nos pridem jam constituisse Montani nomine H. S. xxv. dissolvere. pudenter hoc Cicero petierat, ut fide sua. liberalissime, ut tibi quoque placuerat, promiseram; Erotique dixeram, ut sepositum haberet. non modo; sed iniquissimo scenore versuram facere Aurelius coactus est. nam de Terentiæ nomine, Tiro ad me scripsit, te dicere, numos a Dolabella fore. male eum credo intellexisse, si quisquam male intelligit; potius, nihil intellexisse. tu enim ad me scripsisti Cocceji responsum, & iisdem pæne verbis Eros. veniendum est igitur vel in ipsam flammam. Turpius est enim privatum cadere, quam publice. itaque ceteris de rebus, quas ad me suavissime scripsisti, perturbato animo,  
non



non potui, ut in consueram, rescribere. consenti in hac cura, ubi sum, ut me expediam: quibus autem rebus, venit quidem mihi in mentem: sed certe consistere nihil possum, priusquam te videro. qui minus autem ego istuc recte esse possum, quam est Marcellus? sed non id agitur: neque id maxime curo, quid curem, vides. adsum igitur.

## CICERO ATTICO S.

16

Jucundissimas tuas legi litteras. ad Plancum scripsi: habes exemplum. cum Tirone quid sit locutus, cognoscam ex ipso. Cum sorore ages attentius, si te occupatione ista relaxaris.

M. CICERO L. PLANCO PRÆT.  
DES. S.

Attici nostri te valde studiosum esse cognovi, mei vero ita cupidum, ut mehercule paucos æque observantes atque amantes me habere existimem. ad paternas enim magnas, & veteres, & iustas necessitudines magnam attulit accessionem tua voluntas erga me, meaque erga te par atque mutua. Buthrotia tibi causa ignota non est: egi enim sæpe de ea re tecum, tibi que totam rem demonstravi: quæ est acta hoc modo. Ut primum Buthrotium agrum proscriptum vidimus, commotus Atticus libellum composuit. eum mihi dedit, ut darem Casari. eram enim cenaturus apud eum illo die. eum libellum Casari dedi: probavit causam; rescripsit Attico, æqua eum postulare: admonuit tamen, ut pecuniam reliquam Buthrotii ad diem solverent. Atticus, qui civitatem conservatam cuperet, pecuniam numeravit de suo. quod cum esset factum, adiimus ad Casarem, verba fecimus pro Buthrotiis, liberalissimum decretum abstulimus; quod est obsignatum ab amplissimis viris, quæ cum essent acta, mirari quidem solebam, pati Casarem convenire eos, qui agrum Buthrotium con-

Cic. Epist. Tom. II.

Ff

cupif.



cupissent: neque solum pati, sed etiam ei negotio te  
 præficere. itaque & ego cum illo locutus sum, & sa-  
 pius quidem; ut etiam accusarer ab eo, quod parum  
 constantiæ suæ considerem: & M. Messalæ, & Attico  
 dixit, ut sine cura essent: aperteque ostendebat, se  
 præsentium animos (erat enim popularis, ut noras,)  
 offendere nolle: cum mare transissent, curaturum se,  
 ut in alium agrum deducerentur. Hæc illo vivo. post  
 interitum autem Cæsaris, ut primum ex senatus con-  
 sulto causas consules cognoscere instituerunt, hæc,  
 quæ supra scripsi, ad eos delata sunt. probaverunt  
 causam sine ulla dubitatione, seque ad te litteras da-  
 turos esse dixerunt. Ego autem, mi Plance, etsi non  
 dubitabam, quia & senatus consultum, & lex, &  
 consulum decretum ac litteræ apud te plurimum au-  
 ctoritatis haberent, teque ipsius Attici causa velle in-  
 tellexeram: tamen hoc, pro conjunctione & benivo-  
 lentia nostra, mihi sumsi, ut id a te peterem, quod  
 tua singularis humanitas suavissimique mores a te es-  
 sent impetraturi. id autem est, ut hoc, quod te tua  
 sponte facturum esse certo scio, honoris nostri causa  
 libenter, prolixè, celeriter facias. mihi nemo est  
 amicior, nec jucundior, nec carior Attico: cujus an-  
 tea res solum familiaris agebatur, eaque magna; nunc  
 accessit etiam existimatio, ut, quod consecutus est  
 magna & industria & gratia, & vivo Cæsare & mor-  
 tuo, id, te adjuvante, obtineat. quod si a te erit  
 impetratum, sic velim existimes, me de tua libera-  
 litate ita interpretaturum, ut tuo summo beneficio  
 me affectum iudicem. ego, quæ te velle, quæque ad  
 te pertinere arbitror, studiose diligenterque curabo.  
 da operam, ut valeas.

CICERO PLANCO PRÆT.  
 DES. S.

**J**am antea petivi abs te per litteras, ut, cum causa  
 Buthrotiorum probata a consulibus esset, quibus  
 & lege, & senatus consulto permissum erat, ut de  
 Cæsa-



Cæsaris actis cognoscerent, statuerent, judicarent, eam rem tu adjuvares: Atticumque nostrum, cujus te studiosum cognovi, & me, qui non minus laboro, molestia liberares. omnibus enim rebus magna cura, multa opera, & labore confectis, in te positum est, ut nostræ sollicitudinis finem quam primum facere possimus. quamquam intelligimus, ea te esse prudentia, ut videas, si ea decreta consulum, quæ de Cæsaris actis interposita sunt, non servantur, magnam perturbationem rerum fore. equidem; cum multa, quod necesse erat in tanta occupatione, non probentur, quæ Cæsar statuerit; tamen otii pacisque causâ acerrime illa soleo defendere: quod tibi idem magnopere faciendum censeo: quamquam hæc epistolæ non suavis est, sed rogatoris. Igitur, mi Plance, rogo te, & etiam oro, sic medius fidius, ut maiore studio, magisque ex animo agere non possim, ut totum hoc negotium ita agas, ita tractes, ita conficias, ut, quod sine ulla dubitatione apud consules obtinuimus, propter summam bonitatem & æquitatem causæ, id tu nos obtinuisse non modo facile patiari, sed etiam gaudeas. quæ quidem voluntate esse erga Atticum, sæpe præsens & illi ostendisti, & vero etiam mihi. quod si feceris, me, quem voluntate & paterna necessitudine conjunctum semper habuisti, maximo beneficio devinctum habebis. idque ut facias, te vehementer etiam atque etiam rogo.

## CICERO CAPITONI SUO S.

Numquam putavi fore, ut supplex ad te venirem: sed hercule facile patior, datum tempus, in quo amorem experirer tuum. Atticum quanti faciam, scis. amabo te, da mihi & hoc: obliviscere mea causa, illum aliquando suo familiari, adversario tuo, voluisse consultum, cum illius exillimatio ageretur. hoc primum ignoscere, est humanitatis tuæ: suos enim quisque debet tueri: deinde, si me amas (omite Atticum) Ciceroni tuo, quem quanti facias, præ



te soles ferre, totum hoc da, ut, quod semper existimavi, nunc plane intelligam, me a te multum amari. Buthrotios cum Cæsar decreto suo, quod ego obsignavi cum multis amplissimis viris, liberavisset, ostendissetque nobis, se, cum agrarii mare transissent, litteras missurum, quem in agrum deducerentur; accidit, ut subito ille interiret. deinde, quem admodum tu scis, (interfuisti enim, cum consules oporteret ex senatus consulto de actis Cæsaris cognoscere,) res ab iis in Kal. Jun. dilata est. accessit ad senatus consultum lex, quæ lata est a. d. iv. Non Jun. quæ lex earum rerum, quas Cæsar statuisset, decrevisset, egisset, consulibus cognitionem dedit. causa Buthrotiorum delata est ad consules. decretum Cæsaris recitatum est, & multi præterea libelli Cæsaris prolati. Consules de consilii sententia decreverunt secundum Buthrotios; Plancum dederunt. Nunc, mi Capito, (scio enim, quatum semper apud eos, quibuscum sis, posse soleas, eo plus apud hominem facillimum atque humanissimum Plancum,) enitere, elabora, vel potius eblandire, effice, ut Plancus, quem spero optimum esse, sit etiam melior opera tua. omnino res hujusmodi videtur esse, ut sine cujusquam gratia Plancus ipse, pro ingenio & prudentia sua, non sit dubitaturus, quin decretum consulum, quorum & lege & senatus consulto cognitio & iudicium fuit, conservet; præsertim eum, hoc genere cognitionum labefactato, acta Cæsaris in dubium ventura videantur: quæ non modo ii, quorum interest, sed etiam ii, qui illa non probant, otii causa confirmari velint. quod cum ita sit, tamen interest nostra, Plancum hoc animo libenti prolixoque facere. quod certe faciet, si tu nervulos tuos, mihi sæpe cognitos, suavitatemque, quam nemo tibi par est, adhibueris. quod ut facias, te vehementer rogo.



## CICERO C. CUPIENNIO S.

**P**atrem tuum plurimi feci; meque ille mirifice & coluit, & amavit: nec mehercule umquam mihi dubium fuit, quin a te diligerer. ego quidem id facere non desisti. quamobrem peto a te in maiorem modum, ut civitatem Buthrotiam subleves, decretumque consulum, quod ii secundum Buthrotios fecerunt, cum & lege, & senatus consulto statuendi potestatem haberent, des operam, ut Plancus noster quam primum confirmet & comprobet. hoc te vehementer, mi Cupienni, etiam atque etiam rogo.

CICERO PLANCO PRÆT.  
DES. S.

**I**gnosce mihi, quod cum antea accuratissime de Buthrotiis ad te scripserim, eadem de re sapius scribam non mehercule, mi Plance, facio, quo parum confidam aut liberalitati tuæ, aut nostræ amicitiae; sed cum tanta res agatur Attici nostri, nunc vero etiam existimatio, ut id, quod probavit Cæsar, nobis testibus & obsignatoribus, qui & decretis, & responsis Cæsaris interfueramus, videatur obtinere potuisse, præsertim cum tota potestas ejus rei tua sit, ut ea, quæ consules decreverunt secundum Cæsaris decreta & responsa, non dicam comprobe, sed studiose libenterque comprobe. id mihi sic erit gratum, ut nulla res gratior esse possit. etsi jam sperabam, cum has litteras accepisses, fore, ut ea, quæ superioribus litteris a te petissemus, impetrata essent; tamen non faciam finem rogandi, quoad nobis nuntiatum erit, te id fecisse; quod magna cum spè expectamus. deinde enim confido fore, ut alio genere litterarum utamur; tibi que pro tuo summo beneficio gratias agamus. quod si acciderit, velim sic existimes, non tibi tam Atticum, cujus permagna res agitur, quam me, qui non minus laboro, quam ille, obligatum fore.




## CICERO CAPITONI S.

**N**on dubito, quin mirere, atque etiam stomachere, quod tecum de eadem re agam sæpius. Homi-  
nis familiarissimi, & mihi omnibus rebus conjunctis-  
simi, permagna res agitur, Attici. cognovi ego tua  
studia in amicos, etiam in te amicorum. multum  
potes nos apud Plancum juvare. novi humanitatem  
tuam. scio, quam sis amicis jucundus. nemo nos in  
hac causa plus juvare potest, quam tu. & res ita est  
firma, ut debet esse, quam consules de consilii sen-  
tentia decreverunt, cum & lege, & senatus consulto  
cognoscerent tamen omnia posita putamus in Planci  
tui liberalitate: quem quidem arbitramur cum officii  
sui, & reipublicæ causa decretum consulum compro-  
baturum, tum libenter nostra causa esse facturum. ad-  
juvabis igitur, mi Capito: quod ut facias, vehemen-  
ter etiam atque etiam rogo.

*Finis Epistolarum M. Tullii Ciceronis ad Atticum.*







M. TULLII CICERONIS  
EPISTOLARUM

A D  
QUINTUM FRATREM  
LIBER I.

---

ARGUMENTUM.

I

Quintus Cicero, ex prætura provinciam Asiam sortitus, annos jam duos continuos parum secunda fama eam administrarat. Cum in annum tertium prorogatum illi imperium fuisset, Marcus frater inde occasionem eum ad laudem cohortandi sumsit, quod de accessione hac annua facere illum certiore vellet. Est autem bipartita cohortatio; prior enim pars ad ea, quæ Rempubl. attingunt, altera ad ea, quæ privata & Quinti fere præcipua sunt, pertinet: nam in priorè parte ea persequitur, quæ ad Quinti imperium ac provincialem administrationem spectant; de quibus quadripartite disputat. Primo loco, de Quinto ipsò præcepta dat: sed non ita quasi de Quinto ac cive Romano; verum ut de amplissimo populi Romani magistratu, Asiam provinciam cum



summo imperio administrante. Altero loco, de iis co-  
mitibus præcipit, quos secum in provinciam imperii sui  
ministros publicorumque negotiorum adiutores eduxerat.  
Postea de vitandis Græcorum & publicanorum nimis fa-  
miliaritatibus illum monet; utpote quibus imperii sui di-  
gnitas labefactari facile convellique possit. Postremo  
etiam de servis cautionem adhibet; ejusque caput hoc esse  
voluit, ne quid iis, quod ad Rempub. ulla ex parte  
pertineat, committatur. Itaque summarim hæc omnia  
in Epilogo enumerans, quatuor hæc dignitatis Quinti  
fundamenta nominat; integritatem ipsius & continen-  
tiam. omnium, qui cum ipso erant, pudorem, delectum  
in familiaritatibus & provincialium & Græcorum, po-  
stremo familia gravem & constantem disciplinam. Al-  
tera pars ea, ut ante dixi, quæ privata magis sunt, id  
est, quæ Quinti personam atque officium præcipue attrin-  
gunt, complectitur. Nam primo loco, de moderanda  
acerbitate, qua usus in suppliciis antea fuerat, deque re-  
tinenda in jure dicendo æquabilitate præcipit; secundo,  
de sublevandis provinciæ oneribus, minuendisque sumti-  
bus & jucturis; tertio, de conciliandis cum publicano-  
rum ordine sociis, constituendaque inter illos concordia;  
postremo, de coercenda iracundia & naturæ impetu mo-  
derando, ita luculenter & prope divinitus disputat, ut  
hanc epistolam non Quinto fratri scripsisse potius, quam  
omnibus provincialium gubernatoribus præclaram quan-  
dam imperii recte administrandi normam ac regulam præ-  
scripsisse videatur.

## MARCUS Q. FRATRIS.

**E**tsi non dubitabam, quin hanc epistolam multi  
nuntii, fama denique esset ipsa sua celeritate  
superatura, tuque ante ab aliis auditurus esses,  
annum tertium accessisse desiderio nostro, & labori  
tuo: tamen existimavi a me quoque tibi hujus mole-  
stæ nuntium perferri oportere. Nam superioribus  
litteris, non unis, sed pluribus, cum jam ab aliis de-  
sperata res esset, tamen ego tibi spem maturæ deces-  
sionis afferebam, non solum, ut quam diutissime te  
jucun-



jucunda opinione oblectarem, sed etiam quia tanta adhibebatur & a nobis & a prætoribus contentio, ut rem posse confici non diffiderem. Nunc quoniam ita accidit, ut neque prætoreis suis opibus, neque nos nostro studio quidquam proficere possemus, est omnino difficile non graviter id ferre: sed tamen nostros animos maximis in rebus & gerendis & sustinendis exercitatos, frangi & debilitari molestia non oportet. Et quoniam ea molestissime ferre homines debent, quæ ipsorum culpa contracta sunt, est quiddam in hac re mihi molestius ferendum, quam tibi. factum est enim mea culpa, contra, quam tu mecum, & proficiscens, & per litteras egeras, ut priore anno non succederetur. Quod ego, dum sociorum salutem consulo, dum impudentiæ nonnullorum negotiatorum resisto, dum nostram gloriam tua virtute augeri expeto, feci non sapienter: præsertim cum id commiserim, ut ille alter annus etiam tertium posset adducere. Quod quoniam peccatum meum esse confiteor; est sapientiæ atque humanitatis tuæ, curare & perficere, ut hoc minus sapienter a me provisum, diligentia tua corrigatur. Ac si te ipse vehementius ad omnes partes bene audiendi excitaris; non ut cum aliis, sed ut tecum jam ipse certes; si omnem tuam mentem, curam, cogitationem, ad excellentem omnibus in rebus laudis cupiditatem incitaris: mihi crede, unus annus additus labori tuo, multorum annorum lætitiā nobis, gloriam vero etiam posteris nostris afferet. Quapropter hoc te primum rogo, ne contrahas, aut demittas animum, neve te obrui, tamquam fluctu, sic magnitudine negotii sinas: contraque erigas, ac resistas, sive etiam ultro occurras negotiis. Neque enim ejusmodi partem reipublicæ geris, in qua fortuna dominetur, sed in qua primum ratio possit, & diligentia. Quodsi tibi, bellum aliquod magnum & periculosum administranti, prorogatum imperium viderem; tremere animo, quod eodem tempore esse intelligerem etiam fortuna potestatem in nos prorogatam. Nunc vero ea pars tibi reipublicæ commissa est, in qua aut nullam, aut per-



exiguam partem fortuna tenet, & quæ mihi tota in tua virtute ac moderatione animi posita esse videatur. Nullas, ut opinor, insidias hostium, nullam prælii dimicationem, nullam defectionem sociorum, nullam inopiam stipendii, aut rei frumentariæ, nullam seditionem exercitus pertimescimus: quæ persæpe sapientissimis viris acciderunt, ut, quemadmodum gubernatores optimi vim tempestatis, sic illi fortunæ impetum superare non possent. Tibi data est summa pax, summa tranquillitas: ita tamen, ut ea dormientem gubernatorem vel obruere, vigilantem etiam delectare possit. Constat enim ea provincia primum ex eo genere sociorum, quod est ex hominum omni genere humanissimum: deinde ex eo genere civium, qui aut, quod publicani sunt, nos summa necessitudine attingunt: aut, quod ita negotiantur, ut locupletes sint, nostri consulatus beneficio se incolumes fortunas habere arbitrantur. At enim inter hos ipsos existunt graves controversiæ, multæ nascuntur injuriæ, magnæ contentiones consequuntur. Quasi vero ego id putem, non te aliquantum negotii sustinere. Intellego, permagnum esse negotium, & maximi consilii. sed memento, consilii me hoc negotium esse magis aliquanto, quam fortunæ, putare. Quid est enim negotii, continere eos, quibus præsis, si te ipse contineas? Id autem sit magnum & difficile ceteris, sicut est difficillimum: tibi & fuit hoc semper facillimum, & vero esse debuit; cujus natura talis est, ut etiam sine doctrina videatur moderata esse potuisse: ea autem adhibita doctrina est, quæ vel vitiosissimam naturam excolere possit. Tu cum pecuniæ, cum voluptati, cum omnium rerum cupiditati resistes, ut facis: erit, credo, periculum, ne improbum negotiatorem, paullo cupidiores publicanum comprimere non possis. Nam Græci quidem sic te ita viventem intuebuntur, ut quendam ex annalium memoria, aut etiam de celo divinum hominem esse in provinciam delapsum putent. Atque hæc nunc, non ut facias, sed ut te facere & fecisse gaudeas, scribo. Præclarum est enim, summo cum imperio fuisse in Asia



triennium, sic ut nullum te signum, nulla pictura, nullum vas, nulla vestis, nullum mancipium, nulla forma cujusquam, nulla conditio pecuniæ (quibus rebus abundat ista provincia) ab summa integritate continentiaque deduxerit. Quid autem reperiri tam eximium, aut tam expetendum potest, quam istam virtutem, moderationem animi, temperantiam, non latere in tenebris, neque esse abditam, sed in luce Asiæ, in oculis clarissimæ provinciæ, atque in auribus omnium gentium ac nationum esse positam? non itineribus tuis perterreri homines? non sumtu exauriri? non adventu commoveri? esse, quocumque veneris, & publice, & privatim maximam lætitiæ: cum urbs custodem, non tyrannum, domus hospitem, non explicatorem, recepisse videatur? His autem in rebus jam te usus ipse profecto erudit, nequaquam satis esse, ipsum hasce habere virtutes, sed esse circumspicendum diligenter, ut in hac custodia provinciæ non te unum, sed omnes ministros imperii tui, sociis, & civibus, & reipublicæ præstare videare. Quamquam legatos habes eos, qui ipsi per se habituri sint rationem dignitatis suæ; de quibus honore, & dignitate, & ætate præstat Tubero, quem ego arbitror, præsertim cum scribat historiam, multos ex suis annalibus posse deligere, quos velit & possit imitari: Allienus autem noster est cum animo & benivolentia, tum vero etiam imitatione vivendi. Nam quid ego de Gratio dicam? quem certo scio ita laborare de existimatione sua, ut propter amorem in nos fraternum, etiam de nostra laboret. Quæstorem habes, non tuo judicio delectum, sed eum, quem fors dedit. hunc oportet & sua sponte esse moderatum, & tuis institutis ac præceptis obtemperare. Quorum si quis forte esset sordidior, ferres eatenus, quoad per se negligeret eas leges, quibus esset adstrictus: non ut ea potestate, quam tu ad dignitatem permisisses, ad quæstum uteretur. Neque enim mihi sane placet, præsertim cum hi mores tantum jam ad nimiam lenitatem & ad ambitionem incubuerint, scrutari te omnes sordes, excudere unumquemque eorum: sed, quanta sit



sit in quoque fides, tantum cuique committere. Atque inter hos, eos, quos tibi comites & adiutores negotiorum publicorum dedit ipsa respublica, duntaxat finibus his præstabis, quos ante præscripsi. Quos vero aut ex domesticis convulsionibus, aut ex necessariis apparitionibus tecum esse voluisti, qui quasi ex cohorte prætores appellari solent, horum non modo facta, sed etiam dicta omnia præstanda nobis sunt. Sed habes eos tecum, quos possis recte facientes facile diligere: minus consulentes existimationi tuæ, facillime coercere: a quibus, rudis cum esses, videtur potuisse tua liberalitas decipi: nam ut quisque est vir optimus, ita difficillime esse alios improbos suspicatur: nunc vero tertius hic annus habeat integritatem eandem, quam superiores, cautiorem etiam ac diligentiorum. Sint aures tuæ, quæ id, quod audiunt, existimentur audire, non in quas fide & simulate quæstus causa insusurretur. Sit annulus tuus non ut vas aliquod, sed tamquam ipse tu non minister alienæ voluntatis, sed testis tuæ. Accensus sit eo numero, quo eum majores nostri esse voluerunt: qui hoc non in beneficii loco, sed in laboris, ac muneris, non temere nisi libertis suis deferebant: quibus illi quidem non multo secus, ac servis, imperabant. Sit licitor non suæ, sed tuæ lenitatis apparitor: majoraque præferant fasces illi ac secures dignitatis insignia, quam potestatis. Toti denique sit provinciæ cognitum, tibi omnium, quibus præsis, salutem, liberos famam, fortunas esse carissimas. Denique hæc opinio sit, non modo iis, qui aliquid acceperint, sed iis etiam, qui dederint, te inimicum (si id cognoveris) futurum. Neque vero quisquam dabit, cum erit hoc perspectum, nihil per eos, qui simulant se apud te multum posse, abs te solere impetrari. Nec tamen est hæc oratio mea hujusmodi, ut te in tuos aut durum esse nimium, aut suspiciosum velim. Nam si quis est eorum, ubi tibi biennii spatio numquam in suspicionem avaritiæ venerit, (ut ego Cæsum, & Charippum, & Labeonem, & audio, & quia cognovi, existimo,) nihil est, quod non & iis, & si quis est alius ejusdemmo-



demmodi, & committi & credi rectissime putem. Sed si quis est, in quo jam offenderis, de quo aliquid senseris, huic nihil credideris, nullam partem existimationis tuæ commiseris. In provincia vero ipsa, si quem es nactus, qui in tuam familiaritatem penitus intrarit, qui nobis ante fuerit ignotus; huic quantum credendum sit, vide: non quin possint multi esse provinciales viri boni; sed hoc sperare licet, judicare periculosum est. Multis enim simulationum involucribus tegitur, & quasi velis quibusdam obtenditur uniuscujusque natura: frons oculi, vultus persæpe mentiuntur; oratio vero sapissime. Quamobrem, qui potes reperire ex eo genere hominum, qui pecuniæ cupiditate adducti careant his rebus omnibus, a quibus nos divulsi esse non possumus, te autem, alienum hominem, ament ex animo, ac non sui commodi causa simulent? mihi quidem permagnum videtur; præsertim si iidem homines privatum non fere quemquam, prætores semper omnes amant. Quo ex genere si quem forte tui cognosti amantiorē (fieri enim potuit) quam temporis, hunc vero ad tuum numerum libenter adscribito: sin autem id non perspicias; nullum erit genus in familiaritate cavendum magis: propterea quod & omnes vias pecuniæ norunt, & omnia pecuniæ causa faciunt: & quicum victuri non sunt, ejus existimationi consulere non curant. Atque etiam e Græcis ipsis diligenter cavendæ sunt quædam familiaritates, præter hominum perpaucorum, si qui sunt vetere Græcia digni. Sic vero fallaces sunt permulti, & leves, & diuturna servitute ad nimiam assentationem eruditi. quos ego universos adhiberi liberaliter, optimum quemque hospitio amicitiaque conjungi dico oportere: nimiam familiaritates eorum neque tam fideles sunt, (non enim audent adversari nostris voluntatibus,) & vero invident non nostris solum, verum etiam suis. Jam qui in ejusmodi rebus, in quibus vereor etiam, ne durior sim, cautus esse velim ac diligens: quo me animo in servos esse censēs? quos quidem cum omnibus in locis, tum præcipue in provinciis regere debemus: quo de genere



genere multa præcipi possunt. sed hoc & brevissimum  
 est, & facillime teneri potest, ut ita se gerant in istis  
 Asiaticis itineribus, ut si iter Appia via facias: neve  
 interesse quidquam putent, utrum Tralles an For-  
 mias venerint. At, si quis est ex servis egregie fide-  
 lis; sit in domesticis rebus, & privatis: quæ res ad  
 officium imperii tui, atque ad aliquam partem reipub-  
 licæ pertinebunt, de his rebus ne quid attingat.  
 Multa enim, quæ recte committi servis fidelibus pos-  
 sunt; tamen sermonis & vituperationis vitandæ cau-  
 sa, committenda non sunt. Sed nescio, quo pacto  
 ad præcipiendi rationem delapsa est oratio mea, cum  
 id mihi propositum initio non fuisset. Quid enim ei  
 præcipiam, quem ego in hoc præsertim genere intel-  
 ligam prudentia non esse inferiorem, quam me; usu  
 vero etiam superiorem? Sed tamen si ad ea, quæ fa-  
 ceres, auctoritas accederet mea, tibi ipsi illa putavi  
 fore jucundiora. - Quare sunt hæc fundamenta digni-  
 tatis tuæ: tuā primum integritas & continentia: dein-  
 de omnium, qui tecum sunt, pudor: delectus in fa-  
 miliaritatibus, & provincialium hominum & Græco-  
 rum, percautus & diligens: familiæ gravis & con-  
 stans disciplina. Quæ cum honesta sint in his priva-  
 tis nostris quotidianisque rationibus; in tanto impe-  
 rio, tam depravatis moribus, tam corruptrice pro-  
 vincia, divina videantur necesse est. Hæc institutio  
 atque hæc disciplina potest sustinere in rebus statuen-  
 dis & decernendis eam severitatem, qua tu in iis re-  
 bus usus es, ex quibus nonnullas similitudines cum ma-  
 gna mea lætitia susceptas habemus. nisi forte me Pa-  
 conii nescio cuius, hominis ne Græci quidem, at  
 Mysii, aut Phrygis potius, querelis moveri putas;  
 aut Tuscenii, hominis furiosi ac sordidi vocibus, cu-  
 jus tu ex impurissimis faucibus inhonestissimam cupi-  
 ditatem eripuisti summa cum æquitate. Hæc, & ce-  
 tera plena severitatis, quæ statuisti in ista provincia,  
 non facile sine summa integritate sustineremus. quare  
 sit summa in jure dicendo severitas, dummodo ea ne  
 varietur gratia, sed conservetur æquabilis. Sed tamen  
 parvi refert abs te ipso jus dici æquabiliter & diligen-  
 ter



ter, nisi idem ab iis fiet, quibus tu ejus muneris aliquam partem concesseris. Ac mihi quidem videtur non sane magna varietas esse negotiorum in administranda Asia, sed ea tota jurisdictione maxime sufflari. In qua scientiæ præsertim provincialis ratio ipsa expedita est: constantia est adhibenda & gravitas, quæ resistat non solum gratiæ, verum etiam suspicioni. Adjungenda etiam est facilitas in audiendo, lenitas in decernendo, in satisfaciendo ac disputando diligentia. His rebus nuper C. Octavius jucundissimus fuit: apud quem primus lictor quievit; tacuit accensus: quoties quisque voluit, dixit, & quam voluit diu. Quibus ille rebus fortasse nimis lenis videretur, nisi hæc lenitas illam severitatem tueretur. Cogebantur Sullani homines, quæ per vim & metum abstulerant, reddere. qui in magistratibus injuriose decreverant, eodem ipsis privatis erat jure parendum. hæc illius severitas acerbata videretur, nisi multis condimentis humanitatis mitigaretur. Quodsi hæc lenitas grata Romæ est, ubi tanta arrogantia est, tam immoderata libertas, tam infinita hominum licentia, denique tot magistratus, tot auxilia, tanta vis [populi], tanta senatus auctoritas: quam jucunda tandem prætoris comitas in Asia potest esse, in qua tanta multitudo civium, tanta sociorum, tot urbes, tot civitates unius hominis nutum intuentur? ubi nullum auxilium est, nulla conquestio, nullus senatus, nulla concio? Quare cum permagni hominis est, & cum ipsa natura moderati, tum vero etiam doctrina, atque optimarum artium studiis eruditi, sic se adhibere in tanta potestate, ut nulla alia potestas ab iis, quibus ipse præsit, desideretur. Cyrus ille a Xenophonte non ad historiæ fidem scriptus, sed ad effigiem justî imperii: cujus summa gravitas ab illo philosopho cum singulari comitate conjungitur: (quos quidem liberos non sine causa noster ille Africanus de manibus ponere non solebat: nullum est enim prætermissum in iis officium diligentis & moderati imperii:) eaque, si sic coluit ille, qui privatus futurus numquam fuit; quonam modo retinenda sunt iis, quibus imperium ita datum est, ut redderent, & ab iis legibus datum est,



est, ad quas revertendum est? Ac mihi quidem videntur huc omnia esse referenda iis, qui præsunt aliis, ut ii, qui erunt eorum in imperio, sint quam beatissimi: quod tibi & esse antiquissimum, & ab initio fuisse, ut primum Asiam attigisti, constante fama atque omnium sermone celebratum est. Est autem non modo ejus, qui sociis & civibus, sed etiam ejus, qui servis, qui mutis pecudibus præsist, eorum, quibus præsist, commodis utilitatique servire. Cujus quidem generis constare inter omnes video, abs te summam adhiberi diligentiam: nullum æs alienum novum contrahi civitatibus: vetere autem magno & gravi multas abs te esse liberatas: urbes complures, dirutas ac pæne desertas, (ut quibus unam Ionæ nobilissimam, alteram Cariæ, Samum & Halicarnassum,) per te esse recreatas: nullas esse in oppidis seditiones, nullas discordias: provideri abs te, ut civitates optimatum consiliis administrantur: sublata Mysiæ latrocinia: cædes multis locis repressas: pacem tota provincia constitutam: neque solum illa itinerum atque agrorum, sed multo etiam plura & majora oppidorum & fanorum furta & latrocinia esse depulsa: remotam a fama, & a fortune, & ab otio locupletum, illam acerbissimam ministram prætorum avaritiæ, calumniam: sumtus & tributa civitatum ab omnibus, qui earum civitatum fines incolant, tolerari æquabiliter: facillimos esse aditus a te: patere aures tuas querelis omnium: nullius inopiam ac solitudinem, non modo, illo populari accessu, ac tribunali, sed ne domo quidem & cubiculo esse exclusam; tuo toto denique imperio nihil acerbum esse, nihil crudele, atque omnia plena clementiæ, mansuetudinis, humanitatis. Quantum vero illud est beneficium tuum, quod iniquo & gravi vestigali ædificiorum, magnis nostris simultatibus, Asiam liberaſti? Enimvero, si unus homo nobilis queritur palam, te, quod edixeris, NE AD LUDOS PECUNIÆ DECERNERENTUR, H-S cc. sibi eripuisse: quanta tandem pecunia penderetur, si omnium nomine, quicumque Romæ ludos facerent, quod erat jam institutum, erogaretur?



tur? Quamquam has querelas hominum nostrorum illo consilio oppressimus, quod in Asia nescio quo modo, Romæ quidem non mediocri cum admiratione laudatur, quod, cum ad templum monumentumque nostrum civitates pecunias decrevissent; cumque id, & pro meis magnis meritis, & pro tuis maximis beneficiis, summa sua voluntate fecissent: nominatimque lex exciperet, UT AD TEMPLUM MONUMENTUMQUE CAPERE LICERET; cumque id, quod dabatur, non esset interiturum, sed in ornamentis templi futurum, ut non mihi potius, quam populo Romano, ac diis immortalibus datum videretur: tamen id, in quo erat dignitas, erat lex, erat eorum, qui faciebant, voluntas, accipiendum non putavi; cum aliis de causis, tum etiam ut animo æquiore ferrent ii, quibus nec deberetur, nec liceret. Quapropter incumbere toto animo, & studio omni in eam rationem, qua adhuc usus es, ut eos, quos tuæ fidei potestatique senatus populusque Romanus commisit & credidit, diligas, & omni ratione tueare, ut esse quam beatissimos velis. Quodsi te fors Afris, aut Hispanis, aut Gallis præfecisset, immanibus ac barbaris nationibus: tamen esset humanitatis tuæ, consulere eorum commodis, & utilitati salutique servire. Cum vero ei generi hominum præsimus, non modo in quo ipsa sit, sed etiam a quo ad alios pervenisse putetur humanitas: certe iis eam potissimum tribuere debemus, a quibus accepimus. Non enim me hoc jam dicere pudebit, præsertim in ea vita, atque iis rebus gestis, in quibus non potest residere inertia aut levitatis ulla suspicio, nos ea, quæ consecuti sumus, his studiis & artibus esse adeptos, quæ sint nobis Graciæ monumentis disciplinisque tradita. Quare præter communem fidem, quæ omnibus debetur, præterea nos illi hominum generi præcipue debere videmur, ut, quorum præceptis sumus eruditi, apud eos ipsos, quod ab iis didicerimus, velimus expromere. Atque ille quidem princeps ingenii & doctrinæ Plato, tum denique fore beatas respublicas putavit, si aut docti ac sapientes homines eas regere



cœpissent, aut ii, qui regerent, omne suum studium in doctrina ac sapientia collocarent. Hanc conjunctionem videlicet potestatis ac sapientiæ, saluti censuit civitatibus esse posse: quod fortasse aliquando universæ reipublicæ nostræ, nunc quidem profecto isti provinciæ contigit, ut is in ea summam potestatem haberet, cui in doctrina, cui in civitate atque humanitate percipienda plurimum a pueritia studii fuisset & temporis. Quare cura, ut hic annus, qui ad laborem tuum accessit, idem ad salutem Asiæ prorogatus esse videatur: quoniam in te retinendo fuit Asia felicior, quam nos in deducendo; perface, ut lætitia provinciæ desiderium nostrum leniatur. Etenim si in promerendo, ut tibi tanti honores haberentur, quanti haud scio an nemini, fuisti omnium diligentissimus; multo maiorem in his honoribus tuendis adhibere diligentiam debes. Et quidem de isto genere honorum quid sentirem, scripsi ad te ante. semper eos putavi, si vulgares essent, viles: si temporis causa constituerentur, leves: si vero (id quod ita factum est) meritis tuis tribuerentur, existimabam multam tibi in his honoribus tuendis operam esse ponendam. Quare quoniam in istis urbibus cum summo imperio & potestate versaris, in quibus tuas virtutes consecratas & in deorum numero collocatas vides: in omnibus rebus, quas statues, quas decernes, quas ages, quid tantis hominum opinionibus, tantis de te iudiciis, tantis honoribus debeas, cogitabis. Id autem erit ejusmodi, ut consulas omnibus, ut medeare in commodis hominum, provideas saluti, ut te parentem Asiæ & dici & haberi velis. Atque huic tuæ voluntati ac diligentiae difficultatem magnam afferunt publicani: quibus si adversamur; ordinem de nobis optime meritum, & per nos cum republica conjunctum, & a nobis, & a republica dijungemus. sin autem omnibus in rebus obsequemur; funditus eos perire patiemur, quorum non modo saluti, sed etiam commodis consulere debemus. Hæc est una (si vere cogitare volumus) in toto imperio tuo difficultas. Nam esse abstinentem, continere omnes cupiditates, suos



suos coercere; juris æquabilem tenere rationem; facilem te in rebus cognoscendis, in hominibus audiendis, admittendisque præbere; præclarum magis est, quam difficile. non est enim positum in labore aliquo, sed in quadam inductione animi atque voluntate. Illa causa publicanorum quantam acerbiter affert focis, intelleximus & civibus, qui nuper in portoriis Italiæ tollendis, non tam de portorio, quam de nonnullis injuriis portitorum querebantur. Quare non ignoro, quid focis accidat in ultimis terris, cum audierim in Italia querelas civium. Hic te ita versari, ut & publicanis satisfacias, præsertim publicis male redemptis, & socios perire non sinas; divinæ cujusdam virtutis esse videtur, id est, tuæ. Ac primum Græcis, id quod acerbissimum est, quod sunt vestigales, non ita acerbum videri debet, propterea quod sine imperio populi Romani, suis institutis, per se ipsi ita fuerunt. Nomen autem publicani aspernari non possunt, qui pendere ipsi vestigal sine publicano non potuerunt, quod iis æqualiter Sulla descriperat. Non esse autem leniores in exigendis vestigalibus Græcos, quam nostros publicanos, hinc intelligi potest, quod Caunii nuper, omnesque ex insulis, quæ erant ab Sulla Rhodiis attributæ, confugerunt ad senatum, nobis ut potius vestigal, quam Rhodiis penderent. Quare nomen publicani neque ii debent horrere, qui semper vestigales fuerunt; neque ii aspernari, qui per se pendere vestigal non potuerunt; neque ii recusare, qui postulaverunt. Simul & illud Asia cogitet, nullam a se neque belli externi, neque discordiarum domesticarum calamitatem abfuturam fuisse, si hoc imperio non teneretur, id autem impetium cum retineri sine vestigalibus nullo modo possit, æquo animo parte aliqua suorum fructuum pacem sibi sempiternam redimat atque otium. Quodsi genus ipsum & nomen publicani non iniquo animo sustinebunt: poterunt iis, consilio & prudentia tua, reliqua videri mitiora. Possunt in pactionibus faciendis non legem spectare censoriam, sed potius commoditatem conficiendi negotii, & liberationem molestiæ.



Potes etiam tu id facere, quod & fecisti egregie, & facis, ut commemores, quanta sit in publicanis dignitas, quantum nos illi ordini debeamus, ut remoto imperio, ac vi potestatis & fascium, publicanos cum Græcis gratia atque auctoritate conjungas. Sed & ab iis, de quibus optime tu meritus es, & qui tibi omnia debent, hoc petas, ut facilitate sua, nos eam necessitudinem, quæ est nobis cum publicanis, obtinere & conservare patiantur. Sed quid ego te hæc hortor, quæ tu non modo facere potes tua sponte sine cujusquam præceptis, sed etiam magna jam ex parte perfecisti? non enim desistunt nobis agere quotidie gratias honestissimæ & maximæ societates: quod quidem mihi idcirco jucundius est, quod idem faciunt Græci. Difficile est autem, ea, quæ commodis, utilitate, & prope natura diversa sunt, voluntate conjungere. At ea quidem, quæ supra scripta sunt, non ut te instituerem, scripsi, (neque enim prudentia tua cujusquam præcepta desiderat,) sed me in scribendo commemoratio tuæ virtutis delectavit: quamquam in his litteris longior fui, quam aut vellem, aut quam me putavi fore. Unum est, quod tibi ego præcipere non desinam, neque te patiar (quantum in me erit) cum exceptione laudari. omnes enim, qui instinc veniunt, ita de tua virtute, integritate, humanitate commemorant, ut in tuis summis laudibus excipiant unam iracundiam. quod vitium, cum in hac privata quotidianaque vita levis esse animi atque infirmi videtur: tum verò nihil est tam deforme, quam ad summum imperium etiam acerbiter naturæ adjungere. Quare illud non suscipiam, ut, quæ de iracundia dici solent a doctissimis hominibus, ea tibi nunc exponam, cum & nimis longus esse nolim, & ex multorum scriptis ea facile possis cognoscere: quod est epistolæ proprium, ut is, ad quem scribitur, de iis rebus, quas ignorat, certior fiat, prætermittendum esse non puto. Sic ad nos omnes fere deferunt, nihil, cum absit iracundia, te fieri posse jucundius. sed cum te alicujus improbitas perversitasque commoverit, sic te animo incitari, ut ab omnibus tua desideretur humanitas.

Quare



Quare quoniam in eam rationem vitæ nos non tam cupiditas quædam gloriæ, quam res ipsa ac fortuna deduxit, ut sempiternus sermo hominum de nobis futurus sit; caveamus, quantum efficere & consequi possumus, ut ne quod in nobis insigne vitium fuisse dicatur. Neque ego nunc hoc contendo, quod fortasse cum in omni patura, tum jam in nostra ætate difficile est, mutare animum, & si quid est penitus insitum moribus, id subito evellere: sed te illud ad-moneo, ut, si hoc plasse vitare non potes, quod ante occupatur animus ab iracundia, quam providere ratio potuit, ne occuparetur, ut te ante compares, quotidieque meditare, resistendum esse iracundiæ; cumque ea maxime animum moveat, tum tibi esse diligentissime linguam continendam: quæ quidem mihi virtus non interdum minor videtur, quam omnino non irasci. Nam illud non solum est gravitatis, sed nonnumquam etiam lentitudinis: moderari vero & animo & orationi, cum sis iratus, aut etiam tacere, & tenere in sua potestate motum animi & dolorem, etsi non est perfectæ sapientiæ, tamen est non mediocris ingenii. Atque in hoc genere multo te esse jam commodiorem mitioremque nuntiant. Nullæ tuæ vehementiores animi concitationes, nullæ maledicta ad nos, nullæ contumeliæ perferuntur: quæ cum abhorrent a litteris, ab humanitate, tum verò contraria sunt imperio ac dignitati. nam si implacabiles iracundiæ sint; summa est acerbitas: sin autem exorabiles; summa levitas: quæ tamen (ut in malis) acerbitati anteponenda est. Sed quoniam primus annus habuit de hac reprehensione, plurimum sermonis, credo propterea, quod tibi hominum injuriæ, quod avaritiæ, quod insolentia præter opinionem accidebat, & intolerabilis videbatur; secundus autem multo lenior, quod & consuetudo, & ratio, & (ut ego arbitror) mea quoque litteræ te patientiorem lenioremque fecerunt: tertius annus ita esse debet emendatus, ut ne minimam quidem rem quisquam possit ullam reprehendere. Ac jam hoc loco non hortatione, neque præceptis, sed precibus tecum fraternis ago; to-



totum ut animum, curam, cogitationemque tuam ponas in omnium laude undique colligenda. Quodsi in mediocri statu sermonis ac prædicationis nostræ res essent; nihil abs te eximium, nihil præter aliorum consuetudinem postularetur. nunc vero, propter earum rerum, in quibus versati sumus, splendorem & magnitudinem, nisi summam laudem ex ista provincia assequimur, vix videmur summam vituperationem posse vitare. Ea nostra ratio est, ut omnes boni cum faveant, tum etiam a nobis omnem diligentiam virtutemque & postulent & expectent, omnes autem improbi (quod cum iis bellum suscepimus sempiternum) vel minima re ad reprehendendum contenti esse videantur. Quare quoniam ejusmodi theatrum est totius Asiæ, celebritate refertissimum, magnitudine amplissimum, judicio eruditissimum, natura autem ita resonans, ut usque Romam significationes vocesque referantur: contende, quæso, atque elabora, non modo ut his rebus dignus fuisset, sed etiam ut illa omnia tuis artibus superasse videare: Et quoniam mihi casus urbanam in magistratibus administrationem reipublicæ, tibi provincialem dedit; & si mea pars nemini cedit, fac, ut tua ceteros vincat. Simul & illud cogita, nos non de reliqua & sperata gloria jam laborare, sed de parta dimicare. quæ quidem non tam expetenda nobis fuit, quam tuenda est. Ac si mihi quidquam esset abs te separatum, nihil amplius desiderarem hoc statu, qui mihi jam partus est. nunc vero res sic sese habet, ut, nisi omnia tua facta atque dista nostris rebus istinc respondeant, ego me meis tantis laboribus, tantisque periculis, quorum tu omnium particeps fuisti, nihil consecutum putem. Quodsi ut amplissimum nomen consequeremur, unus præter ceteros adjuvisti: certe idem, ut id retineamus præter ceteros elaborabis. Non est tibi his solis utendum estimationibus ac judiciis, qui nunc sunt, hominum, sed iis etiam, qui futuri sunt: quamquam illorum erit verius judicium, obrectatione & malivolentia liberatum. Denique illud etiam debes cogitare, non te tibi soli gloriam quærere: quod si esset; tamen non negli-



negligeres, præsertim cum amplissimis monumentis consecrare voluisses memoriam nominis tui: sed ea tibi est communicanda mecum, prodenda liberis nostris. In qua cavendum est, ne, si negligentior fueris, non solum tibi parum consuluisse, sed etiam tuis invidisse videaris. Atque hæc non eo dicuntur, ut te oratio mea dormientem excitasse, sed potius ut currentem incitasse videatur. Facies enim perpetuo, quæ fecisti, ut omnes æquitatem tuam, temperantiam, severitatem, integritatemque laudent. Sed me quædam tenet, propter singularem amorem, infinita in te aviditas gloriæ: quamquam illud existimo, cum jam tibi Asia, sicut unicuique sua domus, nota esse debeat, cum ad tuam summam prudentiam tantus usus accesserit, nihil esse, quod ad laudem attineat, quod non tu optime perspicias, & tibi non, sine cuiusquam hortatione, in mentem veniat quotidie. Sed ego, qui, cum tua lego, te audire, & qui, cum ad te scribo, tecum loqui videor: idcirco & tua longissima quaque epistola maxime delector, & ipse in scribendo sæpe sum longior. Illud te ad extremum & oro & hortor, ut, tamquam poetæ boni & actores industrii solent, sic tu in extrema parte & conclusione muneris ac negotii tui diligentissimus sis, ut hic tertius annus imperii tui, tamquam tertius actus, perfectissimus atque ornatissimus fuisse videatur. Id facillime facies, si me (cui semper uni magis, quam universis, placere voluisti) tecum semper esse putabis, & omnibus iis rebus, quas dices ac facies, interesse. Reliquum est, ut te orem, ut valitudini tuæ, si me & tuos omnes valere vis, diligentissime servias.

ARGUMENTUM.

2

*De Scarii liberti nimis apud Quintum gratiosi adventu, & hominum de eo sermonibus & querelis: de Gracis, quos commendaverat, aut quibus videbatur indulgere, excusatio: de litteris Quinti iniquis, duris, contrariis, de eisque tollendis consilium: L. Flavii, cui hereditas in Asia venerat, aliorumque commendatio: objurgationum suarum excusatio, ac tandem de rebus publicis commemoratio.*



## MARCUS Q. FRATRI S.

Statius ad me venit a. d. viii. Kalend. Novembr. Ejus adventus, quod ita scripsisti, direptum iri te a tuis, dum is abesset, molestus mihi fuit. Quod autem expectationem tui, concursumque eum, qui erat futurus, si una tecum decederet, neque antea visus esset, sustulit; id mihi non ineommode visum est accidisse. Exhaustus enim est sermo hominum, & multis emissæ jam ejusmodi voces, ἄλλα αἰετὶ τὴν φωνὴν μέγαν. quæ te absente confecta esse lator. Quod autem id circo a te missus est, mihi ut se purgaret, id necesse minime fuit. Primum enim numquam ille mihi fuit suspectus: neque ego, quæ ad te de illo scripsi, scripsi meo judicio, sed cum ratio, salusque omnium nostrum, qui ad rempublicam accedimus, non veritate solum, sed etiam fama niteretur, sermones ad te aliorum semper, non mea judicia perscripsi. qui quidem quam frequentes essent, & quam graves, adventu suo Statius ipse cognovit. Etenim intervenit nonnullorum querelis, quæ apud me de illo ipso habebantur: & sentire potuit, sermones iniquorum in suum potissimum nomen erumpere. Quod autem me maxime movere solebat, cum audiebam, illum plus apud te posse, quam gravitas illius ætatis & imperii prudentia postularet, (quam multos enim cum egisse putas, ut se Statio commendarem? quam multa autem ipsum ἀφελος mecum in sermone ita protulisse?) id mihi non placuit: monui, suasi, deterrui. Quibus in rebus etiamsi fidelitas summa est, (quod prorsus credo, quoniam tu ita judicas,) tamen species ipsa tam gratiosi liberti, aut servi, dignitatem habere nullam potest. Atque hoc sic habeto, (nihil enim nec temere dicere, nec astute reticere debeo,) materiam omnem sermonem eorum, qui de te detrudere vellent, Statium dedisse: & antea tantum intelligi potuisse, iratos tuæ severitati esse nonnullos: hoc manumisso, iratis, quod loquerentur, non defuisse. Nunc respondebo ad eas epistolas, quas mihi reddidit L. Cæsius, (cui, quoniam ita te velle intel-

Ugo,



figo, nullo loco deero,) quarum altera est de Blaude-  
nio Zeuxide, quem scribis certissimum matricidam  
tibi a me intime commendari. Qua de re, & de hoc  
genere toto, ne forte me in Græcos tam ambitiosum  
factum esse mirere, pauca cognosce. Ego cum Græ-  
corum querelas nimium valere sentirem, propter ho-  
minum ingenia ad fallendum parata: quoscumque de  
te queri audiui, quacumque potui ratione placavi.  
Primum Dionysipolitas, qui erant inimicissimi mei,  
lenivi: quorum principem Hermippum non solum  
sermone meo, sed etiam familiaritate devinxi. Ego  
Apamensem Hephastium, ego lepissimum hominem,  
Megaristum Antandrium, ego Niciam Smyrnæum,  
ego nugas maximas omni mea comitate sum comple-  
xus, Nymphontem etiam Colophonium. quæ feci  
omnia, non quo me, aut ii homines, aut tota natio  
delectaret: pertasum est levitatis, assentationis, ani-  
morum, non officiis, sed temporibus servientium.  
Sed, ut ad Zeuxim revertar: cum is de M. Cascelli  
sermone secum habito, quæ tu scribis, ea ipsa loque-  
retur, oblitus ejus sermoni, & hominem in familiari-  
tatem recepi. Tua autem quæ fuerit cupiditas tanta,  
nescio, quod scribis cupiisse te, quoniam Smyrnæ  
duo Myfos insuisses in culeum, simile in superiore  
parte provinciæ edere exemplum severitatis tuæ, &  
idecirco Zeuxim elicere omni ratione voluisse: quem  
adductum in judicium fortasse dimitti non oportuerit;  
conquiri vero, & elici blanditiis (ut tu scribis) ad ju-  
diciū, necesse non fuit; eum præsertim hominem,  
quem ego & ex suis civibus, & ex multis aliis quoti-  
die magis cognosco nobiliorem esse prope, quam ci-  
vitatem suam. At enim Græcis solis indulgeo. Quid?  
L. Cæcilium nonne omni ratione placavi? quem ho-  
minem? qua ira? quo spiritu? quem denique, præ-  
ter Tuscenium, cujus causa sanari non potest, non  
mitigavi? Ecce supra caput homo levis ac sordidus,  
sed tamen equestri censu, Catienus: etiam is lenie-  
tur. cujus tu in patrem quod fuisti asperior, non re-  
prehendo: certo enim scio, te fecisse cum causa. sed  
quid opus fuit ejusmodi litteris, quas ad ipsum mi-



fisti? illum crucem sibi ipsum constituere, ex qua tu eum ante detraxisses: te curaturum, fumo ut combureretur, plaudente tota provincia. Quid vero ad C. Fabium, nescio quem? (nam eam quoque epistolam T. Catiens circumgestat.) renuntiare tibi, Licinium plagiarium cum suo pullo milvino tributa exigere? Deinde rogas Fabium, ut & patrem & filium vivos comburat, si possit: sin minus, ad te mittat, uti iudicio comburantur. Hæ litteræ abs te per jocum missæ ad C. Fabium, si modo sunt tuæ, cum leguntur, invidiosam atrocitatem verborum habent. Ac, si omnium mearum litterarum præcepta repetes; intelliges, nihil esse a me, nisi orationis acerbicatem & iracundiam, & si forte, raro litterarum missarum indiligentiam reprehensam. Quibus quidem in rebus si apud te plus auctoritas mea, quam tua sive natura paullo acrior, sive quædam dulcedo iracundiæ, sive dicendi sibi facetiæque valuisset, nihil sane esset, quod nos pœniteret. Et mediocri me dolore putas affici, cum audiam, quæ sit existimatione Virgilius, quæ tuus vicinus C. Octavius? Nam si te interioribus vicinis tuis, Ciliciensi & Syriaco anteponis, valde magnum facis. Atque is dolor est, quod cum ii, quos nominavi, te innocentia non vincant, vincunt tamen artificio benivolentiæ colligendæ, qui neque Cyrum Xenophontis, neque Agefilaum noverint: quorum regum summo in imperio nemo umquam verbum ullum asperius audivit. Sed hæc a principio tibi præcipiens, quantum profecerim, non ignoro. Nunc tamen decedens (id quod mihi jam facere videris) relinque, quæso, quam iucundissimam memoriam tui. Successorem habes perblandum: cetera valde illius adventu tuæ requirentur. In litteris mittendis (ut sæpe ad te scripsi) nimium te exorabilem præbuiti. tolle omnes, si potes, iniquas, tolle inusitatas, tolle contrarias. Staius mihi narravit, scriptas ad te solere afferri, ab se legi: & si iniquæ sint, fieri te certiores. antequam vero ipse ad te venisset, nullum delectum litterarum fuisse: ex eo esse volumina selectarum epistolarum, quæ reprehendi solerent. Hoc de genere nihil



nihil te nunc quidem moneo. sero est enim: ac scire potes, multa me varie diligenterque monuisse. Illud tamen, quod Theopompo mandavi, cum essem admonitus ab ipso, vide per homines amantes tui, quod est facile, ut hæc genera tollantur epistolarum, primum iniquarum, deinde contrariarum, tum absurde & inusitate scriptarum: postremo in aliquem contumeliosarum. Atque ego hæc tam esse, quam audio, non puto: & si sunt occupationibus tuis minus animadversa, nunc perspice & purga. Legi epistolam, quam ipse scripsisse Sulla nomenclator dictus est, non probandam; legi nonnullas iracundas. sed tempore ipso de epistolis. Nam cum hanc paginam tenerem, L. Flavius, prætor designatus, ad me venit, homo mihi valde familiaris. Is mihi, te ad procuratores suos litteras misisse; quæ mihi visæ sunt iniquissima: ne quid de bonis, quæ L. Octavii Nasonis fuissent, cui L. Flavius heres est, deminuerent ante, quam C. Fundanio pecuniam solvissent. Itemque misisse ad Apollonidienfes, nec de bonis, quæ Octavii fuissent, deminui paterentur, priusquam Fundanio debitum solutum esset. Hæc mihi verisimilia non videntur. sunt enim a prudentia tua remotissima. Ne deminuat heres? Quid si infitiatur? Quid si omnino non debetur? Quid? prætor solet judicare deberi? Quid? ego Fundanio non cupio? non amicus sum? non misericordia moveor? nemo magis: sed via juris ejusmodi est quibusdam in rebus, ut nihil sit loci gratiæ. Atque ita mihi dicebat Flavius scriptum in ea epistola, quam tuam esse dicebat, te aut quasi amicis tuis gratias acturum, aut quasi inimicis incommoda laturum. Quid multa? ferebat graviter, id vehementer mecum querebatur, orabatque, ut ad te quam diligentissime scriberem: quod facio, & prorsus vehementer etiam atque etiam rogo, ut & procuratoribus Flavii remittas de deminuendo, & de Apollonidienfibus, ne quid perscribas, quod contra Flavium sit: amplius, & Flavii causa, & scilicet Pompeji, facias omnia. Nolo mediusfidius ex tua injuria in illum, tibi liberalem me videri: sed & te oro, ut

tu



tu ipse auctoritatem & monumentum aliquod decreti, aut litterarum tuarum relinquant, quod sit ad Flavii rem & ad causam accommodatum. Fert enim graviter homo & mei observantissimus, & sui juris dignitatisque retinens, se apud te neque amicitia, neque jure valuisse: &, ut opinor, Flavii aliquando rem & Pompejus & Caesar tibi commendarunt: & ipse ad te scripserat Flavius, & ego certe. Quare si ulla res est, quam tibi me facendam petente putes, hæc ea sit. Si me amas, cura, elabora, perfice, ut Flavius & tibi & mihi quam maximas gratias agat. hoc te ita rogo, ut majore studio rogare non possim. Quod ad me de Hermia scribis, mihi mehercule valde molestum fuit. Litteras ad te parum fraterne scripseram: quas oratione Diodoti, Luculli liberti, commotus, de passione statim quod audieram, iracundius scripseram, & revocare cupiebam. huic tu epistolæ non fraterne scriptæ, fraterne debes ignoscere. De Censorino, Antonio, Cassio, Scævola, te ab iis diligi (ut scribis) vehementer gaudeo. cetera fuerunt in eadem epistola graviora; quam vellem, *ἡ ἑξῆς τῶν παλαιῶν* & *ἡ ἀρχὴ τῶν νεωτέρων*. majora ista erunt. Meæ objurgationes fuerunt amoris plenissimæ, quæ sunt nonnullæ, sed tamen mediocres, & parvæ potius. Ego te nunquam ulla in re dignum minima reprehensione putassem, cum te sanctissime gereres, nisi inimicos multos haberemus. Quæ ad te reliqua admonitione aut objurgatione scripsi, scripsi propter diligentiam cautionis meæ, in qua & maneo & manebo, &, idem ut facias, non desistam rogare. Attalus Iphemenus mecum egit, ut se ne impedires, quo minus, quod ad Q. Publiceni statuum decretum est, erogaretur: quod ego te & rogo & admoneo, ne talis viri, tamque nostri necessarii, honorem minui per te, aut impediri velis. Præterea Æsopi tragædi, nostri familiaris, Licinius servus, tibi notus, aufugit. Is Athenis apud Patronem Epicureum pro libero fuit. inde in Asiam venit. Postea Plato quidam Sardianus, Epicureus, qui Athenis solet esse multum, & qui tum Athenis fuerat, cum Licinius eo venisset, cum eum fugi-



fugitivum postea esse ex *Æsopi* litteris cognosset, hominem comprehendit, & in custodiam *Ephesi* tradidit: sed in publicam, an in pistrinum, non satis ex litteris ejus intelligere potuimus. Tu, quoque modo, quoniam *Ephesi* est, hominem investigates velim, summaque diligentia vel tecum deducas. Noli spectare, quanti homo sit: parvi enim pretii est, qui jam nihili sit: sed tanto dolore *Æsopus* est affectus propter servi scelus & audaciam, ut nihil ei gratius facere possis, quam si illum per te recuperarit. Nunc ea cognosce, quæ maxime exoptas. Rempublicam funditus amisimus: adeo ut *Cato*, adolescens nullius consilii, sed tamen civis Romanus, & *Cato*, vix vivus effugeret; quod, cum *Gabinium* de ambitu vellet postulare, neque prætores diebus aliquot adiri possent, vel potestatem sui facerent, in concionem ascendit, & *Pompejum* privatus dictatorem appellavit. propius nihil est factum, quam ut occideretur. Ex hoc, qui sit status totius reipublicæ, videre potes. Nostræ tamen causæ non videntur homines defuturi. mirandum in modum profitentur, offerunt se, pollicentur: & quidem cum spe sum maxima, tum majore etiam animo. spero superiores fore nos: confido animo, ut in hac republica ne casum quidem ullum pertimescam: sed tamen res sic se habet. Si diem nobis *Clodius* dixerit; tota Italia concurret, ut multiplicata gloria discedamus: sin autem vi agere conabitur; spero fore, studiis non solum amicorum, sed etiam alienorum, ut vi resistamus. Omnes & se, & suos liberos, amicos, clientes, libertos, servos, pecunias denique suas pollicentur. Nostra antiqua manus bonorum ardet studio nostri atque amore. Si qui antea aut alieniores fuerant, aut languidiores, nunc horum regum odio se cum bonis conjungunt. *Pompejus* omnia pollicetur & *Cæsar*: quibus ego ita credo, ut nihil de me comparatione deminui. Tribuni plebis designati sunt nobis amici. Consules se optime ostendunt. Prætores habemus amicissimos, & acerrimos cives, *Domitium*, *Nigidium*, *Memmium*, *Lentulum*; bonos etiam alios: sed hos singula



gulares. Quare magnum fac animum habeas, & spem bonam. De singulis tamen rebus, quæ quotidie gerantur, faciam te crebro certiorum.

## A R G U M E N T U M.

3

*De pueris sine epistola missis se excusat, & de exilii miseria & calamitate graviter conqueritur.*

## MARCUS Q. FRATRI S.

**M**i frater, mi frater, mi frater, tunc id veritus es, ne ego iracundia aliqua adductus pueros ad te sine litteris miserim? aut etiam ne te videre noluerim? Ego tibi irascerer? tibi ego possem irasci? scilicet tu enim me afflixisti: tui me inimici, tua me invidia, ac non ego te misere perdidisti. Meus ille laudatus consulatus, mihi te, liberos, patriam, fortunas; tibi velim ne quid eripuerit, præter unum me. Sed certe a te mihi omnia semper honesta & iucunda ceciderunt; a me tibi luctus mea calamitatis, metus tuæ, desiderium, mæror, solitudo. Ego te videre noluerim? Immo vero me a te videri nolui. Non enim vidisses fratrem tuum: non enim, quem reliqueras: non eum, quem moras: non eum, quem flens flentem, prosequenter proficiscens dimiseras: ne vestigium quidem ejus; nec simulacrum; sed quandam effigiem spirantis mortui. Atque utinam me mortuum prius vidisses, aut audisses! utinam te non solum vitæ, sed etiam dignitatis meæ superstitem reliquisses! Sed testor omnes deos, me hac una voce a morte esse revocatum, quod omnes in mea vita partem aliquam tuæ vitæ repositam esse dicebant. Quare peccavi, scelerateque feci. nam si cecidisses, mors ipsa meam pietatem amoremque in te facile defenderet. nunc commisi, ut vivo me careres, vivo me aliis indigeres: mea vox in domesticis periculis potissimum occideret, quæ sæpe alienissimis præsidio fuisset. Nam quod ad te pueri sine litteris venerunt, quoniam vides non fuisse iracundiæ causa, certe pigritia fuit, & quædam infinita vis lacrimarum & dolorum. Hac ipsa



ipsa me quo fletu putas scripsisse? eodem, quo te le-  
 gere certo scio. An ego possum aut non cogitare?  
 Cum enim te desidero, fratrem solum desidero? Ego  
 vero suavitate fratrem, prope æqualem, obsequio fi-  
 lium, consilio parentem. Quid mihi sine te umquam,  
 aut tibi sine me jucundum fuit? Quid, quod eodem  
 tempore desidero filiam? qua pietate, qua modestia,  
 quo ingenio? effigiem oris, sermonis, animi mei?  
 Quid filium venustissimum, mihiq; dulcissimum?  
 quem ego ferus ac ferreus e complexu dimisi meo,  
 sapientiozem puerum quam veliem. sentiebat enim  
 miser jam, quid ageretur. Quid vero tuum filium?  
 quid imaginem tuam, quam meus Cicero & amabat,  
 ut fratrem, & jam, ut majorem fratrem, verebatur?  
 Quid? quod mulierem miserrimam, fidelissimam con-  
 jugem, me prosequi non sum passus, ut esset, quæ  
 reliquias communis calamitatis, communes liberos  
 tueretur? Sed tamen, quoquo modo potui, scripsi,  
 & dedi litteras ad te Philogono, liberto tuo, quas  
 credo tibi redditas esse: in quibus idem te hortor &  
 rogo, quod pueri tibi verbis meis nuntiarunt, ut Ro-  
 mam protinus pergas & properes. Primum enim te  
 præsidio esse volui, si qui essent inimici, quorum cru-  
 delitas nondum esset nostra calamitate satiata. Dein-  
 de congressus nostri lamentationem pertinui: digres-  
 sum vero non tulissem: atque etiam idipsum, quod  
 tu scribis, metuebam, ne a me distrahi non posses.  
 His de causis hoc maximum malum, quod te non  
 vidi, quo nihil amantissimis & conjunctissimis fratri-  
 bus acerbius ac miserius videtur accidere potuisse,  
 minus acerbum, minus miserum fuit, quam fuisset  
 cum congressio, tuum vero digressio nostra. Nunc,  
 si potes, id quod ego, qui fortis tibi semper videbar,  
 non possum, erige te, & confirma, si qua subeunda  
 dimicatio erit. Spero, si quid mea spes habet aucto-  
 ritatis, tibi & integritatem tuam, & amorem in te ci-  
 vitatis, & aliquid etiam misericordiam nostri, præsi-  
 dii laturam. sin eris ab isto periculo vacuus: ages sci-  
 licet, si quid agi posse de nobis putabis. de quo scri-  
 bunt ad me quidem multi multa, & se sperare demon-  
 strant:



stant: sed ego, quid sperem, non dispicio, cum inimici plurimum valeant, amici partim deseruerint me, partim etiam prodiderint: qui in meo reditu fortasse reprehensionem sui sceleris pertimescant. Sed ista qualia sunt, tu velim perspicias, mihi que declares. Ego tamen, quamdiu tibi opus erit, si quid periculi subeundum videbis, vivam. diutius in hac vita esse non possum. Neque enim tantam virium habet ulla aut prudentia, aut doctrina, ut tantum dolorem possit sustinere. Scio fuisse & honestius moriendi tempus, & utilius: sed non hoc solum, multa alia prætermisi: quæ si queri velim præterita; nihil agam, nisi ut augere dolorem tuum, indicem stultitiam meam. Illud quidem nec faciendum est, nec fieri potest, me diutius, quam aut tuum tempus, aut firma spes postulat, in tam misera, tamque turpi vita commorari: ut, qui modo fratre fuerim, liberis, conjuge, copiis, genere ipso pecuniæ beatissimus, dignitate, auctoritate, existimatione, gratia non inferior, quam qui umquam fuerunt amplissimi: is nunc, in hac tam afflictâ perditâque fortuna, neque me, neque meos lugere diutius possim. Quare quid ad me scripsisti de permutatione? quasi vero nunc me non tuæ facultates sustineant. qua in re ipsa video miser & sentio, quid sceleris admiserim, cum de visceribus tuis & filii tui satisfacturus sis, quibus debes: ego, acceptam ex ærario pecuniam tuo nomine, frustra dissiparim. Sed tamen & M. Antonio, quantum tu scripseras, & Cæpioni tantumdem solutum est: mihi ad id, quod cogito, hoc, quod habeo, satis est. siue enim restitui-mur, siue desperatur, nihil amplius opus est. Tu, si forte quid erit molestiæ, te ad Crassum & ad Calpurnium conferas, censeo. Quantum Hortensio credendum sit, nescio. me summa simulatione amoris, summaque assiduitate quotidiana, sceleratissime invidiosissimeque tractavit, adjuncto quoque Arrio: quorum ego consiliis, promissis, præceptis destitutus, in hanc calamitatem incidi. Sed hæc occultabis, ne quid obsint. Illud caveto: & eo puto, per Pomponium fovendum tibi esse ipsum Hortensium, ne ille versus, qui



qui in te erat collatus, cum ædilitatem petebas, de lege Aurelia, falso testimonio confirmetur. Nihil enim tam timeo, quam ne, cum intelligant homines, quantum misericordiæ nobis tuæ preces & tuæ salus allatura sit, oppugnent te vehementius. Messalam tui studiosum esse arbitror: Pompejum etiam simulatorem puto. Sed hæc utinam non experiare! quod precarer deos, nisi meas preces audire desissent. Verumtamen precor, ut his infinitis nostris malis contenti sint: in quibus non modo tamen nullius inest peccati infamia; sed omnis dolor est, quod optime factis pœna est maxima constituta. Filiam meam & tuam, Ciceronemque nostrum, quid ego, mi frater, tibi commendem? quin illud mæreo, quod tibi non minorem dolorem illorum orbitas afferet, quam mihi. Sed, te incolumi, orbi non erunt. Reliqua, ita mihi salus aliqua detur, potestasque in patria moriendi, ut me lacrimæ non sinunt scribere. Etiam Terentiam velim tueare, mihiq; de omnibus rebus rescribas. Sis fortis, quoad rei natura patiat. Idibus Junii, Thessalonica.

## A R G U M E N T U M.

4

*De perfidia, timore & invidia amicorum conqueritur, & quid sit sperandum de reditu, vere ad se perscribi cupit.*

## MARCUS Q. FRATRI S.

**A**mabo te, mi frater, ne, si uno meo facto & tui & omnes mei corruistis, improbitati & sceleri meo potius, quam imprudentiæ miseriæque assignes: nullum est meum peccatum, nisi quod iis credidi, a quibus nefas putabam esse me decipi, aut etiam, quibus ne id expedire quidem arbitrabar. intimus, proximus, familiarissimus quisque aut sibi pertimuit, aut mihi invidit. ita mihi nihil misero præter fidem amicorum, cautum meum consilium fuit. Quodsi te satis innocentia tua & misericordia hominum vindicat hoc tempore a molestia: perspicis profecto, equam nam nobis spes salutis relinquatur. Nam me Pom-

Cic. Epist. Tom. II.

Hh

ponius



ponius, & Sextius, & Piso noster adhuc Thessalonicæ retinuerunt, cum longius discedere, propter nescio quos motus, vetarent. verum ego magis exitum, illorum litteris, quam spe certa expectabam. Nam quid sperem, potentissimo inimico, dominatione obtreptatorum, infidelibus amicis, pluribus invidis? De novis autem tribunis plebis est ille quidem in me officiosissimus Sextius, &, spero, Curtius, Milo, Fadius, Gratius; sed valde adversante Clodio: qui etiam privatus eadem manu poterit conciones concitare: deinde etiam intercessor parabitur. Hæc mihi proficiscenti non proponebantur: sed sæpe triduo summa cum gloria dicebar esse rediturus. Quid tu igitur? inquires. quid? multa convenerunt; quæ mentem exturbarent meam: subita defecio Pompeji, alienatio consulum, etiam prætorum, timor publicanorum, arma. lacrimæ meorum me ad mortem ire prohibuerunt: quod certe & ad honestatem & ad effugiendos intolerabiles dolores fuit aptissimum. Sed de hoc scripsi ad te in ea epistola, quam Phaerthonti dedi. Nunc tu, quoniam in tantum luctum & laborem detrusus es, quantum nemo umquam: si relevare potes communem casum misericordia hominum; scilicet incredibile quiddam assequeris: sin plane occidimus; (me miserum!) ego omnibus meis exitio fuero, quibus ante dedecori non eram. Sed tu, ut ante ad te scripsi, perspice rem & pertenta: & ad me, ut tempora nostra, non ut amor tuus fert, vere perscribe. Ego vitam, quoad putabo tua interesse, aut ad spem servandam esse, retinebo. Tu nobis amicissimum Sextium cognosces: credo tua causa velle Lentulum, qui erit consul. quamquam sunt facta verbis difficiliora. Tu & quid opus sit, & quid sit, videbis omnino. Si tuam solitudinem communemque calamitatem nemo despererit: aut per te confici aliquid, aut nullo modo poterit. sin te quoque inimici vexare cœperint, ne cessaris. non enim gladiis mecum, sed litibus agetur. Verum hæc absint velim. Te oro, ut ad me de omnibus rebus scribas, & in me animi potius, aut consilii putes minus esse, quam antea; amoris vero & officii non minus.

M. TUL.





M. TULLII CICERONIS  
EPISTOLARUM

AD

QUINTUM FRATREM  
LIBER II.

ARGUMENTUM.

*Commemorat quid in Senatu sit actum, referente primum Lupo de lege C. Caesaris, qua agrum Campanum plebi Romanæ dividi rulerat, deinde Racilio de iudiciis, utrum ante, an vero post ædilitia comitia habenda sint. Scrip-  
pta Lentulo Spinthere & Q. Metello Nepote Coss.*

MARCUS Q. FRATRI S.

**E**pistolam, quam legisti, mane dederam. sed fecit humaniter, Licinius, quod ad me, misso senatu, vesperi venit, ut, si quid esset actum, ad te (si mihi videretur) perscriberem. Senatus fuit frequentior, quam putabamus esse posse mense Decembri sub dies festos. Consulares nos fuimus, & duo consules designati, P. Servilius, M. Lucullus; Lepidus, Volcatius, Glabrio prætores. sane frequentes fuimus: omnino ad ducentos. Commorat expectationem Lupus. egit causam agri Campani sane accurate. auditus est magno silentio. materiam rei non ignoras. nihil ex nostris actionibus prætermisit. Fuerunt nonnulli aculei in C. Cæsarem, contumeliæ in Gellium; expostulationes cum absente Pompeio. Causa sero perorata, sententias se rogaturum negavit, ne

Hh 2

quod



quod onus simultatis nobis imponeret. Ex superiorum temporum conviciis, & ex presenti silentio, quid senatus sentiret, se intelligere dixit. In illo cepit dimittere. Tum Marcellinus, noli, inquit, ex taciturnitate nostra, Lupe, quid aut probemus hoc tempore, aut improbemus, judicare. Ego, quod ad me attinet, idemque arbitror ceteros, idcirco taceo, quod non existimo, cum Pompejus absit, causam agri Campani agi convenire. Tum ille, se senatum negavit tenere. Racilius surrexit, & de judiciis referre cepit. Marcellinum quidem primum rogavit. Is cum graviter de Clodianis incendiis, trucidationibus, lapidationibus questus esset, sententiam dixit, ut ipse iudices per prætorem urbanum sortiretur; iudicum sortitione facta, comitia haberentur: qui iudicia impedivisset, eum contra rempublicam esse facturum. Approbata valde sententia, C. Cato contradixit, & Cassius, maxima acclamatione senatus, cum comitia judiciis anteferebat. Philippus assensit Lentulo. Postea Racilius de privatis me primum sententiam rogavit. Multa feci verba de toto furore, latrocinioque P. Clodii: eum, tamquam reum, accusavi, multis & secundis admurmurationibus cuncti senatus. Orationem meam collaudavit satis multis verbis, non mehercule indiferte, Severus Antistius: isque iudiciorum causam suscepit, antiquissimamque se habiturum dixit. Ibat in eam sententiam. Tum Clodius rogatus, diem dicendo eximere cepit. furebat, a Racilio se contumaciter inurbaneque vexatum. Deinde ejus operæ repente a Gracostasi & gradibus clamorem satis magnum sustulerunt, opinor in Q. Sextilium & amicos Milonis incitatæ. Eo metu injecto, repente, magna querimonia omnium discessimus. Habes acta unius diei. reliqua, ut arbitror, in mensem Januarium rejicientur. De tribunis plebis longe optimum Racilius habemus. videtur etiam Antistius amicus nobis fore. nam Plancius totus noster est. Fac, si me amas, ut considerate diligenterque naviges de mense Decembri.



## ARGUMENTUM.

2

*Responder de Lentuli & Sexti nominibus exigendis & Pomponianis inde dissolvendis, aliisque rebus domesticis: & de rege Alexandrino reducendo quid decretum & actum sit, & quale totum negotium sit, breviter commemorat.*

## MARCUS Q. FRATRI S.

**N**on occupatione, qua eram sane impeditus, sed parvula lippitudine adductus sum, ut distarem hanc epistolam: & non, ut ad te soleo, ipse scriberem. Et primum me tibi excuso in eo ipso, in quo te accuso. me enim adhuc nemo rogavit, num quid in Sardiniam vellem: te puto sæpe habere, qui, num quid Romam velis, quærant. Quod ad me de Lentuli & Sexti nomine scripsisti, locutus sum cum Cincio. quoquo modo res se habet, non est facillima, sed habet profecto quiddam Sardinia appositum ad recordationem præteritæ memoriæ. Nam, ut ille Gracchus augur, posteaquam in istam provinciam venit, recordatus est, quid sibi, in campo Martio comitia consulum habenti, contra auspicia accidisset: sic tu mihi videris in Sardinia de forma Minuciana, & de nominibus Pomponianis in otio recogitasse. Sed ego adhuc emi nihil. Culleonis auctio facta est. Tusculano emtor nemo fuit: si conditio valde bona fuerit, fortasse non omitam. De ædificatione tua Cyrum urgere non cesso. spero eum in officio fore. sed omnia sunt tardiora, propter furiosæ adilitatis expectationem. Nam comitia sine mora futura videntur. edicta sunt a. d. xi. Kal. Febr. Te tamen sollicitum esse nolo. omne genus a nobis cautionis adhibebitur. De rege Alexandrino factum est senatus consultum, cum multitudine eum reduci, periculosum reipublicæ videri. Reliqua cum esset in senatu contentio, Lentulusne an Pompejus reduceret; obtinere causam Lentulus videbatur. In ea re nos & officio erga Lentulum mirifice, & voluntati Pompeji præclare satisfacimus sed per obtrektatores Lentuli res calumnia extracta est. Consecuti sunt dies comitiales, per quos



Senatus haberi non poterat. Quid futurum sit latrocinio tribunorum, non divino: sed tamen suspicor, per vim rogationem Caninium perlaturum. In ea re Pompejum quid velit, non dispicio. Familiars ejus quid cupiant, omnes vident. Creditores vero regis, aperte pecunias suppeditant contra Lentulum. Sine dubio res a Lentulo remota videtur esse, cum magno meo dolore: quamquam multa fecit, quare, si fas esset, jure ei succensere possemus. Tu, si ita expedit, velim quam primum bona & certa tempestate conscendas, ad meque venias. innumerabiles enim res sunt, in quibus te quotidie in omni genere desiderem. Tui nostrique valent. xiv. Kal. Febr.

### ARGUMENTUM.

*Quid in Senatu sit actum, inprimisque quæ in judicio de Milone, quem Clodius de vi accusaverat ad populum, acciderint, commemorat, & quæ sit expectatio ejusdem judicii in Quirinalia a Clodio dilati. De Sextio de ambitu a Cn. Nerio, & de vi a M. Tullio postulato: de Scro, quo centuriati & decurii discedere jubebantur: de Bestia ambitus reo a se defenso, & alia domestica.*

### MARCUS Q. FRATRIS.

Scripti ad te antea superiora: nunc cognosce, postea quæ sint acta. A Kal. Febr. legationes in Idus Febr. rejiciebantur. eo die res confecta non est. a. d. iv. Non. Febr. Milo affuit. ei Pompejus advocatus venit. Dixit Marcellus, a me rogatus. honeste discessimus. producta dies est in iv. Id. Febr. Interim rejectis legationibus in Idus, referebatur de provinciis quaestorum, & de ornandis pratoribus. Sed res, multis querelis de republica interponendis, nulla transacta est. Cato legem promulgavit de imperio Lentuli abrogando, vestitum filius mutavit. A. d. viii. Id. Febr. Milo affuit, dixit Pompejus, sive voluit. nam ut surrexit, operæ Clodianæ clamorem sustulerunt: idque ei perpetua oratione contigit, non modo ut acclamatione, sed ut convicio & maledictis impedire.



diretur. qui ut peroravit: nam in eo sane fortis fuit: non est deterritus: dixit omnia; atque interdum etiam silentio, cum auctoritate peregerat: sed ut peroravit, surrexit Clodius. ei tantus clamor a nostris, (placuerat enim referre gratiam,) ut neque mente, neque lingua, neque ore consisteret. Ea res acta est, cum H. VI. vix Pompejus perorasset, usque ad H. VIII. cum omnia maledicta, versus etiam obscenissimi in Clodium & Clodiam dicerentur. Ille furens & exsanguis interrogabat suos, in clamore ipso, quis esset, qui plebem fame necaret. respondebant operæ, Pompejus. Quis Alexandriam ire cuperet. Respondebant, Pompejus. Quem ire vellent. Respondebant, Crassum. Is aderat tum, Miloni animo non amico. H. fere IX, quasi signo dato, Clodiani nostros consputare cæperunt. Exarsit dolor. urgere illi, ut loco nos moverent. Factus est a nostris impetus, fuga operarum. Ejectus de rostris Clodius: ac nos quoque tum fugimus, ne quid in turba. Senatus vocatus in curiam: Pompejus domum. neque ego tamen in senatum, ne aut de tantis rebus tacerem, aut in Pompejo defendendo (nam is carpebatur a Bibulo, Curione, Favonio, Servilio filio,) animos bonorum offenderem. res in posterum dilata est. Clodius in Quirinalia produxit diem. A. d. VI. Id. Febr. senatus ad Apollinis fuit, ut Pompejus adesset. Acta res est graviter a Pompejo. eo die nihil perfectum est. A. d. VI. Id. ad Apollinis senatus consultum factum est, EA QUÆ FACTA ESSENT A. D. VIII. ID. CONTRA REMPUBLICAM ESSE FACTA. Eo die Cato est vehementer in Pompejum invehens, & eum oratione perpetua, tamquam reum, accusavit. De me multa, me invito, cum mea summa laude, dixit. Cum illius in me perfidiam increparet, auditus est magno silentio malivolorum. Respondit ei vehementer Pompejus Crassumque descripsit: dixitque aperte, se munitiorem ad custodiendam vitam suam fore, quam Africanus fuisset; quem C. Carbo interemisset. Itaque magnæ mihi res jam moveri videbantur. Nam Pompejus hæc intelligit, nobisque communicat, in-



fidias vitæ suæ fieri: C. Catonem a Crasso sustentari: Clodio pecuniam suppeditari: utrumque & ab eo, & a Curione, Bibulo, ceterisque suis obtrectatoribus confirmari: vehementer esse providendum, ne opprimatur, concionario illo populo a se prope alienato nobilitate inimica, non æquo senatu, juventute improba. Itaque se comparat, homines ex agris arcessit. Operas autem suas Clodius confirmat, manus ad Quirinalia paratur: in eo multo sumus superiores ipsius copiis. Sed magna manus ex Piceno & Gallia expectatur, ut etiam Catonis rogationibus de Milione & Lentulo resistamus. A. d. iv. Id. Sextius ab indice Cn. Nerio, Pupinia, de ambitu est postulatus: & eodem die a quodam M. Tullio de vi. is erat æger. domum (ut debuimus) ad eum statim venimus: eique nos totos tradidimus: idque fecimus præter hominum opinionem, qui nos ei jure succensere putabant; ut humanissimi, gratissimique & ipsi & omnibus videremur: itaque faciemus. Sed idem Nerius index edidit ad allegatos, Cn. Lentulum Vacciam & C. Cornelium. Eodem die senatus consultum factum est, UT SODALITATES, DECURIATIQUE DISCEDERENT: LEXQUE DE IIS FERRETUR, UT, QUI NON DISCESSISSENT, EA POENA, QUÆ EST DE VI, TENERENTUR. A. d. iii. Id. dixi pro Bestia de ambitu apud prætorem Cn. Domitium, in foro medio, maximo conventu: incidique in eum locum in dicendo, cum Sextius, multis in templo Castoris vulneribus acceptis, subsidio Bestiæ servatus esset. Hic <sup>περὶ τῶν νόμων</sup> quiddam <sup>ἐκ τῶν νόμων</sup> de iis, quæ in Sextium apparabantur crimina, & eum ornavi veris laudibus, magno assensu omnium, res homini fuit vehementer grata. Quæ tibi eo scribo, quod me de retinenda Sextii gratia litteris sæpe monuisti. Prid. Id. hæc scripsi ante lucem. eo die apud Pomponium in ejus nuptiis eram cenaturus. Cetera sunt in rebus nostris hujusmodi (ut tu mihi fere dissidenti prædicabas) plena dignitatis & gratiæ: quæ quidem tua, mi frater, prudentia, patientia, virtute, pietate, suavitate etiam, tibi, mihiq; sunt restituta. Domus  
 tibi



tibi ad lucum Pisonis Liciniana conducta est. sed, ut spero, paucis mensibus post Kalend. Quint. in tuam commigrabis. Tuam in Carinis mundi habitatores Lamiae conduxerunt. A te post illam Olbiensem epistolam nullas litteras accepi. Quid agas, & ut te oblectes, scire cupio; maximeque teipsum videre quamprimum. Cura, mi frater, ut valeas. & quamquam est hiems, tamen Sardiniam istam esse cogites. xv. Kalend. Mart.

## A R G U M E N T U M.

4

*De Sextio absoluto & Vatinio in judicio Sextiana vexato, aliisque domesticis rebus certiores facit.*

## MARCUS Q. FRATRI S.

Sextius noster absolutus est a. d. ii. Id. Mart. &, quod vehementer interfuit reipublicæ, nullam videri in ejusmodi causa dissensionem esse, omnibus sententiis absolutus est. Illud, quod tibi sæpe curæ esse intellexeram, ne cui iniquo relinqueremus vituperandi locum, qui nos ingratos esse diceret, nisi illius perversitatem quibusdam in rebus quam humanissime ferremus: scito hoc nos in eo judicio consecutos esse, ut omnium gratissimi judicaremur. Nam in defendendo moroso homine cumulatissime satisfacimus, & (id quod ille maxime cupiebat) Vatinium, a quo palam oppugnabatur, arbitrato nostro concidimus, diis hominibusque plaudeatibus. Quin etiam Paullus noster cum testis productus esset in Sextium, confirmavit, se nomen Vatinii delaturum, si Macer Licinius cunctaretur, & Macer a Sextii subfellis surrexit, ac se illi non defuturum affirmavit. Quid queris? homo petulans, & audax, Vatinus valde perturbatus debilitatusque discessit. Quintus tuus, puer optimus, eruditur egregie. hoc nunc magis animadverto, quod Tyrannio docet apud me. Domus utriusque nostrum ædificatur strenue. Redemptori tuo dimidium pecuniæ curavi. Spero nos ante hiemem contubernales fore. De nostra Tullia, tui meher-



cule amantissima, spero cum Crassipede nos confecisse. Dies erant duo, qui post Latinas haberentur religiosi; ceterum confectum erat Latiar, eram exiturus.

## 5 ARGUMENTUM.

*De pecunia Pompejo in frumentaria causa decreta; de agro Campano quid in Senatu actum sit, & de M. Furio Flacco de collegiis ejecto.*

## MARCUS Q. FRATRI S.

**D**ederam ad te litteras antea, quibus erat scriptum, Tulliam nostram Crassipedi prid. Non. April. esse desponsatam: ceteraque de re publica privataque perscripseram. Postea sunt hæc acta. Non. Apr. senatus consulto Pompejo pecunia decreta in rem frumentariam ad H. S. cccc. Sed eodem die vehementer actum de agro Campano clamore senatus prope concionali. acriorem causam inopia pecuniæ faciebat, & annonæ caritas. Non prætermittam, ne illud quidem, M. Furium Flaccum, equitem Romanum, hominem nequam, Capitolini & Mercuriales de collegio ejecerunt, præsentem, ad pedes uniuscujusque jacentem.

## 6 ARGUMENTUM.

*De rebus privatis, in primis sponsalibus & ædificatione, scribis: Consulis Lentuli Marcellini in impediendis legibus perniciosus egregium studium, & alia de re publica.*

## MARCUS Q. FRATRI S.

**A.** d. vii. Id. Apr. sponsalia Crassipedi præbui. Huic convivio puer optimus, Quintus tuus meusque, quod perleviter commotus fuerat, defuit: a. d. vi. Id. April. veni ad Quintum, eumque vidi plane integrum, multumque is mecum sermonem habuit, perhumanum, de discordiis mulierum nostrarum. Quid quæris? nihil festivius. Pomponia autem etiam de te quæsta est. sed hæc coram agemus.

A



A puero ut discessi, in aream tuam veni. res agebatur multis frustoribus. Longilium redemptorem cohortatus sum. fidem mihi faciebat, se velle nobis placere. Domus erit egregia. magis enim cerni jam poterat, quam quantam ex forma judicabamus. itemque nostra celeriter ædificabatur. Eo die cenavi apud Crassipidem. cenatus, in hortos ad Pompejum lectica latus sum. Luccejum convenire non potueram, quod abfuerat. videre autem volebam, quod eram postridie Roma exiturus, & quod ille in Sardiniam iter habebat. Hominem conveni, & ab eo petivi, ut quamprimum te nobis redderet. statim dixit. Erat autem iturus (ut agebat) a. d. iii. Id. Apr. ut aut Labrone, aut Pisis conscenderet. Tu, mi frater, simul ac ille venerit, primam navigationem (dummodo idonea tempestas sit) ne omiseris. ἀμφιλαφίαν autem illam, quam tu soles dicere, bono modo desidero, sic prorsus, ut advenientem excipiam libenter: latentem etiam nunc, non excitem. Tribus locis ædifico, reliqua reconcinno; vivo paullo liberalius, quam solebam. Opus erat, si te haberem, paulisper fabris locum dare. sed & hæc (ut spero) brevi inter nos communicabimus. Res autem Romanæ sic sese habent. Consul est egregius Lentulus, non impediante collega: sic, inquam, bonus ut meliorem non viderim. dies comitiales exemit omnes. nam enim Latine instaurantur: nec tamen deerant supplicationes. sic legibus perniciosissimis obstititur, maxime Catonis: cui tamen egregie imposuit Milo noster. nam ille vindex gladiatorum & bestiariorum emerat de Cosconio & Pomponio bestiarios: nec sine his armatis umquam in publico fuerat. hos alere non poterat. itaque vix tenebat. Sensit Milo. dedit cuidam non familiari negotium, qui sine suspitione emeret eam familiam a Catone: quæ simul atque abducta est, Racilius, qui unus est hoc tempore tribunus plebis, rem patefecit, eosque homines sibi emtos esse dixit (sic enim placuerat) & tabulam proscripsit, sE FAMILIAM CATONIANAM VENDITURUM. In eam tabulam magni risus consequebantur. Nunc igitur



tur Catonem Lentulus a legibus removit, & eos, qui de Cæsare monstra promulgarunt, quibus intercederet nemo. Nam quod de Pompejo Caninius agit, sane quam refrixit. neque enim res probatur, & Pompejus noster in amicitia P. Lentuli vituperatur, & hercule non est idem. nam apud illam perditissimam atque infimam faciem populi, propter Milonem, suboffendit; & boni multa ab eo desiderant, multa reprehendunt. Marcellinus autem hoc uno mihi quidem non satisfacit, quod eum nimis aspere tractat: quamquam id senatu non invito facit: quo ego me libentius a curia & ab omni parte reipublicæ subtraho. In judiciis ii sumus, qui fuimus. domus celebratur ita, ut cum maxime. Unum accidit imprudentia Milonis incommode, de S. Cælio: quem neque hoc tempore, neque ab imbecillis accusatoribus mihi placuit accusari. ei tres sententiæ tæterrime in consilio defuerunt. Itaque hominem populus revocat, & retrahatur necesse est, non enim ferunt homines. & quia, cum apud suos diceret, pæne damnatus est, vident damnatum. Ea ipsa in re Pompeji offensio nobis obstitit. senatorum enim urna copiose absolvit, equitum adæquavit, tribuni ærarii condemnarunt. Sed hoc incommodum consolantur quotidianæ damnationes inimicorum, in quibus me perlubente Servius alius est, ceteri conciduntur. C. Cato concionatus est, comitia haberi non siturum, si sibi cum populo dies agendi essent exempti. Appius a Cæsare nondum redierat. Tuas mirifice litteras exspecto: atque adhuc clausum mare scio fuisse: sed quosdam venisse tamen Ostia dicebant, qui te unice laudarent, plurimique in provincia fieri dicerent. eosdem aiebant nuntiare, te prima navigatione transmissurum. id cupio: &, quamquam teipsum scilicet maxime; tamen etiam litteras tuas ante exspecto. Mi frater, vale.

## 7 ARGUMENTUM.

*De itinere suo, & expectatione Quinri.*

MAR;



## MARCUS Q. FRATRI S.

**A**. d. m. Id. April. ante lucem hanc epistolam distaveram, scripseramque in itinere, ut eo die apud T. Titium in Agnatio manerem. postridie autem in Laterio cogitabam: inde, cum in Arpinati quinque dies fuisset, ire in Pompejanum: rediens adspicere Cumanum, ut quoniam in Non. Majas Miloni dies prodita est, prid. Non. Romæ essem, teque, mi carissime & suavissime frater, ad eam diem (ut sperabam) viderem. Ædificationem Arcani ad tuum adventum sustentari placebat. Fac, mi frater, ut valeas, quamprimumque venias.

## A R G U M E N T U M.

8

*De supplicatione Gabinio negata, & desiderio suo fratris videndi.*

## MARCUS Q. FRATRI S.

**O** litteras mihi tuas jucundissimas, exspectatas, ac primo quidem desiderio, nunc vero etiam cum timore! Atque has scito litteras me solas accepisse post illas, quas tuus nauta attulit, Olbia datas. Sed cetera (ut scribis) præsentì formoni reserventur. hoc tamen non queo differre. Id. Majis senatus frequens, divinus fuit in supplicatione Gabinio deneganda. Adjurat Procilius hoc nemini accidisse. Foris valde plauditur. Mihi cum sua sponte jucundum, tum jucundius, quod me absente (est enim <sup>voluntatis</sup> <sup>judicium</sup>) sine oppugnatione, sine gratia nostra. eram Antii. Quod Idibus & postridie fuerat dictum, de agro Campano actum iri, non est actum. In hac causa mihi aqua hæret. Sed plura quam constitueram. coram enim. Vale, mi optime & optatissime frater, & advola. Idem nostri rogant pueri: illud scilicet, cenabis cum veneris.

## A R G U M E N T U M.

9

*Quid cum Pompejo & Crasso Coss. de operibus & inscriptionibus egerit, quid profecerit, & quid in Senatu actum sit, perscribit.*

MAR.



**P**lacitum tibi esse librum meum suspicabar: tam valde placuisse, quam scribis, valde gaudeo. Quod me admones de nostra Urania, suadesque, ut meminerim Jovis orationem, quæ est in extremo illo libro: ego vero memini, & illa omnia mihi magis scripsi, quam ceteris. Sed tamen postridie, quam tu es profectus, multa nocte cum Vibullio veni ad Pompejum. Cumque ego egissem de illis operibus atque inscriptionibus, per mihi benigne respondit: magnam spem attulit, cum Crasso se dixit loqui velle: mihi que ut idem facerem, suavit. Crassum consulem ex senatu domum reduxi: suscepit rem: dixitque esse, quod Clodius hoc tempore cuperet per se, & per Pompejum consequi: putare se, si ego eum non impedirem, posse me adipisci sine contentione quod vellem. totum ei negotium permisi, meque in ejus potestate dixi fore. Interfuit huic sermoni P. Crassus adolescens, nostri (ut scis) studiosissimus. Illud autem, quod cupit Clodius, est legatio aliqua: si minus per senatum, per populum, libera, aut Byzantium, aut ad Brogitarum, aut utrumque. Plena res numorum. Quod ego non nimium laboro, etiam si minus assequor, quod volo. Pompejus tamen cum Crasso locutus est. videntur negotium suscepisse. si perficiunt: optime. sin minus: ad nostrum Jovem revertamur. A. d. III. Id. Maji senatus consultum est factum de ambitu in Afranii sententiam, quam ego dixeram, cum tu adesses: sed magno cum gemitu senatus. Consules non sunt persecuti eorum sententias: qui Afranio cum essent assensi, addiderunt, ut prætores ita crearentur, ut dies LX. privati essent: eo die Cætonem plane repudiarent. Quid multa? tenent omnia: idque ita omnes intelligere volunt.

IO

## A R G U M E N T U M.

*Respondet epistola Quirini, qua se metuere scripserat, ne cum litteris suis interpellet.*

MAR-



## MARCUS Q. FRATRIS.

**T**u metuis, ne me interpelles? primo, si in isto essem, tu scis, quid sit interpellare. An te Atejus? mehercule mihi docere videbaris istius generis humanitatem: qua quidem ego nihil utor abs te. Tu vero, ut me & appelles, & interpelles, & obloquare, & colloquare, velim. Quid enim mihi suavius? Non mehercule quisquam *μεγαλακτες* libentius sua recentia poemata legit, quam ego te audio quacumque de re, publica, privata, rustica, urbana. Sed mea factum est insulsa verecundia, ut te proficiscens non tollerem. Opposuisti semel *αντιπαλον* causam, Ciceronis nostri valitudinem; conticui. iterum Cicerones: quievi. Nunc mihi jucunditatis plena epistola hoc adpersit molestiæ, quod videris, ne mihi molestus esses, veritus esse, atque etiam nunc vereri. Litigare tecum, si fas esset: sed mehercule istuc si umquam suspicatus ero, nihil dicam aliud, nisi verebor, ne quando ego tibi, cum sum una, molestus sim. Video te ingemuisse. sic fit, *ἔιδ' ἢ οὐ αἰα ῥέχθας*. numquam enim dicam, *ἔα παύας*. Marium autem nostrum in lecticam mehercule coniecissem, non illam regis Ptolemæi Anicianam. memini enim cum hominem portarem ad Bajas, octophoro Aniciano, machærophoris centum sequentibus, miros risus nos edere cum ille ignarus sui comitatus, repente aperuit lecticam, & pæne ille timore, ego risu corruui. Tunc, ut dico, certe sustulissem, ut aliquando subtilitatem veteris urbanitatis, & humanissimi sermonis attingerem. sed hominem infirmum in villam apertam, ac ne rudem quidem etiam nunc, invitare nolui. Hoc vero mihi peculiare fuerit, hic etiam isto frui. nam illorum prædiorum scito mihi vicinum Marium, lumen esse. apud Anicium videbimus ut paratum sit. nos enim ita philologi sumus, ut vel cum fabris habitare possimus. habemus hanc philosophiam, non ab Hymetto, sed ab area Syra. Marius & valitudine est & natura imbecillior. De interpellatione tantum sumam a vobis temporis ad scribendum, quantum dabi-



dabitis. utinam nihil detis, ut potius vestra injuria, quam ignavia mea cessem! De republica nimium te laborare doleo, & meliorem civem esse, quam Philoctetem, qui accepta injuria, illa spectacula quærebat, quæ tibi acerba esse video. Amabo te, advolas: consolabor te, & omnem abstergebo dolorem: & adduc, si me amas, Marium. sed adproperate. Hortus domi est.

## II

## ARGUMENTUM.

*De Tenediis frustra libertatem perentibus: de laudibus Quinti, & de Lucretii ac Sallustii poematibus.*

## MARCUS Q. FRATRI S.

**E**pistolam hanc convicio efflagitarunt codicilli tui: nam res quidem ipsa, & is dies, quo tu es profectus, nihil mihi ad scribendum argumenti sane dabant. Sed quemadmodum coram cum sumus, sermo nobis deesse non solet, sic epistolæ nostræ debent interdum halucinari. Tenediorum igitur libertas securi Tenedia præcisa est. cum eos præter me, & Bibulum, & Calidum, & Favonium nemo defenderet. De te magis ab Sipylo mentio est honorifica facta, cum te unum dicerent postulationi L. Sextii Pansæ restitisse. Reliquis diebus, si quid erit, quod te scire epus sit, aut etiamsi nihil erit, tamen scribam quotidie aliquid. Prid. Id. neque tibi, neque Pomponio dero. Lucretii poemata, ut scribis, ita sunt: non multis luminibus ingenii, multæ tamen artis. Sed cum veneris, virum te putabo, si Sallustii Empedoclea legeris: hominem non putabo. Vale.

## 12

## ARGUMENTUM.

*Quomodo Appio Consuli restiterit, & cum Casare per litteras jocularis sit, commemorat.*

## MARCUS Q. FRATRI S.

**G**audéo tibi jucundas esse meas litteras: nec tamen habuisssem scribendi nunc quidem ullum argumentum.



mentum, nisi tuas acceperissem. nam prid. Id. cum Appius senatum infrequentem coegisset, tantum fuit frigus, ut populi convicio coactus sit nos dimittere. De Commageno rege, quod rem totam discusseram, mirifice mihi & per se, & per Pomponium blanditur Appius. Videt enim, hoc genere dicendi si utar in ceteris, Februarium sterilem futurum: eumque lusi jocosè satis: neque solum illud extorsi oppidulum, quod erat positum in Euphrate & Zeugmate: sed præterea togam sum ejus prætextam, quam erat adeptus Cæsare consule, magno hominum risu cavillatus. Quod non vult, inquam, renovare honores eosdem, quo minus togam prætextam quotannis interpolet, decernendum nihil censeo. Vos autem homines nobiles, qui Bursenum prætextatum non ferebatis, Commagenum feretis? Genus vides & locum jocandi. Multa dixi in ignobilem regem: quibus totus est explosus, quo genere commotus (ut dixi) Appius, totum me amplexatur. Nihil est enim facilius, quam reliquæ discutere. Sed non faciam, ut illum offendam, ne imploret fidem Jovis Hospitalis, Grajos omnes convocet, per quos mecum in gratiam rediit. Theopompo satisfaciemus. De Cæsare fugerat me ad te scribere. Video enim, quas tu litteras expectaris. sed ille scripsit ad Balbum, fasciculum illum epistolarum, in quo fuerat & mea, & Balbi, totum sibi aqua madidum redditum esse: ut ne illud quidem sciat, meam fuisse aliquam epistolam. sed ex Balbi epistola pauca verba intellexerat, ad quæ rescripsit his verbis, De Cicerone video te quiddam scripsisse, quod ego non intellexi: quantum autem conjectura consequbar, id erat hujusmodi, ut magis optandum, quam sperandum putarem. Itaque postea misi ad Cæsarem eodem illo exemplo litteras. Jocum autem illius de sua egestate ne sis aspernatus. Ad quem ego rescripsi, nihil esse, quod posthac arcæ nostræ fiducia conturbaret: lusique in eo genere & familiariter, & cum dignitate. Amor autem ejus erga nos perfertur omnium nuntiis singularis. Et litteræ quidem ad id, quod expectas, fere cum tuo reditu jungentur; reli-



qua singulorum dierum scribemus ad te, si modo tabellarios tu præbebis. quamquam ejusmodi frigus impendebat, ut summum periculum esset, ne Appio suæ ædes urerentur. Vale.

## 13 ARGUMENTUM.

*De rebus publicis quædam: item de Callisthene & Philisto historicis.*

## MARCUS Q. FRATRIS.

**R**isi nivem atram: teque hilari animo esse, & prompto ad jocandum, valde me juvat. De Pompejo, assentior tibi, vel tu potius mihi. nam, ut scis, jampridem istum canto Casarem. mihi crede, in sinu est: neque ego discingor. Cognosce nunc Idus. Decimus erat Cælio dies. Domitius ad numerum judices non habuit. vereor, ne homo tæter, & ferus, Pola Servius ad accusationem veniat. nam noster Cælius valde oppugnatur a gente Clodia. certi nihil est adhuc: sed veremur. Eodem igitur die Tyriis est senatus datus frequens: frequentes contra Syriaci publicani. vehementer vexatus Gabinus: exagitati tamen a Domitio publicani, quod eum essent cum equis profecuti. C. noster Lamia paullo ferocius, cum Domitius dixisset, vestra culpa hæc acciderunt, equites Romani; dissolute enim judicatis: Nos judicamus, vos laudatis, inquit. Actum est eo die nihil. nox diremit. Comitialibus diebus, qui Quirinalia sequuntur, Appius interpretatur, non impediri se lege Pupia, quo minus habeat senatum, & quod Gabinia sanctum sit, etiam cogi ex Kal. Febr. usque ad Kal. Mart. legatis senatum quotidie dari. ita putantur detrudi comitia in mensem Martium. sed tamen his comitialibus tribuni plebis de Gabinio se acturos esse dicunt. Omnia colligo, ut novi scribam aliquid ad te. sed ut vides, res me ipsa deficit. Itaque ad Callisthenem & ad Philistum redeo: in quibus te video volutatum. Callisthenes quidem vulgare & notum negotium; quemadmodum Græci aliquot locuti sunt.



sunt. Siculus ille, capitalis, creber, acutus, brevis, pæne pusillus Thucydides: sed utros ejus habueris libros (duo enim sunt corpora) an utrosque, nescio. Me magis de Dionysio delectat. ipse est enim veterator magnus, & perfamiliaris Philisto. Sed quod adscribis, aggredierisne ad historiam? me auctore potes. &, quoniam tabellarios subministras, hodiernæ diei res gestas Lupercalibus habebis. Oblecta te cum Cicerone nostro quam bellissime.

## A R G U M E N T U M.

14

*Quid agat, commemorat: Quinto operam suam in rebus ejus pollicetur: M. Orfium & Trebarium commendat.*

## MARCUS Q. FRATRIS.

**D**uas adhuc a te accepi epistolas: quarum alteram in ipso discessu nostro, alteram Arimino datam. plures, quas scribis te dedisse, non acceperam. Ego me in Cumano & Pompejano, præterquam quod sine te, ceterum satis commode oblectabam. & eram in iisdem locis usque ad Kal. Jun. futurus. Scribebam illa, quæ dixeram, πολιτικά: spissum sane opus, & operosum. sed si ex sententia successerit: bene erit opera posita. sin minus: in illud ipsum mare dejiciemus, quod scribentes spectamus. aggrediemur alia, quoniam quiescere non possumus. Tua mandata persequar diligenter, & adjudendis hominibus, & quibusdam non alienandis. Maximæ mihi vero curæ erit, ut Ciceronem tuum nostrumque videam, scilicet quotidie: sed inspiciam quid discat, quam sapissime; &, nisi ille contemnet, etiam magistrum me ei profitebor: cujus rei nonnullam consuetudinem nactus sum in hoc horum dierum otio, Cicerone nostro minore producendo. Tu, quemadmodum scribis, quod etiamsi non scriberes, facere te diligentissime tamen sciebam, facies, scilicet, ut mea mandata digeras, persequare, conficias. Ego, cum Romam venero, nullum prætermittam Casaris tabellarium, cui litteras ad te non dem. His diebus (ignoscas) cui darem,



fuit nemo ante hunc M. Orsium, equitem Romanum & pernecessarium, & quod est ex municipio Atellano: quod scis esse in fide nostra. Itaque eum tibi commendo in maiorem modum, hominem domi splendidum, gratiosum etiam extra domum: quem fac ut tua liberalitate tibi obliges. est tribunus militum in exercitu nostro. gratum hominem, observantemque cognosces. Trebatium ut valde ames, vehementer te rogo. Vale.

## 15

## ARGUMENTUM.

*Cæsaris in se amorem & liberalitatem commemorat, & suum erga eum studium pollicetur: consilium suum, utrum Romam redent an in Gallia maneat, & de ambitu, qui in consulatu petendo existat, perscribit.*

## MARCUS Q. FRATPI S.

**A**d. iv. Non. Jun. quo die Romam veni, accepi tuas litteras, datas Placentia: deinde alteras postridie, datas Blandenone, cum Cæsaris litteris, refertis omni officio, diligentia, suavitate. Sunt ista quidem magna, vel potius maxima. Habent enim vim magnam ad gloriam, & ad summam dignitatem. Sed mihi crede, quem nosti, quod in istis rebus ego plurimi aestimo, id jam habeo: te scilicet primum tam inservientem communi dignitati: deinde Cæsaris tantum in me amorem: quem omnibus his honoribus, quos me a se expectare vult, antepono. Litteræ vero ejus una datæ eum tuis, quarum initium est, quam suavis ei tuus adventus fuerit, & recordatio veteris amoris; deinde, se effecturum, ut ego in medio dolore, ac desiderio tui, te, cum a me abesses, potissimum secum esse lætarer: incredibiliter delectarunt. Quare facis tu quidem fraterne, quod me hortaris, sed mehercule currentem nunc quidem, ut omnia mea studia in istum unum conferam. Ego vero ardenti quidem studio hoc fortasse efficiam, quod sæpe viatoribus, cum properant, evenit: ut, si sepius, quam voluerunt, forte surrexerint; properando, etiam



etiam citius, quam si de multa nocte vigilassent, perveniant, quo velint: sic ego, quoniam in isto homine colendo tam indormivi diu, te mehercule saepe excitante, cursu corrigam tarditatem, tum equis, tum vero (quoniam scribis poema ab eo nostrum probari) quadrigis poeticis. modo mihi date Britanniam, quam pingam coloribus tuis, penicillo meo. Sed quid ago? quod mihi tempus, Romæ præsertim. ut ille me rogat, manenti, vacuum ostenditur? sed videro. fortasse enim (ut sit) vincet tuus amor omnes difficultates. Trebatium quod ad se miserim, persalse, & humaniter etiam gratiam mihi agit. negat enim in tanta multitudine eorum, qui una essent, quemquam fuisse, qui vadimonium concipere posset. M. Curtio tribunatum ab eo petivi, (nam Domitius se derideri putasset, si esset a me rogatus: hoc enim est ejus quotidianum, se ne tribunum militum quidem facere: etiam in senatu lusit Appium collegam, propterea ille ad Cæsarem, ut aliquem tribunatum auferret;) sed in alterum annum. id & Curtius ita volebat. Tu, quemadmodum te censes oportere esse in republica & in nostris inimiciis; ita & esse, & fore, auricula infima scito molliorem. Res Romanæ se sic habebant. Erat nonnulla spes comitiorum, sed incerta: erat aliqua suspicio dictaturæ, ne ea quidem certa: summum otium forense, sed senescentis magis civitatis, quam acquiescentis. Sententia autem nostra in senatu ejusmodi, magis ut aliis nobis assentiantur, quam nosmetipsi. τοιαύτ' ὁ πλεον πολέμος ἔξερνάζεται. Calamo & atramento temperato, charta etiam dentata res agetur. Scribis enim, te meas litteras superiores vix legere potuisse: in quo nihil eorum, mi frater, fuit, quæ putas. neque enim occupatus eram, neque perturbatus, nec iratus alicui: sed hoc facio semper, ut, quicumque calamus in manus meas venerit, eo sic utar, tamquam bono. Verum attende nunc, mi optime & suavissime frater, ad ea dum rescribo, quæ tu in hac eadem brevi epistola περιγραπτὰς valde scripsisti. De quo petis, ut ad te, nihil occultans, nihil dissimulans, nihil tibi indulgens, ge-



quine fraterneque rescribam. id est, utrum voles, ut dixerimus, an ad expediendum te, si causa sit, commorere. Si, mi Quinte, parva aliqua res esset, in qua sciscitarere, quid vellem: tamen, cum tibi permisurus essem, ut faceres, quod velles; ego ipse, quid vellem, ostenderem. In hac vero re hoc profecto quæris, cuiusmodi illum annum, qui sequitur, expectem: plane aut tranquillum nobis, aut certe munatissimum: quod quotidie domus, quod forum, quod theatri significationes declarant: nec laborant, quod mea conscientia copiarum nostrarum, quod Cæsaris, quod Pompeji gratiam tenemus. hæc me, ut confidam, faciunt. sin aliquis erumpet amentis hominis furor: omnia sunt ad eum frangendum expedita. Hæc ita sentio, iudico, ad te explorare scribo. dubitare te, non assentatorie, sed fraterne veto. Quare suavitatis equidem nostræ fruendæ causa cuperem te ad id tempus venire, quod dixeras: sed illud malo tamen, quod putas; magis etiam illa (etenim magis æstimo me) ἀμφιλαφίαν illam tuam, & expectationem debitorum tuorum. Illud quidem sic habeto, nihil nobis expeditis, si valebimus, forte fortunatius. parva sunt, quæ desunt, nostris quidem moribus, & ea sunt ad explicandum expeditissima, modo valeamus. Ambitus redit immanis. numquam fuit par. Idib. Quint. scænus fuit ZZ ex Z coitione Memmii, quam cum Domitio habuit Scaurus, unum vincere. Messala flaccet. non dico ὑπερβολικῶς: vel H-S centies constituunt in prærogativa pronuntiare. Res ardet invidia. Tribunicii candidati compromiserunt, H-S quingenis in singulos apud M. Catonem depositis, petere ejus arbitratu, ut, qui contra fecisset, ab eo condemnaretur. quæ quidem comitia gratuita si fuerint, ut putantur, plus unus Cato fuerit, quam omnes leges, omnesque iudices.

## 16 ARGUMENTUM.

*De occupationibus suis: quid in senatu actum: quæ iudicia habita sint aut insint: materiam carminis scribendi.*  
*supe.*



*superata a Casarē Britannia, gratulatur, & quid de suis versibus Casar iudicet, sciscitatur.*

### MARCUS Q. FRATRI S.

Cum a me litteras librarii manu acceperis, ne paullum otii me habuisse iudicato: cum autem mea, nullum, sic enim habeto, numquam me a causis & iudiciis districtiorem fuisse: atque id anni tempore gravissimo, & caloribus maximis. Sed hæc (quoniam tu ita præscribis) ferenda sunt: neque committendum, ut aut spei, aut cogitationi veræ ego videar defuisse: præsertim cum, tametsi id difficilius fuerit, tamen ex hoc labore magnam gratiam magnamque dignitatem sim collaturus. Itaque, ut tibi placeat, damus operam, ne cuius animum offendamus, atque ut etiam ab iis ipsis, qui nos Casare tam conjunctos dolent, diligamur: ab æquis vero, aut etiam a propensis in hanc partem vehementer & colamur & amemur. De ambitu cum atrocissime ageretur in senatu multos dies, quod ita erant progressi candidati consulares, ut non esset ferendum: in senatum non fui. Statui ad nullam medicinam reipublicæ sine magno præsidio accedere. Quo die hæc scripsi, Drusus erat de prævaricatione a tribunis ærariis absolutus, in summa, quatuor sententiis, cum senatores & equites damnassent. Ego eodem die, post meridiem, Vatinium aderam defensurus. ea res facilis est. Comititia in mensem Sept. reiecta sunt. Scauri iudicium statim exercebitur cui nos non deerimus. *συδενικως* *σοφοκλεις*, quamquam a te actam fabellam video esse festive, nullo modo probavi. Venio nunc ad id, quod nescio an primum esse debuerit. O iuendas mihi tuas de Britannia litteras! timebam Oceanum, timebam litus insulæ. Reliqua non equidem contemno, sed plus habent tamen spei, quam timoris, magisque sum sollicitus expectatione ea, quam metu. Te vero *υποδισιν* scribendi egregiam habere video. Quos tu filius, quas naturas rerum & locorum, quos mores, quas gentes, quas pugnas, quem vero ipsum imperatorem habes? Ego te libenter, ut rogas, quibus re-



bus vis, adjuvabo, & tibi versus, quos rogas, γλαυκῆς Ἀθηνᾶς mittam. Sed heus tu, celari videor a te, quomodo nam, mi frater, de nostris versibus Casar? nam primum librum se legisse scripsit ad me ante: & prima sic, ut neget, se ne Græca quidem meliora legisse. Reliqua ad quendam locum ἐκδυμωτερα. hoc enim utitur verbo. Dic mihi verum, num aut res eum, aut χαρακτήρ non delectat? nihil est, quod vereare. Ego enim ne pilo quidem minus me amabo. Hac de re φιλαληθῶς, &, ut soles, scribe fraterne.

---

M. TULLII CICERONIS  
EPISTOLARUM

A D  
QUINTUM FRATREM  
LIBER III.

---

I ARGUMENTUM.

*In prædiis Quinti se fuisse, & quædam ibi, in primis in ædificandi ratione, correxisse, constituisse commemorat, & ad tres epistolas, e Gallia a Quinto acceptas de variis rebus respondet; simul quædam de rebus Romanis perscribit.*

MARCUS Q. FRATRI S.

**E**go ex magnis caloribus (non enim meminimus majores) in Arpinati summa cum amenitate fluminis me refeci ludorum diebus, Philotimo tribulibus commendatis. In Arcano a. d. iv. Idus Sept. fui. ibi Messidium cum Philoxeno, aquamque, quam ii ducebant non longe a villa, belle sane fluentem vidi, præsertim maxima siccitate: uberioresque aliis quanto



quanto sese collecturos esse dicebant. apud Herum  
 rede erat. In Manliano offendi Diphilum Diphilo  
 tardiolem. sed tamen nihil ei restabat præter balnea-  
 ria, & ambulationem & aviarium. Villa mihi valde  
 placuit, propterea quod summam dignitatem pavi-  
 mentata porticus habebat: quod mihi nunc denique  
 apparuit, posteaquam & ipsa tota patet, & columnæ  
 politæ sunt. Totum in eo est, (quod mihi erit curæ,)   
 testorium ut concinnum sit. pavimenta recte fieri vi-  
 debantur. camaras quasdam non probavi, mutarique  
 iussi. Quo loco in porticu te scribere ajunt ut atrio-  
 lum fiat, mihi ut est, magis placebat. neque enim  
 satis loci esse videbatur atrio: neque fere solet, nisi  
 in his ædificiis fieri, in quibus est atrium majus: nec  
 habere poterat adjuncta cubicula, & ejusmodi mem-  
 bra. nunc hoc vel honestate testudinis, vel valde boni  
 ædificii locum obtinebit. tu tamen si aliter sentis,  
 rescribe quam primum. In balneariis, assa in alterum  
 apodyterii angulum promovi, propterea quod ita  
 erant posita, ut eorum vaporarium, [ex quo ignis  
 erumpit,] esset subiectum cubiculis. subgrande cubicu-  
 lum autem, & hibernum altum valde probavi, quod  
 & ampla erant, & loco posita, ambulationis uno la-  
 tere, eo, quod est proximum balneariis. Columnas  
 neque rectas, neque e regione Diphilus collocarat.  
 eas scilicet demolietur. aliquando perpendiculo & li-  
 nea discet uti. Omnino spero paucis mensibus opus  
 Diphili perfectum fore. curat enim diligentissime Cæ-  
 sarius, qui tum mecum fuit. Ex eo loco recta Vitula-  
 ria via profecti sumus in Fusidianum fundum, quem  
 tibi proximis nuntiis Arpini de Fusidio H-S cecero  
 emeramus. Ego locum æstate umbrosiorem vidi num-  
 quam; permultis locis aquam profluentem, & eam  
 uberem. Quid queris? Jugera L prati Cæsius irriga-  
 turum facile te arbitrabatur. Equidem hoc, quod  
 melius intelligo, affirmo, mirifica suavitate te villam  
 habiturum, piscina & salientibus additis, palæstra, &  
 silva viridicata. Fundum audio te hunc Bovillanum  
 velle retinere. de eo quid videatur, ipse constitues.  
 Calvus aiebat, aqua demta, & ejus aquæ jure confi-  
 tuto



tuto, & servitute fundo illi imposita, tamen nos pretium servare posse, si vendere vellemus. Messidium mecum habui. is se ternis numis in pedem tecum transegisse dicebat: sese autem mensum pedibus aibat passuum *iv* *cio*. mihi plus visum est. sed præstabo, sumtum nusquam melius posse poni. Chilonem arcessieram Venafro. sed eo ipso die quattuor ejus conservos & discipulos Venafri cuniculus oppresserat. Idibus Sept. in Laterio fui. viam perpexi, quæ mihi ita placuit, ut opus publicum videretur esse, præter cæ pass. sum enim ipse mensus ab eo ponticulo, qui est ad Furinæ, Satricum versus. eo loco pulvis, non glaréa infecta est; & mutabitur: & ea viæ pars valde acclivis est. sed intellexi aliter duci non potuisse, præsertim cum tu neque per Locustæ, neque per Varronis velles ducere. Velinus ante suum fundum prope munierat. Locusta non attigerat: quem ego Romæ aggrediar, &, ut arbitror, commovebo: & simul M. Taurum, quem tibi audio promississe, qui nunc Romæ erat, de aqua per fundum ejus ducenda rogabo. Nicephorum, villicum tuum, sane probavi: quævisque ex eo, ecquid ei de illa ædificatione Laterii, de qua mecum locutus es, mandavisses. tum is mihi respondit, se ipsum ejus operis H-S xvi. conductorem fuisse: sed te postea multa addidisse ad opus, nihil ad pretium: itaque id se omisisse. Mihi hercule valde placet, te illa, ut constituebas, addere: quamquam ea villa, quæ nunc est, tamquam philosopha videtur esse, quæ objurget, ceterarum villarum insaniam. Verumtamen illud additum delectabit. Topiarium laudavi: ita omnia convestit, hederæ, quæ basim villæ, quæ intercolumnia ambulationis; ut denique illi palliati topiarium facere videantur, & hederam vendere. jam *anodurne* nihil alius, nihil museosius. Habes fere de rebus rusticis. Urbanam expolitionem urget ille quidem, & Philotimus, & Cincius: sed etiam ipse crebro intervisto: quod est facile factum. Quamobrem ea te cura liberatum volo. De Cicerone quod me semper rogas, ignosco equidem tibi, sed tu quoque mihi velim ignoscas.



scas. Non enim concedo tibi, plus ut illum ames, quam ipse amo. Atque utinam his diebus in Arpinati, quod & ipse cupierat, & ego non minus, mecum fuisset. Quod ad Pomponiam: si tibi videtur, scribas velim, cum aliquo exhibimus, eat nobiscum, puerumque ducat. clamores efficiam, si eum mecum habuero otiosum. nam Romæ respirandi non est locus. Id me scis antea gratis tibi esse pollicitum. Quid nunc putas, tanta abs te mihi mercede proposita? Venio nunc ad tuas litteras: quas pluribus epistolis accepi, dum sum in Arpinati. nam mihi uno die tres sunt redditæ, & quidem, ut videbantur, eodem abs te datæ tempore: una pluribus verbis, in qua primum erat, quod antiquior dies in tuis fuisset adscripta litteris, quam in Cæsaris. Id facit Oppius nonnumquam necessario, ut, cum tabellarios constituerit mittere, litterasque a nobis acceperit, aliqua re nova impediatur, & necessario serius, quam constituerat, mittat: neque nos datis jam epistolis diem commutari curemus. Scribis de Cæsaris summo in nos amore. hunc & tu fovebis, & nos, quibuscumque poterimus, rebus augebimus. De Pompejo, & facio diligenter, & faciam quod mones. Quod tibi mea permissio mansionis tuæ grata est, id ego, summo meo dolore & desiderio, tamen ex parte gaudeo. In hippodamis, & nonnullis arcessendis, quid cogites, non intelligo. Nemo istorum est, quin abs te munus, fundi suburbani instar, expectet. Trebatium vero meum quod isto admisceas, nihil est. Ego illum ad Cæsarem misi, quia mihi jam satisfecit. si ipsi minus, præstare nihil debeo: teque item ab eo vindico & libero. Quod scribis te a Cæsare quotidie plus diligi, immortaliter gaudeo. Balbum vero, qui est istius rei (quemadmodum scribis) adiutor, in oculis fero. Trebonium meum a te amari, teque ab illo, pergaudeo. De tribunatu quod scribis, ego vero nominatim petivi Curtio, & mihi ipse Cæsar nominatim Curtio paratum esse rescripsit, meamque in rogando verecundiam objurgavit. Si cui præterea petiero, (id quod etiam Oppido dixi, ut ad illum scriberet,)



beret,) facile patiar mihi negari, quoniam illi, qui sibi molesti sunt, sibi negari a me non facile patiuntur. Ego Curtium (id quod ipsi dixi) non modo rogatione, sed etiam testimonio tuo diligo, quod litteris tuis studium illius in salutem nostram facile perspexi. De Britannicis rebus, cognovi ex tuis litteris, nihil esse, nec quod metuamus, nec quod gaudeamus. De publicis negotiis, quæ vis ad te Tiro-nem scribere, negligentius ad te ante scribebam, quod omnia, minima, maxima, ad Cæsarem mitti sciebam. Rescripsi epistolæ maximæ. Audi nunc de minuscula: in qua primum est de Clodii ad Cæsarem litteris: in quo Cæsaris consilium probo, quod tibi, amantissime petenti, veniam non dedit, uti ullum ad illam Furiam verbum rescriberet. Alterum est de Calventii Marii oratione. quod scribis, miror: tibi placere, me ad eum rescribere, præsertim cum illam nemo lecturus sit, si ego nihil rescripsero, meam in illum pueri omnes, tamquam dictata, perdiscant. Libros meos, quos expectas, inchoavi: sed conficere non possum his diebus. Orationes efflagitatas pro Seauro & pro Plancio absolvi. Poema ad Cæsarem, quod composueram, incidi. Tibi quod rogas, quoniam ipsi fontes jam sitiunt, si quid habebo spatii, scribam. Venio ad tertiam. Balbum quod ais mature Romam bene comitatum esse venturum, mecumque assidue usque ad Id. Majas futurum, id mihi pergratum perque iucundum erit. Quod me in eadem epistola, sicut sæpe antea, cohortaris ad ambitionem, & ad laborem; faciam equidem: sed quando vivemus? Quarta epistola mihi reddita est Id. Sept. quam a. d. iv. Id. Sext. ex Britannia dederas. In ea nihil sane erat novi, præter Erigonam: quam si ab Oppio accepero, scribam ad te, quid sentiam. nec dubito, quin mihi placitura sit. Et, quod præterii, de eo, quem scripsisti de Milonis plausu scripsisse ad Cæsarem: ego vero facile patior ita Cæsarem existimare, illum quam maximum fuisse plausum & prorsus ita fuit: & tamen ille plausus, qui illi datur, quodammodo nobis videtur dari. Reddita est etiam mihi per-

vetus



vetus epistola, fero allata, in qua de æde Telluris, & de porticu Catuli me admones. sit utrumque diligenter. ad Telluris quidem etiam tuam statuum locavi. Item de hortis quod admones: nec fui umquam valde cupidus, & nunc domus suppeditat mihi hortorum amœnitatem. Romam cum venissem a. d. xiii. Kal. Octob. absolutum offendi in ædibus tuis testum: quo quod supra conclavia non placuerat tibi esse multorum fastigiorum: id non honeste vergit in testum inferioris porticus. Cicero noster, dum ego absum, non cessavit apud rhetorem. De ejus eruditione quod labores, nihil est, quoniam ingenium ejus nostri: studium ego video. cetera ejus suscipio, ut me putem præstare debere. Gabinium tres adhuc factiones postulant: L. Lentulus, flaminis filius, qui jam de majestate postulavit: Ti. Nero cum bonis subscriptoribus: C. Memmius tribunus plebis cum L. Capitone. ad urbem accessit a. d. xii. Kal. Octobr. nihil turpius, nec desertius. sed his judiciis nihil audeo confidere. Quod Cato non valebat, adhuc de pecuniis repetundis non erat postulatus. Pompejus a me valde contendit de reitu in gratiam: sed adhuc nihil profecit: nec, si ullam partem libertatis tenebo, proficiet. Tuas litteras vehementer exspecto. Quod scribis te audisse, in candidatorum coitione me interfuisse, id falsum est. ejusmodi enim factiones in ea coitione factæ sunt, quas postea Memmius patefecit, ut nemo bonus interesse debuerit: & simul mihi committendum non fuit, ut his coitionibus interesssem, quibus Messala excluderetur; cui quidem vehementer satisfacio rebus omnibus: ut arbitror, etiam Memmio. Domitio ipsi multa jam feci, quæ voluit, quæque a me petivit. Scaurum beneficio defensionis valde obligavi. adhuc erat valde incertum, & quando comitia, & qui consules futuri essent. Cum hanc jam epistolam complicarem, tabellarii a vobis venerunt a. d. xi. Kal. Sep. vicesimo die. O me sollicitum! quantum ego dolui in Cæsaris suavissimis litteris! sed quo erant suaviores, eo majorem dolorem illius casus afferebat. Sed ad tuas venio litteras. Primum  
tuam



tuam remanſionem etiam atque etiam probo, præfertim cum, ut ſcribis, cum Cæſare communicariſ. Oppium miror quidquam cum Publilio: mihi enim non placuerat. Quod interiore epiſtola ſcribis, me Idib. Sept. Pompejo legatum iri: id ego non audivi, ſcripſique ad Cæſarem, Vibullium Cæſaris mandata de mea manſione ad Pompejum pertuliſſe, nec ad Oppium. quo conſilio? quamquam Oppium ego tenui, quod priores partes Bibuli erant: cum eo enim coram Cæſare egerat, ad oppium ſcripſerat. Ego vero nullas *deuricæq; q̄ortidas* habere poſſum in Cæſaris rebus. ille mihi ſecundum te & liberos noſtros ita eſt, ut ſit pæne par. videor id iudicio facere. jam enim debeo: ſed tamen amore ſum incenſus. Cum ſcripſiſſem hæc infima, quæ ſunt mea manu, venit ad nos Cicero tuus ad cenam, cum Pomponia foras cenaret. dedit mihi epiſtolam legendam tuam, quam paullo ante acceperat, Ariſtophaneo modo, valde mehercule & ſuavem, & gravem: qua ſum admodum delectatus. Dedit etiam alteram illam mihi, qua jubet, eum mihi eſſe affixum, tamquam magiſtro. Quam illum epiſtolæ illæ delectarunt? quam me? Nihil puero illo ſuavius, nihil noſtri amantius. Hæc inter cenam Tironi dictavi, ne mirere alia manu eſſe. Annali litteræ tuæ pergratæ fuerunt, quod & curares de ſe diligenter, & tamen conſilio ſeveriſſimo juvares. P. Servilius pater, ex litteris, quas ſibi a Cæſare miſſas eſſe dicebat, ſignificat valde te ſibi gratum feciſſe, quod de ſua voluntate erga Cæſarem humaniſſime, diligentiſſimeque locutus eſſes. Cum Romam ex Arpinati revertiſſem, dictum mihi eſt, hippodamum ad te profeſtum eſſe. Non poſſum ſcribere, me miratum eſſe, illum tam inhumaniter feciſſe, ut ſine meis litteris ad te proficiſceretur: illud ſcribo, mihi moleſtum fuiſſe. jam enim diu cogitaveram, ex eo, quod tu ad me ſcripſeras, ut, ſi quid eſſet, quod ad te diligentius perferri vellem, illi darem: quod mehercule hiſce litteris, quas vulgo ad te mitto, nihil fere ſcribo, quod ſi in alicujus manus inciderit, moleſte ferendum ſit. Minucio me, & Sal-

vio,



vio, & Labeoni reservabam. Labeo aut tarde proficiscetur, aut hic manebit. Hippodamus ne nunc quidem, quid velim, rogavit. T. Pinarius amabiles ad me de te litteras mittit: se maxime literis, sermonibus, cenis denique tuis delectari. Is homo semper me delectavit: fraterque ejus mecum est multum. quare, ut instituiſti, complectere adolescentem. Quod multos dies epistolam in manibus habui, propter commorationem tabellariorum, ideo multa coniecta sunt, aliud alio tempore, velut hoc. T. Anicius mihi saepe jam dixit, sese tibi, suburbanum si quod invenisset, non dubitaturum esse emere. In ejus sermone ego utrumque soleo admirari; & te de suburbano emendo, cum ad illum scribas, non modo ad me non scribere, sed etiam aliam in sententiam scribere: & cum ad illum scribas, nihil te recordari de se, de epistolis illis, quas in Tusculano ejus tu mihi ostendisti, nihil de praeceptis Epicharmi, *πρᾶξι, πῶς ἂν ἀλλὰ κερήται* totum denique vultum, animum, sermonem ejus; quemadmodum conjicio, quasi. Sed hæc tu videris. De suburbano, cura, ut sciam, quid velis: & simul ne quid ille turbet, vide. Quid præterea? Quid? etiam. Gabinius a. d. iv. Kal. Octobr. noctu in urbem introivit: & hodie H. viii, cum edicto C. Alfi de majestate eum adesse oporteret, concursu magno, & odio universi populi pæne afflicus est. nihil illo turpius. proximus tamen est Piso. itaque mirificum *ἐμβολιον* cogito in secundum librorum meorum includere, dicentem Apollinem in concilio deorum, qualis reditus duorum imperatorum futurus esset: quorum alter exercitum perdidisset, alter vendidisset. Ex Britannia Cæsar ad me Kal. Sept. dedit litteras: quas ego accepi a. d. iv. Kalend. Octobr. satis commodas de Britannicis rebus: quibus, ne admirer, quod a te nullas acceperim, scribit, se sine te fuisse, cum ad mare accesserit. Ad eas ego ei litteras nihil rescripsi, ne gratulandi quidem causa, propter ejus luctum. Te oro etiam atque etiam, mi frater, ut valeas.



*Gabinium redeuntem in urbem, in Senatu male vexatum, & a Memmio tribuno pl. ad populum male tractatum esse, ac de iudicio ejus proxime futuro, commemorat. Deinde qui de ambitu rei sint, quæ comitiorum spes sit, demonstrat.*

## MARCUS Q. FRATRIS.

**A.** d. vi. Id. Octobr. Salvius Ostiam vesperi navim profectus erat cum iis rebus, quas tibi domo mitti volueras. Eodem die Gabinium ad populum iuculente calefecerat Memmius, sic, ut Calidio verbum facere pro eo non licuerit. Postridie autem ejus diei, qui erat tum futurus, cum hæc scribebam ante lucem, apud Catonem erat divinatio in Gabinium futura inter Memmium, & Ti. Neronem, & C. & L. Antonios, M. F. Putabamus fore, ut Memmio daretur, etsi erat Neronis mira contentio. Quid quæris? probe premitur, nisi noster Pompejus, jus diis, hominibusque invitis, negotium everterit. Cognosce nunc hominis audaciam, & aliquid in republica perditum delectare. Cum Gabinius, quacumque veniebat, triumphum se postulare dixisset, subitoque bonus imperator noctu in urbem, hostium plane, invasisset, in senatum se non committebat. Interim ipso decimo die, quo ipsum oportebat hostium numerum, & militum renuntiare, in re hæsit, summa infrequentia, cum vellet exire, a consulibus retentus est: introducti publicani. Homo undique actus, cum a me maxime vulneraretur, non tulit: & me trementi voce exulem appellavit. Hic, (o dii! nihil umquam honorificentius nobis accidit,) consurrexit senatus cum clamore ad unum, sic, ut ad corpus ejus accederet: pari clamore atque impetu publicani. Quid quæris? omnes, tanquam si tu esses, ita fuerunt. Nihil hominum sermone foris clarius. Ego tamen teneo ab accusando vix mehercule: sed tamen teneo, vel quod nolo cum Pompejo pugnare, (satis est, quod instat de Milone,) vel quod iudices nullos habemus. *arg.*



formido. addo etiam malivolentiam hominum & timeo, ne illi, me accusante, aliquid accidat: nec despero, rem, & sine me, & nonnihil per me, confici posse. De ambitu postulati sunt omnes, qui consulatum petunt: a Memmio, Domitius: a Q. Curtio, bono & erudito adolescente, Memmius: a Q. Pompejo, Messala: a Triario, Scaurus. Magno res in motu est: propterea quod aut hominum, aut legum interitus ostenditur. Opera datur, ut iudicia ne fiant. Res videtur spectare ad interregnum. Consules comitia habere cupiunt: rei nolunt, & maxime Memmius, quod Cæsaris adventu sperat se futurum consulem. sed mirum in modum jacet. Domitius cum Messala certus esse videbatur. Scaurus refrixerat. Appius sine lege curiata confirmat se Lentulo nostro successurum: qui quidem mirificus illo die (quod pæne præterii) fuit in Gabinium: accusavit majestatis, nomina data, cum ille verbum nullum. Habes forensia. Domi recte, & ipsa domus a redemptoribus tractatur non indiligenter. Vale.

## A R G U M E N T U M.

3

*De rebus domesticis nonnulla: desiderium litterarum a Quinto: Comitiorum dilationes: Gabinius de ambitu reus: & Ciceronis Q. filii in rhetore audiendo diligentia.*

## MARCUS Q. FRATRI S.

Occupationum mearum tibi signum sit librarii manus. Diem scito esse nullum, quo die non dicam pro reo, ita, quidquid conficio, aut cogito, in ambulationis fere tempus confero. Negotia nostra sic se habent: domestica vero, ut volumus. Valent pueri, studiose discunt, diligenter docentur, & nos, & inter se amant. Expositiones utriusque nostrum sunt in manibus: sed tua ad perfectum jam res rustica Arcani & Laterii. Præterea de aqua & via nihil prætermisi quadam epistola, quin enucleate ad te perscriberem. sed me illa cura sollicitat, angitque vehementer.

Cic. Epist. Tom. II.

Kk

ter,



ter, quod dierum jam amplius L. intervallo nihil a te, nihil a Cæsare, nihil ex istis locis, non modo litterarum, sed ne rumoris quidem affluxit. Me autem jam & mare istue, & terra sollicitat: neque desino (ut sit in amore) ea, quæ minime volo, cogitare. Quare non equidem jam te rogo, ut ad me de te, de rebus istis scribas, (numquam enim, cum potes, prætermittis,) sed hoc te scire volo, nihil fere umquam me sic expectasse, ut, cum hæc scribebam, litteras tuas. Nunc cognosce ea, quæ sunt in republica. Comitiorum quotidie singuli dies tolluntur obnuntiacionibus, magna voluntate bonorum omnium: tanta invidia sunt consules propter suspicionem paſtorum a candidatis præmiorum. Candidati consulares quattuor, omnes rei, causæ sunt difficiles: sed enitemur, ut Messala noster salvus sit, quod est etiam cum reliquorum salute conjunctum. Gabinium de ambitu reum fecit P. Sulla, subscribente privigno Memmio, fratre Cæcilio Sullæ. Contradixit L. Torquatus. omnibusque libentibus non obtinuit. Quæris, quid fiat de Gabinio? sciemus de maiestate triduo: quo quidem in iudicio odio premitur omnium generum: maxime testibus cæditur, accusatoribus frigidissimis utitur: consilium varium: quæſitor gravis & firmus, Alfius; Pompejus, vehemens in iudiciis rogandis. Quid futurum sit, nescio: locum tamen illi in civitate non video. animum præbeo ad illius perniciem, moderatum; ad rerum eventum, lenissimum. Habes fere de omnibus rebus. Unum illud addam. Cicero tuus nosterque summo studio est Pæonii sui rhetoris, hominis, opinor, valde exercitati & boni. sed nostrum instituendi genus esse paullo eruditius, & *διπλοτέρως*, non ignoras. Quare neque ego impediri Ciceronis iter, atque illam disciplinam volo, & ipse puer magis illo declamatorio genere duci & delectari videtur. in quo quoniam ipsi quoque fuimus, patiamur illum, ire nostris itineribus; eodem enim perventurum esse confidimus, sed tamen, si nobiscum eum rus aliquo eduxerimus, in hanc nostram rationem consuetudinemque inducemus. Magna enim nobis a te pro-

posi-



posita merces est, quam certe nostra culpā numquam minus assequemur. Quibus in locis, & qua spe hie- maturus sis, ad me quam diligentissime scribas ve- lim. Vale.

## ARGUMENTUM.

4

*De Gabinio propter accusatoris & subscriptorum infan-  
tiam absoluto perscribit, & quare nec eum accusarit,  
nec defenderit, sed tantum testimonium contra eum di-  
xerit, ostendit: denique de rebus domesticis quedam  
addit.*

## MARCUS Q. FRATRIS.

**G**abinus absolutus est. omnino nihil accusatore Lentulo, subscriptoribusque ejus infantius, ni- hil illo consilio sordidius. sed tamen nisi incredibilis contentio, & preces Pompeji, dictaturæ etiam rumor, plenus timoris, fuisset ipsi Lentulo non respondisset, qui tum illo accusatore, illorumque consilio senten- tiis condemnatus sit xxxii, cum lxx. tulissent. Est omnino tam gravi fama hoc judicium, ut videatur reliquis judiciis periturus, & maxime de pecuniis re- petundis. Sed vides nullam esse rempublicam, nul- lum senatum, nulla judicia, nullam in nullo nostrum dignitatem. Quid plura de judiciis? duo prætorii federunt, Domitius Calvinus; is aperte absolvit, ut omnes viderent: & Cato; is, diremtis tabellis, de circulo se subduxit, & Pompejo primus nuntiavit. Ajunt nonnulli, Salustius item, me oportuisse accu- sare. Iis ego judiciis committerem? Quid essem, si me agente, esset elapsus? Sed me alia moverunt. Non putasset sibi Pompejus de illius salute, sed de sua dignitate mecum esse certamen: in urbem intrasset: ad inimicitias res venisset: cum Æternino Samnite Pacidianus comparatus viderer, auriculam fortasse mordicus abstulisset. cum Clodio quidem certe rediis- set in gratiam. Ego vero meum consilium (si præ- fertim tu non improbas) vehementer approbo. Ille, cum a me singularibus meis studiis ornatus esset, cum



que ego illi nihil deberem, ille mihi omnia, tamen in re publica me a se dissentientem non tulit, (nihil dicam gravius,) & minus potens eo tempore, quid in me florentem posset, ostendit. nunc, cum ego ne curem quidem multum posse, res quidem publica certe nihil possit, unus ille omnia possit, cum illo ipso contenderem? sic enim faciendum fuisset. Non existimo te putare, id mihi suscipiendum fuisse. Aliterutrum, inquit idem Sallustius, defendisses: idque Pompejo contententi dedisses. etenim vehementer orabat. lepidum amicum Sallustium, qui mihi aut inimicitias putet periculosas subeundas fuisse, aut infamiam sempiternam. Ego vero hac mediocritate delector: ac mihi illud iucundum est, quod, cum testimonium secundum fidem & religionem gravissime dixissem, reus dixit, si in civitate licuisset sibi esse, mihi se satisfacturum: neque me quidquam interrogavit. De versibus, quos tibi a me scribi vis, deest mihi quidem opera, quæ non modo tempus, sed etiam animus vacuum ab omni cura desiderat: sed abest etiam <sup>in de oratoribus</sup> ~~in de oratoribus~~ <sup>in de oratoribus</sup> ~~in de oratoribus~~ non enim sumus omnino sine cura venientis anni: etsi sumus sine timore. Simul & illud (sine illa mehercule ironia loquor) tibi istius generis in scribendo priores partes tribuo, quam mihi. De bibliotheca tua Græca supplenda, libris commutandis, Latinis comparandis; valde velim ista confici, præsertim cum ad meum quoque usum spectent. Sed ego, mihi ipsi ista per quem agam, non habebo. neque enim venalia sunt, quæ quidem placeant, & confici nisi per hominem, & peritum, & diligentem non possunt. Chrysippo tamen imperabo, & cum Tyrannione loquar. De fisco quid egerit Scipio, quæram. quod videbitur rectum esse, curabo. De Ascanione, tu vero, quod voles, facies: me nihil interpono. De suburbano quod non properas, laudo: ut tu habeas, hortor. Hæc scripsi a. d. ix. Kalend. Novemb. quo die ludi committebantur, in Tusculanum proficiscens, ducensque mecum Ciceronem meum ludum discendi, non lusionis. ea re non longius, quam vellem, quod Pomtino ad triumphum a. d. m. Non,



Non. Novemb. volebam adesse. etenim erit nescio quid negotioli. Nam Cato & Servilius, prætores, prohibituos se minantur: nec, quid possint, scio. Ille enim & Appium consulem secum habebit, & prætores, & tribunos plebis, sed minantur tamen: in primisque *ἄν' ἄν' αὖ* Q. Scævola. Cura, mi suavis-  
sime & carissime frater, ut valeas.

## A R G U M E N T U M.

5

*De libris de republica Sallustii monitu refingendis: de  
Casaris erga se amore: de versibus scribendis excusatio:  
de reipublica statu conquestio: de Gabinio a se non des-  
senso, & de suo in libris Quinro emendis studio.*

## MARCUS Q. FRATRI S.

Quod quæris, quid de illis libris egerim, quos, cum essem in Cumano, scribere institui: non cessavi, neque cesso: sed sæpe jam scribendi totum consilium rationemque mutavi. Nam jam duobus factis libris, in quibus, novendialibus iis feriis, quæ fuerunt Tuditano & Aquilio consulibus, sermo est a me institutus Africani, paullo ante mortem, & Lælii, Philii, Manilii, Q. Tuberonis & Lælii, generorum Fannii, & Scævolæ: sermo autem in novem & dies & libros distributus de optimo statu civitatis, & de optimo cive: sane texebatur opus luculenter, hominumque dignitas aliquantum orationi ponderis afferebat. Hi libri cum in Tusculano mihi legerentur, audiente Sallustio: admonitus sum ab illo, multo majore auctoritate illis de rebus dici posse, si ipse loquerer de republica, præsertim cum essem non Heracleides Ponticus, sed consularis, & is, qui in maximis versatus in republica rebus essem. quæ tam antiquis hominibus attribuerem, ea visum iri ficta esse. oratorium sermonem in illis nostris libris, quod esset de ratione dicendi, belle a me removisse; ad eos tamen retulisse, quos ipse vidissem: Aristotelem denique, quæ de republica & præstante viro scribat, ipsum loqui. Commovit me, & eo magis, quod



maximos motus nostræ civitatis attingere non poteram, quod erant inferiores, quam illorum ætas, qui loquebantur. Ego autem id ipsum tum eram secutus, ne in nostra tempora incurrens offenderem quempiam. Nunc & invitabo, & loquar ipse tecum, & tamen illa, quæ institueram, ad te, si Romam venero, mittam. Puto enim, te existimaturum, a me libros illos non sine aliquo meo stomacho esse relictos. Cæsaris amore, quem ad me perscripsit, unice delector: promissis iis, quæ ostendit, non valde pendeo: nec honores sitio, nec desidero gloriam: magisque ejus voluntatis perpetuitatem, quam promissorum exitum exspecto. vivo tamen in ea ambitione & labore, tamquam id, quod non postulo, exspectem. Quod me de faciendis versibus rogas, incredibile est, mi frater, quam egeam tempore: nec sane satis commoveor animo ad ea, quæ vis, canenda. ὑποδραστής vero ad ea, quæ ipse ego ne cogitando quidem consequor, tu, qui omnes isto eloquendi & exprimendi genere superasti, a me petis? Facerem tamen, ut possem: sed (quod te minime fugit) opus est ad poema quadam animi alacritate, quam plane mihi tempora eripiunt. Abduco equidem me ab omni reipublicæ cura, dedoque litteris: sed tamen indicabo tibi, quod mehercule in primis te celatum volebam. Angor, mi suavissime frater, angor, nullam esse rempublicam, nulla judicia, nostrumque hoc tempus ætatis, quod in illa auctoritate senatoria florere debebat, aut forensi labore jactari, aut domesticis litteris sustentari, illud vero, quod a puero adamaram,

Διὸν ἀριστεύειν, καὶ ὑπερὶ πολλοῦ ἐμμενέειν ἄλλων.

totum occidisse: inimicos a me partim non oppugnatos, partim etiam esse defensos, meum non modo animum, sed ne odium quidem esse liberum: unumque ex omnibus Cæsarem esse inventum, qui me tantum, quantum ego vellem, amaret, aut etiam (sicut alii putant) hunc unum esse, qui vellet. Quorum tamen nihil est ejusmodi, ut ego me non multa consolatione quotidie leniam: sed illa erit consolatio maxima.



xima, si una erimus. nunc ad illa vel gravissimum accedit tui desiderium. Gabinium si, ut Pansa putat oportuisse, defendissem, concidissem: qui illum oderunt (ii sunt toti ordines) propter quem oderunt, me ipsum odisse cepissent. Tenui me, ut puto, egregie, tantum ut facerem, quantum omnes viderent. Et in omni summa, ut mones, valde me ad otium pacemque converto. De libris, Tyrannio est cessator: Chrysippo dicam: sed res operosa est, & hominis perdisigentis. Sentio ipse, qui in summo studio nihil assequor. De Latinis vero, quo me veritam, nescio: ita mendose & scribuntur, & veneunt: sed tamen quod fieri poterit, non negligam. Crebrius, ut ante ad te scripsi, Romæ est: & qui omnia adjuvant, debere tibi valde renuntiant. Ab ærario puto confectum esse, dum absum.

## A R G U M E N T U M.

6

*Tragœdias a Quinto scriptas sibi mitti vult.*

## MARCUS Q. FRATRI S.

**Q**uattuor tragœdias xvi. diebus absolvisse cum scribas, tu quidquam ab alio mutuaris? & κλειος quæris, cum Elestram & Troadem scripseris? Cessator esse noli: & illud γυναι σεαυτον, noli putare ad arrogantiam minuendam solum esse dictum, verum etiam ut bona nostra norimus. Sed & istas, & Erigonam mihi velim mittas. Habes ad duas epistolas proximas.

## A R G U M E N T U M.

7

*Proluviem ingentem fuisse scribit & epistolas promittit.*

## MARCUS Q. FRATRI S.

**R**omæ & maxime Appia ad Martis, mira proluvies. Cassipedis ambulatio ablata, horti, tabernæ plurimæ: magna vis aquæ usque ad piscinam publicam. Viget illud Homeri,



Ἡμῶν ὁκωρῶν, ὅτε λαβροτάτον χρεὶ ὕδωρ  
Zeus.

Cadit enim in absolutionem Gabinii

Ὅτι δὴν ἄνδρῶσι ποτισσάμενος χαλεπαίνει,  
Ὅς βίη ἐν ἀγορῇ σκολιὰς κρινῶσι δέμιας,  
Ἐκ δὲ δικῆν ἑλάσῃσι, θεῶν ὅπιν ἔκ ἁλεγοντες.

Sed hæc non curare decrevi. Romam cum venero, quæ perspexero, scribam ad te, & maxime de dictatura, & ad Labienum, & ad Ligurium litteras dabo. Hanc scripsi ante lucem, ad lychnuchum ligneolum, quæ mihi erat perjucundus, quod eum te ajebant, cum esses Sami, curasse faciendum. Vale, mi suavissime & optime frater.

8 ARGUMENTUM.

*De Caesaris amicitia & cautione in litteris dandis adhibenda: de spe Candidatorum consularis: de dictaturæ timore, & de Milonis ludis.*

MARCUS Q. FRATRI S.

Superiori epistolæ quod respondeam, nihil est: quæ plena stomachi & querelarum est: quo in genere alteram quoque te scribis pridie Labieno dedisse; qui adhuc non venerat. Delevit enim mihi omnem molestiam recentior epistola. Tantum te & moneo & rogo, ut in istis molestiis, & laboribus, & desideriiis recordere, consilium nostrum quod fuerit professionis tuæ. Non enim commoda quædam sequebamur parva ac mediocria. Quid enim erat, quod discessu nostro emendum putaremus? præsidium firmissimum petebamus & optimi & potentissimi viri benevolentia ad omnem statum nostræ dignitatis. Plura ponuntur in spe, quam in pecuniis: reliqua ad jacturam struuntur. Quare si crebro referes animum tuum ad rationem & veteris consilii nostri, & spei, facilius istos militiæ labores, ceteraque, quæ te offendunt, ferēs: & tamen cum voles, deponēs. Sed



ejus rei maturitas nequedum venit, & tamen jam appropinquat. Etiam illud te admoneo, ne quid ullis litteris committas; quod si prolatum sit, moleste feramus. Multa sunt, quæ ego nescire malo, quam cum aliquo periculo fieri certior. Plura ad te vacuo animo scribam, cum (ut spero) se Cicero meus belle habebit. Tu velim cures, ut sciam, quibus nos dare oporteat eas, quas ad te deinde litteras mittemus: Caesarisne tabellariis, ut is ad te protinus mittat, an Labieni. Ubi enim isti sint Nervii, & quam longe absint, nescio. De virtute & gravitate Caesaris, quam in summo dolore adhibuisset, magnam ex epistola tua accepi voluptatem. Quod me institutum ad illum poema jubes perficere; etsi dissentus cum opera, tum animo sum multo magis, quoniam tamen ex epistola, quam ad te miseram, cognovit Caesar, me aliquid esse exortum, revertar ad institutum; idque perficiam his supplicationum otiosis diebus: quibus Messalam jam nostrum, reliquosque molestia levatos, vehementer gaudeo: eumque quod certum consulem cum Domitio numeratis, nihil a nostra opinione dissentitis. Ego Messalam Casari præstabo. Sed Memmius in adventu Caesaris habet spem: in quo illum puto errare: hic quidem friget. Scaurum autem jampridem Pompejus abjecit: res prolata: ad interregnum comitia adducta. Rumor dictatoris injucundus bonis: mihi etiam magis, quæ loquuntur. Sed tota res & timetur, & refrigescit. Pompejus plane se negat velle: antea ipse mihi non negabat. Hirrus auctor fore videtur. O dii quam ineptus! quam se ipse amans sine rivali! Crassum Junianum, hominem mihi deditum, per me deterruit. velit, nolit, scire difficile est. Hirro tamen agente, nolle se non probabit. Aliud hoc tempore de republica nihil loquebantur. agebatur quidem certe nihil. Serrani Domestici filii funus perlustuosum fuit a. d. ix. Kalend. Decemb. Laudavit pater scripto meo. Nunc de Milone. Pompejus ei nihil tribuit: & omnia Guttæ: dicitque se perfecturum, ut in illo Caesar incumbat. hoc horret Milo: nec injuria: & si ille dictator factus sit, pæne diffidit. Intercessorem



dictaturæ si iuverit manu, & præsidio suo, Pompejum metuit inimicum. si non iuverit: timet, ne per vim perferatur. Ludos apparat magnificentissimos: sic, inquam, ut nemo sumtuosiores: stulte bis, terque, non postulatus: vel quia munus magnificum dederat, vel quia facultates non erant, vel quia magister, vel quia potuerat magistrum se, non ædilem putare. Omnia fere scripsi. Cura, mi carissime frater, ut valeas.

9

## A R G U M E N T U M.

*Varia de rebus publicis & domesticis perscribit.*

## MARCUS Q. FRATRI S.

**D**e Gabinio nihil fuit faciendum istorum, quæ amantissime cogitata sunt. *res ipsa xavoi.* feci summa cum gravitate, ut omnes sentiunt, & summa cum lenitate, quæ feci. illum neque urssi, neque levavi. testis vehemens fui: præterea quievi. Exitum iudicii fædum & perniciosum levissime tuli. Quod quidem bonum mihi nunc denique redundat, ut his malis reipublicæ licentiaque audacium, qua ante rumpebar, nunc ne movear quidem. nihil est enim perditius his hominibus, his temporibus. Itaque ex republica quoniam nihil jam voluptatis capi potest: cur stomacher, nescio. Litteræ me, & studia nostra, & otium, villæque delectant, maximeque pueri nostri. Angit unus Milo. sed velim finem afferat consulatus: in quo enitar non minus, quam sum enisus in nostro: tuque istinc, quod facis, adjuvabis. De quo, cætera (nisi plane vis eripuerit) recte sunt: de re familiari timeo,

*'O de muverai 'ex 'et' 'aventas*

qui ludos H. S. ccc. comparet. cuius in hoc uno inconsiderantiam & ego sustinebo, ut potero, & tu ut possis, est tuorum nervorum. De motu temporum venientis anni, nihil te intelligere volueram domesticæ timoris, sed de communi reipublicæ statu: in quo etiamsi nihil procuro, tamen nihil curare vix possum. Quam autem te velim cautum esse in scribendo, ex hoc conjicito, quod ego ad te ne hæc quidem scribo,

quæ



quæ palam in republica turbantur, ne cuiusquam animum mea litteræ interceptæ offendant. Quare domestica cura te levatum volo. In republica scio quam sollicitus esse soleas. Video Messalam nostrum consulem, si per interregem, sine iudicio: si per dictatorem, tamen sine periculo. odii nihil habet. Hortensii calor multum valebit. Gabinii absolutio, lex impunitatis putatur. *παρεργα*: de dictatore tamen actum adhuc nihil est. Pompeius abest: Appius miscet: Hirrus parat: principes nolunt: ego quiesco. De mancipiis, quod mihi pollice-  
ris, valde te amo: & sum equidem, uti scribis, & Romæ, & in prædiis infrequens. Sed cave, amabo, quidquam, quod ad meum commodum attineat, nisi maximo tuo commodo, & maxima tua facultate, mi frater, cogitaris. De epistola Vatinii, risi. sed me ab eo ita observari scio, ut ejus ista odia non forbeam solum, sed etiam concoquam. Quod me hortaris, ut absolvam: habeo absolutum suave, mihi quidem uti videtur, *εως* ad Cæsarem: sed quaro locupletem tabellarium, ne accidat quod Eri-gonæ tuæ: cui soli, Cæsare imperatore, iter ex Gallia tutum non fuit. \*\* Quid? si cæmentum bonum non habeam, deturbem ædificium? quod quidem quotidie mihi magis placet: in primisque inferior porticus, & ejus conclavia fiunt rede. De Arcano, Cæsaris opus est, vel mehercule etiam elegantioris alicujus. imagines enim istæ, & palæstra, & piscina, & nilus, multorum Philotimorum est, non Diphilorum. sed & ipsi ea adibimus, & mittemus, & mandabimus. De Felicis testamento tum magis querare, si scias. Quas enim tabulas se putavit obsignare, in quibus in unciis firmissimum tenebat, (lapsus est per errorem & suum, & Sicuræ servi,) non obsignavit: quos noluit, eos obsignavit. *ἀλλ' οἰμώζω*. nos modo valeamus. Ciceronem, & ut rogas, amo, & ut meretur, & ut debeo. Dimitto autem a me, & ut a magistris ne abducam, & quod mater Pomponia discedit, sine quæ edacitatem pueri pertimesco. sed sumus una tamen valde multum. Rescripsi ad omnia, mihi suavissime & optime frater.





M. TULLII CICERONIS  
EPISTOLARUM

A D  
BRUTUM  
LIBER SINGULARIS.

I ARGUMENTUM.

*De L. Clodii Trib. pl. singulari & cognizo in se Brutum  
que amore & fide accurate scribit.*

CICERO BRUTO S. D.

**L.** Clodius, tribunus plebis designatus, valde me diligit, vel, ut *ἐμφατικώτερον* dicam, valde me amat. quod cum mihi ita persuasum sit, non dubito (bene enim me nosti) quin illum quoque iudices a me amari. Nihil enim mihi minus hominis videtur, quam non respondere in amore iis, a quibus provocere. Is mihi visus est suspicari, nec sine magno quidem dolore, aliquid a suis, vel per suos potius iniquos ad te esse delatum, quo tuus animus a se esset alienior. Non soleo, mi Brute, (quod tibi notum esse arbitror,) temere affirmare de altero. est enim periculosum, propter occultas hominum voluntates, multiplicesque naturas. Clodii animum perspectum habeo, cognitum, iudicatum. multa ejus indicia: sed ad scribendum non necessaria. Volo enim hoc testimonium tibi videri potius, quam epistolam. Auctus Antonii beneficio est. ejus ipsius beneficii magna pars a te est. itaque eum salvis nobis vellet sal-  
vum,



vum. In eum autem locum rem adductam intelligit, (est enim, ut scis, minime stultus,) ut utrique salvi esse non possint. itaque nos mavult. De te vero amicissime & loquitur, & sentit. Quare si quis secus ad te de eo scripsit, aut si coram locutus est, peto a te etiam atque etiam, mihi ut potius credas, qui & facilius judicare possum, quam ille nescio quis, & te plus diligo. Clodium tibi amicissimum existima, civemque talem, qualis & prudentissimus, & fortunæ optima esse debet.

## A R G U M E N T U M.

2

*Respondet epistola de cohortibus quinque a Dolabella in Cherronesum missis, ejusque dementiam miratur, & Bruti consilium de eo persequendo laudat. In seditionis auctoribus dimittendis clementiam Bruti reprehendit, & suas in Antonium invehivas defendit.*

## CICERO BRUTO S.

Scripta & obsignata jam epistola, litteræ mihi reditæ sunt a te, plenæ rerum novarum, maximeque mirabilium. Dolabellam quinque cohortes misisse in Cherronesum? Adeone copiis abundat, ut is, qui ex Asia fugere dicebatur, Europam appetere conetur? Quinque autem cohortibus quid se nam facturum arbitratus est, cum tu eo quinque legiones, optimum equitatum, maxima auxilia haberes? quas quidem cohortes spero jam tuas esse, quoniam latro ille tam fuit demens. Tuum consilium vehementer laudo, quod non prius exercitum Apollonia, Dyrrachioque movisti, quam de Antonii fuga audisti, Bruti eruptione, populi Romani victoria. Itaque, quod scribis, postea statuisse te ducere exercitum in Cherronesum, nec pati, sceleratissimo hosti ludibrio esse imperium populi Romani, facis ex tua dignitate, & e republica. Quod scribis de seditione, quæ facta est in legione quarta, de Antoniis, (in bonam partem accipies,) magis mihi probatur militum severitas, quam tua. Te benivolentiam exercitus equitumque  
exper:



expertum, vehementer gaudeo. De Dolabella, ut scribis, si quid habes novi, facies me certiores: in quo valde delector, me ante providisse, ut tuum iudicium liberum esset cum Dolabella belli gerendi: & id valde pertinuit, ut ego tum intelligebam, ad rempublicam, ut nunc iudico, ad dignitatem tuam. Quod scribis, me maximo otio egisse, ut insecraret Antonios, idque laudas; credo ita videri tibi: sed illam distinctionem tuam nullo pacto probo. Scribis enim, *acrius prohibenda bella civilia esse, quam in superatos iracundiam exercendam.* Vehementer a te, Brute, dissentio: nec clementiæ tuæ concedo; sed salutaris severitas vincit inanem speciem clementiæ. Quodsi clementes esse volumus, numquam deerunt bella civilia. Sed de hoc tu videris. De me possum idem, quod Plautinus pater in Trinummio: *mibi quidem ætas acta ferme est: tua istuc refert maxime.* Opprimemini, (mihi crede,) Brute, nisi provideritis. Neque enim populum semper eundem habebitis, neque senatum, neque senatus ducem. Hæc ex oraculo Apollinis Pythii edita tibi puta. nihil potest esse verius. xiv. Kalend. Majas.

## 3

## A R G U M E N T U M.

Octavianum laudat, & lætitiæ Romæ & victoriæ Consulæ & D. Bruti ortam commemorat: Liberalitatem ejus in seditionis auctoribus reprehendi Romæ, & omnes Antonianos hostes judicatos esse scribit.

## M. T. C. M. BRUTO S.

**N**ostræ res meliorem loco videbantur. Scripta enim ad te certo scio, quæ gesta sunt. quales tibi sæpe scripsi consules, tales exsisterunt. Cæsaris vero pueri mirifica indoles virtutis. Utinam tam facile eum florentem & honoribus, & gratia, regere ac tenere possimus, quam facile adhuc tenuimus! Est omnino illud difficilius: sed tamen non diffidimus. Persuasum est enim adolescenti, & maxime per me, ejus opera nos esse salvos. & certe, nisi is Antonium ab urbe

aver-



avertisset, periissent omnia. Triduo vero, aut quadriduo ante hanc rem pulcherrimam, timore quodam percussa civitas tota ad te se cum conjugibus & liberis effundebat. eadem, recreata a. d. xii. Kalend. Majas, te huc venire, quam se ad te ire malebat. Quo quidem die magnorum meorum laborum multarumque vigiliarum fructum cepi maximum, si modo est aliquis fructus ex solida veraque gloria. Nam tantæ multitudinis, quantam capit urbs nostra, concursus est ad me factus. ea cum usque in Capitolium deductus, maximo clamore atque plausu in rostris collocatus sum. Nihil est in me inane: neque enim debet: sed tamen omnium ordinum consensus, gratiarum actio, gratulatioque, me commovet; propterea quod popularem me esse in populi salute, præclarum est. Sed hæc te malo ab aliis. me velim de tuis rebus, consiliisque facias diligentissime certiorum: illudque consideres, ne tua liberalitas dissolutior videatur. Sic sentit senatus, sic populus Romanus, nullos umquam hostes digniores omni supplicio fuisse, quam eos cives, qui hoc bello contra patriam arma ceperunt: quos quidem ego omnibus sententiis ulciscor, & persequor, omnibus bonis approbantibus. Tu quid de hac re sentias, tui iudicii est. Ego sic sentio, trium fratrum unam & eandem esse causam. Consules duos, bonos quidem, sed duntaxat bonos, amisimus. Hirtius quidem in ipsa victoria occidit, cum paucis diebus magno prælio ante vicisset. Nam Pansa fugerat, vulneribus acceptis, quæ ferre non potuit. Reliquias hostium Brutus persequitur, & Cæsar. Hostes autem omnes iudicati, qui M. Antonii sectam secuti sunt. Itaque id senatus consultum plerique interpretantur, etiam ad tuos, sive captivos, sive dediticios pertinere. Equidem nihil disserui durius, cum nominatim de C. Antonio decernerem, quod ista statueram, a te cognoscere causam ejus senatum oportere. x. Kalend. Majas.



*Respondet superiori epistola, & reprehensionem nimiam in C. Antonium clementia diluit. Monet, ne nimis bonoribus Octaviano tribuendis malum exemplum inducatur, quo regnandi cupidi abutantur, atque illis ita regnandi occasio decur, quod se vehementer timere ostendit.*

## BRUTUS CICERONI S.

**Q**uanta sim latitia affectus, cognitis rebus Bruti nostri, & consulum, facilius est tibi existimare, quam mihi scribere. Cum alia laudo, & gaudeo accidisse, tum quod Bruti eruptio non solum ipsi salutaris fuit, sed etiam maximo ad victoriam adjumento. Quod scribis, trium Antoniorum unam atque eandem causam esse: quid ego sentiam, mei iudicii esse: statuo nihil, nisi hoc: Senatus aut populi Romani iudicium esse de iis civibus, qui pugnantes non interierint. At hoc ipsum, inquires, inique facis, qui hostilis animi in rempublicam homines, cives appelles. Immo iustissime. Quod enim nondum senatus censuit, nec populus Romanus iussit, id arroganter non præjudico, neque revoco ad arbitrium meum. Illud quidem non muto, quod ei, quem me occidere res non coegit, neque crudeliter quidquam eripui, neque dissolute quidquam remisi: habuique in mea potestate, quoad bellum fuit. Multo quidem honestius iudico, magisque quod concedere possit respublica miserrum fortunam non insectari, quam infinite tribuere potentibus, quæ cupiditatem & arrogantiam incendere possint. Qua in re, Cicero, vir optime ac fortissime, mihiq; merito, & meo nomine, & reipublicæ, carissime, nimis credere videris spei tuæ: statimque, ut quisque aliquid recte fecerit, omnia dare ac permittere: quasi non liceat traduci ad mala consilia corruptum largitionibus animum. Quæ tua est humanitas, æquo animo te moneri patieris, præsertim de communi salute: facies tamen, quod tibi visum fuerit: etiam ego, cum me docueris. Nunc, Cicero, nunc agendum est, ne frustra, oppressum esse



esse Antonium, gavisi sumus, neu semper primi cuiusque mali excidendi causa sit, ut aliud renascatur illo pejus. Nihil jam neque opinantibus aut patientibus nobis, adversi evenire potest, in quo non cum omnium culpa, tum præcipue tua futura sit: cuius tantam auctoritatem senatus ac populus Romanus non solum esse patitur, sed etiam cupit, quanta maxima in libera civitate unius esse potest: quam tu non solum bene sentiendo, sed etiam prudenter tueri debes. Prudentia porro, quæ tibi superest, nulla abs te desideratur, nisi modus intribuendis honoribus. Alia omnia sic abunde adsunt, ut cum quolibet antiquorum comparari possint tuæ virtutes. unum hoc, grato animo liberalique profectum, cautiorem ac moderatiorem liberalitatem desiderat. Nihil enim senatus cuiquam dare debet, quo male cogitantibus exemplo aut præsidio sit. Itaque timeo de consulatu, ne Cæsar tuus altius se adscendisse putet decretis tuis, quam inde, si consul factus sit, descensurum. Quod si Antonius, ab alio relictum regni instrumentum, occasionem regnandi habuit: quonam animo fore putas, si quis, auctore, non tyranno interfecto, sed ipso senatu, putet se imperia quælibet concupiscere posse? Quare tum & felicitatem & providentiam laudabo tuam, cum exploratum habere cæpero, Cæsarem honoribus, quos acceperit, extraordinariis fore contentum. Alienæ igitur, inquires, culpæ me reum subijcies? Prorsus alienæ, si provideri potuit, ne existeret. quod utinam inspicere possis timorem de illo meum? His litteris scriptis, te consulem factum audivimus. tum vero incipiam proponere mihi rempublicam justam, & jam suis nitentem viribus, si isthuc videro. Filius valet, & in Macedoniam cum equitatu præmissus est. Idibus Majis, ex caltris.

## A R G U M E N T U M.

5

*Scribit a Senatu permiffum esse arbitrio Bruti rem de Dolabella persequendo, de eaque suum consilium ostendit: Filium suum se velle in collegium Pontificum minorum absentem cooptari, idque perleges Domitiam & Fuliam fieri*

Cic. Epist. Tom. II,

L1



*ferri posse demonstrat; de quo sententiam Bruti scire cupit.*

## CICERO BRUTO S.

**A**d. v. Kalendas Majas, cum de iis, qui hostes judicati sunt, bello persequendis, sententiæ dicerentur, dixit Servilius etiam de Ventidio, & ut Cassius persequeretur Dolabellam. Cui cum essem assensus, decrevi hoc amplius, ut tu, si arbitrare utile, eque republica esse, persequere bello Dolabellam: si minus id commodo reipublicæ facere posses, siue non existimares e republica esse, ut in iisdem locis exercitum contineres. Nihil honorificentius potuit facere senatus, quam ut tuum esset iudicium, quid maxime conducere reipublicæ tibi videretur. Equidem sic sentio, si manum habet, si castra, si ubi consistat uspiam Dolabella: ad fidem, & ad dignitatem tuam pertinere, eum persequi. De Cassii nostri copiis nihil sciebamus. neque enim ab ipso ullæ litteræ, neque nuntiabatur quidquam, quod pro certo haberemus. Quantopere autem intersit, opprimi Dolabellam, profecto intelligis; cum ut sceleris pœnas persolvat, tum ne sit, quo se latronum duces ex Mutinensi fuga conferant. Atque hoc mihi jam ante placuisse, potes ex superioribus meis litteris recordari: quamquam tum & fugæ potius erat in tuis castris, & subsidium salutis in tuo exercitu. quo magis nunc liberati (ut spero) periculis, in Dolabella opprimendo occupati esse debemus. Sed hæc cogitabis diligentius, statues sapienter: facies nos, quid constituamus, & quid agas, (si tibi videbitur,) certiores. Ciceronem nostrum in vestrum collegium cooptari volo. Existimo omnino, absentium rationem, sacerdotum comitiis posse haberi. nam etiam factum est antea. C. enim Marius, cum in Cappadocia esset, lege Domitia factus est augur: nec, quo minus id postea liceret, ulla lex sanxit. Est etiam in lege Julia, quæ lex est de sacerdotiis proxima, his verbis, QUI PETIT, CUJUSVE RATIO HABEBITUR. aperte indicat, posse rationem haberi etiam

non



non præsentis. Hac de re scripsi ad eum, ut tuo iudicio uteretur, sicut in rebus omnibus. Tibi autem statuendum est de Domitio, & de Catone nostro. Sed quamvis liceat absentis rationem haberi, tamen omnia sunt præsentibus facilia. Quodsi statueris in Asiam tibi eundum, nulla erit ad comitia nostros accessendi facultas. Omnino, Pansa vivo, celeriora omnia putabamus. Statim enim collegam sibi subrogasset: deinde ante prætoriam, sacerdotum comitia fuissent. Nunc per auspicia longam moram video. Dum enim unus erit patricius magistratus, auspicia ad patres redire non possunt. magna sane perturbatio. Tu tota de re quid sentias, velim me facias certiore.

III. Nonas Majas. Vale.

## A R G U M E N T U M.

6

*Respondet epistola superiori. Glauconæ medicum Pansæ, ut e custodia eripiat, rogat; Flavium, qui cum Dyrrhachinis litem habebat, commendat, & de Dolabella fugato casoque certiore facit.*

## BRUTUS CICERONI S.

Noli exspectare, dum tibi gratias agam. jampridem hoc ex nostra necessitudine, quæ ad summam benivolentiam pervenit, sublatum esse debet. Filius tuus a me abest. in Macedonia congregiemur. Iustus est enim Ambracia ducere equites per Thessaliam, & scripsi ad eum, ut mihi Heracleam occurreret. Cum eum videro, quoniam nobis permittis, communiter constituemus de reditu ejus ad petitionem, aut ad commendationem honoris. Tibi Glauconæ, medicum Pansæ, qui sororem Achilleos nostri in matrimonio habet, diligentissime commendo. audimus, eum venisse in suspensionem Torquato de morte Pansæ, custodiri que, ut parricidam. nihil minus credendum est. quis enim majorem calamitatem morte Pansæ accepit? præterea est modestus homo, & frugi: quem ne utilitas quidem videatur impulsura fuisse ad facinus. Rogo te, & quidem valde rogo, (nam



Achilleus noster non minus, quam æquum est, laborat,) eripias eum ex custodia, conseruesque. Hoc ego ad meum officium privatarum rerum æque, atque ullam aliam rem pertinere arbitror. Cum has ad te scriberem litteras, ab Satrio, legato C. Trebonii, reddita est mihi epistola, a Tillio & Dejotaro Dolabellam cæsum fugatumque esse. Græcam epistolam tibi misi Cytherei cujusdam, ad Satrium missam. Flavius noster de controversia, quam habet cum Dyrrachinis hereditariam, sumsit te judicem. rogo te, Cicerone, & Flavius rogat, rem conficias. quin ei, qui Flavium fecit heredem, pecuniam debuerit civitas, non est dubium: neque Dyrrachini inficiantur; se sibi donatum æs alienum a Cæsare dicunt. Noli pati, a necessariis tuis necessario meo injuriam fieri. xvii. Kalend. Jun. ex castris, ad imam Candaviam.

7

## ARGUMENTUM.

*L. Bibulum ut in Pansa locum nominet, rogat.*

## BRUTUS CICERONI S.

**L.** Bibulum quam carus mihi esse debeat, nemo melius judicare potest, quam tu: cujus tantæ pro republica contentiones, sollicitudinesque fuerunt. Itaque vel ipsius virtus, vel nostra necessitudo debet conciliare te illi: quo minus multa mihi scribenda esse arbitror. Voluntas enim te movere debet nostra, si modo justa est, aut pro officio necessario suscipitur. In Pansa locum petere constituit. eam nominationem a te petimus. neque conjunctiori dare beneficium, quam nos tibi sumus, neque digniorem nominare potes, quam Bibulum. De Domitio & Apulejo quid attinet me scribere, cum ipsi per se tibi commendatissimi sint? Apulejum vero tu tua auctoritate sustinere debes. Sed Apulejus in sua epistola celebrabitur. Bibulum noli dimittere ex sinu tuo, tantum jam virum, ex quanto, crede mihi, potest evadere, qui vestris paucorum respondeat laudibus.

ARGU-



## A R G U M E N T U M.

8

*C. Nasennium municipem Sueffanum commendat.*

## CICERO BRUTO S.

**M**ultos tibi commendavi, & commendem, necesse est. optimus enim quisque vir, & civis, maxime sequitur judicium tuum, tibi que omnes fortes viri navare operam & studium volunt: nec quisquam est, quin ita existimet, meam apud te & gratiam & auctoritatem valere plurimum. Sed C. Nasennium, municipem Sueffanum, tibi ita commendo, ut neminem diligentius. Cretenfi bello, Metello imperatore, octavum principem duxit: postea in re familiari occupatus fuit. Hoc tempore cum reipublicæ partibus, tum tua excellenti dignitate commotus, vellet per te aliquid auctoritatis assumere. Fortem virum, Brute, tibi commendo, frugi hominem, & si quid ad rem pertinet, etiam locupletem. Pergratum mihi erit, si eum ita tractaris, ut merito tuo mihi gratias agere possit.

## A R G U M E N T U M.

9

*Brutum, de re, nesciunt eruditi qua, exquisita arte consolaturs & ad fortitudinem cohortatur.*

## CICERO BRUTO S.

**F**ungerer officio, quo tu fundus es in meo iustu, teque per litteras consolarer, nisi scirem, his remediis, quibus meum dolorem tu levasses, te in tuo non egere: ac velim facilius, quam tunc mihi, nunc tibi tute medeare. Et enim alienum tanto viro, ut es tu, quod alteri præceperit, id ipsum facere non posse. Me quidem cum rationes, quas collegeras, tum auctoritas tua, a nimio mærore deterruit. Cum enim mollius tibi ferre viderer, quam deceret virum, præsertim eum, qui alios consolari solet; accusasti me per litteras gravioribus verbis, quam tua consuetudo ferebat. Itaque judicium tuum magni æstimans, idque veritus, me ipse collegi: & ea, quæ didice-



ram, legeram, acceperam, graviora duxi, tua auctoritate addita. Ac mihi tum, Brute, officio solum erat, & naturæ; tibi nunc populo & scenæ (ut dicitur) serviendum est. Nam cum in te non solum exercitus tui, sed omnium civium, ac pene gentium conjecti oculi sint, minime decet, propter quem fortiores ceteri sumus, eum ipsum animo debilitatum videri. Quam ob rem acceperis tu quidem dolorem, (id enim amisisti, cui simile in terris nihil fuit,) & est dolendum in tam gravi vulnere, (ne id ipsum, carere omni sensu doloris, sit miserius, quam dolere, sed, ut modice, ceteris utile est, tibi necesse est. Scriberem plura, nili ad te hæc ipsa nimis multa essent. Nos te, tuumque exercitum exspectamus: sine quo, ut reliqua ex sententia succedant, vix satis liberi videmur fore. De tota republica plura scribam, & fortasse jam certiora his litteris, quas Veteri nostro cogitabam dare.

IO

## A R G U M E N T U M.

*Quomodo bellum ad Mucinam geratur, & quid de Octaviano vereatur, totumque reip. statum perscribit; hortaturque, ut ex senatus auctoritate celeriter cum exercitu in Italiam veniat, Cassiumque, ut idem faciat, horretur.*

## CICERO BRUTO S.

Nullas adhuc a te litteras habebamus: ne famam quidem, quæ declararet, de cognita senatus auctoritate, in Italiam adducere exercitum: quod ut faceres, idque maturares, magnopere desiderabat respublica. Ingravescit enim in dies intestinum malum, nec externis hostibus magis quam domesticis laboramus: qui erant omnino ab initio belli, sed facilius frangebantur. Erescit senatus erat, non sententiis solum nostris, sed etiam cohortationibus excitatus. Erat in senatu satis vehemens & acer Pansa, cum in ceteros hujus generis, tum maxime in socerum: cui consuli non animus ab initio, non fides ad extremum defuit.



defuit. Bellum ad Mutinam gerebatur, nihil ut in  
Cæsare reprehenderes; nonnulla in Hirtio. hujus belli  
fortuna, ut in secundis, fluxa: ut in adversis, bona.  
erat victrix respublica, casis Antonii copiis, ipso ex-  
pulsio a Bruto. Deinde ita multa peccata, ut quo-  
dammodo victoria excideret e manibus, perterritos,  
inermes, faucies non sunt nostri duces persecuti:  
datumque Lepido tempus est, in quo levitatem ejus,  
sæpe perspectam, majoribus in malis experiremur. Sunt  
exercitus boni, sed rudes, Bruti & Planci. Sunt fi-  
delissima & maxima auxilia Gallorum, sed Cæsarem  
meis consiliis adhuc gubernatum, præclara ipsum indole,  
admirabilique constantia, improbissimis litteris  
quidam, fallacibusque interpretibus ac nuntiis impu-  
lerunt in spem certissimam consulationis. Quod simul  
atque sensi; neque ego illum absentem litteris mo-  
nere destitui, nec accusare præsentem ejus necessarios,  
qui ejus cupiditati suffragari videbantur: nec in senatu  
sceleratissimorum consiliorum fontes aperire dubitavi:  
nec vero ulla in re memini, aut senatum meliorem,  
aut magistratus. Numquam enim in honore extra-  
ordinario potentis hominis, vel potentissimi potius,  
(quandoquidem potentia jam in vi posita est, & ar-  
mis,) accidit, ut nemo tribunus plebis, nemo alio  
magistratu, nemo privatus, auctor existeret. sed in  
hac constantia atque virtute, erat tamen sollicita ci-  
vitas. Illudimur enim, Brute, cum militum deliciis,  
tum imperatoris insolentia. Tantum quisque se in  
republica posse postulat, quantum habet virium, non  
ratio, non modus, non lex, non mos, non officium  
valet: non judicium, non existimatio civium, non  
posteritatis verecundia. Hæc ego multo ante pro-  
spiciens, fugiebam ex Italia, tum, cum me vestro-  
rum edictorum fama revocavit. Incitavisti vero tu  
me, Brute, Velia: quamquam enim dolebam, in  
eam me urbem ire, quam tu fugeres, qui eam libe-  
ravisses, quod mihi quoque quondam acciderat, pe-  
riculo simili, casu tristiore: perrexisti tamen, Romam-  
que perveni, nulloque præsidio quatefecisti Antonium:  
contraque ejus arma nefanda, præsidia, quæ oblata



sunt, Caesaris consilio & auctoritate firmavi. qui si steterit idem, mihiq; paruerit: satis videmur haberi praesidii. sin autem impiorum consilia plus valeant, quam nostra: aut imbecillitas ætatis non poterit gravitatem rerum sustinere: spes omnis est in te. Quam ob rem advola, obsecro, atque eam rempublicam, quam virtute, atque animi magnitudine magis, quam eventis rerum liberaſti, exitu libera. omnis omnium concursus ad te futurus est. Hortare idem per litteras Cassium. Spes libertatis nusquam, nisi in vestrorum castrorum principiis est. Firmos omnino & duces habemus ab occidente, & exercitus. Hoc adolescentis praesidium equidem adhuc firmum esse confido. sed ita multi labefaciunt, ut ne moveatur, interdum extimescam. Habes totum reipublicæ statum: qui quidem tum erat, cum has litteras dabam. Velim deinceps meliora sint: sin aliter fuerit (quod dii omen avertant!) reipublicæ vicem dolebo: quæ immortalis esse debebat. mihi quidem quantum reliqui est?

## II

## ARGUMENTUM.

*Veteris Antistii animum in remp. laudat; & ipsius petitionem prætura ut adjuvet, ceterisque in rebus eum complectatur, rogat.*

## BRUTUS CICERONI S.

**V**eteris Antistii talis animus est in rempublicam, ut non dubitem, quin & in Casare & Antonio se præstaturus fuerit acerrimum propugnatorem communis libertatis, si occasione potuisset occurrere. Nam, qui in Achaja congressus, P. Dolabella milites atque equites habente, quodvis adire periculum, ex insidiis paratissimi ad omnia latronis, maluerit, quam videri aut coactus esse pecuniam dare, aut libenter dedisse homini nequissimo atque improbissimo: is nobis ultro & pollicitus est, & dedit H. S. xx ex sua pecunia: & quod multo carius est, seipsum obtulit & conjunxit. Huic persuadere cœpimus, ut im-  
pera.



perator in castris remaneret, remque publicam defenderet. statuit eundem sibi, quoniam exercitum dimississet. statim vero rediturum ad nos confirmavit, legatione suscepta, nisi prætorum comitia habituri essent consules. Nam illi ita sentienti de republica magnopere auctor fui, ne differret tempus petitionis suæ, cujus factum omnibus gratum esse debet, qui modo judicant, hunc exercitum esse reipublicæ. tibi tanto gratius, quanto & majore animo gloriaque libertatem nostram defendis, & dignitatem; si contigerit nostris consiliis exitus, quem optamus, perfundurus es. Ego etiam, mi Cicero, proprie familiariterque te rogo, ut Veterem ames, velisque esse quam amplissimum: qui etsi nulla re deterreretur a proposito potest, tamen excitari tuis laudibus, indulgentiaque poterit, quo magis amplexetur ac tueatur iudicium suum. & mihi gratissimum erit.

## A R G U M E N T U M.

12

*Excusat se Bruto, quod matris ejus & sororis precibus, de liberis M. Lepidi, quem hostem Senatus judicarat, excipiendis satisfacere non posset. De Antistio liberallyer promittit, & ipsum ut in Italiam veniat, hortatur.*

## CICERO BRUTO S.

**E**t si daturus eram Messalæ Corvino continuo litteras, tamen Veterem nostrum ad te sine litteris meis venire nolui. Maximo in discrimine respublica, Brute, versatur, victoresque rursus decertare cogimur. id accidit M. Lepidi scelere & amentia. Quo tempore cum multa propter eam curam, quam pro republica suscepi, graviter ferrem, tum nihil tui gravius, quam me non posse matris tuæ precibus cedere, non sororis. nam tibi, quod mihi plurimi est, facile me satisfactorum arbitrabar. Nullo enim modo poterat causa Lepidi distingui ab Antonio: omniumque iudicio etiam durior erat, quod, cum honoribus amplissimis a senatu esset Lepidus ornatus, tua etiam paucis ante diebus præclaras litteras ad senatum misisset;



repente non solum recepit reliquias hostium, sed bellum acerrimum terra marique gerit: cujus exitus qui futurus sit, incertum est. Itaque cum rogamur, ut misericordiam liberis ejus impertiamus, nihil affertur, quo minus summa supplicia, si (quod Jupiter omen avertat!) pater puerorum vicerit, subeunda nobis sint. Nec vero me fugit, quam sit acerbum, parentium scelera filiorum pœnis lui. Sed hoc præclare legibus comparatum est, ut caritas liberorum amiciores parentes reipublicæ redderet. Itaque Lepidus crudelis in liberos, non is, qui Lepidum hostem judicet. Aque ille si, armis positis, de vi damnatus esset, quo in judicio certe defensionem non haberet: eandem calamitatem subirent liberi, bonis publicatis. quamquam, quod tua mater & soror deprecatur pro pueris, idipsum & multa alia crudeliora nobis omnibus Lepidus, Antonius, & reliqui hostes denuntiant. Itaque maximam spem hoc tempore habemus in te, atque exercitu tuo. Cum ad reipublicæ summam, tum ad gloriam & dignitatem tuam vehementer pertinet, te in Italiam, ut ante scripsi, venire quamprimum. Eget enim vehementer cum viribus tuis, tum etiam consilio respublica. Veterem, pro ejus erga te benivolentia singularique officio, libenter ex tuis litteris complexus sum: eumque cum tui, tum reipublicæ studiosissimum amantissimumque cognovi. Ciceronem meum propediem, ut spero; videbo. tecum enim illum, & te in Italiam celeriter esse venturum confido.

## 13

## ARGUMENTUM.

*Liberos Lepidi commendat, sibique ut hoc detur rogat, ac ex lege cum iis agatur.*

## BRUTUS CICERO S.

**D**e M. Lepido vereri me cogit reliquorum timor: qui si eripuerit se nobis, (quod velim temere atque injuriose de illo suspicati sint homines,) oro atque obsecro te, Cicero, necessitudinem nostram,  
tuam-



tuamque in me benivolentiam obtestans, sororis meæ liberos obliviscaris esse Lepidi filios, meque his in patris locum successisse existimes. hoc si a te impetro, nihil profecto dubitabis pro his suscipere. Aliter alii cum suis vivunt: nihil ego possum in sororis meæ liberis facere, quo possit expleri voluntas mea aut officium. Quid vero aut mihi tribuere boni possunt, si modo digni sumus, quibus aliquid tribuatur: aut ego matri, ac sorori, puerisque illis præstaturus sum, si nihil valuerit apud te, reliquum senatum, contra patrem Lepidum, Brutus avunculus? Scribere multa ad te neque possum præ sollicitudine ac stomacho, neque debeo. Nam si in tanta re, tamque necessaria, verbis mihi opus est ad te excitandum & confirmandum: nulla spes est, facturum te quod volo, & quod oportet. Quare noli expectare longas preces. intuere meipsum, qui hoc vel a Cicerone, conjunctissimo homine, privativam, vel a consulari, tali viro, remota necessitudine privata, impetrare debeo. Quid sis factururus, velim mihi quamprimum rescribas. Kalend. Quint. ex castris.

## A R G U M E N T U M.

14

*Paucitatem & Brevitatem epistolarum Bruti accusat: rogat, ut Ciceronem secum retineat; & in Italiam quamprimum ut veniat, hortatur.*

## CICERO BRUTO S.

**B**reves tuæ litteræ: breves dico? immo nullæ. tribusne versiculis his temporibus Brutus ad me? nihil scripsissem potius, & requiris meas. Quis umquam ad te tuorum sine meis venit; quæ autem epistola non pondus habuit? Quæ si ad te perlatæ non sunt, ne domesticas quidem tuas perlatas arbitror. Ciceroni scribis te longiorem daturum epistolam. recte id quidem: sed hæc quoque debuit esse plenior. Ego autem, cum ad me de Ciceronis abs te discessu scri-



scripsisses, statim extrusi tabellarios, litterasque ad Ciceronem; ut etiamsi in Italiam venisset, ad te rediret. nihil enim mihi iucundius, nihil illi honestius, quamquam aliquoties ei scripseram, sacerdotum comitia, mea summa contentione in alterum annum esse rejecta: quod ego cum Ciceronis causa elaboravi, tum Domitii, Catonis, Lentuli, Bibulorum: quod ad te etiam scripseram. Sed videlicet cum illam pusillam epistolam tuam ad me dabas, nondum erat tibi id notum. Quare omni studio a te, mi Brute, contendo, ut Ciceronem meum ne dimittas, tecumque deducas: quod ipsum, si rempublicam, cui susceptus es, respicis, tibi jam jamque faciendum est. renatum enim bellum est: idque non parvo scelere Lepidi. Exercitus autem Caesaris, qui erat optimus, non modo nihil prodest, sed etiam cogit exercitum tuum flagitari: qui si Italiam attigerit, erit civis nemo (quem quidem civem appellari fas sit) qui se non in tua castra conferat. etsi Brutum præclare non Planco conjunctum habemus. sed non ignoras, quam sint incerti animi hominum, & infestis partibus; & exitus præliorum. Quin etiam, si, ut spero, vicerimus, tamen magnam gubernationem tui consilii, tuæque auctoritatis res desiderabit. Subveni igitur, per deos, idque quamprimum, tibi que persuade, non te Idibus Martiis, quibus servitutem a tuis civibus depulisti, plus profuisse patriæ, quam, si mature veneris, profuturum. II. Idus Quint.

## 15

## ARGUMENTUM.

*Messalam mirifice laudat, & reprehensionem nimiam intribuendis honoribus faciliatis, in penis autem decernendis severitatis accurate diluit. Urget præterea reditum in Italiam, & de Lepidi liberis studium suum pollicetur.*



## CICERO BRUTO S.

Messalam habes. Quibus igitur litteris tam accurate scriptis assequi possum, subtilius ut explicem, quæ gerantur, quæque sint in republica, quam tibi is exponet, qui & optime omnia novit, & elegantissime expedire & deferre ad te potest? Cave enim exillimes, Brute, (quamquam non est necesse, ea me ad te, quæ tibi nota sunt, scribere: sed tamen tantam omnium laudum excellentiam non quo silentio præterire,) cave putes, probitate, constantia, cura, studio reipublicæ quidquam illi esse simile: ut eloquentia, qua mirabiliter excellit, vix in eo locum ad laudandum habere videatur. quamquam in hac ipsa, sapientia plus apparet. ita gravi iudicio, multaque arte se exercuit in verissimo genere dicendi. Tanta autem industria est, tantumque evigilat in studio, ut non maxima ingenio (quod in eo summum est) gratia habenda videatur. Sed provehor amore. non enim id propositum est huic epistolæ, Messalam ut laudem, præsertim ad Brutum, cui & virtus illius non minus, quam mihi, nota est, & hæc ipsa studia, quæ laudo, notiora: quem cum a me dimittens, graviter ferrem; hoc levabar uno, quod ad te, tamquam ad alterum ræ, proficiscens, & officio fungebatur, & laudem maximam sequebatur. Sed hæc hætenus. Venio nunc longo sane intervallo ad quandam epistolam, qua mihi multa tribuens, unum reprehendebas, quod in honoribus decernendis essem nimius, & tamquam prodigus. Tu hoc: alius fortasse, quod in animadversione pœnaque durior; nisi fortasse utrumque tu. Quod si ita est, utriusque rei meum iudicium tibi cupio esse notissimum: neque solum, ut Solonis dictum usurpem, qui & sapientissimus fuit ex septem, & legum scriptor solus ex septem. Is rempublicam duabus rebus contineri dixit, præmio & pœna. est scilicet utriusque rei modus, sicut reliquarum, & quædam in utroque



que genere mediocritas: sed non tanta de re propositum est hoc loco disputare. Quid ego autem fecutus hoc bello sim in sententiis dicendis, aperire non alienum puto. Post interitum Cæsaris, & vestras memorabiles Idus Martias, Brute, quid ego prætermissum a vobis, quantamque impendere reipublicæ tempestatem dixerim, non es oblitus. Magna pestis erat depulsa per vos, magna populi Romani macula deleta: vobis vero parta divina gloria: sed instrumentum regni delatum ad Lepidum & Antonium: quorum alter inconstantior, alter impurior, uterque pacem metuens, inimicus otio. His ardentibus perturbandæ reipublicæ cupiditate, quod opponi posset præsidium, non habebamus. Erexerat enim se civitas, in retinenda libertate consentiens. Nos tum nimis acres: vos fortasse sapientius excessisti urbe ea, quam liberaretis: Italiæ suæ vobis studia profidenti remisistis. Itaque cum teneri urbem a parricidis viderem, nec te in ea, nec Cassium tuto esse posse, eamque armis oppressam ab Antonio: mihi quoque ipsi esse excedendum putavi. Tatrum enim spectaculum, oppressa ab impiis civitas, opitulandi potestate præcisa. Sed animus idem, qui semper infusus est in patriæ caritate, discessum ab ejus periculis ferre non potuit. itaque in medio Achaico cursu, cum Etesiarum diebus Auster me in Italiam, quasi dissuasor mei consilii, retulisset, te vidi Velia, doluique vehementer. Cedebas enim, Brute, cedebas; quoniam Stoici nostri negant, fugere sapientis. Romam ut veni, statim me obtuli Antonii sceleris atque dementiæ: quem cum in me incitavissem, consilia iniri: cœpi Brutina plane (vestri enim hæc sunt propria sanguinis) reipublicæ liberandæ. Longa sunt, quæ restant, prætereunda: sunt enim de me: tantum dico, Cæsarem hunc adolescentem, per quem adhuc sumus, si verum fateri volumus, fluxisse ex fonte consiliorum meorum. Huic habiti a me honores nulli quidem, Brute, nisi debiti:



biti: nulli, nisi necessarij. Ut enim primum libertatem revocare cepimus, cum se nondum ne Decimi quidem Bruti divina virtus ita commovisset, ut jam id scire possemus: atque omne praesidium esset in puero, qui a cervicibus nostris avertisset Antonium: quis honos ei non fuit decernendus? quamquam ego illi tum verborum laudem tribui, eamque modicam. Decrevi etiam imperium: quod quamquam videbatur illi ætati honorificum, tamen erat exercitum habenti necessarium. quid enim est sine imperio exercitus? Statuam Philippus decrevit, celeritatem petitionis primo Servius, post majorem etiam Servilius. nihil tum nimium videbatur. Sed nescio quomodo facilius in timore benigni, quam in victoria grati reperiuntur. Ego enim, D. Bruto liberato, cum lætissimus ille civitati dies illuxisset, idemque casu Bruti natalis esset, decrevi, ut in fastis ad eum diem Bruti nomen adscriberetur. in eoque sum majorum exemplum secutus, qui hunc honorem mulieri Larentiæ tribuerunt, cui vos pontifices ad aram in Velabro facere soletis. quod ego cum dabam Bruto, notam esse in fastis gratissimæ victoriæ sempiternam volebam. atque illo die cognovi, paullo plures in senatu malivolos esse, quam gratos. Eos per ipsos dies, effudi (si ita vis) honores in mortuos, Hirtium & Pansam, Aquilam etiam. quod quis reprehendit, nisi qui, deposito metu, præteriti periculi fuerit oblitus? Accedebat ad beneficii memoriam gratam ratio illa, quæ etiam posteris esset salutaris. Exstare enim volebam in crudelissimos hostes monumenta odii publici sempiterna. Suspicio illud minus tibi probari, quod ab tuis familiaribus, optimis illis quidem viris, sed in republica rudibus, non probabatur, quod, ut ovanti introire Casari liceret, decreverim. Ego autem (sed erro fortasse: nec tamen is sum, ut mea me maxime delectent) nihil mihi videor hoc bello sensisse prudentius. Cur autem ita sit, aperiendum non est,

ne



ne magis videar providus fuisse, quam gratus. hoc ipsum, nimium. quare alia videamus. D. Bruto decrevi honores, decrevi L. Planco. Præclara illa quidem ingenia, quæ gloria invitantur: sed senatus etiam sapiens, qui, qua quemque re putat modo honesta, ad rempublicam juvandam posse adduci, hac utitur. At in Lepido reprehendimur; cui cum statuam in rostris statuissimus, iidem illam evertimus. Nos illum honore studuimus a furore revocare. vicit amentia levissimi hominis nostram prudentiam. nec tamen tantum in statuenda Lepidi statua factum est mali, quantum in evertenda boni. Satis multa de honoribus. nunc de pœna pauca sunt dicenda. Intellexi enim ex tuis sæpe litteris, te in iis, quos bello devicisti, clementiam tuam velle laudari. Existimo equidem nihil a te, nisi sapienter. Sed sceleris pœnam prætermittere (id enim est, quod vocatur ignoscere) etiam si in ceteris rebus tolerabile est, in hoc bello perniciosum puto. Nullum enim bellum civile fuit in nostra republica omnium, quæ memoria mea fuerunt, in quo bello non, utrumque pars vicisse, tamen aliqua forma esset futura reipublicæ. hoc bello viatores quam rempublicam sumus habituri, non facile affirmarim; vicisti certe nulla unquam erit. Dixi igitur sententias in Antonium, dixi in Lepidum severas: neque tam ulciscendi causa, quam ut & in præsens sceleratos cives timore ab impugnanda patria deterrerem: & in posterum, documentum statuerem, ne quis talem amentiam vellet imitari. quamquam hæc quidem sententia non magis mea fuit, quam omnium. In qua videtur illud esse crudele, quod ad liberos, qui nihil meruerunt, pœna pervenit. Sed id & antiquum est, & omnium civitatum: siquidem etiam Themistocli liberi eguerunt. &, si iudicio damnatos eadem pœna sequitur cives, qui potuimus leniores esse in hostes? Quid autem queri potest quisquam de me, qui, si vicisset, acerbiorum se in me futurum fuisse confiteatur  
neces-



necesse est? Habes rationem mearum sententiarum, de hoc genere duntaxat honoris & pœnæ. Nam de ceteris rebus quid senserim, quidque censuerim, audisse te arbitror. Sed hæc quidem non ita necessaria. illud valde necessarium, Brute, te in Italiam cum exercitu venire quam primum. summa est expectatio tui: qui si Italiam attigeris, ad te concursus fiet omnium. Sive enim vicerimus, (qui quidem pulcherrime viceramus, nisi Lepidus perdere omnia, & perire ipse cum suis concupivisset,) tua nobis auctoritate opus est ad collocandum aliquem civitatis statum: sive etiam nunc certamen reliquum est, maxima spes est cum in auctoritate tua, tum in exercitus tui viribus. Sed propera, per deos. scis enim, quantum sit in temporibus, quantum in celeritate. Sororis tuæ filiis quam diligenter consulam, spero te ex matris, & ex sororis litteris cogniturum. qua in causa majorem habeo rationem tuæ voluntatis, quæ mihi carissima est, quam, ut quibusdam videor, constantiæ meæ. sed ego nulla in re malo, quam te amando constans & esse & videri.

## A R G U M E N T U M.

16

*Graviter reprehendit Ciceronis ad Octavium epistolam, qua eum rogarat, ut liberatores patriæ salvos vellet.*

## BRUTUS CICERONI S.

**P**articulam litterarum tuarum, quas misisti Octavio, legi, missam ab Attico mihi. Studium tuum, curaquæ de salute mea, nulla me nova voluptate affecit. Non solum enim usitatum, sed etiam quotidianum est, aliquid audire de te, quod pro nostra dignitate fideliter atque honorifice dixeris, aut feceris. At dolore, quantum animo maximum capere possum, eadem illa pars epistolæ, scriptæ ad Octavium de nobis, affecit. Sic enim illi gratias agis de republica, tam suppliciter, ac demisse, (quid scribam? pudet conditionis ac fortunæ: sed tamen scri-

Cic. Epist. Tom. II.

Mm

ben-



bendum est;) commendas nostram salutem illi: quæ morte qua non perniciosior? ut prorsus præ te feras, non sublatam dominationem sed dominum commutatum esse. Verba tua recognosce, & aude negare, servientis adversus regem istas esse preces. Unum ais esse, quod ab eo postuletur & expectetur: ut eos cives, de quibus viri boni, populusque Romanus bene existimet, salvos relit. Quid? si nolit, non erimus? Atqui, non esse, quam esse per illum, præstat. Ego, medius fidius, non existimo, tam omnes deos adversos esse a salute populi Romani, ut Octavius orandus sit pro salute cujusquam civis, non dicam pro liberatoribus orbis terrarum. Juvat enim magnifice loqui: & certe decet, adversus ignorantes, quid pro quoque timendum, aut a quoque petendum sit. Hoc tu, Cicero, posse faceris Octavium, & illi amicus es? aut, si me carum habes, vis Romæ videri; cum, ut ibi esse possem, commendandus puero illi fuerim? Cui quid agis gratias, si, ut nos salvos esse velit & patiat, rogandum putas? An hoc pro beneficio est habendum, quod se, quam Antonium, esse maluerit, a quo ista petenda essent? Vindicti quidem alienæ dominationis, non vicario, equis supplicat, ut optime meritis de republica liceat esse salvus? Ista vero imbecillitas & desperatio, cujus culpa non magis in te residet, quam in omnibus aliis, & Cæsarem in cupiditatem regni impulit: & Antonio post interitum illius persuasit, ut interfecti locum occupare conaretur: & nunc puerum istum extulit, ut tu judicares, precibus esse impetrandam salutem talibus viris, misericordiaque unius, vix etiam nunc viri, tutos fore nos, haud ulla alia re. Quodsi Romanos nos esse meminissemus: non audacius dominari cuperent postremit homines, quam id nos prohiberemus: neque magis irritatus esset Antonius regno Cæsaris, quam ob ejusdem mortem deterritus. Tu quidem consularis, & tantorum scelerum vindex (quibus oppressis, vereor, ne in breve tem-



tempus dilata sit abs te pernicies,) qui potes intueri quæ gesseris, simul & ista vel probare, vel ita demisse ac facile pati, ut probantis speciem habeas? Quod autem tibi cum Antonio privatum odium? nempe quia postulabat hæc, salutem ab se peti: precariam nos incolumitatem habere, a quibus ipse libertatem accepisset: esse arbitrium suum de republica. Quærenda esse arma putasti, quibus dominari prohiberetur: scilicet, ut illo prohibito, rogaremus alterum, qui se in ejus locum reponi pateretur, an ut esset sui juris ac mancipii respublica? nisi forte non de servitute, sed de conditione serviendi recusatum est a nobis. Atqui non solum bono domino potuimus Antonio tolerare nostram fortunam, sed etiam beneficiis atque honoribus, ut participes, frui, quantis vellemus. quid enim neget iis, quorum patientiam videret maximum suæ dominationis præsidium esse? Sed nihil tanti fuit, quo venderemus fidem nostram, & libertatem. Hic ipse puer, quem Cæsaris nomen incitare videtur in Cæsaris interfectores, quanti æstimet (si sit commercio locus) posse nobis auctoribus, tantum, quantum profecto poterit, quoniam vivere, & pecunias habere, & dici consulares volumus? ceterum nequidquam perierit ille: cujus interitu quid gavisi sumus, si mortuo nihilo minus sentiretur etamus? Nulla cura ab aliis adhibeatur: sed mihi prius omnia dii, quo non modo heredi ejus, quem occidi, non concesserim, quod in illo non tuli, sed ne patri quidem meo, si reviviscat, ut, patiente me, plus legibus ac senatu possit. An hoc tibi persuasum est, fore ceteros ab eo liberos, quo invito nobis in ista civitate locus non sit? Qui porro id, quod petis, fieri potest, ut impetres? Rogas enim, velit nos salvos esse. Videmur ergo tibi salutem accepturi, cum vitam acceperimus? quam, si prius dimittimus dignitatem & libertatem, qui possumus accipere? An tu Romæ habitare, id putas incolumem esse? Res, non locus oportet



præstet illuc mihi. neque incolumis fui Cæsare vivo; nisi postquam illud conscivi facinus: neque usquam exsul esse possum, dum servire, & pati contumelias, pejus odero malis omnibus aliis. Nonne hoc est in easdem tenebras recidisse, quum ab eo, qui tyranni nomen ascivit sibi, (cum in Græcis civitatibus libri tyrannorum, oppressis illis, eodem supplicio afficiantur,) petitur, ut vindices atque oppressores dominationis salvi sint? Hanc ego civitatem videre velim, aut putem ullam, quæ ne traditam quidem atque inculcatam libertatem recipere possit? plusque timeat in puero nomen sublatis regis, quam confidat sibi, eum illum ipsum, qui maximas opes habuerit, paucorum virtute sublatum videat? Me vero posthac ne commendaveris Cæsari tuo: ne te quidem ipsum, si me audies. Valde care æstimas tot annos, quot ista ætas recipit, si propter eam causam puero isti supplicaturus es. Deinde quod pulcherrime fecisti, ac facis in Antonio, vide ne convertatur a laude maximi animi ad opinionem formidinis. Nam si Octavius tibi placet, a quo de nostra salute petendum sit: non dominum fugisse, sed amiciores dominum quæsisse videberis. Quem quod laudas ob ea, quæ adhuc fecit, plane probo. sunt enim laudanda, si modo contra alienam potentiam, non pro sua suscepit eas actiones. Cum vero iudicas, tantum illi non modo licere, sed etiam a te ipso tribuendum esse, ut rogandus sit, ne nolit esse nos salvos; nimium magnam mercedem statuis. Id enim ipsum illi largiris, quod per illum habere videbatur respublica. Neque hoc tibi in mentem venit, si Octavius ullis dignus sit honoribus, quia cum Antonio bellum gerat: iis, qui illud malum exciderint, cujus istæ reliquæ sunt, nihil, quo expleri possit eorum meritum, tributurum umquam populum Romanum, si omnia simul congesserit. At vide, quanto diligentius homines metuant, quam meminerint, quia Antonius vivat, atque in armis sit.



fit. De Cæsare vero, quod fieri potuit ac debuit, transactum est: neque jam revocari in integrum potest. Octavius is est, qui quid de nobis iudicaturus sit, expectet, populus Romanus? nos hi sumus, de quorum salute unus homo rogandus videatur? Ego vero ut istuc revertar, is sum, qui non modo non supplicem, sed etiam coerceam postulantes, ut sibi supplicetur. Aut longe a servientibus abero, mihi que esse iudicabo Romam, ubicumque liberum esse licebit: ac vestri miserebor, quibus nec ætas, neque virtus aliena dulcedinem vivendi minuire potuerit. Mihi quidem ita beatus esse videbor, si modo constanter ac perpetuo placebit hoc consilium, ut relatam putem gratiam pietati meæ. Quid enim est melius, quam memoria recte factorum, & libertate contentum negligere humana? Sed certe non succumbam succumbentibus, nec vincar ab iis, qui se vinci volunt: experiarque, & tentabo omnia: neque desistam abstrahere a servitio civitatem nostram. Si secuta fuerit, quæ debet, fortuna; gaudebimus omnes: sin minus, ego tamen gaudebo. quibus enim potius hæc vita factis aut cogitationibus traducatur, quam iis, quæ pertinuerint ad liberandos cives meos? Te, Cicero, rogo atque hortor, ne defatigare, neu diffidas: semper in præsentibus malis prohibendis, futura quoque, nisi ante sit occursum, explores, ne se insinuent: fortem & liberum animum, quo & consul, & nunc consularis rempublicam vindicasti, sine constantia & æqualitate nullam esse putaris. Fateor enim, duriorum esse conditionem spectatæ virtutis, quam incognitæ. Benefacta pro debitis exigimus: quæ aliter eveniunt, ut decepti ab his, infesto animo reprehendimus. Itaque resistere Antonio Ciceronem, etsi magna laude dignum est; tamen, quia ille consul, hunc consulare merito præstare videtur, nemo admiratur. Idem Cicero si flexerit adversus alios iudicium suum, quod tanta firmitate ac magnitudine direxit in exturbando Antonio: non modo



reliqui temporis gloriam eripuerit sibi, sed etiam præterita evanescere coget. Nihil enim per se amplum est, nisi in quo iudicii ratio exstat. Quia neminem magis decet, quam te, rempublicam amare, libertatisque defensorem esse, vel ingenio, vel studio, atque efflagitatione omnium. Quare non Octavius est rogandus, ut velit nos salvos esse: magis tu te exsuscita, ut eam civitatem, in qua maxima gessisti, liberam atque honestam fore putes, si modo sint populo duces ad resistendum improborum consiliis.

## 17

## A R G U M E N T U M.

*De Ciceronis nimio in Octavio ornando studio vehementer conqueritur, eundemque graviter reprehendit, qui, cum Antonii dominationem oppresserit, novam in Octavio stabiliat & confirmet.*

## BRUTUS ATTICO S.

Scribis mihi, mirari Ciceronem, quod nihil significem umquam de suis actis. Quoniam efflagitas, coactus tuo scribam, quæ sentio. Omnia fecisse Ciceronem optimo animo, scio. quid enim mihi exploratius esse potest, quam illius animus in rempublicam? Sed quædam mihi videtur, quid dicam? imperite, vir omnium prudentissimus; an ambitiose fecisse; qui valentissimum Antonium suscipere pro republica non dubitarit inimicum? Nescio, quid scribam tibi, nisi unum; pueri & cupiditatem & licentiam potius esse irritatam, quam repressam a Cicerone: tantumque eum tribuere huic indulgentiæ, ut se maledictis non absteineat: iis quidem, quæ in ipsum dupliciter recidunt, quod & plures occidit uno, seque prius oportet fateatur scissarium, quam obiciat Cascæ, quod obicit: & imitatur in Casca Bestiam. An quia non omnibus horis jactamus Idus Martias, similiter atque ille Nonas Decemb. suas in ore habet, eo meliore conditione



tionem Cicero pulcherrimum factum vituperabit, quam Bestia & Clodius reprehendere illius consulatum soliti sunt? Sustinuisse mihi gloriatur bellum Antonii togatus Cicero noster. quid hoc mihi prodest, si merces Antonii oppressi poscitur, in Antonii locum successio: & si vindex illius mali, auctor existit alterius, fundamentum ad radices habituri altiores, si patiamur? ut jam ista quæ facit, non dominationem, sed dominum Antonium timentis sint. Ego autem gratiam non habeo, si quis, dum, ne irato serviat, rem ipsam non deprecatur: immo triumphus & stipendium decernitur, & omnibus decretis ornatur. Pudeat concupiscere fortunam, cuius nomen susceperit consularis, ut Ciceronis est. Quoniam mihi tacere non licuit, leges quæ tibi necesse est molesta esse. Etenim ipse sentio, quanto cum dolore hæc ad te perscripserim: nec ignoro, quid sentias in republica, & quam desperatam quoque sanari putes posse. Nec mehercule te, Attice, reprehendo. Ætas enim, mores, liberi, senem efficiunt: quod quidem etiam ex Flavio nostro perspexi. Sed redeo ad Ciceronem. Quid inter Salvidenum & eum interest? Quid autem amplius ille decerneret? Timet, inquires, etiam nunc reliquias belli civilis. Quisquam ergo ita timet profligatum, ut neque potentiam ejus, qui exercitum victorem habeat, neque temeritatem pueri putet extimescendam esse? An hoc ipsum ea re facit, quod illi propter amplitudinem omnia jam, ultroque deferenda putat? O magnam stultitiam timoris, id ipsum, quod verearis, ita cavere, ut, cum vitare fortasse potueris, ultro arceas & attrahas! Nimium timemus mortem, & exilium, & paupertatem. hæc videntur Ciceroni ultima esse in malis: & dum habeat in quibus impetret quæ velit, & a quibus colatur, ac laudetur; servitutem, honorificam modo, non aspernatur: si quidquam in extrema ac miserrima contumelia potest honorificum esse. Licet ergo patrem appellet Octavius Cice-



ronem, referat omnia, laudet, gratias agat: tamen illud apparebit, verba rebus esse contraria. Quid enim tam alienum ab humanis sensibus est, quam eum patris habere loco, qui ne liberi quidem hominis numero sit? Atqui eo tendit, id agit; ad eum exitum properat vir optimus, ut sit illi Octavius propitius. Ego vero jam iis artibus nihil tribuo, quibus scio Ciceronem instructissimum esse. Quid enim illi profunt, quæ pro libertate patriæ, de dignitate, quæ de morte, exilio, paupertate scripsit copiosissime? Quanto autem magis illa calere videtur Philippus, qui privigno minus tribuerit, quam Cicero alieno tribuat? Desinat igitur gloriando etiam insectari dolores nostros. Quid enim nostra, vidum esse Antonium, si victus est, ut alii vacaret, quod ille obtinuit? tametsi tuæ litteræ dubia etiam nunc significant. Vivat hercule Cicero, qui potest, supplex & obnoxius, si neque ætatis, neque honorum, neque rerum gestarum pudet. Ego certe, quin cum ipsa re bellum geram, hoc est, cum regno, & imperiis extraordinariis, & dominatione, & potentia, quæ supra leges se esse velit: nulla erit tam bona conditio serviendi, qua deterrear, quamvis sit vir bonus, ut scribis, Antonius: quod ego numquam exillimavi. Sed dominum, ne parentem quidem, maiores nostri voluerunt esse. Te nisi tantum amarem, quantum Ciceroni persuasum est diligi se ab Octavio: hæc ad te non scripsissem. Dolet mihi, quod tu nunc stomacharis, amantissimus tum tuorum omnium, tum Ciceronis. sed persuade tibi, de voluntate propria mea nihil esse remissum, de iudicio largiter. Neque enim impetrari potest, quin, quale quidque videatur ei, talem quisque de illo opinionem habeat. Vellem mihi scripsisses, quæ conditiones essent Atticæ nostræ. Potuisses aliquid tibi de meo sensu perscribere. Valitudinem Portiæ meæ tibi curæ esse non miror. Denique quod petis, faciam libenter. nam etiam sorores me rogant. & hominem noro, & quid sibi voluerit.

AR.



*De exercitus in Italiam adducendi necessitate: de sollicitudine sua in reinendo Octavio, pro quo sponderat pop. Rom. de rei pecuniariae difficultate & de Lepidi filiis.*

## CICERO BRUTO S.

Cum saepe te litteris hortatus essem, ut quam primum reipublicæ subvenires, in Italiamque exercitum adduceres, neque id arbitrarer dubitare tuos necessarios: rogatus sum a prudentissima & diligentissima fœmina, matre tua, cujus omnes curæ ad te referuntur, & in te consumuntur, ut venirem ad se a. d. iij. Kal. Sext. quod ego, ut debui, sine mora feci. Cum autem venissem, Cassia aderat, & Labeo, & Scaptius. At illa retulit, quævisitque, quidnam mihi videretur: arcefferemusne te, atque id tibi conducere putaremus, an tardare & commorari te melius esset. Respondi id, quod sentiebam & dignitati & existimationi tuæ maxime conducere, te primo quoque tempore ferre præsidium labenti & inclinatæ reipublicæ. Quid enim abesse censes mali in eo bello, in quo victores exercitus fugientem hostem persequi noluerunt? & in quo incolumis imperator, honoribus amplissimis, fortunisque maximis, conjuge, liberis, vobis affinis ornatus, bellum reipublicæ indixerit? Quid dicam, in tanto senatus populique consensu, cum tantum resideat intra muros mali? maximo autem, cum hæc scribebam, afficiebar dolore: quod cum me pro adolescentulo ac pæne puero respublica accepisset vadem, vix videbar, quod promiseram, præstare posse. Est autem gravior & difficilior animi & sententiæ, maximis præsertim in rebus, pro altero, quam pecuniæ obligatio. Hæc enim solvi potest, & est rei familiaris iactura tolerabilis: reipublicæ quod sponderis, quemadmodum solvas, nisi is dependi facile patitur, pro quo spo-



ponderis? quamquam & hunc (ut spero) tenebo multis repugnantibus. videtur enim in eo esse indoles, sed flexibilis ætas, multique ad depravandum parati, qui, splendore falsi honoris oblecto, aciem boni ingenii præstringi posse confident. Itaque ad reliquos hic quoque labor mihi accessit, ut omnes adhibeam machinas ad tenendum adolescentem, ne famam subeam temeritatis. quamquam quæ temeritas est? magis enim illum, pro quo sponendi, quam me obligavi. Nec vero pænitere potest rempublicam, me pro eo spondidisse, qui fuit in rebus gerendis cum suo ingenio, tum mea promissione constantior. Maximus autem (nisi me forte fallit) in republica nodus est inopia rei pecuniariæ. obdurescunt enim magis quotidie boni viri ad vocem tributi: quod ex centesima collatum impudenti censu locupletum in duarum legionum præmiis omne consumitur. Impendent autem infiniti sumtus cum in hos exercitus, quibus nunc defendimur, tum vero in tuum. Nam Cassius noster videtur satis ornatus venire. Sed & hæc, & multa alia coram cupio, idquam primum. De sororis tuæ filiis non expectavi, Brute, dum scriberes. Omnino jam tempora (bellum enim ducetur) integram tibi causam reservant. Sed ego a principio, cum divinare de belli diuturnitate non possem, ita causam egi puerorum in senatu, ut te arbitror e matris litteris potuisse cognoscere. Nec vero ulla res erit umquam, in qua ea dicam, ea-que faciam, quæ te velle, quæque ad te pertinere arbitrer. Vale. vi. Kalend. Sext.

---





M. TULLII CICERONIS  
EPISTOLÆ

A D

BRUTUM.

A GERMANIS REPERTÆ ET EDITÆ.



ARGUMENTUM.

I

*In summo discrimine rem esse scribit, neque se tamen  
desperare: celeritatem in Consulibus desiderat & pri-  
dentiam: maximam spem esse in Bruto & Cassio.*

CICERO BRUTO S.

**Q**uum hæc scribebam, res existimabatur in ex-  
tremum adducta discrimen: tristes enim de  
Bruto nostro litteræ nuntique adferebantur.  
Me quidem non maxime conturbabant. his enim  
exercitibus ducibusque, quos habemus, nullo modo  
poteram diffidere. neque assentiebar majori parti homi-  
num. fidem enim consulum non condemnabam,  
quæ suspecta vehementer erat. desiderabam nonnul-  
lis in rebus prudentiam & celeritatem; quæ si es-  
sent usi, jampridem republ. recuperassemus. Non  
enim ignoras, quanta momenta sint in republica  
temporum: & quid intersit, idem illud utrum ante,  
an post decernatur, suscipiatur, agatur. Omnia,  
quæ severe decreta sunt hoc tumultu, si aut, quo  
die



die dixi sententiam, perfecta essent, & non in diem ex die dilata, aut quo ex tempore suscepta sunt, ut agerentur, non tardata & procrastinata, bellum jam nullum haberemus. Omnia, Brute, præstita reipublicæ, quæ præstare debuit is, qui esset in eo, in quo ego sum, gradu senatus populi que judicio collocatus: nec illa modo, quæ nimirum sola ab homine sunt postulanda, fidem, vigilantiam, patriæ caritatem: ea sunt enim, quæ nemo est, qui non præstare debeat: ego autem ei, qui sententiam dicat in principibus de republica, puto etiam prudentiam esse præstandam: nec me, quum mihi tantum sumserim, ut gubernacula reipublicæ prenderem, minus putarim reprehendendum, si inutiliter aliquid senatui suaserim, quam si infideliter. Acta quæ sint, quæque agantur, scio perscribi ad te diligenter. Ex me autem illud est, quod te velim habere cognitum, meum quidem animum in aciem esse; neque respectum ullum quærere, nisi me utilitas civitatis forte converterit. majores autem partes animi te Cassiumque respiciunt. Quamobrem ita te para, Brute, ut intelligas, aut, si hoc tempore bene res gesta sit, tibi meliorem rempublicam esse faciendam: aut si quid offensum sit, per te esse eandem recuperandam.

## 2

## ARGUMENTUM.

*De Planci egregio in rempubl. animo, & suis cum Sevilio in senatu de Plancio contentione, quibus eum tandem fregit.*

## CICERO BRUTO S.

**P**lanci animum in rempubl. animo egregium, legiones, auxilia, copias ex litteris ejus, quarum exemplum tibi missum arbitror: perspicere potuisti. Lepidi, tui necessarii, qui secundum fratrem affines habet quos oderit proximos, levitatem & inconstantiam animumque semper inimicum reipublicæ jam



jam credo tibi ex tuorum litteris esse perspectum. nos expectatio sollicitat, quæ est omnis jam in extremum adducta discrimen. Est enim spes omnis in Bruto expediendo, de quo vehementer timebamus. Ego hic cum homine furioso satis habeo negotii, Servilio, quem tuli diutius, quam dignitas mea patiebatur: sed tuli reipublicæ causa, ne darem perditis civibus hominem, parum sanum illum quidem, sed tamen nobilem, quo concurrerent: quod faciunt nihilo minus: sed eum alienandum a republica non putabam. Finem feci ejus ferendi: cæperat enim esse tanta insolentia, ut neminem liberum duceret. In Planci vero causa exarsit incredibili dolore, mecumque biduum ita contendit, & a me ita fractus est, ut eum in perpetuum modestiorem sperem fore. Atque in hac contentione ipsa, quum maxime res ageretur a. d. v. Id. April. litteræ mihi in senatu redditæ sunt & Lentulo nostro, de Cassio, de legionibus, de Syria: quas statim cum recitavissem, cecidit Servilius, complures præterea. sunt enim insignes aliquot, qui improbitissime sentiunt: sed acerbissime tulit Servilius, assensum esse mihi de Planco. Magnum illud monstrum in republica est \* \* *Deest hujus epistola pars extrema.*

## A R G U M E N T U M.

3

*De Dolabellæ crudelitate, Antisti liberalitate, & Ciceronis filii laudibus.*

## BRUTUS CICERONI S.

*Deest principium epistolæ.*

\* \* sed quo nos amisisse: quem sic vexari a Dolabella audio, ut jam non videatur crudelissimum ejus facinus interfectio Trebonii. Vetus Antistius me tamen pecunia sublevavit. Cicero, filius tuus, sic mihi se probat industria, patientia, labore,



bore, animi magnitudine, omni denique officio, ut prorsus numquam dimittere videatur cogitationem, cuius sit filius. Quare quoniam efficere non possum, pluris facias, eum qui tibi est carissimus; illud tribue iudicio meo, ut tibi persuadeas, non fore illi abutendum gloria tua, ut adipiscatur honores paternos. Kalend. April. Carachio.

4

## A R G U M E N T U M.

*Respondet Bruti litteris de Cassii & Dolabellæ rebus in Asia, & de Antonio sententiam consultus scribit.*

## CICERO BRUTO S.

**D**atis mane a. d. vi. Id. April. Scaptio litteris, eodem die tuas accepi Kal. April. Dyrrachio datas vesp̄ri. itaque mane prid. Id. Apr. cum a Scaptio certior factus essem, non esse eos profectos, quibus pridie dederam, & statim ire, hoc paullulum exaravi ipsa in turba matutinæ salutationis. De Cassio lator, & reipublicæ gratulor: mihi etiam, qui, repugnante & irascente Pansa, sententiam dixerim, ut Dolabellam bello Cassius persequeretur. Et quidem audacter dicebam, sine nostro senaticonsulto jam illud eum bellum gerere. De te etiam dixi tum, quæ dicenda putavi. Hæc ad te oratorio perferetur, quoniam te video delectari Philippicis nostris. Quod me de Antonio consulis; quoad Bruti exitum cognorimus, custodiendum puto. Ex his litteris, quas mihi misisti, Dolabella Asiam vexare videtur, & in ea se gerere teterrime. Compluribus autem scripsisti, Dolabellam a Rhodiis esse exclusum: qui si ad Rhodum accessit, videtur mihi Asiam reliquisse. Id si ita est, istic tibi censeo commorandum: sin eam semel cepit, mihi crede, \*\* non erit. Id. April.

ARGU,



## A R G U M E N T U M.

5

*De Trebonii morte & provincia scribit. De Antonio consulit. De rebus a Cassio gestis quid fieri velit, ostendit. Orationes Ciceronis laudat, & pecuniam supplementumque postulat.*

## BRUTUS CICERONI S.

**L**itteras tuas valde exspecto, quas scripsisti post nuntios nostrarum rerum, & de morte Trebonii: non enim dubito, quin mihi consilium tuum explices. Indigno scelere & civem optimum amisimus, & provinciae possessione depulsi sumus, quam recuperari facile est. neque minus turpe aut flagitiosum erit, si potest, non recuperari. Antonius adhuc est nobiscum: sed medius fidius & moveor hominis precibus, & timeo, ne illum aliquorum furor excipiat: plane astuo. Quod si scirem, quid tibi placeret, sine sollicitudine essem. id enim optimum esse, persuasum esset mihi. Quare quam primum fac me certiore, quid tibi placeat. Cassius noster Syriam, legiones Syriacas habet, ultro quidem a Murco & a Marcio, & ab exercitu ipso arcessitus. Ego scripsi ad Tertiam sortem, & matrem, ne prius ederent hoc, quod optime ac felicissime gessit Cassius, quam tuum consilium cognovissent, tibi que visum esset. Legi orationes duas tuas, quarum altera Kal. Jan. usus es: altera de litteris meis, quae habita est abs te contra Calenum. Nunc scilicet hoc exspectas, dum eas laudem. Nescio animi, an ingenii tui major in his libellis laus contineatur. Jam concedo, ut vel Philippici vocentur, quod tu quaedam epistola jocans scripsisti. Duabus rebus egemus, Cicero, pecunia & supplemento: quarum altera potest abs te expediri, ut aliqua pars militum istinc mittatur nobis, vel secreto consilio adversus Pansam, vel actione in senatu: altera, quae magis est necessaria, neque meo exercitui magis, quam.



quàm reliquorum. Hoc magis doleo Asiam \* \* at  
in Asiam cenſeo perſequendum. Nihil mihi vide-  
ris hoc tempore melius acturus.

## 6

## ARGUMENTUM.

*Reſponder epistoła ſuperiori.*

## CICERO BRUTO S.

**Q**uod egere te duabus neceſſariis rebus ſcribis,  
ſupplemento & pecunia, difficile conſilium eſt.  
non enim mihi occurrunt facultates, quibus uti te  
poſſe videam, præter illas, quas ſenatus decrevit,  
ut pecunias a civitatibus mutuas ſumeres. De ſup-  
plemento autem non video quid fieri poſſit. tan-  
tum enim abeſt, ut Panſa de exercitu ſuo, aut de-  
leſu tibi aliquid tribuat, ut etiam moleſte ferat,  
tam multos ad te ire voluntarios: quomodo qui-  
dem credo, quod his rebus, quæ in Italia de-  
cernuntur, nullas copias nimis magnas eſſe arbitre-  
tur: quomodo autem multi ſuſpiciantur, quod ne te  
quidem nimis firmum eſſe velit: quod ego non ſu-  
ſpicor. Quod ſcribis, te ad Tertiam ſororem  
ſcripſiſſe, ut ne prius ederent ea, quæ geſta  
a Caſſio eſſent, quam mihi viſum eſſet, vi-  
deo te veritum eſſe id, quod verendum fuit, ne  
animi partium Cæſaris, quomodo etiam nunc par-  
tes appellântur, vehementer commoverentur. Sed  
antequam tuas litteras accepimus, audita res erat,  
& pervulgata: tui etiam tabellarii ad multos fami-  
liares tuos litteras attulerant. Quare neque ſuppre-  
menda res erat, præſertim cum id fieri non poſ-  
ſet, neque ſi poſſet, non divulgandam potius, quam  
occultandam putaremus. De Cicerone meo, eſſi  
tantum eſt in eo, quantum ſcribis, tantum ſcilicet,  
quantum debeo, gaudeo: & ſi quod amas eum,  
eo maiora facis: id ipſum inædibiliter gaudeo, a  
te eum diligere.

ARGU-



*De tota constitutione belli quid sentiat perscribit, & Brutum ad maiorem severitatem, proposito reipubl. summo periculo, excitat.*

## CICERO BRUTO S.

**Q**uæ litteræ tuo nomine recitatæ sint Id. Aprilis in senatu, eodemque tempore Antonii, credo ad te scripsisse tuos: quorum ego nemini concedo. Sed nihil necesse erat eadem omnes: illud necesse me ad te scribere, quid sentirem de tota constitutione hujus belli, & quo iudicio essem, quaque sententia. voluntas mea, Brute, de summa republica semper eadem fuit, quæ tua: ratio quibusdam in rebus (non enim omnibus) paullo fortasse vehementior. Scis mihi semper placuisse, non rege solum, sed regno liberari rempublicam. Tu lenius, immortalis omnino cum tua laude: sed quid melius fuerit, magno dolore sensimus, magno periculo sentimus. Recenti illo tempore, tu omnia ad pacem, quæ oratione confici non poterat: ego omnia ad libertatem, quæ sine pace nulla est: pacem ipsam bello atque armis effici posse arbitrabar. Studia non deerunt arma poscentium, quorum repressimus impetum, ardoremque restinximus. Itaque res in eum locum venerat, ut nisi Cæsari Octaviano deus quidam illam mentem dedisset, in potestatem perditissimi hominis & turpissimi M. Antonii veniendum fuerit: quocum vides hoc tempore ipso, quod sit, quantumque certamen. Id pro nullum esset, nisi tum conservatus esset Antonius. Sed hæc omitto. res enim a te gesta memorabilis & pænæ cælestis repellit omnes reprehensiones: quippe quæ ne laude quidem satis idonea affici possit. Exstitisti nuper vultu severo: exercitum, copias, legiones idoneas per te brevi tempore comparasti. Dii immortales! qui ille nuntius, quæ illæ litteræ, quæ lætitia senatus, quæ alacritas

Cic. Epist. Tom. II.

Nn

civi:



civitatis erat! nihil umquam vidi tam omnium consensione laudatum. Erat expectatio reliquiarum Antonii: quem equitatu, legionibusque magna ex parte spoliaras. ea quoque habuit exitum optabilem. Nam tuæ litteræ, quæ recitata in senatu sunt, & imperatoris consilium, & militum virtutem, & industriam tuorum, in quibus Ciceronis mei, declarant. Quodsi tuis placuisset, de his litteris referri, & nisi in tempus turbulentissimum, post discessum Pansæ consulis, incidissent, honos quoque iustus & debitus diis immortalibus decretus esset. Ecce tibi Idib. April. advolat mane celer Pilus, qui vir! dii boni, quam gravis! quam constans! quam bonarum in república partium! Hic epistolas affert duas, unam tuo nomine, alteram Antonii. dat Servilio tribuno plebis; ille Cornuto: recitantur in senatu. ANTONIUS PROCOS. magna admiratio, ut si esset recitatum, DOLABELLA IMPERATOR, a quo quidem venerant tabellarii: sed nemo Pili similis, qui proferre litteras auderet, aut magistratibus reddere. Tuæ recitantur, breves illæ quidem, sed in Antonium admodum lenes. vehementer admiratus senatus. mihi autem non erat explicatum, quid agerem. falsas dicerem? quid si tu eas approbasses? confirmarem? non erat dignitatis tuæ. itaque ille dies silentio. Postridie autem cum sermo increbruisset, Pilusque oculos vehementius hominum offendisset, natum omnino est principium a me. De procos. Antonio multa; Sextius causæ non defuit. Post mecum: quanto suum filiam, quanto meum in periculo futurum duceret, si contra procos. arma tulissent. nostri hominem: causæ non defuit. Dixerunt etiam alii. Labeo vero non ster nec signum tuum in epistola, nec diem appositum, nec te scripsisse ad tuos, ut soleres. hoc cogere volebat, falsas litteras esse, &, si quaris, probabat. Nunc tuum est consilium, Brute, de toto genere belli. Video te lenitate delectari, & eum putare fructum esse maximum: præclare quidem,



dem, sed aliis rebus, aliis temporibus, locus esse solet debetque clementiæ. Nunc quid agitur, Brute? templis deorum immortalium imminet hominum egentium & perditorum spes, nec quidquam aliud decernitur hoc bello, nisi utrum simus, necne. cui parcimus, aut quid agimus? His ergo consulimus, quibus victoribus vestigium nostrum nullum relinquetur? Nam quid interest inter Dolabellam, & quemvis Antoniorum trium? quorum si cui parcimus, duri fuimus in Dolabella. Hæc ut ita sentiret senatus populusque Romanus, etsi res ipsa cogebat tamen maxima ex parte nostro consilio atque auctoritate perfectum est. Tu si hanc rationem non probas, tuam sententiam defendam, non relinquam meam. neque dissolutum a te quidquam homines exspectant, neque crudele. Hujus rei moderatio facilis est, ut in duces vehemens sis, in milites liberalis. Ciceronem meum, mi Brute, velim quam plurimum tecum habeas. Virtutis disciplinam meliorem reperiet nullam, quam contemplationem atque imitationem tui. XIII. Kalend. Maji.

## A R G U M E N T U M.

8

*Gravis & vehemens invectiva in Octavium, qui subito commutata voluntate optimatum & senatus partes reliquerat & se ad Antonium contulerat.*

## CICERO OCTAVIO S.

*Hæc epistola non est Ciceronis: sed declamatoris alicujus.*

**S**i per tuas legiones mihi licitum fuisset, quæ non mihi meo, populoque Romano sunt inimicissimæ, venire in senatum, coramque de republica disputare, fecissem: neque tam libenter, quam necessario. nulla enim remedia, quæ vulneribus adhibentur, tam faciunt dolorem, quam quæ sunt salutaria. sed quoniam cohortibus armatis circum-



septus senatus, nihil aliud vere potest decernere,  
 nisi timere: (in Capitolio signa sunt, in urbe mi-  
 lites vagantur, in Campo castra ponuntur, & Ita-  
 lia tota, legionibus ad libertatem nostram conscri-  
 ptis, ad servitutem adductis, equitatuque exterarum  
 nationum, distinetur:) cedam tibi in præsentia foro,  
 curia, & sanctissimis deorum immortalium templis:  
 in quibus, reviviscente jam libertate, deinde rur-  
 sus oppressa, senatus nihil consulitur, timet multa,  
 assentitur omnia post etiam paullo, temporibus ita  
 postulantibus, cedam urbe: quam per me conser-  
 vatam, ut esset libera, in servitute videre non  
 potero cedam vita, quæ quamquam sollicita est,  
 tamen, si profutura est reipublicæ, bona spe poste-  
 ritatis me consolatur: qua sublata, non dubitanter  
 occidam, atque ita cedam, ut fortuna iudicio meo,  
 non animus mihi defuisse videatur. Illud vero,  
 quod & præsentis doloris est indicium, & præte-  
 ritæ injuriæ testimonium, & absentium sensus signi-  
 ficatio, non prætermittam, quin, quoniam coram id  
 facere prohibeor, absens prosum: siquidem mea sal-  
 us aut utilis reipublicæ est, aut conjuncta certe  
 publicæ salutis. Nam, per deum immortalium fi-  
 dem, (nisi forte frustra eos appello, quorum aures  
 atque animus a nobis abhorrent,) perque fortunam  
 populi Romani, (quæ, quamquam nobis infesta est,  
 fuit aliquando propitia, & ut spero, futura est,)  
 quis tam expertus humanitatis, quis hujus urbis no-  
 mini ac sedibus usque adeo est inimicus, ut ista  
 aut dissimulare possit, aut non dolere? aut, si nulla  
 ratione publicis incommodis mederi queat, non  
 morte proprium periculum vitet? Nam, ut or-  
 diar ab initio, & perducam ad extremum, & no-  
 vissima conferam primis, quæ non posterior dies  
 acerbior priore? & quæ non insequens hora ante-  
 cedente calamitosior populo Romano illuxit? M.  
 Antonius, vir animi maximi, (utinam etiam sa-  
 pientis consilii fuisset!) C. Casare, fortissime, sed  
 parum feliciter, a reipublicæ dominatione summo-  
 concu-



concupierat magis regium, quam libera civitas pati poterat, principatum. publicam dilapidabat pecuniam, ærarium exhauriebat, muniebat vectigalia, donabat civitates: ex commentario dictaturam gerebat; leges imponebat; prohibebat dictatorem creari plebiscito; ipse regnabat in consulatu: provincas unus omnes concupiebat. cui sordebat Macedonia provincia, quam victor sibi sumserat Cæsar, quid de hoc sperare aut exspectare nos oportebat? Exististi tu vindex nostræ libertatis, ut tunc quidem, optimus, (quod utinam neque nostra nos opinio, neque tua fides fefellisset!) & veteranis in unum conductis, & duabus legionibus a perniciæ patriæ ad salutem avocatis, subito prope jam affectam ac prostratam rempublicam tuis opibus extulisti. Quæ tibi non ante, quam postulares; majora, quam velles; plura, quam sperares, detulit senatus? Dedit fasces, ut cum auctoritate defensorem haberet, non ut imperio se adversum amaret. Appellavit imperatorem, hostium exercitu pulso, tribuens honorem, non ut sua cæde cæsus ille fugiens exercitus te nominaret imperatorem. Decrevit in foro statuam, locum in senatu, summum honorem ante tempus. Si quid aliud est, quod dari possit, addat. Quid aliud est majus, quod velis sumere? Sin autem supra ætatem, supra consuetudinem, supra etiam mortalitatem tuam tibi sunt omnia tributa: cur aut ingratus crudeliter, aut immemor beneficii scelerate circumscribis senatum? Quo te misimus? a quibus reverteris? contra quos armavimus? quibus arma cogitas inferre? a quibus exercitum abducis? & quos adversus aciem struis? Cur hostis relinquitur? civis hostis loco ponitur? cur castra medio itinere longius adversariorum castris, & propius urbem moventur? O me numquam sapientem, & aliquando id, quod non eram, frustra existimatum! quantum te, popule Romane, de me fefellit opinio? O meam calamitosam ac præcipientem senectutem! O turpem exacta dementique ætate



caniciem! Ego patres conscriptos ad parricidium induxi: ego rempublicam fefelli: ego ipse senatum sibi manus afferre coegi, cum te, Junonium puerum, & matris tuæ partum aureum esse dixi. Ac te fata patria Paridem futurum prædicabant, qui vastares urbem incendio, Italiam bello, qui castra in templis deorum immortalium, senatum in castris habiturus esses. O miseram, & in brevi tam celerem & tam variam reipublicæ commutationem! Quisnam tali futurus ingenio est, qui possit hæc ita mandare litteris, ut facta, non ficta videantur esse? Quis erit tanta animi facilitate, qui, quæ verissime memoria propagata fuerint, non fabulæ similia sit existimaturus? Cogita enim Antonium hostem judicatum, ab eo circumfessum consulem designatum, eundemque reipublicæ parentem: te profectum ad consulem liberandum & hostem opprimendum, hostemque a te fugatum, & consulem obsidione liberatum: deinde paullo post fugatum illum hostem arcessitum, tamquam coheredem mortua republica ad bona populi Romani rapienda: consulem designatum rursus inclusum eo, ubi se non mœnibus, sed fluminibus & montibus tueretur. Hæc quis conabitur exponere? quis credere audebit? liceat semel impune peccasse: sit erranti medicina confessio. Verum enim dicam. utinam te potius, Antoni, dominum non expulissemus, quam hunc reciperemus! non quod ulla sit optanda servitus, sed quia dignitate domini minus turpis est fortuna servii in duobus autem malis cum fugiendum majus sit, levius est eligendum. Ille tamen ea exorabat, quæ volebat auferre: tu extorques. Ille consul provinciam petebat: tu privatus concupisti. Ille ad malorum salutem judicia constituebat, & leges ferebat: tu ad perniciem optimorum. Ille a sanguine & incendio servorum Capitolium tuebatur: tu cruore & flamma cuncta delere vis. Si, qui dabat provincias Cassio, & Brutis, & illis custodibus nominis nostri, regnabat, quid faciet,




ciet, qui vitam adimit? si qui urbe ejiciebat tyrannus erat: quem hunc vocemus, qui ne locum quidem reliquit exilio? Itaque si quid illæ majorum nostrorum sepultæ reliquæ sapiunt, si non una cum corpore sensus omnis, uno atque eodem consumtus est igni; quid illis interrogantibus, quid agat nunc populus Romanus, respondebit aliquis nostrum, qui proximus in illam æternam domum decesserit? aut quem accipient de suis posteris nuntium illi veteres Africani, Maximi, Faulli, Scipiones? quid de sua patria audient, quam spoliis triumphisque decorarunt? an esse quendam annos xvii, natum, cujus avus fuerit argentarius, adstipulator pater; uterque vero precarium quæstum fecerit, sed alter usque ad senectutem, ut non negaret: alter a pueritia, ut non posset non confiteri: eum agere, rapere rempublicam, cui nulla virtus, nullæ bello subactæ & ad imperium adjunctæ provinciæ, nulla dignitas majorum conciliaffet eam potentiam, sed forma per dedecus, pecuniam & nomen nobile consccleratum impudicitia dedisset: veteres vulneribus & ætate confectos Julianos gladiatores, egen-tes reliquias Cæsaris ludi, ad rudem compulisset? quibus ille septus omnia misceret, nulli parceret, sibi viveret. Qui tamquam in dotali matrimonio rempublicam testamento legatam sibi obtineret. Audient duo Decii servire eos cives, qui ut hostibus imperarent, victoriæ se devoverunt. Audiet C. Marius impudico domino parere nos, qui ne militem quidem habere voluit nisi pudicum. Audiet Brutus eum populum, quem ipse primo, post progenies ejus a regibus liberavit, pro turpi stupro datum in servitutem. Quæ quidem si nullo alio, me tamen internuntio ad illos celeriter deferentur. nam si vivus ista subterfugere non potero, una cum illis vitam simul fugere decrevi.

F I N I S.









80





D.  
1.2.